



BIBL. NAZ.

Vitt. Emanuele III

165

C

17-20

17-20

INSTITVTIONVM
IVRIS CANONICI

Communis & Neapolitani

A CAROLO GAGLIARDO


SACRORVM CANONVM INTERPRETE

In Regio Gymnasio Neapolitano
elucubratarum

L I B E R I.

EDITIO SECVNDA

Auctior & emendatio.



NEAPOLI MDCCLXVI.

TYPIS IOSEPHI RAYMONDI
SVPERIORVM FACVLTATE.





CLEMENTI . XIII

PONTIFICI . MAXIMO

Q V E M

INNOCENTIA . VITÆ . MORVMQVE . SANCTITVDO
PROFVSA . IN . PAVPERES . LIBERALITAS
PRÆMATVRVM . DIVINÆ . SAPIENTIÆ . STVDIVM
ABSCONditÆ . PRVDENTIBVS . SECVLI
PARVVLIS . REVELATÆ
QVÆ . CÔRDE . HVMILES . EXALTAT
DOCTIS . FABVLIS . PROFANISQVE . LITTERIS
QVÆ . PECTORA . INFLANT . MORTALIVM . POSTHABITIS
CVRA . TVM . GREGIS . PATAVINI
FIDELISSIMA . ET . PRVDENTISSIMA
SVPREMVm . TOTIVS . OVILIS . DOMINICI
PASTOREM . POSTVLARVNT
DIVINA . VERO . QVÆ
NVNQVAM . FALLIT . NEQ . FALLITVR . PROVIDENTIA
VT . PRÆMIA . VIRTVTVM . SPLENDEANT . IN . TERRIS
CORONA . TRIPLICI . DECORAVIT
MOX . PASTORALIS . VIGILANTIA
COLLECTAS . OVES . ABVNDE . PASCENS
REDVCENSQVE . DEVIAS
LVPOS . ARCENS . MERCENARIOS . COMPRIMENS
CVSTODES . ET . COMMISTROS . PROTEGENS
ADSCITIS . IN . CONSILIVM
SEDISQ . SVÆ . MINISTERIVM . SPLENDIDISSIMVM
VI-

VIRIS . LECTISSIMIS . ET . PROBATISSIMIS
HOSTILES . IN . ECCLESIAM . IMPETVS
CÆLESTIBVS . MAGIS . QVAM . TERRENIS . AVXILIIS
PRECIBVS . AC . FIDE . IN . DEVM . FIRMISSIMA
APOSTOLICO . MORE . MAIORVM
AVERTENS . AC . RETVNDENS
OPTIMVM . PIVM . SANCTISSIMVM
B. PETRI . SVCCESOREM
QVAQVAVERSVS . PRÆDICAT

E I D E M

CHRISTIANÆ . REIPVBLICÆ . VNIVERSÆ
PONTIFICI . PARENTI . MAGISTROQ.
IVSTITIÆ . CVLTORI . EXIMIO
PERPETVO . INIQVITATIS . HOSTI

Q V I

EXEMPLO . MAGIS . QVAM . IMPERIO
SVBDITOS . IN OFFICIO . CONTINET
SVVMQVE . LEGIBVS . PRINCIPATVM
POMPA . LEGISLATORIS . NEGLECTA
VOLENS . LVBENSQVE . SVBMITTIT
CAROLVS . GAGLIARDVS
. INSTITVTIONES . IVRIS . CANONICI
IN . QVATVOR . VOLVMINA . DISTRIBVTAS
APOSTOLICÆ . SEDIS . IVDICIO . CORRIGENDAS
DEVOTVS . NVMINI . MAIESTATIQUE . IPSIVS

D. D. D.

I N D E X

TITVLORVM, CAPITVLM & §§.

L I B R I I.

TIT. I.	D E Iure Canonico.	pag. 5
II.	De Sacris Scripturis.	11
III.	De Sacris Traditionibus.	23
IV.	De Consuetudinibus.	28
V.	De Constitutionibus & legibus.	37
VI.	De Conciliis.	54
CAP. II.	De Nationalibus.	80
CAP. III.	De Prouincialibus.	ibid.
CAP. IV.	De Diœcesanis Synodis.	84
CAP. V.	De mistis & regiis Synodis.	88
VII.	De pontificiis Decretis, Decretalibus, Epistolis, Bullis, Breuib. & Regulis Cancellariæ.	89
VIII.	De Sanctorum Patrum sententiis.	97
IX.	De Collectionibus canonum.	101
X.	De Concordatis.	116
XI.	De Iure Personarum.	122
XII.	De Summo Pontifice.	125
XIII.	De Cardinalibus.	152
XIV.	De Patriarchis.	179
XV.	De Primatibus & Exarchis.	200
XVI.	De Metropolitanis & Archiepiscopis.	210
XVII.	De Pallio archiepiscopali.	223
XVIII.	De Episcopis.	232
XIX.	De Episcoporum electione & nominatione.	263
XX.	De confirmatione & consecratione Episcoporum.	287
XXI.	De Papæ electione & electoribus.	297
§. I.	De officio & potestate Cardinalium Sede vacante.	320
	§. II.	

§. II. De rebus ante conclauē gerendis.	326
§. III. De clausura conclauis.	328
§. IV. De forma electionis Papæ.	334
TIT. XXVII. De Legatis & Nuntiis.	344
§. I. De Sicilia Rege Legato & Iudice Monarchia.	361
§. II. De Nunzio Neapolis.	382
XXIII. De Capellano Maiore Regis Neapolitani.	393
XXIV. De Prælati inferioribus.	248
XXV. De Iudicibus ordinariis, & delegatis, synodali- bus, & conseruatoribus.	442
XXVI. De Vicariis generalibus Episcoporum.	458
XXVII. De Vicario capitulari, & apostolico.	469
XXVIII. De Capitulo cathedrali, eiusque Dignitatibus, & Canonicis.	478
XXIX. De Dignitatibus, & Personaribus, & officiis ca- thedralium, & collegiarum.	506
XXX. De Parochiis & oppidanis Archipresbyteris.	527
XXXI. De Presbyteris, diaconis, ceteris inferiorum or- dinum clericis.	545
XXXII, & VLT. De Regularibus.	572



INSTITVTIONVM I VRIS CANONICI

L I B E R I.



Vanquam vos, optimæ spei adolescentes, bonis primum artibus per diu exultos, tum philosophicis ac theologicis doctrinis bene auctos iam esse oportet ob insignem & eruditorum docentium sedulitatem, & addiscentium studiosorum laborem: tamen superest, vt animos virefque ad Iuris ecclesiastici scientiam mox comparandam adiungatis. Si huius vel auctoritatem vel materiem vel scopum spectaueritis, maxima ipsius vtilitas & præstantia inter ceteras omnes disciplinas apparebit exemplo. Sacros enim canones non humanitus adinuentos, sed diuinis oraculis & apostolicis traditionibus initio proditos, pastores dominici gregis, in vices Apostolorum suffecti, sanxerunt & sensim pro temporum necessitate ampliarunt ea spiritali potestate, quam a Christo Domino traditam ecclesiæ suæ nullus catholicorum inficiatur. Doctrinam fidei pertractant, morumque disciplinam ad formam præceptorum naturalium & diuinorum. Orthodoxam in primis veritatem tuentur in ecclesia

Tom. I.

A

Dei

Dei viui, quæ ab Apostolo dicitur *columna & firmamentum veritatis* (a). Tum hierarchiam, velut castrorum aciem, coordinant ex episcopis, presbyteris & ministris, sua cuique munia distribuendo; rebus diuinis & sacris & religiosis quo pacto clerus & populus vtantur, vt pie, honesteque conuerfentur, & lædant neminem, & suum cuique tribuant, disponunt; quæstiones denique ad forum ecclesiæ pertinentes diiudicandi normam statuunt, & crimina coercendi & criminolos plectendi ad emendationem. Eoque collineant, vt christicolæ neque a recta fide, neque ab operibus iustitiæ declinantes tuto dirigantur ad sedes cœlitum. Quid ergo hoc ipso iure præstantius, quod ab auctoritate diuina & apostolica profectum est? Quid iucundius, quam sapere quod circa fidem & hierarchicum regimen, resque diuinas & sacras & iudicia ecclesiæ versatur? Quid vtilius, quam veræ, æternæque felicitatis captandæ regulas tutissimas perferunt? Affinibus idcirco disciplinis præsertim ethicæ, theologiæ, iurique ciuili, vt ceteras præteream, idipsum dominari, nemo in ecclesia vel hospes nescius est. Moralia sane philosophorum præcepta, quæ christianæ doctrinæ non semel aduersantur, vitiaque multoties pro virtutibus commendant, ad rectam sacrorum canonum amussim corrigenda sunt & adæquanda. Theologi assertiones & argumenta e sacris conciliorum, Sedisque apostolicæ dogmatibus & definitionibus plerunque desumunt ad profligandas hæreses, peruersasque fanaticorum opiniones. Iurisprudentes demum nisi diuinarum rerum notitia præter humanas præpolleant, scientiam iusti atque iniusti nec satis dignoscere, nec tuto poterunt adhibere. Propterea *sacros canones non minus, quam leges valere; quodque sacri canones prohibent, id etiam per leges aboleri*, Iustinianus asseruit apertissime (b). Idemque saniori consilio pronunciauit, quod vbi humanis & ciuilibus

(a) *Epist. 1 ad Timoth. cap. 3 vers. 15.*

(b) *L. sacris 45 C. de episcopis & clericis.*

libus legibus aduersentur canones: hos quidem in iis, quæ ad animarum salutem pertinent, *sequi non dedignantur leges* (a). Quotus igitur quisque vestrum erit, qui iuris pontificii neglexerit scientiam? Nulli sacerdotum licet canones ignorare, secundum Cœlestini Papæ sententiam (b). Et Patres concilii Carthaginensis, inter quos effulsit S. Augustinus, constituere simul duxerunt, ut ordinandis clericis prius ab ordinatoribus suis decreta conciliorum auribus eorum inculcarentur (c). Sciant clerici in sorte dominica permansuri, ex decreto concilii Toletani IV (d), *scripturas & canones, ut adificent cunctos tam fidei scientia, quam operum disciplina*. Laici vero obtemperent Imperatori præcipienti, *plus studii adhibendum esse circa sacrorum canonum & diuinarum legum custodiam, quæ super salute animarum definita sunt, quam circa leges ciuiles* (e). Agedum alacri assiduoque studio hæc sacrorum canonum prima elementa accipite, quibus præcognitis ad peruia sacri Iuris penetralia veluti per tritam semitam progrediamini. Virtute atque ingenio macti estote.

Quatuor in libros distribuuntur. In primo ad totius operis apparatus, nomina, definitiones, diuisiones, origo, progressus, volumina, collectiones Iuris canonici explicantur: tum sermo erit de *personis*, de gradibus nimirum hierarchiæ ecclesiasticæ a summo Pontifice ad clericos & ministros vsque infimos tam seculares quam regulares; eorumque dignitatibus & officiis. In II de *rebus* tam spiritualibus, quam temporalibus ecclesiæ & clericorum: videlicet de Sacramentis & sacramentalibus, de ecclesiis, earumque priuilegiis & bonis, de beneficiis, decimis, aliisque iuribus clericalibus. In III de *iudiciis*, de foro competenti & forma ciuiliū disceptationum. In IV denique de *iudiciis criminalibus*, eorumque forma,

A 2

(a) Nou. 83 cap. 1, quam Lucius III spectasse videtur in cap. 1 de noui oper. nunc.

(b) In ep. ad episcopos per Apuliam & Calabriam constitutos in can. nulli 4 dist. 38.

(c) Can. placuit 7 ead. dist.

(d) An. 633 in can. 1 ibidem.

(e) Nou. 137 in prefat.

ma, de criminibus, eorumque pœnis & censuris.

In his utcumque conscribendis præcepta communia tam veteris, quam nouæ disciplinæ ordinatim sub singulis rubricis & capitulis tradere satagam, & rationes vtriusque patefacere: ut inde appareat, cur vetustum rigorem temperare, formamque regiminis & iudiciorum primitiuæ ecclesiæ simpliciorē & paupertati euangelicæ magis consentaneam coadi sint sensim nouare Patres & Pontifices æui recentioris, ut tempori seruirent, ac necessitatibus in dies emergentibus consulerent. Veneranda quidem antiquitas est, eiusque ipsius felicitas nunquam satis prædicabitur. At *constitutiones tempore posteriores, potiores sunt his, quæ ipsas præcesserunt* (a). Vetustas porro leges emendari & suppleri nouis placitis debere, ubi necessitas, vel utilitas reipublicæ postulauerit, æqui rerum æstimatores suadent consultissime.

Communi iuri quum veteri tum nouo adnectam in locis opportunis municipales leges, concordata, mores, resque iudicatas, quæ peculiarem huius regni Neapolitani politiam ecclesiasticam spectant; & vberius quæ vim probato vsu obtinent, quam obsoleta commemorabo: ratus Iurisprudentiam canonicam, non secus ac ciuilem, ad rationem agendi practicam potius pertinere, quam speculatiuam. Nam *scire leges non est verba earum tenere, sed vim ac potestatem* (b), vsumque moribus præsertim nostris consentaneum. Hæc vos initio præmonenda putauī. Si tamen quid fortasse aduersum orthodoxæ fidei, Sediue apostolicæ, vel receptis huiusce regni iuribus imprudens protulero: id ego penitus nec dictum nec scriptum volo.

TIT.

(a) Inquit lēsus Modestinus in *l. vi. D. de constit. Princip.* Scite clarissimus Parisiensis archiepiscopus P. de Marca *lib. 3 de concord. sacerdot. & imp. cap. 6.* *Siquis* (ait) *res accurate expendat, non adeo laborabis de discrimine antiqui Iuris, & recentioris: quod rerum & negotiorum varietas ab inuitis Pontificibus pro utilitate reipublicæ Christianæ extorsit.* Itaque eo statu res ecclesiæ nunc posite sunt, ut *siquis de absoluta & integra restitutione iuris antiqui, & noui abolitione contendat; perinde agat, ac si imperiorum innumeratorum administrationem ad eam formam reuocare velit, quæ in ipsis regnorum initiis obtinebat.*

(b) Ex Cello lēto in *l. scire leges 17 D. de legibus.*

De Iure Canonico.

- 1 *Ius a iusto dictum est ars boni & æqui :*
- 2 *Vti canon regulam , sic & canonicus regularem sonat . Regulam vero quum mechanici , tum liberalium artium magistri appellant , quæ recte ducit .*
- 3 *Iureconsulti canonem saepe nuncupant certam pecuniarum pensionem aut præbendam aut peculiarem sacrificii ritum .*
- 4 *Hic speciatim accipitur pro præcepto , quod hominum fidem & mores dirigit .*
- 5 *Ius canonicum esse statuimus , quod leges & instituta ecclesiæ circa fidem , mores , iudicia , personas , resque sacras complectitur .*
- 6 *Illudque sacrum , ecclesiasticum , diuinum , pontificium quoque vocitant .*
- 7 *Finis , materies , auctoritas canonum a civili iure distinguitur .*
- 8 *In rebus omnino ecclesiasticis Ius canonicum potius a civili auctoritatem habet .*
- 9 *Vtrumque vero ius publicam salutem spectat , & alteri alterum plerumque fauet .*
- 10 *Bipartita sacri Iuris præcepta aut fidem immutabilem docent , aut mores mobiles reformant .*
- 11 *Scriptum Ius nostrum diuina & ecclesiastica præcepta exhibet , non scriptum traditiones & consuetudines .*

IVs ideo dictum , quia iustum est , tradit S. Isidorus (a) ; & Ulpianus a iustitia ius appellatum ante docuerat (b) , etymologiam e philosophia , non e grammatica repetentes . Definitur autem , quod sit *ars boni & æqui* (c) : quod scilicet artis præceptis regulas æquitatis & iustitiæ concludat .

II. Ca-

(a) *Can. 1 dist. 3.*

(b) *In l. 1 D. de iust. & iur.*

(c) *In eadem l. 1. Sapientia ars est : certum petat , non casu tentat , ait Seneca ep. 28.*

II. *Canonicum* sonat idem ac regulare: derivatum a græca voce κανὼν, quam latini regulam dicunt. *Canonis* & *regulæ* notio bene lata est. Nam usurpatur tam in mechanicis artibus, quam liberalibus & moralibus disciplinis ad significandam normam, ad quam vnumquodque opus exigitur. Regula porro dicta est, eo quod recte ducit, nec aliquando aliorum trahit. Alii dixerunt *regulam*, quod regat, vel quod normam recte viuendi præbeat, vel quod distortum, prauumque corrigat (a).

III. Peculiares autem *canonis* acceptiones plurimæ sunt, quarum nonnullas in voluminibus vtriusque Iuris frequentiores advertere mox iuvat: aliis prætermisissis, quæ nihil ad rem faciunt nostram. Sæpe *canon* dicitur ea pecuniarum vel frugum *pensitatio* modo annua, modo menstrua, quam *emphiteutæ*, alique id genus debitores censuales dominis fundorum directis & creditoribus persolunt: quemadmodum & ea, quam subditi pro tributis Principi, Reique publicæ præstant (b). Quo sensu Iustinianus *canonicarios* nuncupauit exactores eiusmodi tributorum (c). In antiquis conciliis haud raro sumtus est pro matricula seu syllabo clericorum, qui necessaria vitæ subsidia dietim, vel præbendas regulares a suis accipiebant ecclesiis: ipsasque præbendas *canonias* appellabant (d). In sacris ritibus *canon missæ* vocitatur passim ordinaria & immutabilis sacrificii *confectio*, quæ a diuo Ambrosio dicta est *regula consecrationis*, a diuo Basilio *secretum*.

IV. Hoc autem titulo, & sæpissime apud auctores vtriusque iuris antonomastice canones significant ecclesiastica præcepta, quibus fides, moresque mortalium ad vitam instituantur æternam (e).

V. Pau-

(a) Ibid. in *can.* 2 *dist.* 3.

(b) Ad hanc notionem pertinet tit. C. de *canonum largitione* lib. 10, aliusque de *canone frumentario urbis Romæ* lib. 11.

(c) Non. 128 *cap.* 16.

(d) Ciron. ad *paratit.* de *præbendis*.

(e) Hoc sensu vsus est Apostolus ad Galathas *cap.* 6 *vers.* 16 scribens.

Qui-

V. Paulus Lancellottus Ius canonicum esse definiuit, quod ciuium actiones ad finem æternæ beatitudinis dirigir. Definitionem hanc nemo logicorum probauerit. Ea enim quod ad genus spectat, pluribus conuenit, præsertim eloquentiæ sacræ concionantium, asceticorum, sacrorumque librorum lectioni, cathechismo, ac theologiæ morali, homines perinde dirigentibus ad sempiternam felicitatem, ac sacris canonibus: at vero differentiam, quæ specialem canonici Iuris naturam exprimeret, nullo penitus verbo designauit. Finem potius, quam essentiam inditam & constituentem Lancellottus descripsisse videtur. Aliæ aliis definitiones arrident: hæc mihi. Ius canonicum est, quod leges & instituta ecclesiæ circa fidem, mores, iudicia, personas, resque sacras præfacit. Leges (quæ scilicet scripto feruntur) & instituta, scilicet mores & consuetudines, vt genus, perinde ciuili ac canonico Iuri conueniunt. Reliqua definitionis verba specialem canonici Iuris formam exprimunt, & huius ab illo adstruunt differentiam.

VI. Nuncupari etiam solet ius sacrum, ecclesiasticum, diuinum (a), & pontificium.

VII. Ab iure ciuili ecclesiasticum discrepat fine, materie, auctoritate. Nam illud in temporaneam ciuium felicitatem, hoc in æternam intendit. Illud caduca & profana mundi, hoc spiritualia & sacra disponit. Illud regia & imperiali, hoc pontificia nititur potestate (b). Alterutrum suos ha-

Quicumque hanc regulam sequuti fuerint, pax super illos & misericordia. Atque ad Philipp. cap. 3. vers. 16. In eadem permaneamus regula. Non quam memoria teneant (inquit Aug. in ps. 118) & vita negligent, sed quam scient intelligendo, faciant diligendo. Memoria lapis est quodammodo scriptus, non quo adornetur, sed quo prematur; pondus oneris, non titulus honoris.

(a) Innocentius IV in cap. cum de diuersis 2 de privileg. in 6 vigore statuit in vrbe studium diuini & humani iuris.

(b) Duo quippe sunt (scripsit Gelasius Papa ad Anastasium Imp. in ep. quam integram legere est to. 4 Conc. gen. edit. Labbeæ col. 1181, mutilam in can. duo sunt dist. 96.) Imperator Auguste, quibus principaliter mundus hic regitur: auctoritas sacra Pontificum, & regalis potestas. In quibus tanto grauius est pondus sacerdotii, quanto etiam pro ipsis Regibus Domine in diuino reddituri sunt

exa.

habet limiter a D. O. M. distinctos, quos transgredi haud fas est. *Quæ sunt Caesaris Caesari, quæ sunt Dei Deo*, reddenda Christus Dominus iussit (a).

VIII. Ex isto inter ecclesiasticam, regiamque potestatem, atque inter canones & leges discrimine hoc fluit confectarium. Dum canones & Pontifices de rebus spiritualibus & mere ecclesiasticis aliud a legibus & mandatis Principum constituerint, obtemperandum est sacris canonibus & pontificiis sententiis. Plures inde leges civiles abrogauit, correxitque Ius canonicum: quæ scilicet dirimebant matrimonia filiorum familias & seruorum sine consensu parentum & dominorum inita; quæque moderatas viuras, concubinatum, viris coniugatis cum solutis mulieribus mæchiam, necem vxoris in adulterio deprehensæ, mutuam in contractibus fallaciam, malam in vluçapionibus & præscriptionibus fidem permittebant; vel

examine rationem. Nosti enim, fili clementissimo, quod licet præsideas humano generi dignitate, verum tamen diuinarum Præsulibus deuotus colla submittis; atque ab eis causas tuas salutis expectas; inque sumendis cælestibus sacramentis, eisque (vt competi) disponendis subdi te debere cognoscis religionis ordine potius quam præesse. Nosti itaque inter hæc ex illorum te pendere iudicio, non illos ad tuam velle redigi voluntatem. Si enim, quantum ad ordinem pertinet publica disciplina, cognoscentes imperium tibi superna dispositione collatum, legibus tuis ipsi quoque parent religionis antistites, ne vel in rebus mundanis exclusa videantur obuiare sententiæ: quo (rogo) te decet affectu eis obedire, qui pro erogandis venerabilibus sunt attributi mysteriis?

(a) Matth. 22. vers. 21. Basilius Imperator in fine VIII Synodi cœcumenicæ hanc Christiano Imperatore dignam protulit sententiam. De nobis quid amplius dicam, non habeo, quam quod nullo modo nobis licet de ecclesiasticis causis sermonem habere: hoc enim inuestigare & querere Patriarcharum, Pontificum & Sacerdotum est, qui regiminis officium sortiiti sunt; qui sanctificandi, ligandi atque solvendi potestatem habent, qui ecclesiasticas & cælestes adepti sunt clauis: non nostrum, qui pasci debemus. Hac in re vnanimis est Patrum consensus. D. Athanasius in ep. ad solitariam vitam agentes, Osium ita loquentem esse Constantio Imperatori tradit. Ne te misceas ecclesiasticis, neque nobis in hoc genere præcipe: sed potius ea a nobis discet. Tibi Deus imperium commisit; nobis, quæ sunt ecclesiæ, concedidit. Et quemadmodum qui tuum imperium malignis oculis carpit, contradicit ordinationi diuinæ: ita & tu caue, ne quæ sunt ecclesiæ, ad te trahens, magno crimini obnoxius fias. De te scriptum est, quæ sunt Cæsaris Cæsari, & quæ sunt Dei Deo. Neque igitur fas est nobis in terris imperium tenere, neque tu thymiamatum & sacrorum potestatem habes Imperator. Hucusque Athanasius. Cui consonat S. Ambrosius ep. 33 ad Marcellinam sororem suam in can. conuenior ipse 21 C. XLIII qu. 8, & Iohannes Papa in can. 11 dist. 96, ceteri apud Gratianum dist. 10.

contra vetabant & viduis secundas nuptias intra annum latus, & filiis incestuosis alimenta; ceteræ id genus plurimæ, quas in locis opportunis singulas expendam commodius. Has quidem, quas modo delibauimus, canonicas legum correctiones, æquo animo tulerunt catholici Principes, vsusque populorum comprobauit.

IX. Maxima nihilo minus inter vtrunque Ius affinitas est. Vtrunque ciuium salutem intendit (a): externam nempe Ius ciuile, internam vero canonicum. Quum enim ecclesia Dei in terreno imperio consistat, ad societatem humanam felici omine tuendam & conseruandam opus habet auxilio potestatis imperialis & regiæ; quemadmodum e contrario regnum & imperium pro rebus sacris indiget ministerio & potestate sacerdotali: non aliter quam in homine corpus anima, & anima vicissim corpore sustinetur. *Res humanas aliter tutas esse non posse, nisi quæ ad diuinam confessionem perminent, & regia & sacerdotalis defendat auctoritas*, fassus est S. Leo M. (b). Ad coercendos porro contumaces ac refractarios quum clericos tum laicos, vt regulas apostolicas custodiant, & prælatis pareant suis: ecclesia consuevit brachium secularis potestatis implorare (c). Eamque ob rem Constantinus M. se quoque episcopum, at extra, non intra ecclesiam dixit (d). Inde fit, vt sacrorum statuta canonum

Tom. I.

B

Prin-

(a) Quo spectat illud Ciceronis effatum *lib. 1 de legibus: Salus populi suprema lex esto.*

(b) Ad Pulcheriam Augustam scribens in *can. res autem 21 C. xxi qu. 5.* Et S. Augustinus verbis Apostoli ad Romanos comprobat regiæ seueritatis utilitatem in ecclesia, *can. prodest & seueritas vestra 4 eadem c. & qu.*

(c) *Principes seculi* (ait S. Ildorus) nonnunquam intra ecclesiam potestatis adepte culmina tenent, vt per eandem potestatem disciplinam ecclesiasticam muniant. Ceterum intra ecclesiam potestates necessaria non essent, nisi vt, quod non prauales sacerdotes efficere per doctrine sermonem, potestas hoc impleat per disciplinæ terrorem. Sæpe per regnum terrenum caeleste regnum proficit, vt qui intra ecclesiam positi contra fidem & disciplinam ecclesia argunt, rigore Principum conterantur: ipsamque disciplinam, quam ecclesia humiliter exercere non prauales, ceruicibus superbiorum Potestas principalis imponat, *can. Principes 2 eadem c. & qu.*

(d) Eusebius *lib. 4 cap. 29* in vita Constantini, ad episcopos ita loquitur

tum

Principum constitutionibus adiuventur; quodque in vno deest iure, suppleatur ex altero (a). Concilia, decretales, ceteræ constitutiones ecclesiasticæ legibus & placitis Principum redundant, quarum auctoritate sæpenumero patres vñ sunt non sine magno ecclesiarum bono. Interpretes autem & glossæ rationes passim & auctoritates ab altero iure mutantur ad alterius vel dilucidandas vel firmandas sententias. Hæc obiter de civilium legum vtilitate ad ecclesiam profuente: Quanta vero sit earum auctoritas, infra in titulo de constitutionibus edisseretur.

X. Præcepta & instituta Iuris ecclesiastici duas in classes potissimum diuiduntur. Priora doctrinam fidei immutabilem & dogmata æterna tradunt. Posteriora disciplinam morum & politiam reformabilem moderantur. *Regula fidei vna omnino est, sola, immobilis & irreformabilis*, ait Tertullianus (b): quæ nullam passâ est vnquam, nec patietur mutationem vel dispensationem vel varietatem. Secus disciplinæ canones tot tantisque vicissitudinibus affecti. In omnibus conciliis qua generalibus, qua localibus discrimen istud occurrit inter canones fidei, & canones disciplinæ: etiam si initium sumatur a synodis Apostolorum vsque ad Tridentinam. Hinc ecclesiæ per orbem disseminatæ varios quidem ritus, mores & modos regiminis seruant ab ecclesia catholica Romana diuersissimos sine schismate vnâ fidei doctrinam profitentes, & communionem cum ipsa omnium magistra & parente consouentes. Hinc veteris disciplinæ tot conciliis institutæ, totque seculis obseruatæ commutatio in recentiorē; hinc antiquatio & abolitio nouarum constitutionum etiam synodicarum.

XI. Omnem veritatem, & morum disciplinam contineri in

tum Imperatorem tradit. *Vos intra ecclesiam, ego extra ecclesiam a Deo episcopus constitutus sum. Et rursus lib. 3 cap. 26. Ipse tanquam vnus e vestrum numero præsto adsui vna: non enim recusabam, sed gaudebam esse vobiscum minister audiretur quæritur. Dartis ad can. 4 dist. 10.*

(a) Luc. III in cap. intelleximus 1 de nou. oper. nunc.

(b) Tertullian. in lib. de virgin. velan.

in libris scriptis, & sine scripto traditionibus, monuit Tridentina synodus (a). Et S. Isidorus, omne ius scriptis legibus, & moribus non scriptis constare dixit (b). Itaque forma & origine Iuris canonici inspecta, aliud scriptum, aliud non scriptum est. Scriptum constat diuinis & humanis præceptis. Non scriptum vero traditionibus, & moribus seu consuetudinibus. Ad ius diuinum non scriptum traditiones, ad humanum consuetudines referuntur. De omnibus singillatim.

T I T. II.

De Sacris Scripturis.

- 1 *Sacra biblia ius diuinum scriptum continent.*
- 2 *Eorum veritas, & numerus olim incertus.*
- 3 *Alios enim libros authenticos, alios apocryphos, medios alios prisci habebant.*
- 4 *In catalogis eorundem contexendis Latini a Græcis differiebant.*
- 5 *Index tandem Tridentinus 44 veteris Testamenti, & 27 Noui libros authenticos recensuit.*
- 6 *Manassæ orationem, & Esdræ tertium & quartum inter sacros mediæ fidei libros reliquit.*
- 7 *Ceteros omnes inter apocryphos nunc accensent catholici.*
- 8 *Veterem & vulgatam Latinam Tridentinum comprobauit; sed fidem Hebræi & Græci textus antiquiorem nil determinuit.*
- 9 *Detorquentes S. Scripturam a communi ecclesiæ & Patrum sensu ad diuersum vel ad scurrilia damnat & coercet.*
- 10 *Litteralis sensus diuina dogmata & regulas morum exhibet, secus mysticus & allegoricus.*
- 11 *Rerum sacrarum scriptores sine licentia Ordinarii, typographos & venditores anathemate ac multa pecuniaria Synodi*

B 2

di

(a) Trid. sess. 4 in decr. de canonicis Scripturis.

(b) S. Isidor. in can. 2, & seq. dist. 1.

di Lateranensis & Tridentina comprimunt.

- * *Leges municipales impressionem librorum sine regio permisso vetant.*
- 12 *Hoc in regno episcopis permittitur laicos impressores, ac bibliopolas censura tantum ecclesiastica punire.*
- 13 *Ordiniorum revisio & licentia in profanis etiam libris vulgandis requiritur.*
- 14 *Ius diuinum vel naturale & immutabile, quod in decalogo & moralibus praeceptis continetur, vel positium est.*
- 15 *Naturale diuinum ratio ipsa naturalis dicitur mentibus hominum.*
- 16 *Positium cetera vtriusque Testamenti praecepta promunt, aliud in veteri, aliud in noua lege a Deo imperatum.*

Quod in sacris Bibliis & canonicis vtriusque Testamenti Scripturis Deo auctore, eo scilicet inspirante conscriptis continetur, illud reuera & proprie *diuinum Ius scriptum* (a) dicitur; cuius oraculis & sententiis ma-

(a) Digito Dei scriptum Ius diuinum ne putetis. Nam lapideis decalogi tabulis exceptis, quas Dei viuens digito sculptas accepit Moyses, reliqua omnia legis veteris praecepta dedit hominibus Deus per linguas & calamos Moyses, Iosue, Samuelis, Dauidis, Salomonis, aliorumque Prophetarum. *Linguae mea calamus scribe velociter scribentis*, de semetipso ait regius Psalter ps. 44. *Loquutus sum* (inquit Dominus per Oseam cap. 12) *super Prophetas, & ego visionem multiplicavi, & in manu Prophetarum assimilatus sum*. Zacharias apud Lucam cap. 2, locutum esse Dominum affirmavit per os Sanctorum, qui a seculo sunt, prophetarum eius. Praecursor Christi se Dei vocem in deserto clamantem appellauit, Ioan. cap. 1. Apostolorum princeps in sua ep. cap. 2, non voluntate humana (inquit) allata est aliquando prophetia, sed Spiritu Sancto inspirati locuti sunt Sancti Dei homines. Itaque omnis Scriptura diuinitus inspirata est, concludam verbis Apostoli 2 ad Timoth. cap. 3. *Quis haec scripserit, valde supervacue quaeritur*, S. Aug. ait, cum tamen auctor Spiritus Sanctus fideliter credatur. Ipse igitur haec scripsit, qui haec scribenda dictauit: ipse scripsit, qui & illius operis inspirator extitit. Si magni cuiusdam viri susceptis epistolis legeremus verba, eaque quo calamo fuissent scripta quaereremus, ridiculum profecto esset, si non epistolarum & auctorem scire, & sensum cognoscere: sed quali calamo earum verba impressa fuerint, indagare studeremus: ita S. Augustinus de libro Iob in proemio Moralium. Idipsum de noui Testamenti Scripturis sentiendum, quos Euangelistae atque Apostoli nonnisi diuino

maxime redundant concilia, summorum Pontificum respon-
se & placita, omniaque Iuris canonici volumina.

II. Quinam, quotque sint vtriusque Testamenti codices infallibiles, sæpe inter catholicos quoque disputatum est acerrime. Eos plura in diuersas abduxerunt sententias. I, quia aliquot ecclesiæ primitiuis seculis sine vlla Scriptura sacra substituerunt; aliæ non agnouerunt libros omnes canonicos (a); aliæ ob apocryphos vel fraude inimicorum fidei corruptos de veritate ac puritate hagiographorum addubitarunt. II, quia in hagiographorum syllabo nonnullos non referebant Hebræi. III, quia ipsi non hebraica lingua ad formam Pentateuchi, sed Chaldaica vel Græca conscripti circumferebantur.

III. Hinc apud Patres triplex librorum genus. Primum *authenticos* & *canonicos* habebant, ab omnibus ecclesiis aut sacris canonibus receptos. II, inter *apocryphos* referebant ab omnibus vnam sententia ecclesiis vel sacris canonibus reiectos. III, *medios* collocabant inter canonicos & apocryphos, quos aliæ admittebant, aliæ reiciebant ecclesiæ; eorumque auctoritas minus idonea erat, puta probabilis, non item certa (b): cuiusmodi erant duo Machabæorum libri in Africana eccle-
sia

diuino Spiritu afflati confecerunt, alieno etiam calamo & opera vti. Profecto diuus Marcus euangelicos Domini sermones conscripsit, non quia eos a Christi ore audierit, quem nunquam vidit: sed a diuo Petro acceptos vel dictatos, ut pus fidelium votis indulgeret, Euseb. lib. 11 hist. cap. 14. Quam ob rem diuo Petro potius euangelium Marci adscripserunt Tertull. lib. 4 contra Marcion. cap. 5, Clem. Alexandr. apud Euseb. lib. 11 hist. cap. 15, August. lib. 1 de consensu. euang. cap. 2 num. 4. Idemque S. Marcus canonicam S. Petri epistolam vel scripsit, vel traduxit, Fleury lib. 1 hist. pag. 48. Titus domi Pauli discipulus, & interpres & amanuensis perhibetur: tum Tertius, de quo ita in cap. vlt. ep. ad Romanos vers. 22: Saluto vos ego Tertius, qui scripsi epistolam, in Domino. Christus autem seruator os suum in terris aperire dignatus est, scribere nunquam, præter Samaritanæ absolutioriam sententiam. Mutius Abgarî Edessenorum Principis ad Iesum, & Iesu ad Abgarum epistolas, quarum integra exempla inseruit Eusebius lib. 1 hist. cap. 13, vti apocryphas & commentitias respuit ecclesia in Synodo Romana an. 494 sub Gelasio.

(a) Id tradit S. Irenæus episcopus & martyr secundi seculi scriptor lib. 3 cap. 4, Fleury lib. 4 hist. n. 3.

(b) S. August. in can. in canonicis 6 dist. 19, & S. Hieronym. prolog. in Iudith, Innoc. I in ep. ad Exuperium Tolosanum episcopum cap. 27.

sia accepti velut canonici; in orientalibus autem, ceterisque ecclesiis velut dubii & incertæ fidei.

IV. Diuersitas inde catalogorum promanuit inter Græcos, Latinosque Patres nedum in priuatis Patrum scriptis; verum etiam in synodis (a), quæ theologorum, sacrorumque interpretum ingenia bene exercuit. Iidem spartam hanc ipsi ornent, quam nacti sunt. Sine piaculo tamen præterire non posse videor, quæ Tridentinum concilium decreuit de sacrarum Scripturarum indice, versionibus, interpretatione ac sensu, & typographorum libertate.

V. Cum Nouatores impii ac turbulenti plures ex canonicis vtriusque Testamenti libros repudiarent, ab ecclesia probatos & agnitos pluribus sententiis synodorum & Sedis apostolicæ; abutentes discrepantia Patrum in eorum syllabis

(a) Quum Hebræi hagiographorum codicum alios intra Arcam Testamenti seruarent, quibus summa & diuina erat fides; alios extra Arcam, magnæ quidem auctoritatis, sed supparis, non item æqualis prioribus, quod tradit S. Epiphanius in *lib. de ponder. & mensur.* factum est, vt dubia olim fuisset veritas nonnullorum ex istis secundi generis sacris Scripturis veteris Testamenti. Augebatque dubitationem lingua vel chaldaica, vel græca, quam sacri Scriptores in iis primum componendis vsurpauerant: dum Pentatheucum, aliosque primi ordinis dininas Scripturas hebræo sermone accepissent. Meliton Sardorum episcopus secundo seculo primus omnium inter Christianos rexit catalogum sacrorum librorum illi Hebræorum conformem, omisso *Esaiæ* libro: in eoque desiderari etiam *Nehemiæ* librum, sub *Ezra* nomine olim comprehensum, obseruauit Guil. Caue in *Melitone*. S. Athanasius in *Synopsi*, & Synodus Laodicæna *can. 59*, extra canonicorum album adlocarunt velut dubios *Sapientiam*, *Ecclesiasticum*, *Iudith*, *Tobiam*, & *Apocalypsin*. Auctor canonum vulgo apostolicorum *can. 84*, & Synodus Carthagenensis III, canonicis adiecit *Iudith*, & *Tobiam*: secus *Sapientiam*, & *Ecclesiasticum*. Idem insuper apostolicorum canonum auctor ab authenticis exclusit *Apocalypsin*, quem ipsis adiungere Patres Carthagenenses. Innocentius I Pontifex *ep. 3* hos omnes inter canonicos adnumerauit, prætermisiss tamen duobus prioribus Machabæorum. Cui consonat index Gelasii editus in synodo Romana an. 494, tum Eugenii IV in synodo Florentina post discessum Græcorum. *Baruch* item veluti appendicem ad Ieremix Prophetiam, cuius amanuentis erat, conscripserunt alii, puta ex græcis Clemens Alexandrinus *lib. 1 pedagogi cap. 10*, S. Basilus *lib. 4 contra Eunomium*, S. Io. Chrysostomus *or. quod Christus sit Deus*; ex latinis S. Cyprianus *lib. de orat. dominica* & alibi, Synodus Laodicæna *diçl. can. 59*, & Synodus Florentina. Alii reticere, sc. Auctor canonum apostolicorum, Synodus Carthagenensis III, Innocentius I, & Gelasius I.

bis conscribendis : synodus Tridentina ad tuendam veritatem contra hæreticorum calumnias, easque consulto refellendas, ne cui dubitatio suboriri posset, quinam ab ipsa synodo susciperentur, indicem sacrorum librorum edidit, in eoque quadraginta quatuor Veteris Testamenti, & viginti septem Noui singillatim recensuit. *Siquis autem libros ipsos integros cum omnibus suis partibus, prout in ecclesia catholica legi consueverunt, & in veteri vulgata Latina editione habentur, pro sacris & canonicis non susceperis, anathema in eum fulminavit (a).*

VI. Non abs re hic quæritur, an post Tridentinum adhuc consistat tertium genus librorum, dubiæ scilicet, mediæque fidei inter canonicos & apocryphos. Anastasius bibliothecarius genus istud reiicit, librosque dubiæ auctoritatis perinde habet, atque apocryphos. Sed alii cordatiores aliter sentiunt, & adhuc superesse contendunt nonnullos codices mediæ auctoritatis, puta *orationem Manassæ*, tertium & quartum quum *Esdra*, tum *Machabæorum*, in fine Bibliorum vulgatos, ne penitus interirent: utpote quos nonnulli veterum Patrum collaudarunt, atque in vetustis sacræ Scripturæ codicibus quandoque inseruerunt. Nec e contrario eos Tridentina synodus, neque alibi ecclesia mater expresse ad spurios ablegavit. *Omnes libros tam Veteris, quam Novi Te-*

(a) Trid. sess. 4. in decreto de canonicis Scripturis. Qui a Tridentina synodo suscipiuntur libri sacri Testamenti veteris sunt, Genesis, Exodus, Leviticus, Numeri, Deuteronomium, Iosue, Iudicum, Ruth, quatuor Regum, duo Paralipomenon, Esdræ primus, & secundus, qui dicitur Nehemias, Tobias, Iudith, Heister, Iob, Psalterium Davidicum centum quinquaginta Psalmorum, Parabola, Ecclesiastes, Canticum canticorum, Sapientia, Ecclesiasticus, Iſaias, Ieremias, Baruch, Ezechiel, Daniel, duodecim Prophetæ minores, idest Oſea, Ioſel, Amos, Abdias, Ionas, Michæas, Nahum, Abacuc, Sophonias, Aggeus, Zacharias, Malachias, duo Macabæorum, primus, & secundus. Testamenti noui quatuor euangelia secundum Matthæum, Marcum, Lucam & Ioannem, Actus Apostolorum a Luca Evangelista conscripti: quatuordecim epistolæ Pauli Apostoli, ad Romanos, dux ad Corinthios, ad Galathas, ad Ephesios, ad Philippenſes, ad Colossenses, dux ad Theſſalonicenses, dux ad Timotheum, ad Titum, ad Philemonem, ad Hebræos: Petri Apostoli dux, Ioannis Apostoli tres, Iacobi Apostoli una, & Apocalypſis Ioannis Apostoli.

Testamenti, cum *viriusque unus Deus sit auctor*, Synodus ipsa suscipere ac venerari declaravit: quos tamen recensuit in suo indice, omnes esse non dixit, nec nos dicere debemus. *Omnia igitur probare; quod bonum est, tenere*, ex Apostoli monito (a), quod Gelasius ad rem hanc recitavit in synodo Romana (b).

VII. Ceteros sacris scriptoribus falso inscriptos libros velut supposititios ecclesia catholica palam damnauit. Quales sunt (c) libri de poenitentia & filiabus Adæ, Ogiaz gigantis pugna cum dracone post diluuium, testamentum Iacob, testamentum Moysis, eiusque assumptio, libri Enoch, conditio Salomonis, epistola Iesu D. N. ad Agbarum, itinerarium Petri, actus Andreæ, Philippi, Petri, Thomæ, Teclæ, & Pauli; euangelia Thaddæi, Thomæ, Barnabæ, Bartholomæi, Andreæ; de Saluatoris infantia, natiuitate, obstetrice; reuelationes Pauli, Thomæ, Stephani; transitus S. Mariæ, sortes Apostolorum, ceteri eiusdem furfuris a callidis impostoribus conficti.

VIII. Ad versiones quod attinet, synodus Tridentina veterem vulgatam Latinam (quam *Italiam* vocant) ex omnibus latinis editionibus probauit nedum verbis paulo ante recitatis ex priori decreto *sessionis 4*, sed posteriori etiam eiusdem sessionis, ubi declaravit, *ut hæc ipsa verus & vulgata editio, quæ longo tot seculorum usu in ipsa ecclesia probata est, in publicis lectionibus, disputationibus, prædicationibus, expositionibus pro authentica habeatur; & ut nemo illam reuicere quouis prætextu audeat vel præsumat* (d). At vero textui
vel

(a) Ad Thessal. 1 cap. 5 vers. 21.

(b) Gelas. in can. *sancta Romana* 3 dist. 15.

(c) Ex ep. Innoc. I ad Exuperium Tolosanum episcopum, & synodico decreto Gelasii in cit. can. *sancta Romana*.

(d) Per multis Bibliorum latinis editionibus, quas prope innumeras fuisse contendant SS. Hieronymus *præfat. in Iosue*, & Augustinus *lib. 2 de doctr. Christ. cap. 11*, vulgata verus Itala præcelluit semper: propterea quod verborum tenacior sit cum perspicuitate sententia, ait Augustinus *ibidem*. Videtur præ-

vel Hebraico vel Græco vtriusque Testamenti vulgatam hanc latinam nullimode prætulit, nec eius maiori dignitati vel vnguem obrogauit. Hanc enim authenticam, nullisque erroribus aut fidem aut mores lædentibus corruptam pronunciauit: verum non vetuit, quin primæuos textus velut fontes magis illimes ac nitidiores appetant, vt puriorem inde doctrinam hauriant, in versionibus velut riuis quandoque limosam.

IX. Præterea ad coercenda petulantia ingenia, ibidem decreuit S. Synodus, *ut nemo sua prudentiæ innixus in rebus fidei & morum ad ædificationem doctrinæ christianæ pertinentium, sacram Scripturam ad suos sensus contorquens contra eum sensum, quem tenuit & tenet S. mater ecclesia, cuius est indicare de vero sensu & interpretatione Scripturarum sanctarum, aut etiam contra unanimum consensum Patrum (a) ipsam Scri-*

Tom. I. C

prætationem ad lectorem sacris eisdem Bibliis latinis adiectam. Opinantes aliam a nostra vulgatæ editionis præcam Italiam fuisse, id suis non satis probant coniecturæ quum ambiguis, tum leuibus & inanibus, perpetuo Romanæ ecclesiæ viâ penitus elisis.

(a) Quod prædocuit S. Augustinus in *can. quis nesciat 8, & seqq. dist. 9*. Vt ab ecclesia vniuersa, quam concilium œcumenicum repræsentat, & ab omnium ecclesiarum parente ac magistro summo Pontifice adimeret auctoritatem declarandi sensum Scripturæ sacræ, blasphemabat impiissimus Lutherus, cuilibet laico habenti auctoritatem Scripturæ plus credendum, quam Papæ, quam concilio, quam ecclesiæ vniuersæ. Ob idque in Germanicam linguam bis translulit Nouum Testamentum quamplurimis erroribus fædatur (quos vltra mille connumerauit Hieronymus Emser, alique catholici viri) fallacissimus hæresiarcha, ex eo expunctis epistola Pauli ad Hebræos, alia Iacobi, alia B. Iudæ, & Apocalypsi. Sileat Gentiletus Lutheri allecla, qui contra recitatum decretum Tridentini obiicit *can. relatum 14 dist. 37*, vbi hæc habentur. *Multa sunt verba in Scripturis diuinis, quæ possunt trahi ad eum sensum, quem sibi unusquisque sponte præsumserit, sed non oportet. Non enim sensum extrinsecus alienum & extraneum debetis querere, quoquo vi modo ipsum ex Scripturarum auctoritate confirmetis, sed ex ipsis Scripturis sensum capere veritatis oportet.* Sileat, inquam Gentiletus. Si enim genuina esset, qualis non est, Clementis I ep. 5 ad discipulos suos, vnde canon iste in Decreto exscriptus est, eum adhuc ipsa refelleret, qui mutilum exinde fragmentum desumit, prætermittis fraudulentè verbis oblectionem suam palam elidentibus, & sententiam auctoris epistolæ ex diametro oppositam sic exponentibus: & ideo oportet ab eo intelligentiam discere Scripturarum, qui eam a maioribus secundum veritatem sibi traditam seruaui, vt ipse possit ea, quæ recte suscepit, competenter asserere. Igitur qualiscunque sit auctoritas epistolæ

pturam sacram interpretari audeat, etiamsi huiusmodi interpretationes nullo unquam tempore in lucem edenda forent. Qui contrauerint, per Ordinarios declarentur & penis a iure statutis puniantur. Item arbitrariis poenis coercendos sancit velut violatores verbi Dei, qui ad profana, scurrilia, fabulosa, vana, adulationes, detractiones, superstitiones impias, diabolicas incantationes, diuinationes, sortes, libellos famosos verba & sententias sacrae Scripturae conuertunt ac detorquent.

X. Sensus quidem litteralis sacrae Scripturae fidem facit diuinam, eamque infallibilem ad dogmata declaranda, moresque instituendos: secus sensus mysticus & allegoricus plerumque varius humano ingenio, non sancto Spiritu intentus. S. Hieronymus (a) docuit fidei dogmata ex mysticis sensibus non posse efficaciter confirmari. S. Augustinus (b) derisit Donatistas, qui ex illis verbis explicatis: *indica mihi, ubi pascas, ubi cubes in meridie*: colligebant ecclesiam Christi in sola Africa remansisse. Quis non impudenter (ait S. Doctor) nirasur aliquid in allegoria positum pro se interpretari, nisi habeas & manifesta testimonia, quorum lumine illustratur obscura? E recentioribus Card. Bellarminus ad rem inquit (c): *Conuenit inter nos & aduersarios ex solo literalis sensu peti debere argumenta efficacia. Nam cum sensum, qui ex verbis immediate colligitur, certum est sensum esse Spiritus Sancti: at sensus mystici & spirituales varii sunt; & licet adificent, cum non sunt contra fidem aut bonos mores, tamen non semper constet, an sint a Spiritu sancto intenti.* Dum littera Scripturae occiderit, sensus viuificabit (d). Plane stupidos occidit miserrime littera de primogenito Deiparae (e), de mysterio fidei in Sacramento Eucharistiae, de beatitudine eorum, qui seipsos ca-

stra-
solae pseudo Clementis, tantum abest ut ea cum Gentileto & Iuthero priuatis quibuslibet hominibus attribuat sensum Scripturarum ex semetipsis sumere, ut etiam eos contra moneat a maioribus, scilicet ecclesiae Patribus sensum veritatis discere debere.

(a) In comm. ad cap. 17 S. Matthaei.

(b) Ep. 48 ad Vincentium.

(c) Lib. 3 de verbo Dei cap. 3.

(d) Hilarius in cap. intelligentia 6 de verb. sign. cum conc.

(e) Hieronym. in cap. Ioseph. 5 eodem tit.

strauerint ob regnum cœlorum, de superlucro boni trapezitæ, de sacro epithalamio Cantici Canticorum, deque secentis id genus. S. Petrus in epistolis a diuo Paulo scriptis monuit esse *quædam difficilia intellectu, quæ indocti & instabiles deprauant, sicut & ceteras Scripturas ad suam ipsorum perditionem.* (a). Equis negauerit hæreses ex praua sacræ Scripturæ intelligentia deriuatas? Ne putemus ergo in verbis *Scripturarum esse euangelium, sed in sensu; non in superficie, sed in medulla; non in sermonum foliis, sed in radice rationis,* inquam cum dino Hieronymo (b). Ob id sacra biblia in linguam vernaculam translata interdicta sunt, quæ ne episcopo quidem permittente licent (c).

XI. Typographorum secundum hæc libertatem effrænam coercuit Synodus Tridentina, qui sacros libros, & super iisdem annotationes & expositiones quorumlibet sæpe tacito, sæpe etiam ementito prælo, aut sine auctoris nomine imprimerent; aut alibi impressos haberent venales. Vetuit sane (d) *quosuis libros de rebus sacris sine nomine auctoris & imprimi & vendi & retineri & legi & communicari & euulgari, nisi de licentia episcopi seu Ordinarii gratis & scripto danda post eorum examen, quæ in fronte libri*

C 2

au-

(a) 2. Petri cap. 4. v. 16.

(b) In cap. 1 ep. ad Galatas in cam. Marcion 64 C. 1 qu. 1.

(c) Ex reg. 4 Indicis, & Prouinc. Conc. Neap. Card. Cantelmi tit. 1. cap. 5 n. 7, in Italicum sermonem sacras Scripturas primus omnium traduxit Iacobus de Voragine prope finem sæculi XIII: huius versionis lectio proinde Italis vetita. Istæ prohibitio eatenus displicuit P. Quesnellio, vt asseuerare non dubitauerit eam obturare os Christi, & interdicare vsum luminis filiis lucis. Hæc tamen vna non est Quesnelli proscripta assertio, sapiens Luheranam procacitatem, stultitiamque. Eumque sane refellit vniuersalis & constantissima consuetudo ecclesiæ, quæ sacras Scripturas nonnisi hebraice & græce & latine habuit, etiam vbi & quando græca & latina linguæ desinuerant esse vulgo communes. Spiritu enim S. edocta ecclesia satius duxit, vt Sacerdotes verbum Dei populum docerent, quam sacras paginas vernaculo idiomate conscribas dare vniuersis, ne vel insipientibus vel improbis vel mulierculis quibuslibet via pateret corrumpendi reconditam diuinæ Sapientiæ doctrinam; aut sensum suum, in quo abundarent, anteponendi SS. Patrum expositionibus, aut vsurpandi sacerdotale officium prædicationis. (d) Cis. sess. 4. in decr. de edit. & vsu libr. 5. sed & impressoribus.

authentice appareat: & si regulares fuerint auctores, suorum quoque Superiorum licentiam superaddendam iussit sub poena in canone concilii Lateranensis V (a) apposita *anathematis*, & *pecuniae* puta ducatorum centum fabricæ S. Petri de vrbe soluendorum.

XII. Spirituali anathematis censura hoc in regno plebi laicos approbationis & licentiæ episcopalis contentiores in libris imprimendis & vendendis vtrique sinit Potestas laica: secus multa pecuniaria vel corporali districtione, aliisue poenis

(a) Typographiæ arte a Germanis xv seculo inuenta ac perpolita, impressores continuo aggressi sunt quoslibet libros insciis Potestatibus & sine villo earum permisso indiscriminatim publicare. Plurima inde volumina circumserebantur ac prostant vel fidei, bonisque moribus, vel regis dignitati, reique publicæ iniuriosa. Tam contagioso malo in dies recrudescenti, & quaquaversus per orbem lethaliter serpenti, remedium attulit primus omnium Leo X, dum in Concilio Lateranensi V anno 1515 IV nonas Maii edidit sanctionem, ne quis librum aliquem, seu quancunque scripturam imprimeret, nisi post viri periti per episcopum deputandi, & dioecesani hæreticæ prauitatis inquisitoris examen & approbationem propria eorum manu subscribendam gratis & sine dilatione: alias transgressores libros impressos amitterent palam comburendos, multam dec. 100 soluerent fabricæ Basilicæ diui Petri de vrbe, ad annum ab exercitio impressionis suspenderentur, ultra latam excommunicationis censuram; tum in contumacia perseverantes omnibus iuris remediis exemplaribus ab episcopo, vel Papæ Vicario castigarentur. Si librorum genera & poenæ spectentur, latior hac in re fuit sanctio Leonis X, quam Synodi Tridentinæ, quæ de sacris tantummodo libris imprimendis nonnisi post examen & approbationem Ordinariorum sub poena anathematis & pecuniæ casit. Secus quod ad personas. Nam in solos impressores Leo animaduertit; Synodus autem Tridentina in auctores etiam & bibliopolas & enulatores & legentes & detinentes. Seculares inde Principes & magistratos abusibus præli passim inualescentibus, & turbas excitantibus obuiam ire adacti sunt. Neapolim regnante Ferdinando I catholico ars impressoria vt primum appolit, sine lege ad libitum subditorum exercita, est. Carolo V imperante Prorex Petrus de Toledo duos annos ante modo dictam Tridentini Concilii sess. 24 habitam 8 April. 1546, edixit die 15 Octobris 1544, ne theologicos & sacre Scripturæ libros a viginti quinque retro annis impressos, vel anonymos secundis typis quis vnquam imprimeret, retineret, venderet, nisi ante a Capellano Maiori visos & recognitos & prælorum luce dignos auctoritate publica renunciatos: item damnatorum auctorum libros quum vendi, tum retineri prohibuit. Plures deinde pragmatice produerunt, quas legere est sub tit. *de impressione librorum*, municipale typographorum & bibliopolarum regimen præscribentes, præsertim ne cuiuslibet auctoris liber sine sacra, siue profana pertractans typis vulgaretur sine regis Potestatis permisso.

poenis temporalibus. Id quod rerum ante gestarum exempla satis produnt (a).

XIII. Reuifio tamen & licentia dicecefani epifcopi requiritur nedum in libris facris prælo edendis & publicandis iuxta litteram Tridentini decteri; verum etiam in profanis; quum ex bulla Leonis X in concilio Lateranenfi V edita, tum ex more & confuetudine iam inolita; quam obferuandam fore constituit nouiffima lex Concordatorum (b). Nam auctores plerumque ab instituto profano ad facra & ecclefia penetralia excurrunt.

XIV. Diuinum ius tam veteris, quam noui Testamenti aut *naturale*, aut *positiuum* est. Diuini iuris *naturalis* compendium est decalogus: explicatio autem ampla sunt moralia præcepta quum veteris, tum nouæ legis. Ius istud adeo est immutabile, vt nullam omnino variationem aut dispensationem ne Dei (c) quidem ipsius ferat. Deus enim naturæ auctor & æterna naturalis rationis regula in æternum est immutabilis. Quid profecto est lex æterna, nisi ratio diuina vel voluntas Dei ordinem naturalem conseruari iubens, perturbari vetans (d)? Natura igitur ipsa non patitur diuinam dispensationem, nisi destruat. Positis enim adiunctis ordinis naturalis a Deo voliti, necesse est, vt regulæ ad conseruandum eiusmodi ordinem a Deo semel institutæ reipsa & ratione obiecti sint immutabiles atque indispensabiles. Vix tamen, vbi duo mala ita vrgeant, vt alterutrum necesse fit eligi, di-

(a) Apud B. Chioccarell. in *ms. to. 17 archiui tit. 7.*

(b) In fine *cap. 7 dell' introduzione de libri forellieri*. Vbi cautum de nota librorum exteriorum Neapolitano Archiepifcopo, aliisque metropolim Ordinariis danda, antequam e regijs dohanis extrahantur: ne sanctæ fidel, bonisque moribus perniciofa volumina regnicolas, vitramontano vel aceto perfundant vel veneno.

(c) Diuus Thomas, quem communiter fequuntur theologi, docet non poffe Deum præceptis decalogi dispensare de absoluta quoque potentia: quicquid, aliter sentiant cum Caramuele Nominales. Hæc tamen difputatio meffus est alienæ.

(d) Ait S. Aug. *lib. 3 contra Faustum cap. 27*. Immutabilitatem iuris naturalis agnouit etiam Iulianus §. *pen. Inft. de iur. nat. gent. & cin.*

dispensationem diuini iuris tunc permissam eo pacto, ut minus tunc malum eligatur, probat Gratianus (a) auctoritatibus concilii Toletani VIII, & diui Gregorii M.

XV. Idipsum naturale ius diuinum inditum est mentibus hominum sanis, recteque iudicantibus; illudque ratio naturalis Deo sic providente omnibus dictat hominibus etiam paganis. Hæc lex est ratio profecta a natura ad recte faciendum impellens & a delicto auocans; quæ nondum demum incipit esse, quum scripta est, sed tum quum orta est: orta est autem simul cum mente diuina, aiebat Cicero (b). Neminem hinc peccantem in ius naturale ignorantia nulla excusauerit, ex Apostoli sententia (c). Cum enim (ait) gentes, quæ legem non habent, naturaliter ea, quæ legis sunt, faciunt, eiusmodi legem non habentes, ipsi sibi sunt lex: qui ostendunt opus legis scriptum in cordibus suis, testimonium reddente illis conscientia ipsorum, & inter se inuicem cogitationibus accusantibus, aut etiam defendentibus in die, quum iudicabit Deus occulta hominum.

XVI. Posituum ius diuinum est, quod ultra decalogum & præter naturalem humani generis conseruandi necessitatem Deus O. M. præcepit, puta cærimonias & iudicia veteris legis; Sacramenta, eorumque necessitatem, vsumque in euangelio. Hoc quidem ipsius tantum legislatoris arbitrio variari & tolli potest: quemadmodum reapse mysticæ, cærimoniales & iudiciales Hebræorum leges abolitæ a Christo Domino sunt, & prorsus eliminatæ post euangelii promulgationem; sicut ante prædixerat Hieremias (d). Si quæ vero ex Iudæorum legibus exscriptæ, adrogatæque sunt in corpore Iuris

(a) *Dist. 12 per totam.*

(b) *Lib. 2 de legibus.* Is etiam a Philipp. lex, inquit, nihil aliud est, nisi recta, & a numine decum tracta ratio.

(c) *Ep. ad Rom. 2 vers. 14 & 15.*

(d) *Cap. 31 vers. 31 & seq. ibi: Ecce dies venient, dicit Dominus, & feriam domui Israel, & domui Iudæ sedus nouum, non secundum pactum, quod pepigi cum patribus eorum... post dies illos, dicit Dominus, dabo legem meam in visceribus eorum, & in corde eorum scribam eam... Si desceverint leges ista eorum me, dicit Dominus: tunc & semen Israel deficiet, ut non sit gens coram me cunctis diebus.*

ris canonici (a); eas iuris non diuini vim habere, sed humani; ideoque subiectas pontificiis dispensationibus & abolitionibus patet. Nouæ tamen legis ius diuinum positium quoadusque militans ecclesia Christi constiterit, ratum perpetuo permanebit; cuius vim & obligationem nullus hominum potuit nec poterit vnquam relaxare aut infringere, ne summus quidem Pontifex, neque concilium generale, neque vniuersa ecclesia. Interpretandæ solummodo legis diuinæ, eiusque sensum exponendi facultatem Christi Vicario, tum sanctis ecclesiæ Patribus traditam docet fides catholica. Nam *iste*, inquit Christus Apostolis suis (b), *docete omnes gentes, prædicate euangelium omni creaturæ*: non dixit condite, mutate, abrogate, prout malueritis, euangelium.

T I T. III.

De Traditionibus,

- 1 *Oralis Christi lex ab Apostolis ad priscos Patres sine scripto propagata traditio apostolica dicitur.*
- 2 *Plurimos fidei & morum canones traditione antiqua & continua accepimus.*
- 3 *Diuinam ipsius auctoritatem sacra etiam littera commendant.*
- 4 *Hostes traditionum hæretici variis S. Scripturæ locis aburruntur ad eas eneruandas.*
- 5 *Sed aperto earum sensu catholico ii refelluntur.*
- 6 *Vrgent speciatim vetitum a Christo quidquam euangelio addere.*
- 7 *Quod nimirum euangelio aduersatur; secus, quod euangelium explicat vel complet, aiunt catholici.*
- 8 *Ad fidem & mores traditio spectat, non secus quam lex diuina.*

Lex

(a) Ex iudicialibus Hebræorum legibus excerpta sunt in textu Decretalium cap. 1 de homicidio voluntario vel casuali, cap. 1 de furtis, cap. 1 de adulteriis & stupro, cap. 1 de decimis, primitiis & oblationibus, cap. 2 de presumptionibus, cap. vn. de purific. post part. cap. 1 & seqq. usque ad 5 de iniuriis & damno dato, cap. 1 de sepulchris. (b) Matthæi cap. 28 vers. 19.

L Ex oralis (a), quam a Christi ore acceptam Apostoli sine scripto docuerunt & commendarunt discipulis potissimum suis, quamque ab his propagatam succedentes continue episcopi & Patres in ecclesia ut bonum depositum custodiuerunt, & suis etiam scriptis deinde mandarunt: *traditio* adhuc stricta notione dicitur. Scripta enim subsecuta Patrum, unde eas certius accepit ecclesia, ipsarum originem a Christo & Apostolis oralem, & extra sacras Scripturas habitam variare nequiverunt; sed euidentioribus & facilioribus testimoniis comprobantur: quemadmodum & consuetudines moribus inducunt & plurima hominum gesta, quæ sine scripto reuera valent, in scripta rediguntur, ut exinde possint facilius probari (b). In mysterio, idest occulto tradebantur initio coram catechumenis & gentilibus sacratissima instituta Christi, ne ludibrio essent publico ethnicorum: quum vetuisset suis ob id Christus discipulis mittere margaritas ante porcos.

II. Traditionibus apostolicis plurimi canones qua fidei, qua morum innituntur. Veritatem in primis quatuor euangeliorum ex traditione accepisse fatetur Origenes (c), ex eaque Serapion (d) falsum Petro inscriptum a Marcione euangelium repudiavit. Alia nonnulla commemorat præ ceteris di-

(a) Oram legem ex ore Dei Moyses sine scripto septuaginta senioribus tradidisse, & deinceps ab iis ad Iudices & Reges Iuda deriuasse, atque postremo in volumen digestam fuisse a Rabino Iehuda, quod inscriptum est *Mishna*, scilicet *lex secunda*, iactant Hebræi, doce Maimonide in præfat. summæ Thalmudicæ. Duo ex sacris biblis testimonia proferunt pro traditionibus suis. Alterum Exodi cap. 24 vers. 14. *Dabo tibi tabulas lapideas & legem & mandatum*. Vocabulo mandati otalem legem interpretantur. Alterum Deuteronomii 12 vers. 32: *Omne verbum, quod ego præcipio vobis, illud custodietis ut faciatis*. At rabinicas & pharisaicas traditiones legis oralis euerunt ea Deuteronomii verba cap. 4. *Non addetis ad verbum quod vobis loquor, nec auferetis ex eo*. Hæc itidem alia Prouerb. cap. 30. *Omnis sermo Dei ignitus, clypeus est sperantibus in se: ne addas quidequam verbis illius, & arguas, inueniarisque mendax*. Eas inter alios carpit S. Hieronymus ep. 151 ad *Algasium* qu. 10 his verbis: *Quam inanes traditiones Phariseorum sunt & quam aniles fabula, euoluere nequeo*. Pleraque tam surpia sunt, ut erubescam dicere.

(b) Ex Gaio Iſto in l. 4 D. de fid. instr.

(c) Origen. lib. 1 expos. in euang. Matth.

(d) Apud Euseb. lib. 6 hist. cap. 12.

diuus Basilii (a). *Ut signo Crucis eos, qui spem collocarunt in Christum, signemus, quis scripto docuit? ut ad Orientem versi precemur, quæ nos docuit Scriptura? Inuocationis verba, cum conficitur panis Eucharistia, & poculum benedictionis, quis Sanctorum in scripto nobis reliquit? Nec enim his contenti sumus, quæ commemorant Apostolus aut euangelium: verum alia quoque & ante & post dicimus, tanquam multum habentia momenti ad mysterium, quæ ex traditione citra scriptum accepimus. Consecramus autem aquam Baptismatis, & oleum unctionis; præterea ipsum, qui Baptismum accipit, ex quibus scriptis? Nonne a tacita, secretaque traditione? Ipsam porro olei inunctionem quis sermo scripto proditus docuit? Iam ter immergi hominem, unde ex scriptura haustum? Reliqua item, quæ sunt in Baptismo, veluti renuntiare Satana & angelis eius, ex qua Scriptura habemus? Nonne ex doctrina, quam Patres nostri silentio quieto minimeque curioso seruarunt? Pulchre quidem illi, nimirum docti arcanorum venerationem silentio conseruari. Hactenus Doctor M. Paruulis baptismum prodesse ad salutem, & baptizatos ab hæreticis non rebaptizari, S. Augustinus (b) ex traditione apostolica perspicue ostendit contra Donatistas; & peccati originalis maculam in omnes Adæ posteros diffusam, contra Pelagianos (c). Innocentius III Ioannem archiepiscopum Lugdunensem admiratione commotum, quod plura in canone missæ & consecratione Eucharistiæ verba interposita essent, quæ nullus euangelistarum descripsisset; suavit multa tam de verbis quam de factis Domini omissa in euangeliiis, quæ Apostoli vel supplensisse verbo, vel facto expressisse leguntur [d]. Vno verbo Patres quum græci tum latini a primis ecclesiæ sæculis confutare consueuerunt hæreticos & incredulos traditione apostolica, quotiens non perspicua vel nulla proferre possent oracula.*

Tom. I.

D

la

- (a) Lib. de Spiritu Sancto cap. 27, in can. ecclesiasticarum 3 dist. 11.
- (b) Lib. 2 de baptismo contra Donatistas cap. 7, & lib. 5 cap. 23, & 24.
- (c) Lib. 6 contra Iulianum Pelagianum cap. 5.
- (d) Innoc. in cap. cum Martha 6 de celebr. missar.

la Scripturarum: eumque morem ostendunt acta conciliorum & orientalium & occidentalium, præsertim Chalcedonenſis, & ſuccedentium œcumenicorum viſque ad Tridentinum.

III. Diuinam traditionum apoſtolicarum auctoritatem & neceſſitatem plura detegunt oracula Scripturarum. *Fratreſ ſtate & tenete traditiones, quas didiciſtis ſive per ſermonem, ſive per epiſtolam ... Subtrahatis vos ab omni fratre ambulante inordinate, & non ſecundum traditionem, quam acceperunt a nobis, ſcripſit Apoſtolus ad Theſſalonicenſes (a). II, O Timothee, depoſitum cuſtodi, denitans profanas vocum nouitates, idem Apoſtolus ait ad diſcipulum ſuum (b). Et ruruſ (c): Formam habe ſanorum verborum, quæ a me audiſti ... bonum depoſitum cuſtodi per Spiritum S. ... Quæ audiſti a me per multos teſtes, hæc commenda fidelibus hominibus, qui idonei erunt & alios docere ... Tu autem aſſecutus es meam doctrinam, inſtitutionem... permane in iis, quæ didiciſti, & credita ſunt tibi, ſciens a quo didiceris. III, Laudo vos (ipſemet Paulus ait ad Corinthios) fratres, quod per omnia mei memores eſtis: & ſicut tradidi vobis, præcepta mea teneris (d). IV, Multa habui tibi ſcribere, ſed nolui per atramentum & calamum ſcribere tibi. Spero autem proſinus te videre, & os ad os loquemur, ita Gaio B. Ioannes (e). Et alibi: Quod audiſtis ab initio, in vobis permaneat. Si in vobis permaſerit, quod audiſtis ab initio; & vos in Patre manebitis [f].*

IV. Quæ ad euertendam diuinam auctoritatem traditionum obtrudunt hæretici teſtimonia Scripturarum, longe aliud eorum eſt ſenſus ab eo, quem ipſi perperam opinantur. I; obii-ciunt illud Chriſti Domini eſſatum (g): Irritum feciſtis mandatum Dei propter traditionem veſtram ... ſine cauſa autem

(a) 2 ad Theſſal. cap. 2 ver. 14, & cap. 3 verſ. 6. Id eſſe dominicum & verum, quod ſit prius traditum: id autem extraneum & falſum, quod ſit poſterior inmiſſum, Tertullianus ait.

(b) Ep. 1 ad Timoth. cap. 6 verſ. 20.

(c) 2 ad Timoth. cap. 1 verſ. 13, & 14; cap. 2 verſ. 2, & cap. 3 verſ. 14.

(d) 1 ad Corinth. cap. 11 verſ. 2.

(e) Ep. 3 B. Iohannis in fine.

(f) Ep. 1 B. Io. cap. 2 verſ. 24.

(g) Matthæi 15 verſ. 3.

colunt me, docentes doctrinas & mandata hominum. II, Quod diuus Petrus (a) vanam dixit conuersationem paternæ traditionis: III, Apostolus velut inanem fallaciam habuit traditionem illis verbis (b): Videre nequis vos decipiat per philosophiam & inanem fallaciam, secundum traditionem hominum.

V. Quis tamen tam hæbetis erit ingenii, vt non intelligat istis obiectis Scripturarum locis traditiones phariseorum, ethnicorum, aliorumque fallacium hominum solummodo reprobari, quas ipsi commenti sunt vel prorsus inanes & aniles, vel aduersas euangelio: non item apostolicas & ecclesiasticas, fidem in Scripturis tacitam explicantes & complentes? Videre faciem Thessalonicensium cupiebat Apostolus, quid? *vt compleamus (ipse ait) ea, quæ defunt fidei vestræ (c).*

VI. At enim (instant aduersarii) vetitum est a Christo & Apostolis quidquam addi euangelio & sacris Scripturis: Diuus Paulus (d) omnem prædicationem præter euangelium damnavit, inquiens: *Sed licet nos aut angelus de celo euangelizet vobis, præterquam quod euangelizauimus vobis, anathema sit, II, Et rursus (e): Ab infantia sacras literas nosti, quæ te possunt instruere ad salutem per fidem, quæ est in Christo Iesu.* Concludunt exinde scriptis tantum dogmatibus, non traditis standum esse; & superfluas esse traditiones, quum Scripturæ ad salutem sufficiant.

VII. Responde, id nefas est euangelio addere, quod contra euangelium sit: secus quod euangelium explicat & complet. Sane vox latina *præter*, quemadmodum & græca *παρά*, hic & alibi sæpius sonat idem, quod *contra*, sicuti post SS. Hieronymum & Augustinum interpretatur. Estius (f). His prænotionibus pronum erit subuertere argumenta

D 2

omnia

(a) Ep. 1 cap. 1 vers. 18. (b) Ep. ad Colossenses cap. 2 vers. 8.

(c) Ep. ad Thessalonic. cap. 3 vers. 10.

(d) Ep. ad Galathas cap. 1 vers. 8, & 9.

(e) 2 ad Timotheum cap. 3 vers. 15.

(f) Παράνομος hinc dictus, qui contra legem agit, ac legem transgreditur. Plura ad rem congescit Natalis Alexander in hist. 2 sec. dissert. 16 §. 11.

omnia, quæ Dallæus (a) & Riuerus (b) præmortuos hæreticos excitantes promunt aduersus apostolicas traditiones. Earum impugnatores anathemate confixerunt concilia œcumenica V, VI, VII, VIII, Florentinum, & Tridentinum (c). Quibus edocti catholici sacras Scripturas, æque ac traditiones apostolicas *pari pietate ac reuerentia* suscipiunt & venerantur.

VIII. Tum ad fidem, tum ad mores pertinere apostolicas traditiones, commonent Patres Tridentini, vt innuant alias immobiles, alias mutabiles esse.

T I T. IV.

De Consuetudinibus.

- 1 Consuetudo ius est moribus deficiente lege susceptum.
- 2 Legem ea ipsa exponit, supplet, quandoque abrogat.
- 3 Si rationalis ea nimirum sit, aut naturali vel diuino iuri non aduerferur.
- 4 Simul si præscripta legitime sit longo tempore, consensu populi, actibus frequentibus, patientia legislatoris.
- 5 Legitimæ consuetudini lex posterior nonnisi expresse derogat.
- 6 Posterior legitima consuetudo legem anteriorem vincit & abrogat.
- 7 Ea vel vniuersalis omnes ecclesias, vel generalis aliquam nationem, vel particularis aliquam prouinciam seu diocesim seu ecclesiam obstringit.
- 8 Contrarias etiam Romanis moribus consuetudines peculiare locorum probarunt præfati Patres.
- 9 Laicis consuetudinibus clericos alii subdunt, alii non.
- 10 Pro clericis Neapolitanis sententia negans fere inualuit.
- 11 Stilus Curiarum vim peculiaris consuetudinis habet in iudiciis.

A

(a) In lib. de vero Patrum usu.

(b) In tract. de Patrum auctoritate.

(c) Sess. 4 in decr. de canon. Scrip. ibi: si quis ... traditiones prædictas sciens & prudens contempserit; anathema sit.

A. Traditionibus apostolicis consuetudines ecclesiasticae perinde differunt, atque a diuinis iuribus humana (a): licet has cum illis aliqui confundant, qui promiscuas voces latius vsurpant. Mores populi consuetudinem pariunt. Nam consuetudo est *ius quoddam moribus institutum, quod pro lege suscipitur, cum deficiat lex* (b).

II. Vis triplex est consuetudini. Ea imprimis dubiam legem interpretatur (c). II, pro lege seruatur, vbi lex deficiat (d). III, scriptam quandoque legem abrogat (e): dummodo ipsa fuerit & rationabilis, & legitime praescripta [f].

III. *Rationabilis* ea putatur consuetudo, quae nec iuri naturali, nec diuino etiam positiuo Noui Testamenti, nec bonis moribus aduersatur, neque animarum periculum sonet: alias dicenda est corruptela, abusus, vetustas erroris, non consuetudo (g).

IV. *Praescripta* legitime autem habebitur, quam diuturnis iteratisque moribus cum scientia ac tolerantia Pontificum

(a) Eas scite distinxerant SS. Basilius in can. ecclesiasticarum 5 dist. 11, & Augustinus in can. catholica 8 eadem dist. Ecclesiasticarum institutionum (inquit Basilius) quasdam Scripturis, quasdam vero apostolica traditione accepimus, quasdam consuetudine roboratas approbavit vsus, quibus par ritus & idem vtrisque pietatis debetur affectus. Et S. Augustinus, sicut praedicatores (inquit) diuinarum legum, ita contemptores ecclesiasticarum consuetudinum cōcurrendi sunt.

(b) Ex definitione Isidori in can. 5 dist. 1.

(c) Innoc. III in cap. cum dilectus 8 de consuet. & Paul. Ictus in l. 37 D. de legibus, ibi: Si de interpretatione legis quaeratur; in primis inspicendum est, quo iure ciuitas retro vsa fuisse: optima enim legum interpres consuetudo.

(d) Ex cit. Isidoro can. 5. In his rebus, de quibus nihil certi statuit diuina Scriptura, mos populi Dei, & instituta maiorum pro lege tenenda sunt, ita S. Aug. ep. 86 ad Casulanum can. 7 dist. 11. Idque significare voluit Iustinianus relatus in can. 6 dist. 12, dum ait: diuini mores consensu vniuersum approbati legem imitantur.

(e) L. de quibus 32 D. de legibus.

(f) Cap. cum tanto fin. de consuet. vbi haec Gregorius IX: licet etiam longae consuetudinis non sit vllis auctoritas, non tamen est vsque adeo valitura, ut vel iuri positiuo debeat praescriptum generare, nisi fuerit rationabilis & legitime praescripta.

(g) Ex canonibus a Gratiano congestis dist. 8, & 11. Si enim legem scriptam ratio, non scriptura commendat, consuetudinem ratione consilire sine scripto quis dubitabit? can. 5 dist. 1. Ratio igitur, quae consuetudinem suam, tenenda est, can. 7 dist. 12, & l. 1 C. quae sit longa consuetudo.

cum tacitus consensus populi, eiusue maioris saltem partis introduxerit. Sane ad præscribendam legitime consuetudinem plura exiguntur. In primis longitudo temporis; puta spatium quadraginta annorum, quotiens *contra* latam legem induci velit (a): quotiens autem *præter* legem instituat consuetudo, decem annorum spatium sat erit, quod est longum tempus in iure (b). II, tacitus populi consensus, qui moribus ius nouum & obligatorium instituere intendat (c). Si enim populo animus non esset suis sese obligandi moribus voluntarius, ius consuetudinis nullam vim habebit: quemadmodum pie, diuturnæque obseruantiae ieiunandi & orandi ob deficientem populi voluntatem minime obstringunt homines ad consueta ieiunia & preces prosequendum. III, frequentia actuum legi abrogandæ aduersantium (d); non quidem bis vel ter iuxta Bartoli opinionem: quod enim semel vel bis accidit, frequens non est (e). Hic maximum animaduertendum est discrimen inter desuetudinem seu non usum legis, & consuetudinem legi contrariam per actus posituios: lex profecto noua nequaquam tollitur per non usum; maxime vero abrogatur per legis contemptum (f). Qui probandi sunt iudicialiter per

vnam

(a) Gl. in cit. cap. ult. de consuet. cap. abbatem 25 de verb. sign. & cap. vi litigantes de off. ordin. in 6.

(b) L. 1, & 2 C. quæ sit longa consuetudo, & initio tit. Instit. de usucapion. ubi ad introducendam consuetudinem longum tempus sufficere definitum est.

(c) L. sed & ea 35 D. de legibus; ubi ab Hermogeniano Iurec. consuetudo appellatur tacita ciuium conuentio. Et prælaudatus Iulianus in cit. l. de quibus, præsupponit in moribus & factis consuetudinem inducentibus iudicium & voluntatem populi, tacitumque omnium consensum.

(d) Ex Cuiacio lib. 20 obseru. cap. 1.

(e) L. 5, & 6 D. de legibus: tamen dicitur solitus delinquere, qui idem facinus bis patrauerit, l. 5 C. de episcopali audientia.

(f) Felin. in cap. 1 de tregua & pace n. 50; ceteri passim. Neque obstat supradicta Iulianj sententia in l. de quibus, ut leges tacito consensu omnium per desuetudinem abrogentur: quoniam Iureconsultus abusus desuetudinis vocabulum adhibuit pro eo usu legi scriptæ contrario, qui constat rebus-ipsis & factis. Nam quid interest (paulo ante dixerat) suffragio populus voluntatem suam declaret, an rebus ipsis & factis? Actus igitur positui contra legem una cum tolerantia legislatoris ad præscribendam consuetudinem requiruntur, Reg. de Rosa in pr. cit. cap. 13 n. 35, & seqq.

vnam vel duas vel tres ad summum turmas, quarum singula decem testibus consent. (a). Quotiens enim in scripturam redacta non sit consuetudo, debet aliunde probari, vt vim suam habeat (b). IV, denique legislatoris scientia & tolerantia requiritur, vt latam legem valeant contrarii mores populi abrogare: cum multa (inquit Innoc. III) per patientiam tolerantur (c). Decreta nihilominus Tridentinæ synodi non posse contraria consuetudine abrogari, docet luculenter Bened. PP. XIV (d), tam si Tridentinæ promulgationem præcesserit, quam si eam subsecuta fuerit. Nam præuias consuetudines etiam immemorabiles sæpissime Tridentinus textus aboleuit. Et Pius IV duabus constitutionibus, altera sc. qua confirmauit acta & decreta eiusdem synodi, altera 13. Kalendas Martii 1565 super eius obseruantia & executione, palam decreuit omnia & singula, quæ concilii decretis aduersantur, siue antea inducta siue in posterum inducenda; nullius esse momenti, ac nemini posse in vtroque forò interno & externo suffragari.

V. Ex dictis hæc consequuntur. I, Consuetudini rationabili per legem posteriorem minime derogatur, nisi expresse id

(a) Docente Antonio Fabro in *Cod. lib. 4 tit. 15 defin. 14.*

(b) Arg. l. 4 D. de fide instrum.

(c) Cap. cum iendum 18 de preb. Inianus autem ideo dixit tacito populi consensu per desuetudinem leges abrogari, in sepe dicta l. de quibus, quia populus olim suffragio suo leges condebat & recipiebat. Cumque hodie vtrumque fiat vel per Principem, vel per Pontificem potestate diuinitus sibi collata, de qua in sequenti tit. 5, propterea tolerantiam Papæ pro legibus ecclesiasticis, & Principis pro laicalibus abrogandis requiri scripsit glossa in can. in istis 3 dist. 4. Quæ tamen paulo ante affirmat legem contraria consuetudine tolli etiam sine scientia Legislatoris: difficile porro videtur, eum omnes, quæ seruantur & inducuntur, consuetudines scire posse. Sed talem opinionem refellit Wesembecius in parati. D. de legibus, scribens legitimam consuetudinem sine Principis consensu vel expresso, vel tacito induci non posse moribus populi in statu monarchico viuentis: tacitumque consensum non præsumi sine scientia morum, quibus Princeps aduersatus non sit. Wesembecio maxime fauet Nou. 22 Leonis Imp. apud Dion. Gothofredum, ibi: Quando absurdi nihil incideret, neque rebus noxiū quicquam inferretur, consuetudini cessimus: quin Et legis prerogatiuam illi dedimus, quum iam plebs assuetacta illi esset, nec ab illa se auelli sineret.

(d) Bened. XIV lib. 3 de Synod. diac. cap. 1 n. 15.

ad caveatur in constitutione (a). Quam ob rem Patres Tridentini in decretis reformationis contrarias consuetudines etiam immemorabiles singillatim & aperte abrogare sategerunt : quemadmodum vniuersi fere legislatores & sacri & profani solent in nouis constitutionibus suis exprimere .

VI. Secundo legem antecedentem vincit , abrogat & prorsus tollit posterior consuetudo rationalis & legitime præscripta , non quia potentior , sed quia posterior (b). Hinc vniuersi ecclesiæ catholicæ fideles sanguinem & suffocatorum carnes sine scrupulo edere consueuerunt , abrogata constitutione concilii Ierosolymitani (c) , qua præcéperant Apostoli , vt Christi fidem amplectentes nedum ab immolatis simulacrorum & fornicatione , sed etiam a sanguine & suffocato abstergerent . Mos quoque vniuersalis inoleuit baptizandi singulis diebus sine necessitate (d) , & preces ad Deum fundendi diebus domiaicis tam stando , quam flexis genibus , per quem abiit in desuetudinem vniuersalem canon 20 Nicænæ synodi , prohibens preces die solis fundi genibus flexis . Istos profecto canones viri per vniuersam ecclesiam piissimi ex inolita desuetudine minime obseruant : tamen eos nulla posterior lex in scriptis abrogauerit . Præterea S. Basilius ibidem agens de pœ-

dis

(a) Vt Bonifacius VIII declarauit in *cap. 1 de constit. in 6.*

(b) Emm. Gonzal. in *cit. cap. fin. n. 9.* Nam Innocentius III in *cap. cum dilectus 8 de consuet.* rescripsit talem fuisse probatam consuetudinem , quæ iuri communi præiudicet . Pariterque Iulianus Iureconsultus rectissime receptum esse affirmavit , vt *leges non solum suffragio legislatoris , sed etiam tacito consensu omnium per desuetudinem abrogentur , l. de quibus 32 D. de legibus.* Profecto abrogare est legem perlatam prorsus tollere : derogare est aliquid deminuere de vi & effectu legis : obrogare est aliam legem ferre prioris legis infirmandæ causa : antiquare est legem promulgatam rescire seu non accipere , vt tradit Antonius ver. *abrogare.* In istis casibus verificatur , quod Obertus de Orto filium suum docuit in *textu cap. 1 de feudor. cognit. lib. 2 feud. tit. 1. Legum Romanarum non uilis est auctoritas ; sed non adeo vim suam ostendunt , ut resum vincant , aut mores.* (c) Añor. *cap. 15 vers. 29.*

(d) Basilius M. in *ep. ad Amphilochoium cap. 1 :* *consuetudine utendum est , & iis , qui instituerunt hæc nōstra , patribus obsequendum : veror enim , ne forte , dum volumus pigres eos ad baptizandum reddere , impedimento simus salutis propter præcepti severitatem.*

nis canonicis, tradit consuetudinem, quæ deminuit, temperatque poenas canonum, præferri aliquando canonibus ipsis debere. *Utrumque igitur (verba sunt Basilii) scire nos oportet, & ius scriptum & consuetudinem; & iis insistere; & que non amplectantur rigorem traditionum canonicum.* B. Chrysostomus etiam (a) disertissime edisserit modum & prudentiam, quam debent episcopi adhibere in temperandis ecclesiasticis poenis.

VII. Vniuersalem & generalissimam consuetudinem omnes obseruare debent ecclesiæ ad vitandum scandalum (b), *generalem* quælibet natio, *particularem* quælibet prouincia, vel diocesis, vel ecclesia custodit suam.

VIII. Contra disciplinam Romanæ ecclesiæ, quæ mater est omnium ecclesiarum, nemini agere licere; probandum Gratianus assumpsit (c). At Patres sanctitate conspicui pias aliarum ecclesiarum obseruantias, a Romanis licet dissonantes non improbarunt. *In omnibus cupio, aiebat diuus Ambrosius (d), sequi ecclesiam Romanam; sed tamen & nos homines sensum habemus: ideo quod alibi rectius seruatur, & nos recte custodimus.* Et diuus Augustinus, quæ per loca terrarum (inquit) regionesque variantur, sicuti est quod alii ieiunant sabbato, alii vero non; alii quotidie communicant corpori & sanguini Dominico, alii certis diebus accipiunt; alibi nullus dies intermittitur, quo non offeratur; alibi Sabbato tantum & Dominico; & si quid aliud huiusmodi animaduerti potest: eorum hoc genus rerum liberas habet obseruationes (e). Ipsa etiam Romana ecclesia rationabilibus aliarum ecclesiarum moribus minime aduersatur, nec resistit. A diuo Gregorio M. Augustinus Anglorum episcopus quæsiuerat interrogat. 3. *Cum una sit*

Tom. I.

E

fides,

(a) Lib. 2 de sacerdotio cap. 2, & seqq.

(b) Can. 8 dist. 11, & can. 11 dist. 12.

(c) In can. 1 dist. 12 ex ep. Calisti Papæ I ad Benedictum episcopum. At eandem epistolam, æque ac alteram ad episcopos per Gallias constitutos Calisto inscriptas a pseudo-Isidoro, atque a Romanis etiam Correctoribus inter commentitias fuisse collocatas, testatur Antonius Augustinus lib. 2 de emendat. Gratian.

(d) Lib. 3 de Sacram. cap. 1.

(e) Can. 11 dist. 12 ex ep. 118 ad Iannarium.

fides, cur sunt ecclesiarum consuetudines tam diuersæ, & altera consuetudo Missarum est in Romana ecclesia, atque altera in aliorum ecclesiis tenetur? Cui Papa respondit pias & rectas consuetudines nedum in Romana ecclesia, verum etiam in illis Gallorum, Anglorumque inueniri, & delectu dignas haberi: quum non locus consuetudinem, sed consuetudo locum commendat (a).

IX. Laicorum tamen consuetudines (quotiens in eisdem introducendis nec mores, neque consensus ecclesiasticorum accesserint) clerici regulariter obseruare non coguntur (b). Si tamen velint, in fauorabilibus posse clericos rationabili consuetudine loci quidem vti, opinantur permulti doctores.

Alii

(a) *Can. 10 ead. dist. Idemque Pontifex immotam permanere concessit consuetudinem Numidix de primatibus constituendis, siue de ceteris capitulis, can. 8. Quemadmodum ea, quæ consuetudinis erant in Salonitana ecclesia, non negauit Maximo Salonitano episcopo in can. 9. Stephanus PP. III in aet. 1 synodi Lateran. an. 769, aliter (ait) se orientalium traditio habet ecclesiarum, aliter huius S. Romane ecclesia. Nam earum sacerdotes, diaconi, atque subdiaconi matrimonio copulantur; isti autem ecclesia, vel occidentalium nullus sacerdotum a subdiacono usque ad episcopum licentiam habet coniugium sortiendi. Quemadmodum viget etiam apud Græcos ex vetustissima consuetudine consecratio panis fermentati: apud Romanos autem & occidentales omnes azymi. Item ritus in administrandis Sacramentis, atque in usu formæ sacramentalis vel deprecationis vel indicationis, alii fere sunt in ecclesiis orientalibus, alii in occidentalibus. Eosque Concilium Florentinum in decreto vnionis Armenorum adeo retineri mandauit, vt ne Latini Græcos, nec vicissim Græci Latinos ritus liceret vsurpare. Seculo IX Nicolaus I ep. 2 ad Photium Patriarcham Constantinop. De consuetudinibus (scripsit) quas nobis opponere visi estis, scribentes per diuersas ecclesias diuersas esse consuetudines, si illis canonica non obstitit auctoritas, pro qua obuiare debemus, nihil iudicamus, vel eis resistimus, can. 3 dist. 12. Scit namque S. Romana ecclesia, quia nihil obstat saluti credentium diuersæ pro loco et tempore consuetudines: quando vna fides per dilectionem operans bona, quæ potest, vni Deo commendat omnes, vt scripsit sec. XI Leo IX ad Michaellem Cerularium Constantinopolitanum etiam Patriarcham, & Leonem Acridanum episcopum ep. 1, relatus in eodem can. 3. Quem canonem Gratianus confluat ex recitatis duarum epistolarum fragmentis cum nonnulla verborum mutatione.*

(b) *Cap. quod clericis 9 de for. compet. Vbi Coelestinus III rescripsit clericos Parisiis commemorantes tam actores, quam reos in causis cum laicis iure canonico esse iudicandos: quamois episcopus ibi haberet temporalem quoque iurisdictionem, & gereret vicem Comitis, vt ibi notat glossa; non autem secundum consuetudines, legesque municipales.*

Alii vero indistincte sentiunt æque clericos ac laicos consuetudinibus laicalibus ligari (a).

X. Verum in Senatu Neapolitano sententia inualuit habendi clericos, eorumque bona a statutis & consuetudinibus laicorum immunes, exemptosque tam actiue, quam passiue, quatenus nec etiam in fauorabilibus ii commodo consuetudinum laicalium fruantur, qui non patiuntur incommodum (b).

E 2

XI.

(a) *Cap. cum venissent 3 de eo qui mitt. in poss.* ubi Innocentius III ad Vrbinatem, & Senagolensem episcopos rescribens probauit, quod Legatus apostolicus causam inter Abbatem S. Angeli, & P. Gallen. commisisset iudicibus terminandam secundum ius, & bonam ac laudabilem terræ consuetudinem.

(b) Quod tradit Pisanell. in *præf. consuet. Neap. h. præfatis*; & Carolus de Rota *ibidem* n. 56. Idemque pro veritate sensit Napodanus in proximo Regis Caroli ad d. *consuet.* n. 312, post discussas hinc & hinc varias Doctorum opiniones. Cumque in Ritu 22 Curie archiepiscopalis Neap. speciatim fuisset cautum, ne clericus teneretur iure congrui vel Friderici constitutione, vel verius moribus regnicolarum inducto, de quo latius dixi in *ms. tract. de iure congrui*; vtque ob id emtor clericus in eadem Curia absolueretur a retractu per laicum petito: S. Consilium apud Præsid. de Franchis *dec.* 285, definiuit ad æqualitatem seruandam, clericum vicium non posse vicissim a laico emptore in foro laicali retrahere, neque ius congrui postulare. Et Greg. Grimald. *to. 3 hist. leg. & magistr.* lib. 13 n. 7, testatur clericos generatim haud ligari Neapolitanis consuetudinibus tam actiue, quam passiue: tamen in illis compilandis atque in scripturam redigendis interfuit Archiepiscopus Neapolitanus Philippus Minutolo Regius Consiliarius. Propterea quod ex Caroli II Andegauensis voluntate Archiepiscopus cum XII viris peritissimis operam iis compilandis dedit, nullum vero consensum suum imperitus est nomine Cleri, aut archiepiscopali auctoritate. Et merito reiecit opinionem auctoris *hist. ciu. tom. 2 lib. 1 cap. vlt.* scribentis ecclesiasticos Neapolitanos antiquis temporibus exemptionem a iure consuetudinario minime prætendisse, sed nouissimis duntaxat temporibus. Napodanus etiam in *cit. præmio consuet. Neap.* n. 293, affirmauerat ecclesias & clericos consuetudinibus potuisse obstringi ob interuentum Archiepiscopi. Et Albericus de Oliua in *comment. Rit.* 22 *dist. Cur. Archiep.* indistincte scripsit omnes consuetudines eodem Ritu probatas fuisse ac receptas quod ad clericos. At rectius Io: Hieronymus Campanile, alter eorundem Rituum commentator n. 20, reprobata Alberici sententia, docet ex litera laudati Ritus XXII tantum in causis *saissimarum*, hoc est possessionum, fabricarum ædificandarum vel demolendarum, & similium, iure congrui speciatim excepto quod ad bona etiam ecclesiasticorum, seruari a clericis præfatas consuetudines: secus vero in aliis. *Saisine* verbum Gallicanum idem sonat, quod possessio & occupatio apud Latinos, quo sensu Bonifacius VIII in *cap. clericis 2 de immun. eccles.* in 6, accepit verba *saisire & saisita*. Igitur iis, quas Ritus archiepiscopalis probauit, consuetudinibus exceptis, regula in con-

XI. Particularem consuetudinem sapit stylus curiarum, qui nedom pro modo & forma loquendi & scribendi (a), verum etiam pro usu & ordine procedendi ac iudicandi accipitur. Eumque *propriam informationem* appellauit S. Augustinus (b). Bene constitutus tunc dicitur stylus, quum præuia formali discussione articuli duabus saltem sententiis iudicialibus comprobatus sit (c). Duplex est: alter *morem decidendi*, alter *ordinem iudicarium* spectat. Hic facile probatur causidicorum & curialium attestationibus: ille probationibus plenioribus ostendendus est, frequentia scilicet rerum iudicarum, vel iteratis eiusdem tribunalis decisionibus causarum particularium

trarium firmata est pro clericis ad reliquas consuetudines minime obligatis. Quoniam sacrum quoque Consilium asseruit sine Capituli & Cleri Neapolitani consensu consuetudines ab Archiepiscopo collectas & probatas: Ritus vero archiepiscopales etiam cum Capituli consensu editos, de Franch. *dist. dec.* 285 n. 8. Et quomodo in terminis cons. *si qua moriens* sub tit. *de mulier. hab. fil. qual. suam dot. dispon.* deciderit S. Consilium, iunctis duabus anis, posse clericos in sui fauorem uti istis consuetudinibus, ut refert Consiliarius de Bottis ad cons. *si quis vel si qua sol.* 137 gl. in causa: eadem decisio nihilominus reuocata postmodum fuit iunctis tribus anis in gradu reclamationis, teste Molfesio ad cons. Neap. tom. 2 cons. 27, & Carolo de Rosa *ibid.* n. 57. Quamobrem ratione æqualitatis seruandæ sicut clericus testando non tenetur relinquere medietatem proximioribus de linea, vnde bona obuenerunt, sed testatur secundum regulas iuris communis, Capic. *dec.* 98: ita & laicus testator poterit de bonis antiquis ad libitum disponere, excluso clerico proximiori, dummodo personæ turpi ea non legauerit, Capic. *ib.* & de Franch. *dec.* 411 n. 51. Veruntamen clerico ab intestato morienti succedunt intra Neapolis districtum agnati proximiores quod ad bona ex agnatis obuenta, & cognati in bonis lineæ cognatorum secundum ius consuetudinarium; quia post clerici mortem bona non sunt amplius clericalia, nec iuri ecclesiastico subiecta remanent: sed secundum laicales siue constitutiones siue consuetudines ipso facto perueniunt & pertinent ad laicos iure successionis, quod est profanum, Napodan. in cons. *si quis vel si qua* n. 248. Quin de sancti etiam clerici ab intestato præsumuntur voluisse bona relinquere, quibus de iure pertinent secundum regionis morem, Gasp. de Leo in *addit. ad Surd. dec.* 20 n. 3, & cit. Car. de Rosa in gl. cons. Neap. n. 60.

(a) L. habeat 1 C. de sanctiss. eccles. ibi: *liber sit stylus, & licitum, quod non redit, arbitrium.*

(b) In can. *catholica* 8 dist. 11, ibi: *Priuatæ vero constitutionibus, & propriis informationibus vnaquæque pro locorum varietate subsistit & regitur.*

(c) De Franchis *dec.* 91, 238, & 722, Rouit. cons. 18 n. 3 lib. 1, & Card. de Luca *de legitima disc.* 10 n. 4.

rium, vel decreto aliquo generali (a). Omissus vel immutatus stylus Cancellariæ Romanæ in litteris pontificiis earum falsitatem detegit: clausulas idcirco consuetas quamvis superfluas sedulo perpendant exequutores litterarum qua Pontificum (b), qua Principum (c).

T I T. V.

De constitutionibus & legibus.

- 1 *Lex & constitutio diuersam olim, nunc eandem notionem fere habent.*
- 2 *Ea est legislatoris praeceptum bono publico latum.*
- 3 *Legis praeceptum perpetuam habet a maiestate legislatoris firmitatem.*
- 4 *Iustum erit, si diuino ac naturali iuri consentiat.*
- 5 *Communi bono lex, privato priuilegium prospicit.*
- 6 *Nonnisi post promulgationem ea subditos obligat.*
- 7 *Necessaria promulgationis formam variam leges, statuta, mores induerunt.*
- 8 *Lex supremi Principis vel Pontificis post duos a promulgatione menses, inferiorum Potestatum & episcoporum statim obligat, nisi aliter expressum in ea sit.*
- 9 *Acceptare legem, eique parere subditi diuino etiam iure coguntur.*
- 10 *Sunt, qui populo arbitrium acceptandi & respnendi leges reservatum adhuc putant.*
- 11 *At istud in aristocratiis & democratiis locum habet, in monarchiis non item.*
- 12 *En vetita Apostolis dominatione ut spontaneum gregem pascant, videntur ecclesiastica saltem disciplina leges iure di-*

(a) Card. de Luca disc. 35. de legit. num. 72.

(b) Cap. quam graui 6. de crimine falsi, ibi: Sic litteras apostolicas studeas intueri tam in bulla, filo, & charta, quam in stylo, quod veras pro falsis, vel falsas pro veris non admittas.

(c) Ex Baldo in epigraphe l. sacri 6 C. de diuersis rescriptis.

- diuino populi acceptationi submissæ.
- 13 Perinde dominantium præfulum abusus & violentias, ac subditorum effrenam contumaciam Christus & Apostoli coercerent.
 - 14 Iniustas leges fas est subditis impune respuere.
 - 15 Perniciosas Imperantium leges rescindi studere sapius Romani Pontifices.
 - 16 Pontificis vicissim legibus nouis antiqua iura & priuilegia conuellentibus regia Potestas obstat, suumque denegat placitum.
 - 17 Si mutua Potestatum contradictio cessauerit, subditi coguntur utriusque legibus parere.
 - 18 Iustam subditis libertatem fouet, non deminuit scrupulis legum obseruantia.
 - 19 Humana lex intra legislatoris territorium subditos saltem deuincit.
 - 20 Summi Pontificis & æcumenici Concilii placita cunctos ubique fideles generatim ligat.
 - 21 Cardinales nouis legibus fere non obligantur, nisi eos nominatim ipsæ complectuntur.
 - 22 Princeps & Pontifex neque suis, nec præcessorum legibus est obnoxius.
 - 23 Principum ciuiles leges circa res profanas laicos simul & clericos obstringunt.
 - 24 Romana leges ciuiles utrosque ligant.
 - 25 Earundem studium, usumque Romani Pontifices quandoque ob utriusque Potestatis dissidia clericis vetuere, mox iuris communis vim & nomen obtinere.
 - 26 Legum ciuiliū vis varia; quas corpus canonum & legum ecclesiasticarum continent, leges canonizatz dicuntur.
 - 27 Præter diuinas leges aliæ a sacris conciliis, aliæ a Pontificibus, aliæ a Patribus latæ sunt.

A Constitutione legem veteres Iureconsulti distinguebant, definientes legem suffragio populi rogante magistratu, con-

constitutionem placito Principis ferri (a): recentiores utrumque vocabulum promiscua notione sæpius acceperunt.

II. Definitur, quo in iure potest modo. *Est præceptum iustum & stabile a persona legitima constitutum, ad bonum commune sufficienter promulgatum.*

III. Ad consilii discrimen constitutio seu lex dicitur esse *præceptum*. Illudque *stabile*, ad perpetuam legis firmitatem designandam: ne confundatur cum simplici præcepto seu mandato, quod morte mandantis expirat (b). *Persona* vero nonnisi *legitima*, cui scilicet legis ferendæ potestas (c) sit, legem condit, edicit, statuit: qualis est Princeps in monarchia, populus in democratia, optimates in aristocratia, summus Pontifex & concilium generale in ecclesia vniuersa, episcopus in sua quisque diocesi (d).

IV. *Iustum* insuper *iustum* lex debet omnino præcipere quod nimirum nec iuri diuino, nec naturali rationi aut honestati repugnet; alias usque adeo irrita & inanis esset (e), ut nec nomen etiam legis tunc mereretur (f). *Nam* neque medicorum præcepta dici vere possent, siquæ inscii, imperitique pro salutaribus mortifera conscripserint; neque in populo lex, cuiusmodi fuerit illa perniciosa & iniusta. *Lex* porro est *iustorum*, *iniustorumque distinctio* (g). Quænam sane Potestas siue regia siue pontificia placitis suis poterit vim eneruare diuinæ veritatis, aut rationis naturalis? *Non posse aliquid aduersus veritatem, sed pro veritate, datamque sibi a Domino potestatem in ædificationem & non in destructionem, fatetur Apostolus* (h).

V. Ad

(a) L. 1, & seqq. D. de legibus, l. 1, totoque tit. D. de constitut. can. 1, & 4. dist. 2. (b) L. mandatum 15 C. mandati.

(c) Cap. cum super 23 de offic. deleg. ubi Innocentius III duo ad substantiam legis necessaria esse dixit, potestatem, & voluntatem.

(d) Bened. XIV. de syn. diac. lib. 8 cap. 4 num. 3.

(e) August. in can. 1 dist. 9; & Gratianus in fine eiusdem dist.

(f) Cic. lib. 2 de legibus num. 26. (g) Idem Cic. loc. cit. n. 30.

(h) Ep. 2 ad Corinth. cap. vlt. vers. 8, & 10.

V. *Ad commune bonum* præterea lex constituitur (a), ut ea sic differat a privilegio priuatum bonum spectante (b). Verum in rebus nouis constituendis euidens esse utilitas debet, ut recedatur ab eo iure, quod diu æquum visum est (c).

VI. Denique promulganda sufficienter est noua constitutio, quippe quæ nullam vim legis obtinet, nisi post perfectam promulgationem (d). Quomodo enim subditi poterunt legem ignotam seruare? Eis propterea, qui ob ignorantiam non paruertunt nouæ constitutioni Papæ Siricii vbique non promulgatæ, veniam largitus est Innocentius I (e). Et Innocentius III edixit constitutionem in concilio Lateranensi IV latam de medicis non obligare, nisi postquam prælati locorum eam promulgassent (f).

VII. Necessitatem promulgationis & ratio naturalis & ius diuinum & mores legislatorum suadent (g). Quod tamen

(a) *Can. 2 dist. 4, l. 1, & 2 D. de legibus*, ibi: *Iura non in singulas personas, sed generaliter constituuntur*. Constat profecto (ait Tullius cit. lib. 2 de legibus n. 26) ad salutem ciuium, ciuitatamque incolumitatem, uitamque omnium quietam & beatam conditas esse leges.

(b) *Can. 3 dist. 3*, ubi sic Isidorus. *Priuilegia sunt leges priuatorum, quasi priuatae leges: nam priuilegium inde dictum est, quod in priuato feratur*.

(c) *Vlp. in l. in rebus 2 D. de constit. Princ.*

(d) *L. sacratissima 9 C. de legibus*, Nou. 66 cap. 1, Innoc. III in cap. 13 de penit. & remiss.

(e) In *can. proposuisti dist. 82*.

(f) In *cap. cum infirmitas 13 de penit. & remiss.*

(g) Decalogus, & lex Mosaica cuncto populo Hebræorum ab ore & scripto Moyſis innotuit. Euangelium in vniuerso mundo prædicarunt Apostoli. Quæque ipsi constituerant in Concilio Ierosolymitano, scripserunt ad Antiochenos per Paulum & Barnabam, Indam & Silam, Actor. cap. 15 vers. 23, & seq. Clerus Romanus post S. Fabiani Papæ martyrium Sede annum & plus vacante Synodus celebravit de controuersia inter S. Cyprianum Carthaginen. & Lucianum exorta in ecclesiis Africanis super penitentia & reconciliatione lapsorum: dein litteras dedit ad episcopos vniuersos, ut totus orbis catholicus obseruaret, quod a cathedra Petri etiam vacante præceptum fuit, ut tradit S. Cyprianus ep. 52 ad Antonianum, & Baronius ad an. 253 n. 78 ad 81. Scilicet ut infirmi ex lapsis imminente solum periculo mortis reconciliarentur: aliorum reconciliatio ad futurum deferretur Pontificem. Prima Synodus Nicæna litteras encyclicas dedit ad episcopos, qui synodo non interfuerunt, decreta & gesta synodica significantes. Quæ (sunt verba ep.) litteris ad vos prescribere necessarium visum est, ut intelligere possi-

men ad formam promulgandi leges attinet, certo iure præfinita ea non est. Eas in singulis provinciis, locisque ita publicandas, ut notitia verosimiliter valeat ad vniuersos populos, quibus feruntur, peruenire, Doctores (a) plurimi contendunt. At vero non esse necessarium, cum *constitutio solemniter editur, aut publice promulgatur, ipsius notitiam singulorum auribus per speciale mandatum vel litteras inculcare: sed sufficere ut ad eius obseruantiam teneantur, qui nouerint eam solemniter editam aut publice promulgatam*, censuit Innocentius III (b). Mos exinde Romæ inoleuit nouas promulgandi constitutiones pontificias per affixionem transumtorum ad valuas basilicarum vrbs & Cancellariæ apostolicæ, Curique generalis in monte citatorio & in acie campi Floræ duntaxat: adiecta in singulis clausula, qua declaratur omnes ubique fideles sola publicatione Romana ad pontificias exequendas constitutiones perinde obstringi, ac si personaliter notificatæ singulis fuissent (c). Leges autem episcoporum, aut

Tom. I.

F

statu

possitis, qua decreta, sancitaque sint. Per alios vero episcopos synodo præsentibus transmisit omnibus in toto orbe terrarum ecclesiis excerpta canonum, & gestorum exempla. Cuiusmodi morem in sequentibus synodis præsertim œcumenicis seruatum fuisse ostendunt acta Conciliorum in collect. Labbæana, & Harduini.

(a) Suarez, Patrum, Card. Caictanus, ceteri apud P. de Marca lib. 2 cap. 15 n. 2. Iustinianus Nou. 6, & 48, leges pro disciplina ecclesiastica per semetipsum latas a singulis metropolitibus, & episcopis in propria cuiusque ecclesia publicandas iussit. Et Nou. 66 cap. 1, suam de testamentis constitutionem valueram edixit duos menses post earum insinuationem in provinciis Imperio subiectis faciendam. Hanc regulam Doctores adeo æquam & rationabilem existimauerunt, ut communi vsu & interpretatione etiam extra fines Imperii recepta sit. Concilium XVI Toletanum in can. decernimus 17 dist. 18, constituit intra sex menses vnumquemque episcoporum decreta concilii referaturum cunctis suæ diocesis plebi congregatæ.

(b) In cap. adhes 1 de postulat. prælator. Et Nicolaus Papa ad clerum Constantinop. referripit non posse ignorantia excusari ab exequendis canonibus Concilii Sardicenis, quod in eorum regionibus fuerat celebratum, & ab omni ecclesia receptum, can. quod dicitur ult. dist. 16.

(c) Clausulam istam in voluminibus iuris Canonici, extraneantibus etiam fuisse omnino ignotam obseruant Doctores, qui Iustinianæ formam promulgationis in singulis provinciis & terris subiectorum populorum ad legis valorem requirunt. E contrario alii tenent satis esse promulgationem Romæ factam, quorum sententiam sequitur, & comprobatur Azorius tom. 1 inst. moral. lib. 5 cap. 3.

statuta synodica diocesum satis bene promulgari, dum aut voce præconis in platea ciuitatis manifestentur, aut in ecclesia cathedrali palam legantur, aut exscriptæ in locis publicis pateant affixæ: & ubi decreta synodorum clerum solummodo afficiant, recitationem in ipsa synodo factam sufficere docet sapientissimus Papa Benedictus XIV (a).

VIII. Post promulgationem rite factam, lapsus duorum mensium fere expectandus est, ut nouæ legis *generalis* siue pontificiæ siue regiæ obligatio incipiat, & facultas puniendi transgressores: nisi aliud temporis interuallum siue maius siue minus legislator ipse supremus præfixerit ex recepta DD. sententia utroque iure (b) probata, & moribus etiam nostris. Cum enim nouissima inter Sedem apostolicam & Regem nostrum Concordata Neapoli die 3 Augusti 1741, tum in prouinciis regni essent diuersis temporibus promulgata; dubitatumque exinde fuisset, quonam ex die rei criminum nouiter exceptorum ab asylo ecclesiæ forent excludendi: Tribunal Mistum censuit, & Rex pluries rescriptis eos de criminibus

(a) Lib. 8 de Synodo dioces. cap. 4 n. 1.

(b) Nou. 66 cap. 1, & cap. ult. ne clerici vel monachi, cap. nouerit 49 de sent. excom. cap. 1 de concess. præb. in 6, & alibi. Ioannes XXII suam de pluralitate beneficiorum constitutionem in extrauag. *exco. mem. 1 de præbendis* intra mensem a tempore notitiæ illius computandum seruari mandauit. Pius IV in bulla super declaratione temporis ad obseruanda decreta Concilii Tridentini, quam edidit 15 cal. Aug. 1564, declarauit decreta reformationis Tridentinæ a calendis Maiis 1563 vniuersos obligare cepisse ob menses tres a die publicationis decursos: quia in iure etiam communi (ait) sancitum est, ut constitutiones nouæ vim non nisi post certum tempus obtineant. Et Iustinianus (sua de testamentis Nouellam 66 post duos menses ab inscriptione, seu promulgatione confecta in prouinciis Imperio subiectis numerandos ualiditatem edixit. Quin Apostolus, qui ceteroquin reuoluit in faciem Cephæ-cogentis Christianos gentium iudaizare, adhuc per aliquod temporis spatium Iudæis pro libito seruare indulsit caerimonias legis Mosaicæ Passione Christi Domini iam abrogatas, quoadusque ad tamulum cum decore mater Synagoga doceretur, & lex euangelica bene vigeret vniuersali promulgatione, ut S. Augustinus docet ep. 19. Et Paulus ipse ritus Mosaicos quandoque obseruauit, dum Timotheum circumcidit, & Cenchris votum persoluit, & Hierosolymis a diuo Iacobo admonitis legalia celebranda suscepit: ad quæ respexit scribens ad Corinthios ep. 1 cap. 9. *Factus sum Iudæis tanquam Iudæus, ut Iudæos lucraretur: iis, qui sub lege sunt, quasi sub lege essem (cum ipse non essem sub lege) ut eos, qui sub lege erant, lucrificarem.*

nibus nonnisi post bimestre a die promulgationis in qualibet prouincia factæ computandum patratæ strictiori Concordatorum lege indicandos. Lege tamen ab episcopis & inferioribus Potestatibus lata post promulgationem statim procul dubio subditos obstringi, nisi aliter in ea ipsa cautum sit, Doctores consentiunt (a).

IX. Acceptare legem iustam a Monarcha aut Pontifice latam subiectus populus debet, eamque si respuere sine causa tentauerit, grauis culpæ reatum fere incurrit. Nam iure diuino vtriusque Testamenti subditi omnes obedire coguntur Potestatibus a Deo ordinatis tam ad mundi, quam ad ecclesiæ regimen. *Qui superbierit, nolens obedire sacerdotis imperio, qui eo tempore ministras Domino Deo tuo, & decreto iudicis, morietur homo ille, ita Moyses (b). Qui vos audit, me audit: & qui vos spernit, me spernit, ita Christus (c). Non est enim Potestas, nisi a Deo: quæ autem sunt, a Deo ordinatæ sunt. Itaque qui resistis Potestati, Dei ordinationi resistis. Qui autem resistunt, ipsi sibi damnationem acquirunt... Ideo necessitate subditi esse non solum propter iram, sed etiam propter conscientiam, ita Paulus Apostolus (d). Si iudicas legem, non es factor legis, sed iudex, ita S. Iacobus (e). Proscripta hinc merito est ab Alexandro VII ea propositio, quæ contra asserbat: *Populus non peccat, etsi absque causa non recipias legem a Principe promulgatam.**

X. Huic axiomati aduersari videtur Iulianus Ictus (f), qui leges (ait) nulla alia en causa nos tenent, quam quod iudicio

F 2

popu-

(a) Oñsienfis, Nauarrus, Suarez, Azorius, quos calculo auxit suo prælaudatus Ben. XIV loc. cit. n. 2.

(b) Deuteronomii cap. 17 vers. 11, & Iosue cap. 1 vers. 16, & seq.

(c) Apud Lucam cap. 10 vers. 16.

(d) Ep. ad Romanos cap. 13 vers. 1, & seqq. Consonat. ep. diui Petri cap. 2 vers. 13, & seq.

(e) In ep. canonic. cap. 4 vers. 12. Nicolaus I in Synodo Romana an. 863, anathema fulminauit in eos, qui mandata, sententias, vel decreta a Sedis apostolica Præsule salubriter promulgata contempserit.

(f) L. de quibus 36 D. de legibus.

populi recepta sunt. Cumque populus in Principem dicatur omne suum imperium & potestatem transtulisse *lege regia*, quam commemorat Vlpianus (a): inde præsумitur populus sibi ius reservasse acceptandi & antiquandi novas Principis constitutiones. His additur auctoritas Gratiani (b) docentis *leges institui, quum promulgantur; firmari, quum moribus utentium approbentur*.

XI. At eiusmodi obiecta in statibus monarchicis nullius reuera sunt momenti. Nam Iuliani textus statum democraticum aut aristocraticum spectat, in quorum altero populus, in altero optimates iura maiestatis, summamque potestatem decernendi bella, magistratus creandi, legesque ferendi obtinent: quæ omnia in monarchia personæ Principis necessario adherent. Quare in *presenti leges condere soli Imperatori concessum est*. Quid enim maius, quid sanctius imperiali est maiestate? vel quis tanta superbia fastidio sumidus est, ut regalem sensum contemnat? cum & ceteris iuris conditores, quæ ex imperiali decreto processerunt, legis vim obtinere, aperte, dilucideque definiant, rescriptis Iustinianus ad Demosthenem (c). Legem vero regiam, unde arguunt libertatem acceptandi vel respuendi leges populo reservatam, merum esse figmentum pro explorato nunc habent doctiores (d). Denique mores utentium firmantes legem promulgatam ex Gratiani sententia non excludunt vigorem legi inditum placito solius legislatoris: sed posteriorem consuetudinem, quæ posset ipso sciente ac tolerante ex intervallo legem anteriorem alias obligantem abrogare (e).

XII. Dices. Ecclesiasticas saltem leges disciplinæ a clero & populo acceptandas esse, ut vim habeant, plura indicant loca Scripturarum. I, Christus dominus mandavit Apostolis suis, ne dominarentur sicut Reges gentium; utque ii, qui præf-

(a) L. 1 D. de constitut. Principum.

(b) In can. in illis 3 dist. 4. (c) In l. ult. C. de legibus.

(d) Gronovius in dissert. de lege regia, Vultei ad h. 6 Injlit. de iur. nat. gent. & ciu. Scookius in diatriba de leg. reg.

(e) Ex traditis in superiori tit. de consuetudinibus.

praesent, fierent sicut ministrantes [a]. II, diuus Petrus episcopos commonuit, vt gregem Dei pascereut prouidentes non coacte, sed spontanee [b].

XIII. Respondeo. Verito episcopis dominatu non conuulsam fuisse potestatem, quam *coactiuam* appellant, leges iustas ad aedificationem ferendi & iubendi, sed abusum, fastum & turpis lucri cupidinem. Si enim iusta ecclesiae iussa clerus & populus spernere licito iure posset, nonne inanis fieret potestas clauium? Eam potestatem etiam in inuitos exeruit Apostolus, ob resistantiam culpabilem Corinthiorum iussis eius [c]. Quo exemplo ducti Pontifices saepius compellere, quam hortari subditos consueuerunt ad acceptandas, seruandasque nouas ecclesiae constitutiones [d].

XIV. Iniustam, perniciosam, irrationabilem constitutionem fas quidem est subditis abiicere, salua legislatori reuerentia (e). Talis enim constitutio recte lex appellari non potest (f); dum tenebras iniustitiae offundit, non lucem (g); dum destruit, non aedificat; dum ad interitum, non ad salutem dirigit. Isaias *leges iniquas* execratus est (h). Sane legum conditores reges & principes per Deum imperantes non nisi iusta decernendi potestatem a Deo ipso habent (i). Ont-

(a) Matt. 20 vers. 25, Marc. 10 vers. 42, & Luc. 22 vers. 25. Reges gentium dominantur eorum, & qui potestatem habent super eos, benefici vocantur. Vos autem non sic: sed qui maior est in vobis, fiat sicut minor; & qui praecessor est, sicut & ministrator.

(b) Ep. 1 cap. 5 vers. 1, & seq. Seniores ergo, qui in vobis sunt, obsecro conuenior, & testis Christi passionum: pascite, qui in vobis est, gregem Dei, prouidentes non coacte, sed spontaneo secundum Deum; neque turpis lucri gratia; sed voluntarie; neque ut dominantes in clericis, sed forma facti gregis ex animo.

(c) Ep. 1 ad Corinth. cap. ult. vers. 10. Ideo hac absens scribo, ut non praesens durius agam secundum potestatem, quam dominus dedit mihi in aedificationem.

(d) P. de Marca lib. 1 de concordia cap. 8 num. 4.

(e) Can. 1 dist. 12, can. 5 dist. 18, l. rescripta 7 C. de precibus Imp. offeren.

(f) Tullius lib. 2 de legibus num. 26, & 30.

(g) Mandatum lucerna est, & lex lux, Prouerb. cap. 6.

(h) Isae cap. 10.

(i) Prouerb. cap. 8 vers. 17. Per me reges regnant, & legum conditores iusta decernunt. Per me principes imperant, & potentes decernunt iustitiam.

nis ergo lex erit *bonesta, iusta, possibilis, secundum naturam, secundum patriam consuetudinem, loco, temporiq[ue] conueniens, necessaria, utilis, manifesta quoque, non obscura, nullo privato commodo, sed pro communi ciuium utilitate conscripta*, ex diuini Iudicis sententia (a). Et Vlpianus in rebus nouis (ait) *constituendis euidens esse utilitas debet, ut recedatur ab eo iure, quod diu æquum visum est* (b). Dum istæ qualitates in noua constitutione defecerint, fas populo est vel contrariis moribus eam antiquare (c), vel eius abolitionem reuerenter ab ipso legislatore postulare.

XV. Altera Potestatum sæpius intercedit, ut alterius leges perniciosæ rescindantur. Zenonis Imperatoris *henoticum*, scilicet edictum vnionis, quod eutychianam hæresim fovebat, & hæreticos cum orthodoxis mistos tuebatur, improbandum studuit Felix Papa epistola ad Zenonem data (d). Heraclii *essetism*, sc. edictum asserens vnicam in Christo voluntatem, & vetans, nequis vnā aut duas in Christo operationes confiteretur, Pontifices Seuerinus & Ioannes IV proscripserunt (e). Constantis *typum*, edictumque monothelitis etiam fauens Martinus I in Romana synodo damnauit. Edictum Henrici VI Regis Angliæ iniuriosum Sedi apostolicæ, ecclesiasticæque libertati ut in supremo Consilio, quod Parlamentum vocant, abrogandum curaret Henricus episcopus Winton.

(a) In *can. vii 2 dist. 4.* (b) *L. in rebus 2 D. de constit. Princ.*

(c) *Quicunque legibus Imperatorum (ait S. Agustinus) quæ contra veritatem Dei feruntur, obtemperare non vult, acquirit grande præmium. Quicunque vero legibus Imperatorum, quæ pro Dei veritate feruntur, obtemperare non vult, acquirit grande supplicium.* Rex Nabuchodonosor quum seruus esset idolorum, constituit (Daniel. 3) sacrilegam legem ut simulacrum adoraretur, sed eius impia constitutio qui obedire noluerunt, pio fideliterque fecerunt. Idem tamen rex diuino correptus miraculo piam & laudabilem legem pro veritate constituit, ut quicunque diceret blasphemiam in Domino Sidas, Misac, & Abdenage, cum domo sua penitus interiret, *can. 1 dist. 9.*

(d) *Ep. 9, Natal. Alexand. dissert. 18 ad secul. V tom. 10 edit. Neap.*

(e) *Ex Secretario 3 Cons. Lateran. sub Martino I, & ep. Ioannis IV ad Constantinum Imp.*

tonensis, mandauit Martinus V. (a): Caroli V. cæfareum. in-
verim in comitiis Augustanis promulgatum de fidei doctrina,
deque ritibus ac disciplina ecclesiastica. seruandis in Germania,
quoadusque omnia synodus œcumenica definiuisset, detestari
haud veritus est Paulus III. responso ad Legatum reddito (b).
Quid plura?

XVI. Vicissim nouis Romanæ Sedis, & ecclesiæque, con-
stitutionibus obuiam ire solet Potestas regiar, earumque pro-
mulgationem, acceptionemque impedire, vbi vel Regis vel
regni & status publica iura nouitate conuelli videantur.
Tranquillitatem populi, locorum priuilegia, instituta, con-
suetudines inueteratas, legitimasque, pacem ac disciplinam
ecclesiæ tuari, boni quidem Principis est. *Cognoscunt Principes seculi* (diuo Isidoro commentente) *Deo debere se rationem reddere propter ecclesiam, quam a Christo tuodam susceperunt: nam si augetur pax ecclesiæ, sine soluantur, ille ab eis ratio- nem exiges, qui eorum potestati ecclesiam suam credidit* (c).
Et Iustinianus legum æque ac canonum custodiam sibi a
Deo conceditam agnouit (d). Reges autem, & Prætores
Neapolitanos sæpenumero sanxisse, nequis Sedis apostolicæ
& Romanæ Curia rescripta, bullas, prouisiones & quasli-
bet litteras hoc in regno sine regio placito promulgaret nec ex-
queretur, compertissima res est (e). Summi tamen Pontifi-
ces idiplum ægerime ferentes haud neglexerunt pro viribus
abo-

(a) Ex ep. Martini V. ad Henricum apud Raynald. ad an. 1416 n. 19.
*Perlege statutum (scribebat Martinus) illud regium, si tamen statutum, si id-
men & regium dici fas est. Nam quomodo statutum, quod statuta Dei & ec-
clesiæ destruit? Quomodo regium, quod institutum perimit contra id, quod scriptum
est. Honor Regis iudicium diligit? In primis per id execrabile statutum ita Rex
Anglia de ecclesiæ prouisione & administratione disponit, quasi vicarium suum
Christus eum instituisset. Legem rudiis super ecclesiæ beneficia, clericos & ec-
clesiasticum statum. Ad se, suamque laicalem Curiam causas spirituales & ec-
clesiasticas iubet introduci, quasi ecclesiæ clauis in manibus habuerit.*

(b) Natal. Alexand. in hist. sec. 13, & 16 art. 11 & 4 n. 21.

(c) Can. Principes 1 C. 23 qu. 5. (d) Nouell. 177 initio.

(e) Ex B. Chioecarello to. 4 arch. tit. 1; & rescripto Carli VI Imp. Bar-
cinone dato, quod extat in to. 1 priuileg. eiusdem Principis (c).

abolere, præsertim Pius II, Innocentius VIII, Alexander VI, S. Pius V, Gregorius XIII (a). Sed inanem fecit eorum operam maximum: secularis Potestatis studium tutandæ praxim inneteratam regii *exequatur*, velut pupillam oculi & fundamentum regis iurisdictionis (b), quæ a successoribus, iisque prudentissimis Pontificibus tolerata est, & adhuc adeo viget, ut permultæ ex recentioribus Sedis apostolicæ constitutionibus, quibus regium placitum vel non accesserit vel denegatum aperte sit, nullam in regni tribunalibus vim obtrinerint, nec sortiantur in dies: alizque nanciscantur executionem limitatam clausulis in regio *exequatur* ipso adiectis. Vbi res tulerit, ex speciatim in decursu operis indicabuntur. Hæc satis de regio *exequatur*, quatenus generales Sedis apostolicæ constitutiones attingit: quod vero ad frequentiore vsum talis placiti super particularibus eiusdem Sedis, Curizque Romanæ mandatis, litterisque tam gratiæ, quam iustitiæ; sermo redibit infra commodior, ne in diuerticulum hinc deflectatur.

XVII. Alterna Potestatum intercessione cessante, observare legem rite promulgatam utique coguntur omnes & singuli legislatoris subditi. Scimus a diuo Paulo (c), *quoniam quacunque lex loquitur, his, qui in lege sunt, loquitur*. Quinam sunt in lege? Nonne qui subsunt imperio & ditioni legislatoris?

XVIII. Hæc tamen obligatio servandi leges nedum non adimit, verum etiam adauget libertatem subditorum. *Fundamentum libertatis in legibus positum*, aptissime asseueravit Tullius (d), propterea quod *legum idcirco omnes serui sumus, ut liberi esse possimus*. Qui ergo studiose seruant mandata Domini, canonicaque leges ecclesiæ, ipsi tranquilla fruuntur libertate: qui vero iugum Domini & ecclesiæ excusserint, ii ser-

(a) Liqueat ex eodem 10. 4. arch. & 10. 14.

(b) Vtor verbis Comitis Beneuenti Proregis ad Philippum III scriptis die 14 Decembris 1605, & Regis rescripti ad eundem Comitem die 22 Septembris 1606, d. tom. 4. arch.

(c) Ad Roman. cap. 3 vers. 19. (d) Cic. orat. 14 pro A. Cluentio,

ii servitutem servit reapse miseriam. Vbi spiritus Domini; ibi libertas, proclamat Apostolus (a). Cedo quænam libertas cum spiritu cohæret? An ea, per quam Beguardi Dulcinistæ cum cæco ipsorum affectu & Quietistarum duce Michaële Molinos contendebant nullis omnino legibus, nec præceptis ecclesiæ obligari homines ad gradum perfectionis & spiritum libertatis euectos? Absit: eam sane ut execrandam profligaverunt concilia Viennense (b) & Tridentinum (c). Libertatem a servitute peccati & mortifero dæmonis iugo esse cum spiritu Domini, sensit Apostolus: nunc enim soluti sumus (ait) a lege mortis, in qua detinebamur, ita ut serviamus in novitate spiritus (d). Quisquis itaque obsequitur legibus, vera fruitur libertate: at refractarius vera premitur servitute.

XIX. Vis ut aiunt coactiva humanæ legis extra ditionem seu territorium legislatoris non protenditur vel in subditos: quoniam extra territorium ius dicentis non pœneatur impune (e). Verum exteri & advenæ obstringuntur legibus eius diocesis & territorii, quod incolunt: dum legibus loci, unde discesserunt, interea soluti habentur. Cum Romam venio (ita ad Augustinum Ambrosius) ieiunio sabbato: cum Mediolani sum,

Tom. I.

G

non

(a) Ep. 2 ad Corinthios cap. 3 vers. 17.

(b) In clement. ad nostrum 3 de hereticis.

(c) Sess. 6 cap. 11, ibi: Nemo quantumvis iustificatus liberum se esse ab observantia mandatorum putare debet, &c.

(d) Ep. ad Romanos cap. 7 vers. 6. A iugo insuper gravi Mosaicæ legis liberatos fuisse a spiritu Domini fideles, nequaquam ab obedientia Potestatibus insubstantibus debita, Apostolus ipse docuit Galathas in ep. ad eos data cap. 5, ita scribens. Nolite iterum iugo servitutis contineri: quoniam si circumcidamini, Christus vobis nihil proderit. Vos enim in libertatem vocati estis fratres: tantum ne libertatem in occasionem detis carnis... Spiritu ambulate... quod si spiritu ducemini, non estis sub lege. Rursus cum scripsisset ad Timotheum ep. 1 cap. 1 vers. 9, & 10, quod lex iusto non est posita, sed iniustis, impiis, peccatoribus, parricidis... iustos non liberos declaravit a servandis ecclesiæ legibus, sed eos eatenus spiritu Dei adduci spontaneo ad bona & sæpe perfectiora opera amplectendum virtutis amore, & mala fugiendum, ut nulla coactio legum humanarum eos attingat. Hoc etiam sensu libertatem iustorum accepit Urbanns II in can. duæ sunt XIX qu. 2.

(e) Cap. ut animarum 2, & fin. de constitut. in 6, & l. pupillus 239 §. territorium D. de V.S. ubi territorium a terrendo dictum Pomponius tradit, quod magistratus eius loci intra eius fines terrendi, idest submovendi ius habet.

non ieiunio. Sic etiam tu, ad quam forse ecclesiam veneris, eius morem serua (a).

XX. Et quoniam summi Pontificis & concilii oecumenici auctoritas spiritualis nullos habet in orbe catholico fines, omnes ubique fideles sacros summorum Pontificum & conciliorum generalium canones custodire debent (b): nisi quem exemerit specialiter ipsamet Sedes apostolica vel privilegio vel dispensatione. Legatos a latere Cardinales exceptit Innocentius IV (c) ex verita Legatis simplicibus beneficiorum collatione. Ioannes XXII (d) Cardinales vna & Regum filios communi sanctione de pluribus beneficiis non retinendis non ligari pronunciauit. Alique item Pontifices reservationibus apostolicis & regulis Cancellariæ edendis sæpenumero eosdem exemerunt, vel exemptionem ab illis indulto speciali concessere.

XXI. Ceterum an nouis constitutionibus Cardinales ipso iure excepti, nec ne intelligantur, vbi nulla eorundem mentio specialis habita sit, discrepant Doctores, quorum alii affirmantem probabiliorem, alii negantem tuentur sententiam (e). Quæstio hæc in causa fuit, cur in recentioribus conciliis præsertim Constantiensi, Basileensi, Florentino, ac Tridentino (f), & constitutionibus summorum Pontificum Cardina-

(a) *Con. illa autem 11 dist. 12.* Iudeos regiones Christianorum incolentes communi Romanorum iure indicandos ob id rescribere Arcadius & Honorius in *l. iudei* 9 C. de iudeis & caliculis. Ex Rex Carolus edito die 3 Febr. 1740 lato quom indulsisset Hebraeis domicilium in hoc regno Neapolitano habere, iudici Delegato eos subiecit in causis tam civilibus quam criminalibus secundum leges regni, & specialia eiusdem regii edicti statuta, *art. 11*, de quo in seqq. lib. IV fusius. Tamen si autem leges Christianorum in rebus temporalibus deinceps iudeos, in spiritualibus tamen, iudicioque animarum ipsi ecclesiasticis legibus & canonibus non tenentur, quom extra ecclesiam & foris sint. De his autem qui foris sunt, Deus iudicabit, non ecclesia, Aug. in *can. multi* 1 C. 11 qu. 1, cap. *gaudemus* 8, & *fin. de divorciis*, cap. *de infidelibus* 4 de consanguinitate.

(b) *Cap. 1 de constitutionibus*, & *can. preceptis apostolicis* 2 dist. 12.

(c) In *cap. 1 de officio legati* in 6.

(d) In *Extr. nag. execrabilis* 4 de prebendis.

(e) Apud Hieronymum Gonzalez *super reg. 8 Cancell. gl. 24 n. 1 ad 31.*

(f) *Sess. 22 de reform. cap. 1, & 2: sess. 25 cap. 1, & 7: sess. 24, sess. 17, 18, 19, & alibi.*

dinales nominatim obstringi consueverint.

XXII. Princeps & Pontifex legibus non modo suis, sed præcessorum etiam solutus procul dubio est (a). Par quippe præcessor in parem successorem non habet imperium. *Vt* ut aiunt *directiua* nihilominus boni Principes suis ipsi legibus obtemperant (b), eos cogente nemine.

XXIII. Disputanda occurrit nunc salebrosa quæstio, an ciuiles, regiarque leges clericos & ecclesias ligent? Studia partium procul absint, ac sola veritas ratione duce, atque distinctionis ope inquiratur. Leges ciuiles de rebus profanis ac temporalibus a Potestate laica latæ, dum sacris canonibus & ecclesiasticis constitutionibus non refragentur, omnes tam laicos, quam ecclesiasticos obligant, & in utroque foro profano & sacro seruandæ sunt. Tales leges omni reuerentia dignas dixit Gratianus (c): utpote quas omnibus custodiendas Patres commouuerunt sapientie, ac Pontifices iusserunt (d).

G. 2

XXIV.

(a) L. 31 *De legibus*, ubi sic Vlpianus. *Princeps legibus solutus est: Augusta autem licet legibus soluta non sit, Princeps tamen eadem illi privilegia tribuit, quæ & ipse habet.* Iustinianus, *Principi* (ait) *& ipsas Deus leges subiecit, legem animatam cum mittens hominibus, Nou. 105 in fine.*

(b) *Digna vox est maiestate regnantis alligatum legibus se Principem profiteri: adeo, de auctoritate iuris nostra pendet auctoritas, & reuera matris imperio est submisere legibus principatum, falsi sunt Theodosius & Valentinianus in l. digna vox 4 C. de legibus. Et diuus Ildorus, iustum est* (ait) *Principem legibus obtemperare suis: tunc enim iura sua ab omnibus custodienda existimet, quando & ipse illis reuerentiam præbet, can. iustum est 2 dist. 9. Plinius in panegy. Traiani laudes prædicans, non est* (inquit) *Princeps supra leges, sed leges supra Principem: nec tam imperio Traiani nobis opus est, quam exemplo. Aptissime Claudianus. Componitur orbis Regis ad exemplum, nec sic inflectere sensus Humanos edicta valent, quam vita regentis. Mobile mutatur semper cum Principe vulgus.*

(c) *Post can. 6 dist. 10.*

(d) Diuus Augustinus contra Donatistas urget subiectionem & obedientiam potestatibus iure diuino debitam ostensurus, quod nequamquam liceat ecclesiasticis personis respicere in rebus humanis & possessione temporalium leges Imperatoris, *can. 1 dist. 8.* Et contra Petilianum literas scribens ultro concessit Donatistas vii posse in adiutorium suum legibus imperii, omni tamen remota fraude ac cavillatione: exemplo Apostoli, qui contra iniuriosos se ciuem Romanum esse protestatus est, ut secundum leges Romanas iudicaretur, *can. si in adiutorium 7 dist. 10.* Cum Theodoricus Italix rex quinto sæculo exeunte edixisset leges

XXIV. Romanas exinde leges Pandectarum, Codicis & No-

ges Romanorum Principum in profanis negotiis fore custodiendas; Gelasius Papa ad eundem Regem scripsit velle se, vt eadem leges eo magis in ecclesiarum negotiis seruaarentur, *can. certum est 12 ead. dist.* Tam episcopis Rufino & Aprili idemmet Papa rescripsit a nemine contemni debere nec leges Principum, nec regulas Patrum, *can. quis autem 11 ibidem.* Pelagius II Childeberto Regi Francorum, festo declinante seculo scribens, *legibus* (ait) *nos etiam subditos esse sacra Scriptura precipiunt, can. satagendum 10 CXXV qu. 1.* S. Gregorius M. Ioannem in Hispania defensorem instruens quid in causa ei delegata sequi deberet, remisit ad Nouellam 123 Iustiniani, *lib. 2 ep. 57.* Ino Carnotensis episcopus *ep. 180,* instituta (scribit) *legum Nouellarum commendat & seruat Romana ecclesia.* Nicolaus I ad Michaelem Imperatorem post sec. 9 medietatem factus est Pontifex pro cursu temporalium tantummodo rerum imperialibus legibus vti, *cap. quoniam 8 dist. 10.* Cumque paulo ante Lotharius Imperator Ludouici Pii filius conquestus esset Leonem Papam IV nolle Capitularia Regum Francorum, & præsertim Caroli M. Ludouici Pii, ipsiusque Lotharii obseruare; Pontifex respondit sese in eorum modis omnibus & irrefragabiliter obseruaturum ea & imperialia & Pontificum predecessorum capitula, *can. de capitulis 9 dist. 10.* Quæ Lotharius idem obseruanda iussit per vniuersam Italiam, vt notant *in cit. can. Romani Correctores.* Sed populo Romano ægreferente usum sibi suarum legum interdici, alienarum imponi ingram & Imperatoris Galli & Pontificis imperio: Leo IV precibus tandem studuit flectere Lotharium vt pristinum legibus Romanis vigorem restitueret, *can. vestram 13 ead. dist.* Inde indultum a Lothario, vt populo Romano liceret alterutra lege viuere, quam sibi concedente Pontifice & Imperatore delegisset, essetque professus, aut Romanam aut Langobardam. Quam libertatem populo Neapolitano speciatim concessit Rex Guilielmus I post sec. 12 medietatem, dum iussit vt causæ hoc in Regno definirentur *secundum constitutiones primum regis, & in defectu earum secundum consuetudines approbatas, ac demum secundum iura communia,* Langobarda videlicet, aut Romana, *prout qualitas litigantium exegerit.* Seculo ab hinc nono sensim reborauit vsus Romani iuris, quod vna cum litteris, bonisque artibus sexcentos circiter annos exulabat e regnis occidentalibus præsertim Italix, ob dominatum exterarum gentium, præcipue Gothorum & Langobardorum. Ino Carnotensis episcopus iussu Lotharii II Imperatoris, Saxonix Ducis circa ann. 1100, quam duo volumina *Decretum & Panormiam* edidisset, in Panormia ex Pandectis, Codice, & Nouellis plurima excerpta inseruit, primisque omnium canones cum legibus in occidente contexit, & sacro omine ius etiale in Italia promulgare cepit. Tam Constantinopolitanis Iurisperitis audierat, Romanam iurisprudentiam omnino reuocauit in Italix scholis & tribunalibus. Deinde magister Gratianus exemplo Iuocis leges fere innumeras ex Codice Theodosiano, ex Iustiniani textibus, ex Capitularibus, aliisque iuris civilis voluminibus transtulit in suam Decreti concordiam seu collectaneam. Cuiusmodi morem tenuerunt succedentes canonum & decretalium compilatores.

& Nouellarum in Corpore iuris Iustiniano contentas vim generatim obtinere in Curiis ecclesiasticis, æque ac secularibus, quotidiana docet experientia. Profecto quid fere aliud est Romanum ius commune, nisi honestas ipsa naturæ & mentibus humanis Iureconsultorum bene ratiocinando exculpta, scriptisque tradita?

XXV. Aliquando ab legibus eiusmodi imperialibus abhorruere Pontifices Romani, earum studio & usu clericis vetito (a): dum Imperatores Germaniæ nimirum, præsertim Fredericus I, & II pontificiam Sedem & ecclesiasticam libertates vexarunt suis, & armis & legibus ecclesiastica iura depri- mentes. At semotis deinde dissidiis inter vtranque Potestatem ius Romanum in pristinam rediit dignitatem, & Langobardo præualuit in huius regni Neapolitani foro etiam ecclesiastico. Inde factum est, vt ius commune dicatur, quod continet vulgati textus pedum ciuiles, verum etiam canonicis.

XXVI. Omnes tamen leges in textibus ciuilibus comprehensæ vnâ eandemque vim non habent. Nonnullas enim canones speciatim probarunt, alias correxerunt, ceteras silentio præteriuere. Ex legibus primi generis, quæ in Corpore canonum & constitutionibus ecclesiasticis insertæ sunt, ex a Doctoribus recte appellantur *leges canonizatae*, vim perinde in foro ecclesiastico obtinentes, ac canones ipsi auctori-

(a) Alexander III in cap. non magnopere 3 ne cler. vel monachi, sancit, ne regulares iuri ciuili addiscendo vacarent in vniuersitatibus. Innocentius III in const. ad occidentales episcopos data nedum improbauit, quod tota clericorum multitudo ad audiendas seculares leges concurreret: sed iussit etiam, vt in regnis Franciæ, Angliæ, Scotiæ, Hispaniæ, Valliæ, & Hungariæ, non imperatoris legibus causæ, sed locorum consuetudinibus deciderentur. Nanque tam canones (ait), quam consuetudines plus confunduntur legibus, quam iunantur, præcipue propter nequitiam, Matth. Paris ad an. 1154, Thomassin. par. 3 lib. 1 cap. 91 num. 15. Honorius III inhiuit, ne Parisiis, in locisque vicinis ius ciuile legeretur: quia in Francia (inquit) & nonnullis Prouinciis laici Romanorum Imperatorum legibus non vtuntur, & occurrunt raro ecclesiasticæ causæ tales, quæ non possint statutis canonicis expediri, cap. super specula 28 de priuilegiis. Talem censuram veritus Petrus Blesensis, qui sec. xiii floruit, ep. 92 post enarratas iurisprudenciæ Romanæ laudes, tandem vt indulgeret temporis, ait: *Res plena discriminis est usus legum.*

toritate pontificia constituti (a).

XXVII. Præter ius diuinum tria sunt omnino genera legum ecclesiasticarum. Nam aliæ a sacris Conciliis, aliæ a summis Pontificibus latæ sunt, aliæ concordibus sanctorum Patrum dictis editæ. De singulis dicendum.

T I T. VI.

De Conciliis (*).

1 Supper diuinis Scripturis auctoritas conciliorum est.

2 Ab Apostolis celebrata quatuor concilia tradunt eorundem acta.

3 Com-

(a) Quod enim ait Iustinianus in *const. de conceptione Digestorum ad Tribonianum* §. 6, aptissime a Pontificibus dicitur: *nostra fecimus omnia, quibus auctoritatem impertimur*. E re nata nonnullas istiusmodi legum canonizarum delibare iubet. Nuptias inter adoptantem & adoptatam, illiusque descendentes: tum inter adoptatum & filias naturales adoptantis; præterea inter adoptantem & uxorem adoptati; versaque vice inter adoptatum & uxorem adoptantis irritas volvere leges civiles in *l. quin etiam* 55, *l. adoptiuus* 14 *D. de rit. nuptiar.* & §. *inter eas Instit. de nuptiis*, etiam soluta adoptione. Inter adoptatum vero & filiam naturalem adoptantis coniugium durante adoptione inualidum, ea soluta ratum habuerant, *l. per adoptionem* 17 *D. de rit. nupt.* Illud cognationis legalis impedimentum dirimens probauit Nicolaus I in responsione ad consulta Bulgarorum in *can. ita diligere XXX qu. 3*, & *cap. vn. de cognat. legali*: adeo vt ad quæstiones de eodem impedimento finiendas iudices ecclesiastici leges civiles adhibere opus habeant, *Bened. XIV lih. 7 de Syn. diac. cap. 36 n. 5*. Quoties impotentia coniugis dubitetur, num perpetua, an temporalis sit, triennale virum experientiam indulsit Iustinianus *Nou. 22 §. per occasionem*. Eamque Celestinus III admisit in *cap. laudabilem* 5 *de frigid. & molest.* Piorum disponentium voluntates adamussim seruandas cum iussissent Iustinianus in *l. sancimus* 48 *C. de episc. & cler.* & Zeno in *l. si quis donauerit* 15 *C. de sacros. eccl.* id quoque rescriptit diuus Gregorius in *can. rationis* 34 *XVI qu. 7*. Iuri publico pactis priuatorum derogari non posse, primum textus civilis statuit in *l. ius publicum* 39 *D. de pactis*, & *l. 28 D. de reg. iur.* deinde decretalis Innocentii III in *cap. si diligenti* 12 *de for. com.* Fructus rei alienæ possessor bonæ fidei facit suos ex §. 4 *Instit. de interdictis*; eandemque ratione præsentationem possessoris valere, & irrevocabilem esse institutionem præsentati ab eo, definitum est iure canonico in *cap. 19 de iurep. cap. 24 de elect. cap. 7 de caus. poss. & propr.* Initio litis, & lite pendente prohibitum fere sequestrum ex *l. vn. C. de prohib. sequestr. per. comprobavit* in causis ecclesiasticis Felix II in *can. quotiens* 2 *qu. 6*.

(*) Concilium a comitiis apud Latinos differt. Nam concilium pro aliqua populi parte, seu pro coetu seniorum congregato ad rem aliquam communi sensu

tenus

- 3 Conciliorum origo & auctoritas ab institutione diuina & apostolica profluit.
- 4 Diuersam vero vim habent sex eorum genera.
- 5 Œcumenica seu generalia in primis concilia cunctos ubique fideles obligant.
- 6 Hanc tamen vim non habent, nisi Romanus Pontifex ea indixerit, suaque auctoritate probauerit.
- 7 Priora in oriente concilia Imperatores consentientibus Pontificibus Romanis, in occidente Pontifices ipsi per sese congregarunt.
- 8 Vs iudices votum definitiuum habent episcopi, Cardinales etiam non episcopi, abbates Regularium generales; ceteri patres consilium.
- 9 Gradatim sedent ac subscribunt Legati primum apostolici, mox Cardinales, Patriarchæ, Primates, Archiepiscopi, Episcopi, Abbates, iuris Doctores, Theologi; inter impares nimirum dignitas maior, inter pares antiquitas promotionis præcedit.
- 10 Reges etiam, supremique Principes adesse conciliis generalibus per se aut per legatos & oratores consueuerunt.
- 11 Generalium conciliorum auctoritas in fidei dogmatibus infallibilis & immota, in rebus disciplina secus.
- 12 Eorum numerus paullulum dubius octo græca priora, latina tredecim posteriora complectitur.
- 13 I, Nicanum hæresim Arii de Christi diuinitate prostigauit.
- 14 II, Constantinop. I alteram Macedonii de Sp. S. necnon Eumonii, Sabellii & Apollinaris.
- 15 III, Ephesinum aliam Nestorii de Virgine Deipara,

tentia deliberandam accipitur. Comitæ vero pro conuentu totius populi ad ferenda suffragia conuocati, Gellius lib. 15. noſt. Act. cap. 27. Hinc certis episcoporum catholicorum & cleri ad quæſtiones fidei definiendas, moresque fidelium moderandos, & ecclesiastica pertractanda negotia rite habiti, passim nun. upantur latino vocabulo concilia, & græco synodi. Næm concilii tractum affirmatiue Iſidorus a concurſu eiliorum in vnum, can. 1 dist. 15; aliæ a conſidendo, vel cogitando, vel conſalando, idest conuocando.

- 16 IV, Chalcedonense illam Eutychetis de duabus in Christo naturis.
- 17 V, Constantinop. II tria capitula a Vigilio Papa ante damnata proscripsit.
- 18 VI, Constantinop. III monothelitas damnauit unam in Christo voluntatem effluentem.
- 19 VII, Nicaenum II iconoclastas sacrarum imaginum hostes.
- 20 VIII, Constantinop. IV Photium schismaticum.
- 21 Horum omnium canones dogmaticos palam profitebatur nouus quisque Pontifex.
- 22 IX, Lateranense I imperiales ecclesiarum inuestituras pisco-
nicarum electionum iure vindicato deleuit, sacrumque bellum contra infideles promouit.
- 23 X, Lateranense II Anacleti antipapa schisma compressit, haereticosque Petrobusianos & Arnaldistas.
- 24 XI, Lateranense III acta rescidit pseudo pontificum Victoris IV, Paschalis III, Calisti III, damnauitque Valdenses, Albigeneses, Catharos & Patarenos.
- 25 XII, Lateranense IV sancito fœdere Principum contra Saracenos plurimos rescuit errores Albigenium, Almarici Carnotensis, & Ioachimi abbas.
- 26 XIII, Lugdunense I anathema in Fridericum II iterauit, rubroque pileo Cardinalium dignitatem auxit.
- 27 XIV, Lugdunense II decimas ecclesiasticas pro bello sacro ad sex annos indixit, & Paleologo Imp. Græc. eiurato schismate fidem nostram de Sp. S. Græcis declarauit.
- 28 XV, Viennense Templariis deleuit damnauit Petrum Io. Olinum, Begardos, Beguinas, Fraticellos & Dulcinistas, memoriamque Bonifacii VIII a calumniis vindicauit.
- 29 Dubie auctoritatis concilium Pisanum deiecit Romana Sedis competitoribus pseudo Benedicto XIII, & Gregorio XII, Alexandrum V elegit.
- 30 Ambiguum pariter Constantiense tribus e Romana Sede deiecit Martinum V suffecit, mox Boemos Hussitas, & Wiclefistas proscripsit.

- 31 Eiusdem furfuris Basileense Eugenio IV deposito, suffecto-
que antipapa Felice V, communionem sub utraque specie
laicis vetuit.
- 32 Florentinum rite celebratum unionem latinorum cum græcis
decrevit.
- 33 Lateranense V legitimis actis Pisani concilii rescissis da-
mnauit hæreses de anima omnium una & mortali.
- 34 Tridentinum denique fidei veritatem a quamplurimis Lutheri
& Caluini maculis expurgatam tradidit, & corruptos eccle-
siae mores reformauit.
- * Multa reformationis Tridentinae decreta hoc in regno non
admissa.
- 35 Arelatense concilium nonnulli generalibus conciliis accensent;
alii rectius non.
- 36 Sardicense appendix Nicæni potius, quam diuersum putatur.
- 37 Trullanum etiam seu Quinisextum orientales habent vti
appendicem quintæ & sextæ synodi œcumenicæ.
- 38 Localia vero concilia sæpius ab episcopis habita tribus etiam
prioribus ecclesiæ seculis.
- 39 Plurima sunt, quæ pro sua quisque natione Patriarchæ co-
gerunt.
- 40 Prouincialia bis quotannis olim ex Nicæno canone, ex Tri-
dentino singulis trienniis, nunc rarissime celebrantur. Exe-
cutionem non habent, nisi accesserit Romanæ Sedis confirma-
tio, præterea regium hoc in regno placitum.
- 41 Cunctos ista totius prouinciæ subditos obligant, non alios.
- 42 Ordinarium appellationis tribunal olim erat synodus pro-
uincialis.
- 43 Post Tridentinum præcellunt synodi prouinciales Mediolan-
enses, Beneuentana & Neapolitana.
- 44 Tum Romana Benedicti XIII anno 1725.
- * Plura synodi huius decreta hoc in regno nullam sortiuntur
executionem.
- 45 Diœcesanas episcopi synodos cum clero quisque suo bis an-
Tom.I. H nuas

nuas cogebant ex canone Nicæno, nunc ferme exoleras.

- 46 *Modum & formam celebranda synodi tradit fufius Benedi-
ctus XIV.*
- 47 *Quid in ea decernere; quid intractum relinquere episcopus
debeat, fumatim innuitur.*
- 48 *Exemptos quoque ad eam conuocandi ius habet diæcefanus.*
- 49 *Hoc in regno synodi episcopales nullam sine placito regio
executionem obtinent.*
- 50 *Miftæ infuper synodi funt, quæ promifcuam provincialis &
diæcefana vim habent.*
- 51 *Plures huius generis hoc in regno celebrata.*
- 52 *His adduntur synodi regia ex prælatis & baronibus collectæ
pro communi cleri & populi utilitate.*

Post facras Scripturas maximam obtinent auctoritatem decreta conciliorum (a), quæ fcilicet epifcopi infimul congregati constituerunt de caufis ecclefiafticis fivæ fidei dogmata, fivæ mores ac regimen fpectantibus. Quin prima concilia partem faciunt facrorum librorum.

II. Ex Actis Apoftolorum conveniffe non femel Apoftolos ad quæftiones naſcentis ecclefia definien-
das plane conſtat. I, iſſis adhuc commorantibus in cœnaculo Ieroſolymitano quum Petrus in medio fratrum diſſerviffet de neceſſitate eligendi deficientem Apoftolum in locum Iudæ proditoris; unanimi ſententia deliberarunt propoſitam electionem eſſe faciendam, cuius fors ſive ſigno cœleſti, ſive Apoftolorum eligentium ſuffragiis ſuper Mathiam cecidit (b). II, diaconorum electionem, ordinationemque decreverunt Ieroſolymis pro murmure Græcorum adverſus Hebræos ſedando, quod in miniſterio quotidiano deſpicerentur eorum viduæ: cumque duodecim Apoftoli multitudinem diſcipulorum conuocaſſent, edixerunt æquum non eſſe ſemetipſos derelinquere verbum Dei & miniſtrare
men-

(a) S. Auguſt. in can. illa autem 11 diſt. 12.

(b) Act. cap. 1 verſ. 16, & ſeqq.

mensis ; sed placuit coram omni multitudine eligere & constituere super illud opus septem viros (a). III, gravissima controuersia inter Antiochenos fideles exorta , an baptizatos oporteret circumcidere, aliaque mosaicæ legis carimonias seruare, ad concilium Apostolorum Ierosolymis coactum delata est : in eoque prolatis palam suffragiis SS. Petri & Iacobi , placuit Apostolis & senioribus cum omni ecclesia non inquietari eos, qui ex gentibus conuertuntur ad Deum, ad ferendum legis mosaicæ iugum, sed scribere ad eos, vt abstinerent se a contaminationibus simulacrorum & fornicatione & suffocatis & sanguine (b). IV, Ingressi ad Iacobum collectivæ simul omnes Apostoli cum senioribus dixerunt Paulo, vt vna cum quatuor viris legem purificationis expleret, vt scirent omnes Iudæi, quod ambularet & ipse custodiens legem Moy sis : & qui ante resisterat Cephæ simulanti coram circumcisis obseruantiam illius legis, cessit necessitati, purificatusque cum aliis viris intrauit in templum (c).

III. Ab institutione diuina & apostolica originem, auctoritatem, vsum conciliorum in ecclesia promanasse ecquis negauerit ? Episcopi Apostolorum vestigia persequentes nonnisi

H 2

præ-

(a) Ibidem cap. 6. Non ad profanarum & vulgarium, sed potissimum ad sacre eucharisticæ mensæ ministerium institutos diaconos, pluribus ostendit Nat. Alexander in *hist. sec. 1 diff. 7 to. 5* edit. Neap.

(b) Astor. cap. 15. In hoc Apostolorum concilio obiter animaduertenda præsentia primam & apertura B. Petri : deinde votum eiusdem Principis Apostolorum, non minus quam S. Iacobi expressum, probatumque sacris Scripturis : tum definitio Concilii ostendens diuinam auctoritatem ex oraculo Spiritus Sancti in communi Patrum sensu : ad extremum canones fidei immobiles de abrogatis carimoniis & præceptis legis Mosaicæ, ac damnata fornicatione : necnon canones mobiles ecclesiasticæ disciplinæ quod ad abstinendam a sanguine & carnibus suffocatorum, qui iandiu in desuetudinem abiuerunt. Chrysostomus hom. 32 in *Acta Ap.* eam rem gestam expendens ait : hinc Petri voces excepit Iacobus, ceterique deinceps unanimi voto dogma definiunt, & legislationem suscipiunt.

(c) Ibidem cap. 21 vers. 18, & seqq.

Recentis Apostolorum Concilii nonnulli cum Torriano addunt Antiochenum, cuius nouem canones Torrianns ex codice ms. Pamphili martyris accepisse tradit. Illud tamen eruditi apocryphum habent, quoniam nulla de eo mentio fiat a veteribus scriptoribus, pluraque in eo contineantur absurda, quæ repugnant apertissime diuino Apostolorum sensui, ac disciplinæ nascentis ecclesiæ.

præiū consilio gesserunt omnia fere ecclesiastica negotia prioribus seculis, ne ab acceptis canonibus, recta ratione, Deique voluntate desisterent: nam sapientia Dei habitat in consilio; quique mittat vocem pro veritate, in synodico confesso non deficere, plerosque item aberrantes ad eam complectendam reuocari sæpius docet experientia. Propterea sine concilio ecclesia magis, quam ciuitas sine senatu, quod Tullius dixit (a), stare non potuisse videtur.

IV. Non vna tamen eademque est omnium conciliorum auctoritas, sed diuersa ex diuersis eorum generibus. Sunt enim concilia vel *generalia* seu *œcumenica*, vel *nationalia*, vel *provincialia*, vel *diœcesana*, vel *mista*, vel *regia*. De quibus singulatim in *seqq. capp.*

C A P. I.

De generalibus Conciliis.

V. **G**enerale concilium cunctas generatim ecclesias, populosque fideles obligans dicitur, quod auctoritate summi Pontificis accitis episcopis totius terrarum orbis congregatur, celebraturque ad dogmata fidei definienda, corruptosque christianorum mores vbique gentium reformandos. Idipsum nuncupat *plenarium* S. Augustinus (b), Græci *atmenicum*.

VI. Quod generalium synodorum conuocandarum auctoritas apostolicæ Sedi B. Petri sit diuino iure tradita, nec debere absque sententia Romani Pontificis concilia celebrari, luculenter comprobatur Gratianus (c). Non enim concilium, sed con-

(a) *Orat.* 32 pro P. Sextio.

(b) *Lib.* 2 de baptismo contra Donatistas *cap.* 3.

(c) *Dist.* 17. Quod ipsissimis verbis reſcriptis Pelagius II *ep.* 8 ad Patres synodi Constantinop. a Iohanne Patriarcha congregatz, nemine illorum reclamante. Idem sibi ius vindicauit S. Gregorius VII, sue Auctor dictati seu collectionis articuloꝝ; quæ vulgo tribuitur S. Greg. VII. Socrates *lib.* 2 *hist. eccl. cap.* 8, synodo Antiochenæ hoc inter cetera vitio vertit, quod ei Iulius Romanæ vrbis episcopus non interfuiſſet.

conuenticulum & conciliabulum est, quod sine apostolica Se-
dis auctoritate celebratur (a). Hanc auctoritatem tribus po-
tissimum prærogatiuis constare innuit Petrus de Marca (b):
præsidentia in confessu, *rogatione* sententiæ seu iure rela-
tionis, & *præsencia* aut personali aut per Legatos, vel ra-
tificatione, ut synodus œcumenica possit legitime & canonicè
congregari. Quibus addenda est *indictio* seu conuocatio.

VII. Ad priora concilia in oriente celebrata conuo-
catis vniuersi orbis episcopos a christianis Imperatoribus fuisse
ostendunt historiarum monimenta, ipsaque acta conciliorum: at
nonnisi assentientibus vel auctoribus summis Pontificibus,
quod inferius ostendam. Œcumenica tamen omnia in occi-
dente habita Romani Pontifices ipsi proculdubio indixerunt
& conuocarunt.

VIII. Ad solos episcopos, quos Spiritus S. posuit regere
ecclesiam Dei (c), pertinuisse ius suffragandi tanquam iudices,
ex usu priscorum conciliorum constat, sententiaque SS. Pa-
trum (d). Post elatam vero Cardinalium S. R. E. digni-
tatem nouo ecclesiastico iure datam esse Cardinalibus omni-
bus episcopali etiam charactere carentibus prærogatiuam suf-
fragii

(a) *Con. multis* 5 dist. 17.

(c) *Autor. cap. 2 vers. 28.*

(b) *De concordia lib. 5 cap. 7 n. 1.*

(d) *Cyprian. ep. ad Iubaianum*, *Hilar. lib. de synodis*, *Ambros. ep. 31*,
Hieron. ep. ad solitariam vitam agentes, *Card. Tarrecrem. sum. eccles. lib. 3*
cap. 63, & *64*, *Bellarmin. lib. 1 de concil. cap. 18. Nefas est enim* (scribebat
Theodorus iunior in ep. ad Ephesinam Synodum) *qui sanctissimorum episcoporum*
catalogo adscriptus non est, illum ecclesiasticis negotiis & consultationibus sese im-
miscere. Ex episcopali iure suffragii caue ne inferas (monet summus Papa Be-
ned. XIV lib. 8 de syn. dioc. cap. 2) Romanum Pontificem teneri maiorem
partem iudicum synodicorum sequi: nam Petro soli supremam tribuit Christus
Dominus potestatem confirmandi fratres suos, scilicet reuocandi ad veram fidem
desectentes ab ea siue plures siue pauciores, *Lucæ 22*, ibi: *Rogavi pro te, ut*
non deficiat fides tua, & tu aliquando conuersus confirma fratres tuos. Idque com-
probat epistola Damasi Papæ ad episcopos per Illyricum constitutos contra Sy-
nodum Ariminensem apud Petrum Coustant *to. 1 col. 486*, & Synodo Florenti-
na. Id ipsum collimat ad tuendam summi Pontificis auctoritatem supra: con-
cilium œcumenicum, cui aduersantur Galli. Eorum argumenta inferius resellam
tit. de summo Pontifice.

fragii & subscriptionis, una & sedis supra episcopos in conciliis Lugdunensibus I, & II, Florentino, ceterisque recentioribus, exploratissima res est ex eorumdem conciliorum actis. Tum Abbates & Generales ordinum regularium superiores ob adeptam administrationem, iurisdictionemque quasi episcopalem in subiectos vocem definitivam post episcopos quoque obtinuerunt (a): secus quam vetustis temporibus servatum fuerat. Nam perinde Abbates, ac Doctores Canonistas & Theologos interfuisse conciliis œcumenicis tanquam meros consiliarios, aut honorabiles spectatores, nequaquam ut iudices, indubium est ex diuersis subscriptionum formulis. Episcopi hanc usurpare plane consueverunt. *N. Episcopus iudicans subscripsi*. Verbum *iudicans* quum Abbates omittebant, tum Doctores ceteri. Qui etiam ex his procuratores forent episcoporum absentium, ii ad suffragium vice principalium ferendum admissi sunt; non tamen decisivum (b).

IX. Quod ad ordinem sedendi ac subscribendi, primus Pontifici maximo, si adsit, aut Legatis apostolicis vices Papæ absentis gerentibus debetur: deinde Cardinales, Patriarchæ, Primates, tum Archiepiscopi, Episcopi, tandem Abbates, Doctores legum, ac Theologi gradatim succedunt. Ceteris paribus ille alterum fere præcedit, qui ad eandem dignitatem ante promotus est (c). Procuratores in orientalibus conciliis locum ipsum, quem occupassent episcopi & Patres absentes, si adfuissent, habuere: in occidentalibus tamen postremum post episcopos.

X. Imperatores quoque ac Reges, nonnullique Principes supremi aliquando per semetipsos, sæpius per legatos, oratoresque suos adfuere conciliis œcumenicis, permagno ecclesiæ, reique publicæ bono, & plaudentibus Patribus. *Expedit*

(a) Bened. XIV. in tr. de synod. dioc. lib. 8 cap. 2 num. 5.

(b) Ibidem num. 3 in fine.

(c) Can. fin. dist. 17, cap. 1, 15, & 16 de maior. & obed.

pedit enim, quod Reges & Principes mittantur ad generalia concilia non ad onerandum & confundendum, sed ad honorandam & confortandam ecclesiam, & ad ea, quæ ibi decreta fuerint, quantum in eis est, exequendum, aiebat Cardinalis Petrus de Alliaco (a). Tametsi nec maiorem vim decretis fidei & dogmatibus ecclesiasticis eorum præsentia confert, nec vigorem detrahit absentia.

XI. Auctoritatem concilii generalis a Christo immediate prodiiisse, eamque infallibilem indefiniendis fidei dogmatibus esse, catholici sententia unanimi profitentur, pluribus sacræ Scripturæ oraculis edocti. Specialem sane adfidentiam suam & Spiritus Sancti præsentiam Christus Seruator promisit Apostolis in vnum congregatis, inquit (b): *ubi sunt duo vel tres congregati in nomine meo, ibi sum in medio eorum* (c). *Ego rogabo Patrem, & alium Paraclitum dabit vobis, ut maneat vobiscum in æternum, Spiritum veritatis.* Cumque Apostoli in concilio Ierosolymitano quæstionem de legalibus cærimoniis definirent, sententiam synodicam a Spiritu Sancto dictatam protulerunt dicentes (d): *Visum est Spiritui Sancto & nobis.* Quod vero ad controuersias factorum, moresque fidelium, sæpe concilia priora emendari a posterioribus, scripsit Augustinus (e): quum aliquo scilicet experimento rerum aperitur quod clausum erat, & cognoscitur quod latebat. Ideo ubi discors inuenitur sententia in gestis conciliorum, illius concilii magis teneri sententia debet, cuius aut antiquior aut potior sit auctoritas (f). Maximam sane auctoritatem ac vim habent decreta conciliorum generalium de iis etiam rebus, quæ ad disciplinam ecclesiæ ac reformationem morum pertinent. Et quamuis salua sit Sedi apostolicæ Romanæ suprema potestas eis derogandi seu dispensandi: ea tamen nunquam

(a) In tract. de reform. eccl.

(b) Matthæi cap. 18.

(c) Ioannis cap. 14.

(d) Actor. cap. 15.

(e) Lib. 2 de baptis. contra Donatistas cap. 3.

(f) Isidorus in can. Domino 28 in fin. dist. 50, & Innocentius III in ep. 124 ad Compstellanum, & Bracarensem episcopum lib. 2.

quam præsumitur sine speciali mentione velle statutis conciliorum generalium derogare, nec quidpiam contra ea indulgere (a).

XII. Quot numero sint concilia œcumenica, dubia res adhuc est, nec definitu facilis. Alia enim potius appendices habita sunt, quam diuersa concilia; alia hæreticorum & schismaticorum fraude corrupta & eomentita; alia rite iacthoata deflexerunt in conciliabula; alia partim probata, partim reiecta supremo Sedis apostolicæ iudicio. In tanta ambiguitate operæ pretium est discernere priora octo græca in orientalibus ecclesiis celebrata, quæ inscriptionem ordinis numeralis habent quum in exemplaribus Vaticanæ bibliothecæ, tum in vulgatis collectionibus. Mox posteriora tredecim latina in occidentalibus partibus post græcorum schisma pertinacissimum coacta usque ad Tridentinum.

XIII. Primum concilium generale, *Nicænum* I Nicæ Bytinæ metropoli habitum est anno æræ Christianæ 325, Siluestri Papæ 12, Constantini Imp. 20. Indictum, conuocatumque fuit a Constantino M. ex Papæ sententia (b). Præfuerunt tres Legati Sedis apostolicæ, Osius Cordubensis episcopus, Vitus & Vincentius Romani presbyteri (c), interuenien-

(a) Honor. III in cap. ex parte tua 3 de capell. monach.

(b) Constantinus M. quod ex sacerdotum sententia (quorum præcipua fuit sanctissimi Papæ Siluestri) apud urbem Nicæam episcopale concilium conuocauerit contra Arium, diserte narrat Rufinus lib. 5 hist. eccl. cap. 1. Perperam Launois epist. par. 6 in ep. ad Ludouicum Hæbertum Mommorium opinatur signatis Rufini verbis non indicari sententia Romani Pontificis, sed Alexandri episcopi Alexandrini Constantinum hortatum fuisse ad congregandam synodum. Eumque refellit N. Alexander in hist. sec. 4 diff. 11 art. vn. object. 1. Sexta Synodus œcumenica Siluestrum vna cum Constantino conuocasse Nicænos Patres, manifestius tradit act. 18 in sermone prosphonetico seu acclamatorio, ibi: *Constantinus semper Augustus, & Siluester laudabilis magnam atque insignem in Nicæna synodum congregabant.*

(c) Id tradunt ex Eusebio lib. 3 de vita Constantini Iulius I ep. ad Synod. Antioch. S. Athanasius apol. 2, Gelasius Cyzicenus lib. 2 hist. conc. Nic. cap. 5 & Photius cod. 88, Socrates lib. 1 cap. 9, Theodoretus lib. 1 hist. cap. 6, ceteri, quorum testimoniis refellitur Launois ep. ad Raymundum Formientinum asserens duos presbyteros Romanos Vitum & Vincentium adfuisse, non præfuisse Nicæno concilio.

uenientibus episcopis 318 vna cum Constantino, qui plaudentibus Patribus in deaurata sede confedit. Profligauit hæresim Arii presbyteri Alexandrini diuinam Filii Dei naturam abnegantis, definiens Filium Dei *ὁμοουσιον*, seu consubstantiallem Patri, istamque vocem symbolo fidei superaddidit. Arium ipsum præsentem, auditum, conuictum, pertinacem anathemate damnavit vna cum sectariis. Meletium Lycopolitanum in Ægypto episcopum, qui schisma fecerat contra Petrum archiepiscopum Alexandrinum, clementius compressit. Festum Paschatis Dominica proxima post lunam 14 Martii celebrandum ab omnibus ecclesiis sanxit, reprobatò Iudæorum more, quos Quartadecimani imitabantur. Tandem viginti canones edixit ad disciplinam ecclesiasticam pertinentes.

XIV. Secundum Concilium, *Constantinopolitanum* I anno 381 acceptis a Damaso Papa litteris conuocauit Theodosius I Imperator (a). Nec Romanus Pontifex, neque pro eo aliquis pontificiæ Sedis legatus præfuit, quoniam Damasus aliud concilium Romæ tunc quoque temporis indixit, & cum occidentalibus tantum episcopis celebrauit: quum plura impedimento fuissent, quominus orientales ad Romanum concilium vocati, postquam conuenerant Constantinopolim, longius iter aggrederentur. Ob id orientales duntaxat episcopi 150 in ciuitate Constantinopolitana nouas hæreses anathematizandi studio, in primis ratam habuerunt fidem in Nicæna synodo probatam, deinde execrati sunt *Eunomios* ab Eunomio hæresiarcha dictos, siue *Anomæos* hoc est dissimiles,

Tom. I.

I

miles,

(a) Patres ipsi Constantinopolitani testantur se Constantinopolim conuenisse ob litteras Damasi Papæ ad Imp. Theodosium datas, conuocatosque a Papa fuisse per religiosissimi Imperatoris litteras, in ep. synodica ad Damasum apud Theodoret. lib. 5 hist. cap. 9, ibi: Concilio Romæ coacto nos etiam pro fraterna erga nos charitate vestra tanquam membra propria per religiosissimi Imperatoris litteras euocastis Constantinopolim conuenimus, propterea quod mandato litterarum superiore anno a vestra reuerentia post concilium Aquileiense ad sanctissimum Imperatorem Theodosium missarum, ad iter duntaxat Constantinopolim vsque faciendum nos praparatimus, atque de hoc vno concilio celebrando consensum episcoporum, qui in prouinciis manserant, vna nobiscum attulimus.

miles, & *Arianos* siue *Eudoxianos* Arii & Eudoxii sectarios blasphemantes Dei Filium Patri omnino dissimilem. Insuper *Semitarianos* siue *Pneumatomachos* (duce Macedonio de Constantinopolitana Sede, quam inuaserat, deiecto) pugnantes contra diuinitatem Spiritus Sancti. *Sabellianos* etiam cum Marcellianis somniantes vnā Dei personam sub tribus nominibus. Atque *Apollinaristas* negantes in Christo animam, & mentientes diuinitatem vice animæ corpus informasse (a). Tum symbolo fidei Nicænæ hunc articulum inseruere. *Credimus in Spiritum Sanctum Dominum & viuificantem, ex Patre procedentem, & cum Patre & Filio adorandum & conglorificandum*. Tres deinde canones disciplinæ constituerunt. Ad extremum epistola synodica Damasum rogant, *vti congratuletur de rebus decretis, tanquam legitime & secundum ecclesiæ canones constitutis*. Damasus autem definita contra hæretes tantum approbasse fertur (b), disciplinæ canones secus. Ideoque secundum inter oecumenica locum huic concilio parauit Romani Pontificis & ratihabitio & indictio.

XV. Tertium Concilium, *Ephesinum*, postulante (c) Cyrillo Alexandrino Sedis apostolicæ Legato in causa Nestorii

(a) Sectarios hos omnes exhibet canon I conc. Constantinop.

(b) S. Gregorius lib. 6 ep. 125. *Canones quidem (ait) Constantinopolitani Concilii Eudoxianos damnant, sed quis fuerit eorum auctor Eudoxius, minime dicunt. Romana autem ecclesia eosdem canones, vel gesta illius hactenus non habet nec accipit: in hoc autem eandem synodum accepit..... quod est per eam contra Macedonium definitum. Reliquas vero hereses, quæ illic memorata sunt, ab aliis iam Patribus damnatas reprobant*. Theodoretus lib. 2 hist. eccl. cap. 22 exhibet epistolam Damasi Papæ ad episcopos Illyrici ex synodo Romana, qua *Spiritum Sanctum vnā eandemque cum Patre & Filio substantiam & subsistentiam habere pronunciat*. Idemque lib. 5 cap. 11, aliam epistolam Damasi ex altera synodo Romana contra Apollinaristas datam ad Paulinum episcopum Antiochenum, exhibet, qua speciatim anathematizantur *Macedoniani, qui de Arii stirpe venientes, non perfidiam mutauerunt, sed nomen. Rursus si quis non dixerit Patris & Filii & Spiritus S. vnā diuinitatem, potestatem, potentiam, vnum gloriam, dominationem, vnum regnum, atque vnā voluntatem ac veritatem, anathema sit... si quis non dixerit Spiritum Sanctum adorandum ab omni creatura, sicut & Filium & Patrem; anathema sit*.

(c) Enagrios lib. 1 cap. 3 testatur S. Cyrillum Alexandrinum Theodosio Imperatori iniussisse, vt synodum oecumenicam congregaret.

rii indixit Theodosius iunior litteris ad Cœlestinum Papam, Cyrillum, aliosque maiorum Sedium præsules datis. Prioribus duabus actionibus anno 431 præsedit Cyrillus Romani Pontificis Cœlestini vices agens (a), tum sequentibus actionibus præsedere tres apostolici Legati, Arcadius & Proiectus episcopi, & Philippus presbyter Romanus (b), Ephesum Asiæ proconsularis metropolim a prudentissimo Papa inissi e gremio ecclesiæ occidentalis. Adfuere 274 episcopi. Anathemate percussus est Nestorius ex Antiocheno presbytero Constantinopolitanus episcopus, quia nefaria hæresi blasphemabat beatissimam Virginem non fuisse Deiparam θεοτοκον, sed αντροποτοκον, & Christum in eius utero formatum esse merum hominem a Filio Dei vnigenito diuersum, nec esse Deum, sed templum Dei, in quo inhabitaret Verbum Deus. Definitum est in Christo seruatore vnam personam seu hypostasim in duabus naturis consistere, eiusque Matrem reapse Deiparam fuisse, iuxta duodecim anathematismos seu fidei articulos a S. Cyrillo editos. Disciplinae canones octo constituti, quos ad vniuersalem ecclesiæ œconomiam non pertinentes latinus codex canonum non habet.

XVI. Quartum Concilium, *Chalcedonense*, suadente ac consentiente S. Leone M. Nicææ primum indixit Marcianus

I 2

Au-

(a) Quod ex actis eiusdem concilii Ephesini 1 act. 1 liquet. Cœlestinum sane sue Sedis apostolicæ vices Cyrillo commississe contra Nestorinum ab ipso Cœlestino iam damnatum, ostendunt binæ Cœlestini litteræ, scilicet ad Cyrillum & Clerum Constantinop. datæ, in iisdem actis, & consona scriptorum testimonia.

(b) Hosce legatos præsentiam, præsidentiamque Cœlestini supplens ab act. 3 concilii Ephesini vsque ad finem, palam est ex duabus Cœlestini epistolis: quarum altera ad Ephesinam Synodum, ibi: *direximus pro nostra sollicitudine sanctos fratres & consacerdotes nostros.... Arcadium & Proiectum episcopos, & Philippum presbyterum nostrum, qui iis, quæ aguntur, intersint, & quæ a nobis antea statuta sunt, exequantur.* Hæc postrema verba satis indicant vices pontificias in causa Nestorii S. Cyrillo tacite ademptas, translataque ad memoratos duos episcopos occidentales, & presbyterum Romanum. Ad Theodosium Imp. altera Cœlestiniana epistola hæc habet. *Huic synodo, quam esse iussistis, nostram præsentiam in his, quos misimus, exhibemus.* Idipsum luculentissime comprobant interlocationes eorundem Legatorum, alibique passim acta ipsius Ephesinæ synodi.

Augustus, deinde transtulit Chalcedonem, Constantinopolitanae urbi viciniorem (a). Conuenerunt episcopi 630 anno 451, praesidentibus Romanae Sedis legatis quatuor, scilicet Paschasino Lilybaeo & Lucentio Asculano episcopis, Bonifacio & Basilio presbyteris, quibus Iulianum Coenslem episcopum adiunxit Leo participem consiliorum (b). Actione sexta adfuit Marcianus laetis Patrum acclamationibus acceptus, qui oratione Christiano Principe digna dixit se *ad fidem confirmandam, non ad potentiam exercendam exemplo Constantini ad synodum venisse*. Tum tria disciplinae capitula Patribus statuenda proposuit, *decorum esse iudicans ea regulariter potius firmari per synodum, quam sua lege sanciri*. Damnatu est potissimum Eutyches archimandrita seu abbas monasterii Constantinopolitani, qui contra Nestorianam haeresim pro fide quum acerrime pugnasset, in contrarium errorem transfiliit miserrime, negando duas in Christo naturas consistere, quum assereret Christum esse quidem ex duabus naturis, sed non in duabus, idest duas fuisse ante Incarnationem naturas, unam postea: ideoque Christum hominibus non consubstantialem. Damnati etiam Dioscorus Alexandrinus, alique episcopi auctores synodi latrocinialis Ephesinae, & contra in Sedem suam restitutus Ibas Edeffenus, rescissis pseudo synodi Ephesinae actis omnibus. Canones vigintiseptem denique a Patribus Chalcedonensibus editos recepit ecclesia Romana, secus canonem 27 de Sedis Constantinopolitanae iuribus patriarchicis immediate post Romanam Sedem collatis.

XVII. Quintum (c) inter oecumenica numeratur *Constantin-*

(a) Mutae litterae S. Leonis Papae ad Marcianum, & Pulcheriam AA. & utriusque ad S. Leonem, quas legere est in actis conc. Chalcedonensis, commonstrant imperialem huius concilii conuocationem, ac translationem propria sanctissimi Papae auctoritate factam.

(b) Hoc etiam ex gestis Concilii patet, & epistolis S. Leonis 71 ad Iulianum Coensem, 47 ad synodum Chalcedonensem, 43 ad Marcianum Aug. quas ex editione Quesnelli laudat N. Alexander in *hist. sec. quinti dissert. II qu. 2.*

(c) De quatuor prioribus conciliis oecumenicis ita S. Gregorius M. ep.

Constantinopolitanum II. Iustinianus Imperator Vigilio Papa Constantinopolim Chalcedone vix regresso episcopos convenire iussit in regiam urbem ad quæstionem synodice discutendam *de tribus capitulis* a Vigilio ante iam damnatis: scilicet 1, de libris Mopsuesteni episcopi, qui Nestorii fuerat magister. 2, de epistola Ibæ Edesseni ad Marim Persam, quæ S. Cyrillum iniuriis, Theodorum Mopsuestenum laudibus afficiebat. 3, de commentario Theodoriti Cyrensis contra S. Cyrilli anathematismos conscripto. Quum Romanus Pontifex rogatus ad præsidendum adesse Concilio renuisset, episcopi 165 vna congregati præside Eutychio Patriarcha Constantinop. condemnarunt tria modo dicta capitula, simul & Theodori Mopsuesteni, eiusque defensorum personas; Theodoretæ & Ibæ non item, sed solummodo scripta eorum. Origenem præterea, impiosque illius discipulos Didymum & Euagrium fabulantes de anima Christi ante Incarnationem Verbo Dei coniuncta, de dæmonum perinde ac hominum redemptione, pœnaque temporaria execrati sunt. Nullum vero disciplinæ canonem constituerunt. Eodem exeunte anno 553 istud concilium subscriptione tandem sua confirmavit Vigilus.

XVIII. *Sextum, Constantinopolitanum III* Constantinus Pogonatus datis ad Donnum Papam literis, postulantibus legatis Sedis apostolicæ, coëgit. Agatho Donni successor tres misit Legatos, Theodorum & Georgium presbyteros, & Ioannem diaconum, qui Synodo præfuerunt (a) celebratæ in

24 in can. 2 dist. 15. Sicut S. evangelii quatuor libros, ait, sic quatuor concilia suscipere, & venerari solemus. Et Iustinianus Nou. 131 §. 1. Sancimus (ait) vicem legum obtinere sanctas ecclesiasticas regulas, quæ a sanctis quatuor conciliis expressæ sunt aut firmatæ . . . quorum dogmata sicut sanctas Scripturas accipimus, & regulas sicut leges observamus.

(a) Præfidentiam Legatorum vices agentium S. Agathonis conscriptam habent acta Synodi VI act. 1, 17, & alibi passim. Dictus etiam est præfeditus Imperator Constantinus in vndecim prioribus Actionibus, & in ep. Leonis II ad Constantinum. At Imperator ipse professus est, se vti ecclesiæ defenso-rem, non vti iudicem præfuisse, illis verbis: *Neque cum illis tanquam Imperator sededo, aut imperiose loquar, sed tanquam unus ex illis: & prout statuerint* Pon-

erullo palatii Constantinop. anno 680, & 681, ab episcopis 289 interueniente Constantino Imp. Concilium anathematice contriuit *monothelitas* hæreticos vnam in Christo voluntatem & deiuirilem operationem impie asserentes, qui Herachio imperante ac fauente (a) emerferant. Nullosque condidit canones disciplinæ. Edicto suo rogantibus Patribus decreta concilii corroborauit Imperator piissimus. Patres synodica epistola petierunt ab Agathone, vt suo ea confirmaret honorabili rescripto. Eoque interim defuncto Leo II litteris apostolicis sextam hanc synodum comprobauit.

XIX. Septimum, *Nicanum II.* Cum erupissent ex inferis Leone Isauro Imperatore *iconoclastæ* seu sacrarum imaginum destructores, Hadrianus I Pontifex litteris imperialibus Constantini & Irenis AA. nec non Tarasii Patriarchæ Constantinopolitani rogatus Legatos suos Constantinopolim direxit celebratos concilium œcumenicum, Petrum archiepiscyterum & Petrum Abbatem. Iconomachorum seditio militum causa fuit, vt Nicæam synodus iam congregata Constantinopoli transferretur. Quæ anno 787 Patribus 350, & amplius constans diris deuotit iconomachos, perfida Iudæorum, Marcionistarum, Manichæorum germina, simul rescidit conciliabulum Constantinop. sub Constantino Copronymo habitum, & docuit ex traditione apostolica sacris imaginibus ad prototyporum memoriam tribui cultum debere ad orationem honorarium, non tamen veram latrariam soli Deo & naturæ diuinæ debitam. Tandem canones 22 tulit ad reformationem colapsæ disciplinæ.

XX. Octauum, *Constantinopolitanum IV* demandante Hadria-

Pontifices, exequar. Post omnes ideirco episcopos ita subscripsit: *Constantinus in Christo Deo Rex & Imp. Romanorum legimus & consensimus.*

(a) Infamem *ecclēsiā*, puta edictum Heraclius promulgauit, suadente Sergio Patriarcha Constantinop. monothelitarum duce, quo sanxit perfide, ne quis vnam vel duas diceret operationes in diuina Domini Incarnatione . . . at vnam voluntatem Domini nostri I.C. confiteri is non dubitauit, Martin. in secretario III Conc. Lateranen.

driano II habitum est anno 869 vsque ad Febr. anni sequentis ab episcopis 102 per litteras Basilii Macedonis Imperatoris collectis, præsidentibus Donato Ostiensi & Stephano Nepefino episcopis, & Marino diacono Legatis Sedis apostolicæ. Schismaticum Photium Constantinopolitanæ Sedis inuasorem confodit anathemate; & Ignatium Patriarcham iniuria deturbatum in eam ipsam restituit. Viginti septem canones edidit.

XXI. Octo Concilia, quæ modo recensui, secuturos & prædicaturos iurabant olim Pontifices in professione fidei (a). Iis deinde accesserunt plura in occidentalibus regionibus coacta concilia item generalia, ex quorum prioribus septem Corpus Iuris Canonici plurimos habet excerptos canones.

XXII. *Lateranense I* Romæ in basilica Lateranensi seu Constantiniana anno 1123 celebratum indixit Callistus II, solus conuocauit, præsedique 300 & amplius episcopis. Pax inter sacerdotium & imperium feliciter in eo confirmata est. Auditis enim Henrici III Imp. Legatis inuestituræ episcopatuum & abbatiarum per annulum & virgam, quas Imperator vsurpauerat, aboletæ fuerunt; & electiones canonicæ in integrum eo pacto restitutæ, vt fieri deberent coram Imperatore, concessuro electis per sceptrum regalia. Promotæ quoque sunt indulgentiis sacra expeditiones contra infideles in Hierosolymam & Hispaniam. Et canones 22 constituti.

XXIII. *Lateranense II* anno 1139 accitis vndique episcoporum ferme millibus habuit Innocentius II. Conclamatum est schisma Petri Leonis antipapæ sub nomine Anacleti. Petrobussianos a Petro de Bruis, & Arnaldistas ab Arnaldo de Brixia dictos, qui Sacramentum altaris, Baptisma puerorum, Sacerdotium & ceteros ecclesiasticos ordines, & nuptiarum foedera nefarie deridebant; præterea nec proprietatem a clericis nec prædia a monachis sine peccato haberi posse aiebant; ab ecclesia expulit concilium ac profligauit. Denique 30 canones ad coercendos præsertim criminosos clericos sanxit.

XXIV.

(a) *Can. sancta octo 8 dist. 16, ex libro diurno Roman. Pontif.*

XXIV. *Lateranense III* anno 1179 habitum ab Alexandro III cum episcopis 310 vna congregatis, postquam Fridericus I schisma eiurasset, rescidit acta omnia, irritasque pronunciauit ordinationes trium pseudo Pontificum *Ostauiani*, a schismaticis nuncupati *Victoris IV*, *Guidonis Cremenfis*, quem dixerunt *Pascalem III*, & *Ioannis Strumensis* abbatis sub nomine *Callisti III*. Romanum Pontificem nonnisi duarum ex Cardinalibus partium suffragiis concordibus eligendum decreuit. *Valdenses* de Pontificis Romani decretis, de potestate consecrandi & absoluedi laicis iustis attributa & sacerdotibus iniustis ademta, de cœna eucharistica, de consecrando pane ac vino per orationem dominicam, de indulgentiis, Purgatorio, & inuocatione Sanctorum pessime sentientes gladio spiritali confixit. Itemque *Albigenses*, siue *Catharos* & *Patarenos*, quorum errores multiplices late grassabantur de creatione mundi dæmoniaca, metempsychosi, inuili paruulorum baptismate, vetito lactiniorum vsu, & contentu Sacramentorum omnium & Scripturarum. Postremo canones 27 condidit ad reformationem, sparsim relos in textum Gregorii IX, in quo concilium *Lateranense* simpliciter sine adiectione numeri idipsum laudatur.

XXV. *Lateranense IV* anno 1215 Innocentius III, conuenientibus 412 episcopis præter 80 abbates ac doctores celebravit. Sancitum fœdus Principum Christianorum contra Saracenos ad Palæstinam recuperandam. Dogmata vnus Dei creatoris, transubstantiationis eucharisticae, baptismi infantibus proficui, & salutis coniugatorum confirmata contra Albigensium hæresim iterum damnatam de duobus supremis rerum principiis, ceterisque infantiis. Proscripti errores Almarici Carnotensis diaconi circa Eucharistiæ panem, scripta Patrum, resurrectionem, paradysum, infernum, ecclesiæ cærimonias, opera omnia in charitate licita. Tum libellus Ioachimi abbatis Cisterciensis contra Petrum Lombardum de vnitæ sue essentia Trinitatis nec generante nec genita. Canones 69 constituti.

XXVI.

XXVI. *Lugdunense* in Gallia celebratum anno 1243 indixit Innocentius IV, datis conuocationis litteris quum ad episcopos vniuersos, tum ad Principes Christianos. Pontifex ipse præsuit, confidentibus Cardinalibus tunc rubro pileo insignitis, tribus Patriarchis Constantinopolitano, Antiocheno & Aquileiensi, & episcopis 140. Adiuere item Balduinus Imperator Constantinopolitanus, Comes Tolosanus, Thadæus de Sueffa Friderici II Imperatoris orator, vna cum aliis S. Ludouici IX Regis Galliarum, ceterorumque Principum oratoribus. Synodico anathemate tertium percussus est Fridericus II Imperator, quem Gregorius IX ob enormia facinora semel & iterum excommunicauerat. Plura deinde constituta decreta de iudiciorum, rerumque fori ecclesiastici reformatione, quæ sparsim leguntur in Sexto Decretalium.

XXVII. *Lugdunense II* indictum a Gregorio X ad gratiam cum latina ecclesia potissimum vniendam, Terrarum Sanctæ recuperationem, eoque præsidente celebratum anno 1274 cum 700 & ultra episcopis, decimas omnium proventuum ecclesiasticorum ad sex annos pro bello sacro Hierosolymitano primum imperauit. Deinde oratoribus Michaëlis Palæologi græcorum Imperatoris auditis, schismatiurantibus & Romanam fidem profitentibus, litterisque græcorum Præfulum consonantibus perleſtis (a), declarauit, quod Spiritus Sanctus æternaliter ex Patre & Filio non tantum ex duobus principis, sed tanquam ex vno principio, non tuabus spirationibus, sed unica spiratione procedit. Constitutiones deinde 30, seu capita reformationis condidit, exscripta vassim & collaudata in Sexto Decretalium.

Tom. I.

K

XXVIII.

(a) Græcis oratoribus Constantinopolim regressis post synodum Lugdunensem II, Michaël Imperator vniorem exequi ac tueri maximopere studuit. Deſto Iosepho Patriarcha ob perſidiam in schismate perſinaciam, synodos Constantinopoli habita est a græcis episcopis præſide Ioanne Vasso Patriarcha nuper electo, quæ Primatum Romani Pontificis in ecclesia vniuerſa proſtitendo ſtrictam PP. Lugdunensium amplexa est, litterasque synodicas de vniore gratulatorias dedit ad summum Pontificem; N. Alexand. in *hist. ſec. XIII diſt. 7 art. 2.*

XXVIII. *Viennense* concilium anno 1311 Viennæ Allobrogum habuit cum Cardinalibus, duobus Patriarchis latini ritus Alexandrino & Antiocheno, & episcopis 300, Clementis V. In quo aboletus ordo Templariorum, eorumque bona equitibus S. Io. Hierosolymitani addita. Profigati errores Petri Ioannis Oliui de latere Christi adhuc viuentis lancea perfoſſi, de anima rationali corpus non informante, de habitu fidei ac virtutum paruulis baptizatis non infuſo. Tum etiam deliramentis Begardorum & Beguinarum proſcriptis, definita fidei dogmata de prohibita fornicatione, deque hominibus in ſtatu perfectionis a legum obſeruantia nullatenus exemptis. Execrata inſuper libido ſacrilega Fratricellorum & Dulcinistarum. Turpiſſima nota hæreſis inuſta negantibus uſuram eſſe peccatum. Vindicata a calumniis memoria Bonifacii VIII. Plurimæ tandem conſtitutiones ad reſormandam exteriorem diſciplinam conditæ, quas textus Clementinarum completitur.

Tria, quæ ſequuntur concilia ſæculi XV, *Piſanum*, *Conſtantiense*, & *Baſilcenſe*, an inter œcumenica ſint, necne connumeranda; iure merito dubitatur.

XXIX. *Piſanum* Concilium anno 1409 indiſtum eſt unanimi conſenſu a Cardinalibus tam obedientibus legitimo Papæ Gregorio XII, quam aliis obedientibus pseudo Pontifici Benedicſto XIII, ſeu Petro de Luna. Præſidente Decano Cardinale Piſtauienſi, & confidentibus XXII Cardinalibus, quatuor Patriarchis, Archiepiſcopis & Episcopis 92, ultra plurimos abſentium procuratores & abbates, & oratores Principum, litteris ſynodicis primum conuocati ad indiſtum concilium fuere ambo Papatus competitorum pro extinguendo ſchiſmate & pace eccleſiæ reddenda: tametiſi Gregorius XII Aquileiæ, Petrus de Luna Perpiniani eodem tempore concilia ſua & ipſi conuocaſſent. Tum iis adire Piſas reſiſtantibus decretum eſt poteſtatem conuocandi concilium generale ad Cardinales vtriuſque obedientiæ deuolutam. Statiſque diebus decurſis con-

tumaces in causa schismatis declarati ambo sunt, mox in eos tanquam notiores schismaticos & periuros lata sententia depositionis: qua in rem iudicatam transacta electus est concordibus 24. Cardinalium suffragiis in summum Pontificem Alexander V. Cardinalis Bellarminus (a) Pisani concilium nec approbatum nec reprobatum fuisse scribit. S. Antoninus (b) conciliabulum appellat: quum non esset auctoritate Pontificis congregatum, nec abstulisset schisma, sed auxisset, tribus iam se (ait) pro Papa gerentibus.

XXX. *Constantiense* concilium in Germaniæ, Helvetiæque finibus indixit Ioannes XXIII Alexandri successor, & rite inchoavit ipse prædens die 5 Nouembris 1414. Cumque iurasset *sess.* 22 se Papatu sponte abdicaturum, si & Petrus de Luna, & Angelus Corarius seu Gregorius XII etiam cessissent vel decessissent, aut quouis alio casu cessio sua vnionem ecclesiæ dare potuisset: Schaffusiam Constantia clam paucos post dies secessit, pollicitam elusurus cessionem. Celebrarimus Io. Gersonius de auctoritate concilii generalis supra Papam & auferibilitate Papatus duodecim considerationibus disseruit luculenter. Et Concilium *sess.* 4, & 5 declarauit quemlibet cuiuscunque status vel dignitatis, etiamsi papalis existat, obedire generali concilio debere, quod immediate a Christo potestatem habeat. Postea in Ioannem XXIII, Balthasarem Cossam, citarum & contumacem depositionis sententiam promulgauit. Tum cessione Papatus Gregorii XII a Carolo de Malatestis procuratore facta in manibus Sigismundi Imperatoris, vnanimi consensione 20 Cardinalium, & 30 electorum, quos quinque Nationes designauerant, ad pontificiam Petri Sedem electus est Martinus V. Laicorum communionem sub vnica specie probauit contra Boëmos Hussitas. Damnauit hoc concilium Ioannis Wicklesi memoriam, & articulos 43, eiusque libros omnes comburendos iussit. Iohannem Hus hæ-

(a) Card. Bellarm. lib. 1 de concil. eccles. cap. 8.

(b) S. Antonin. par. 3 chronic. tit. 22 cap. 5 §. 11.

reticum quoque proclamauit, sacerdotio depofuit, librosque eius proſcripfit. Inſuper & Ioannis Parui errorem. Hieronymum de Praga in hærefim Wickleſi, & Io. Hus relapſum poteſtati tradidit ſeculari. In perfidum antipapam Bened. XIII ſententiam exauſtorationis innouauit; eumque vti aridum & abſciſſum eccleſiæ membrum habuit. Per multa reformationis in capite & membris capitula edidit. Dogmatica ſolum fidei decreta huius concilii rite communiuit auctoritate pontificia Martinus V: ſecus definitam poteſtatem concilii ſupra Papam, & decennalem concilii generalis celebrationem.

XXXI. *Baſileenſe* indiſtum a Martino V, inchoauit anno 1432 legatus apoſtolicus Eugenii IV Iulianus Cardinalis, tum Eugenius ipſe diſſoluit anno 1437; ac transferre aggreſſus eſt prius Ferrariam, deinde Florentiam. Patres adhuc Baſileæ commorati ad annum uſque 1442 in apertum ſchiſma prolabentes Eugenium a Sede pontificia delicere ſunt auſi, Amedæo Sabaudia Duce ſub nomine Felicis V antipapam adſcito. Concilio œcumenico ſubiicere Papam cenſuere cum Patribus Conſtantienſibus. Laicis communionem ſub vtraque ſpecie vetuerunt. Feſtum Conceptionis B. M. V. edixere. Ad reformationem plura cauerunt canonibus 33. Singulis Nationibus vnum ſuffragium, quam ſingulis epiſcoporum capitibus maluerunt more nouo tribuere.

XXXII. *Florentinum* œcumenicum. Eugenius IV græcos cum latinis conciliaturus concilium generale Ferrariam Baſilæa quum tranſtuliffet anno 1437: ſeſſionibus ſedecim diſputatum eſt de articulis inter vtramque eccleſiam controuerſis, præſente Ioanne Palæologo græcorum Imperatore, cum Joſepho Patriarcha Conſtantinopolitano, multiſque græciſ epiſcopis. Deinde ob peſtilentiam Ferrariæ graſſantem concilium Florentiam ab eodem Pontifice tranſlatum anno 1438, & ſeſſionibus nouem abſolutum *decreto unionis* condito definiuit proceſſionem Spiritus Sancti a Patre ſimul & Filio tanquam ab vno principio: & verbum *Filioque* rationabiliter ſymbolo
fidei

fidei additum. Siue in azymo siue fermentato pane veracem corporis Christi confessionem, & alterutram seruata consuetudine cuiusque ecclesiæ licitam. Triplicem animarum statum in Purgatorii pœnis temporariis, in cœlesti beatitudine, æternisque inferni suppliciis disparibus. Primatum Romani Pontificis in orbe vniuerso. Et gradum Patriarchæ Constantinopolitano post Papam supra ceteros Patriarchas. Absoluto discessu græcorum concilio Eugenius decretum de Armenorum institutione edidit, doctrinam orthodoxam de sacramentis & ritibus diuersis explicans luculentissime.

XXXIII. *Lateranense V* anno 1512 cum 114 episcopis celebrauit Iulius II, absoluit Leo X anno 1517. Prioribus quinque sessionibus ipso præfidente rescissa sunt acta Pisani conciliabuli, quod propter funestum dissidium Papæ cum Ludouico XII Galliarum rege Pisis coactum erat. Post Iulii decessum reliquis sex sessionibus præfuit Leo X. Damnauit hæreses de animæ mortalitate, & vnica in cunctis hominibus anima. Plurima decreuit reformationis capita, montes pietatis probauit, pragmaticam sanctionem Caroli VII Regis Francorum abrogauit.

XXXIV. *Tridentinum* inter œcumenica postremum a Paulo III indictum & inchoatum anno 1545 præfidentibus Sedis apostolicæ Legatis, prosequutum sub Iulio III, completum sub Pio IV anno 1563, contriuit innumeras ferme hæreses a Luthero & Caluino, eorumque sectariis insimul eumitas, quas tot diuisim hæresiarchæ ante protulerant, catholicam fidem omnino euertere, ecclesiamque vniuersam cum tota hierarchia & Papatu potissimum destruere conatis. Sessiones 25 complectitur, fere subdivisas in *canones fidei* & *decreta reformationis* (a). Pius IV litteris suis datis 3 cal.

Febr.

(a) Sa. me. Pius V legatos apostolicos ad Philippum II Hispaniarum & Siciliæ vtriusque Regem misit Fr. Vincentium Iustinianum Ord. Prædicatorum Generalem, postea Cardinalem, & Cardinalem Alexandrinum, Michaëlem Bonellum nepotem suum, conquesturos hoc in regno Neapolitano decreta Tridenti.

Febr. 1563 confirmationem apostolicam ab ipsis Patribus Trident.

dentinæ reformationis minime observari. Ea retinuit Regens Villanus in *ms. relatione*, quæ sunt videlicet.

Sess. 7 *cap. 6*, quod incipit *uniones perpetuæ*, de facultate revidendi uniones præteritas Ordinarii delegata.

Sess. 21 *cap. episcopi etiam 4 de reform.* quod ad compulsionem populi ad suppeditanda necessaria novis ecclesiarum rectoribus.

Et *cap. cum illud quoque 7*, de rescindiendis ac transfereendis ecclesiis etiam de iurepatronatus, & cogendis ad id parochianis.

Sess. 22 *cap. episcopi etiam 8*, de visitandis ecclesiis, locisque piis laicilibus, & exequendis piis etiam dispositionibus.

Cap. administratores 9, de reddendis episcopo rationibus administrantium loca pia laicalia.

Cap. cum ex notariorum imperitiis 10, de examine & suspensione notariorum etiam laicorum.

Et *cap. si quem clericorum vel laicorum*, de excommunicandis occupantibus bona locorum piorum & cuiusvis ecclesiæ seu beneficii.

Sess. 23 *de Sacram. Ord. cap. quoniam vero 4*, de vetito populi & magistratus consensu in Ordinibus conferendis.

Et *cap. cum adolescentium ætas 18*, de taxa Seminarii super omnibus beneficiis etiam de iurepatronatus laicali, locisque piis, deque unione beneficiorum.

Sess. 24 *cap. grave peccatum 8* de corporalibus concubinariorum peccatis.

Cap. episcopi ut aptius regant 10, de sublato appellationis beneficio in causis correctionis morum.

Cap. quoniam privilegia 11, de exemptis omnibus, & Capellanis etiam regis delegatæ episcoporum auctoritati subiectis.

Et *cap. quoniam pleraque cathedralis 13*, de decimis & symbolis parochianorum pro congrua parochiali.

Sess. 25, & ult. *cap. quamvis excommunicationis gladius 3* de multis peccatoriis laicorum, & seculari inhibitione censurarum,

Cap. admonet sancta synodus 8 de compellendis & destituendis auctoritate episcopali laicis hospitalium administratoribus.

Cap. sicuti legitima patronatus iura 9, de nuda probatione in causis iuris patronatus, & rescindenda unione beneficiorum.

Cap. magna ecclesiis perniciem 11, de rescissis locationibus rerum ecclesiæ cum pacto anticipatæ solutionis, quod successoribus damno sit.

Et *cap. non sunt ferendi 12*, de laicis censura compellendis ad solutionem decimarum.

His addunt regil quoque censores *decretum* de editione & usu sacrorum librorum *sess. 4 cap. insuper*, quod ad penam pecuniariam ac temporalem in typographos licentiam Ordinarii negligentes. Et *sess. 5 cap. 1 de ref. de magistris Theologiæ & Grammaticæ* non admittendis sine Ordinariis examine ac licentia. Singulas horum decretorum particulas, quæ magistratui seculari haud placent, explicui in *ms. dissert. 3 in dist. 4 Gratiani*, atque in horum Institutionum cursu opportunius, ubi res tulerit, exponere pro virili satagam.

dentinis rite postulatam concessit, iussitque ut omnes decreta & statuta ipsius concilii in iudicio & extra obleruent, contumaces poenis & censuris ecclesiasticis compellantur inuocato etiam, ubi opus fuerit, brachii secularis auxilio. Simul vetuit, nequis sine auctoritate Sedis apostolicæ audeat ullos commentarios, glossas, annotationes, scholia, ullumque omnino interpretationis genus super ipsius concilii decretis quoquo modo edere, aut quidquam quocunque nomine etiam sub prætextu maioris decretorum corroboracionis aut excusionis, alioue quæsito colore statuere.

XXXV. Nonnullis arridet inter concilia generalia cooptare Arelatense I an. 314, Sardicense an. 347, Trullanum, seu Quinisextum an. 692. Quippe quæ præstant pontificia & imperiali conuocatione, insigni Patrum numero, & usu canonum. At vero S. Augustinus (a) *Arelatense* non plenarium concilium appellauit, sed *episcopale iudicium*, ab occidentali-bus tantum episcopis in Gallia celebratum.

XXXVI. *Sardicense* habitum est velut appendix concilii Nicæni pluribus nominibus. I, quod canones Sardicenses in vetustis codicibus exscripti coniunctim essent post Nicænos sine vlla discriminis nota. 2, ob Nicænam fidem confirmatam in eo. 3, quia præfuit Osius Cordubensis perinde Iulii Papæ Legatus Sardicæ, ac Siluestri Nicææ, convenientibus plerisque Nicænorum Patrum. Œcumenicum vero exitu fuisse negat Petrus de Marca (b), secus si conuocatio spectetur.

XXXVII. *Trullanum* in trullo, seu secretario imperialis palatii Constantinopolitani coactum appendix etiam quintæ & sextæ synodi œcumenicæ usque adeo visum est, ut *Quinisextum* passim vocitetur (c): quia exterioris disciplinæ solum canones 102 a Sede tamen Romana non receptos constituit, quos nullos condiderant Patres in quinta & sexta.

CAP.

(a) Ep. 68 ad Iuuenium, & lib. 2 contra literas Petiliani cap. 92.

(b) P. de Marca lib. 1 de concordia cap. 3 num. 5.

(c) N. Alexand. in hist. sec. 7 diss. 3.

C. A. P. II. De Nationalibus.

XXXVIII. **P**rioribus ecclesiæ seculis sæuientes tyrannorum persecutiones quum concilia œcumenica celebrari non paterentur : episcopi nihilominus ad corrigendas pullulantes in diem hæreses, moresque nascentis religionis bene formandos, frequenter in synodis localibus conueniebant (a), quas vel Patriarchæ vel Archiepiscopi conuocare subsecutus etiam pacatæ ecclesiæ seculis consequerunt.

XXXIX. Patriarchalium seu Nationalium synodorum numerus quidem immanis est. Inter omnes præcellunt quinque a Græcis seculo IV celebratæ, Ancirana, Neocæsariensis, Gangrensis, Antiochæna, Laodicæna, quarum canones in codicem ecclesiæ vniuersæ relatos comprobauerunt concilium Chalcedonense, & Quinisextum (b), & Leo IV (c). Italicas & Romanas (d), Germanicas, Hispanas, Gallicas, Africanas, & Hibernicas æquis singularim numerare sufficies? Antiquiores sæpenumero laudat Gratianus, ex quibus plurima decreta in collectaneam suam traduxit. Integras fere omnes vberissima Labbæana collectio studiosis exhibet.

C. A. P. III. De Provincialibus.

XL. **Q**uam Metropolitanus arcessitis omnibus provinciæ episcopis suffraganeis, prælatis & Capitulis synodum

(a) Eusebius *lib. 6 hist. cap. 37* Origenem interfuisse tradit concilio plurimum episcoporum in Arabia prope medietatem seculi III, & circa finem imperii M. Philippi, quod hæreticos confutauit blasphemantes animam vna cum corpore mortalem. Duabus Antiochenis synodis an. 266, & 272 contra Paulum Samosatenum propugnata est diuinitas Christi Domini. In Africa tria concilia Carthagiensia, quibus S. Cyprianus præfuit an. 254, 257, & 258, de lapsis penitentibus, & baptismo hæreticorum a scriptoribus celebrantur. licet, aliisque de causis celebriora sunt concilia Romæ habita seculis II, & III, quæ legere est in collectione Labbæana & Cossartiana.

(b) Conc. Chalced. in *can. a sanctis 14 C. XXV qu. 1.*

(c) Leo IV *ep. ad episc. Britanniz in can. de libellis 1 dist. 20.*

(d) Centum & nonem concilia Romana & Lateranensia a collectoribus, nisi falsus calculo sum, collaudantur ac recensentur.

dum cogit , pro moderandis moribus , corrigendis excessibus , controuersis componendis ; ea *prouincialis* nuncupatur . Primum consueuerant vetustissimi Patres celebrare bis quolibet anno synodos prouinciales, veris nimirum & autumnal temporibus , a Concilio Nicæno I (a) designatis ; vt fileam de canone 36 vulgo Apostolorum . Dein concilium Lateranense IV semel quotannis (b), & Tridentinum quolibet saltem triennio , decreuerunt vt archiepiscopus , eoque impedito antiquior cœpiscopus omnes episcopos suffraganeos & cathedralium Capitula & alios , qui de iure vel consuetudine interesse debent ; conuocarent ad concilium prouinciale (c) ; prælatos etiam nulli archiepiscopo subiectos, qui vicinum metropolitanum aliquem debent semel eligere , cuius concilio intersint . Ad quod tenentur vocati omnes aut accedere personaliter , aut legitime impediti legatos mittere cum excusatoriis litteris : alias communione priuentur (d). Mos tamen inualuit longæuus , vt ea rarissime indicantur . In Italia non posse inconsulata Sede apostolica vel sacra Congregatione concilii Tridentini interprete conuocari , monet Cardinalis de Luca (e) . At nullam is laudat constitutionem id Italæ metropolitanis vetantem , quod cunctis generatim non permittit modo, sed imperat synodus Tridentina . Hoc tamen in regno regia potestas non patitur sine Principis beneplacito episcopos totius prouinciæ vna congregari (f).

Tom.I.

L

XLI.

(a) *Can. habeatur 3 dist. 18.* (b) *Cap. sicut olim 25 de accusation.*

(c) *Sess. 24 de reform. cap. 2.* (d) *Can. placuit 10 dist. 18.*

(e) *Disc. 30 ad Conc. Trid.* Cardinalis Cantelmus archiepiscopus Neap. in ep. nuncupatoria ad Innoc. XII profitetur prouincialem synodum Neap. an. 1699 , eo ipso Papa hortante , celebrasse . In fine constitutionum synodicarum eas iudicio S. Romanæ ecclesiæ subiecit . Tum eandem reapse transmisit ad S. Congr. Concilii , qua rescriptum est nihil correctione dignum iis contineri .

(f) Van-Espen *par. 1 iur. eccles. tit. 20 cap. 4.* , Duamiri Argentius & Cricellius in *ms. censura Conc. Rom. ad cap. 2 de constit.* Inter querelas a pontificis Legatis S. Pii V expositas regi catholico Philippo II ea est , quæ spectat executionem Trid. *cap. 2 sess. 24 de reform.* Lamentabantur enim quod synodos prouinciales cogi non sinerent regii magistratus , vellentque hoc in regno synodalia decreta ipsi ante reuideri , & nonnisi prævio assensu regio publicationem eorum

rum.

XLII. Vniuersos de prouincia clericos obligant istarum synodorum constituta, quæ tamen publicanda non esse infcio summo Pontifice, decreuit eadem Sacra Congregatio anno 1654 (a). Cuiusmodi disciplinæ viam strauit Gratianus (b). Propterea prælaudatus Cardinalis Cantelmus archiepiscopus Neapolitanus cum iamdictis cœpiscopis finem imponens prædictæ synodo, *has denique prouinciales constitutiones*, ait, *sancta synodus humiliter subiicit iudicio & auctoritati S. Romanæ ecclesiæ, quam columnam & firmamentum veritatis, atque aliarum ecclesiarum matrem & magistram agnoscit & veneratur.*

XLII. Tribunal ordinarium totius Prouinciæ primitus erat synodus prouincialis, tantaque pollebat auctoritate, vt nedum inferioris ordinis presbyterorum, clericorumque causas criminales & ecclesiasticas in secundo gradu diiudicaret, verum etiam maiora iudicia de episcoporum depositione definiret, atque illorum, quos damnasset, appellationes ad Romanum Pontificem toleraret rarissime (c).

XLIII. Inter prouinciales synodos post Tridentinum habitas eminent quinque Mediolanenses a S. Carolo Borromæo congregatæ, quarum canones ad mentem Concilii Tridentini, cui S. Archiepiscopus adfuit, maximo præsidio sunt præfulibus collapsam restauraturis disciplinam. Suppares sunt duæ Beneuentanæ, quas same. Vincentius Maria Vrsinus archiepiscopus in ea ecclesia rite celebravit, antequam supremum Romanæ Sedis Pontificatum adipisceretur sub nomine Benedicti XIII. Et haud postremus locus est duabus Neapolitanis,

rum permittere. Prorex autem Cardinalis Granuela inter alia reposuit posse quidem, ac solere episcopos tunc temporis partim regnicolas, partim externos res agere coniunctim in synodis, quarum notitiam regiis auribus innotescere oporteret.

(a) Petr. de Marca *lib. 2 concord. cap. 14 n. 4.*

(b) *Dist. 17*, probare studuit Gratianus prouincialia concilia, quibus auctoritas summi Pontificis non accesserit, vim nullam habere.

(c) S. Cyprianus *lib. 1 ep. 3* ad Cornelium Papam scribens remouere conatus est appellationes transmarinas a decretis metropolitæ ad Sedem apostolicam, illis verbis. *Post ista* (scilicet decreta synodi prouincialis Carthaginensis) *nauigare audent, & ad Petri cathedram & ecclesiam principalem, unde unitas sacerdotalis exorta est, a profanis & schismaticis litteras ferre.*

nis; quatum prior a Mario Carafa anno 1576, posterior a Iacobo Cardinale Cantelmo anno 1699 præclarissimis archiepiscopis Neapolitanis celebratæ sunt cum Auerfano episcopo exempto, & quatuor cœpiscopis suffraganeis Nolano, Acerarum, Isclano & Puteolano. Hanc ipsa formam subscribendi habet. Nos Iacobus Card. Cantelmus arch. Neap. metropolitana de consilio & assensu Reverendiss. Cœpiscoporum nostrorum definientes subscribimus. Ego N. episcopus Nolanus consentiens subscribo. Ceteri eodem modo.

XLIV. Romanum provinciale concilium Benedictus Papa XIII (a) celebrauit anno 1725, vt primæ Sedis exemplo cuncti ecclesiæ Pastores hanc episcopalis muneris partem obirent. Decreta quidem ipsius vires non habent extra Romanam prouinciā stricte acceptam, ad quam pertinent solummodo episcopi existentes inter Capuanam Prouinciā & Pisanā, archiepiscopi suffraganeis carentes, episcopi Sedi apostolicæ immediate subiecti, & abbates, prælatique inferiores nullius diocesis, qui metropolitanum, cuius prouinciali concilio interesse debeant, non elegerint. Istos enim duntaxat conuocatos fuisse patet ex indictione. Multa huius Romani concilii capita in huius regni locis prouinciæ Romanæ subiectis executionem sortita non sunt (b).

L 2

CAP.

(a) Num quis alius Romanorum Pontificum tanquam archiepiscopus Synodos prouinciales coegit, edisserit disertissimus Papa Bened. XIV lib. 2 de Syn. dice. cap. 2 n. 5, & 6.

(b) Ea sunt videlicet tit. 1 de summa Trin. cap. 1, vbi de fidei professione emittenda a docentibus quasunque disciplinas, & medicinam ac chirurgiam exercentibus.

Tit. 3 de rescriptis cap. vn. ne decreta superiorum tribunalium, litterarum citationes episcopis, sed cancellario vel procuratori fiscali præsentarentur.

Tit. 8 de offic. iud. ordin. cap. 5, vt, Regulares etiam parochi quantam funerariam persoluerent.

Tit. 9 de maiorit. & obed. cap. 3, vt episcopi contra exemptos procederent iuxta formam Conc. Trid.

Tit. 11 de feriis & festis. dier. obseru. cap. 3, imperatur episcopalis licentia seruitium operum messis & vindemix temporibus.

Tit. 12 de fid. instrum. cap. 1, & 2, super consuecendi inueniariis bonorum

rum

C A P. IV. De Diœcesanis Synodis.

XLV. **M**Os erat in primitiua ecclesia, vt episcopi singuli congregato sæpe cœtu presbyterorum & cleri rotius, quotiescunque opus esset, gregi suo collatis consiliis prospicerent, deque arduis deliberarent negotiis. Talem cœtum sæpe *presbyterium* (a) veteres nuncuparunt, & quandoque *concilium ciuile* (b), qui nunc *synodus diœcesana*, & absolute
 rum & redituum cuiusvis ecclesiæ, locique pii, & eorum copiis ad archidia-
 tam episcopale, quam pontificium transmittendis.

Tit. 13 de iureiur. cap. 2 de iuramento vetito reis in iudicio rite examinandis in quolibet tribunali seculari & ecclesiastico.

Tit. 15 de celebrat. missar. cap. 8 super reductione missarum.

Tit. 16 de vita, & honest. cleric. cap. 2, contra episcopos in aulis Principum versantes, suamque dignitatem cum baronibus, regisque ministris deprimentes.

Tit. 19 de reb. eccles. non alien. cap. vn. quo renouatio locationis & emphyteusis bonorum ecclesiarum prohibita est.

Tit. 20 de testamentis cap. 1, Parochorum testamenta probantur, ac legata ad aures confessoriorum. Et *cap. 2* episcopalia testamenta animarum pro mortuis ab intestato.

Tit. 22 de statu monachorum cap. 1, 2, & 3, vbi de eremitarum personis & eleemosynis episcopali iudicio subiectis.

Tit. 23 de religiof. domib. cap. 1, & 2, vbi de confraternitatibus laicorum ab episcopo visitandis, earumque rationibus.

Tit. 24 de iurepatr. cap. vn. vbi sanctio Tridentina innouatur de probatione patronatus personarum potentium.

Tit. 27 de eccles. edific. cap. vn. de medijs fructibus primi anni beneficiorum impendendis pro fabrica cathedralium & collegiarum.

Tit. 28 de immun. cap. 1 pro locali ecclesiarum immunitate. *Cap. 2* pro clericis ad forum laicum non trahendis. *Cap. 3* pro ordinatione clericorum a laicis non prohibenda. *Cap. 4* de ingressu ad presbyterium laicis vetito.

Tit. 30 de magistris cap. 1, vbi innouata est constitutio Tridentina de seminariis erigendis.

Tit. 32 de pœnit. cap. 1 contra medicos, qui tertio visitauerint infirmos sacramentis non munitos. *Cap. 4* pro erigenda præbenda poenitentiali ac theologali.

Singula hæc decreta calamo censorio expuncta sunt in ms. relatione Argentiniana & Crieuiliiana.

(a) Matthias Vgonius in tract. de conciliis in prælod. pag. 4, ex Siricio Papa 7ⁿⁱ ep. 2 aduersus Iovinianum to. 1 collect. Harduin. & pluribus epistolis S. Cyprani, aliorumque Patrum.

(b) Hadrian. II ep. 14 ad Carolum Caluum to. 5 Harduin. ibi: Signo⁴ in ciuili

solute *synodus* dictatur. Seculo IV perinde diocesana synodi bis quotannis coactæ sunt, ac provinciales ex canone Nicæno. Postea quum inoleuisset vsus quolibet anno semel eas congregandi; eum ipsum probauit concilium Lateranense sub Innocentio III (a), & restituendum iussit Tridentinum (b). Quotus tamen quisque præsum est, qui huic obeundo muneri animum adiciat? Tam diuturnæ desuetudinis causa potior fuisse videtur iactura operæ, quam passi sunt tot episcopi solertissimi. Alias porro synodicas ipsorum constitutiones, quæ præsertim ad exequenda concilii Tridentini decreta regis magistratibus exosa intenderent, in irritum misit Potestas regia; nonnullas etiam, quæ præter ius commune, & pontificias leges quid noui sancirent, rescidit Curia Romana. Omnino inutiles hinc esse diocesanas synodos temere dixerunt nonnulli, quos probe refellit Antonius Paulutius (c). Nam eas licet non necessarias simpliciter, sed viles maximopere putauit semper ecclesia: dummodo certi fines custodiantur, quos vltra citraque nequit rectum consistere.

XLVI. Quo pacto, quaque forma possint rite ac recte synodos episcopi celebrare, docuit vberime ecclesiæ vniuersæ magister reapse optimus maximus Benedictus XIV in tractatu numeris omnibus absolutissimo de *synodo diocesana*. Pauca inde hic vel cursim delibentur.

XLVII. Præcipuus synodicarum constitutionum scopus erit promulgare decreta conciliorum provincialium & generalium, & vniformem in tota diocesi executionem procurare (d). Necessaria tamen, vtilia, loco & tempori conuenientia prudens episcopus in synodo constituat, ad abusus recenter subortos, moresque deprauatos corrigendum: a superuacaneis & salebrosis rebus absteineat. Quæstiones iuris dubias, variis-
que

ciuili concilio apud suum episcopum perperam gestum est, in provinciali synodo tractetur.

(a) Innoc. III in cap. sicut olim 25 de accusat.

(b) Sess. 24 de reform. cap. 2.

(c) To. 1 iurispr. sacr. cap. 9 de comitiis ecclesiast. n. 5.

(d) Dislo cap. 25 de accusat.

quæ auctorum opinionibus controuersas definire caueat iuxta monitum Fagnani (a); præsertim de Sacramentis, de maioribus Sedi apostolicæ reseruatis negotiis, de seculari potestate. Priuilegia Regularium non lædat. In transgressores censuras lætæ sententiæ nonnisi raro & moderate infligat, quemadmodum & multas pœnasque pecuniarias, quæ turpem quæstus notam solent inurere. Iuri communi & apostolicis constitutionibus nunquam aduersetur. Nimiamque seueritatem in nouis præter ius commune rebus constituendis posthabeat.

XLVIII. Ad synodum diocesanam debent Capitulum cathedralis ecclesiæ, Canonici collegiarum (b), parochi, omnesque animarum curam exercentes (c) accedere. Abbates item nedum seculares, prælatique inferiores intra diocesim existentes (d); verum etiam abbates regulares, qui tamen Capitulis generalibus non subduntur (e); alique regularium superiores (f). Fratres etiam capellani Religionis Hierosolymitanæ curam animarum habentes (g). Vtitur enim episcopus & *lege diocesana*, qua exempti fere non ligantur; & *lege iurisdictionis*, cui regulares, ceterique simul exempti in nonnullis subiiciuntur; mistam vero ex utraque potestatem in synodo adhibet (h).

IL

(a) Fagnan. in cap. sicut olim de accusat. n. 82.

(b) Massobrius in tr. de synod. dioces. cap. 3 dub. 2 n. 26, Canonicos collegiarum ab onere accedendi ad synodum excipit. At rectius contra sentit Pax Iordanus lib. 8 tit. 2 n. 59, ita tamen ut nonnullos deputatos mittat Capitulum, si alibi synodus habeatur quam in loco collegiarum, Pignatellus ro. 9 consult. 77 n. 62. Sublatos quoque Canonicos, si speciatim ii vocentur, adesse debere synodo, tenet Thomæus in tract. de concilio & synodo diocesana fol. 136, respondit S. Congreg. in Aquilana 27 Septembris 1659.

(c) Tridentinum sess. 24 cap. 2 de reform.

(d) Quam declarauit Alexander VII litteris die 30 Martii 1661 apud de Asse archiep. Hydruntinum in methodo visit. apost. par. 5 § 2 num. 13, & Fagn. in cap. quanto de off. ord. num. 64.

(e) Cap. super his de maior. & obed. Excipiendi tamen sunt a regula abbates, qui territorium separatim nullius diocesis obtineant.

(f) Trid. loc.cit.

(g) Ex decreto S. Congr. Cons. die 17 Iulii 1683.

(h) Paulatus de iurispud. sac. de comitiis ecclesiast. Bottus de synodo par. 1, Bened. XIV lib. 1 de syn. dioc. cap. 4 in fine.

II. Hoc in regno synodos episcopales absque placito regio promulgatas Potestas regia floccifaciens & eneruans quum iudicia vi ipsarum in subditos gesta rescinderet in diem: illud sategerunt episcopi prudentiores antea impetrare. Mos itcirco inoleuit, vt postulante placitum regium super synodi alicuius constitutionibus episcopo, Rex eas ipsas constitutiones censuræ primum Delegati Regalis Iurisdictionis remittat in archiuio ipsius seruandas, vna cum notis eiusdem censoriis. Dein typographo petente licentiam eas typis vulgandi, Rex ad suum Capellanum maiorem remittit supplicem eius libellum pro reuisione ordinaria, simul rescribens vt regius reuisor ab ipso deputandus easdem cum altero ipsarum volumine, quod in archiuio Regalis Iurisdictionis adseruatur, sedulo conferat, prospecturus nequid prælo detur regia prædicti Delegati censura expunctum vel reformatum. Tandem visa reuisoris relatione Regalis Camera S. Claræ decernit, *quod imprimatur cum inserta forma supplicis libelli & approbatione dicti reuisoris: verum in publicatione seruetur regia pragmatica.* Ita sex synodis concessum placitum regium egomet vidi, reuisor ab archiepiscopo Neapolitano simul & ab regio Capellano maiori datus; nimirum synodo Aquini & Pontiscorui anno 1747, Muranæ anno 1748, Abellineni & Frequentinæ anno 1749, Nuscanæ anno 1752, Rheginæ anno 1754, & Hieracienfi anno 1755 (*).

CAP.

(*) Hæc equidem retuli ad calcem supplicis libelli, quo Dominicus Ascione typographus petiit regiam licentiam prælo vulgandi diocesanam synodum ecclesiæ Aquinatis & Pontiscorui. S.R.M. *Quum exemplar synodi Aquinatenfis anno 1744. celebratæ perlegissem de imperio M. V. nihil in eo regis iuribus aut ecclesiasticæ huiusce regni disciplinæ aduersum inueni; illudque ad alterius exemplaris, quod apud secretarium Delegati regalis vestra Iurisdictionis reformatum extat, amissum agniti exaratum. Typis exinde in publicum edi posse cunseo.* Neapoli idibus Iulii 1747. Humillimus subditus Carolus Gagliardus. Ab huiusmodi relatione minime abluunt quinque alie, quas pro reliquis iamdictis synodis confeci. Vt autem litemus veritati: quæ in eisdem synodis offendi non pauca regis iuribus, regnique moribus aduersantia, ea ante delere ac reformare de consensu partium, quam censuras reformationis patefacere satius duxi.

C A P. V. De *mistis* & *regiis* Synodis.

L. QVONIAM tribus vsquemodo expositis conciliorum generibus haud accenseri possunt plurima, quæ vel Romani Pontifices nedum cum clero Romano aut Cardinalibus, verum etiam cum nonnullis diuersarum provinciarum episcopis celebrare, vel etiam Patriarchæ Constantinopolitani cum præsulibus permultis in regia vrbe alia de causa commemorantibus (a), quum specialis indictio seu conuocatio omnium antistitum totius vel provincie vel diocesis Romanæ aut Constantinopolitanæ non præcessisset; quæque prostant in vulgatis collectionibus Iſidori, Petri Crabbæi, Francisci Iouerii, Laurentii Surii, Seuerini Bini, Harduini, Philippi Labbæi & Gabrielis Cossartii: quartum genus anomalum emergit, complectens concilia *mista*, quippe quæ ex provincialibus & diocesanis participant.

LI. Huius generis sunt etiam haud pauca in pluribus huius regni Neapolitani vrbibus coacta ab ipsis summis Pontificibus. Scilicet *Capuanum* anno 389 sub Siricio (b), alterum anno 1087 sub Victore III, aliud anno 1118 sub Gelasio II (c). *Sipontinum* anno 1050 sub Leone IX (d). *Amalphytanum* anno 1059 sub Nicolao II (e). *Beneventanum* eodem anno 1059 sub eodem Pontifice: alterum anno 1061 sub eodem: aliud anno 1062 sub Alexandro II: præterea anno 1075 sub Greg. VII: anno 1087 sub Victore III: anno 1091 sub Urbano II: anno 1108 sub Paschali II: anno 1112, & 1117 sub eodem: & anno 1119 sub Calisto II (f). *Melphienſe* anno 1061 sub Alexandro II (g). *Melphitanum* anno 1989

(a) De quibus Cabassatus in *dissert. de vrbanis, seu popularibus synodis post Synodum Constantinop.* (b) *To. 2 collect. Labbei & Cossartii pag. 1237.*

(c) *To. 12 diste collect. pag. 707, & 1247.*

(d) *To. 11 eiusdem collect. pag. 1443.*

(e) *To. 12 pag. 53.*

(f) *Ibidem to. 12 pag. 53, 66, 115, 583, 719, 795, 1139, 1192, 1235, & 2309.*

(g) *Dicto to. 12 pag. 165.*

1089 sub Urbano II (a). *Bariense* anno 1094 sub eodem (b). *Troianum* anno 1089, alterum anno 1093 sub eodem: tertium sub Paschale II anno 1115 (c). *Cyperanum* sub eodem anno 1114 (d): & si quæ sunt alia.

LII. De synodis *regiis* dicendum superest, ad quas iussu regio nedum episcopi, abbates, & doctores ecclesiastici, verum laici etiam optimates, regique ministri vna conueniunt ad res deliberandas communem vtilitatem clericorum & laicorum regni spectantes (e). In Gallia sæpenumero concelebratas, Regesque piissimos synodico consilio episcoporum, & procerum creberrime vsos tradit Petrus de Marca (f), præsertim tempore schismatis. Hanc synodorum speciem redolet conuentus Prælatorum, Comitum & Baronum huius regni Neapolitani habitus in plano S. Martini anno 1283, in quo Carolus II Andegauenſis capitula 46 condidit de iuribus & immunitatibus ecclesiarum & clericorum.

T I T. VII.

De pontificiis Decretis, Decretalibus, Epistolis, Bullis, Breuibz
& Regulis cancellariæ.

- 1 *Romane Sedis apostolica constitutiones* uniuersos ubique fideles obligant.
- 2 *Earum alia generales ac dogmatica, alia sunt speciales* alicuius prouinciæ disciplinam spectantes.
- 3 *Pontificia decreta vltro, decretales ad alicuius postulationem* eduntur.
- 4 *Bullæ nomen acceptum a signo vel plumbeo vel aureo.* Bulla Tom.I. M la

(a) *Dislo to. pag. 779.* (b) *Ibid. pag. 945.*

(c) *D. 10. 12 pag. 779, 811, & 1121.*

(d) *Eodem to. 12.* (e) *Thomassinus par. 2 de vet. nou. eccles. discipl.*

lib. 3 cap. 46 moribus Constantinopolitanis hanc synodorum speciem comprobant.

(f) *Lib. 6 concord. cap. 32, & tribus seqq.*

la concistorialis in concistorio, dimidia a Papa ante consecrationem usurpatur.

- 5 Brevis in membrana breviori datur annulo Piscatoris obsignata.
- 6 Brevis litteræ communibus Itatorum characteribus, Bullæ Langobardis exarantur.
- 7 Pontificum epistola a quo martyrum rarissima, postea frequentissima.
- 8 Priscas earum censueverunt episcopi post sacra biblia recitare. Post seculum VII emerferunt commentaria decretales ante Siricum, a nasutis viris iam exufflatæ.
- 9 Genuinus earum usus ostendit supremam Romanæ Sedis in ecclesia uniuersa sollicitudinem.
- 10 Regulæ Cancellariæ instar edicti pratorii locum hic habent, quoties nulla patronatus iura, nec regni leges moresequæ ladanr.
- 11 Origo ipsarum Ioanne XXII antiquior est.
- 12 Obligandi vis incipit a die crastino post noui cuiusque Pontificis electionem.
- 13 Quo moriente aliæ expirant, aliæ non.

Altera iuris ecclesiastici pars maxima sunt summorum Pontificum decreta & placita. Romana ecclesia mater & radix ecclesiarum a S. Cypriano (a) dicta, mater & magistra vniuersorum Christifidelium a generali Concilio Lateranensi IV (b), supremam habet in ecclesia uniuersa potestatem (c), tantamque vt conciliorum generalium decreta confirmandi iure potiatur (d). Quicquid ergo statuit, quicquid ordinat, ab omnibus perpetuo & omnimodis obseruan-

(a) *Lib. de unitate ecclesie.*

(b) *Cep. antiqua patriarchalium 23 de privilegiis.*

(c) Quam sæpe agnouerunt ac veriti sunt Patres Tridentini sess. 6 de ref. cap. 1 in fin. sess. 14 cap. 7 de casuum reseruat. alibi passim.

(d) Id probauit Gratianus can. 1, & seqq. dist. 17, & liquet manifestissime quum ex epistolis synodicalis conciliorum ad Romanos Pontifices, tum ex ipsorum Pontificum litteris ea confirmantibus.

nandum est (a). Sic enim omnes Sedis apostolicæ sanctiones accipiendæ sunt, tanquam ipsius diui Petri voce firmatæ sint (b).

II. Pontificiarum constitutionum aliæ *generales*, quæ vniuersum catholicum orbem obligant, quales sunt omnes *dogmaticæ*, quæque vniuersalem christiani orbis disciplinam faciunt: aliæ vero *speciales*, quæ alicuius regni, aut prouinciz, aut ecclesiæ mores disponunt. Vtrunque genus earum spectant *Decreta*, *Decretales*, *Epistolæ*, *Bullæ*, & *Breuia*.

III. *Decretorum* nomine accipiunt Canonistæ eas constitutiones, quas nemine petente summus Pontifex edit quum motu proprio, tum consilio Cardinalium adhibito (c). *Decretales* autem dicuntur, quum Papa consultus suam per epistolam aliquid rescribendo episcopis vel priuatis consulentibus definit (d). Vnde versus. *Decretum statuit, Decretalisque respondet*. Decretales tamen in priuatis fere causis prolatae sunt, vim legis communis obtinent: cum in similibus casibus ceteri teneantur similiter iudicare, nisi forte cum aliquid causa necessitatis vel utilitatis inspecta, dispensatione duxerit statuendum, ait Innocentius III (e).

IV. Recentior litterarum apostolicarum forma vocabula *Bullarum* & *Breuium*, veteribus ignota inuexit. *Bullæ* seu litteræ bullatæ a sigillo nomen acceperunt vel plumbeo, vel aureo (f), quod exhibet hinc figuras SS. Apostolorum

M 2

Petri

(a) Can. enimvero 4 dist. 19. (b) Can. sic omnes 2 ead. dist.

(c) Glossa in princ. dist. 15, & Decius ad uerb. de constitut. In iure tamen ei soli *Decretum* proprie dicitur, quod Princeps aut Prætor, aliusue magistratus inter partes cum cognitione causæ decernit, l. nequiquam 9 §. ubi decretum 1 D. de off. Procons. & §. 6 Inst. de iure nat.

(d) Glossa ad const. præfixam textui *Decretalium* verb. *constitutio*.

(e) In cap. in causis 19 de sent. & re iud. Et in can. licet regulis C. XVI qu. 3, Gelasius scribens Maximo & Eusebio episcopis declarauit, quæ inter coepiscopum Constantinum & nuncios Anconitani episcopi decreuerat, tunc formam in ceteris cognitionibus, qua sit sequenda, præscripsisse. Quod enim in vno negotio statuitur, ad omnia similia extenditur, ait gl. ibidem.

(f) Bulla Clementis VII ad Henricum VIII Angliæ Regem data, qua

tita-

Petri & Pauli, hinc nomen Pontificis, penderque ex funiculo aut canapis aut serico. Ex si nedum Pontificis, sed etiam Cardinalium manu subscriptæ in Concistorio ferantur, *Bullæ concistoriales* dici solent, quibus alterum superadditur signum Crucis conceptis verbis seu breui lemmate circumdatum. Cuiusmodi species conspiciuntur in magni Bullarii voluminibus. Quæ vero extra Concistorium prodeunt, vnico sigillo communiuntur. In huius autem parte altera si quando impressio nominis Pontificis deficiat, atque in altera solummodo sacri vultus Apostolorum appareant, *Bullam dimidiam* appellant cum Innocentio III (a), consuetam alicuius initio Pontificatus, antequam sollempnia consecrationis noui Pontificis implerentur. Nomine *Bullæ* quoque significantur passim litteræ Sedis apostolicæ in membrana exarata cum sigillo plumbeo, quibus conferunt Beneficia ecclesiastica tam maiora, quam minora, & dispensationes præsertim matrimoniorum.

V. Altera forma *Breuis* ideo dicitur, quod in breuioribus membranis conscribantur sub annulo Piscatoris, puta sigillo in rubra cera impresso, cœlatam præferente figuram diui Petri in actu piscationis (b).

VI. Formam *Breuis* a forma *Bullæ* distinguit varietas nedum sigilli, sed etiam characteris. *Breuiæ* enim litteris Romanis seu Italis & communibus conscripta prodeunt e Secretaria *Breuium*: *Bullæ* autem Langobardicis seu Theutonicis e Can-

titulo *Defensoris fidei* ornatus Rex fuit propter meritum confutatae hæresis Lutheranae libro typis edito de *Sacramentis*, aureo sigillo instructa prodijt. Ob idque *Bulla* aurea dicta est. Quales etiam sunt, quibus Sedes apostolica confirmationem Imperii, inuestituram alicuius Regni, aliamque gratiam Imperatoribus aut Regibus largiantur, ob sigillum in auro cufum. Per anthonomasiam tamen aureæ *Bullæ* vocabulo intelligitur constitutio a Carolo IV Cæsare Germanico edita de Imperatorum electione & electoribus.

(a) *Lib. 1. regist. ep. 83, & 233.*

(b) Innocentius Ciconius *lib. 2. obseruat. cap. 15* ex Godino, Niceta, & Luitprando notat Imperatores quoque multiformibus sigillis vfos, videlicet aureo vel argenteo in litteris ad Reges & toparcas de rebus grauioribus & publicis: ceræ ad Angustam, filios, ceterosque regis stirpis: plumbeo ad despotas, & magistratus digniores.

e Cancellaria seu Dataria (a).

VII. *Epistolas* innumeras summi Pontifices pro variis ecclesiarum necessitatibus ad episcopos, ceterosque dedere: tamen paucissimas xuo martyrum, post pacem ecclesiae quam plurimas. Quandoquidem genuinae sunt, vna S. Clementis ad Corinthios, nonnullaeque Soteris, Cornelii, Iulii I, Damasi, ceterorum collaudatae ab antiquis SS. Patribus Irenaeo, Athanasio, Hilario, Hieronymo, aliisque supparibus, nuper illustratae a Petro Coustantio, & Francisco Dominico Bencino (b).

VIII. Has Romanorum Pontificum epistolas in ecclesijs palam & saepe recitari post lectionem sacrorum Bibliorum satagebant episcopi primitivae ecclesiae, hoc modo mandata Sedis apostolicae cunctis observanda fidelibus insinuantes (c): quum nemini fas esset apostolica transgredi eiusdem Sedis praecpta (d). At vero post seculum VII densissimis ignorantiae nebu-

(a) Corruptio characteris, quo Romani veteres utebantur, theutonicum seu langobardicum progenit in bullis Romanae Datariae nunc vigentem seculo abhinc XIII. Quum enim deturpata vitio temporis formam litterarum reficiendo manum admonissent primum Germani & Langobardi, tum Principes Andegauenses, & Romani recentiores, apices & lineolas & flexus, quibus hodie constat forma langobardica, addidere. Apud Muratorium *dissert. 39. antiq. med. aui to. 3.* inter sigilla, bullasque diversorum Principum Italiae, summorumque Pontificum, primum, quod exhibet litterarum formas hodiernis langobardicis pessimiles, sigillum occurrit Gregorii IX, qui floruit sub initio seculi XIII. Antiquiora signa Pauli I, qui sedit anno 737, & successorum usque ad Honorium III, affinia sunt, formamque mediam characteris inter nostrum Italem & Langobardicum exhibent. Typos numismatum Caroli I Andegauensis, & sequentium Regum Neapolitanorum usque ad Ferdinandum I catholicum, iisdem ac Gregorii IX litteris theutonicis circumdatos profert cit. Murator. *dissert. 27 to. 2 edit. Mediolan. an. 1740.* Videndus Mabillon. *de re diplomatica to. 2.*

(b) De *litteris encyclicis* Romanorum Pontificum dissertationes duas, quae duo complecti iusta volumina, fuso, disertoque calamo elaboratas hic auctor, eximius Romanae primus, dein Taurinensis academiae professor typis vulgavit Augustus Taurinorum anno 1728.

(c) Eusebius *lib. 4. hist. cap. 23*, tradit S. Dionysium Corinthi episcopum secundo seculo xre Christianae scripsisse ad S. Soterem Papam, ecclesiamque Romanam, quod epistolam S. Soteris (quemadmodum & aliam S. Clementis) in ecclesia sua post sacram Scripturam is perlegisset, atque in posterum relecturus foret ad suam ipsius instructionem. Id factum ex more ecclesiae observat Fleury *lib. 3. hist. n. 58.*

(d) *Can. nulli fas est 5 dist. 4.*

nebulis longe lateque diffusis per occidentem, emerferunt ex Isidori mercatoris officina putidæ pseudo decretales. vetustis ante Siricium Pontificibus suppositæ, quas pia fraude confictas dixit Cardinalis Bona (a). Eas præfocare statim aggressi sunt viri sapientia & pietate eximii, præsertim Hincmarus Rhemenfis: sed propugnasse nonnullis videtur Nicolaus I (b), & Gratianus (c). At vero commentitias omnino esse plerasque epistolarum Pontificibus ante Siricianis affictas, exploratio res est, quam vt probatione indigeat. In primis enim loca sacre Scripturæ iuxta vulgatam versionem a B. Hieronymo defæcatam, quæ recentior est, plurima in iis epistolis contenta sunt. II, Eas citare & usurpare ceperunt scriptores seculo abhinc nono, prætereaque nemo Patrum, qui præcedentibus octo æculis res ecclesiasticas litteris tradiderunt. III, Doctrina in iisdem conspersa dissonat ab infantili ætate ecclesiæ, & vndeunque redolet formam regiminis ævo recentiore adoletam: nullo penitus verbo facto de hæresibus contemporaneis, persecutionibus, lapsis, confessorum & martyrum cohortatione ad consummandum martyrii cursum. IV, Posteriorum conciliorum, Pontificum, Patrum sententiis redundant. V, Ratio temporum, si notæ consulares epistolis adiectæ conferantur cum annis

(a) Card. Bona lib. 1 rerum liturgicarum.

(b) Ep. ad episcopos Gallie in can. si Romanorum 1 dist. 19, ibi: *Quæ Sedes apostolica pro catholica fide, pro sanis dogmatibus, pro variis & multisariis ecclesiæ necessitatibus & fidelium moribus diuerso tempore scripsit; omni debent honore præferri, & ab omnibus prorsus in quibuscumque opportunitatibus discretione vel dispensatione magistra reuerenter assumi... etiamsi non sint codici canonum compaginate... quum omnia omnium decessorum decretalia constituta, atque decretales epistolas, quas beatissimi Papa diuersis temporibus ab urbe Roma deduxerunt, venerabiliter fore suscipiendas & custodiendas, eximios Præsules, Leonem scilicet, & Gelasium mandasse probauimus.* Hucusque Nicolaus Papa. Attamen recitatis verbis, totaque epistola illud vnum argumentum Gallicanorum diluitur, quod illi decretales veterum Pontificum ideo respuebant, quod in codice canonum eas insertas non conspicerent. Quod vnum sane nil probat. Itaque Nicolaum eruditissimum Pontificem nonnisi temere quis dixerit reapse propugnasse pseudepigraphas Isidori mercatoris epistolas; sed potius genuinas & canonicas in codice canonum haud contentas. Videtis dicenda inferius tit. 9 num. 6.

(c) Gratianus dist. 19 per totam.

annis Pontificum, non cohæret. VI, Stylus fere vnus, idemque sermonis character barbarie fœdus abhorret ab elegantia locutionis vel inter plebeios consueta prioribus seculis. Detecta vero earundem falsitas Romanæ ecclesiæ iuribus nunc haudquaquam detrahit, quæ tot veris antiquitatis testimoniis maxime nituntur & consistunt firmissime; vt obseruat Baronius (a).

IX. Recentiores Pontificum epistolæ quum ad singulares personas datæ, tum encyclicæ seu circulares propalant manifestissime sollicitudinem vniuersalis ecclesiæ, curamque pastorem vniuersi dominici gregis per totum orbem diffusi reapse a Romanis Pontificibus diui Petri successoribus habitam.

X. *Regulas Cancellariæ* apostolicæ disponentes de reservationibus beneficiorum, deque ordine in expeditionibus & negotiis distæ Cancellariæ seruando, edicunt. sub plumbo singuli Pontifices crastino suæ assumptionis die, quoad vixerint, duraturas. Istas *edictis* quidem *prætoriiis* (sed non legibus) parem vim habere inde patet, quia perpetuæ ipsæ non sunt, omnesque, demtis aliquibus clausis in Corpore iuris, aut continuas reservationes complectentibus, morte Pontificis edicentis expirant. Itaque iuris auctoritatem non modicam obtinent (b), quemadmodum & edicta Prætoris (c). Hoc tamen in regno quæ libertatem patronorum, & iura patronatus quomodolibet deminuunt *Regulæ* Cancellariæ, nullam fere acceptationem sortitæ sunt: secus aliæ, quæ reseruant Sedi apostolicæ beneficia liberæ collationis, & formam in iisdem conferendis præscribunt (d). Vnde intelligitur, cur placitum regium bullis pontificiis super collatione beneficiorum facta vigore *Regularum* primi generis denegetur passim, alterius vero impetiat.

XI. Primus *Regularum* auctor fuisse Ioannes XXII seculo

(a) To. 10 annel. ad an. 863.

(b) Io. Fr. de Paulinis in *præudio Extraneæ*. Zypæus in *analytica enarr. iur. pontif. lib. 1 tit. de constit. n. 10.* (c) §. 7 Inst. de iust. & iure.

(d) Id sæpe obseruaui in tract. de beneficiis, & de iurepatr. Vbi passim sermo habitus est de pluribus singillatim *Regulis*.

Io XIV communi consensione fertur ab earum interpretibus, Soto, Gomezio, Mandosio, Hieronymo Gonzalez, Kochierio, Molineo da. me., Luetio, Peleo, Quesada, & nouissime a Io Baptista Rigantio, qui Regulas LXXII eximii Papæ Benedicti XIV vberimis commentariis illustratas tomis quatuor vulgauit. Sed clarissimus Muratorius (a) testatur inspexisse in ms. codice Cencii Camerarii Regulas ab Honorio III præcedenti seculo XIII traditas notariis & scriptoribus Cancellariæ apostolicæ, & monumentum institutionis eiusdem Cancellariæ super pensionibus dandis & recipiendis anno circiter 1220, qui æuo Honorii congruit. Hinc licet conicere ortas primum fuisse cum ipsamet Cancellaria, deinde adoletas paulatim nouis additamentis & ordinationibus succedentium Pontificum, ex quibus speciales cuiusque Regulæ conditores indicat singillatim laudatus Rigantius. Hodierna tamen forma earum diu sane est, cum nullam vel permodicam subiit mutationem, nouis Pontificibus iisdem fere verbis antiquas innouantibus.

XII. Obligare incipiunt Regulæ a die immediato post noui Pontificis assumptionem, vt exprimitur in ipsarum proemio: tametsi publicatio earum ad multos dies aut hebdomadas quandoque differtur.

XIII. Triplex Regularum genus. Primum reservationes generales beneficiorum complectitur. II, res iudiciales. III, instructiones officialium Cancellariæ. Quæ ad reservationes beneficiorum pertinent, longe maioris momenti, quam ceteræ sunt. Earum vna vulgo dicitur *clausa in corpore Iuris*, (puta in *cap. licet 2, & cap. presenti 34 de præbendis in 6*) populisque minus odiosa, quæ scilicet Sedi apostolicæ reservat beneficia vacantia *apud Sedem ipsam*, & *in Curia Romana*, & beneficia Curialium vel intra duas diatas a Curia Romana, vel in quouis loco ab vrbe remoto morientium, dum Curia ad locum alium transfertur. Reliquas omnes, licet in

ex-

(a) Murator. *lib. 1 antiqu. Ital. medii æui differt.* 12 col. 708.

extrauagantibus Ioannis XXII, aliorumque Pontificum contentas, extra corpus Iuris canonici habent & ægriore ferunt animo. Priores in corpore iuris clausæ reservationes nunquam expirant vacante Sede apostolica, sed vigent semper: quemadmodum & quædam aliæ Regularum ex perpetuis bullis ac constitutionibus Pontificum vel præcedentibus erutæ, vel nouis subsequentibus firmatæ (a): & quæ fixas continuasque reservationes inducunt quum *personales* ratione officii aut familiaritatis, tum *reales* maiorum beneficiorum, puta cathedralium ecclesiarum & monasteriorum; primæ Dignitatis post pontificalem in cathedralibus & principalis in collegiatis, omniumque beneficiorum in tribus basilicis vrbs. Ceteræ autem Regularum reservationes quum ratione *temporis* (puta beneficiorum vacantium tempore viduatæ episcopalis ecclesiæ, aut absentię Cardinalium a titulis suis, ecclesiisue suburbicariis, aut in mensibus apostolicis) tum ratione *loci*, puta per obitum non curialium intra duas diatras ad urbem accedentium vel ab ea recedentium, existimantur *accidentales* ac *discontinue*. Eas ferme omnes iam explicui singillatim seruatō rerum ordine in tractatu de Beneficiis ecclesiasticis 2 edit., præsertim cap. 3 de reservationibus & affectionibus pontificiis: indicans præterea quibus earum & quare Potestas regia hoc in regno aduersatur.

T I T. VIII.

De sanctorum Patrum sententiis.

1 Patrum sententiæ unanimes in rebus fidei & morum vim
Tom. I. N di-

(a) Rocc. *disp. iur. cap. 80 n. 19*, Rigant. in *proem. Regul. n. 74*. Cuiusmodi sunt Regulæ 32, & 33 Benedicti XIV de non impetrandis beneficiis per obitum familiarium Cardinalium vacantibus sine consensu eorundem Cardinalium, quam faciunt perpetuam constitutiones Greg. XIV, & Pauli V. Alia de vacantibus per priuationem apostolicam reseruatis S. Sedi vigore constitutionis Pauli III. Alia de parochialibus contra formam Tridentinam collatis, quas refertur S. Pius V *const. 33*. Videnda quæ scripti in *tract. de Benefic. ecclesiast. cap. 3 num. 69, 2. edit.*

divinæ & apostolicæ legis insuper habent.

- 2 Apostolicarum traditionum hostes constantem Patrum auctoritatem evertere variis calumniis frustra conantur.
- 3 Quam infallibilem promissio Christi Domini & ratio commendant.
- 4 Vbi Patres inter se dissentiant, secus iudicatur.
- 5 Clausa in corpore iuris dicta Patrum parem pontificiis decretis vim sortiuntur.
- 6 Genuina Patrum opera a commentitiis discernenda sedulo sunt.

Tertium in definiendis dogmatibus & morum regulis locum obtinet vnanimis consensus SS. Patrum, quippe qui deficiente conciliorum & Pontificum auctoritate certam faciunt fidem catholicæ doctrinæ, tanquam testes probatissimi & custodes apostolicarum traditionum. Patres idcirco dicti, quia scripta sua velut patrimonium ac hæreditatem fidelibus perinde ac filiis reliquerunt. Eorum venerandam auctoritatem commendant maxime illa Deuteronomii verba (a): *Interroga patrem tuum & annuntiabis tibi: maiores tuos, & dicent tibi. Et ea Christi Domini clariora (b): Ecce ego vobiscum sum usque ad consummationem seculi. Ecce quis ergo sanæ mentis abnegaverit infallibilem esse veritatem dogmatum nobis traditam vno Patrum ore qua veterum qua recentiorum?*

II. Hæretici apostolicas traditiones oppugnaturi auctoritatem Patrum aspernari opus habent. Omnium omnia deliramenta ea in re Riuetus & Dallæus ex Caluini secta recinendo blaterant humanam, ideoque fallibilem, incertam, du-

(a) Deut. cap. 32. vers. 7. Iure merito Zosimus Papa in can. contra 7 C. 25 q. 1. Contra statuta Patrum (ait) vendere vel mutare, nec huius quidem Sedis potest auctoritas: apud nos enim inconcussis radicibus vivis antiquitas, cui decreta Patrum sanxere reverentiam. Hunc textum procedere in statutis pertinentibus ad fidem catholicam vel ius naturale, aut divinum, commentent Glossa, Turrecremata, & Archidiaconus ibidem.

(b) Matthæi cap. vlt.

dubiamque esse fidem Patrum perinde omnium ac singulorum, paucissima superesse scripta trium primitivæ ecclesiæ seculorum, eaque ut plurimum corrupta vel interpolata vel omnino supposititia calumniantur; aut involuta sensibus obscuris, idiotismis, variatis vocum significationibus, allegoriis, metaphoris, figuris, artificiosis dicendi ornamentis & mysticis locutionibus, ne arcanum ethnicis tunc ipsi panderent; ratione item polemica, quæ in contrarium aliquando errorem eos abripuit; ac demum retractationibus sententiarum vitroneis, quæ certitudinem adimunt.

III. Verum enim vero dum Patres unanimi sensu tradunt doctrinam fidei non scriptam, ii Spiritu Dei aguntur & filii Dei sunt. Per os quippe ipsorum *Spiritus veritatis docebit omnem veritatem* (a). Eis, qui in ecclesia sunt, presbyteris obedire oportet; his qui successionem habent ab Apostolis, qui cum episcopatus *successione christiana veritatis certum acceperunt*, ait S. Irenæus (b). Ecclesia catholica una est & connexa & coherentium sibi invicem sacerdotum glutino copulata (c). Fieri ergo non potest, ut tot ac tanta ecclesiæ in unam fidem erraverint, inquam cum Tertulliano (d). *Profecto ecclesia Dei vivi columna & firmanentum veritatis est* (e), quam repræsentant Patres & episcopi siue per orbem diffusi, siue in concilio simul congregati: & cui potest nemo præscribere, monente Tertulliano, non spatia locorum, non intervalla temporum, non patrocinia personarum. Quæ de obscuritate, retractatione, fallibilitate obiectant eterodoxi, referenda sunt ad singulares Patrum opiniones, & sensus humani ingenii proprios, resque non dogmaticas. Quo spectavit S. Augustinus inquit, *Christum semper veraciter indicare; ecclesiasticos autem iudices homines plerumque falli* (f). Secus vero est de iis Patrum dictis, quæ communem, aper-

N 2

tugi

(a) Ioannis cap. 16.

(b) Lib. 4. cap. 23.

(c) S. Cyprianus epist. 69.

(d) Lib. de præscript. adversus hereticos cap. 28.

(e) Ep. 1 ad Timoth. cap. 3.

(f) S. Aug. lib. 2 contra Crescon. cap. 2.

tum, perseverantem omnium consensum proferunt in rebus fidei dogmaticis.

IV. Si quando tamen inter sese Patres dissentire inveniuntur, attendenda est potior ratio cuiuslibet. Quo enim quisque ratione nititur meliore, eo maioris auctoritatis ipsius verba esse putantur (a). Hac autem in re standum est supremo iudicio Sedis apostolicæ vel concilii generalis, quotiens discordia Patrum vim legis adimit suis ipsorum dictis dissentaneis.

V. Quæ a iuris pontificii auctoribus selecta sunt, atque in corpore iuris inclusa Patrum dicta, parem cum statutis pontificiis vim habent. Nam sua fecit, quæ probavit, & quibus auctoritatem suam impertita est Romana Sedes (b).

VI. Ne circumferamur omni vento doctrinæ, Apostolus prohibet (c): negatque omnes esse Doctores (d). Itaque discernendi sunt codices commentitii sanctis Patribus falso inscripti (e) a genuinis, non secus atque apocryphæ decretales a canonicis. Nonnunquam ethnicorum testimonia reipublicæ christianæ bene suffragantur. Hac in re præstat imitari S. Augustinum, qui nonnulla a paganis philosophis mutuatus ita monet (f): *si qua forte vera dixerunt, non solum formidanda non sunt, verum etiam ab his tanquam ab iniustis possessoribus in nostrum usum vindicanda.*

TIT.

(a) Gratian. initio *dist.* 10.

(b) Bonif. VIII in *cap. si apostolica* 22 *de præbend. & dign. in* 6, & Iustinianus in *l. 1 §. neque C. de veteri iure enucleando*. Videbis dicta superius *tit. 5 num. 26 lit. a pag. 54.*

(c) *Ep. ad Ephosios cap. 4.*

(d) *Ep. 1 ad Corinthios cap. 12.*

(e) Tales sunt libri constitutionum apostolicarum, Itinerarium S. Petri S. Clementi tribuunt, Actus Andreæ, Philippi, Petri, & Thomæ Apostolorum. Evangelium Thaddæi, & Thomæ, quo utuntur Manichæi, item Barnabæ, Bartholomæi, Andreæ. Actus Teclæ, & Pauli, Pœnitentiæ Adæ, Origenis, S. Cypriani. Physiologus ab hæreticis S. Ambrosii nomine præsignatus. Opuscula Tertulliani, Posthumiani, & Galli, Montani, alterius Clementis Alexandrini, Cassiani, epistola Christi ad Agbarum Edessæ regem, alique sexcenti, quos inter apocryphos reiecit Gelasius in synodo Romana in *can. sancta Romana 3 dist. 15.*

(f) S. Aug. *lib. 2 de doctrina christiana cap. 40.*

T I T. IX.

De collectionibus canonum.

- 1 *Canones variis in locis ac temporibus editos colligere simul studuerunt orientales & occidentales.*
- 2 *Canones vulgo apostolicos & constitutionum apostolicarum libros octo non S. Clemens, sed auctor incertus collegit.*
- 3 *Codex canonum ecclesie uniuersae quarto seculo prodiiit quum graece tum latine.*
- 4 *Eumque subsecuta gradatim sunt graecae collectiones Theodori, Trullana & Photii tot aliis celebriores.*
- 5 *Codex vetus canonum ecclesiae Romanae a Dionysio eniguo concinnatus seculo sexto.*
- 6 *Dein accesserunt Latinae collectiones chronologicae tam S. Isidori Hispalensis, quam alterius Isidori vulgo mercatoris, aliorumque.*
- 7 *Digestae, aliae seruato rerum ordine breuiationes, collectiones, concordiae canonum & decretorum plurimae.*
- 8 *Corpus iuris canonici quatuor nunc voluminibus continetur.*
- 9 *Decretum Gratiani XII seculo editum praenisi collectionibus praeualuit rerum copia & ordine.*
- 10 *Quod a Romanis Correctoribus emendatum nouas adhuc admittit censuras curatiores.*
- 11 *Decreta in eo contenta non eandem vim legis habent, sed variam pro conditione auctorum, a quibus ea Gratianus accepit.*
- 12 *Primam huius operis partem distinctiones, alteram causas, seriatim de consecratione Gratianus inscripsit.*
- 13 *Quinque decretalium compilationes ad Gratiani Decretum accessere gradatim.*
- 14 *At sexta tantum Gregoriana primarius textus Decretalium editus in quinque libros distribuitur.*
- 15 *Mox alter Sextus Decretalis Bonifacii VIII in eisdem libris dissectus.*

- 16 Tertius deinde Clementinarum textus ex concilii Viennensis & Clementis V decretis & constitutionibus conflatus.
- 17 Postremus Extrauagantium Ioannis XXII, & communium.
- 18 Extrauagantes istæ vim legis pontificiæ insitam retinent, si ad tempus editæ excipiantur.
- 19 Septimus Decretalium Lugdunensis priuata prodiit auctoritate, alter Clementis VIII suppressus in oru suo est.
- 20 Bullarij Romani constitutiones posteriores in compendium redigere, easque adnectere Decretalium rubricis, proficuum videtur.

Quo semel constituta iura promulgarentur latius, & possent omnibus innotescere, quæ aut immota semper aut nouata aliquando essent, quæque paulatim accessissent noua veteribus: collectiones canonum idcirco produere apud orientales primum, deinde apud occidentales.

II. Veruſtissima omnium est collectio *canonum*, qui dicuntur *Apostolorum*, vna cum octo libris *constitutionum* vulgo *apostolicarum*; quam incertus quidem auctor post tertium seculum paulo ante Nicænam synodum peregit (a). Explorata enim res est eos nec a sanctis Apostolis in concilio Hierosolymitano sanctos, neque a S. Clemente diui Petri discipulo collectos. Sed meritissimo iure inter apocryphosuisse ablegatos (b): quicquid aliter fenserint S. Io. Damascenus,

(a) Patres Nicæni primum hos canones commemorarunt. Eos tamen incognitos fuisse post medietatem seculi tertii, quo tempore ea controuersia, an baptismus hæreticorum validus, nec ne foret, diu exaruit inter Stephanum Papam, & B. Cyprianum Carthaginensem cum Firmiliano Cæsarensi; hoc vel vnum snadet, quod Firmilianus & S. Cyprianus aliis obscuris auctoritatibus maximo partium studio conquistis nunquam laudauerint canones 46, & 47 vulgo Apostolorum, suæ ipsorum sententiæ manifeste fauentes: quippe qui episcopum & presbyterum baptismi hæreticorum admittentes, aut pollutum baptismi hæreticorum non rebaptizantes, damnari ac deponi iubent. Equis eos crediderit vnam ignoratos a tantis viris, si extitissent?

(b) A Gelasio Papa in synodo Romana in *can. sanctæ Romanæ 3 dist. 15*, a S. Isidoro Hispalensi in *can. 1 dist. 16*, ceteris emunctæ naris Pontificibus & Do-

nus, Bassamon, Beueregius, Turrianus (a), Binius (b), qui omnes generatim esse legitimos Apostolorum fœtus contendunt. Cardinales autem Bellarminus (c), & Baronius (d) post Humbertum [e] priores quinquaginta solum genuinos putant, reliquos triginta quinque non item: ad id opinandum ducti, quia nouerant eosdem 50 priores in collectione Dionysii exigui ab ecclesia Romana adoptatos, reiectis ceteris, & auctoritate canonica in occidente vniuerso præditos. Disciplinam secundi & tertii seculi, quæ in plerisque orientalium ecclesiarum seruabatur, ex decretis episcoporum synodicis ante Nicænam synodum verisimiliter haustam, continent: & nonnisi sexto ecclesiæ seculo vim legis communis omnino obtinuerunt apud vniuersos orientales (f).

III. Quarto declinante seculo apparuit græcus *codex canonum ecclesiæ vniuersæ*, completens 165 canones continuato nexu sine aliqua interpolatione coordinatos, quos compilator incertus (g) desumpsit primum ex concilio Nicæno,

tum
Doctoribus. Nam in primis veterum Patrum nullus inter canonicas noui Testamenti scripturas accensuit canones hosce apostolicos, neque inter ecclesiastica scripta primi seculi: tametsi eis diligentissime singulatim conquirendis vacauerint S. Hieronymus, Eusebius, alique. Nec a Victore Papa secundo seculo exeunte, totaque Romana ecclesia contra Arianos quartadecimanos vnquam obiecta fuit auctoritas *can. 7*, quo vetatur celebratio Paschæ cum Iudeis ante vernale æquinoctium. II, nonnulli istorum canonum a doctrina Apostolorum, & moribus æui apostolici longe dissonant, præsertim *can. 49* de trina meritione baptizandorum, *can. 15, 35, 39, & 40* de prouinciis & diocæsi-bus ecclesiasticis, de annuis archiepiscoporum synodis, de portione ecclesiæ ab ea episcopi distinguenda: ceteri id genus.

(a) *In defensione canonum Apostolorum contra Magdeburgenses Centuriatores.*

(b) *To. 1 Concil. in notis ad can. Apostol.*

(c) *Lib. de scriptorib. ecclesiast. in Clementis.*

(d) *To. 1 annalium ad an. 102.*

(e) Leonis IX legatum apostolicum in *can. Clementis 3 dist. 16.*

(f) *Ex Nou. 6 Iustiniani in fin. præfat. ad Epiphanium Patriarcham Constantinop.*, ex sexta synodo œcumenica in *can. placuit 4 dist. 16*, ceteris græcorum synodis.

(g) Alii cum Christophoro Iustello, qui in veteri ms. codicis bibliothecæ palatinæ infexisse nomen inscriptum Stephani episcopi Ephesini tradit, hunc existimant auctorem, Petr. de Marca *lib. 3 de concord. cap. 3*. Alii Sabinum He-

ta

tum ex quinque particularibus synodis græcarum dicecesum, Ancyrana, Neocæsariensi, Gangrensi, Antiochæna, Laodicæna, demum ex generali concilio Constantinopolitano I. Hanc collectionem probauit concilium Chalcedonense (a) : effecitque, ut usus canonum localium initio non egressus diceceses aut prouincias, in quibus conditi essent (b), ad ecclesiam postea Romanam seu verius vniuersam extenderetur ope huius codicis, in latinum quoque sermonem translati.

IV. Procedentibus temporibus nedum adnexi mododicto codici fuerunt canones 27 Chalcedonenses; verum aliz etiam collectiones a diuersis viris concinnatz qua græcis qua latinis. Celebriores græcorum sunt ea Theodorii episcopi Cyrensis, Trullanz synodi, & Photii: præter nomocanones & synopses Theodori Abbatis, Simonis Logothetæ, Alexii Aristini, Arsenii, Harmenopuli, Pselli, Anonymi, Matthæi Blastaris, & siquæ sunt aliz.

V. Eandem latini prouinciam suscipere non destiterunt. Seculo VI Dionysius exiguis græcis, latinisque litteris instructissimus nouo codici latine conslando, qui *codex versus canonum ecclesiæ Romanæ* inscribitur, manum admouit confusione prisce versionis incitatus. In eo ultra canones 165 vetusti codicis græci recensuit canones 27 Chalcedonenses, deinde 50 canones vulgo Apostolorum, tum Sardicenses 21, & Africanos 138, ad extremum decreta pontificia a Siricio vsque ad Hormisdam. Collectio hæc vsum celeberrimum &

vni-

raclæ potant cum Antonio Augustino *in præf. 2 epitom. Iuris pontif. ex Socrate lib. 1 hist. eccl. cap. 5*. Neutri assentitur non sine causa Io. Doulatius *lib. 3 prænot. can. cap. 3*, existimans de auctore isto non liquere satis.

(a) *Can. 1, ibi: Regulas sanctorum Patrum per singula nunc vsque concilia constitutas proprium robur obtinere decreuimus.*

(b) Alios præter Nicænos canones ab ecclesiâ Romana probatos non fuisse ante concilium Chalcedonense, liquet ex Innocentii I ep. 31 ad Theophilum Alexandrinum in coll. Labbeana & Coss. Tu quoque (ait) iudicio occurre ad synodum proxime in Christo celebrandam (puta pro causa S. Io. Chrysostomi) & illic iuxta Nicæni concilii canones & decreta contende: alios quippe canones Romana non admisit ecclesiâ. Idemque Pontifex eadem fere scripsit ad clerum Constantinopolitanum, teste Sozomeno *lib. 8 hist. cap. 16*.

uniuersalem sortita est in ecclesia Romana & iudiciis ecclesiasticis occidentaliū (a).

VI. Post accesserunt passim per plures nouis canonibus & decretis locupletata collectiones, duplicis tamen formæ. In alteris enim recensio canonum & conciliorum continua seruatō solum ordine temporum sine vlla distinctione materiarum perinde facta est; atque in veteri iam dicto codice Dionysiano. Quales sunt ea S. Isidori Hispalensis, & alia pseudo Isidori vulgo dicti mercatoris seculo octauo. Prætereaque recentiores conciliorum elaborata XVI seculo a Iacobo Merlino, Petro Crabbeo, Francisco Iouerio, Laurentio Surio, Seuerino Binio, & superiori seculo postrema a Philippo Labbeo & Gabriele Cossartio, cuius editio nonis additamentis vberima, & tomis 23 recusa Venetiis est anno 1728. In singulis hisce posterioribus collectionibus prostant commentitiæ priscorum Pontificum epistolæ ante Siricium, quas pseudo Isidorus primum euulgauit. Hunc alii putant fuisse Isidorum episcopum Setubensem, qui adfuit Toletano XVI concilio (b) opera cuiusdam monachi Benedictini usum. Alii cum Blondello malunt Benedictum leuitam Moguntinum in Gallia Belgica, vbi ea primum apparuit, collectionem pseudo Isidorianam constasse, inscriptam Isidoro S. Eulogii Cordubensis fratri Moguntino mercatori (c). Vtraque opinione reiecta Ioannem Anglum, qui sub Carolo M. in Galliis, mox Moguntia degit, sub Isidori mercatoris nomine latere verosimilius conicit Carolus Blascus coeui noster in absolutissimo commentario *de collectione canonum Isidori mercatoris* (d). Laruatus iste Isidorus hac fraude suppositarum decretalium (inquam cum Petro Coutantio) quam sit perniciose de eccle-

Tom. I.

O

sia

(a) Cassiodorus cap. 23 diuinar. lectio. hæc de Dionysio inquit: *Ex gratiis exemplaribus canones ecclesiasticos... magna eloquentia luce composuit: quos hodie vsu celeberrimo Romana ecclesia complectitur.* Contestis hæc in re est Leo IV in *can. de libellis* 1 dist. 30.

(b) Ex chronico Luitprandi ad an. 1681.

(c) Blondell. *proleg. cap. 5.*

(d) Cap. ult. §. 3.

sia meritis, dici vix potest. Hinc debilitati penitus, fractique disciplinæ nervi, perturbata episcoporum iura, subiectæ iudiciorum leges, aut mixtum saltem in modum afflicta, hinc discordiarum, seditionum aut litium seges immensa, quæ tot seculis ad ecclesiæ dedecus, fideliumque offensionem fructuavit. Neque id solum sed alienæ etiam communionis hominibus aperta ingens ad calumnias fenestra. Cum enim putida tot scripta mendacii insimulare promptum esset, ac re quidem vera insinua darent ipsi, convincerentque, gradum inde ad genuina insimulanda fecerint. Errorem, ut par erat, refellere parum contenti, in veritatem ipsam inuolarunt. Exprobrata catholicis nimia credulitas, fuco falsi adpersa sapientissima decreta, sanctiores ritus explosi, reiecta sine pudore ac modo fundatissima quæque summorum Pontificum iura, aut certe ad tenuem exilisque umbram redacta (a). Toto cœlo aberrare, qui obmurmurant Romanos Pontifices tantæ fraudis conscios vel suasores fuisse, prælaudatus Balfus luculenter commonstrat, adstruens coniecturis minime spernendis Ioannem Anglum Moguntia degentem commentitias decretales conscio Riculfo archiepiscopo Moguntino, qui dignitatem Primatis Gallia & Moguntia perpetuam sibi & sedi suæ Moguntinae addicere studebat, contexuisse. Quandoquidem tradit Hincmarus Rhemenis, quod *collectarum* cuiusmodi *epistolarum* volumen *de Hispania allatum Riculfus episcopus Moguntinus in huiusmodi epistolis*, sicut & in *Capitulis regis* (puta *Capitularibus*) *studiosus obrinuit*, & *istas Gallia regiones in illo repleti fecit* (b): tametsi opinione vulgi, & Riculfi testimonio deceptus Hincmarus eas credidit a B. Isidoro Hispalensi collectas, quo ficto nomine ipsas ambabus vlnis Hispani primum, mox Galli, ceteri per occidentem nonnullique orientalium exceperunt. Enim vero studuit potissimum fallax Isidorus (c) potestatem Primatis adeo stabilire atque ampliare, ut Romani Pontificis iuribus non semel detrahat, & pa-

rem

(a) Hucusque Petrus Contantius in *prefat.* §. 10.(b) Hincmarus *opusc.* 33 *cap.* 24.(c) Idem *opusc.* 45 *cap.* 21.

rem priscis Patriarchis faciatis & quod magis est, vniuersalem curæ sollicitudinem episcopis modo tribuat Primatui Romano iniuriolosam, modo ordinariam episcoporum potestatem subruat omnino, eamque nonnisi ab apostolica Sede prima delegatam & profluentem fateatur. Si quam monarchicam dominationem primæ Sedis, & sanctitatem perpetuam exaggerat: quid opus apocryphis testimoniis habet lux ipsa ex diuinis biblicorum oraculis in orbe toto effulgens?

VII. Altera forma collectionum recentior distribuit ordine materiarum fragmenta canonum, quæ ad positas ingenio auctoris rubricas collimant. Cuiusmodi sunt *Breuiatio canonum* a Fulgentio Ferrando Carthaginensi diacono concinnata, *collectio canonum orientalium* Martini Bracarenfis, *breuiarium canonicum* & *concordia canonum* Cresconii Africani episcopi, *Capitula* 50 ab Hadriano Papa tradita Ingilramno Mediomatricum episcopo, & *codex canonum* ab eodem Pontifice oblata Carolo M., liber *canonum penitentialium* Anonymi, *Penitensiale* item Romanum, & Theodori Bedæ, Egiberti, ac Rabani Mauri, *canonum collectio* Reginonis Abbatis, *Decretum* seu *magnum Decretorum volumen* Burchardi Wormaciensis episcopi, *authentica* & *compendiosa collectio regularum* Anselmi Lucensis, *Tarraconensis* & *Casaraugustana collectio* Hildeberti Cænomanenfis, liber *Canonum*, & *contra inuasores* Cardinalis Deusdedit, *Decretum*, & *Pannonia* Iuonis Carnotensis, *Polycarpus* Gregorii Hispani presbyteri, *collectio* Hibernica, *Codex Andegauensis* ceteræ.

C A P. I. De Corpore Iuris Canonici.

VIII. **D**ecretum, *Decretales*, *Sextus*, *Extravagantes* totum constant Corpus Iuris Canonici æque in scholis atque in iudiciis receptissimum.

IX. *Decretum* vulgo appellatur collectanea decretorum canonicorum, numero 3090, quam Gratianus Tuscus monachus Bepediſtinus priuata edidit auctoritate sub Eugenio III anno

1151, eique hunc ideo titulum inscripsit *concordia discordantium canonum*, quia canones in speciem pugnantes sategit interiectis passim interpretationibus conciliare. Ea tantam apud omnes æstimationem laudemque nacta continuo est, ut cunctis aliis, quæ præiuerant, neglectis collectionibus solam ipsius auctoritatem vltro sectarentur omnes quum in scholis, priuatique interpretationibus, tum in iudiciis: & auctorem communi consensione insignirent titulo *Magistri Decretorum*. Quippe qui ceteris præstare visus est in primis copia rerum vberiore, magnisque additamenti recentiorum canonum & legum. 2, partium methodo, quæ redolet Iustinianæam coordinationem iuris ciuilibis. 3, disputatione causarum seu questionum forensi potius, quam scholastico more. 4, conciliatione canonum sibi inuicem aduersantium & solutione difficultatum plerunque idonea & recta. His præclarum addatur iudicium viri & sanctitatis & sapientia eximii S. Caroli Borromæi, qui antecessorem canonibus Gratiani declarandis instituit, unde *sacra* (inquit) *maiorum insituta & ritus, optimæque ecclesiæ administrandæ genus hauriretur*.

X. Menda tamen quamplurima in istiusmodi opus irreperunt, quæ Gratianum detegunt magis vitio temporis, quam ingenio expertem fuisse scientia morum primitiæ ecclesiæ, historia, & authographis codicibus: locupletem vero falsis mercibus pseudo Isidori, impurisque ceterorum collectionibus & synopsis. Permulta porro capitula obtrudit desumpta ex commentitiis epistolis Pontificum ante Siricium, alia apud auctores inscriptos nullatenus inuenta, alia corrupta vel detorta in alienum sensum, aliter quam in authographis inueniuntur, alia, quæ diuersi auctores dixerunt, vni solum attributa. Tandem in conciliandis canonum antinomiis haud semel hallucinatus est. Næuos istos deprehendere orsi sunt cum glossatoribus S. Antoninus, Io. Quintinus, Antonius Demochares, Antonius Contius, Antonius Augustinus. Dum hic duos libros de emendatione Gratiani conscriberet, Pius IV, & V, tum

tum Gregorius XIII Pontifices prouidentissimi id interesse rei publicæ rati, ne pessundaretur omnino Corpus Decretorum, neue eius auctoritas vacillaret, prouinciam emendationis demandarunt viris lectionissimis (a), quos *Correctores Romanos* appellant. Hi textu nil mutato innumeris notis in margine atque in calce singulorum fere capitum adiectis indicarunt, suppleueruntque germanas epigraphes, lectiones, sententias, collatis visisque codicibus antiquissimis ad id vndique conquisitis. At plura superesse adhuc corrigenda; & Gregorianam correctionem non obistere nouis emendationibus ac censuris curatioribus, conmonuit scitissime Benedictus XIV (b).

XI. Publica Sedis apostolicæ auctoritate destitutum Corpus Decretorum quum ante, tum post Gregorianam emendationem, non est qui iure abnuat. Vim ideo iuris communis non habent singulæ in eo contentæ sententiæ: sed quælibet suam primigeniam, quæ extra collectaneam potiretur, nunc etiam obtinet. Nam Gratianus solam magistri & monachi personam gerens ea, quæ refert, non potuit efficere, vt maiori pollerent auctoritate, quam antea fuerint, inquam cum Antonio Augustino (c). Itaque siqua sunt ab eodem relata ex pontificiis epistolis aut ex conciliis generalibus; ea suprema illa potestate, qua excellunt, apud omnes vim legis obtinent. Secus quæ ex prouincialibus conciliis, aut ex episcoporum, aliorumque sanctorum Patrum libris, aut epistolis accepta sint. Accidit autem sæpe, vt falsæ sint apud Gratianum inscriptiones singulorum capitum: inde fit, vt ne illa quidem capita vim legis obtineant, quæ dicuntur esse sumta ex Romanorum Pontificum aut generalium conciliorum decretis: sed necesse est adire fontes, vnde manarunt, vt certa

ab

(a) Eos nominatim laudat Douiat lib. 4. prænot. cap. 13.

(b) Lib. 4. par. 2. de Seru. Dei beatif. & beat. canonizat. cap. 17 n. 10, ubi collaudantur ad id comprobandum Douiat in prænot. Schelestrat. in antiqu. illustr. dissert. 2. cap. 13 n. 338, Card. Bellarmin. de scriptor. ecclæs. Petrus & Franc. de Pitheis.

(c) Ant. Augustin. in præfat. ad canones penitenciales.

ab incertis distinguamus. Decem idcirco genera locorum in volumine Gratiani sunt distinguenda. 1, ex sacra Scripturæ libris decerpta. 2, ex conciliis qua œcumenicis, qua localibus. 3, ex epistolis partim veris, partim apocryphis Romanorum Pontificum. 4, ex libris Patrum græcorum & latinorum. 5, ex canonibus, qui dicuntur Apostolorum. 6, ex tribus libris poenentialibus. 7, ex codice Theodosiano. 8, ex Pandectis, Codice & Nouellis Iustiniani. 9, ex Regum Francorum capitularibus. 10, tandem assertiones ipsius Gratiani aut in Distinctionum, Causarum, & Quæstionum initiis propositæ, aut interpolatæ ad concordiam dissentientium canonum. Multa item capita præferunt inscriptionem *Palæa*, qua significari appendices in margine primum adscriptas, & postea in corpore insertas coniiciunt probabilius Romani Correctores; posthabitis aliorum opinamentis ex eo, quod istas abesse in pluribus vetustissimis codicibus, in vno autem castigatissimo ad marginem superadditas viderint.

XII. Tres in partes summas opus distribuit Gratianus. Primam *Distinctiones*, secundam *Causas*, tertiam tractatum de *Consecratione* nuncupavit. Pars prima complectitur *Distinctiones*, puta titulos 101, quarum priores viginti originem, auctoritatem, variasque species canonum edisserit ad apparatus generalem: reliquæ de *personis* clericorum, eorumque distinctis dignitatibus, ordinationibus, officiis exhibent tractatum, qui vulgo dicitur *ordinandorum*. Secunda pars subdividitur in *Causas* 30, & earum singulæ in plures *Quæstiones*. Siquidem *Causas* Gratiano placuit dicere, quas alii passim *rubricas* seu *titulos* appellant; quemadmodum & *Quæstiones*, quas *capitula* seu *articulos* ceteri aut *paragraphos*: eo quod res forenses & formam iudiciorum ecclesiasticorum pertractet in criminalibus & civilibus. Ordinem partis huius perplexum, interruptum, & mistura dissentanearum rerum confusissimum vix vnus erit, qui valeat excusare, probare quidem nemo. In ea post *Causam* 33 quæ 3 spectantem Matrimonii Sacramen-

mentum, interiectus est tractatus de *Pœnitentia*, qui constat septem distinctionibus seu titulis. Tertia & vltima septem distinctionibus agit de consecratione ecclesiarum, Sacramento Eucharistiæ, festis diebus, Baptismo, Confirmatione, diuinis officiis, ieiunio, Sanctorum veneratione, ad extremum de fide.

XIII. Post Gratianum quinque *Decretalium* compilationes antiquæ in lucem prodierunt intra curriculum annorum 70, quæ tamen a scholis & iudiciis dudum exularunt. *Primam* anno circiter 1190 composuit Bernardus Papiensis Præpositus ex constitutionibus Alexandri III, & successorum Pontificum vsque ad Cœlestinum III. *Secundam* adornauit Iohannes Vallenſis ex Cœlestini III potissimum decretalibus. Vtraque priuatim vulgata nullam in iudiciis fidem habuit, nisi scrinarii ecclesiæ Romanæ singulas epistolas ante reuidissent ac comprobassent (a). *Tertiam* confecit Petrus Beneuentanus diaconus de mandato Innocentii III, haustam ex ipsius Papæ registris, quæ idcirco vocata est absolute Innocentiana compilatio. *Quartam* idem Innocentius III peragendam iussit incerto auctori ex decretis concilii generalis Lateranensis, & libris regesti sui sequentibus post 12. Quatuor has omnes compilationes vna cum scholiis dudum vulgauit Antonius Augustinus. *Quintam* concinnauit Honorius III ex suis ipsius decretalibus: eamque ab Antonio Augustino, & Contio, ceteris desideratam iuris publici fecit anno 1645 Innocentius Cironius, notisque illustrauit eruditissimis.

XIV. *Sextam* iussu Gregorii IX anno 1230 adornauit S. Raymundus Pennafortius Barcinonensis Ordinis Prædicatorum, in qua præter nonnullas S. Scripturæ, Patrum & synodorum sententias congeſſit pontificias præcedentium quinque compilationum constitutiones & epistolas, reſectis superfluis & paucis aliquando immutatis, nouisque ipsius Gregorii superadditis. Hanc pontificia auctoritate omnino confirmauit Grego-

(a) Quod reſcripſit Innoc. III ad Helienſem epiſcopum in cap. 3 de ſid. inſtr. in 3 compil. & cap. paſtoralis 8 eod. tit.

gonius ipse IX, per totum orbem legendam ac seruandam iussit (a), & legis communis vim omnibus in ea contentis indidit. In quinque libris distributa est. Quorum in primo agitur de sacris iudicibus & praelatis. In secundo de iudiciis praesertim ciuilibus. In tertio de rebus ecclesiasticis & clericorum & laicorum, quae solent in ciuilibus sacri fori causis tractari. In quarto de rebus matrimonia & sponsalia spectantibus. In quinto de iudiciis criminalibus, eorumque forma, de criminibus & poenis. Singulis respondent sequentis hexametri vocabula. *Iudex, iudicium, clerus, connubia, crimen.* Haec compilatio Gregoriana, quae pars est praecipua *Corporis iuris canonici*, appellantur *sexus Decretalium*. Praecedentes quinque Decretalium compilationes e scholis & iudiciis eliminatas per istam compilationem fuisse condoluerunt interpretes, non iniuria indignati S. Raymundum vtilia permulta ex integris decretalibus, praesertim factorum narrationes rescuuisse, nonnullas quoque particulas immutasse & quasdam peritiles constitutiones omnino omisisse. Eas ob res textum hunc quoque corrigendum curauit Gregorius XIII ad collectionum antiquarum & regestorum pontificiae Sedis amussim, cuiusmodi beneficio prodiit inter alias editio Petri & Francisci de Pithaeis emendatior. Ad assequendam itaque perfectam cognitionem canonum & decretalium, oportet saepe fontes adire; antiquas puta collectiones a Francisco Pegna Hispano primum indicatas in notis marginalibus, regesta pontificiarum epistolarum, & conciliorum acta: id quod praeter ceteris fecerunt Contius, Antonius Augustinus, Emmanuel Gonzalez. Tum animaduertere quidnam erroris, abusus vel quaestionis dederit occasionem canoni vel epistolae: historiam inquirendo ex coevis scriptoribus, & variatas vocum significationes perscrutando ex vsu temporum & vicissitudinibus purae, mediae, infimaeque latinitatis, in glossario praesertim Caroli Fresnei.

XV.

(a) Patet ex cons. *Rex pacificus*, seu praefationis epistola, quae initio huiusce operis impressa est, ad Bononiensem Academiam data.

XV. Alterum Iuris Canonici volumen *Sextus* ideo nuncupatur, quod quinque libris Decretalium Gregorii IX accesserit, quamvis rubricas non diuersas quidem a Gregorianis, sed easdem, quæ numerantur 79, in quinque item libris dispositas iuxta methodum eiusdem textus Gregoriani exhibeat. Complectitur constitutiones octo Pontificum, qui post Gregorium IX sederunt, scilicet Innocentii IV, Alexandri IV, Urbani IV, Clementis IV, Gregorii X, Martini II, vulgo IV, & Bonifacii VIII: prætereaque duorum generalium conciliorum Lugdunensium I, & II. Iussu Bonifacii VIII compactum est a Guilielmo de Mandagotto archiepiscopo Ebrodunensi, Berengario Fredono Biterrensi episcopo, & Richardo de Senis S. R. E. Vicecancellario, ad cardinalitiam postea dignitatem euectis, ab eodemque Pontifice sub bulla transmissum ad Vniuersitatem Bononiensem anno 1298, ut eo vterentur in scholis & iudiciis, nullas alias præcessorum pontificum post editionem voluminis Gregoriani promulgatas *pro decretalibus habaturi* (a). In Gallia ob acerrimas contentiones inter Bonifacium VIII, & Philippum Pulchrum Regem *Sextus* hic non eandem vim obtinuit, quam textus Gregorianus (b): at alibi partem alteram facit Corporis Iuris Canonici.

XVI. *Clementinas*, quarum codex *Sexto* subnectitur, quum ex decretis generalis concilii Viennensis, tum ex constitutionibus & epistolis suis Clemens V coordinari curauit ad formam Decretalium. Eoque, antequam publicarentur, morte præuento, successor Ioannes XXII publica donatas auctoritate promulgauit anno 1317, deditque Auenione bulla obfirmatas ad suprascriptam Bononiæ Vniuersitatem in iudiciis & scholis vsuram (c).

XVII. Post *Clementinas* in eodem *Sexti* volumine præstant
Tom. I. P stant

(a) Verba sunt finalia ep. Bonifacianæ initio *Sexti* præfæge.

(b) Fr. Florens in *differt. de orig. aut. & auctorit. iuris Canonici*.

(c) Epistola Clementis ad Doctores & Scholares Bononiæ præfationis locum occupat in codice Clementinarum.

stant duo *Extravagantium*-codices. Prior cum inscriptione *Ioannis XXII*, posterior *Extravagantes communes*. Priorem codicem Ioannes XXII suis ipsius tantum constitutionibus compositum Auenione edidit anno 1325. Cum vero nulli studiorum Vniuersitati rite misisset, nec bulla munitis pontificia euulgasset, *Extravagantium* nomine donatae sunt omnes in eo coniectae constitutiones, quod extra Corpus authenticum Iuris vagarentur. *Extravagantes communes* priuatus auctor circa annum 1484 compilauit ex constitutionibus Pontificum XXV, quot numerantur ab Urbano IV (a) usque ad Xystum IV (b).

XVIII. Corpus Iuris Canonici nemum Decretalibus Gregorii IX, Sexto, & Clementinis, sed *Extravagantibus* etiam constare dixit Gregorius XIII (c). Quoniam vero sub vetusto extravagantium titulo eas attexit voluminibus Iuris, primariam naturam non mutasse visae sunt: adeo ut non clausae quidem in corpore Iuris putentur (d) reservationes beneficiorum, quas Ioannes XXII, alique successores edixerunt plerumque ad vitam sui ipsorum duraturas (e). Attamen in ceteris rebus vim legis pontificiae obtinent, quum fidem eis indubiam adstruat auctoritas codicis Romani post Gregorianam emendationem recusi (f). Secus dicendum de extravagantibus aliis priuato nomine collectis, quarum veritas ac tenor in dubium quan-

(a) Si vera est inscriptio cap. 1 de *simonia*.

(b) Postrema, si tempus spectetur, est in *Extravag. com. cap. 2 de reliqu. & vener. Sancti* decretalis epistola Sixti IV, edita an. 1483.

(c) In const. cum *pro munere*, quae habetur initio Decreti. Rectius eas ab Iuris corpore abscondit sapientissimus Bened. XIV in ep. ad Doctores & cholestes Bononiae praefixa to. 1 Bullarii sui.

(d) Van. Espen par. 2 tit. 23 cap. 4 num. 3, Garz. de benef. par. 5 cap. 1 n. 130, Rigant. in reg. 1 Cancell. §. 1 n. 46.

(e) Quales sunt *Extravag.* ex debito de elect. regimen de praben. & dignit. & vn. de tregua & pace.

(f) Sententia quippe si proferatur contra Extravagantem rite promulgatam atque indubitatam, nullius erit momenti, qd. in *proam. Clementinar. ver. de cetero*, in *Clem. nolentes de hereticis*, Io. Fr. de Paulinis in *praedidio ad Extravagantes*.

quandoque reuocatur, nisi in authentica forma producantur singulæ (a).

XIX. Post extrauagantes communes adiungere Lugdunenses bibliopolæ in editione corporis Iuris Canonici anno 1661 *septimum decretalium*, qui in Romanis editionibus desideratur, a Petro de Mattheis Iſto Lugdunenſi priuatim editum, dicatumque Cardinali Caietano. *Septimum* quoque librum decretalium cogitauerat Gregorius XIII promere, demandata eius compilandi prouincia Cardinalibus Fuluio Vrsino, Francisco Alciato, & Antonio Caraffa (b); at e vigis sublatuſ infectam reliquit opëram. Eam proſequutus Xystus V commisit Cardinalibus Pinello Aldobrandino, & Columnæ, absolutam inde sub Clemente VIII, qui fuerat mododictus Cardinalis Aldobrandinus; inscripto titulo *ſeptimi decretalium Clementis VIII*. Cum vero inserta in eo fuissent decreta conciliorum Florentini & Tridentini, cuius interpretationem omnibus sub censura vetuerat Pius IV, ne interpretibus daretur occasio conscribendi glossas & commentarios contra Piam constitutionem: suppressa penitus fuit publicatio voluminis, quod iccirco ut lucem vidit, e luce sublatus est.

XX. In magno Bullario Romano tot extrauagantes aliæ Pontificum constitutiones exinde excreuerunt & gliscunt in diem, ut necessaria videatur & maxime profutura quum scholis, tum iudiciario foro noua earum collectio compendiarie libris & rubricis decretalium adnectenda. Eam aliquis utinam aggrediatur idoneus, bono publico prospiciens.

P 2

TIT.

(a) Quod reſcripſit Innocentius III ad Helienſem epiſcopum in cap. *paſſoralis* 8 de fide inſtrum. alias cap. 3 eod. tit. in 3 collect. & Clem. Romani de iureiur. Proſecto haud ſemel dubiatum eſt, an reuera nec ne Pontifex aliquam edixiſſet conſtitutionem, aut typographi exſcriptoresque vitiaſſent, & nonnihil præter intentionem legislatoris interpolaiſſent. Idipſum contigiſſe in bulla 48 Pii V, quæ incipit *eſti mendicantium*, declarat Gregorius XIII in ſua conſt. 9 incipiente in tanta, cal. Maii 1573, qua tres Pianas conſtitutiones pro Ordinibus Mendicantium editas reduxit ad terminos iuris communis: additque §. 4, quod S. Pius V interdum conqueſtus ſit multa alio ſenſu a ſe proiecta fuiſſe, quam litteris eſſent expreſſa.

(b) Struius in hiſtor. iur. canon. cap. 7 §. 34.

T I T. X.

De Concordatis.

- 1 *Capitularia Regum Gallie a Legatis pontificiis comprobata apud Italos etiam vsuenerunt.*
- 2 *In regno Neapolitano Guilielmus Rex cum Hadriano IV primus decem concordie articulos constituit de rebus ecclesiasticis.*
- * *Huc singuli e regio apud Baronium diplomate proferuntur.*
- 3 *Secundus Clemens IV explicuit in Bulla inuestitura, quos obseruaturum iuravit Rex Carolus I Andegauensis.*
- * *Hi ex Rainaldo, Chioccarello, & Gr. Grimaldo recitantur.*
- 4 *Tertios concordata Honorii IV cum Carolo II Andegauensis condiderunt.*
- * *Quos referunt Summontius, de Nigris, & Grimaldus.*
- 5 *Alia Honorii IV capitula nostri dubitant, an vim legis unquam obtinuerint.*
- 6 *Pacta cum Regibus nostris Andegauensibus conuenta posterioribus inuestiturarum litteris pontificiis innouata fere sunt.*
- 7 *Liberam episcopatum ecclesiarum omnium, beneficiorumque collationem pactus est Innocentius VIII cum Rege Ferdinando.*
- 8 *Tum Clemens VII Carolo V indulxit regiam nominationem ad 24 cathedrales huius regni ecclesias.*
- 9 *Concordata nouissima Benedicti XIV cum Carolo Rege multas de rebus ecclesiasticis controuersias composuerunt.*

Ecclésiasticæ politiæ pars haud modica nititur *Concordatis*; nimirum capitulis inter Pontifices Romanos ac Reges conuentis. Capitularia Regni Francorum, puta edicta Caroli Magni, Ludouici Pii, & Lotharii Imperatorum, quibus accesserunt alia Caroli Calui, a Legatis pontificiis Ansegiso archiepiscopo Senonensi, & Otgario archiepiscopo Moguntino comprobata, nedum in Gallia, verum etiam in Italia vim insignem habuerunt, eaque obseruaturum rescriptit Leo IV ad

Lo:

Lotharium (a). De eorundem auctoritate, methodoque confusissima plura concessit eruditissimus Franciscus Pithæus in *glossario Capitularium*, & Stephanus Balutius ea duobus voluminibus vulgavit cum adnotationibus criticis & historicis. Alia quoque in aliis regnis condita sunt, quæ nostra non interest inquirere. Operæ vero pretium est municipalia nostra perscrutari.

II. In primis occurrunt decem articuli pacis, quos anno 1156 iniuerunt Rex Guilielmus & Hadrianus IV Beneventi obseſus, relatos a Baronio (b). Pro ea temporum conditio-

(a) Leo IV in *can. de capitulis* 9 dist. 10.

(b) *To. 12 annal. ad an. 1156.* Vbi diploma Regis Willelmi ad Hadrianum mense Ianio 1156 datum hæc habet. I, De appellationibus quidem ita. Si aliquis clericus in Apulia & Calabria, & aliis terris, quæ Apulia sunt affines, aduersus alium clericum de causis ecclesiasticis querelam habuerit, & a Capitulo aut episcopo vel archiepiscopo suo seu alia ecclesiastica persona sua provincia non poterit emendari, libere tunc si voluerit ad ecclesiam Romanam adpellet. II, Translationes in ecclesiis fiant, si necessitas aut utilitas ecclesie aliquem de vna ecclesia ad aliam vocauerit, & vos aut vestri successores concedere voluerint. III, Consecrationes & visitationes libere Romana ecclesia faciet Apulia vel Calabria ciuitatum, ut voluerit, aut illarum partium, quæ Apulia sunt affines, ciuitatibus illis exceptis, in quibus persona nostra, vel nostrorum heredum in illo tempore fuerit, remoto malo ingenio, nisi cum voluntate nostra, nostrorumque heredum. IV, In Apulia & Calabria & partibus illis, quæ Apulia sunt affines, Romana ecclesia libere legationes habebit. Illi tamen, qui ad hoc a Romana ecclesia fuerint delegati, possessiones ecclesie non deuastent. V, In Sicilia quoque Romana ecclesia consecrationes & visitationes habeat, etsi de Sicilia personas aliquas ecclesiastici ordinis vocauerit, magnificentia nostra, nostrorumque heredum pro Christianitate facienda, vel pro suscipienda corona, remoto malo ingenio retinebit, quas prouiderit retinendas. VI, Cetera quoque ibidem habebit Romana ecclesia, quæ habet in aliis partibus regni nostri, excepta appellatione & legatione, quæ nisi ad petitionem nostram & heredum nostrorum ibi non fient. VII, De ecclesiis & monasteriis Terræ nostre, de quibus Romana ecclesia questio mota fuit, sic fiat. Vos quidem & vestri successores in eis habebitis eas, quæ in ceteris ecclesiis, quæ sub nostra potestate consistunt, solita sunt accipi consecrationes & benedictiones a Romana ecclesia; & debitos insuper & statutos ei census exoluant. VIII, De electionibus quidem ita fiat. Clerici conueniant in personam idoneam, & illud inter se secretum habebunt, donec personam illam excellentia nostra pronunciet, & postquam persona celsitudini nostre fuerit designata, si ea de proditoriis aut inimicis nostris vel heredum nostrorum non fuerit, aut magnificentia nostra non extiterit odiosa, vel alia in ea causa non fuerit, pro qua debemus assensire, assensum præstabimus. IX, Profecto vos nobis & Roge-

rio

ditione cautum est de causis ecclesiasticis in gradu appellationis ab ecclesia Romana iudicandis, de consecrationibus & visitationibus apostolicis ecclesiarum regni, de legationibus pontificiis, electionibus ecclesiasticis, & inuestitura regni.

III. Tum capitula XXIV a Clemente IV præscripta sunt in bulla inuestituræ regni utriusque Siciliæ ad Carolum Andegauensem data anno 1265, qui ea obseruaturum iurauit (a). Attinent potissimum ad inuestituræ leges, priuilegia, fines-

rio Duci filio nostro & heredibus nostris concedetis regnum Siciliæ, Ducatum Apulie, Principatum Capue, Neapolim, & Salernum, & Malsipham, Marchiam, & alia; quæ tenemus sacrosanctæ ecclesiæ Romanæ iure deuota, & contra omnes homines adiuvabitis honorifice manutenere. X. Pro quibus omnibus vobis, vestrisque successoribus fidelitatem iurauimus, & vobis ligium homagium fecimus. Et censum sexcentorum schisatorum de Apulia & Calabria, quincunctorum vero de Marchia, vel æquivalens in auro vel argento nos ac nostros heredes Romanæ ecclesiæ statuimus annis singulis soluturos. Capitula ista confirmavit Hadrianus Beneuenti obsessus suo diplomate ad Regem dato eodem mense, vt refert Baronius to. 12 ad an. 1156.

(a) Commemorantur a Rainaldo in *anal. eccles. ad an. 1265*, Chiocciarello to. 1 archiu. reg. iurisd. Gr. Grimaldo lib. 10 hist. leg. & magist. regni, & Io. Crisl. Lunig. tom. 4 Codicis Italiæ diplomatici sect. 2 dipl. 11. Eorundem cap. 1 continet inuestituram Caroli Comitis Prouincie in regno Siciliæ ultra & citra Pharum, excepta ciuitate, ac pertinentiis Beneuenti pro se ac descendantibus masculis & feminis, sed masculis extantibus formine non succederent, atque inter masculos primogenitus regnaret: omnibusque deficientibus, vel in aliquo contra facientibus regnum regrederetur ad ecclesiam Romanam. II, Quod Rex non posset regnum diuidere. III, Præstare deberet iuramentum fidelitatis, & ligium homagium ecclesiæ Romanæ. IV. Non posset eligi in Romanorum Regem vel Imperatorem. V, Si Imperator fieret, emancipare deberet Rogerium filium suum, eique regnum restitue. VI, Reges in ætate 18 annorum constituti per se gubernarent: in minori autem ipsorum ætate baliatum exerceret Pontifex Romanus. VII, Femine ex Rege descendentes cum Imperatore nubentes in regno non succederent. VIII, Nunquam hæc regna vniri possent ad Imperatorem. IX, Rex solueret Pontifici Romano censum annuum octomillium vnciarum auri, & palafrenum album in festiuitate Sancti Petri. X, Nec non quinque mille marcas sterlingas singulis sex mensibus. XI, Ac trecentos equites in auxilium Status ecclesiastici cum onere seruandi tres menses. XII, Quod Papa definiret fines status Beneuenti. XIII, Confirmarentur Beneuentanorum priuilegia. XIV, Rex nullum adipisci vnquam posset ius in terris ecclesiæ. XV, Ecclesiis regni ablata bona omnia restituerentur. XVI, In eligendis ecclesiarum Prælatibus nec ante, nec post, neque in electione Regis assensus vel consilium vllatenus requireretur, salvo iurepatronatus solum

finisque status Beneuenti, libertatem electionum ecclesiasticarum, saluo iurepatronatus, immunitatem realem ecclesiarum, & personalem clericorum.

IV. Celebriora fuere capitula 46 Caroli II Andegauensis in plano S. Martini apud Brutios congregato episcoporum, baronum & procerum cœtu, condita & promulgata anno 1283, dum ipse Caroli I patris sui vicarius esset, quæ Honorius Papa IV cum confirmasset anno 1285 quod ad immunitates ac priuilegia ecclesiasticorum, Concordata Honorii præsum dicta sunt (a). Hæc deinde Ferdinandus I Aragonensis inno-

lolum in ecclesiis regii patronatus. XVII, Causæ ecclesiasticæ coram Ordinariis etiam vi Delegatis Sedis apostolicæ agerentur. XVIII, Omnes reuocarentur leges Regum decessorum contra ecclesiasticam immunitatem editæ. XIX, Clerici in causis ciuilibus & criminalibus, feudalibus tantum exceptis, per iudices laicos iudicari non possent. XX, Super ecclesiis talliæ non imponerentur. XXI, In ecclesiis regii patronatus Regalia, seu fructus vacantes non acciperet. XXII, Siculi exules admitterentur in regno. XXIII, Fœdus contra ecclesiam Romanam cum aliis Rex non iniret. XXIV, Tandem mille equites ultramontanos in auxilium Terræ Sanctæ vel Sanctæ Fidei præsto haberet. Eadem fere pacta seu conditiones Innocentius IV eidem Carolo Andegauic Comiti indixerat anno 1253, dum ei Siciliam citra pharum in feudum obtulit, quæ habet citatus Codex Italiæ diplomaticus Lunig eodem to. 4. sect. 2. diplom. 1.

(a) Summont. to. 2. hist. Neap. de Nigris in comment. ad ista capitula, Gr. Grimald. lib. 12. hist. leg. & magistr. num. 5, & seq. Penes quem singula recensentur. I. Cap. de priuilegiis & immunit. eccles. statuit vt persoluantur decimæ, aliique proventus ecclesiis & ecclesiasticis personis in præfinitis diebus, quæ quidem personæ pro iis exigendis litteras provisionales a Magistris procuratoribus & balliis petere quotannis non cogantur; confirmata Friderici consili. *Quanto ceteris de decimis præstandis*. II, Item statuimus, quod soluatur decima ecclesiis, præscribit Barones & Ballios cogendos a Iustitiariis fore ad soluendas ecclesiis decimas. III, De non trahendis clericis ad iudicia secularia, nisi pro bonis secularibus, hoc est feudalibus, ubi confirmatur cap. 19. Clem. IV cum Carolo I, IV. Quod rei ad ecclesiam fugientes non extrahantur inuiti, præterquam in casibus iure permissis. V, Domus prælatorum ipsi inuitis hospitandi causa non capiantur ab officialibus, nec etiam lecti eorum, neque in illis criminalia exercentur iudicia. VI, Personæ laicales nullatenus se ingerant in electionibus prælatorum, aliisque spiritualibus, nisi cui id competat priuilegio iurispatronatus. VII, Clerici clericaliuer viuentes non contribuant cum aliis in collectis, nec pro bonis ecclesiasticis etiam patrimonialibus, aliisque legitimis portionibus. VIII, Possessiones & res aliis non obligatæ possunt obligari ecclesiis vel donari vel vendi, dummodo eadem possessiones vel res Curie non teneantur in aliquo. IX, Val

Val

innouauit, inferuitque anno 1649 in Pragm. 2 de clericis seruaticis.

V. Alia eodem anno 1285 capitula edixit Honorius ipse IV de forma exigendi collectas & vectigalia, pro Baronibus, aliisque regni vtilitatibus, a Cardinale de Parma Legato pontificio publicata (a). Quæ adhuc sub iudice lis est inter Rainaldum, & auctorem historiæ ciuilis, an legis vim habuissent vnquam in regno [b].

VI. Eadem fere Andegauenſium pacta conuenta sunt in ſequentibus inueſtiturarum litteris, quas gradatim Reges Neapol-

Vaſſallis eccleſiarum obligatis ad ſeruitia perſonalia non committantur ſeruitia per Curiam ſine prælatorum licentia. X. Iura conceſſa eccleſiis, in quorum poſſeſſione ſunt, ſenſentur illæſa: de illis vero, in quorum poſſeſſione non ſunt, non fiat eis iuſtitia in Curia Regia, ſed fiat a Curia competente. XI. excommunicati perdurantes in excommunicatione vltra annum denuncientur per prælatos, qui eos excommunicauerunt, vel ſucceſſores eorum, vt corporali pœna quoque afficiantur. XII. Poſſeſſiones eccleſiæ non auferantur nec turbentur per Curiam. XIII. Quod ſeculares perſonæ non intromittant ſe de aliquo crimine eccleſiaſtico. XIV. Quilibet eccleſiaſticus poſſit per mare extrahere de vna terra ad aliam libere ſine aliquo iure viſtuala & alia prouenientia de terris & maſſariis ipſorum: emittit vero ſine iure exituræ, ſoluto iure Dohanæ de portubus tamen licitiis & ſtatutis. XV. Vaſſalli eccleſiarum non trahantur coram officialibus Curiz, niſi in criminalibus, ſpretis deſenſis in portatione armorum, & aliis, quorum cognitio pertinet ad Curiam. Hic notandum quod Barones tunc iuriſdictione criminali non potiebantur. XVI. Perſonæ eccleſiaſticæ poſſint compellere vaſſallos ipſorum & debitores ſuos ad ſatiſfaciendum eis, hoc eſt non ſecus ac alii Barones iuxta interpretationem Lucæ de Penna. XVII. Si vaſſalli eccleſiarum eis ad perſonalia ſeruitia obligati auſugerint de terris vel locis, poſſint eccleſiarum vaſſallos coercere ad reuertendum ad loca ipſarum. XVIII. Iudæis, qui ſunt vaſſalli eccleſiæ, nulla officia vel grauamina committantur. XIX. De priuilegiis & immunitatibus Comitum, Baronum, & aliorum feuda tenentium. XX. De Matrimoniiis vt ea feudatarii contrahere poſſint ſine Regis aſſenſu, niſi feuda in dotem darentur, vel coninges Regi forent ſuſpecti: his enim caſibus tantum regius aſſenſus requiri deberet ſub pœna confiscationis feudorum. Vbi correſta fuit conſtitutio Friderici honorem noſtri diadematis tit. de vxore non ducenda ſine mandato Curiz XXVII. De eadem libertate matrimoniorum XXVIII. Filiz proditorum, quæ paternam militiam non ſunt ſequutæ nec ſequuntur, poſſint ſe dotare de bonis non feudalibus ſine aſſenſu Curiz. Reliqua pertinent ad iura profana Baronum, Vniuerſitatum & populorum.

(a) Ea reſert Episcopuſ Liparuluſ ad Andream in cap. 1 de natur. ſucceſ. ſeud. Regens Marcianuſ diſp. 3, Rainalduſ in annal. eccl. ad an. 1285.

(b) Gr. Grimald. to. 2 hiſt. leg. & magiſtr. lib. 12 num. 96.

politani acceperunt a summis Pontificibus, præsertim Carolus Dyrrachii ab Urbano VI anno 1380, Alphonsus Aragonensis ab Eugenio IV anno 1445, Ferdinandus catholicus ab Innocentio VIII anno 1486, ceteri (a).

VII. Sequenti anno 1487 Innocentius VIII cum Ferdinando Rege pactus est, ut episcopatus omnes, & beneficia huiusce regni Papa conferret ad sui libitum (b).

VIII. Tum Clemens VII inito fœdere cum Carolo V Imperatore die 29 Iunii 1532, indulsit Regi Neapolitano nominationem prælatorum ad XXIV cathedralis ecclesias, octo scilicet archiepiscopales, & sexdecim episcopales; reliquæ omnes ad liberam Sedis apostolicæ collationem remissæ sunt (c).

IX. Adhæc denique accesserunt anno 1740 Concordata nouissima inter imm. me. Benedictum XIV, & Regem nostrum Carolum Hispaniarum tunc Infantem, nunc Regem augustiorem, quibus quamplurima vtriusque Potestatis dissidia feliciter composita sunt nouem capitulis de immunitate reali, locali, & personali, de requisitis ordinandorum, de administratione extauritarum, aliorumque locorum piorum, de causis fori ecclesiastici, de librorum introductione, de beneficiis & pensionibus, deque Tribunali Mixto. Præterea sex articuli m.s. vno eodemque tempore secreto constituti de privilegiis Beneuentanorum, regio placito, recursu ad Principem, pensionibus, vnione ac suppressione egenarum cathedralium, ecclesiarumque nullius diocesis (d).

Tom. I.

Q

Haest-

(a) Apud B. Chioccarell. to. 2 archiuii.

(b) Rainald. in annal. ad an. 1487 num. 11.

(c) Reg. de Ponte dec. 12, Reg. de Marinis resolut. lib. 1 cap. 155 num. 15. Quænam sint regis nominationis archiepiscopales & episcopales ecclesiarum, vide-
sis infra tit. 19 num. 19.

(d) Quot quantique Oratores Regum, Legatique Sædis apostolicæ hanc suscepissent inani labore prouinciam concordandi contentiones acerrimas, quæ inter Curias ecclesiasticas & seculares, ac Ministros vtriusque Potestatis in diem exardescabant, iam recensui in epistola nuncupatoria tractatus de beneficiis ecclesiasticis prima edit. ad amplissimum Virum Cornelium Galianum Ar-
chiep-

Persona sumitur pro qualitate, officio, dignitate, qua alius ab alio distinguitur. *Personarum* in ecclesia Dei duo sunt summa genera, *clericorum* & *laicorum*. Nōmine *clericorum* late sumto omnes ecclesiasticæ personæ veniunt, quæ diuino officio & ministerio mancipatæ, atque in sortem Domini electæ ab omni strepitu temporalium cessare debent: *κλῆρος* enim græce, latine *fors* dicitur, quum Dominus pars hereditatis eorum sit. *Laici* vero populum vna & plebem denotant: *λαός* enim græce est populus latine. Populi que appellatione stricta & odiosa clerici non continentur.

II. Rursus diuiduntur tam clerici quam laici in *seculares* & *regulares*. Qui religiosam vitam in monasteriis, conuentibus & claustris profitentur sub obedientia Superiorum regularium, ii *regulares* dicuntur ad differentiam *secularium* extra claustra religiosa degentium, nullisque regularibus votis obstrictorum.

III. Clerici duplici functionum generi deseruiunt, nempe *sacerdotio* & *ministerio*. Vnde duplex clericorum ordo, *superior* & *inferior*. *Sacerdotium* in ordine superiori atque altiori gradu ad *presbyteros* & *episcopos* pertinet. *Ministerium* in ordine inferiori ad *diaconos* & *hypodiaconos* & reliquos in minoribus constitutos clericos.

IV. In hierarchia insuper ecclesiastica *Ordines* seu gradus ab *Officiis* distinguntur. *Ordines* Apostolorum temporibus semper & vbique fuere. *episcopatus*, *presbyteratus*, & *diaconatus* tantum: Adaueto deinde ecclesiarum & fidelium numero, Diaconorum functiones diuidi ceperunt, ideoque instituti *subdiaconi*, *acolyti*, *lectores*, *exorcista*, *ostiarii*, qui Ordinibus hodie distinguntur.

V. *Officiorum* quoque varietas progressu temporum inducta paulatim est. Nam sine officio sacro nullus olim ordo erat: postea vero ab officiis ordines separati. Siquidem ordo, non officium facit clericum. Exinde officia diuisa sunt in *sublimiora*; atque *inferiora*. *Sublimiora* officia sunt, quibus iurisdictio, administratio & animarum cura adnexa est,

eaque *Dignitates* nuncupantur, vti sunt *Cardinales*, *Patriarchæ*, *Metropolitani*, *Episcopi*, *Prælatique inferiores*: nec non *Archidiaconi*, *Archipresbyteri*, *Præcentores*, *Decani*, *Præpositi*, alii-que in cathedralibus iurisdictionem adnexam obtinentes vna cum officio & administratione. Porro *Dignitas* est honor cum administratione seu iurisdictione aliqua. Quæ primis ecclesiæ seculis ratione ordinis tantummodo æstimabatur, at hodie ratione iurisdictionis, auctoritatis & potestatis. Ad sublimiora ecclesiasticæ hierarchiæ officia accedunt extraordinariæ Dignitates Legatorum, Nuntiorumque Sedis apostolicæ, Capellani maioris Regum, Vicariorum generalium, ceterorumque Officialium, quibus vel ordinaria vel delegata iurdictio committitur.

VI. *Inferiora officia*, quæ omni carent iurisdictione atque administratione, *Personatus* adpellari solent. Cuiusmodi sunt *thesaurarii*, *pœnitentiarii*, *theologi*, *sacristæ*, *custodes*, qui alios in ecclesia præcedunt sine iurisdictione, nuda tantum honoris prærogatiua fruentes in procedendo vel sedendo. Quamobrem idem officium & munus ecclesiasticum modo *personatus*, nisi iurisdictionem habeat adnexam: modo *dignitas*, si habeat, nuncupatur pro diuersa locorum consuetudine. Proinde firmiter aut certo definiri nequit quænam officia inter dignitates, & quæ inter personatus referantur. Sæpius quidem in Decretalibus *persona* & *personatus* pro rectore parochiali, & plebano alicuius ecclesiæ minoris, idest non cathedralis accipitur.

VII. *Canonici* autem & *beneficarii* simplices neque Dignitatem, neque Personatum obtinent, quinimo a personis recte distinguuntur. Quippe isti non honorem in processionibus & sessionibus, non iurisdictionem, non curam, sed solummodo præbendam, idest ius redditus ecclesiasticos percipiendi ratione ministerii habent. Quinimo præbendæ haud raro a canonicatibus separantur, & clericis non Canonicis conseruatur respectu certi muneris & officii, quod obeant in
eccle-

ecclesiis, puta theologis, scholasticis, cantoribus cathedra-
lium, aliisque clericis minoris subfellii, qui de Capituli red-
ditibus participant ob seruitium in choro: & *præbendariis*
simpliciter nuncupantur ad discrimen Canonicorum, qui sunt
digniores.

VIII. Quoties ad altiorē ecclesiæ gradum aliquis pro-
mouetur, *maiorari*. & *maioritatem* obtinere inuitis latinis dice-
batur: quoties vero ad inferiorem descendebat, *minorari* &
minoritatem habere (a). Maioritatis porro nomen nil aliud
sonat, quam imperium a quouis exerceri solitum siue inferioris
siue altioris gradus: nam optimates, procures, officia-
lesque ciuitatum haud semel *maiores* dicebantur.

De singulis clericorum gradibus a supremo ad infimum
mox sermonem habere commodum est.

T I T. XII.

De summo Pontifice.

- 1 *Vniuersalis ecclesiæ monarchiam iure diuino habet Romanus Pontifex diui Petri successor.*
- 2 *Romana Sedis hostes hypocrisicam præfidentiam diuo Petro; non potestatem supremam a Christo traditam contendunt seu inanibus argumentis.*
- 3 *In primis edificatam a Christo super fundamentum Apostolorum ecclesiam disclitant ex sacris litteris docentibus angularem ipsius petram primariam in Petri Sede positam.*
- 4 *Mou scisciscantibus Apostolis Christus dicere si noluit, quis inter eos maior esset, plura tamen dixit alias, quæ primatum Petri satis superque indicant.*
- 5 *Prædicatio cum Sacramentorum ministerio Apostolis generatim commissa non subruit supremam in ecclesia vniuersa potestatem.*

(a) Innocentius III ep. 50, & 117 lib. 1 Archiepiscopum Apamiensem translatus ad episcopatum Tripolitanum nouo promotionis genere non promotum, sed *minoritatem* dixit. Huc spectat rubrica 33 lib. 1 Decretalium de *maioritate & obedientia*.

testatem Petro soli mandatam.

- 6 Nec prædicatio quum Petro speciatim ad Iudaos, tum Paulo ad gentes credita.
- 7 Nec consortium Pauli clauis scientiæ præstantis cum Petro clauem potentie super eminentis adepti.
- 8 Præscorum Patrum testimonia ex aduerso prolata necessitatem vnius in vna ecclesia capitis præterea commonstrant.
- 9 Immutata semper fides nostra perpetuum Christi vicarium et Petri successorem in Romana Sede coluit.
- 10 Tametsi ex arbitrio Petri humano, factoque voluntario conceditur sine Christi præcepto adnexa Romano episcopo summa potestas, id nihilominus factum tota etiam ecclesia mutare non potest.
- 11 Quod vrbis orbis caput Romanum episcopum humano iure fecerit summum Pontificem, temere effusiunt græci schismatici.
- 12 Is vero solus confociatus episcoporum, metropolitano, patriarcharum omnium dignitates reuera habet, ut episcopus æcumenicus.
- 13 Nomen cum statu iamdudum consueverunt summi Pontifices mutare.
- 14 Romanæ Sedis prærogatiua potiores quindecim recensentur.
- 15 Infalibilem in doctrina fidei Papam credimus ex cathedra rite definientem, secus ut priuatum doctorem.
- 16 Galli, quoties consensus ecclesiæ non accesserit, fallibilem ipsum opinantur.
- 17 Sunt etiam, qui Petrum, aliosque Pontifices a recta fide aberrasse calumniantur.
- 18 Enim vero Petri non doctrinam, sed mores hominis plus æquo iudaicos Paulus reprehendit.
- 19 S. Victor blasphemantibus Christum esse purum hominem non adhaesit, sed communionem interdixit.
- 20 S. Zephirinus Montani errores non sectatus pariter est, sed profligauit.
- 21 S. Stephanus errorem de rebaptizandis hæreticis execratus

ultra

Ultra fines recti non transiit.

- 22 *S. Marcellini fabula de facinore idolatriæ satis conclamata iandudum est.*
- 23 *Liberius quod exul miserrimus oblatum ab Arianis, fidei symbolum subscripsit in Thracia, in Sedem Romanam vin restitutus id crimen omnimodis diluit.*
- 24 *Zosimus pro Cœlestio Pelagiano rescribens non falsum illius dogma, sed voluntatem emendationis probauit.*
- 25 *Anastasius II Photino hæretico communicasse, & Acacium quatuor ante annos præmortuum tenuisse in communionem reuocare falso dicitur.*
- 26 *Honorius monothelismum non contraxit, quamvis nascentem illius hæresim præfocare is non sine gravi culpa neglexisset.*
- 27 *Romanæ Sedis auctoritas infallibilis nullum ab ea reclamandi locum relinquit.*
- 28 *Ad supremam Sedis apostolicæ spiritalem potestatem accessit sensum temporalis etiam disio in statu ecclesiastico, multisque regionibus occidentalibus.*
- 29 *Temporalis ecclesiæ Romanæ potestas varias passa est vicissitudines.*

MOnarchicum principatum in vniuersa totius orbis ecclesia tenet Romanus Pontifex diui Petri in Sede apostolica successor. Nam Christus Dominus Petro soli clauēs dedit regni cœlorum, super hanc Petram ædificauit ecclesiam suam, eumque supremum Pastorem creauit, inquit: *Tibi dico, Petre: pascere agnos meos, pascere oues meas* (a). Sunt & alii gregum Pastores, aiebat diuus Bernardus ad Eugenium III (b): *habent illi sibi assignatos greges, singuli singulos. Tibi vniuersi crediti, vni vnus. Non modo ouium, sed & Pastorum tu vnus omnium Pater. Pascere oues meas, inquit. Quas? istius vel illius populus ciuitatis aut regionis aut certi regni? Cui non planum est non designasse aliquas, sed assignasse*

(a) Ioan. cap. ult. vers. 17.

(b) S. Bernard. lib. 2 de considerat.

gnasse omnes? Nihil excipitur, ubi distinguitur nihil. Et forte praesentes ceteri condiscipuli erant, cum committens uni unitatem omnibus commendaret. Inde est, quod alii singuli singulas fortiter sunt plebes, scientes sacramentum. Denique Iacobus, qui videbatur columna ecclesiae, contentus est Ierosolyma, Petro universitatem cedens. Hanc supremam unius Papae potestatem praedixerat Isaias (a). Plura item alia utriusque Testamenti loca patefaciunt monarchicum regimen, quod ceteris regiminum formis praecellat, institutum a Christo Domino in ecclesia fuisse: dum non modo uni unius Pastoris ovis ea comparatur, verum etiam regno aeterno (b) sub vno Rege, aciei castrorum ordinatae (c) sub vno Imperatore, domui & familiae (d) sub vno praeposito, naviculae & arcae (e) sub vno gubernatore, unius corpori multa quidem membra (f), at caput unum habenti. In veteri etiam lege summus Pontifex Aaron, eiusque successorum vnus continenter praefuit synagogae Hebraeorum (g). Lubet huc adferre celeberrimam venerabilis Gersonii sententiam (b) his verbis expressam. *Status Papalis institutus a Christo supernaturaliter & immediate tanquam Primatum habens monarchicum & regalem in ecclesiastica hierarchia, secundum quem statum unicum & supremum ecclesia militans dicitur una sub Christo: quem statum quisquis impugnare vel diminuire vel alicui ecclesiastico statui particulari coaequare praesumit, si hoc pertinaciter faciat, haereticus est, schismaticus, impius atque sacrilegus. Cadit enim in*

(a) Cap. 22 vers. 20 ad 24 illis verbis: *Et erit in die illa: vocabo seruum meum Eliachim (idest resurrectio Domini) & induam illum tunica tua, & cingulo tuo confortabo eum: & potestatem tuam dabo in manu eius. Et erit quasi Pater habitantibus Ierusalem, & dabo clavem domus David super humerum eius; & aperiet, & non eris qui claudet; & claudet, & non eris qui aperiet.*

(b) Daniel cap. 2: *Suscipiet Deus celi regnum, quod in aeternum non dissipabitur.* Et Lucæ cap. 22. vers. 30.

(c) Cantic. cap. 5.

(e) Ep. 1 Petri cap 3.

(g) Deuteron. cap. 17.

(h) Gerson. in trakt. de statib. ecclæs. considerat. 1.

(d) Lucæ cap. 12.

(f) Ad Romanos cap. 12.

hæresim toties expresse damnatam a principio nascentis ecclesiæ usque hodie tam per institutionem Christi de principatu Petri super alios Apostolos, quam per traditionem totius ecclesiæ in sacris eloquiis suis, & generalibus conciliis.

II. Heterodoxorum nonnulli opinati sunt principatum honoris & præsentis solum, non potestatis & iurisdictionis diuo Petro collatum, velut primo inter pares Coapostolos, illiusque atque horum omnino æqualem fuisse auctoritatem.

I. Quod Christi fideles perinde dicti sunt (a) *superedificari super fundamentum Apostolorum & Prophetarum*; atque *super Petram ecclesiæ*. Petra sane, summusque lapis angularis Christus ipse potius (b), quam Petrus est. Ecclesiæ (inquit Augustinus) *fundata est super Petram, unde Petrus nomen accepit. Ideo quoque ait Dominus: super hanc Petram ædificabo ecclesiā meam. Petra enim erat Christus, super quod fundamentum etiam ædificaturus esset Petrus* (c). Aliique Patres (d) accipiunt *Petram* pro Petri fide & fidei confessione nomine totius ecclesiæ. II. Christus dirimere noluit contentionem inter Apostolos actam, quis eorum videretur esse maior (e); nec iussit Apostolos subesse Petro: sed humilitatem cunctis æque suavitè dicens, ut qui maior esset, fieret minor, sicut paruulus. III. Prædicationem euangelii omnibus demandavit sine discrimine, inquiens: *sicut misit me Pater, & ego misit vos* (f). *Euntes in mundum uniuersum prædicate euangelium omni creaturæ* (g). *Qui vos audit, me audit* (h). Unde Paulus (i), *unicuique nostrum* (ait) *data est gratia secundum mensuram donationis Christi*. IV. Creditum Paulo Apostolatum ad Gentes, Petro ad Iudæos, eique dexteræ datas, fa-

Tom. I.

R

cræ

(a) A Diuo Paulo *ep. ad Ephes. cap. 2.*

(b) *Ep. 1 ad Corinth. 10.*

(c) *Serm. 13 de verb. Domin.*

(d) S. Cyrillus *lib. 4. de Trinit.*, & S. Crisostom. *hom. 35. in Matth.*

(e) *Lucæ cap. 22.*

(f) *Ioan. cap. 20.*

(g) *Matth. cap. 28 vers. 19, & Marci cap. 16 vers. 15.*

(h) *Lucæ cap. 10 vers. 16.*

(i) *Ad Ephes. cap. 4.*

etæ item litteræ (a) testantur. V. Ambros Romæ episcopos Petrum & Paulum confedisse tradunt SS. Epiphanius (b), Irenæus (c), Chrysostomus (d), Leo M. (e), Gregorius M. (f), ceteri. Idemque Paulus sollicitudinem omnium ecclesiarum sibi incumbere scripsit (g). VI. Tandem S. Cyprianus videtur agnouisse Petrum inter cœquales primum, dum scripsit (h): *Hæc erant utique ceteri Apostoli, quod fuit & Petrus, pari consortio præditi & honoris & potestatis: sed exordium ab unitate proficiscitur, & primatus Petro datur, ut ecclesia una monstretur.*

III. Verum enimvero ex vnanimi consensione Patrum ista in speciem pugnantia loca Scripturarum, ac dicta paucorum tanti non sunt, ut primatum Petri euertant, quum omnia probe in concordiam redigantur. Ad I sic respondendum. Officium prædicationis ac doctrinæ euangelicæ omnibus quidem Apostolis ex æquo Christus concedidit, at summam regiminis potestatem Petro soli, prætereaque nemini demandauit, quatenus is vices ipsius Domini obiret, catholica ecclesiæ unitatem seruaturus ut caput vnum visibile. *Super Petrum fundatur ecclesia*, inquit diuus Hieronymus (i), *hæc idipsum alio in loco super omnes Apostolos fiat, & cuncti claves regni calorū accipiant, & ex æquo super eos ecclesiæ fortitudo solideretur: tamen propterea inter duodecim vnus eligitur, ut capite constituto schismatis tollatur occasio.* Non enim ut minister seu legatus ecclesiæ confessionem fidei emisit, sed docente S. Cyrillo Alexandrino (l) *ut Princeps, Caputque ceterorum primus exclamauit: tu es Christus Filius Dei viui.* Christus proinde speciali beneficio eum prosequuturus, mutato

Simo-

(a) *Ad Galat. cap. 2, ibi: Cum vidissent, quod creditum est mihi euangelium præputii, sicut Petro circumcissionis: qui enim operatus est Petro in Apostolatu circumcissionis, operatus est mihi inter Gentes: dexteræ mihi dederunt.*

(b) S. Epiphani. heresi 37.

(c) Lib. 3 aduersus hereses cap. 3.

(d) Hom. 32 in ep. ad Roma.

(e) Serm. 1 de natal. Apostol.

(f) Lib. 1 dialogor. cap. 12.

(g) Ep. 2 ad Corinth. cap. 11.

(h) Lib. de unit. eccles.

(i) Lib. 1 aduersus Iovinian. cap. 14.

(l) Lib. 12 in Ioan. cap. 64.

Simonis nomine, vocavit *Cephā* & *Petrum*, quatenus ei suum *Petræ* nomen cum vicariæ potestatis plenitudine communicaret. Nam *Christus Dominus*, inquam cum *S. Basilio*, *vere est immobilis Petra*, *Petrus vero propter Petram*. Dignitates namque *Iesus largitur aliis: largitur autem eas, nec illis spoliatur. Lux est. Vos estis lux mundi, inquit. Sacerdos est, & facis Sacerdotes: quis est, & dicit: ecce ego mitto vos, sicut oves in medio luporum. Petra est, & Petram facit. Quæ suæ sunt, largitur servis suis (a).* Quis non videt una cum insigni suo *Petræ* nomine vicariam Capitis dignitatem *Petro Christum Dominum* contulisse?

IV. Ad II. Res quidem a Christo gesta cum Apostolis, antequam & Spiritu Sancto ipsi repleti essent, & supremi Pastoris potestatem Petrus accepisset, contendentibus de maiori inter se gradu, nedum non officit primatui Petri, sed immo fauet. Christus enim ab regia temporali dominatione spiritalem principatum ibi distinguendo iussit, ut qui maior inter Apostolos futurus esset, & præcessor in ecclesia, non dominationem Regum æmuleretur, sed humilitatem imitari studeret ipsius Domini, qui ministrare recumbentibus discipulis suis non dedignatus est. Nam quis maior est (inquit) qui recumbit, an qui ministrat? Nonne qui recumbit? Ego autem in medio vestrum sum, sicut qui ministrat (b). Verba istiusmodi, aliaque ante dicta retundendi ergo reprehensibilem inter Apostolos æmulationem, si possent ad abolendum primatum Petri detorqueri, ea æque concluderent Christum non maiorem, sed parem Apostolis fuisse. Quo nil absurdius. Illis quippe verbis: *qui maior est in vobis, fiat sicut minor; & qui præcessor est, sicut ministrator*, fatis superque Dominus indicavit aliquem inter eos fore maiorem & præcessorem, quum pontificias claves tunc temporis Petro non dum dedisset

R 2 .

set

(a) *S. Basil. homil. de penitentia*. Cum *Basilio* consonat *Hieronymus in cap. 16 Matth.*

(b) *Matth. cap. 18, & Lucæ cap. 22. vers. 26.*

set, sed solummodo promississet. Paulo tamen post Petro speciatim dixit (a): *Rogavi pro te ut non deficiat fides tua: & tu aliquando conuersus confirma fratres tuos.* Quid hæc innunt verba, nisi quod Petrus in pontificali cathedra futurus esset ecclesiæ vniuersæ magister, & fidei doctrinam esset traditurus nedum filiis, verum etiam fratribus, puta cœpiscopis? Post vero Resurrectionem suam quum summum vniuersæ ecclesiæ Pastorem creasset Petrum, omni deposita æmulatione Apostoli & verbo & re eum habuerunt ut suum ipsorum Principem. Nam a Matthæo (b), qui recensuit nomina duodecim Apostolorum, primus dictus est *Simon Petrus*. Primus scilicet dignitate ac potestate: non ætate aut vocatione ad Apostolatam, quum Andræas ante omnes ad sequelam Christi vocatus esset, non Petrus. Ioannes, cui simul ac Iacobo fratri eius mater primas sedes a Christo postulauerat, litteris demandauit (c) summam potestatem reapse Petro soli traditam pascendi & agnos & oues Christi. Primum Apostolorum concilium pro sufficiendo in locum Iudæ proditoris alio Apostolo Petrus indixit, in eoque præfedit, & iura Primatus exercuit (d). *Et merito primus omnium* (inquam cum Chrysostomo) *auctoritatem usurpat in negotio, ut qui omnes habeat in manu. Ad hunc enim dicit Christus: Et tu aliquando conuersus confirma fratres tuos...* *An non licebat ipsi Petro eligere? licebat & quidem maxime: verum id non facit, necui videretur gratificari* (e).

V. Ad III. Si potestas ordinis sacerdotalis & prædicationis munus spectetur, eam omnibus Apostolis ex æquæ traditam fuisse Patres consentiunt ex laudatis Scripturæ testimoniis. At potestas iurisdictionis & regiminis plenissima, illimitata & suprema fuit Petro soli collata tanquam Capiti ad vnitatem ecclesiæ seruandam, & tanquam supremo Pastori, cui

(a) *Lucæ cit. cap. 22 vers. 32.* (b) *Matth. cap. 10. Euang.*

(c) *Ioan. cap. vlt. Euang. vers. 16, & 17.*

(d) *Quæ supra memorauimus tit. 6 num. 2 lit. b.* (e) *Hom. 3 in Act. Apostolorum.*

cui subessent ceteri etiam Pastores limitatam, communem, subordinatamque adepti potestatem. S. Eucherius episcopus Lugdunensis (a) supremam Petri potestatem, qua ceteris ipse Apostolis præcelluit, ex illis Domini verbis: *Pasce agnos meos, pasce oves meas*: ita explicat. Prius agnos, deinde oves commisit ei, quia non solum Pastorem, sed Pastorum Pastorem eum constituit. *Pascit igitur Petrus agnos, pascit & oves: pascit filios, pascit & matres: regit & subditos & praelatos. Omnium igitur Pastor est, quia præter agnos & oves in ecclesia nihil est.* Unanimes in hac sententia sunt Patres.

VI. Ad IV. Ex modo dictis consequitur, quod particularis evangelii prædicatio, quam ad Iudæos primum suscepit Apostolorum Princeps, præsertim dispersos in Ponto, Galatia, Cappadocia, Asia, & Bithynia (b), ante requirens, quemadmodum Dominus fecerat, oves quæ perierant domus Israel; haudquaquam circumscripserit eius amplissimam in toto orbe potestatem, cumque nec Paulo ad gentibus evangelizandum potissimum designato, nec ceteris Apostolis particulares diuisim Nationes sortitis propterea æquauerit. Ex Actis enim Apostolorum (c) nouimus & Cornelium Italicæ cohortis centurionem Angelo monente, & gentes quamplurimas a Petro euangelicam fidem accepisse. *Vos scitis*, aiebat Apostolis & senioribus Petrus ipse, *quoniam ab antiquis diebus elegit Deus per os meum gentes audire verbum evangelii & credere.* Et contra Paulus perinde ac Petrus ante Iudæis, quam gentilibus euangelium annunciauit. Sic enim turbis Iudæorum Paulus & Barnabas dixerunt. *Vobis oportebat primum loqui verbum Dei: sed quoniam repellitis illud, & indignos vos iudicatis æternæ vitæ, ecce conuertimur ad gentes (d).* Vas porro electionis electus est Paulus, ut portaret nomen Christi tam coram gentibus, & Regibus, quam filiis Israel (e). Cumque Iero-

(a) Serm. de natal. SS. Apost. Petri, & Pauli, quem falso inscribunt Eusebio Emiseno.

(b) Id liquet ex B. Petri ep. 1 cap. 1.

(c) Actor. cap. 10 & cap. 15 vers. 8.

(d) Actor. cap. 13 vers. 46. 2. (e) Ibidem cap. 9 vers. 15.

Ierosolymorum episcopus ab ipso Petro ordinatus esset Iacobus Alphæi Apostolus frater Domini, cognomento Iustus & Minor, qui extra Iudæam non euangelizauit; Petrus autem diuina præordinatione ad alias in Gentibus ecclesias fundandas transisset: intra fines Iudæorum limitata eius potestas dici nequaquam potest.

VII. Ad V. Paulum Petro consortem fuisse in locali tantum episcopatu Romanæ vrbis ac diœcesis, concludunt obiecta Patrum testimonia, secus in vniuersali totius orbis. Si vero quis vrgeat *solicitudinem omnium ecclesiarum* a Paulo habitam, animum aduertere debet ad *clauem scientiæ* duntaxat, quam Apostolo Doctori gentium vniuersarum traditam scite monet S. Augustinus, quum *clauis potentiæ* Petro soli credita esset. Igitur confors Petro Paulus exitit in prædicatione ac doctrina per vniuersum orbem diffundenda, haudquaquam in potestate vniuersalis regimibis.

VIII. Ad VI. Genuinus S. Cypriani, aliorumque Patrum sensus de vero principatu B. Petri, & consortio Apostolorum satis superque perspicuus quum sit ex vsquemodo perpenfis sacrarum litterarum locis, & concordibus traditionis apostolicæ testimoniis: a veritate longissime aberrasse noscuntur, qui honorificum sine iurisdictione Primatum effinxerunt; quique vel cum Edmundo Richerio (a) somniarunt ecclesiam regimine pure aristocratico institutam, proindeque Petrum fuisse caput symbolicum seu figuratiuum, ministeriale & accidentale; vel cum Ludouico Dupinio (b) supremam Potestatem originarie penes ecclesiam esse, ab eaque in Romanum Pontificem, ceterosque Præsules deriuare. Hæresim porro & schisma sapiunt huiusmodi assertiones. Non inficior S. Augustinum (c) cum nonnullis aliis Patribus sensim allegorico insistentem docuisse, quod Petrus, quando ei diuinitatem Christi confesso dictum est:

(a) Richer. *lib. de ecclesiastica & politica potest.*

(b) Dupin. *differt. 6 de eccles. discip. §. 1, & differt. de primatu Romani Pontificis.*

(c) S. Aug. *tratt. 50, & 124 in Iouan. & in psalm. 108.*

est : tibi dabo claus : vniuersam repræsentaret ecclesiam ; ecclesiæque nomine claus accepisset . Attramen ut Princeps Caputque ceterorum primus exclamauit : tu es Christus Filius Dei viui : inquam cum S. Cyrillo Alexandrino (a) ; & claus accepit non aliter , quam gladium accipit nomine regni , populique Rex aut Imperator eo vsurus ad populi salutem ac tutelam contra hostes iure monarchico : non tanquam Republicæ Orator ac Missus , regiam in ea potestatem non habens . Sane idemmet S. Augustinus (b) duplicem personam in Petro agnouit , alteram , quæ referret ecclesiæ figuram allegoricam , alteram Principis & Capitis veram & realem , dum ait : *Petrus ecclesiæ figuram portans , & Apostolatus Principatum tenens* . Nec alteram excludit altera , quia historicæ veritati non derogare sensum allegoricum & mysticum nemo vel leuiter in sacris Scripturis versatus ignorat . Christum quoque gessisse figuram ecclesiæ , quando baptizatus est , sanctus idem Doctor exposuit allegorice (c) . Nunquid ergo sanæ mentis homo poterit hinc inferre , quod reapse baptizatus ipse non sit , sed ecclesia ? Minime gentium . Itaque similiter ex eo , quod in clauibus accipiendis figuram ecclesiæ prætulisset Petrus , concludi nequit , quod ipse Princeps ecclesiæ pontificias claus reuera non accepisset , sed ecclesia . Consequens hinc est a Capite Petro ad membra Corporis ecclesiæ profluxisse iura potestatis spiritalis , non e contrario a Corpore ad Caput . Tertullianus (d) scitissime scribit *claus Dominum Petro , & per eum ecclesiæ reliquisse* . Optatus Milenitanus (e) bono unitatis (ait) *B. Petrus . . . præferri omnibus Apostolis meruit , & claus regni calorum communicandas ceteris solus accepit* . Quibuscum S. Cyprianus (f) , ut ceteros fileam , idipsum exemplis solis , arboris , fontis

(a) S. Cyrill. lib. 12 in Ioannem.

(b) S. Aug. serm. 13 de verb. Domini.

(c) Lib. 15. de Trinit. cap. 16. (d) Tertull. lib. Scorpiaci cap. 10.

(e) Optat. lib. 2 contra Parmenian.

(f) S. Cyprian. lib. de unitate ecclesiæ.

fontis vberiori vena perillustrat, sic inquit. *Ecclesia una est, quæ in multitudinem latius incremento fecunditatis extenditur; quomodo solis multi radii, sed lumen unum; & rami arboris multi, sed robur unum renac. radice fundatum; & cum de fonte vno riuus plures diffundunt, unitas tamen seruetur in origine. . . . Sic & ecclesia Domini luce perfusa per totum orbem radios suos porrigit; unum tamen lumen est, quod ubique diffunditur. . . . vnum Caput est & origo vna, & vna mater fecunditatis. Propterea Canonistæ, solemnibus iuris verbis rem explanantes, fatentur potestatem ecclesiastici regiminis in Petro fuisse ordinariam, realem, perpetuam, quæ ad successores idcirco ipso iure transit; in ceteris vero Apostolis extraordinariam, personalem, delegatam, quæ morte expirauit (a).*

IX. In apostolica Sede Romana primatum diui Petri perenniter vixisse ac perseverare, Pontificem Romanum successorem esse B. Petri, & verum Christi vicarium; totiusque ecclesiæ Caput, & omnium Christianorum Patrem ac Doctorem existere; & ipsi in B. Petro pascendi, regendi ac gubernandi, universalem ecclesiam a D. N. Iesu Christo plenam potestatem traditam esse, profiteor ut fidei dogma traditum a concilio Florentino, quod ante docuerant æcumenicæ synodi Ephesina, Chalcedonensis, Quinta, Sexta, Septima, Octaua, vnoque simul ore SS. Patres Cyprianus, Optatus, Irenæus, Hieronymus, Ambrosius, Augustinus, Basilus, Chrysologus, Nazianzenus, ceterique (b). Quum enim Princeps Apo-

(a) Petr. de Marca in dissert. de singulari Primatu Petri num. 8.

(b) S. Cyprianus ep. 52. Cornelium omnium suffragio factum episcopum Romæ scribens, cum Fabiani locus. (ait) idest cum locus Petri, & gradus Cathedre sacerdotalis vacaret. Et ep. 45. ad Cornelium: Scimus (ait) vos hortatos eos esse, ut ecclesia catholica radicem & matricem agnoscerent ac tenerent. S. Petrus Chrysologus ep. ad Eutychetem, quæ extat par. 1 Conc. Chalcedon. n. 15, hortatur Eutychetem, ut scriptis beatissimi Papæ vrbis Romæ obediret: quoniam (ait) B. Petrus, qui in propria Sede & viuus & presidet, prestat querentibus fidei veritatem. S. Hieronymus ep. 57 ad Damasum Papam ita scribit: Cum successore Piscatoris, & discipulo Crucis loquer. Ego nullum primum, nisi Christum sequens, Beatitudinis tuæ, idest Cathedre Petri

Apostolorum ecclesiam Romanam Antiochena dimissa episcopali sollicitudine gubernasset vigintiquinque annos, in eaque occubisset; utramque suam & supremi Pastoris ecclesiae vniuersae, & Episcopi particularis dignitatem ad successores eandem Sedem Romanam adepturos transmisit:

X. Dubitatum aliquando fuit, utrum iure diuino, an humano sit Romano episcopatus Primatus vniuersalis adnexus? Ignota siquidem res est, num ex Christi praecepto, diuinaue speciali reuelatione; an voluntate sua Sedem Romae fixerit Petrus. Quippe qui potuisse videtur vel nullius particularis ecclesiae regimen suscipere, vel Antiochenam vique ad obitum retinere Sedem, vel alio cathedram suam Roma transferre, quemadmodum Antiochia Romam ante traduxerat. Verum etsi concedamus cum sapientissimo Papa Benedicto XIV (a) ex facto B. Petri, non ex praecepto Christi, ideoque iure humano coniunctam episcopatus Romae supremam vniuersalis Pastoris potestatem: inferri nullatenus inde potest, quod valeant homines, vel vniuersa ecclesia rem a B. Petro gestam destruere, vniionem vtriusque pontificiae & episcopalis dissoluere, alteram ab altera separare, & cuiuslibet alteri, praeterquam Romae episcopo veram B. Petri successionem addicere. Nam aedificium ecclesiae corruat necesse est, si Petra *fundamentalis* Romae ab ipso Petro posita subruatur, & alio ab hominibus transportetur: aduersus quam portas inferi toties reclusas *non praualuisset*

Tom. I.

S

adhuc

Petri communionis confocior. Super illam Petram aedificatam ecclesiam scio... Quicumque tecum non colligit, spargit. Concilium Sardicense, cui Patres 300, & ultra adfuerunt, ep. synodica ad Iulianum Papam haec habet: Hoc optimum & valde congruentissimum esse videbatur, si ad Caput, idest ad Petri Apostoli Sedem de singulis quibusque prouinciis referant Domini sacerdotes. S. Augustinus ep. 162: In Romana ecclesia semper apostolica Cathedra viguit Principatus. Optatus Mileuitanus lib. 2 contra Parmenianum: Cathedra unica est, quae est prima. Sedis prior Petrus, cui successit Linus, Lino successit Clemens, Clemensi Anacletus... S. Irenaeus lib. 3 aduersus haereses cap. 3. Ad hanc ecclesiam (inquit) propter potentioris primi qualitatem necesse est omnem conuenire ecclesiam.

(a) Bened. XIV. lib. 2 de Synod. dioecessana cap. 1 num. 1.

adhuc docet experientia tot seculorum, nec præualituras vnquam prædixit certissime Christus Dominus.

XI. Ob vrbis eminentiam & imperium præfatos Patres Romano episcopo summum Pontificatum indulsisse, perperam opinati sunt Græci schismatici. Iisque nequit suffragari improbatissimus canon 28 concilii Chalcedonensis, his verbis conceptus. *Antiquæ Romæ throno, quod vrbis illa imperaret, iure Patres priuilegia tribuerunt. Et eadem consideratione moti centum quinquaginta Deo amantiſſimi episcopi ſantiſſimo nouæ Romæ throno æqualia priuilegia tribuerunt, recte iudicantes urbem, quæ & Imperio & Senatu honorata ſit, & æqualibus cum antiquiſſima regina Roma priuilegiis fruatur, etiam in rebus eccleſiaſticis non ſecus ac illam extolli ac magnifieri, ſecundam poſt illam exiſtenteſ. Quis enim tam hoſpes in hiſtoria conciliorum erit, vt neſciat canonem iſtum ab eccleſia catholica continuo & continenter, atque a S. Leone M. reiectum, expunctumque ex collectionibus & codicibus ſacrorum canonum qua græcis qua latinis, præſertim Theodoret, & Dionyſii Exigui? Sicuti tamen aliqua dubitatio adhuc hæreat ex qualicunque iſtius repudiati canonis auctoritate: is inſpiciat oportet dignitatem ſolummodo patriarchalem fuiſſe inibi ſpectatam, qua iure humano tunc fruebantur quum Romanus, tum Alexandrinus, & Antiochenus episcopi ex canone ſexto concilii Nicæni; quamque Sedi etiam Conſtantinopolitanæ intuitu throni imperialis largiri Patres Chalcedonenſes tunc incaſſum conati ſunt, habituræ exinde ſecundum gradum poſt Romanam vtique, ſed ante Alexandrinam & Antiochenam. Et nemo non videt Patres ipſos Chalcedonenſes ideo poſtpoſuiſſe Romano, & præuoliſſe ceteris Patriarchis Præſulem Conſtantinopolitanum, quia Primatum Cathedræ Romanæ immobilem iure diuino probe nouerant.*

XII. Pluribus quidem, quinimmo cunctis episcoporum gradibus, dignitatibusque ſimul conſociatis Pontifex Romanus reape potitur, quippe qui non modo eſt vniuerſæ eccleſiæ
per

per totum orbem terrarum diffusa Pastor summus & Papa; verum etiam Occidentis Patriarcha, Primas Italiz, Archiepiscopus seu Metropolitanus Romanz prouinciz, & Episcopus vrbis Romz. Papalem dignitatem, de qua hoc titulo agitur, ipse duntaxat obtinet: ceteras in sequentibus rubricis inspicandas cum multis Præsulum habet communes. Solus idcirco diui Petri successor appellatur Episcopus vniuersalis (a), Patriarcha œcumenicus (b), Pater Patrum (c), Episcopus Episcoporum (d), Pontifex Maximus (e), & vniuersalis Papa, præterea nemo (f). Simplex nihilominus

S 2

Papæ

(a) In ep. B. Marci ad Anastasium, & Conc. Lateran. sub Nic. II in ean. in nomine S. nouit dist. 23.

(b) Chalcedonense concilium generale art. 3, multos libellos ita inscriptos habet: *sanctissimo ac beatissimo vniuersali Patriarchæ magnæ Romæ Leonis*. Atque in acclamationibus Patres omnes eiusdem concilii ore vno dixerunt: *Leo sanctissimus apostolicus & œcumenicus Patriarcha per multos annos viuat*. Hæc inscriptiones & acclamationes commemorat S. Thomas in opusculo contra errores Græcorum, laudatus a Romanis Correctoribus post can. ecce 5 dist. 99.

(c) A diuino Athanasio ep. ad Liberium.

(d) A Tertulliano lib. de pudicitia cap. 1.

(e) Pontificatu maximo ethnicos Imperatores & verbo & re potitos tradit Romana historia, quorum exemplo adducti Constantinus M. & succedentes Christiani Imp. vsque ad Gratianum sese condecoratos voluere titulo etiam Pontificis maximi sine vlla tamen re aut potestate pontificali, vt patet ex veteribus inscriptionibus, & panegyrico Ausonii, qui Gratianum *religione Pontificem* appellat, & S. Isidoro in can. *cleros* 1 dist. 21, ex art. 3 Concilii Chalcedonensis, vbi Patrum vocibus idemmet Cæsar *Pontifex inclytus* semel iterumque dicitur. Tamen si ab eo religiosissimo Principe titulum hunc fuisse repudiatum, ab eiusque successoribus testatur Zosimus lib. 4 hist. Processu temporum tanta fuit Imperatorum græcorum arrogantia, vt Pontificis maximi non modo nomen, sed potestatem sibi vsurpare non dubitarent, sacra faciendo & altaris munia obeundo, vt tradit Balsamon in notis ad can. 69 synodi VI. Eam ob rem Nicolaus Papa ep. ad Michaelem Imperatorem data cum non iniuria redarguit; vetuitque ne laici Imperatores amplius abuterentur, neque seipsos insignirent Pontificis titulo. Huius ep. fragmenta extant in can. *quoniam* 8 dist. 10, & can. *cum ad verum* 6 dist. 69.

(f) S. Gregorius M. ep. 32 lib. 4 ad Mauritium Imperatorem data, increpauit meritisime Ioannem Patriarcham Constantinopolitanum, quod se *vniuersalem episcopum* superbe diceret, & *blasphemia* nomen sibi arrogare non dubitaret. *Absit a cordibus Christianorum* (siebat Gregorius) *nomen istud blasphemiz*, in quo omnium sacerdotum honor adimitur, dum ab uno sibi dementer arro-

gatur

Papæ nomen aliis olim episcopis tributum notat Baronius (a) cum adiuncto etiam *beatissimi* (b). Quod nomen a græco verbo *πάππας* ductum, idem ac *Pater* latine sonans, Romano tantum Pontifici, cui speciatim conuenit ex prophetico Isaïæ fermone (c), adhærere per antonomasiam sine adiectiuo primum consuevit seculo quinto (d): deinde reueruatum est canonica sanctione synodi Romanæ sub S. Gregorio VII anno 1073, vbi cautum, nequis alius præterquam

Ro-

gatur. Certe pro B. Petri Apostolorum Principis honore per venerandam Chalcedonensem synodum Romano Pontifici (puta S. Leoni M.) oblatum est. Sed nullus eorum unquam hoc singularitatis nomen assumpsit, nec uti consensit. Idemque ep. 36. Nullus unquam (ait) decessorum morum tam profano vocabulo uti consensit quia videlicet si vnus Patriarcha vniuersalis dicitur, patriarchæ cum nomen ceteris denegatur. Pariter concilium Africanum in can. prima Sedis dist. 99, deprelinit superbiam metropolitaram Africæ, sanxitque nequis primæ Sedis episcopus diceretur princeps sacerdotum, vel summus Sacerdotum. At perperam Gratianus post cit. can. primæ sedis probandum assumpsit, quod vniuersalis nec etiam Romanus Pontifex appellatur; duabus deceptus epitolis, altera Pelagii II, altera S. Gregorii M. Nam Pelagius in can. nullus 4 dist. 99, rescipit quidem, vt nullus Patriarcharum vniuersalis vocabulo vteretur: verum nil de Romani Pontificis titulo attigit. S. Gregorius vero in can. ecce 5, & ult. eadem dist. S. Eulogio Patriarchæ Alexandrino referens conquestus est sese vniuersalem Papam ab eo dictum. Superbe appellationis verbum (inquit humillimus Pontifex) vniuersalem me Papam dicentes imprimere curastis. Quod peto, dulcissima mihi Sanctitas vestra ultra non faciat... Ego enim non verbis quero prosperari, sed moribus. Hisce verbis egregium apostolicæ humilitatis exemplum S. Pontifex dedit omnibus Patriarchis, præsertim Constantinopolitanis, vt ne titulum summo Pontifici sacrum, eique soli ab ecclesia cum Patribus Chalcedonensibus iure dictum ipsi sibi arrogarent. Tum facto exemplum istud probaturus, posthabito Papæ vniuersalis titulo in litteris pontificiis maluit primus etiam inscribi: Gregorius seruus seruorum Dei: uti Io. Diaconus testatur in eius vita lib. 4 cap. 58, quam inscriptionis formulam successores Papæ adhibuerunt, adhuc vigentem.

(a) Ad an. 165 num. 10. Papam inoffenso verbo dixerunt S. Cyprianum Carthaginensem episcopum Clerus Romanus, Aurelium Hipponensem S. Augustinus, hunc sæpe S. Hieronymus, Antium Viennensem synodus Turonensis II, ceteros ceteri.

(b) S. Hieronymus ad Augustinum ep. 9 lib. 1 scribens: incolumem te (ait) & mei memorethi Christus Dominus custodiat, domine vere sancte & beatissime Papa. (c) Cit. cap. 22 vers. 20 ad 24.

(d) Id probat Thomassinus par. 1 lib. 1 cap. 50 n. 14, ex synodis Chalcedonensi, & Toletana I.

Romanus Pontifex Papæ vocabulo appellaretur.

XIII. Mutare sibi nomen solent Romani Pontifices, quia mutant & statum: exemplo diui Petri, qui antea Simon dicebatur. Morem hunc inuexisse primus omnium fertur Ostauianus Alberici patricii filius, qui thronum pontificium adeptus ætatis anno XVIII., nomen Ioannis XII assumpsit, adhibuitque in rebus ecclesiasticis, in profanis vero illud Ostauiani retinuit (a).

XIV. Prærogatiuas plurimas Primatui Romanæ Sedis adnexas nouit ecclesia catholica (b). I, Papam de vniuersis militantis ecclesiæ hominibus quauis etiam episcopali aut patriarchali dignitate præditis iudicare in causis qua ciuilibus qua criminalibus: eosque rite ob crimina censuris coercere, ac degradare; vel iudicandi ac puniendi auctoritatem aliis delegare (c). 2, a sententiis Papæ ad alium iudicem appellare.

(a) Murator. in anal. Ital. ad an. 956, Baron. ad eundem annum, Ouphr. Panuinius in adnot. ad Platinam in vit. Io. XII. A Martino Polono deceptus Platina falso tradit Sergium II ante omnes mutasse sibi nomen an. 844, turpitudinis vitandæ causa, propterea quod ante appellaretur *Os porci*. At refellit auctoritate vetustiorum historicorum, & præsertim Analtasii bibliothecarii testantis huic Pontifici paternum Sergii nomen ante Papatum quoque fuisse. Ioannis XII exemplo vltus primus est Petrus Papiensis episcopus, qui Ioannes Papa XIV nuncupari voluit an. 984. Tum Bruno Othonis Saxonum Ducis filius, puta Gregorius V an. 996. Deinde alii gradatim succellores, quorum nihilo minus Hadrianus VI, & Marcellus II seculo XVI pristinum nomen in folio pontificio dimittere noluerunt.

(b) Earum præcipuas falsi sunt Græci octo propositionibus Innocentio IV oblati, imperante Theodoro Lascaro iuniore, ad ineundam cum Romana ecclesia vnionem, quas ab Innocentio, eiusque successore Alexandro IV comprobatas scripsit ipsemet Alexander. ep. 305 lib. 2, N. Alex. in hist. sec. 13. art. 5 de Alex. IV. Tum Clemens VI in professione fidei ad Consolatorem Armeniæ catholicos, Clerumque vniuersum transmissa an. 1351, iura potissima Primatus pontificii quatuordecim articulis explicuit, quos exscriptos habent Raynaldus ad d. an. 1351 n. 11, & N. Alexander in hist. sec. 14 cap. 1 art. 4 de Clem. VI.

(c) Res gestæ primis etiam ecclesiæ seculis ostendunt summos Pontifices hoc iure vsos. S. Irenæus episcopus Lugdunensis & martyr secundi seculi lib. 3 aduersus hæreses cap. 3, omnes orbis ecclesias ad Romanam propter primatum confugere tradit, sic inquit: *Ad hanc ecclesiam propter potentioris principatutem necesse est omnem conuenire ecclesiam*. Idemque S. Doctor propter

pellari non posse (a). 3, Papam e contrario a nemine in terris iudicari posse, & soli Deo iudicandum seruari: nec seculari cuiunque Potestati subiici quod ad institutionem iudicalem, correctionem, vel destitutionem (b). 4, Generales canones & ecclesiasticas leges posse condere (c): easque disciplinam spectantes aut abrogare ac mutare, aut quandoque ab iisdem seruandis dispensationem indulgere (d). 5, Quæstiones circa fidei doctrinam e cathedra infallibiliter definire (e). 6, Circa Sacramentorum administrationem, faluis semper iis,

quæ
ea Victori Papæ fuisse potestatem excommunicandi Quartadecimanos Aflic episcopos, quorum dux fuit Polycrates Ephesinus, quod de tempore Paschatis celebrandi a sententia ecclesiæ Romanæ pertinaciter discordarent, agnouit: dum vt Eusebius *lib. 5 hist. cap. 24* testatur, Irenæus ipse Victorem monuit, ne tam multas ecclesias a corpore vniuersæ ecclesiæ penitus amputaret. S. Stephanus Papa seculo tertio anathema comminatus est SS. Cypriano, & Firmiliano, ceterisque Africanis & Orientalibus episcopis, quod rebaptizandos ab hæreticis baptizatos contra traditionem contenderent, vt notat Vinc. Lirinensis in *commonitor. 1 aduersus hereses cap. 5*. Et S. Cyprianus ad Corneliū PP. *ep. 45* de Policarpo scribens ait: *Nos enim singulis nauigantibus, ne cum scandalo vilo nauigarent, rationem reddentes, scimus nos hortatos eos esse, vt ecclesia catholica radicem & matricem agnoscerent ac tenerent*. Aurelianus Imperator licet ethnicus postulanti bus Antiochenis Christicolis rescriptis domum, quam Paulus Samosatenus detinebat, postquam a sede Antiochena deiectus, damnatusque a duabus Synodis fuisset, debere illis restitui, ad quos episcopus Romanus cum Italix episcopis pertinere iudicasset, teste Eusebio *lib. 7 hist. cap. 30*, Fleury *lib. 8 hist. eccl. n. 8*. S. Dionysius Alexandrinus Patriarcha apud Romanum Pontificem Dionysium accusatus de hæresi suas protulit defensionēs, vt refert S. Athanasius *lib. de Synodis Arimini & Seleuciæ*. Sequenti quarto seculo S. Athanasius Patriarcham item Alexandrinum auditis Arianis accusatoribus rite absoluit Iulius I, vt liquet ex ipsius Pontificis epistola apud S. Athanas. *apologia 2*. Quemadmodum & Paulum Constantinopolitanum, Marcellum Anchyranum, Lucium Adrianopolitanum episcopos ab Arianis depositos suis sedibus re cognita restituit. Huc spectant *can. 3, 4, & 7 conc. Sardicenis*.

(a) *Can. nemo indicabit 13, & segg. C. IX. qu. 3*. Nicolaus V reuit sub anathemate, ne disputaretur, Concilium ne supra Papam, an e contrario Papa supra Concilium esset. Et Pius II Nicolai successores appellationes a Papa ad Concilium omnino proscriptis.

(b) *D. can. 13, & segg.*

(c) *Can. præceptis 2 dist. 12, can. 2, & 4 dist. 19, & cap. 1 de constit.*

(d) *Cap. cum inferior 16 de maior. & obed. ibi: Cum inferior superiorem soluere nequeat vel ligare, sed superior inferiorem liget regulariter & absoluat, & satis absolum videatur, vt filius potestatem habeat in parentem.*

(e) Quod mox inferius edisseretur.

quæ sunt de necessitate ac integritate, diuersos ecclesiarum ritus nedum tolerare, sed etiam permittere (a). 7, Concilium œcumenicum indicere, conuocare, quæstiones in eo referre, illiusque decreta confirmare (b). 8, Indulgentias plenarias largiri (c). 9, Breuiarium & Missale Romanum corrigere ac mutare (d). 10, Sanctos canonizare (e). 11, Ordines

(a) Ex decreto Eugenii IV pro Armenis, & declarationibus supralaudatis Innocentii IV, Alexandri IV, & Clementis VI.

(b) Hisce prærogatiuis vfos fuisse Romanos Pontifices in ante actis conciliis generalibus quum græcis, tum latinis patet ex supradictis tit. 6 cap. 1.

(c) Quod ostendit Andreas Duallius in *præf. lib. de auctor. Papa & Concilii*, & plurimis testimoniis, constitutionibus & exemplis præcessorum Pontificum tradit sapientissimus Papa Bened. XIV in *ep. encyclica de præparat. ad an. vniuersalis inipilai num. 13, & 14, data die 26 Iun. 1749*. Episcopis enim nonnisi limitatas indulgentias ex constitutione concilii Lateranensis III concedere fas est, quum Romanus Pontifex ea etiam in re plenitudinem potestatis habeat, *cap. cum ex eo 14 de pœnit. & remis.*

(d) In primitiua ecclesia episcopus quisque liturgiam suæ diocesis peculiarem efformandi facultatem habebat, dummodo ab orthodoxa ecclesiæ doctrina nil dissonaret. Exinde diuersitas formularum & precum & hymnorum in cultu diuino prodit, quas præsertim ecclesiis Cæsareensi, Constantinopolitanæ, Ambrosianæ conscripserunt SS. Basilus, Chrysostomus, Ambrosius, aliter quam Romana vsurpauit, Card. Bona *rer. liturg. lib. 1*, Bingham, *origin. eccles. vol. 1. lib. 2 cap. 6 §. 2*. Seculis posterioribus ecclesiæ singularum Proninciarum ordinem & formam liturgiæ metropolitice adhibuerunt more primum spontaneo, deinde legibus synodicis, Bingham. *vol. 5 lib. 13 cap. 5 §. 2*. Tandem hinc abusus episcopaliu variationum, hinc vtilitas concordium precum in causa fuere, vt ecclesiæ Romanæ aliarum omnium parentis & magistræ ordinem in diuinis officiis, & sacris peragendis receptum obseruare adamussim obligarentur vniuersæ ecclesiæ ex constitutione sa. me. Pii V edita *de publicat. Breuiar. Roman. correcti*, 7 idus Iulii 1568.

(e) Alex. III in *cap. 1 de reliq. & venerat. Sanctor.* vñscriptis non licere hominem pro Sancto absque auctoritate Romana ecclesia publice venerari. Tamen in veteri ecclesiæ disciplina sola episcopi diocesani, aut metropolitæ, aut Primatis auctoritate, Christifideles vel martyrio coronati, vel morum sanctitate & miraculis celebres colebantur inter sanctos: ius nihilominus canonizandi, puta præcipiendi cultum Sanctorum ad Pontificem duntaxat maximum pertinuit. Aliud quippe sonat *beatificatio*, quæ permittit solummodo, non præcipit cultum, Quis etenim in ecclesia cunctos Christifideles ad novos Sanctos venerandum obligare iure poterit, nisi summus Pontifex? Præterquam quod scelestos quam non semel inlar beatorum coluissent populi vel ignorantia vel fraude decepti: oportuit rem tanti momenti supremo Romanæ Sedis iudicio referre. Confusulantur ea in re opera omnium longe præstantissima & vbertima Benedicti PP. XIV de *beatificat. & canonizat. Sanctor.*

dines Regularium, eorumque regulas approbare (a). 12, Cathedralis ecclesias, siue episcopales, siue archiepiscopales, siue patriarchales erigere, suppressere, vnire, easque vel maiori dignitate ornare, vel deituere [b]. 13, Episcopos, Archiepiscopos, Primates, Patriarchas creare, & confirmare (c): 14, Inferiores ecclesiarum titulos, & beneficia in nonnullis casibus collationi apostolicæ referuare (d). 15, Maiores item alias causas ecclesiasticas vt episcopi ad ipsum deferrent, iubere (e).

XV. Infallibilem diuino priuilegio in controuersiis *fidei ex cathedra* definiendis Romanum Pontificem orthodoxi omnes ore vno consentientur ac norunt ex illis Christi Domini verbis: *Simon Simon: ecce Satanas experituit vos, vt cribraret sicut triticum: ego autem oraui pro te, vt non deficiat fides tua: & tu aliquando conuersus confirma fratres tuos* (f). Nemo

(a) *Cap. fin. de religiof. domib. & cap. vlt. eod. tit. in 6.*

(b) His de rebus dicam in seqq. tit. Causas vero canonicas erigendi, vel suppressendi, vel vniendi cathedrales ecclesias, easque eximendi à iure metropolitico inuuit Ioannes XXII in Extrauag. *Saluator 5 de prob. & dignit.* inter comm. tum in Extrauag. *sedes apostolica 1 de concess. prob.* Videtis quæ dixi in tract. de Beneficiis cap. 4 num. 7, 35, & seq. 2. edit.

(c) Idem inferius in seqq. rubricis.

(d) Patet ex supradictis tit. 7 pag 84, & seq.

(e) Innoc. III ad Arelatensem archiep. in cap. *maiores 3 de baptismo.*

(f) Lucæ cap. 22 vers. 32 Hoc diuino oraculo edoctus diuus Bernardus ep. 190 ad Innocent. II ita scribit: *Opus ad vestrum referri Apostolatum pericula quoque & scandala regni Dei, præsertim quæ de fide contingunt. Dignum nungue arbitror ibi resarciri damna fidei, ubi non possit fides sentire defectum. Cui enim alteri Sedi dictum est aliquando: Ego pro te rogaui, vt non deficiat fides tua? Illam infallibilitatis pontificiæ prærogatiuam constantissimam, perpetuamque SS. Patrum traditio commonstrat. S. Cyprianus ep. 55 ad Cornelium Papam de Romanis episcopis diui Petri successoribus verba faciens ait: Ad quos perfidia habere non possit accessum. S. Petrus Chrysologus ep. ad Eutychetem par. 1 conc. Chalced. hortatur Eutychetem, vt his, quæ a beatissimo Romano ciuitatis scripta sunt, obedienter attendat: quoniam B. Petrus, qui in propria sede & viuut, & præsidet, præstat querentibus fidei veritatem. S. Hieronymus ep. 57 ad Damasum scribens, A pastore (inquit) præsidium ouis flagito. Cum successore Piscatoris loquar. . . Beatitudini tuæ, idest Cathedra Petri communionem consocior. . . Obtestor Beatitudinem tuam per Crucifixum*

KUM

mo tamen inficiatur ut priuatum doctorem posse Papam errare, utque hominem infirmitate circumdatum suam, subditorumque salutem negligere (a). Quandonam reapse dicatur ex cathedra Pontifex definire, necne, disputant Doctores, quorum discordia nonnihil facessit negotium. Quæ ad nonnullos priuati viros dantur a Papa epistolæ, rescripta, instructiones sine maturo examine, aut sine fratrum consilio, eas tunc a priuato & fallibili doctore prolatas aio. Quas vero assumpta vniuersalis magistri persona, implorato publicis precibus auxilio Spiritus Sancti; perpenis sacræ Scripturæ, traditionis apostolicæ, probatorum canonum testimoniis, adhibitoque Senatus ecclesiæ suæ consilio (citra synodum quoque œcumenicam) rite promulgat dogmaticas definitiones, & encyclicas litteras ad vniuersam ecclesiam, cunctosque Christianos edocendum, iubens ut omnes vbique fideles falem doctrinam ita expositam amplectantur & custodiant; has puto ex infallibili cathedra Petri per os Pontificis Romani pronunciatas.

XVI. Galli; præsertim Sorbonici opinantur summum
Tom. I. T Pon-

zum . . . ut mihi litteris tuis sue dicendarum hypostaseon detur auctoritas. Et fufius in can. hæc est fides 14 C. 24 qu. 1. S. Augustinus contra Donatistas insurgens, inquit: Numera Sacerdotes vel ab ipsa Sede Petri . . . Ipsa est Petra, quam non vincunt superba inferorum porte. S. Theodorus Studita ep. ad Palchalem: Vos igitur (ait) vere illimis fons ac sincerus iam inde a principio vera fidei. Vos ab omni hæreticorum procella longe positi, securus totius ecclesiæ portus. Vos a Deo electa ciuitas ad salutis refugium. Ceteri omnes huic tradendo dogmati suffragantur.

(a) Can. si Papa sua 6 dist. 40, ex dictis Bonifatii martyris. Clemens VI se fallibilem agnoscens hæc morti proximus, rescripto dato 7 idus Decembris 1351, pronunciauit. Nos qui inter peccatores peccator viximus, infirmitatem nostram penitentia passibus metientes, siqua dudum in minoribus constituti, & postquam ad fastigium apostolica dignitatis diuina bonitas dignamer potius quam digne prouexit, nos disputando, legendo, predicando, aut alias contra catholicam veritatem & fidem, vel bonos mores, & lapsu lingue præcipitanter sorte protulimus; reuocamus & volumus pro reuocatis haberi: & ea omnia Sedis apostolicæ auctoritati submittimus corrigenda. N. Alexander 10. 16 edit. Neap. hist. sec. XIV art. 4. Hadrianus VI, quem ante Pontificatum Louanienfis Professor docuisset in commen. ad 4 sentent. qu. 9 de confirm. posse Pontificem errores proferre: istiusmodi sententiam e suis commentariis haud expunxit.

Pontificem nonnisi accedente ecclesiæ consensu vel antecedente vel concomitante vel subsequente esse infallibilem. Quo vero pacto stabit sponsio Christi de fide Petri nunquam defectura, deque Petro fratres confirmaturo, si Petri fides subiiciatur omnino fratrum, puta episcoporum censuræ, aut confirmationi? Decretis synodicis nisi acceperit auctoritas summi Pontificis, ea nullius esse momenti, & potius conciliabulo, quam concilio attribui iam constat (a): pontificia decreta secus, quæ seiunctim a canonibus conciliorum alteram Iuris Canonici partem constituunt (b). Haud parvi tamen faciendus est consensus ecclesiæ siue per orbem diffusæ, siue in synodis collectæ: immo potius spectandus maximopere ut signum eximium, evidenter indicans infallibilitatem rerum fidei a cathedra Petri definitarum. Cum etenim doctrinam a summo Pontifice propositam amplectitur ecclesia, quæ est *columna & firmamentum veritatis*, omnis evanescat necesse est erroris suspicio.

XVII. Ex perspecta pollicitatione Christi, qui mentiri nequit, necessario consequitur Sedem apostolicam seu Romanam Petri cathedram nulla vnquam hæresi maculatam fuisse. Quod e re nata aliquandum superest contra heterodoxos, blaterantes a fide aberrasse & S. Petrum, & nonnullos eius successores S. Victorem, S. Zephirinum, S. Marcellinum, Liberium, Zosimum, Anastasium II, Honorium I, ceteros.

XVIII. Obiectant in primis, quod S. Petrus Antiochenos fideles compulisset ad iudaizandum, & S. Paulus in faciem Cephæ ideo restitisset, quia reprehensibilis erat (c). Responderetur, quod ad doctrinam ea in re Petrum fuisse irreprehensibilem. Ipse etenim in concilio Hierosolymitano, antequam venisset Antiochiam, iam docuerat non esse imponendum gentilibus iugum legis Mosaicæ: sed quod ad mores so-

(a) Ex supradictis tit. 6 cap. 1. (b) Liqueat ex traditis supra tit. 7.

(c) Ad Galath. cap. 2 vers. 11. Eusebius Cæsariensis lib. 1 hist. cap. 14, opinatus Cepham fuisse discipulum Domini, non Principem Apostolorum.

solummodo & praxim doctrinæ indulgentiorem erga Iudæos sese præstitit. Quemadmodum & Paulus quoque vna cum quatuor viris sese purificauit, expleuitque postea cœrimonias Hebræorum pro temporis & personarum conditione, suadentibus S. Iacobo & senioribus, vt videretur & ipse custodiens legem (a). Et ita factus est Iudæis tanquam Iudæus, vt Iudæos lucraretur (b).

XIX. Artemonis, qui purum hominem esse Christum blasphemabat, discipuli per calumniam impudentissimam iactarunt id ab Apostolis, & successoribus ad Victorem vsque prædicatum. At quomodo non illos pudit tantam blasphemiam S. Victori nominatim addicere, qui Theodorum Coriariū illius execrandæ hæresis ducem Christiana communione interdixerat (c)?

XX. Tertullianus Montani hæresim professus solemniter hæreticorum more scribere non dubitauit, quod Zephirinus prophetias (verius insomnia) Montani, Priscæ & Maximilæ agnouisset ac probasset (d). Tametsi ex aliis ipsius Tertulliani scriptis, itemque testimonio Gaii cœui auctoris patet Montani errores a S. Zephirino profligatos (e).

XXI. S. Stephanum, dum proscripsit errorem S. Cypriaci, aliorumque præfulum de rebaptizandis hæreticis, in contrarium errorem profluisset, Blondellus suadere conatur ex illis Stephani verbis a S. Cypriano exscriptis (f). Si quis ergo a quacunque hæresi venerit ad nos, nihil innouetur, nisi quod traditum est. Baptizatos a quacunque hæresi venientes rebaptizari vetuit Pontifex. Ergo (ita arguit Blondellus) nec etiam eos, qui baptismum non euangelicis verbis suscepissent vel a Marcionitis baptizantibus in solo nomine Christi, aut a Paulianistis de Trinitate male sentientibus, & formam euangelicam in baptismo non tenentibus. At consequentia hæc negatur pro-

T 2

bis-

- (a) Act. cap. 21 vers. 22 & seqq. (b) Ep. 1 ad Corinth. cap. 9 vers. 21.
(c) Euseb. lib. 5 hist. eccl. cap. 27. (d) Tertull. lib. aduersus Praxeam cap. 12.
(e) Quod satis ostendit N. Alexander tq. 7 in hist. sec. 3 dissert. 1.
(f) S. Cyprian. ep. 74 ad Pompeium.

bisulime, quoniam ex implicito & ambiguo sensu verborum per coniecturam error certus male appingitur S. Pontifici, cuius mentem, quam affectus non est Blondellus, aliam omnino fuisse testis maior omni exceptione Firmilianus [a], ut ceteros breuitatis gratia præteream, certiores nos facit, sic in-
quiens: non putant querendum esse, quis sit ille qui baptizauerit, eo quod qui baptizatus sit, gratiam consequi potuerit inuocata Trinitate nominum Patris & Filii & Spiritus Sancti. Non igitur errauit S. Pontifex, qui baptismum a quocunque hæretico forma euangelica collatum ratum habuit.

XXII. *S. Marcellini* ad thurificandum idolis prolapsi & facinus confessi in concilio Sinuessano (b) fabellam iandiu conclamarunt Daniel Papebrochius, Antonius & Franciscus Pagius, N. Alexander, aliique. In genuinis vetustæ historiæ scriptis, præsertim Eusebii & Theodoretæ sanctitas Marcellini vtiq; prædicatur: de sacrilega vero thurificatione aut poenitentia ne verbum quidem vnum. Acta concilii Sinuessani tot falsitatum notis deturpata mercibus pseudo Isidori accenseantur, aut fraudi alicuius Donatistarum paullo post diui Augustini tempora (c).

XXIII. *Liberium* Ariana hæresi infectum criminantur, propterea quod symbolo Sirmienti subscripserit, & Arianis communicauerit, semoto S. Athanasio Alexandrino. Quoniam vero duas fidei formulas procul dubio tulit pseudo synodus Sirmientis a Constantio Ariano Principe coacta, alteram orthodoxam contra Photinum, Arianam alteram: vtri Liberius subscripserit, facti quæstio est longe difficillima. Baronius (d), & N. Alexander (e) pluribus, iisque firmis argumentis Liberium priori formulæ illi subscripsisse tutantur, contra Blondellum, ceterosque aliter sentientes. Hoc tamen
certo

(a) *Ep. ad S. Cyprianum.*

(b) *Can. nunc autem 7 dist. 21, ex ep. Nicolai I ad Michaellem Græcorum Imp. Bellarmin. 10. 2 de Concil. cap. 19.*

(c) *Baron. ad an. 302 10. 21.*

(d) *Ad ann. 357 num. 46.*

(e) *In hist. sec. 4 dissert. 32.*

certo certius docet historia, quod Liberius Nicanam fidem, innocentiamque S. Athanasii quum diu propugnasset, irati Principis minas primum non veritus maluit exilium ferre, quam fidem prodere. Tum Berzæ Thraciæ in exilium pulsus, maioribus in diem malis obrutus, periculo mortis perterritus, post biennium noxam inconstantis animi fecisse, ab officio descivisse, symbolo fidei ab Arianis oblato Berzæ subscripsisse fertur, litterisque suis ab Imperatore facultatem redeundi ad Sedem suam postulasse. In cathedram apostolicam vix restitutus omne crimen diluit, dum Arianorum perfidiæ & Ariminensi conciliabulo restitit, ac decretam a Valente relegationem passus est animo multo constantiore. Quid exinde blaterant hostes ecclesiæ? Pontificem ne ex cathedra definientem errasse in fide? Ecquos characteres Papæ ex cathedra docentis præsefert subscriptio Liberii exulis? Liberius porro e cathedra deiectus in exilium, satellitibus, qui mortem comminabantur, circumdatus, Arianis seductoribus corruptus, metu quam maxime graui, qui libertatem ac voluntarium viri vel constantissimi animum prorsus ademit (a), compulsus, si Arianae perfidiæ symbolo reuera subscripsisset: non Pontificis tranquillo animo e cathedra docentis, sed hominis priuati, miserrimique personam tunc agebat.

XXIV. *Zosimum* nugantur Pelagianam hæresim probasse; propterea quod Cœlestii illius sectæ supparis ducis ab Africanis synodis, & Innocentio I iam damnati fidem velut catholicam commendasset, litteris ab ipso Zosimo ad Africanos Basilisco datis. Nugantur sane id asserentes: quia hiisce litteris Zosimus nil aliud iussit, nisi vt ad sese merita causæ referrent episcopi Africani, dubitans quin ii aliquid fraude accusatorum, iniuriæ decreuissent contra Pelagium & Cœlestium. Hic enim ad apostolicam Sedem quum appellasset

(a) Bellarm. *de Rom. Pontif. lib. 4. cap. 9.* ab hæresi immunem dicit Liberium, quod externam, coactamque subscriptionem admisit sine interio animi consensu.

ter, protestabatur quum libello scripto, tum voce *sc omnia, quæ Sedes Romana damnaret, damnaturum*. Igitur voluntas emendationis, non falsitas dogmatis approbata est a Zosimo, inquam cum S. Augustino (a). Quandoquidem interea Cœlestius ab humanissimo Pontifice nec absolutus, nec communioni restitutus: sed acceptis, visisque synodorum Africæ actis, quum iudicio sisti detrectasset, iterum ab eo damnatus iure merito fuit (b).

XXV. *Anastasium II* ab ecclesia Romana repudiatum, & a Deo percussum, quod spretis decessorum Pontificum sententiis, & sine concilio episcoporum is communicasset Photino hæretico, & Acacium quoque reuocare tentasset, iactitant blaterones verbis Gratiani (c), & pseudo Isidori (d). At narratæ rei falsitas ostenditur insigni anachronismo. Acacium mortem oppetiuisse sub Felice II, vulgo III, qui sedit vsque ad diem 25 Februarii anno 492, ex historia constat (e). Felici autem Gelasius primum successit anno 492, deinde Anastasius anno 496. Qui ergo fieri potuit, ut quatuor saltem annos ante prædefuncti Acacii ad communionem reuocandi negotium suscepisset Anastasius (f)?

XXVI. *Honorii* fidem monothelismi labe contaminatam falso redarguunt ex litteris ad Pyrrhum & Sergium patriarchas Constantinopolitanos monothelitarum duces datis, quæ silentium duabus Christi voluntatibus, operationibusque indicabant, & ex anathemate in ipsum dicto a sexta synodo cœcumenica. Nam Honorii epistolæ ad Pyrrhum & Sergium (non ad ecclesias orientales) procul dubio priuatim re-scriptæ nil omnino definiunt in excitata quæstione dogmatica

(a) S. Aug. lib. 2 ad Bonifacium cap. 2.

(b) S. Aug. loc. cit. & lib. de pecc. orig. cap. 6, Mar. Mercator in committorio cap. 1, & Facundus Hermianensis lib. 7 cap. 3.

(c) Post can. secundum 8 dist. 19.

(d) Can. Anastasius 9 ead. dist. 19, ex tom. 2 Concilior. in vita Anastasii.

(e) Nicephor. lib. 16 cap. 12, Enagr. lib. 3 cap. 18, ceteris.

(f) Gelasius Anastasii præcessor Acacium mortuum vna cum Felice ante tribunal Christi iam stetit contestatur in can. nec quisquam 4 C. XLV. qu. 2.

ea unius vel duplicis voluntatis : sed eam is in medio relin-
qui, silentioque obrui iussit, quoadusque synodico examine-
eandem ecclesia terminasset secundum euangelicas vel apo-
stolicas litteras. Ipsas Honorii epistolas catholico sensu ex-
plicant Ioannes Papa IV, S. Maximus martyr, & Anastas-
ius bibliothecarius (a), labemque fidei Honorianæ probe di-
luunt. Incolumi ergo fide Pontificis e cathedra docentis,
Honorius tantum defecit in officio regiminis : propterea quod
hæresim iamiam emergentem non compressisset, & hæresiar-
chis plus æquo indulisset conniuentia detestabili. Istam pro-
fecto culpam eius letiferam sexta synodus execrata esse iis
videtur probabilius, qui Baronio non consentiunt opinan-
ti acta synodi sextæ interpolata, corruptaque esse in ea
parte, quæ respicit Honorii damnationem. Rebus ita se ha-
bentibus Agatho Papa, qui post S. Martinum Honorii suc-
cessorem sedit, in epistola ad sextam synodum data sincere,
verissimeque asseueravit decessorum suorum neminem
a veritatis tramite discessisse. Quod hæcenus demonstrasse
sufficiat. Si enim hanc rem in ceteris diui Petri successoribus
patefacere vellem, fines Institutionum plus æquo pro-
traherentur.

XXVII. Comperta Romanæ cathedræ infallibilitas effe-
cit, ut Patres vel sapientissimi post synodicas etiam sententias
in quæstionibus fidei dirimendis, hæresibusque profligandis re-
scripta & epistolas encyclicas Romanorum Pontificum expete-
rent ac susciperent ut suprema oracula & res iudicatas, a
quibus non liceret amplius reclamare [b].

XXVIII. Primatui spiritali Sedis apostolicæ accessit iure
humano Principatus cum temporali iurisdictione. Quonam tem-
pore ac iure, qui & a quibus adepti sint Romani Pontifi-
ces temporalem ditionem ac potestatem, quam longissima tot
seculorum

(a) Apud N. Alexandrum in *hist. sec. 7 dissert. 2 propos. 3.*

(b) S. Augustinus lib. 2 contra Pelag. cap. 3. Per Papæ rescriptum (ait)
quæsa Pelagianorum finis est, totoque Orbe post eius damnationem damnati
sunt, ac litteris Innocentii tota hac de re dubitatio sublata est.

seculorum possessione firmatam in vrbe Roma, totoque Statu ecclesiastico, seu nonnullis Italiæ prouinciis & regionibus occidentalibus, in territorio Beneuentano & Comitatu Auenionensi; nostrum non est differere.

XXIX. Nosse tamen iuuat apocrypham esse donationem regis dignitatis in vrbe, Italia & prouinciis occidentalibus, quam S. Syluestro Constantinum M. fecisse promit Gratianus [a]: tametsi primis quidem tribus ecclesiæ seculis ob tyrannidem persecutorum æque Romani Pontificis, ac episcoporum omnium quum delituisse dignitas, cœpit sub Constantino primum inclarescere. At succedentibus Principibus modo fauentibus modo obuerfantibus lente progressa est vsque ad seculum XII. Sub Alexandro III paulo post medietatem dicti seculi ad summum peruenit fastigium, deuicto Friderico I, sedatisque inuestiturarum procellis. Declinare tandem cœpit seculo adhinc XIV, postquam Clemens V pontificiam Sedem transtulit in Gallias anno 1205: sibi eam annos septuaginta & amplius, perinde ac in captiuitate Babilonica, obtinuerunt post Clementem Iohannes XXII, Benedictus XII, Clemens VI, Innocentius VI, Urbanus V, & Gregorius XI. Ab hoc autem Pontifice Romam reducta anno 1376, teterrima & omnium diuturnissima subiuit schismata Antipaparum Auenionensium, quæ maximo fuerunt detrimento rebus ecclesiasticis.

T I T XIII.

De Cardinalibus.

- 1 *Vt Cardinalium dignitas nunc super omnes alias post Papam eminens Romano Senatui suprema, ita ceteri hierarchia gradus aliis Imperii dignitatibus comparantur.*
- 2 *Cardinalium S. R. E. collegium prisca Romani Cleri iura semper obtinuit.*
- 3 *Cardinales appellari dudum consueuerunt quum episcopi, tum pre-*

(a) *In can. Constantinus 14 dist. 98.*

presbyteri, diaconique fñi & perpetui, ut a subsidiariis & commendatariis distinguerentur.

- 4 *Regionarii urbis presbyteri & diaconi olim Cardinales regionis primæ, secundæ &c. mon Cardinales tituli huius, illiusve parochiæ ac diaconiæ appellati, nec non ab seculo inde XII septem, dein sex episcopi suburbicarii.*
- 5 *Ut numerus ipsorum varius nec LXX maior, nec minor amplius esset, statuit Xystus V.*
- 6 *Post schisma Paparum Avenionensem Cardinalibus datum est ius optandi titulos maiores nonnullis conditionibus obnoxiū.*
- 7 *Papæ collaterales & coadiutores ii sunt in regimine uniuersalis ecclesiæ.*
- 8 *Eos ad eminentem, qua ipsi nunc potiuntur, dignitatem omnibus superiorem euenit electio Papæ actiua & passiua.*
- 9 *Rubro pileo, ac titulo eminentiæ serius decorati. Profana ornamenta eis vetita, non item crux octogona Ordinis Melitenfis.*
- 10 *Quasi episcopale iurisdictione fruuntur in ecclesiis titulorum suorum, & collatione beneficiorum, si resideant in urbe.*
- 11 *Novis constitutionibus & Cancellariæ Regulis fere non obligantur generatim, & siquæ ad ipsos extenduntur specialim, solent ab his etiam indulto eximi.*
- 12 *Ex indulto communi conferunt beneficia etiam Sedi apostolicæ reservata.*
- 13 *Exceptis prima cathedralium & principali collegiarum dignitatibus, monasteriis concistorialibus, beneficiis familiarium Papæ, & vacantibus apud Sedem & in Curia: hæc autem Papa nonnisi de consensu Cardinalis ordinarii collatoris confert.*
- 14 *Nec non duplici æquali reservatione affectis.*
- 15 *Sed noua provisionis litteras pontificias intra conditos menses debet adeptus reservatum a Cardinale beneficium obtinere.*

- 16 Excipiuntur quoque ab indulto reservata per constitutionem perpetuam.
- 17 Ordinario Cardinalium indulto favorabilis est interpretatio, extraordinario secus.
- 18 Plures quantumlibet incompatibiles ecclesias & beneficia licet Cardinalibus perpetuo ipsorum privilegio retinere, præterquam inferiores dignitates & canonicatus residentiales.
- 19 Litteras apostolicas eis Cancellaria gratis dat, excepta componenda.
- 20 Nec sine consensu Cardinalis patroni beneficia familiarium ipsius confert.
- 21 Pensiones, quas Cardinales habent, ex indulto medias transferunt clericis, aliisque personis earundem capacibus.
- 22 Ex eoque simul testantur de bonis intuitu ecclesiæ quasitis sine iuris civilis solemnitatibus.
- 23 Sed sacra eorum supellex ad Capellam palatii apostolici pertinet, vel ad ecclesias episcopales eis commendatas.
- 24 Altare viatico utuntur omnes etiam non episcopi Cardinales.
- 25 Leo X plura statuit de Cardinalium vita, moribus, famulatu, consanguineis, ecclesiis titularum & commendatis, earumque bonis, de muniis obeundis, & residentia, de libertate sententiarum & arcano servando, de funeribus.
- 26 Tridentinæ reformationis decreta de electione, deque officiis & residentia episcoporum Cardinales etiam obstringunt.
- 27 Cardinalis dignitas olim episcopatu minor, cum eoque incompatibilis: nunc maior episcopatus quam residentia, tum titulares probe retinet.
- 28 Residentia in episcopatu, quam Romæ urgentior.
- 29 Honor Cardinalibus ubique debetur.
- 30 Offensæ coercentur excommunicatione lata sententia, aliisque pœnis.

Proximum summo Pontifici gradum dignitatis obtinent sanctæ Romanæ ecclesiæ Cardinales, quum eos recentior disciplina prætulerit episcopis, archiepiscopis & patriarchis

chis. Dignitatum, politiæque Imperii Romani imaginem in hierarchia, disciplinaque ecclesiastica expressam qui viderint, non dubito eos, si sana mens erit, perinde comparaturos Romano Imperatori Augusto Pontificem Romanum, ac supremo vrbis Senatu Collegium Cardinalium: tum Patriarchas Præfectis Prætorio diocesum, Exarchos & Primates Proconsulibus & Legatis, Rectoribus prouinciarum Metropolitanos, demum Episcopos Magistratibus cuiusque ciuitatis.

II. Cardinalium S.R.E. Collegium primitiuo Clero Romano suffectum est, qui Papam suis consiliis in vniuersali ecclesia regenda coadiuuare consuevit, vices pontificias viduatæ ecclesia supplere, & præpositi sollicitudinem ab ecclesiæ incunabulis gerere, adeout S. Cyprianus tertii seculi scriptor Clerum Romapum florentissimum cum S. Cornelio Papa præfidere dixerit veracissime, suamque sententiam de pace lapsorum consilio, iudicioque illius Cleri subiecerit (a). Vocabulo igitur

V 2

tur

(a) In ep. 55 S. Cypriani ad Cornelium Papam de Fortunato & Felicitissimo, siue contra hæreticos, iuxta ordinem Pamelii & Balutii, hæc leguntur. *Florentissimo illie Clero tecum presidenti.* Ad Clerum Carthaginensem de secessu diui Cypriani scribens Clerus Romanus ep. 2 inter Cyprianicas, sua præpositi sollicitudine vtitur, viceque Pastoris in Carthaginensi ecclesia deficientis supplet, sic inquires: *Didicimus secessisse benedictum Papam Cyprianum... & cum incubat nobis, qui videmur præpositi esse & vice pastoris custodire gregem &c.* De hisce Cleri Romani ad Clerum Carthaginensem litteris loquens S. Cyprianus ep. 22 ad Clerum Roma consistentem scripsit, in quibus (ait) euangelii plenus vigor & disciplina robusta legis Dominice continentur. *Laborantes hic nos, & contra inuidie impetum totis fidei viribus resistentes multum sermo vester adiunxit, ut diminuis compendium fieret, & priusquam venirent ad vos litteræ, quas vobis proxime misi, ut declararetis nobis, quod secundum euangelii legem nobiscum fortiter atque vnanimiter etiam vestra sententia concurrat.* Rursus in ep. 29 ad presbyteros & diaconos Roma consistentes S. Cyprianus sententiam suam de lapsis referre studuit, quia & dilectio communis (ait) & ratio exposcit, fratres carissimi, nihil conscientia vestra subtrahere de his, quæ apud nos geruntur, ut sit nobis circa utilitatem ecclesiastica administrationis commune consilium. Clerus vero Romanus ep. 31 ad Cyprianum ita rescripsit. *Pro tua verecundia & ingenua industria consiliorum tuorum nos non tam iudices voluisti, quam participes inueniri, ut in tuis rebus gestis laudem tecum, dum illas probamus, inueniremus.* Subditque prope finem huiusmodi epistolæ sese temperamenti Cypriani: moderamen tenere, & cum quibusdam episcopis vicinis, pon-

tur longe vetustior est res ipsa & dignitas [a]. Romanæ ecclesiæ Cardinalium, splendorem externum una cum apostolicæ Sedis maiestate sensim processu temporum adeptæ.

III. In synodo Romana II sub S. Syluestro [b] primum occurrit vox *Cardinalis*, & septem in vrbe Roma diaconos Cardinales fuisse: at commentitia istius synodi acta in comperto sunt eruditioribus. Seculo V reapse Gelasius Cardinalem episcopum dixit, puta perpetuum & fixum, ut eum distingueret ab episcopo visitatore, seu subsidario & commendatario [c]. Sequenti autem seculo S. Gregorius M. nomen istud dignitatis sæpe usurpauit, tribuitque presbyteris etiam & diaconis a propria, ad quam ordinati erant, ecclesia translatis ad aliam in perpetuum [d], in eaque fixis velut cardinibus. Tum latior patuit notio Cardinalis, ad significandum quemlibet siue episcopum, siue presbyterum, siue diaconum principali cuicunque ecclesiæ perpetuo adscriptum: secus qui in commendam, vel vicario iure ad tempus assu-

me-

pontificia sede iam vacante per obitum S. Fabiani, deliberasse nihil innouandum ante noui Pontificis constitutionem quod ad lapsorum viuentium peccatum, sed moribundis tantummodo penitentibus eam fore indulgentiam. Quot verba, tot patentia monumenta præstantissimæ auctoritatis & dignitatis Cleri Romani in ecclesia vniuersa. Præterea dum Cornelius Papa contraxisse presbyterium contra schismaticos nunciavit S. Cypriano ep. 46 inter Cyprianicas, quid aliud significauit, nisi presbyteros ecclesiæ Romanæ ut Papæ consiliarios, sine quorum consilio nihil agere solebat, congregatæ, atque ad tantam rem deliberandam adfuisse?

(a) Eugen. IV in const. 15 §. 4 to. 1 Bullar. Esi huius dignitatis nomen (ait), quod modo in usu est, ab initio primitiuæ ecclesiæ non ita expressum fuit, officium tamen ipsum a B. Petro, eiusque successoribus euidenter inuenies.

(b) Quam Binius coactam putat an. 324, & in can. presul. 2 qu. 4.

(c) In can. presbyteri 3 dist. 24, ex ep. Gelasii Papæ ad Cœlestium episcopum, ibi: Suprascriptum Iulianum diaconum presbyterii honore decorabis, sciturus eius visitatoris te nomine, non Cardinalis creasse Pontificis.

(d) Can. fraternitatem 5 dist. 71, ubi Fortunato episcopo Neapolitano ita Gregorius M. Fraternitatem tuam a nobis petiisse recolimus, ut Gratianum ecclesiæ Benefrance diaconum tua concederemus ecclesiæ cardinandum. Et quoniam nec episcopum, cui obsecundare; nec propriam habet ecclesiam, hoste scilicet prohibente licentiam, diaconum illum nostra interueniente auctoritate ecclesiæ

sua

meretur (a). Deinde quum in ceteris ecclesiis fere exoleuisset nomenclatura Cardinalium, eam sola ecclesia Romana retinuit.

IV. Horum triplex ordo est; diaconorum, presbyterorum, episcoporum. Regionarios presbyteros in vrbis Romæ titulis seu parochialibus ecclesiis, diaconos in diaconiis seu hospitalibus domibus & regionibus suo martyrum institutos a SS. Pontificibus Evaristo, Higino, Fabiano & Marcello ferunt scriptores (b). Eos posterior ætas appellauit Cardinales regionis primæ, secundæ, tertiæ, & sic reliquarum. Tum posthabita denominatione numerica morem hodiernum instituit nuncupandi N. presbyterum Cardinalem tituli S. Mar-

tus, Deo propitio, constituere Cardinalem duximus concedendum. Heic loci Correctores Romani censent, eum, qui de vna ad alteram ecclesiam trausferebatur, sine episcopum, sine presbyterum, siue diaconum, in priori ecclesia ordinatum, in posteriori incardinatum a Gregorio dici consensisse. Quo sensu idem Pontifex Agnellum Faedorum episcopum, ciuitate ab hoste vastata, cardinalem constituit sacerdotem, puta episcopum Tarracinæ, defuncto Petro istius ciuitatis episcopo, *can. relatio XXI qu. 1.* Idem lib. 1 ep. 73 ad Ianuarium Archiepiscopum Calaritanum scribens, *Liberatus (ait) qui diaconi fungi perhibetur officio, si a decessore tuo non est factus Cardinalis, ordinatis a te diaconibus nulla debet ratione proponi.* A prælaudatis Gratiani Correctoribus dissentire videtur Io: Diaconus in vita S. Greg. M. lib. 3 cap. 2, dum inquit: *Cardinales violenter in parochiis ordinatos forensibus, in pristinum cardinem Gregorius reuocabat.* Quum cardinis nomen primæ etiam ecclesiæ tribuat Ioannes, inde arguitur Cardinalem ordinari æque in secunda, ac in prima ecclesia: & latiuorem cardinandi notionem suo Gregoriano quoque fuisse, quam acceperint correctores.

(a) Hoc sensu Cassiodorus lib. 7 *variar. ep. 3*, Principem Cardinalem dixit Præfectum Prætorio eius vita durante creatum. Alii tamen cum Inreto, & Pancinolo ideo Cardinales dixerunt, quia principales & primos, ad discrimen inferiorum ministrorum: quemadmodum dicuntur virtutes cardinales, ara cardinalis & missa. In ecclesiis Mediolanensi, Rauennatensi, Lucensi, Placentina, Fiorentina, Veronensi viguisse nomenclaturam Cardinalium ostendit Muratorius to. 3 *dissert. 61 edit. Nap.* Atque inter cathedralis ecclesiæ Neapolitanæ Canonicos ordinis quum presbyteralis, tum diaconalis nonnullos adhuc nuncupari Cardinales, recte obseruauit cum Vghello to. 6 *Italia Sacra*.

(b) De Enaristo an. 112 ita liber Pontificalis Damasi: *Hic titulos in vrbe Roma diuisit presbyteris, & septem diaconos ordinauit.* De Higino: *Hic Clerum composuit, & distribuit gradus.* De Fabiano. *Hic regiones diuisit diaconibus.* De Marcello. *Hic viginti quinque titulos in vrbe Roma constituit quasi dioceses.*

S. Marcelli, tit. S. Praxedis, atque N. diaconum Card. S. Agathæ, seu S. Eustachii, & sic deinceps ab ipso parochiæ titulo, diaconiæque nomine. Ad Cardinales presbyteros & diaconos seculo XII accesserunt septem prius, postea sex episcopi suburbicarii, scilicet Ostiensis (cui Veliternus vnitus est), Portuensis cum adnexo altero S. Rufinæ, Sabinus, Prænестinus, Tusculanus, Albanus, qui ob locorum propinquitatem simul & Pontifici adesse, & suo non deesse gregi possunt, inquit Cardinalis Brancaccius de suburbicariis hisce episcopis Cardinalibus edisserens.

V. Numerus Cardinalium incertus olim & varius ad libitum summorum Pontificum erat. Non plures quam viginti numerabantur sub Iohanne XXII anno 1331: & vacante Sede per obitum Clementis VI anno 1352 placuit sacro ipsorum Collegio constituere, vt ultra viginti ne in posterum crearentur. Urbanus VI tres supra viginti inuenit, dum Petri Sedem ascendit anno 1378. Grassante schismate Paparum Auenionensium numerus admodum excreuit, quum obedientiæ suæ Cardinales quisque Pontificum sine verus, siue dubius siue illegitimus adlegere studuisset. Synodus Constantiensis anno 1415 præfigere censuit numerum viginti quatuor, ne tantæ dignitati multitudo quid detraheret (a). At paulatim excreuit, præsertim sub Pio II (b), qui conquærentibus vilescere numero Cardinales respondit haud fas sibi esse preces Principum transalpinorum contemnere, & Nationes longinquas in eiusmodi dignitatibus distribuendis omnino præterire. Tum etiam sub Xylo IV, Alexandro VI & Leone X, quo sedente sexaginta duos Cardinales extitisse recenset Cohellius (c). Paulus IV instantibus Cardinalibus in bulla, quam *compactum* vocant, ad quadraginta eos reduci præscripsit: verum alios amplius deligere non abstinerunt & ipse

(a) Rainaldus *ad an. 1331 n. 33*, alibique, & Thomassinus *cap. 114 n. 13 per. 1. lib. 2.* [b] Pius II *lib. 2 commentar. pag. 129.*
 [c] Cohellius *in notitia Cardinalium cap. 3 §. hunc tamen.*

ipse Paulus IV, & eius successores Pius, & Gregorius XIII. Ad extremum Xystus V (a) sancivit, ne Cardinalium numerus septuaginta excederet, perinde congruens cum 70 senioribus in Moyſis adiumentum assumtis, ac 70 discipulis Christi Domini: eisque addixit (b) sex episcopatus suburbicarios, quinquaginta titulos presbyterales (c), & quatuordecim diaconias (d). Xystinus hic ordo stat adhuc.

VI. Diaconias, titulosque semel adeptos mutandi libertas in more veterum non fuit usque ad nefandum Papparum Avenionensem schisma, quod diversæ obedientiæ Cardinalibus necessitate urgente aditum reclusit sub Alexandro V dimittit.

[a] Xystus V *const. 50 edita an. 1586.*

[b] Id. *const. 55 edita an. 1587.*

[c] Prior Xystina constitutio presbyteros Cardinales non amplius 50 præfixit. Posterior tamen presbyterales titulos 51 maluit eum in finem, ut titulus S. Laurentii in Damaso in perpetuum S. R. E. Vicecancellario adnexus quinquagenarum presbyterorum numerum non posset deminueri, quum Vicecancellarii munus obiret vel episcopus, vel diaconus Cardinalis, Cohell. *notit. Car. din. cap. 6 in fin.* Card. de Luca *lib. del Cardinal Prætor cap. 3 n. 4. Vide licet ex antiquis*, ait Xystus *const. 55 §. 2.* S. Crucis in Hierusalem, SS. Marcellini, & Petri, SS. quatuor coronatorum, SS. Ioannis & Pauli, S. Anastasie, S. Sabine, S. Stephani in Coelio Monte, S. Clementis, SS. Nerei, & Achillei, S. Sufanne, S. Pudencianæ, S. Xysti, S. Petri ad vincla, S. Martini in montibus, S. Eusebii, S. Priscæ, S. Vitalis, S. Marci, S. Marcelli, S. Laurentii in Lucina, basilicæ duodecim Apostolorum, S. Laurentii in Damaso, quæ S. Romanæ ecclesiæ Vicecancellario pro tempore existeri perpetuo concessa & assignata est, S. Balbinæ, S. Cæciliæ & Chryſogoni, S. Praxedis, S. Mariæ Transiberim. *Ex posterioribus* vero SS. Quirici, & Iulitæ, S. Ioannis ante portam Latinam, S. Agnetis in Agone, S. Laurentii in Palisperna, S. Thomæ in Parione, S. Sylvestri in Campo Martio, S. Pancratii, S. Bartholomæi in Insula, S. Matthæi in Merulana, S. Mariæ de Araceli, S. Mariæ in Via, S. Mariæ supra Mineruam, S. Mariæ Angelorum in Thermis, S. Hieronymi Illyricorum. His novos alios ab se institutos addidit, videlicet S. Augustini, S. Mariæ de Populo, S. Alexii in Aventino, S. Blasii de Annulo, S. Mariæ de Pace, S. Salvatoris de Lauro, S. Petri in Monte aureo, SS. Trinitatis in Monte Pincio, S. Mariæ Transpontinæ.

(d) Ex Diaconiis antiquis videlicet S. Mariæ in Aquiro, S. Mariæ in Cosmodin, SS. Cosmæ & Damiani, S. Mariæ Nouæ, S. Adriani, S. Mariæ in via lata, S. Mariæ in Portico, S. Angeli in foro piscium, S. Nicolai in carcere Tulliano, S. Mariæ in Dominica, S. Eustachii, S. Viti in Macello, S. Agathæ, ac S. Gregorii ad Velabrum.

mittendi vnum, & optandi alium titulum (a). Tum consuetudine, quam subsequentes Pontifices nedum tolerare, sed etiam probare duxerunt, factum est, ut Cardinalibus in Curia vacationis tempore præsentibus optio detur titulorum vacantium, in Consistorio personaliter facienda, nisi quis detineatur infirmitate in vrbe, aut causa reipublicæ vel Pontificis legatione absit: hic enim sua optandi vice per procuratorem ex ipso collegio deputandum specialiter probe fungitur. Optare gradatim debet antiquior diaconus presbyteralem titulum, & presbyter episcopalem. Quoties tamen deminutus reperiatur XIV diaconorum numerus, nonnisi post exactum in ordine diaconatus decennium quisque Cardinalis diaconus optare presbyteratum ante omnes presbyteros post ipsum ad cardinalitiam dignitatem promotos, dummodo decem saltem cardinales diaconi superessent (b). At vñ non viget privilegium a Xysto V indultum antiquiori diacono optandi episcopatum suburbicarium, quarta dum acciderit vacatio, in concursu presbyterorum (c). Cardinalibus autem adeo infirmis & inualidis, ut nequeant episcopales functiones exercere, optionem suburbicarii episcopatus vertit Urbanus VIII die 20 Augusti 1629. Optio itidem Decanatus S. Collegii nonnisi antiquiori in episcopatu suburbicario Cardinali, qui præsens in Curia vel intra duas dietas adsit, vel pontificia mandata ob causam publicam alicubi expleat, datur post habito episcopo in altera ecclesia, cui præsit, residente (d).

VII.

[a] On. Pansin. *de septem urb. eccles. cap. 3*, Pag. *de vit. Alex. V. 10. 2 n. 15*, Spondan. *ad an. 1410. Card. Brancat. in disc. de optim. sex Episc.*

[b] Ex decreto Concistoriali die 18 Aug. 1597, impresso in *const. 48 Clem. VIII to. 3 Bull. Tarnesi* ante veterat Xystus V *cit. const. 50 §. 7* Diaconis optare presbyteratum, quoadusque suppletus esset numerus XIV in Diaconorum ordine.

[c] Io: B. Spada *conf. 138 to. 1*, & Card. de Luca *in addit. ad cap. 3 del Cardinal Præficio*.

[d] Ex *const. Clem. XII die 10 Ian. 1731*, quæ incipit *pastorale officium*: ubi constitutio Pauli IV conformis innouatur, contraria vero Benedicti XIII abrogatur.

VII. Præcipuum Cardinalium munus est Papam in ecclesiæ vniuersalis regimine consilio & opera coadiuuare (a). Nam vnicum ipsi cum Romano Pontifice Senatum totius Orbis perinde componunt, ac cuiusque ecclesiæ Senatum Canonici singularum cathedralium vna cum episcopo suo: eoque propterea S. Bernardus *collaterales & coadiutores* Papæ appellauit (b). Quandoquidem Sedi apostolicæ iugiter inhærentes officia exequentur & munia Vicecancellarii S. R. E. Camerarii, Magni Pœnitentiarii, Vicarii vrbis, Secretarii quum Status tum Breuium & a libellis, Auditoris, & Legati a latere extra vrbem. Quamplurima item, eaque maxima negotia, quæ in vrbem ex orbe deferuntur, collatis consiliis definiunt tam in Concistorio coram Papa, quam in quindecim Congregationibus Cardd. a Xysto V institutarum ad faciliorem vniuersæ reipublicæ Christianæ, Status ecclesiastici, Romanæque Curia negotiorum expeditionem. Videlicet supremæ Inquisitionis fidei, pro Signatura gratiæ, pro ecclesiarum erectione & prouisionibus concistorialibus, pro annona status ecclesiastici, sacrorum Rituum, pro paranda & seruanda classe ad Status defensionem, indicis librorum prohibitorum, pro executione ac interpretatione concilii Tridentini, pro subleuandis ecclesiastici Status grauationibus, pro vniuersitate studiorum vrbis pro negotiis episcoporum & regularium, pro

Tom. I.

X

viii,

[a] Nicol. III in cap. *fundamenta militantis ecclesiæ* 17 de elect. in 6. Ion. III cap. *bonæ memoriæ* 3 de post. prel. Trid. sess. 25 de ref. cap. 1 in fine, ibi; Cardinalium consilio apud SS. Romanum Pontificem vniuersalis ecclesiæ ministerio nititur. Otho Frising. lib. 1 de gestis Frid. cap. 57, tradit Cardinales contra Gallos, qui eorum auctoritatem contemserant; ita scripsisse ad Eugenium III. Per nos inquam per cardines vniuersalis ecclesiæ voluitur axis. Absentes a cûria Romana Cardinales sine licentia Papæ, vel sine officio ab apostolica Sede inuncto, privandos fore fructibus beneficiorum sanxit Leo X const. 7 §. 28.

[b] S. Bern. ad Eugen. lib. 4 de considerat. cap. 4. Veniamus ad collaterales & coadiutores suos. Hi seduli tibi, hi intimi sunt... an non eligendi de toto orbe iudicaturi? Et Innocentius III in cap. per venerabilem 13 quæ filii sint legitimi. Sunt autem Sacerdotes leuitici generis (ait) fratres nostri, quæ nobis iure leuitico in executione sacerdotalis officii coadiutores existunt.

viis, pontibus & aquis curandis, pro typographia Vaticana, pro Status ecclesiastici negotiis (a). Eisque tres alias addidit Clemens VIII, nimirum pro bono regimine communitatum Status ecclesiastici [b], super Baronibus earum (c), & aduersus bannitos (d). Ad istas insuper accedunt aliae Congregationes temporariae & particulares, quas cogere Papa solet extra ordinem (e). Pontificias item epistolas & decretales prioribus seculis rescribere de sententia Cleri vrbis florentissimi consueuerunt Pontifices Romani, quemadmodum nouae constitutiones ac bullae posteriori aeo nonnisi de consilio Cardinalium prodinere, ac passim eduntur: & non semel inter solemnina inaugurationis sponderunt sese in summi pontificatus muneribus obeundis consilium sacri eorum Collegii adhibituros (f). Tamen haud necessarium esse Cardinalium assensum, vt decreta & constitutiones pontificiae vbi habeant, Bellarminus, Azorius, ceteri plurimi tenent (g).

VIII. Tot tantisque muneribus fulgentem Cardinalium dignitatem magis magisque amplificauit electio Papae actiua & passiuia, de qua inferius: extulitque super omnes alios non modo episcopos, sed metropolitanos etiam & patriarchas, quos praecedunt diaconi & presbyteri Cardinales licet episcopali caractere carentes, sicuti in conciliis generalibus praecessisse commentent acta Conciliorum Lugdunensium I, & II, Florentini, Tridentini, aliorumque. Enimvero paucis retro seculis olim episcopi honorem vel presbyteri vel diaconi Cardinalis renuebant, ne reuocato gradu viderentur a maiore ad minorem descendere dignitatem (h), neue cogerentur epi-

(a) Xystus V in *const. immensa* 74, to. 2 Bullarii; vbi iurisdictionem & facultates singularum eiusmodi Congregationum simul definit.

(b) Clem. VIII in *const. pro commissis* 10 to. 3. Bull.

(c) Idem in *const. iustitia* 41.

(d) Idem in *const. in regendis* 15.

(e) Apud Rigant. in *Reg. VIII* § 2 num. 12.

(f) Id patet ex formulis *libri diurni Pontificum Romanorum* a Io: Garnerio editi.

(g) P. de Marca *lib. 1 de concord. cap. 9 in fin.*

(h) Nam praestat potestate ordinis Episcopus Cardinali presbytero ac diacono: secus dignitate, Card. Bellarmin. to. 2 *controu. lib. 1 de clericis cap. 16.*

episcopatum dimittere (a). Nunc inolita iandiu consuetudine quum episcopi inter Cardinales vel presbyteros vel diaconos adleguntur, tum Cardinales ad episcopatus ab vrbe remotos promoentur, ad residendum in diocesibus obstricti ex sanctionibus Tridentinis, aliisque summorum Pontificum: quia demtis absentibus aut residentia episcopalis, aut legationis apostolicæ gratia, complures adhuc in vrbe & apud Sedem apostolicam remanent semper.

IX. Rubrum pileum eis indulsit primum Innocentius IV anno circiter 1244, quem nequis alius ferret, inhibuit Paulus II. Tum Regulares etiam professos in Cardinalium collegium cooptatos eodem purpureo galero Gregorius XIV decorauit. Urbanus VIII anno 1623 *eminentissimos* nuncupari voluit perinde Cardinales, ac ecclesiasticos Imperii Electores. Demum Innocentius X anno 1645 votum S. Congr. Rituum comprobauit, omnes vt æque Cardinales vno eodemque titulo *Eminentissimi ac Reuerendissimi*, seu *Eminentia Reuerendissima* contenti essent, suaque sigilla coronis, aliisque profanis ornamentis omnino amotis, solo pileo insignirent sub pœna excommunicationis. Verum Benedictus XIV litteris ad Ioachimum Cardinalem Portocarrerum datis die 13 Octobris 1745, tu itaque dilecte fili noster, ait, quum eiusdem Ordinis, Melitensis eques professus existas, habitum professorum proprium, licet inter Cardinales S. R. E. cooptatus deferre debes, octogonam scilicet crucem supra mozzettam, cuius usu & in vrbe & extra illam potiris: nec enim dignitas Cardinalatus ab hac obligatione te eximit, quemadmodum nec alios Cardinales in Ordinibus monasticis aut mendicantibus assumptos a declaratione ha-

X 2

bitus

(a) Thomassin. de vet. ac nou. eel. disc. par. 2 lib. 4 cap. 5 n. 12, & cap. 33 §. primogenitum. Sane (vt Cardinales a Paulo III selecti pro ecclesia reformatanda an. 1538 affirmarunt in consultatione sua) officium Cardinalium, & officium episcopi incompatibilia sunt. Nam Cardinalium est assistere Sanctitati suæ pro gubernanda vniuersali ecclesia, officium autem episcopi est pascere gregem suum, quod prestare bene & vt debet, haud potest, nisi habiet cum omnibus, vt pascit cum grege.

X. Presbyteri, diaconique Cardinales in ecclesiis suorum titulorum, ac diaconiis iurisdictione quasi episcopali in spiritualibus ac temporalibus fruuntur (b), quam ediferunt Franciscus Cardinalis Albitius speciali tractatu, & Thomassinus (c). Proinde beneficia in illis fundata conferunt, dummodo in Romana Curia resideant (d). At a Curia absentes ex qualibet causa necessaria, vel de licentia Papæ etiam si intra duas dietas tempore vacationis commorentur, ea conferre sine specialissimo indulto nequeunt, licet apud suas episcopales dioceses commorentur (e). Quum enim facultas conferendi beneficia titulorum & diaconiarum Cardinalibus ea sub conditione largiatur, si & quousque resideant in Romana Curia: consequens est, ut absentia quælibet vel a culpa immunis impediatur implementum conditionis, & vsum gratiæ conditionalis. In tribus autem basilicis S. Io. Lateranensis, S. Petri, ac S. M. Maioris de vrbe, quæ inter titulos cardinalitios haud recensentur, Archipresbyteri Cardinales diuerso fruuntur privilegio conferendi beneficia inferiora, etiam si absentes a Curia repeniantur (f).

XI. Nouis constitutionibus, & Regulis Cancellariæ per

Papam

(a) Bened. XIV in *const. biennium* num. 2 in *supplem.* Bullarii to. 4.

(b) Honorius III in *cap. his quæ* 11 de *maior. & obed.* rescriptis presbyteros & clericos ecclesiæ titulari S. Laurentii in Damaso obedientiam præstare debere, & sententiis presbyteri Cardinalis sui parere. Hinc ordinariam iurisdictionem Cardinalis titularis iure communi fundatam arguunt Fagnanus, & Gonzalez hoc in textu, secus potestatem ordinis episcopalis, Cironius in *not. ad hanc decretal.* in 3 *compil.* Bened. XIV in *const. ad audientiam* 11 to. 4 Bull. declarat Cardd. episcopos suburbicarios in propria capellâ intra urbem Romanam subditis suis non posse præter primam Tonsuram conferre maiores vel minores Ordines, nisi post petitum & obtentum Cardinalis urbis Vicarii consensu.

(c) Thomassin. *vet. nou. Eccl. discipl.* to. 1 lib. 2 cap. 26. n. 8.

(d) Ex limitatione *Reg. 8 Cancell. Apost.* inter editas a Bened. XIV, apud Rigan. to. 1, quam satis explicui in *tract. de Benef. eccles.* cap. 5 num. 42.

(e) Rigan. to. 1 ad *Reg. 8* n. 124, & 135. In suburbicario episcopatu quoque suo residens Cardinalis amittit privilegium conferendi beneficia in eadem diocesi vacantia, quæ non ordinario episcopi iure, sed extraordinario indulti pontificii conferri assuevit laudatus Rigan. citus.

(f) Card. de Luca in *lib. del Cardinal pratico* cap. 18. n. 2, & *segg.*

Papam edendis post primam Regularum editionem non comprehendendi Cardinales, nisi vel isdem faueant, vel de ipsorum consilio editæ fuerint, vel expressam eorundem faciant mentionem; edixerunt primum Leo X, tum successores Pontifices inter Cancellariæ Regulas, quemadmodum & nouissime Papa Benedictus XIV in Reg. 70. Idemque Pontifex a constitutione quum Xyli V., tum sua *de damni* dati poenis in ecclesiastica ditone exemptos palam Cardinales edixit (a). Quod vero ad iam editas constitutiones ac Regulas, quæ Cardinales etiam obstringunt (b), multiplicia indulta solet ipsis largiri Sedes apostolica, quorum tenor attendendus est, ne communes iidem leges contemnant extra fines dispensationis (c).

XII. Præstat inter omnia indultum de facultate conferendi beneficia Sedi apostolicæ reservata, Regulis Cancellariæ non obstantibus, quod singulis Cardinalibus concedi consuevit. Huius virtute ordinaria episcoporum iurisdiclio reservationibus apostolicis sopita excitatur & in integrum restituitur Cardinalibus in Romana Curia præsentibus, aut de licentia Papæ inde absentibus, ut omnia & quæcunque beneficia nedum sui tituli cardinalitii, verum etiam cathedralium ecclesiarum & dioecesium, abbatiarum & monasteriorum sibi commendatorum (d) perinde valeant conferre, ac si reservationes, affectiones, regulæ & constitutiones huiusmodi non apparerent (e). Ex his verbis concludunt Doctores hocce indulto non

(a) Bened. XIV. in *const. inneterata* 38 §. 4, to. 4 Bullarii.

(b) Felin. in *cap. ad aures* 11 *de rescript.* Fagnan. in *cap. ne pro dilatione de penis. & remiss.* num. 55, & seqq. Fallacem est Ancarani, & Romani opinio Cardinales eximens ab editis constitutionibus & regulis, perinde ac ab edendis.

(c) Anastasius Germanicus in *tr. de indultis apostolicis Cardinalium*, in 25 articulos seu §§. dissectum indulti tenorem a Xysto V concessi, Hier. Cardinali Ruvereo, velut omnium exemplar edidit, doctique illustrat commentariis.

(d) Ex §. *tibi quoad vixeris*, §. *in ratione*, §. *nec non quatenuscumque*, & §. *quibuscumque* citati indulti apud Germanicum.

(e) Ex §. *commendare* cit. indulti. Consonant verba subsequæntis §. *aliquin provisiones*, ibi: *Decernentes reservationes, affectiones, regulas, constitutiones & ordinationes ... quoad impediendum te, quominus in præmissis tam ordina-*

non augeri ordinariam iurisdictionem novis facultatibus, sed redintegrari solummodo ad primarium, quo ea vigeat, statum; nec ius extraordinarium largiri, sed obstacula Regularum Cancellariæ remoueri (a). Expressa quidem continetur indulto potestas conferendi beneficia Sedi apostolicæ reservata ratione familiaritatis vel præmortui Papæ vel Cardinalium vel notariorum & scriptorum, aliorumque officialium Sedis apostolicæ (b), vel in titulum perpetuum vel in commendam clericis secularibus conferri solita (c); etiam electiva (d), sine tamen præiudicio eorum, qui ius habent eligendi.

XIII. Excipiuntur nihilominus indulto primum Dignitates maiores cathedralium, & principales collegiatarum (e); monasteria concistorialia, quibus scilicet abbates perinde præficiuntur, ac cathedralibus episcopi per cedulam Concistorii; & conventum habentia puta monachorum sub regulari disciplina coniuventium; & quorum fructus in libris Cameræ apostolicæ taxati reperiuntur (f), excedentes videlicet valorem florenorum 63 $\frac{1}{2}$, quos etiam ducatos Cameræ hodie appellant. Deinde beneficia vere familiarium regnantis Papæ, vna & continuorum commendalium, etiam si obissent, dum adhuc Cardinalis erat (g). Ad extremum vacantia apud Sedem apostolicam seu in Curia (h), quod vnum idemque sonat, scilicet per obitum in vrbe vel intra duas ab vrbe distans; aut per promotionem beneficiarii ad episcopatum; aut dimissionem in Papæ manibus, aut amissionem poenalem. Tamen hæc apud Sedem seu in Curia vacatura beneficia Papa se non collaturum spondet (i), nisi Cardinalis indulto fruens consensum suum in Cancellaria per semetipsum, si præsens in

Cu-
dinaria auctoritate, quam concessio tibi per presentes indulto huiusmodi vi valeas ad dicta beneficia ad suam etiam cum alio vel aliis dispositionem pertinentia, nullatenus se extendere.

(a) Puteus dec. 220 n. 2 lib. 1, & dec. 93 lib. 3.

(b) §. Etiam ex eo.

(c) §. Quibusvis personis.

(d) §. Ac beneficia.

(e) Etiam si secularia.

(f) §. Regularia vero.

(g) §. Præterquam ratione.

(h) §. Quæ extra dictam Curiam.

(i) §. Si vero illa.

Curia sit, vel per procuratorem, si abfuerit, præstiterit: alias nullius erit momenti collatio pontificia (a). Excipe, si resignatio in fauorem certæ personæ facta sit, ad quam perficiendam consensus haudquaquam requiritur Cardinalis vel titularis vel commendatarii vel ordinarii collatoris.

XIV. Quum ista quatuor exceptionum genera firment in ceteris casibus contrariam regulam: censebat Germonius (b), quæ duabus, pluribusue reservationibus licet cœqualibus obnoxia sunt beneficia extra Curiam vacantia, ea posse Cardinalem vi indulti conferre: nam tenor indulti fere idem non limitare videbatur vnicam reservationem, nec excipere duas reservationes. At vero iussu Pauli V anno 1615 re perpenſa aliter censuerunt celebres Rotæ Auditores Vbalduſ, & Verospius (c). Tum Vrbanus VIII (d), & Alexander VII (e) aperte prohibuerunt Cardinalibus indulto fruētibus collationem beneficiorum *duplici equali personali* reservationi subiectorum. Secus ergo erit, si reservationes essent aut disparis generis, puta si personalis reservatio cum reali vel locali vel temporis reservatione concurreret: aut si essent inæquales, & altera alteram absorberet.

XV. Collatio tamen beneficiorum in octo mensibus apostolicis vacantium, aliorumque reſeruatorum, quam faciunt Cardinales vigore indulti, reuocabilis erit, nisi eam Pontifex litteris apostolicis *novæ prouisionis* vulgo dictis ratam habeat: quas is, cuius interest, assequatur oportet intra quatuor vel plures indulto condictos menses, alias iure cadet suo (f). Hæc *novæ prouisionis* litteris ea semper adiicitur clau-

(a) §. *Alioquin prouisiones* cit. indulti, & Reg. 32, & 33 Cancellariæ de impetrantibus benef. pro obit. familiar. Cardinal.

(b) Eodem tract. de indult. Card. §. *commendare* n. 33.

(c) Apud Gratian. *discept.* 982 n. 13, & seq.

(d) In *const.* quamvis 165, to. 4 Bullarii, die 15 Iulii 1642.

(e) In *const.* cum nouiter 171 to. 5 Bullarii. Fagnan. in *esp. sicut vnire* n. 49 de excess. Præl. Rigan. to. 1 ad Reg. 1 Cancell. §. 2 n. 20.

(f) Rigan. ad Reg. IX. n. 52, & 151 to. 2. Videſis quæ dixi in tract. de Beneficiis *cap.* 7 num. 17, edit. 2.

clausula: *dummodo beneficia prefata sub indulto comprehendantur*. Cuius virtus est, ut validam Cardinalis collationem firmet, secus inuolidam de beneficiis exceptis.

XVI. Ad exceptiones indulti iam dictas adduntur & beneficia perpetuo Sedi apostolicæ reservata, puta per constitutionem perpetuam (a). Huius generis sunt crecta in solo Lateranensi: quæ viduata episcopali Sede vacauerint (b), aut per obitum conclauiatarum, secus dapiferorum (c).

XVII. Quod modo expendimus indultum conferendi beneficia reservata, *ordinarium* nuncupant Doctores, propterea quod Ordinariis conceditur collatoribus, iisque eo restituitur submotis Cancellariæ Regulis vetusta facultas ordinaria. Quamobrem fauorabile cum putetur, benigniorem suscipit interpretationem, vigeatque papali etiam Sede vacante. Haud parum proinde differt ad indulto *extraordinario*, quale est, quod aliquando Cardinali ecclesiam episcopalem, vel abbatialem dimittenti Papa largitur conferendi beneficia ecclesiæ dimissæ in octo mensibus apostolicis vacatura, quatuor aliis mensibus ordinariis successoris episcopo vel abbati relictis. Hoc enim odiosum est, strictæque interpretationis, & quoadunque pontificia Sedes vacauerit, una cum Cancellariæ Regulis expirat: quum Ordinarii collatoris iurisdictio tum reuiuiscat (d). Præterea si ad aliam episcopalem vel abbatialem ecclesiam translatus Cardinalis erit, & beneficia in hac posteriori conferat ecclesia uti Ordinarius collator a Regula mensium exemptus: tunc etiam expirat indultum conferendi beneficia prioris ecclesiæ dimissæ, ex const. 60 Urbani VIII, quæ inhibuit ne Cardinales pluribus eodem tempore indultis vterentur in duabus ecclesiis, altera dimissa, & altera, cui actu præessent (e).

XVIII.

(a) Rigant. *ad Reg. IX. n. 12. to. 2.* (b) Idem *to. 1. pag. 314. n. 414.*

(c) Idem *to. 1 pag. 608 n. 16 & pag. 383 n. 130.*

(d) Germon. *in §. per qua sublati n. 93 ad 99, Rigant. to. 2 ad Reg. IX. §. 4 n. 9, & segg. contra sententiam Card. de Luca disc. 31 de benefic.*

(e) Card. de Luca *disc. 3 de benefic. num. 16, Rigant. in Reg. IX. §. 3. numer. 69.*

XVIII. Plura item beneficia licet incompatibilia retinendi privilegium iis, qui ad Cardinalatum promouentur, perpetuo largitus est Xystus V (a), scilicet metropolitanas & cathedrales ecclesias, monasteria etiam commendata, prioratus, cetera omnia beneficia, *que videntur* (ait) *conuenire dignitati Cardinalatus*. Secus alia, quæ tanto gradui repugnant, veluti archipresbyteratus, archidiaconatus, decanatus, canonicatus & similia: quum obtinentes huiusmodi beneficia & residere in choro, & habere debeant locum post episcopum, dignitati Cardinalis non congruentem. Mos vero inualluit nonnisi Cardinalibus conferendi archipresbyteratum in tribus Romæ basilicis patriarchalibus S. Io: Lateranensis, S. Petri, & S. M. Maioris [b].

XIX. Immunes sunt insuper a taxis Cancellariæ in expeditione litterarum apostolicarum, excepta componenda, dummodo sex saltem menses urbem assidue incoluerint: aliter speciali mandato pontificio expediendi gratis opus habent (c).

XX. Consensus privilegio gaudent, quem expetere impetrantes beneficia familiarium ipsorum Cardinalium a Sede apostolica debent. Irrita enim habebitur collatio pontificia, nisi Cardinalis patronus defuncti vel renunciantis beneficiarii suum præstiterit in Dataria consensum personaliter, si adsit; aut absens per procuratorem, ex Reg. 32 Cancellariæ. Quod si ea beneficia ad alterius Cardinalis collationem pertinerent, ubi extra Curiam ex. gr. vacassent: Cardinalis patroni ex nouis constitutionibus, non Cardinalis collatoris ordinarii consensus in apostolica expeditione requiritur (d). Absens quoque cito reuersurus Cardinalis patronus vititur consensus prærogatiua,

Tom. I.

Y

si post

(a) In *const. sanctissimus* 79 to. 2 Bull., quam refert Iacobus Gohellius in *notit. Cardinal. cap. 9*, Hoieda de *incompatibil. par. 1 cap. 2*.

(b) De ipsorum iure in conferendis beneficiis earundem basilicarum inferioribus iam dixi in *tract. de beneficiis cap. 7 num. 20, & cap. 5 num. 42*, edit. 2.

(c) Rigant. 10.3 in *Reg. 27 n. 101, & seqq.*

(d) Rigant. ad *Reg. 33 n. 29 s. 3.*

si post obitum familiaris sui ad urbem infra decem vel quindecim dies reapse regressus sit, ex eadem Regula.

XXI. Pensiones transferunt suas pro medietate coram solo notario & testibus, indultum si obtinuerint eo tenore, quem refert Card. de Luca post *tract. de Pensionibus*. Nam Cardinales plerunque fruuntur indulto pensiones transferendi *clericali caractere saltem insignitis, aut alias pensionum bu- insinodi capacibus*: quales ex. gr. sunt milites Lauretani, aliorumque ordinum equestrium quamvis non clerici (a).

XXII. Testandi facultatem de bonis intuitu ecclesiae quaesitis sine peculiari indulto non potiuntur (b). Sed indulto freti bene testantur per schedulam (c), neglecto testium in supremis tabulis iure civili praescriptorum, perinde ac milites: dummodo rei veritas satis ex ea appareat, nullaque falsitatis suspicione laborare schedula videatur.

XXIII. At Iulius III declaravit *paramenta ac ornamenta a Capella ipsorum Cardinalium iam tanto tempore, quod eius initii hominum memoria non habetur, Capellae apostolicae, in qua Missae papales celebrantur, deuolui consueverunt* (d). Mox Urbanus VIII inhaerens constitutioni Clementis VII, abrogauit omnia indulta Cardd. concessa disponendi de sacra domesticorum Oratoriorum supellestiles, decreuitque vt omnia & singula mitrae, pluuiaria, tunicellae, aliaeque ornamenta & vestimenta, ac calices, patena, vasa etiam aurea & argentea, aliaeque res & utensilia quomodolibet nuncupata, praesertim benedicta seu consecrata, quibus S. R. E. Cardinales nunc & pro tempore existentes, etiam praefatam seu quamcunque aliam similem vel dissimilem facultatem apostolicam de illis disponendi, ac ad haeredes etiam ab intestato transmittendi, vt praemittitur, habentes, non solum in Capella Pontificis seu processionibus, caerimoniis, & aliis functionibus pontificiis praefatis, sed etiam in eorum Capellis priuatis hactenus vel in

(a) Ex traditis a Rigantio *to. 3 in Reg. 46 Canc. §. 2 n. 139, & seq.*

(b) Barbat. *in tr. de praesent. Cardinal. qu. 3, & 4, Germon. d. §. quod in Romanam n. 18, & 19.* (c) Card. de Luca *de testam. disc. 2 ad 6.*

(d) Iul. III. in *const. cum sicut 7 to. 1 Bull.*

in futurum pro tempore quomodolibet usi fuerint, ad Sacristiam præfatam (scilicet ad sacellum Cardd. in palatio apostolico) ipso iure spectent & pertineant, & ad illam deferri, illique realiter consignari debeant statim post obitum ipsorum Cardinalium, excepta una tunicella pro quolibet Cardinale diacono, & una planeta pro quolibet Cardinale presbytero, ac uno pluuiæ pro quolibet Cardinale episcopo, ac exceptis candelabris, ac malluvis & gutturniis, bacili e bocali vulgo nuncupatis, etiam aureis vel argenteis (a). Consuevit nihilominus apostolica Sedes peculiari indulto Cardinalibus adhuc tribuere facultatem de iisdem etiam sacris suppellectilibus disponendi, atque ad hæredes suos, siquem intestatum mori contingeret, transmittendi: dummodo tamen de illis in fauorem alicuius ecclesiæ seu Capellæ vel loci pii vel ipse arbitrio suo disponderet, vel per ipsius hæredes & successores, quatenus ipse ab intestato decederet, disponderetur. Hinc Benedictus XIV eos per modum consilii hortatur, ut eas potissimum ecclesias præ oculis habeant, quas siue metropolitanas siue cathedrales, siue abbatiales aut ad ecclesiastica ipsorum beneficia spectantes, gubernauerint & obtinuerint; quas quidem ecclesias be. me. decessor noster (ait) S. Pius Papa V in hoc rerum genere tam amplo privilegio donauit, ut in sua constitutione XXXII, quæ incipit Romani Pontificis, decreuerit & declarauerit, quæcunque ornamenta, paramenta, vasa & alia utensilia sacra ad usum & cultum diuinum in priuatis Capellis & oratoriis episcoporum, abbatum, aliorumque ecclesiastica beneficia obrinensium destinata, sub appellatione spoliolum Camera apostolica debitorum minime venire debere, nec etiam sub quibuscumque testandi facultatibus & indultis comprehendendi; sed ad singulas ecclesias, monasteria & beneficia, in quibus prædicti resederint, aut quibus præserint, seu quæ alias obtinuerint, omnino spectare & pertinere. Tum etiam pari ratione iisdem commendamus ecclesias illas, quarum titulum ac regimen in ipso Cardinalatus ordine obrinuerint, quæ etiam in

Y 2

sancta

(a) Urban. VIII in const. æquum est 166 to 4 Bullarii.

sancta synodo Lateranensi V impense ipsis commendata fuerunt a rec. mem. decessore pariter nostro Leone Papa X (a).

XXIV. Altare viaticum seu portabile valent Cardinales etiam non episcopi adhibere, quum dignitate episcopis præcellant: nam Bonifacius VIII (b) nedum episcopis, sed eorum Superioribus altare viaticum indulsit.

XXV. Leo X in reformatione generali prælatorum ecclesiasticorum, eorumque officialium die 5 Maii 1514, §. 16, oportere, ait, *ut S. R. E. Cardinales vita munditia ac virtutum splendore cunctis præfulgeant . . . Ita sobrie, caste ac pie quisque viuat ut non solum a malo, sed ab omni etiam specie mali abstinens coram hominibus luceat, Deumque in primis operibus honorificet. Sint omnes vigilantes ac diuinis officiis, Missarumque celebrationibus intenti, habeantque Capellas suas in loco honesto, prout facere consueverunt. Sitque eorum domus, familia, mensa, suppellex non fastu aut pompa, neque superfluis rebus neque aliquo modo reprehensibilis, ne peccandi excusandique modum licentia inde nascatur; sed ut æquum est, modestia & frugalitatis speculum dici mereatur. Prælatos & quoscumque alios insignes viros ad Romanam Curiam venientes benigne honorificeque tam publice quam priuatim tractent, & apud nos & successores nostros gratiose liberaliterque eorum negotia commendata suscipiant. §. 17. Ministeria indecora episcoporum, prælatorumque in domibus non habeant, ne pastoralis officii contemptum inducant. Eosque honorifice ut fratres, ac iuncta eorum status decensiam tractent. §. 18. Ne fiant promotores aut defensores Principum aut communis vel quorumcunque aliorum contra quempiam, nisi quantum iustitia & æquitas postulet: sed priuata omni passione semota sedandis & componendis inter quoscumque litibus omni diligentia vacent, incumbant.*

(a) Bened. XIV in const. inter arduas §. 9, data 22 Aprilis 1749, no. 3 Bullarii.

(b) Bonif. VIII in cap. fin. de privileg. in 6, Fagnan. in cap. quod nonnullis n. 5, & seq. de privileg.

hæque . Principum & quorumcunque aliorum ac præsertim pauperum & religiosorum iusta negotia pio promoveant affectu, oppressos & iniuste gravatos pro viribus & officio adiuvent. §. 19. Tituli sui loca præsentem in Curia personaliter, absentes per vicarium idoneum semel quotannis visitent, mores subditorum explorent & corrigant, circa diuinum cultum, & bona ecclesiarum inuigilent. Pro diuini cultus augmento inter viuos donent, vel morientes relinquunt suo quisque titulo vel congruum vnus presbyteri sustentationem, vel quantum necesse putauerint pro ecclesiæ reparatione, aliaue subuentione (a). §. 20. Affines & consanguineos præsertim benemeritos & ope indigentes non negligant: sed ita iis provideant moderate, vt ceteri damnum inde non patiantur, neque scandalum nascatur. Ecclesiarum bona temere non effundant, sed ea in piis & sanctis operibus exponant. §. 21. ecclesiæ ipsis commendatæ debito ne fraudentur seruitio: cathedralibus vicarios idoneos cum mercede competenti præficiant, reliquis ecclesiis & monasteriis de iusto clericorum vel capellanorum, seu religiosorum aut monachorum numero provideant. §. 22. Ædificia quoque, possessiones, & iura qualibet in statu conuenienti conseruent; & diruta instaurent pro boni præfulis & commendatarii officio. §. 23. Luxum ac prodigalitatem in familiarium & equorum numero vetat, simul & fordidam auaritiam: cum domus Card. patens hospitium, portus ac refugium proborum, doctorumque maxime virorum & pauperum nobilium, honestarumque personarum esse debeat. §. 24. Cardd. quisque sacerdotes & leuitas honeste indutos in famulatu habeat, beneficiarios vel in sacris constitutos indui veste vericolori aut indecenti ne patiat. Presbyteri talarem deferant, dignitates & Canonici capatium insuper in publico gestent; scutiferi prope talarem, parafræ-narii breuiorem. Comam neque barbam nutriend; mulas vel equos cum phaleris & ornamentis non ex serico villoso vel plano, sed ex panno vel corio tantum vtantur. Con-

tuma-

(a) Idipsum firmavit Xystus V in *const. religiosa* 55 §. 12, 16. 2 Bullarii.

sumas post tres a prima monitione menses excommunicationem incurrant, post totidem a secunda menses a perceptione fructuum beneficiorum suspendantur, denique post sex a tertia monitione menses beneficiis omnibus ipso facto privati habeantur. §. 25. Id etiam ad Papæ familiares extendit, quibus vestimenta rubri coloris consueta indulget. §. 26. Hæreses, errores, superstitiones vbilibet pullulantes, corruptosque mores, & belli semina inuestigare, ac Papæ referre pro congruis remediis studeant. §. 27. Prouincias ac ciuitates legationis titulo acceptas per sese plerunque gubernent pro maiori parte temporis inibi residendo: quamuis ipsas per vicelegatos, auditores, locumtenentes, ceteros officiales liceat eis administrare cum debitis prouisionibus & salariis. §. 28. Cumque Cardinalis officium in primis versetur in frequenti Romani Pontificis assistentia & Sedis apostolicæ negotiis: omnes Cardinales in Romana Curia resideant... alioquin fructus beneficiorum & omnium officiorum suorum emolumenta amittant, omnibusque privilegiis generaliter & specialiter Cardd. concessis, quandiu absuerint, omnino careant: exceptis tamen illis, quos ratione officii ab apostolica Sede iniuncti vel de Romani Pontificis mandato aut licentia, vel iusto metu, aut quauis alia legitima causa impediente, vel ægrotationis abesse coningat: priuilegia tamen & indulta in suo robore nihilominus permansura voluit. §. 29. Expensæ funebres cuiusque Cardinalis computatis omnibus 150 florenorum summam non excedant: nisi executorum prouidentia iussis de causis ac rationibus plus expendendum esse duxerit (a). Enoquia & castrum doloris prima & nona die fiant, infra octauam vero Missæ de more celebrentur. §. 30. Libertas votorum in sacro senatu vt maior fiat, fas est Cardinali cuique secundum Deum & conscientiam suam libere & impune quodcunque sentiat, dicere. At vota in concistorio

(a) Qua forma, quibusque ritibus sint exequi Cardinalium in Curia Romana obeuntium, quæque celebrandæ, statuit Benod. XIV in const. præcipuum 37 ap. i. Bullarii.

rio data, in eoque gesta vel dicta, quæ possit odium alicuius vel præiudicium vel scandalum parere, non licet eis quomodolibet reuelare sub pœna periurii & inobedientia. §. 31. Si sententium quoque ipsis a Romano Pontifice super aliqua re expressè indictum seruare omnimodis debent sub pœna excommunicationis latæ sententiæ Papæ soli, præterquam in mortis articulo, reseruata. Hactenus Leonis X constitutio (a).

XXVI. Tridentina synodus post expositas in episcoporum electione qualitates, omnia & singula, ait, quæ de episcoporum præficiendorum vita, ætate, doctrina & ceteris qualitatibus alias in eadem synodo constituta sunt, decernit eadem etiam in creatione S. R. E. Cardinalium, etiamsi diaconi sint, exigenda, quos Romanus Pontifex ex omnibus Christianis nationibus, quantum commode fieri poterit, prout idoneos reperit, assumet. Postremo eadem synodus, tot grauissimis ecclesiæ incommodis commota, non potest non commemorare nihil magis ecclesiæ Dei esse necessarium, quam ut beatissimus Romanus Pontifex, quam sollicitudinem vniuersæ ecclesiæ ex numeris sui officio debet, eam hic potissimum impendat, ut lectissimos tantum sibi Cardinales adsciscat; & bonos maxime atque idoneos pastores singulis ecclesiis præficiat; idque eo magis, quod ouium Christi sanguinem, quæ ex malo negligentium, sui que officii immemorum pastorum regimine peribunt, D. N. I. Christus de manibus eius sit requisiturus (b). Tum quæ de ministerio episcopali, & episcoporum moribus, frugalitate, modestia, continentia, humilitate, & iusta reddituum ecclesiasticorum distributione cauit, ea etiam ad sanctæ Romanæ ecclesiæ Cardinales pertinere decernit: quorum consilio apud Romanum Pontificem quum vniuersalis ecclesiæ administratio nitatur, necesse videri potest, non iis etiam virtutum insignibus ac viuendi disciplina eos fulgere, qui merito omnium in se oculos conuertunt (c).

XXVII. Episcopos dignitatem Cardinalis ob onus residen-

di

(a) Leo X in const. superna 7 §. 16, & seqq. to. 1 Bullar. l.

(b) Trid. in cap. 1 sess. 24 de ref. (c) Idem in cap. 1 sess. 25 de ref.

di in urbe Roma iandiu renuisse liquet (a). Morem olim fuisse in ecclesia diutissime seruatum, scribit Hieronymus Platus, ut non alii essent Cardinales episcopi, quam illi septem prius, postea vero sex nimirum suburbicarii; qui ob locorum propinquitatem simul & Pontifici adesse, & suo tamen gregi non deesse poterant: alii vero aliarum ciuitatum episcopi nunquam ad Cardinalatum promouerentur (b). Sed processu temporum Romani Pontifices consueuerunt episcopos vel remotissimos in Cardinalium collegium cooptare cum dispensatione insimul retinendi episcopales ecclesias. Probantibus id aliis alii refellere non destiterunt. Cardinales ad consilium reformationis ecclesie a Paulo III selecti anno 1538 esse incompatibilia censuerunt officium Cardinalis & officium episcopi (c). Patres vero Tridentini posthabito eiusmodi consilio satius duxerunt S. R. E. Cardinales, qui episcopatum extra regiones suburbicarias retineant, adigere ad residendum in eo, quam consuetudinem abolere multis rationibus innixam & comprobata (d). Et Benedictus XIV multa decessorum suorum exempla sectatus rescriptit ad Cardinalem delle Lanze supremum Regis Sardinie elemosynarium, regique sacelli Capellanum maiorem non indecorum sed congruum esse, ut promotus ad Cardinalis dignitatem episcopatum etiam titularem in partibus infidelium sine residendi onere adsumat, munia episcopalia quandoque obiturus in legationibus apostolicis & apud Reges (e).

XXVIII. Ex recitatis constitutionibus, quæ Cardinales ad

(a) Thomassin. par. 2 lib. 3 cap. 5 num. 12, & cap. 33 §. primogenia pluribus id exemplis comprobatur.

(b) Hier. Platus de Cardinalis dignitate & officio cap. 4 §. 1.

(c) Eorum sententia iam recitata superius est hoc tit. num. 8, lit. a.

(d) Ex traditis a Bened. XIV in const. cum a nobis 36 §. 6, to. 2 Bullarii. Idemque Pontifex in const. ad uniuersa 18 §. 25 de residentia episcoporum, eod. to. 2 Bullar. apertius declarauit S. R. E. Cardinales, quipatriarchalibus, primatialibus, archiepiscopalibus, & episcopalibus ecclesiis ex dispensatione apostolica nunc præsunt & in futurum præsunt, comprehendendi ac comprehensos esse sub eadem ipsius constitutione de residentia episcoporum.

(e) Cit. constit. cum a nobis.

ad episcopalem residentiam obstringunt, consequitur obligationem residendi in episcopatibus primum ab vrbe remotis, tum suburbicariis, quam in vrbe esse potiorē. Tridentina synodus decreuit, omnes patriarchalibus, primateis, metropolitanis ac cathedralibus ecclesiis quibuscunque, quocunque nomine ac titulo praefectos, etiam si S. R. E. Cardinales sint, obligari ad personalem in sua ecclesia, vel diocesi residentiam, ubi iniuncto sibi officio defungi teneatur; neque abesse posse nisi ex causis scripto probandis (a), alias post sex absentiae menses quartam partem fructuum, post alios totidem menses quartam alteram ipso iure amittant, & crescente contumacia Romani Pontificis arbitrio ecclesiis etiam priuentur (b). Pius IV executionem eiusmodi decretorum vrgens addidit poenas priuationis tam ecclesiarum, quam facultatis testandi, aliasque arbitrarías (c). Gregorius XIII in concistorio decreuit Tridentina decreta de personali residentia locum etiam contra S. R. E. Cardinales habere. Clemens VIII id etiam in concistorio firmans addidit poenam inhabilitatis ad dignitates maiores, aliasque ecclesias. Tum Urbanus VIII cunctas praecessorum suorum sanctiones innouando statuit omnes & singulos ecclesiis episcopalibus quocunque nomine seu titulo praefectos, etiam S. R. E. Cardinales, in Romana Curia degentes intra mensem vnum (d), extra eam in Italia existentes intra duos, extra Italiam intra quatuor menses a die promotionis suae sese itineri commissuros ad ecclesias & dioceses sibi concreditas; & inde non discedere, nisi obtenta a Romano Pontifice licentia: sub poenis interdicti ab ingressu ecclesiae, & amissionis tam fructuum earundem ecclesiarum pro tempore, quo absentia durauerit, quam facultatum testandi & disponendi de bonis suis, a Sede apostolica sibi alias

Tom. I.

Z

con-

(a) Trid. in cap. cum precepto diuino 1 sess. 23 de res.

(b) Trid. in cap. eadem 1 sess. 6 de res.

(c) Pius IV consl. in suprema 91, to. 2 Bull., 7 cal. Decembr. 1564.

(d) Benedictus XIII in conc. Romano an. 1725, tit. 17 cap. 2, concessit Cardinali vrbis Vicario facultatem protrahendi istud mensis spatium caussa cognita, prout res postulauerit, ad alios quadraginta dies & non ultra.

concessarum, eo ipso absque alia declaratione incurrendis, necnon privationis a regimine & administratione suarum ecclesiarum huiusmodi, aliisque pœnis Romani Pontificis arbitrio infligendis (a). Edixitque nullam aliam causam ab incurfu pœnarum eiusmodi excusare quempiam posse, nisi personalis interuentus in synodis provinciæ vel comitiis regni consuetis ex munere vel personæ vel ecclesiæ adnexo. Nec etiam a prædicta residentia, inquit, & pœnarum præfatarum incurfu volumus excusari S. R. E. Cardinales alicui præfatarum ecclesiarum præfectos seu præficiendos, etiamsi aliquem ex titulis episcopalibus prope urbem obtineant, & in eisdem titularibus episcopatibus urbi proximis resederint, vel in Romana Curia in suis titulis respective, etiam nobis & successoribus nostris scientibus, videntibus & quomodolibet tolerantibus, moram traxerint (b). Ad visitanda vero limina SS. Apostolorum quolibet triennio menses quatuor episcopis citra montes & maria, septem vltromontanis indulgit (c). Insuper ad electionem Romani Pontificis in conclavi faciendam Cardinalibus discessum a sua residentia & moram in conclavi toto Sedis vacantis tempore, duosque præterea menses ad redeundum post noui Pontificis coronationem (d). Quæ omnia innouauit, firmavitque Benedictus XIV (e). Absentes tamen ab vrbe Cardinales quum ob residentiam in suis episcopatibus, tum quauis alia ex causa, rotuli fructu (f) omnino carere, licet bis per annum Romam accesserint (vt olim fiebat) statuit Benedictus idem XIV (g). Accedentibus ad urbem ex legitima causa quotam ex eo capere consuetam, tempori, quo Romæ versentur, respondentem indulgit: iique Papam in primis adeant salutatum, nec Roma discedant sine ipsius licentia,

(a) Urbem. VIII in *const. sancta synodus* 139 to. 4 Bullarii.

(b) Ibidem §. 10.

(c) §. 12.

(d) §. 13.

(e) Bened. XIV in *const. ad uniuersa* 18, to. 2 Bullarii.

(f) Pecuniæ nimirum S. R. E. Cardinalibus Romæ degentibus distribui solitæ velut laborum stipendii, quos ii ferunt in Concistorio, & S. Congregationibus, Sacelloque pontificio, ex Cancellariæ apostolicæ emolumentis. Horum ius exponitur inferius lib. 4 tit. 16 num. 13, & 31.

(g) Bened. XIV in *const. in regimine* 119 to. 1 Bullarii.

tia; innouans in eos Ioannis XXII sanctionem de accessu & recessu præsulum ab vrbe (a).

XXIX. S. Congregatio cœrimonialis Benedicto XIV iubente decreuit, quod Prælatis quum priuata causa tum publica itinerantes, quoties acciderit per vrbes, vbi aliquis S.R.E. Cardinalis adfit, eos pertransire, ipsum honorificæ visitationis officio non defraudent pro conditione temporis & loci (b).

XXX. Quoniam Cardinales membra Pontificis Romani, eiusque corporis pars appellantur: Eugenius IV sacris canonibus sancitum affirmat eos, qui in Cardinalem manus iniecerint violentas aut fugarint aut insecuti fuerint, seu ad hoc dederint consilium vel fauorem, ut criminis læsæ maiestatis reos maximis & multiplicibus pœnis esse plectendos, perinde ac si ipsi violauerint apostolici throni maiestatem (c). Summi præterea Pontifices in bullis cœnæ Domini censueverunt anathema fulminare in eos, potissimum, qui percutiunt, capiunt, detinent vel hostiliter insequuntur S. R. E. Cardinales, aut Legatos & Nuntios Sedis apostolicæ, aut eos a suis ditionibus & diocesisbus eiiciunt, vel mandatum, ratihabitionem, auxilium, consilium, fauorem eo in facinore præstant (d).

T I T. XIV.

De Patriarchis.

- 1 Metropolitæ & primatibus præcellunt patriarchæ.
- 2 Tres initio vrbes primariæ patriarchas totidem habuerunt, Romanum æcumenicum, Alexandrinum & Antiochenum: Hierosolymitano concessus honor post eos patriarchicus.
- 3 Post varias & diuturnas contentiones Constantinopolitano

Z 2

ar.

(a) Io. XXII in extrauag. nisi debeat 3 de maiestate & obedientia.

(b) S. Congr. cœrimonial. die 23 Nou. 1742, apud Bened. XIV in append. ad to. 2 Bullarii num. 5.

(c) Eugen. IV in const. non mediocri 15 §. 6 to. 1 Bullar.

(d) Bened. XIV in const. pastoralis 14 §. 11 to. 1 Bullarii.

- archiepiscopo concessus est, instantibus Græcis Imp. & episcopis, primus post Romanam Sedem locus patriarchicus.
- 4 Romani patriarchæ dignitas in suburbicariis ecclesiis semper patuit, quamvis earum limites in questione adhuc sint.
 - 5 Prouincias suburbicarias inuadere non dubitarunt Constanti-
nopolitani archiepiscopi.
 - 6 lique sibi titulum æcumenici patriarchæ arrogantes nefarii
schismatis auctores fuerunt, quo factum est, ut titularem
Constant. Patriarcham consueuerint Romani Pontifices crea-
re, sibi alterum schismatici.
 - 7 Alexandrina Sedes orthodoxos primum patriarchas, mox hæ-
reticos interpolate cum catholicis habuit, binos schismaticos,
alterum Coptum Alexandriæ, alterum Abyssinum in
Æthiopia sedentem.
 - 8 Antiochena pariter ecclesia alios primum catholicos, alios
mox hæreticos plerumque habuit, deinde Maronitas ortho-
doxos in Monte Libano residentes.
 - 9 Simul & Græcos Melchitas nunc etiam catholicos.
 - 10 Hierosolymitanus honorarius primum patriarcha sub Theo-
dosio Imp. tribus præfuit Palæstiniis.
 - 11 Sedem Hierosolymitanam latinis imperantibus catholici reapse
renuerunt, post barbarici Terræ sanctæ seruitutem titula-
res patriarchæ successerunt.
 - 12 Collapsæ in hæresim, euerseque patriarcharum Sedes ostendunt
Romanæ perpetuitatem nunquam Christi verbo defecuram.
 - 13 Patriarcharum dignitas humano iure finibus limitata nun-
quam valuit eos ab æcumenico Romano eximere.
 - 14 Priscis iam dictis patriarchis alii postea superadditi.
 - 15 Nimirum Aquileiensis & Venetiarum.
 - 16 Indianus apud Thessaliam archiepiscopus Pharsalicus.
 - 17 Vlyssiponenſis demum in Lusitania archiepiscopus.
 - 18 Peculiaria eorum iura duodecim recensentur.
 - 19 Patriarchæ vox, quam dignitas in ecclesia, antiquior.

Patriarcha, idest Patrum princeps, vt ex ipso vocabuli sono definit S. Isidorus (a), summo fungitur honore, præcellens post Cardinales compluribus & metropolitanis & primatibus prouinciarum & diocesium: quum Sedes patriarchicæ in maximis tantum vrbibus erectæ sint.

II. Post ruinam monarchiæ Græcorum quum coaluissent in vnum imperia Occidentis & Orientis, tres æuo Apostolorum supereminebant in orbe Romano vrbes primariæ, *Roma, Alexandria & Antiochia*. Totius Orbis domina *Roma* occidentales præcipue regiones administrabat. *Secundam* sub sole vrbem *Alexandriam* appellauit Chrysostomus (b), vbi Præfectus augustalis Ægypto, Africæ & regionibus imperabat meridionalibus. *Antiochia* orbis Romani tertia metropolis dicta a Iosepho (c) est, atque a Chrysostomo (d) mater vrbium orientalium. Eodem ordine sublimiorem, (quæ *archiepiscopalis* primum, recentiori deinde nomine *patriarchalis* nuncupata est) auctoritatem super occidentalibus ecclesiis peculiarem episcopo *Romano*, qui ceteroqui patriarcha cecumenicus reuera est, reliquit; alteram super meridionalibus *Alexandrino*, tertiam *Antiocheno* super orientalibus detulit consuetudo vetustissima ab Apostolorum (e) moribus deriuata.

(a) S. Isidor. in *can. eleros* 1 dist. 21. (b) Chrysost. *orat.* 22.

(c) *Lib. 3 de bello Iudaico cap. 7.* (d) *Hom. 5 ad populum.*

(e) S. Leo M. ep. 53 ad *Anatolium* tres primarias Patriarcharum sedes instituto *Apostolorum Principis* adscribit, easque stabiliter permanfurus iussit. Nicolaus I in *resp. ad consulta Bulgarorum cap. 92. Desideratis nosse* (scribit) *quos sint veraciter Patriarchæ? Veraciter illi habendi sunt Patriarchæ, qui Sedes apostolicas per successiones Pontificum obtinent: idest qui illis præfunt ecclesiis, quas Apostoli instituisse probantur, Romanam videlicet, & Alexandrinam, & Antiochenam.* Hincmarus *opusculi. 55 cap. 16. Cum multi sint Apostoli* (ait): *pro ipso tamen Principatu sola Apostolorum Principis Sedes in auctoritate conuulsit, quæ vnus est in tribus locis. Ipse enim sublimauit Sedem (Romanam), in qua etiam quiescere, & præsentem vitam finire dignatus est. Ipse decorauit Sedem (Alexandrinam), in quam Euangelistam discipulum (Marcum) misit. Ipse firmauit Sedem (Antiochenam), in qua septem annis quamuis discessurus sedet.* Hinc dignitatem Patriarcharum fuisse ab Apostolis inritutam putant Baron. *10. 1 annal. ad an. 39 num. 16, Petr. de Marca de concord.*

uata. Eamque prima synodus Nicœna ratam habuit, dum *can. 6 (a)* decreuit antiquos esse mores seruandos, qui sunt in *Ægypto, Libia, & Pentapoli*, ut Alexandrinus episcopus horum omnium haberet potestatem: quia & urbis Romæ episcopo parilis mos esset. Similiter & in Antiochia, ceterisque prouinciis prouilegia sua unicuique seruanda ecclesiæ. Ad hæc subdit sequenti *can. 7 (b)*, *Helia*, idest Hierosolymæ episcopo ut honor deferretur, solius puta præcedentiæ post Antiochenum, ex more antiquo, manente tamen propria metropolitana ciuitatis dignitate seu potestate.

III. Imperiali autem Sede translata Byzantium, quæ anno 330 *Constantinopolis* & nouæ Romæ nomen accepit, Metrophanes eius urbis episcopus, licet Heracleensis metropolitæ, & Antiocheni patriarchæ ad ea usque tempora suffraganeus, eiusque successores non modo iura patriarchica sibi usurpare in tribus diocæsisbus Thraciæ, Ponti, & Asiæ sunt aggressi: verum etiam superbo patriarchæ œcumenici titulo vtentes prouincias occidentales intra fines Romani patriarchatus & diocesium occidentis sitas inuadere, ac patriarchicam Romani Pontificis dignitatem æmulari cœperunt, effrænæque ambitione, propitiis Imperatoribus, & conspirantibus suarum partium episcopis primum ex thronis patriarcha-

ro. 1 lib. 1 cap. 3 n. 5, Richer. *hist. conc. to. 1 cap. 1 num. 14*, Christ. Lupus *can. 4 Nic. par. 1*, Emm. Schellstrat. *antiqu. illustr. par. 1. diff. 1. cap. 3. art. 1*, Leo Allacins de *eccl. Occid. & Orient. consens. lib. 1 cap. 2*, ceteri. Contra Ludouicus Ellies du Pin de *antig. eccl. discipl. diff. 1. §. 6*, negat fuisse ab Apostolis instituta iura patriarchica in prædictis ecclesiis primariis, licet eas Apostoli fundauerint: quod plures alias ecclesias & cathedras quidem fundarunt Apostoli, puta Corinthi, Philippi, Thessaloniciæ, Ephesi, quæ ideo apostolica dictæ sunt, patriarchales non item. De quibus loquens Tertullianus lib. de *prescript. percurrere*, inquit, *ecclesias apostolicas, apud quas ipsa adhuc cathedre Apostolorum suis locis præsidentur*. At vero a Patribus Nicœnis inclitam antiquis monibus trium Patriarcharum dignitatem probantibus saltem in hoc bene refellitur Dupinius, quod non ante Constantinum agnouerit institutionem diocesium patriarchalium.

(a) Nicæna synodus in *can. mos antiquus 6 dist. 65.*

(b) *Can. quoniam mos 7 dist. 65.*

charum vix post Romanum contendere, deiecto exinde Alexandrino archiepiscopo, tum reliquis etiam patriarchis in subsequentes abire gradus compulsi (a). Quum tantam, quæ tan-

(a) Concilium Constantinopolitanum an. 381 *can. 3*, *Primum honoris* detulit episcopo Constantinop. post Romanum, *propterea quod ipsa (ait) sit iunior Roma*. Nestarius Constantinop. idcirco inter episcopos eidem concilio primus comperit subscripsisse. Theodosius Imp. in *l. 3 C. Th. de fide cathol.* agens de orthodoxorum episcoporum cum primatibus cuiusque diocesis communionem, Nestarium in primis nominavit, deinde Timotheum Alexandrinum, ceterosque. Patres autem Constantinop. in *ep. synodica* ad Damasum Papam, & concilium Romæ congregatum, nuntiata quum ordinatione Nestarii in episcopum Constantinop. ecclesie, tum renouatione canonum Nicænorum de diocesis & prouinciis diuisis, retinuerunt omnino decretum ab ipsis primatum ecclesie Constantinop. Et supra iam retuli *tit. 6 cap. 1 de conc. gener. pag. 65, & 66*, canones fidei tantum concilii Constantinop. I fuisse a Damaso confirmatos, secus decreta discipline. Negat quoque S. Leo M. *ep. ad Anatolium* hosce discipline canones conc. Constant. I a Romana vnquam ecclesia receptos. Honorarium ne solummodo primatum, an potestatem quoque in dioceses aliquot patriarchicam largiti Patres istius concilii sint, dissentiunt acriter interpretes. Quæstio hæc satis detegit fraudem Constantinop. episcopi ab honorario primatu ad potestatem diocesanam irrepentis. Porro Anatolius Constantinop. tribus fauentibus metropolitibus, a Theodosio Imp. ad Orientem delegatis, fategit, vt *act. 15 synodi Chalcedonenlis* absentibus Sedis apostolicæ Romanæ Legatis concederetur *canon 28*, quo ius patriarchicum Sedi Constantinop. confirmatum est cum iure ordinandi metropolitanos in diocesis Thraciæ, Ponti, & Asiæ. Cumque Legati adfuissent sequenti *act. 16*, & canonem 28 coram ipsis recitatum circumscribi & renocari iussissent, vti Nicænis regulis aduersantem, & ab aliis, præter quam ipsis Legatis, quorum intererat, relatum, atque a ducentis solum Patriarchis, quos ii circumuentos ad id asserebant, subscriptum: Patres tamen summa omnium consensione comprobauerunt. Deinde in *ep. synodica* ad Leonem Papam declararunt se consuetudinem longi temporis ecclesie Constantinop. eiusmodi synodico decreto firmasse. At S. Leo M. eodem apertissime repudiato, antiqua prouincialium Primatum iura seruanda rescripsit in *ep. 53, & duabus segg. ad Anatolium, Marcianum Imp. & Pulcheriam A.* In quinta synodo Vigilii Papa quare non aduisset, vna causarum fuit præcedentis dissidium inter Patriarchas. Quinquefida synodus Trullana an. 692, Iustiniano Rhinometo imperante coacta, renouato concilio Constantinop. I decreto prinelegia, quæ Roma senior haberet, similia tribuere Sedi Constantinop. non dubitauit, *can. renouantes 6 dist. 22*, quem canonem sextæ synodo male inscribit Gratianus. Sed synodum hæc erraticam meritisime appellauit ven. Beda, cuius plerisque canones reiectos ab ecclesia Romæ fuisse compertum est: quum Sergius I Papa confirmationem eorum a prælaudato Imperatore postulatam recusauerit, vt refert Anastasius bibliothecarius. Nec Hadrianus I in *ep. ad Therasium Arch. Const.* nec septima synodus *can. 1*, alios ex canonibus Trullanis receperunt, nisi qui iure

tandem in exitiosum schisma euasit, audaciam cohibere non valuisse S. Damasus, S. Leo M., Gelasius, S. Gregorius M., Nicolaus I, Leo IV, ceterique: tandem synodus VIII ab Hadriano II confirmata, & Innocentius III in concilio Lateranensi IV (a), instantibus græcis Imperatoribus, decreuere primum post Romanam Sedem locum Constantinopolitanæ, secundum Alexandrinæ, Antiochenæ tertium, & Hierosolymitanæ quartum, seruata cuilibet propria dignitate.

IV. Romanum Pontificem ab ecclesiæ primordio in ecclesiis suburbicariis patriarchica potestate vsum semper fuisse, licet inficias iuerit nemo: plurimi tamen in definiendis provinciarum suburbicariarum limitibus certant acerrime. Quidam post Io. Gothofredum, & Cl. Salmasium ecclesias suburbicarias perinde intra centesimum ab vrbe lapidem claudunt, ac loca Præfecto vrbi subiecta (b). Alii cum L. Dupinio

ac dininitus promulgati sunt.

Longæuas summorum Pontificum contradictiones synodis orientalium decretis pro Sede Const. fregit summa Imperatorum gratia: præsertim Theodosii (ex Socrate lib. cap. 28), Basilisci tyranni (ex Euagrio lib. 3 cap. 7), Zenonis in l. decernimus 16 C. de sacros. eccles. & Iustiniani Nouell. 131 cap. 2, ibi: *Sancimus* (ait) ... *Archiepiscopum Constantinopoleos nouæ Romæ secundum habere locum post sanctum Apostolicum senioris Romæ: aliis autem omnibus Sedibus præponatur*. Posthæc octaua synodus œcumenica, seu Constantinop. IV an. 869. can. 21, quum anathematis muerone debitum Patriarchis honorem vindicandum, tuendumque sanxisset: primum gradum Constantinopolitano post Romanum addixit, can. diffinimus 7, & ult. dist. 22. Synodum VIII ab Hadriano II confirmatam esse liquet ex eius ep. ad Basilium Imp. ad calcem actorum exscripta. Hadrianus II in VIII synodo Romana 869 decreuisse legitur locum Patriarchæ Constantinop. post Papam antiquæ Romæ, ceteris digniorem, can. diffinimus 7 dist. 22. Tandem in concilio Lateranensi IV Innoc. III can. 5, *antiqua patriarchatus Sedium priuilegia renouando constituit, vt post Romanam ecclesiam, quæ disponente Domino super omnes alias ordinaria potestatis obtinet principatum, utpote mater vniuersorum Christi fidelium & magistra, Constantinopolitana primum, Alexandrina secundum, Antiochena tertium, Hierosolymitana quartum locum obtineant: seruata cuilibet propria dignitate*.

(a) Innoc. III in cap. antiqua 23 de priuilegiis.

(b) Ex l. 1 §. 4 D. de off. Præf. vrbi. Siquid intra centesimum milliarium (ait Vlpianus) admissum sit, ad Præfectum vrbi pertinet & si ultra ipsum lapidem, egressum est Præfecti vrbi notionem.

pinio (a) ad decem provincias, quæ Vicariatus seu Præfecturæ Romanæ parebant, contrahunt: videlicet Picenum suburbicarium, Campania, Tuscia & Umbria, Apulia & Calabria, Bruttii & Lucania, Samnium, Valeria, Sicilia, Sardinia, & Corsica. In istis enim regionibus quum metropoliticos & episcopos omnes ordinare Papa consuevit, tum eius iniussu nulla inibi res expediri momentosa (b). At vero qui discernunt consociatas in Romano Pontifice varias dignitates, iis videntur viri sagacissimi Göthofredus & Salmasius metropolitica Papæ auctoritatem, & Dupinius exarchicam cum patriarchica male commiscere. Hi proinde alii probabilius cum Iac. Sirmondo (c), Bened. Bacchinio (d), P. de Marca (e), Emm. Schelstrate (f), & L. Allatio (g) Patriarchatum Romanum extendunt per totum Occidentem, quam longe lateque patet, non modo ad solidam Italiæ diocesim (b), sed ad dioceses etiam Illyrici (i) & Africæ, Tom.I. A a quas

[a] De antiq. eccl. discip. diss. 1 §. 11.

[b] Ad hunc respexit morem S. Leo ep. 4, alias 16 ad episcopos Siciliæ sic scribens: *Quam culpam nullo modo potuissetis incidere, si unde consecrationem honoris accipitis, inde legem totius obseruantie sumeretis.* S. Gregorius idipsum indicat ep. 13 ad Rectorem Siciliæ lib. 6, & alibi.

(c) Sirmondo in censura coniectura anonymi Scriptoris de suburbicariis regionibus & ecclesiis: tum in censura vindictarum coniectura alterius Anonymi. Anonymus prior Göthofredus, posterior Salmasius.

(d) In diss. de ecclesiast. hierarch. orig. [e] Lib. 1 de concord. cap. 5.

(f) De antiqu. illustr. diss. 2 cap. 3.

[g] De occid. & orient. eccl. consens. lib. 1 cap. 9.

[h] Eam bipartiebant duobus Vicariis. Priores decem provincias Vicarius Urbis regebat; septem reliquas Vicarius Italia, scilicet Flaminiam & Picenum alterum, Venetiam & Histriam, Æmiliam, Liguriam, Alpes Cortias, Rhoetiam primum, & secundam, quarum in spiritualibus regimen erat penes Exarchum Mediolani, & Metropolitam Rauenæ, & Aquilejæ. Archiepiscopum Milanensem nonnisi prævio Papæ consensu ordinatum ostendit S. Gregorius M. lib. 2 ep. 31. Tamen si S. Ambrosium ab Italiæ episcopis ordinatum, nulla pontificiæ auctoritatis facta mentione, scribit Theodoretus lib. 4 hist. cap. 7, quod inferius eliquabitur.

(i) Præfectus Prætorio per Illyricum duas administrabat dioceses, Macedoniam, & Daciam. Exarcha sacer in Macedonia erat episcopus Thessalonicensis: in Dacia episcopus Sardicensis, siue Iustinianæ I. Holstenius in lucem protulit multas Pontificum epistolas, præsertim Damasi, Siricii, Innocentii, Bonifacii,

quas Præfector Prætorio Italiæ omnino subiecerat Constantinus: præterea Gallias, Britannias, Germaniam, & Hispanias (a). Tanta porro fuit, eritque in perpetuum stabilitas huiusce Sedis, super immobilem Petram fundatæ, ut missis in irritum tot conatibus inferorum, ipsa procedentibus seculis magis magisque inualuerit, effusaque potiat amplitudi-
ne:

ficii, Cælestini, item acta Synodi Romanæ sub Bonif. II, unde liquet Thessaliam, ceterasque Illyrici provincias Romano Patriarchæ paruisse. Antiqua canonica iura Patriarchæ Romani in hac diocesi, & usurpationes vicissim Patriarchæ Constantinopolitani sub Leone I sancto inceptas, & post Bulgarorum, qui præcipuas earum provincias subegerant, conversionem insinuatatas sub Hadriano II, & restitutionem Bulgaricæ diocesis factam Romanæ ecclesiæ sub Ioanne VIII; enarrat N. Alexander in *hist. ser. IX dissert. 4 §. 23. 10. 13 edit. Neap.* Anastasius bibliothecarius in præfat. ad Synodum VIII œcumenicam pluribus quoque testimoniis probat Bulgarorum patriam Illyrico constitutam, & omnes iuxta Hiitrum, seu Danubium fluvium sitas regiones ad Romanam Sedem pertinuisse.

(a) S. Basilus *ep. 10* Romanum episcopum appellavit *Occidentalium Corinthianum*. S. Augustinus *lib. 1 contra Julianum cap. 4*, Innocentium Papam *Ecclesia Occidentalis Præsidentem* dixit. Innocentius ipse in *ep. ad Decentium* Eugubinum scripsit manifestum esse in omnem Italiam, Gallias, Hispanias, Africam, atque Siciliam, Insulasque interiacentes nullum instituisse ecclesias, nisi eos, quos ven. Apostolus Petrus, aut eius successores constituerunt sacerdotes. Aut legant, si in iis provinciis alius Apostolorum inveniunt, aut legitur docuisse? S. Hieronymus *lib. adversus Vigilantium*, commemoratis Patriarcharum Antiocheni & Alexandrini ditionibus, quæcunque supersunt (ait) ecclesiæ, idest occidentales, sunt Sedes apostolica, Romanumque episcopum ut patriarcham agnoscunt & venerantur. Zonaras ad *can. 6 Nicæn.* memoriæ item tradidit, quod & ecclesiæ Romanæ antistes ut occidentales provincias regeret, mos obtinuit. S. Cyrillus, in conc. Ephesino *par. 1 cap. 21*, qui sequerentur sententiam Cælestini Papæ in synodo Romana contra Nestorium probatam, eos disertissime dixit totius Occidentis communionem amplecti. Et synodo ipsi Ephesinæ *ep. ad Principes* visa est univærſa occidentalium episcoporum multitudo, & per ipsos reliquus totus terrarum Orbis confentire ad profligandam Nestorii hæresim. Iustinianus Nov. 109 Patriarcham Hesperie Romæ nuncupat, tum reliquos quatuor Patriarchas totius terrarum Orbis confentire ad profligandam Nestorii hæresim. Iustinianus Nov. 109 patriarcham Hesperie Romæ nuncupat, tum reliquos quatuor Patriarchas totius orbis terrarum, cum quibus non communicantes uti heretici damnat. His ex verbis probe conjicit P. de Marca *loc. cit. n. 4*, univærſas Occidentis provincias ad Patriarchatum Romæ Hespericæ, seu occidentalis pertinere. Eamque coniecturam probat, firmatque inibi St. Balutius in *notis* ad fragmentum *ep. Ioannis VIII ad Paulum episc. Anconitanum* in Germania & Pannonia legatum apostolicum. Non solum (scribebat Pontifex) intra Italiam, ac ceteras Hespericæ provincias, verum etiam intra totius Illyrici fines consecrationes, ordinationes, & dispositiones apostolica Sedes patriar antiquitus consuevit.

ne: aliæ contra subiuerint multas fortunæ vicissitudines ex murata præcipue forma vrbium & prouinciarum ciuiliū (a), non minus quam ex bellorum euerfionibus, & dominatu infidelium, adeout omnino ferme interiuerint.

V. Constantinopolitani Patriarchæ, proximo Sedi Romanæ gradu occupato, Imperatorum græcorum potentia freti, quum non contenti prouinciis orientalibus eſſent, inuadere ceperunt prouincias ſuburbicarias, eaſque a Romano patriarchatu diuellere. Bulgaria primum in Illyrico, Baſilio & Leone AA. fauentibus, ſibi uſurpata, ordinarunt in ea græcos episcopos, latinis inde expulſis, ex eo quod ibidem ante paganorum dominationem græcos conſediſſe faterentur. Deinde ad plurimas huiusce regni Neapolitani & Siciliæ eccleſias irruerunt, quo tempore earum vrbes plerunque maritimæ, & illuſtiores ſub græco erant vel redibant imperio, deuictis Langobardis. Scilicet ad *Rhegiensem* metropolim cum tredecim ſuffraganeis. Ad *S. Seuerinæ* cum quinque ſuffraganeis. *Hydruntinam* ſine ſuffraganeis primum, deinde cum quatuor ſuffraganeis. *Syracusanam* cum tredecim (b), *Bariensem*, *Tranen-*

A a 2

nen-

(a) Viam mutandis Sedium episcopaliū dignitatibus maxime ſtrauit canon 17 conc. Chalcedonenſis, quo cautum, *ut ſi qua ciuitas ab Imperatore innouata fuerit, ciuiles & publicas formas eccleſiaſticarum quoque parochiarum ordo conſequatur.*

(b) Hæc apparent ex *notitia Imperii* apud Leonclaium to. 1 *Iuris Græc. Rom.* ex catalogis eccleſiarum conſcriptis a Codino, & Io: Curapalate apud eundem Leonclau. 2 Nilo Archimandrita, alias *Doxapatrio* in tractatu *de quinque thronis patriarchalibus* ad Rugerium I Siciliæ Regem dato anno 1143, & *Nouella Leonis* apud Leonclaium, qui hæc inter alia habet. *Ordo præſidentie metropolitanoꝝ, qui ſubſunt apoſtolico throno Conſtantinopolis, & ſubiectorum eis episcoporum* . . . XXXII. *Rhegienſi, ſive Calabria.* 1 Bironenſis. 2 Taurianæ. 3 Locridis. 4 Ruſiani. 5 Scylaci. 6 Tropæi. 7 Amanteæ. 8 Cotroneæ. 9 Conſtantienſis. 10 Nicoterenſis. 11 Biſuniani. 12 Nouocaſtrenſis. 13 Caſſani. . . . XLIX. *Seuerianæ, Calabria.* LV. *Hydruntino qui ſubſit, nullus eſt thronus. Sicilia præterea* (ſcribit Nilus modo laudatus) & *Calabria ſe Conſtantinopolitano ſuppoſuerunt, & S. Seuerina, quæ & Nicopolis dicitur. Sicilia autem unum metropolitam habebat, Syracusanum: reliquis vero Siciliæ eccleſiæ Syracuſani erant episcopatus, etiam ipſe Panormus, & Therma, & Cephaludium, & reliqua. Calabria quoque unum metropolitam Rheginum: reliquis vero eccleſiæ* epu-

nensem, ceteras Apuliz & Calabriz. Iſtas omnes Romanæ Sedi reuindicandi ſtudio Otho II Occidentis Imperator poſt medietatem ſeculi X ad Nicephorum Phocam Orientis Imp. legationem demandauit Liutprando Cremonenſi epifcopo, qui eam in caſſum habitam enarrauit libro peculiari, in eo- que memoriæ tradidit imperiale ipſius Nicephori præceptum; *ne Conſtantinopolitanus Patriarcha Polyeuſtus permitteret in omni Apulia ſeu Calabria latine amplius, ſed græce diuina myſteria celebrari*. Normanni tamen Principes ſeculo XI fuſſis qua Saracenis qua Græcis, eorumque deſeto penitus domi- natu, Apulia & Calabria, & vtroque citra & vltra Pha- rum regno potiti ſuas Romano Patriarchæ eccleſias omnes cum priſtinis iuribus reſtituerunt in integrum. Iſtarum non- nullæ ritus græcos tenaciſſime ſeruarunt, ad hæc vique tem- pora a Romana eccleſia permiſſos. Sed de his alias oppor- tunius (a): pauca nunc de inueterato græcorum ſchiſmate, quod maiores induxit res nouas, ſubneſtam.

VI.

*epiſcopatus Rheginus ſibi vendicabat. Tauvianam, in qua S. Fantini monaſterium eſt: Biboſtem, cuius locum occupauit Miletum. Conſtantiam, qua Coſentia nunc di- citur, & reliquos omnes Calabria ſubiectos. Erat & S. Seuerina metropolis, ha- bens & ipſa ſub ſe varios epiſcopatus: Callipolim, Aſyla, Acherontiam, & reli- quas: & ſunt hæc eccleſiæ deſcriptæ in Taſſicis Nomocanonis ſub throno Con- ſtantinopolitano. Adnexa itaque Siciliæ Calabriz, S. Seueriæ Sedes throno Con- ſtantinopolitano a Romano auulſa: quemadmodum & Creta ſub Romano cum eſ- ſet, ſub Conſtantinop. ſacta eſt. Nihilominus Pontifex viles quaſdam partes, & e- piſcopatus nonnullos in Sicilia & Calabria habere deprehenditur. Metropoles enim & vrbes in eadem illuſtiores & digniores Conſtantinopolitanus poſſidebat vſque ad Francorum (puta Normannorum) aduentum. Sic etiam in Longobardia & Apulia, & in omnibus his regionibus maritimas metropoles antea poſſidebat Con- ſtantinop. reliquas Romanus, vt regiones illa per partes poſſiderentur.... Cum autem vniuerſe Longobardiæ Ducatus, qua vetus Hellas erat, ſub Imperatore erat Conſtantinop., Papa vero ſeparatus ſub aliis gentibus vivebat, propterea Patriar- cha eccleſias obtinebat: nam Brundisium & Tarentum a Conſtantinop. Sacerdo- tes accipiebat: idque nullum inter. Hucusque Nilus. Præterea Liutprandus Cre- monenſis epiſcopus in legatione ad Nicephorum Phoc. pro Orthonib. reſert, epiſcopos Acherontinum, Turcium, Grauinensem, Materanum, & Tricaricensem, fuiſſe a Nicephoro Phoca ſubiectos metropolitæ Hydruntino. Theodorus Baſſamon inter occidentales eccleſias Sedi Conſtantinop. ſubditas conſcripſit *Barienſem* n. 31, & *Tranenſem* n. 44, imperante Andronico Palæologo.*

(a) *Sequenti lib. 2 tit. 3 num. 25, & ſegg.*

VI. Superbum œcumenici patriarchæ titulum, quem Ioannes IV, cognomine Ieiunator declinante seculo VI sibi primum arrogauerat (a), quum resumisset seculo IX Photius, vnus omnium ambitiosissimus: hic se, suamque ecclesiam ab Romana cœpit. infelicitè abscindere. Sed schisma eius cum eo interiit, quum succedentes XVII Patriarchæ communio- nem cum Papa maluissent (b). Illud tandiu intermissum in- staurauit exitiosissime medio circiter seculo XI Michael Ce- rularius (c), quo nemo turbulentior, cuius successorum alii sensim in vniuersas provincias orientales, quam longæ sunt, propagarunt, nonnulli pacem cum latinis præoptauere. In- itio seculi XIII, Constantinopoli a latinis expugnata, binos deligere patriarchas. orsi sunt: alterum latini latinum (d), alterum græci schismatici græcum Nicææ sedentem. Lati- norum vix quatuor patriarchæ Sedem Constantinopoli reapse ternuerunt (e). Nam expulsis inde latinis anno 1261, titu- laces seu honorarios patriarchas Constantinop. creare instituit ecclesia Romana, qui nudo dignitatis nomine & honore nunc sine re decorantur. Sanxit enim Benedictus XI anno 1340 (f), ne Romano Pontifice inconsulto Canonici quatuor Sedium

pa-

(a) Eam ob rem increpitus a Pelagio II, rescissis actis synodi Constan- tinop. in qua tam pestiferam vocabulum vsurpauerat, & seiunctus a communione Apocrisarii apostolici S. Gregorii M. qui Pelagio in Pontificatu successit, Euagrius *lib. 6 hist. cap. 7*, idem S. Greg. M. *lib. 4 ep. 36 ad Eulogium*, & *ep. 38 ad ipsum Ioannem*, *lib. 7 ep. 69 ad Eusebium Thessalonie*. & alii *ep. supra relati tit. 12 pag. 139 lit. f.* Vt primæ Sedis episcopus non appel- letur princeps sacerdotum, aut summus sacerdos, aut aliquid huiusmodi, sed tantum prima sedis episcopus, Conc. Africanum sub Anastasio Papa decreuit *can. 6*.

(b) N. Alexand. in *hist. sec. IX dissert. 4 §. 29*.

(c) Idem in *hist. sec. XI cap. 4 art. 3*.

(d) Concilio Lateranensi IV *an. 1215* Patriarchas Matthæum Constantinop. & Rodolphum Hierosolymit. latini vtrumque ritus, adfuisse testatur Abbas Au- spergensis in *Chronico*.

(e) Eorum nomina habet index chronologicus Patriarcharum penes Io: Douiat in fine *prænot. Iur. Canon.*

(f) In *extranag. sancta Romana 3 de elect. inter comm.* Vbi fertur ad id iubendum Benedictus XI impulsus, quia post mortem Petri Patr. Const. vnus vix Canonicus ceteris absentibus & profugis successorem elegerat, electus autem iuri sponte repunçiauerat in manibus Papæ.

patriarchalium, quandiu ciuitates ipsæ ditioni schismaticorum aut infidelium subessent, ad eligendos vel instituendos patriarchas deuenirent: alias irrita foret electio, & quæuis prouisio. E contrario græci suos pseudo patriarchas ordinarunt perseueranter, ex quibus quispiam aliquando latinorum dogmata est amplexus: præsertim Ioannes anno 1331 electus a schismaticis, & Iosephus II, qui vix subscripta cum latinis concordia in concilio Florentino diem clausit extremum: Eugenius IV in fine concilii Florentini græcos adhortans ut nouum patriarcham in defuncti vicem eligerent, *cum qui a me eligitur, ait, amonebo, efficiamque ut unus Patriarcha sit.* At ii responderunt electionem Constantinopoli faciendam ab vniuersa prouincia, ibique in templo maiori consecrandum fore electum. Post iugo Turcarum subacta Constantinopoli anno 1452, Gennadius Scholarius patriarcha renouandi schismatis auctor græcis extitit, illudque suos ad successores transmisit (a).

VII. Alexandrina secundum locum inter Sedes patriarchicas sortita prouincias Lybiæ, Ægypti, & Pentapolis a Nicæno canone designatas non excessisse videtur Dupinio (b): putant alii aliter. Hunc thronum illustrarunt post S. Marcum S. Petrus martyr, S. Athanasius, S. Eulogius, S. Ioannes eleemolynarius, ceteri orthodoxi: commatulauere autem Ariani, Eutychiani, Monothelitæ, alique hæretici patriarchæ, in eo interpolate sessi cum catholicis vsque ad annum 634, quo Saracenorum tyrannidi cessit Ægyptus. Tamen singulæ tere hæresum sectæ suos habere patriarchas, eosque titulo antiquarum Sedium decorare consueuerunt. Petrum Alexandri-

(a) Nicephor. in *chronographia*, Io: Leuenclausius *lib. 4. iur. Græco Rem. in græco indice Patr. Const.* & Douiat in *append. ad præn. Canon. cap. 4.*

(b) *Cit. differt.* 1 §. 11. Rufinus tamen *lib. 10 cap. 9*, narrat Frumentium Tytium a S. Athanasio Alexandrino ordinatum episcopum Indorum, quos ipse Frumentius ad fidem duxerat. Rursus alium Indos episcopum ab eodem, Iustianiano imperante, postulasse tradit Esmacin. *hist. Sarac. lib. 1 cap. 12.* Et Binghamus *to. 1 origin. lib. 2 cap. 17 §. 12*, ex quodam canone 36 *Arabicorum*, obseruat, catholicum in Æthiopia episcopum non Patriarchæ potestate frui, sed Patriarchæ Alexandrino parere.

drinum pseudo patriarcham monothelitam damnauit S. Martinus Papa I in celeberrima synodo Romana anno 649 (a). Coptos Patriarcham suum Alexandria sedentem adhuc habere : atque Abyssinos patriarcham totius Æthiopiæ, subiectum quodammodo Coptensi patriarchæ, monet Dupinius (b). Pallium Patriarchæ Alexandrino Clemens XI, postulante Prospero Lambertino tunc aduocato concistoriali, Pontifice meritisimo, indulgit (c).

VIII. Tertia Sedes Antiochena in Orientis diocesi prouincias quindecim obtinuit (d). Ex Antiochenis patriarchis alii orthodoxi numerantur & sanctitate conspicui, in his SS. Euodius, Serapio, Babylla, Ignatius martyr, Cyrillus, Melletius, Flauianus, Anastasius Sinaita ; alii hæretici aut schismatici, quales fuere Paullus Samosatenus, Leontius, Eudoxius, Dorotheus, Porphyrius, Io. Grammaticus, Petrus Fullo, Seuerus, Anastasius III Iacobita (e), Macedonitis, Macarius, ceteri eiusdem furfuris. Post X seculi medietatem Nicephorus Phoca quum debellatis Agarenis Antiochiam græco reuindicasset imperio, factum est vt patriarchæ Constantinopolitani velut œcumenici Antiochenos patriarchas sibi subigere, & ordinare subinde aggressi sint. At seculo XI patriarcha Antiochenus eiurato schismate sese in sua Sede confirmari a S. Leone IX perijt & obtinuit (f). Tum ab anno

(a) N. Alex. in hist. sec. 7 cap. 1 art. 4.

(b) Dupin. in tr. de antig. eccl. discipl. diss. 1 §. 5 in fine. Videlicet infra num. 16.

(c) Ex allocut. eiusdem Papæ to. 2 Bullarum in append. pag. 43.

(d) Innocentius I in ep. ad Alexandrum Antiochenum vel scriptis Antiochenam Sedem Romanæ celsuram nunquam fuisse, nisi quod illa in transitu meruit, ista susceptum & apud se consummatum gauderet. Sed secundum quoque (necum Romanæ primum) locum Alexandrinæ, in secunda Imperij vrbe erectæ, concessit.

(e) Damnatis cœcumenica synodo Chalcedonenſi erroribus Eutychetis, duas in partes scissa est ecclesia Antiochena: alteram Iacobitarum, qui dogmaticis concilij definitionibus contradixerant; Melchitarum, hoc est Regiorum alteram, qui edicto Marciani Imperatoris piissimi obtemperantes fidem tynodice definitam amplexi sunt. Vtroque in regionibus Græcorum subsistere adhuc, Benedictus XIV scitissime commemorauit in oratione concistoriali habita die 3 Febr. 1744 pro concessione pallij Patriarchæ Antiocheno Græco Melchitarum, in appendice ad to. 2 Bullarum sui pag. 33.

(f) Idem loc. cit.

no 1098, quo latini Gothofredo Bullionzo duce Antiochiam adepti sunt, usque ad annum 1268 octo latini patriarchæ eam occupauerunt cathedram. Istis, postquam Syria in miserrimam Saracenorum seruitutem recidit, successerunt patriarchæ Maronitarum orthodoxi in Monte Libano sedentes, quo latini Antiochia profugi se receperunt. Quamobrem Alexander IV, creatus Pontifex anno 1254, patriarchas Maronitarum Antiocheni patriarchæ titulo exornatos voluit, quo ipsi abhinc tempore sunt vsi (a). Leoni X Petrus Maronitarum Antiochenus patriarcha perfectam spopondit obedientiam: alios eiusdem Nationis catholicos patriarchas sub Pio IV, Clemente VIII, Urbano VIII collaudat Ios. Sim. Assemanus (b). Clemens XI Iacobum patriarcham a Maronitis episcopis de more electum confirmavit, eumque iniuria depositum ad Sedem restituit. Tandem Benedictus XIV, ob eligentium discordiam quum replisset duos ab iis electos, Simonem Petrum Euodium Damasci archiepiscopum patriarchatu Antiocheno decoratum præfecit Maronitis.

IX. Græci vero Melchitæ (c) quum ante, tum post Latinorum ditionem suos etiam Antiochiæ patriarchas ab Constantinopolitano ordinatos habere non destiterunt. In generali tamen synodo Florentina seculo XV Dorotheus I, Antiochenus patriarcha schisma detestatus ad catholicam rediit fidem. Successoribus in schisma relapsis, Athanasius & Cyrillus fidei professionem habente seculo XVII ad Sedem Romanam transmisere, ut ab eo pallium acciperent: sed spe sua frustrati sunt. Cyrillum alterum a Græcis-Melchitis electum pro asserta erga Sedem Romanam contra Sylvestrum schismaticum Antiochenæ Sedis inuaforem obedientia, ob idque in Monte Libano exultantem auctoritate apostolica confirmavit, & pal-

(a) Idem in altera allocutione die 13 Iulii 1744, ibidem pag. 36.

(b) In orat. pro gratiarum actione nomine Iacobi electi Maronitarum Patriarchæ habitæ coram summo Pontifice penes acta concistorialia, in cit. app. to. 2 Bullar. pag. 44, & 45.

(c) Qui ante schisma catholici erant, postea non item.

& pallii auxit decore Benedictus XIV anno 1744 (a), Kir-
rusque ecclesiæ græcæ observandos Melchiris iussit, Maroni-
tis Maroniticis (b).

X. Hierosolymitanus demum primariis patriarchis addi-
tus est nudo primum honore, tituloque sine dicecesi (c),
quod *mater Christiani nominis* (d) Hierosolyma fuisset, in ea-
que *Christi Domini thronus* (e) licet mobilis extitisset, S. Ia-
cobo primum traditus præ ceteris Apostolis, quam ideo ca-
thedram apostolicam appellavit Eusebius Cæsarensis (f).
Quamvis enim Ælia (sic dicta est post eversionem Hieroso-
lyma ab Ælio Hadriano Imp. reædificata) ad metropolim
Cæsareæ, & diocesim patriarchicam Antiochiæ pertineret:
gradum tamen honorabiliorem episcopo Hierosolymitano,
quam Cæsarensi metropolitæ, ceterisque Orientis episcopis &
exarchis deferre veteres consueverant (g). Deinde ad hono-
rem Sedis Hierosol. accessit vera Patriarchæ dignitas in tribus
Palæstinis, rescripto Theodosii Imp. & subsequente canone

Tom.I.

B b

syno-

(a) Bened. XIV litteris in forma Brevis die 29 Febr. 1744 datis, *to. 1 Bullarii const. 92*, & actis concistorialibus *loc. cit.*

(b) Idem *const. 87 data die 24 Decem 1743 to. 1 Bullar.*

(c) S. Hieronymus *ep. 61 ad Pammachium to. 2* retundit errorem Ios Hierosolymitani episcopi, ex eo quod syreis Nicenæ synodi canonibus ad Patriarcham Alexandrinum a synodo Palæstinæ appellasset. *Ad Alexandrinum episcopum* (ait) *Palæstina quid pertinet? Ni fallor, hoc ibi (in conc. Nic.)* decernitur, ut *Palæstina metropolis Cæsareæ sit, & totius Orientis Antiochia.* Aut igitur ad Cæsarensium episcopum referre debuerat . . . aut si procul expe-
tendum indicium erat, Antiochiam potius litteræ dirigende. Et paucis retro an-
nis Acacius Cæsarensis Cirillum Hierosolymitanum de Primatu Palæstinæ cum
eo contendente damnavit, cuius sententiam a synodo Seleuciensi ratam ha-
bitam, narrat Sozomenus *lib. 4 cap. 24.*

(d) Hoc nomine appellata est ab Iustino Imp. in *ep. ad Hormisdam Papam.* (e) Vtar verbis S. Epiphaniî *hæresi 77.*

(f) Euseb. *lib. 7 hist. eccles.*

(g) Synodo Cæsarensi de celebratione Paschatis habitæ an. 196. sub Victore I Narcissum episcopum Hierosol. cum episcopo Cæsareæ præfuisse tradit Eusebius *lib. 5 hist. eccl. cap. 21.* Idemque *lib. 7 cap. 28*, enarrans res contra Paulum Samosatenum gestas in synodo Antiochena anno 266, & 272, episcopo Cæsareæ præfert Hierosolymitanum. Macarius Hierosol. proinde synodo Nicenæ ante subscripsit, quam Eusebius ipse Cæsarensis.

synodi Chalcedonenſis, quæ Hieroſolymitano tres Paleſtinæ dimiſit: duas vero Phœnicias & Arabiam, quas Theodoſius etiam Hieroſolymitano addiderat, pacis ſtudio reſtituit Antiocheno.

XI. Communibus Occidenti calamitatibus hæreſum, ſchiſmatum, tyrannidis paganorum hanc maximopere oppreſſam Sedem Hieroſolymis tenuerunt imperantibus latinis latini Patriarchæ, ſacra etiam vrbe in barbaricam ſeruitutem prolapſa in finitimis oppidis, & præſertim Ptolemaide: donec anno 1291 tota Syria Chriſtianorum Reipublicæ crepta eſt. Exinde S. Coeleftinus V., cuius animo iam ſederat recuperandæ Terræ ſanctæ conſilium, Rodolphum a Magnauilla Ord. Prædic. anno 1294 Patriarcham Hieroſolymitanum deſignauit. Tum Clemens V in ſacra belli expeditione iam educta anno 1303 Antonium epiſcopum Dunelmensem, iſtoque mortuo Petrum Rutenenſem anno 1314, eo Patriarchatu inſigniu. Poſt Ioannes XXII in Petri deſuncti locum ſuſcit Raymundum Nimofienſem epiſcopum, deinde Petrum de Paluda Ord. Præd. anno 1329, qui ſpem conceperat adu. undi Hieroſolymam, & perſonaliter ibi ſua munia obeundi (a). His voto veris, re titularibus Patriarchis (abrupta ſpe deiiciendi iugum infidelium, non tamen omnino depoſita) ſucceſſerunt reliqui titulares, quos creare ſolet Sedes apoſtolica, vt ſit perennis inſignium eccleſiarum memoria (b).

XII. In tantis Sedium patriarchalium caſibus videre licet digitum Chriſti Domini, quo cæteris collapsis ſuſtinetur immobiliter ſola Petri Cathedra, omnium parens & magiſtra & princeps. Hæc ſola iure diuino patriarchatum œcumenicum ſortita eſt. Alii Patriarchæ pontificalis officii participes iure humano primum non ſcripto, deinde ſcripto, & viroque mutabili, quantum ſunt paſſi eccleſiæ Patres. Quod amplitudo metropolium ſere dignitatem patriarchalem aut metropoli-

ticam

(a) Raynald. in *annal.* Bollandi ſectatores in *hiſt. chronol.* initio to. 3, & egregie ſapiens Bened. XIV *ep. ad Card. delle Lanze conſt.* 36, *Bullar.* to. 2.

(b) Videliſ dicenda inferius tit. 18 num. 10. & Bened. XIV *conſt. cum a nobis* 36 to. 2. Bullarij.

ticam attulerit episcopis, obnituntur commonstrare acerrimi viri Dupinius, Binghamus, cæteri: tamen isti negare nequeunt, quod historia manifestat, iura Patriarcharum singula synodis ecclesiasticis, & ad sensum Romanorum Pontificum modo explicata vel adaucta, modo coercita vel moderata sæpius fuisse.

XIII. Simul constat ex historia, alium ab alio Patriarchas non dependere, quod par pari haud imperet. Verum excipitur suprema Sedes Romana, cui subesse vniuersos, quauis dignitate etiam patriarchica præditos, iam satis ostendi (a): aliter monstrosa esset ecclesia catholica, plura si capita haberet suprema & coequalia. B. Petri Sedem *unius in tribus locis* sitam dixit iure merito S. Gregorius M. (b), quia duas ab initio Sedes *Alexandrinam* & *Antiochenam* socias quidem habuit Romana, non tamen liberas omnino & immunes, sed sibimet soli subditas: quæ ideo postulatam ab ea ipsa pallium accipere consueuerunt, tesseram accepti ab ea muneris pontificalis & obedientiæ solemniter desponsæ. Non secus quam regia insignia Reges ab Romanis, quibus parebant, Cæsaribus accipiebant. De reliquis Patriarchis licet hinc iudicare facilius.

XIV. Antiquis exinde quatuor Patriarchis posteriori æuoli sunt additi, præcipue *Aquileiensis* seu *Venetiarum*, *Indianus* & *Lisbonensis*, qui nunc etiam subsistunt.

XV. *Aquileiensi* episcopo *Venetiarum* & Histriæ prouincias seculo IV attributas prodit Rubeus (c). Seculo VI Atalaricus Rex Gothorum non magis metropolitans, quam cæteros episcopos Patriarchæ titulo exornare cum cepisset (d); inde Paullinus I *Aquileiensis* semetipsum nedum nomi-

B b 2

ne,

(a) Tit. 12 huiusce libri num. 1, & 14.

(b) Lib. 6 ep. 37. Eodem ferme sensu Balsamon de Patr. priuileg. quinque Patriarchas ad vnum caput redactos exhibet.

(c) Rubeus in monum. eccles. Aquileien. cap. 19.

(d) Constat id ex ep. Atalarici ad Ioann. II Papam apud Cassiodor. ep. 15 lib. 9, de qua Dupin. sepecit. dissert. 1 §. 5, & Murator. in annal. ad ann. 532, & 570.

ne, sed re Patriarcham ostentare, vt se ἀυτοκράτωρ, hoc est liberum subtrahentem a Romani Patriarchæ obedientia & subiectione persuaderet (a), & ausus est Aquileiensem pseudo-synodum cum schismaticis episcopis Histriæ, Venetiarum, Liguriæ, aliarumque Italiæ urbium contra V synodum œcumenicam celebrare. Quas ob res in eum, & Honoratum Mediolanensem Pelagius I seueram dedit epistolam ad Narsetem Italiæ Ducem, tanti vt schismatis auctores ambo publica potestate coercendos ad Iustinianum Imp. vinctos transmitteret (b). Paullinus profugus Gradum Venetorum insulam demigravit (c). Ob occupatam deinde ab Imp. Constantinopolitano maritimam Histriæ & Venetiarum regionem anno 605, secto duas in partes episcopatu Aquileiæ, Gradensem ecclesiam ab Aquileiensi detractam accepit episcopus Candianus, dictus inde Gradenfis (d). Duo hinc episcopi Aquileienses & Gradenfis titulo Patriarchæ, coniuuentibus immo indulgentibus Romanis Pontificibus, potiti sunt (e). Demum seculo XV ecclesia Gradenfis Venetias translata auctori-

(a) Du Chesne *to. i scriptor. rer. Francie* pag. 874, et Murator. *ad cit. ann.* 570.

(b) Cuius epistolæ fragmenta sunt in *cit. can.* 42, & duobus *segg. Caus.* 23 *quest.* 5, *can.* 4. *dist.* 17, quem Gregorio Gratiano male inscribit, & *can.* istud est 20 C. 40 *quest.* 1, Florens in *comment. ad hanc caus.* 40 pag. 20 p. 2.

(c) Paull. Diacon. *lib.* 2 *cap.* 8, scribit metu Langobardorum Paullinum Aquileia Gradum profugisse.

(d) Gonzal. in *cap. ex litteris* 29 *de off. & potest. iud. deleg.* verbo *Gradense*.

(e) Primatis priuilegium Rodoaldo Aquileiensi concessum a Leone VIII anno 980, probat transcripto diplomate Ioannes Candidus *lib.* 4 apud Gonzal. *loc. cit.* Ad Gualbertum Patriarcham Aquileiæ, vt Cumenis ecclesiæ antistitem electum is ordinaret, ni vellet eundem a Papa consecratum accipere, rescriptis Stephanus Papa (nescio quis) in *can. nunc vero* 20 C. IV q. 3. Apud Gratianum in huius epistolæ inscriptione legitur Gualberto Patriarchæ, sine Aquileiæ tamen adiuncto, quod supplet probabiliter Getmon. *lib.* 3 *de Sacror. immunit. cap.* 3 *num.* 3. Urbanus II Dominico Patriarchæ Gradenfi certius scripsisse legitur in *can. erubescant* 12 *dist.* 32. Alexander III Patriarchæ item Gradenfi decretalem dedit in *cap. constitutus* 23 *de appellat.* aliam Gregorius IX in *cap. dilecti* 13 *de maior. & obed.* Et Honorius III quandam eiusdem Patriarchæ causam explicat in *cap. fin. de caus. possess.*

Storitate Nicolai V creatus est Patriarcha Venetiarum (a).

XVI. Indianus quoque Patriarcha beneficio Sedis apostolicæ institutus est seculo XVI, postquam rogante Ioanne III Lusitanæ Rege Paullus III S. Franciscum Xaverium ad Indias orientales Apostolum cum amplissima potestate ablegavit anno 1549. Cuius sedes quoniam sita est in vrbe Pharsalia apud Thessaliam, Archiepiscopus Pharsalicus idem nunc & Patriarcha Indiarum est (b). Æthiopes item & Abyssini eodem ferme tempore Christianam fidem amplexi, quæ Romano Pontifici Clementi VII nunciata est litteris & muneribus Davidis eorum Imp. (c), suum ab Iulio III episcopum anno 1551 dignitate patriarchica insignitum habuere olim. Postea catholici Latini & ipsi ad schismaticos Græcos defecti, Patriarcham totius Æthiopix sibi delegerunt, supparem & quodammodo obtemperantem schismatico Cophtorum Patriarchæ Alexandrino (d).

XVII. In Lusitania episcopus Vlyssiponensis (e), qui olim suffraganeus erat Primatis primum Emeritensis, tum Bracharensis, auctus XVI seculo dignitate metropolitana (f), tandem memoria nostra nactus est patriarchatum a Clemente XI anno 1716 ad postulationem Ioannis V Lusitanæ Regis (g).

XVIII. Ad ista plane summa capita rediguntur privilegia patriarcharum. I, Metropolitanos suarum dioecesium, pro-

(a.) Murator. *ad dist. ann. 570, de Rubeis loc. cit.*, & Petrus de Monte episcopus Brixien. *in repertor. apud Germon. loc. cit.*

(b.) Ruffio. *lib. 10 cap. 9* narrat quendam Frumentium Tyriam a B. Athanasio Alexandrino episcopum Indorum, quos fide Christi initiauerat, ordinatum fuisse, & Elmecin. *lib. 1 hist. Saracen. cap. 12*, refert Indos imperante Iuliano adhuc consecuisse episcopum accipere a Patriarcha Alexandrino.

(c.) Paull. Ionius de Æthiopum moribus, & Damianus a Goes *to. 3 Hispanie illustr.* (d.) Dupin. *cit. diff. 1 §. 5 in fine.*

(e.) Ad eum scripsit Cælestinus III in *cap. insinuante 7 qui clerici vel volentes.*

(f.) Lud. Nonius in *Hispan. cap. 35*, apud Gonzal. in *cit. cap. insinuante.*

(g.) Card. Thomas de Almeida primum Patriarcha Lisbonensis creatus est, collaudatus in litteris apostolicis Benedicti XIV *tom. 2 Bullar. constit. 8.*

prouinciarumque ordinare (a), iis pallium tradere post fidei professionem & obedientiæ sponſionem (b): ſuamque ipſorum electionem a ſynodo diœceſis accipere (c). II, Synodos cogere, concelebrare, iis præſidere, & conſtitutiones totam diœceſim obligantes ferre (d). III, Maiores cauſas iudicare (e). IV, Enormium criminum veniam ſibi referuare (f). V, Appellationes a metropolitaniſ, & ſynodis prouincialibus audire (g). VI, Generales canones & leges eccleſiaſticas promulgare, ac promulgandas metropolitaniſ & ſuffraganeis tranſmittere (h). VII, Ad eos, eaſue exequendum cogere ſubditos (i). VIII, Polyſtaurium, ſeu caſulam multis contextam crucibus geſtare (k). IX, Elatam cum duplici antenna crucem vbique deſerre, præterquam Romæ, alioque in loco, ubi ad-eſſet Papa, eiſue Legatus a latere (l). X, Prætereaque facem (m). XI, Rocheto & palliolo, vulgo *mantellera*, & birro, vulgo *mozzetta* ſuperinduti per urbem incedere (n), & lemnifcis nigris (vulgo *fiocchi*) equos proprii curruſ ornare (o). XII, Ius ſtauropegii habere, h.e. figendæ crucis in monaſterii fundatione, ſub immediata Patriarchæ iuriſdiſtione futuri

(a). Ve-

(a) *Cap. 4 de cauſ. poſſ. & propr.* Alexandrino Patriarchæ ſpecialem fuiſſe auctoritatem ordinandi cunctos ſuarum prouinciarum nedum metropolitaniſ, ſed etiam episcopos, contendit Binghamus *to. 1 orig. lib. 2 cap. 17 §. 11*.

(b) Innocent. III in Conc. Later. IV *can. 5*, in *cap. antiqua 23 de priuileg.*

(c) Conc. Chalced. *can. 28*, Nouell. 7 *cap. 1*, & Nou. 131 *cap. 3*.

(d) Theodoret. *ep. 81*.

(e) Concil. Chalced. *act. 4 can. 30*, & *can. 14. C. III qu. 5*.

(f) *Synef. ep. 67*. Innoc. III in *cap. graue nimis 29 de præb. & dign. au-* ſtoritatem relaxandæ ſuſpenſionis, a concilio comminatur contra indignis beneficia conferentes, referuauit vel Romano Pontifici, vel proprio Patriarchæ, *ut in hoc quoque (ait) quatuor patriarchales Sedes ſpecialiter honorentur*.

(g) Conc. Chalced. *can. 9*, & *15, cap. conſtituti 23 de appell. cap. 23 de priuileg. & l. ſancimus 29 C. de epiſc. aud.* (h) Nou. 6, & 42 in fine.

(i) Nou. 37 *cap. 1*, Socrat. *hiſt. eccl. lib. 7 cap. 3*, & Sozomen. *lib. 8 cap. 6*.

(k) Zonar. *ad can. 17 Synod. Chalced. Marca in diſſ. de conſt. Patriarch. inſt.*

(l) *Cap. antiqua 23 de priuilegiis*.

(m) Baſam. in *Melete*, & Bened. XIV *lib. 2 de Syn. diœc. cap. 6 n. 3*.

(n) Ex indulto Bened. XIII quatuor Patriarchis conſeſſo.

(o) Ex decreto S. Congr. Cœrimonialis *die 23 Nou. 1742, in appendice ad to. 2 Bullarii Bened. XIV num. 5 pag. 30*.

(a). Verum nec omnia singuli nec vbique nec semper eadem iura obtinere, neque in præsentia obtinent. Titulares quoque seu honorarii patriarchæ prærogatiua præcedendi post Cardinales omnibus primatibus & metropolitanis vtuntur.

XIX. Vocabulum patriarchæ apud Hebræos (b) vetustissimum, & apud Montanistas (c), a diuo Gregorio Nazianzeno (d) episcopis catholicis promiscue & sine discrimine dignitatis tributum, inuexit in Sedes sublimiores (e) diuisione diocesum & prouinciarum, si Socrati (f) fides habenda est. *Patriarchas* (inquit) *constituerunt* (Patres Constant. I synodi) *prouinciarum diuisione facta*. Synodus inde Chalcedonensis act. 2 cauit, vt sanctissimi *Patriarchæ cuiusque dioceses*, adhibitis singulis aut binis suarum prouinciarum episcopis,

pla-

(a) Ex *const.* 98 Bened. XIV §. 19 to. 1 *Buller. pag.* 352.

(b) In sacris Bibliis passim occurrit, 1 Paralip. cap. 7, & 8 vers. 28, & cap. 9 v. 9, Numer. cap. 8, & cap. 31 v. 16, cap. 32 v. 28, & cap. 36, Tobiz cap. 6 v. 20, Act. Apost. cap. 2 vers. 29, & cap. 7 v. 10, Ad Hebræos cap. 7 v. 4. Post euerfam Hierosolymam dispersi per orbem Iudæi duos Patriarchas, alterum Iherisale, alterum Babilone diutius habuero cum iure creandi & destituendi archisynagogos, vti liquet ex l. 1, 14, 17, & 22 C. Th. de Iudæis. Eos titulo *Reuerendissimi* decorauit Iulianus apostata in ep. ad Rempubl. Iudæor. quos postea suppressos, peremptosque obseruat Theodorus dialog. 1.

(c) Eos ideo exagitauit S. Hieronymus ep. 54 ad Marcell. aduersus Montanistas to. 2, quod Patriarchas primo, *ceones secundo*, tertio gradu episcopos ordinibus distinctos haberent religione ambitiosiori. Id non scripsisset vtique Doctor maximus, tunc si nomen Patriarcharum in hierarchie gradibus adhiberet ecclesia catholica. Dupinius *diff. 1 de ant. disc.* §. 5, innuit SS. Gregorium Nissenum, & Basilium, sec. IV scriptores, hac voce eodem, quo Hebræi sensu, vfos.

(d) S. Greg. Nazianz. or. 20, & 42, patriarcham compellasse legitur parentem suum, Nazianzi paræ vrbis episcopum. Idemque or. 72, presbyteros episcopos synodo Constantinopolitana sine Sedium discrimine, *ut aprior* (ait) *verbo videretur, patriarchas* appellauit.

(e) Dices fortasse cum Salmasio de *Primat. cap.* 4, Hadrianum Imp. secundo seculo dedisse Patriarchæ nomen episcopo Alexandrino, ex eo quod Hadrianus ep. apud Vipsicum in vit. Saturni. scripserit: *Nemo illic archisynagogus Iudæorum, nemo Samarites, nemo Christianorum presbyter, non mathematicus, non araspeç, non aliptes*. Ille ipse Patriarcha cum Ægyptum veneris, ab aliis Serapidem adorare, ab aliis coeitur Christum. At vero Salmasium meritissime refellit Binghamus to. 1 *orig. lib.* 2 cap. 17 §. 3, dum edidit Hadrianum eo verbo replexisse ad Patriarcham Iudæorum, non ad episcopum Alexandrinum.

(f) Socrat. lib. 5 *hist. cap.* 8.

placitas ferrent constitutiones. Ampliori, quam recentior ætas accepit, notione Patres Chalcedonenses secundum Socratem vfos explorata res est: quippe qui *Patriarchæ* voce complexi sunt singularum *diœcesum metropolitæ*, postmodum appellatos distinctionis gratia *Exarchos*, aut *Primates*, aut *Patriarchas minores*, de quibus mox dicendum.

T I T. XV.

De Primaribus & Exarchis (a).

- 1 *Tredecim imperii diœceses a Constantino M. institutæ exarchas eoridem in ecclesia pepererunt, mox aliis aliæ dignitatibus auctæ vrbes.*
- 2 *Primatis vox a canonibus vulgo Apostolorum, & Africanis profuxit.*
- 3 *In Africa solus Carthaginensis episcopus Africæ Primas fixus, ceteri episcoporum seniores ordine aliis præcellerant per Numidiam & Mauritaniam.*
- 4 *Formam diœcesum & prouinciarum ciuiliū orientales citius quam occidentales in dignitatibus ecclesiarum sectati sunt.*
- 5 *Bonifacium Moguntinum archiepiscopum octauo seculo Zacharias Papa creauit Germaniæ & Galliæ Primatem.*
- 6 *Pseudo Isidorus Primatis iura amplificare potissimum studuit apocryphis decretalibus.*
- 7 *Italia prouincias decem Vicario vrbis ciuili subiectas Romani Pontifices primum per sese administrarunt.*
- 8 *Reliquas septem Vicario Italiæ addictas dimiserunt Mediolanensi episcopo tanquam Primati earum & Exarcha.*

9 *Mon*

(a) *Exarchos* græce apud latinos principem seu primatem sonat. Hoc tamen titulo speciatim accipitur pro antilite ecclesiastico, qui pluribus prouinciis vnā diœcesim attinentibus præest, cuique aliquot metropolitæ parent. Ad eos ideo extensum quandoque vocabulum patriarchæ. Nam Iustinianus Nouell. VI in fine. *Sanctissimi Patriarche* (ait) *vnusquisque diœcesis hæc manifesta faciant metropolitæ.* Hæc duo nomina (inquit Innocentius III in epist. ad episcopum Tribonensem apud Raynald. ad ann. 1204 n. 37) apud nos *primas* & *patriarcha* pene penitus idem sunt.

- 9 Mox Rauennati Exarchæ Flaminiam & Æmiliam.
- 10 Exinde Primatus Aquileiæ & Venetiarum suborti.
- 11 In Gallia eandem simul dignitatem adepti sunt septem Archiepiscopi.
- 12 In Hispania tres olim Primates, nunc unus tantum archiepiscopus Toletanus.
- 13 In Sicilia Messanæ ciuitas privilegium primæ metropolis adeptæ est ab Arcadio Imp. & Rugerio Rege.
- 14 Hoc in regno Ioannes XV, & Urbanus II dignitatem primatis archiepiscopo Salernitano concesserunt.
- 15 Capuano episcopo Ioannes XIII dignitatem non Primatis sed metropolitæ concessit.
- 16 Alius nomen in huius regni prouinciis maritimis honorem Primatis a patriarcha Constantinop. olim habuit.

ORbe Romano in tredecim diœceses diuiso a Constantino M., qui cuique earum plures aut pauciores subdidit metropoles & prouincias, orti fere totidem in ecclesia sunt Exarchi diœcesum (a), dignitate præstantes Exarchis prouinciarum seu metropolitæ (b). Videlicet in diœcesi Asiatica Exarchus Ephesinus, in Pontica Casarensis, in Thracia Heracleensis, in Macedonia Thessalonicensis, in Dacia Sardiensis, in Vicariatu Italiæ Mediolanensis, in Illyrico occidentali Syrmienensis, in Africa Carthaginiensis. Patriarchis primariis,

Tom. I.

Cc

riis,

(a) Concilium Constantinop. I ran. 2, tres diœceses Asiæ, Ponti ac Thraciæ regendas singulatim exarchis Ephesi, Casaræ & Heracleæ dimisit expressim. Theodorus Ephesinorum metropolcos episcopus & exarchus Asiaticorum diœcesis discrete dictus est a Sexta Synodo æt. XVIII. Cæteros reliquarum diœceseon exarchos enumerat Ioseph Bingham. to. 3 orig. lib. 9 cap. 1 §. 6, ubi ex Notitia dignitatum virisque Imperii cum comment. Panciroli, & ex Concil. actis exhibet tabulam diœcesum & prouinciarum.

(b) Petr. de Marc. in dissert. de Constantinop. Patriarch. instit. pag. 63, scribit exarchi nomen metropolitæ omnibus congruere quidem ex can. 6 synodi Sardic. & obseruat Zonar. ad can. 17 Concil. Chalcedon.; quid nihilominus augustius sonare, præsertim cum dicantur exarchi diœcesum, sc. præcipuos, honoratiorisque metropolitæ, qui post Patriarchas maiores præbant archiepiscopos. Videtur Dupin. cit. dissert. 1 §. 4, & Natal. Alex. in hist. secul. IV cap. 5 art. 2.

riis (de quibus in præcedenti titulo dictum) ea , in qua sedem habebant , diœcesis vti Primatibus seu Exarchis quoque addicta est. Itaque Orientis diœceseos Exarchus perman- sit episcopus *Antiochenus*, in Ægypto *Alexandrinus*, in Præfectura Romana & Italia *Romanus*. Post mutatae vel arbitrato Principum vel temporum inconstantia vrbes, metropoles, prouinciæ nouos item episcopos ad Exarchi seu Primatis dignitatem ex- tulerunt non sine antiquorum iniuria & altercatione . Nam synodus Chalcedonenſis decreuit , *ut quæcunque ciuitates per litteras imperatorias metropolis nomine honoratae sunt, solo honore fruantur, & qui eius ecclesiam administrat episcopus: ser- uato scilicet veræ metropoli suo iure (a) . Sin autem etiam ci- uitas aliqua ab imperatoria auctoritate innouata est , vel dein- cept innouata fuerit , ciuiles & publicas formas ecclesiasticarum quoque parochiarum ordo consequatur (b) .* Hinc patet discrimen primatus ecclesiarum vel honoris vel potestatis pro con- ditione metropolium diuersa .

II. Vox *Primatis* videtur accepta vel a canone 37 vul- go Apostolorum , quo *πρωτοι*, idest *primi* episcoporum ceteris præponuntur ; vel a concilio Carthaginense III *can. 26* , quo decretum est, vt nemo appelletur *princeps sacerdotum* aut *sum- mus sacerdos* : sed tantum *primæ Sedis episcopus* . Enimvero Patres Africani, in hisce potissimum S. Augustinus, consueue- runt episcopos primarum Sedium Africæ, Numidiæ & Mau- ritaniæ *Primates* nominatim dicere (c) . Inde ad Latinas oc- ciduas ecclesias propagata vox eiusmodi est (d) . Quem vero latini

(a) Conc. Chalcedon. *can.* (b) Idem *can. 17.*

(c) Conc. African. in *can. prima Sedis 3 dist. 99.*

(d) S. Aug. ad Victorinum *ep. 217. Legi in eadem tractoria (ait) etiam ad Mauritaniae esse scriptum, quas prouincias scimus suos habere Primates Collega noster Xantippus Tagastensis dicit, quod eum Primatus ipse contingat. Possidius in vita S. Aug. cap. 3. Adueniente ad ecclesiam Hipponensem tunc Primatus Numidiæ Megalio Calamensi episcopo. Tum *ep. 261. Clamet Priscus, ait, prouincia Caesarensis episcopus: aut ad Primatum locus sicut ceteris & mihi patere debuit, aut episcopatus mihi remanere non debuit* . . .*

San

latini *primatem* dixerunt, ipsum eomet sensu græci *exarchum* *provinciæ* dictabant (a).

III. In Africa duplex & æterque antiquissimus Primatus: alter Sedis & ecclesiæ perpetuus & fixus, mobilis alter personæ senioris in ordine episcopali (b). Solus *Chartaginensis* episcopus totius Africæ speciatim dictæ Primas præcelluit; in ceteris earum regionum diocæsis ac provinciis puta Numidiæ & Mauritanie quisque senior ordine episcopus & primatis & metropolitæ munera obiit (c). Propterea *Senem episcopum* Africani Primatem plerunque appellabant (d).

IV. Formam diocesum, provinciarumque civilium ocius quidem & accuratius quam in Occidente, orientales ecclesiæ imitatur videntur. In occiduis autem regionibus dignitates ecclesiasticæ potius Romani Pontificis beneficio obuenire, quam aliunde, sero consueverunt, cui quidquam ex tot in eo bene consociatis iuribus Metropolitæ, Primatis Italiæ,

C c 2

Pa-

Sanctum senem, qui tunc primatum Numidiæ gerebat, de longinquo ut veniret, rogans litteris impetraui. Idem S. Aug. contra Parmen. lib. 1 cap. 3. Qui venientes cum Primate suo tunc Secundo Tigisitano. . . Cæcilianum traditorem esse censuerunt. . . Ita contra sedentem in cathedra episcopum alterum ordinaverunt.

(a) Conc. Bracaren. l. can. 24, placuit ut, conseruato metropolitani episcopi primatu, ceteri episcoporum secundum suæ ordinationis tempus alius alio sedendi deferat locum. Conc. Taurinense in Subalpinis anno 345 can. 2. decreuit, quod qui ex iis (nimirum episcopis Arelaten. & Viennensi) comprobauerit suam ciuitatem esse metropolim, is totius provincie honorem Primatus obtineat. Canon iste Taurinensis videtur duplicem Primatus speciem, honoris scilicet & potestatis, spectasse paulo superius expolitam.

(b) Conc. Sardicenis can. 6. Oportet illum prius, ait, qui non adfuerit, episcopum aduocari per litteras Primatis provincie (*ἐκ τῆς ἐκκλησίας αὐτῆς ἀπαρτίζεσθαι* textus græcus habet), nempe episcopi metropolitani, quod roget potius sibi pastorem dari. Hinc liquet etiam synonyma olim fuisse vocabula primatus & metropolitani. Videbis præcedentem notam *lit. a.*

(c) Didac. de Cassion de Primat. Tolet. Fr. de Pifa in *hist. Tolet.*, alique apud Gonzal. in *not. ad cap. coram 7 de in integ. restit.* & Giron. in *cap. 3 de dilat.* in 5 compilat.

(d) S. Aug. ep. 236. Domina beatissimo & venerabiliter suscipiendo Patri & Consecratos Seni Xantippo in Domino salutem. Ab eodem ep. 149 tici- tur Senex Megalius. Tum ep. 152 Siluanus Senex. Et ep. 253, fratrem & collegam meum, ait, Senem Aurelium. In codice canonum Africanæ ecclesiæ can. 90, feruntur litteræ tractoriæ ad sanctum Senem Xantippum.

Patriarchæ occidentalis & œcumenici detrahere invito, negotium fuit quam difficillimum.

V. Seculo VIII Zacharias Papa S. Bonifacium archiepiscopum Moguntinum illius ecclesiæ metropolitam constituit cum dignitate Primatis in omnes Germaniæ & Galliæ episcopos: Primatum scilicet Germaniæ adnexuit in perpetuum Sedi Moguntinæ, Galliæ vero temporarium personæ S. Bonifacii solum contulit. Qui Moguntinam synodum cum Germanis vna & Gallis episcopis habuit, metropolitanos inde in Gallia plures ordinavit, eisque pallium a Zacharia impetravit, solis primatibus concedi tunc solitum (a). Eorum propterea nonnulli primatis dignitatem Sedi suæ vindicarunt metropolitica maiorem. Hanc in illis tantum Hincmarus comprobabat, quibus canonum decretis, ait, & Sedis Romanæ sententiis claret eosdem metropolitanos Primates esse singulos singulorum provinciarum, qui ex antiqua consuetudine & apostolica traditione & convocare synodos & ordinare episcopos & ordinari a provincialibus sine cuiusquam alterius Primatis interrogatione possunt, & disponere regulariter quæque per suas provincias queunt . . . Illi autem archiepiscopi vel metropolitani, qui hac sine consultu Primatis non possunt exequi, archiepiscopi tantum vel metropolitani habentur (b). Exin iure meritissimo Carolus M. iussit, ne alii metropolitani appellentur Primates, nisi illi qui primas Sedes tenent, & quos SS. Patres synodali & apostolica auctoritate Primates esse decreverunt. Reliqui vero, qui alias metropolitanas Sedes sunt adepti, non Primates, sed metropolitani vocentur (c).

VI. Subinde Riculfus archiepiscopus Moguntinus quum perpetuam sibi suæque Sedi facere dignitatem Primatis etiam Galliarum, quæ per obitum S. Bonifacii decessoris sui defuerat, contra nitentibus Gallis, maximopere studeret: auctor fuisse

(a) Lignet ex mutuis epistolis Zachariæ ad Bonifacium, & huius ad illum in collect. Concil. & Hloardo lib. 2 histor. Rhm. cap. 16.

(b) Hincmarus in opus. LV capitum cap. 16.

(c) Carol. M. lib. 7 capitular. cap. 336.

fuisse haud temere putatur, ut pseudo Isidorus, Ioannes nimirum Anglus Moguntiae degens ei obsequentiſſimus apocryphas decretales priscorum Pontificum ante Siricum conſlaret (a); easque primus ipse Riculphus velut genuina vetustatis rudera in vulgus e simulatis Isidori Hispalensis pluteis proferret appositas ad persuadendum, quod Apostoli dignitatem Primatis patriarchicae immo & pontificiae aliquando parem instruisſent in primariis urbibus, eique ceteros metropolitans omnes subiecissent. Prima S. Clementis ad Iacobum fratrem Domini epistola supposita haec de iure Primatum habet. *In illis ciuitatibus, in quibus olim apud ethnicos primi flamines eorum atque primi legis doctores erant, episcoporum primates poni vel patriarchas B. Petrus praecipit, qui reliquorum episcoporum causas, & maiora quoties necesse foret negotia in fide agerarent (b).* Altera S. Anacleti ad episcopos Italiae idipsum absurdus recinit. *Provincia multo ante Christi aduentum tempore (ait) diuise sunt maxima ex parte, & postea ab Apostolis & B. Clemente praedecessore nostro ipsa diuisio est renouata. Et in capite prouinciarum (ubi dudum primates legis seculi erant ac prima iudiciaria potestas) ipsis quoque in ciuitatibus vel locis nostros patriarchas vel primates, qui vnam formam tenent, licet diuersa sint nomina, leges diuinæ & ecclesiasticae poni & esse iusserunt: ad quos episcopi, si necesse fuerit, confugerent, eosque appellarent: & ipsi primatum nomine fruerentur & non alii. Reliquae vero metropolitanae ciuitates, quae minores indices habebant, haberent metropolitanos suos, qui praeiudicis iuste obedirent primatibus, sicut & in legibus seculi olim ordinatum erat (c).* Tertia Lucii I ad omnes Galliae & Hispaniae episcopos ad eundem scopum intendit. *Urbes & loca, inquit, quibus primates praesidere debent, non a modernis sed etiam multis ante aduentum Christi sunt statuta temporibus: quarum primates etiam gentiles pro*

(a) Ex supradictis tit. 9 n. 20.

(b) Clemens in can. in illis 2 dist. 80.

(c) Anaclet. in can. prouincia 1 dist. 99.

pro maioribus etiam negotiis appellabant. In ipsis vero verbis post Christi aduentum Apostoli & successores eorum patriarchas vel primates posuerunt, ad quos episcoporum negotia (salua in omnibus apostolica auctoritate) & maiores causæ post apostolicam Sedem sunt referendæ (a). Proh nefas! quot glomerata paucis lineis mendacia! *Primatis vox* æuo martyrum inaudita penitus, quæ non ante quartum seculum emerfit, & patriarchæ titulus ad primarios episcopos eodem fere tempore traductus vah quantum abhorrent ab ore & calamo SS. Petri, Clementis, Anacleti, Lucii, aliorumque supparum? Diuisionem diocesum & prouinciarum sine scripto iure moribus tantum proculdubio inductam, quam scripto canone primi omnium constituerunt Patres Nicæni, placido nunc aure quis audiet ab Apostolorum Principe, eiusque proximis successoribus imperatam scriptis eiusmodi epistolarum legibus? Metropoliticæ parem in orto suo tardiore dignitatem Primatis ecquis crediderit ab Apostolis æquatam sublimiori patriarchicæ, ac metropolitæ ceteris ferme diuinitus præpositam? Negotia fidei, quæ diuino iure ad Petri Sedem & concilium œcumenicum pertinent præterea neminem, quonam pacto valuit Petrus ipse per Pseudo Clementis epistolam remittere futuro cuiusque Primatis iudicio inferiori? Istæ absurda, aliaque plura iandiu patefacta vitia potissimum in causa fuere, vt spurias eiusmodi epistolas Isidori mercatoris concordi animo repudiarent viri doctiores, falsa veterum interpretum de iis opinione vdelibet depulsa. Qui vero totus in eo fuit laruatus Isidorus, vt potestatem Romanæ cathedræ in rebus fidei definiendis, & ordinationibus episcoporum occidentalium & causis appellationum Primati cuius addiceret; suum is certe calamum operamque non Romanæ pontificiæ potestati, sed Primati Moguntino verosimilius, aliisue quibuslibet Primatum fautoribus locauit.

VII.

(a) Lucius in *can. urbes* 1 dist. 80. Conspirat eodem pseudo Felix I in *cap. hæc sunt 2 de accus.*

VII. Bulgariæ Primatem creauit Archiepiscopum Trinitonitanum Innocentius III., ad eumque decretalem dedit (a). Alios alibi constitutos Primates inquirere singulatim nostra non interest. Italia more antiquo tribus martyrum seculis Metropolitanum, Primatemque vnum habuit episcopum Romæ, præterea neminem. Quarto ab inde seculo diuisa in duos Vicariatus Italia, prouincias decem Vicario vrbs obtemperantes administrare per sese Pontifex maximus perrexit. Scilicet 1. *Picenum suburbicarium*. 2. *Campaniam*. 3. *Tusciam & Vmbriam*. 4. *Apuliam & Calabriam*. 5. *Aprurios & Lucaniam*. 6. *Samnium*. 7. *Valeriam*. 8. *Siciliam*. 9. *Sardiniam*. 10. *Corsicam*.

VIII. Reliquas vero septem prouincias Vicario Italiæ subiectas accepit episcopus *Mediolanensis* (b), factus inde Metropolitanus & Exarchus. Quæ sunt 1. *Flaminia & Picenum*. 2. *Venetia & Histria*. 3. *Æmia*. 4. *Liguria*. 5. *Alpes Cottiae*. 6. *Rhe-*

(a) Inn. III in cap. cum venisset 1 de sacr. vñcl. Ibi in notis id scite obseruat Emm. Gonzalez ex Spondano post Baronium ad an. 1204 num. 12, & Bosqueto de gestis Innoc. III fol. 61.

(b) Benedikt. Bacchin. in dissert. de ecclesiast. hierarch. origin. Plura quidem sunt, quæ Milanensem episcopum metropolitana dignitate diu nudatum indicant. Mirocles episcopus Mediolani ad Romanam prouincialem synodum a Melchade indictam sub initio IV seculi adiit, ut tradit Opratus Mileuit. lib. 2. cont. Parmen. E contrario nulla prouincialis synodus vquam ante Constantinianæ tempora a Mediolanensi Præfule conuocata ostenditur.

Diui Ambrosii ordinatio consummata est a Simpliciano, apostolico Legato S. Damasi Papæ, quem ideo diuus Augustinus Parmem in accipienda gratia vno episcopi Ambrosii scite nuncupauit lib. 8. confess. cap. 2. Hanc quidem rem reticuit, at non exclusit Theodoretus lib. 4. hist. cap. 7, enarrans electionem eius in episcopum vni populi acclamatione, & præcepto Imp. factam. Nil itaque officit reticentia Theodreti Romano Primati super Mediolani prouincia. Gelasius I, epist. 13 prope finem seculi V, Acacii Constantinop. Patriarchæ superbiam irrisit, quod is Primatum in ecclesia sibi daret ex throno imperiali in ea verbe sit: cum id antea nunquam petiissent Rauennates, Mediolanenses, Syrmienenses. Treuerenses episcopi, quauquam eorum in vrribus dudum confedissent Imperatores. Numquid non apud Rauennam (aciebat Gelasius), apud Mediolanum, apud Syrmium, apud Treuios multis temporibus confedit Imp.? Et Pelagius I seculo V rescripti. Serius ergo indultum, ut ipsi se inuicem Mediolanensis & Aquileiensis ordinari debuissent, quia longinquitate vel difficultate itineris onerosum illis fuerat ab Apostolico ordinari, can. prudentia XXIV q. 7.

6 *Rhetia Prima*. 7 *Rhetia Secunda*.

IX. *Ravennatensis* initio seculi V Flaminiam & Æmiliam provincias, cum iisque Primatum obtinuisse fertur (a).

X. De *Aquileia* & *Venetiarum* Primatibus iam dictum superiori titulo.

XI. In Gallia Primatis dignitatem, nomenque assequuti sunt Archiepiscopi *Arelatensis*, *Vienensis*, *Rhemensis*, *Metensis*, *Senonensis*, *Lugdunensis*, *Bituricensis*, quorum singulatum initia, progressus, contentiones, decreta & privilegia pontificia describit Dupinius (b).

XII. In Hispania tres olim fuere Primates. In Bætica a Vandalis capta *Hispalensis* episcopus. In Gallæcia Sueuorum *Bracharensis*. In Carpentaria Alanorum *Toletanus*. Post expulsi Vandalis & Suevis solus Toletanus Primatum totius Hispaniæ cepit, quem agnouerunt Patres in synodo Toletana anno 610, & in alia Toletana XII anno 681 (c). Tum firmarunt Romani Pontifices Urbanus II, Innocentius III, & Martinus V (d).

XIII. In Sicilia Arcadius primus in Oriente Romanorum Imperator privilegium ciuitati Messanenſi concessit anno 407, ut ea ipsa ciuitas in magna Græcia & Sicilia fieret protometropolis (e). Tum Rogerius Siciliæ Rex eidem ciuitati antiqua iura, aliasque prerogativas & immunitates confirmauit anno 1129 (f).

XIV. Hoc in regno Neapolitano Primatus dignitatem ecclesiæ Salernitanæ seculo X concessam fert chronicon Cauenſe. Anno 986 *Amatus episcopus Salernitanus factus est in sua Sede archiepiscopus, & ipsi subditur totus Principatus cum assensu*

(a) Carol. a S. Paulo in *Geographia sacra*.

(b) Dupin. *dissert. 1 de antiq. eccles. disciplin.* §. 10 per tot.

(c) *Gan. cum longe 25 dist. 63 Ph. Ferrar. in topograph. noua, Castellon lib. 1 Primat. Tolet. Ortiz de templis Toleti.*

(d) Dupin. *loc. cit.*

(e) Id liquet ex 10. Christ. Lunig *to. 4 codicis Italiae diplomatici secl. 2 diplom. 1.* (f) Ex eiusdem Rugerii *dipl. 3 apud Lunig loc. cit.*

*sensu Papæ Ioannis XV, & Principis puta Ioannis de Lamber-
ro (a).* Stephanus X Alfano I, Salernitano archiep. IX anno
1057 dies præscripsit, in quibus pallio archiepiscopali debe-
ret in missarum sollempniis uti, & facultatem nominandi, e-
ligendi & consecrandi decem episcopos suffraganeos, Pæsta-
num, Compsanum, Acheruntinum, Nolanum, Consentinum,
Bisilianensem, Melphistanum, Policastrensem, Mariscanum &
Cassanum (b). Alexander II, dum Capuæ fuit, vetera ecclesiæ
Salernitanæ priuilegia litteris suis confirmauit (c). Vrbanus II in-
vrbe Salerni XIII cal. Aug. indiſt. VI anno 1099, ad pe-
titionem Alfani archiepiscopi Salernitani, & Ducis Rogerii,
rationibus veterum ecclesiæ Salernitanæ priuilegijs informa-
tus eidem Alfano, & successoribus archiepiscopis Salernitanis
concessit *primatum* gerere supra *Compsanam & Acheruntinam*
ecclesias, & earundem suffraganeos: quia olim metropoli Salerni-
tanæ subiectas nouerat, urbemque Salerni *requiem sibi ac portum*
nonnunquam fuisse ait. Simul asseruit eas ipsas ambo ecclesias
pallii dignitate ex priuilegijs auctoritate, nesciens qua ratio-
ne, præteritis temporibus a Sede apostolica meruisse; eisdemque
archiepiscopalem honorem ac nomen conseruatam voluit. At
quicquid subiectionis primatibus perfoluendum sacri canones
constituunt, id archiepiscopo Salernitano a Compsano & Ache-
runtino perfoluendum iussit: adiiciens, ut præsentē etiam Ro-
manæ Sedis Legato in iis ipsis duabus metropolitānis urbibus
cum consilio semper archiepiscopi Salernitani eligerentur ar-
chiepiscopi; cum eiusque litteris aut nuntiis consecrandi ad
Sedem apostolicam dirigerentur: iique ad electionem ar-
chie-

Tom. I.

D d

chie-

(a) Petrus de Salerno Cancellarius, & Girbertus archiuaris in chronico sacri
Mon. SS. Trinitatis Canensis. Præterea ex monumentis in codice ms. seu Platea
ecclesiæ Salernitanæ collectis anno 1714, fertur post triginta duos episcopos Sa-
lernitanos Amatus I archiepiscopus priuilegio Beuedicti VII anno 977, quem
collaudat bulla Ioannis XV ad Grimaldum archiep. Salern. data anno 985.

(b) Ex eodem ms. codice ecclesiæ Salernitanæ. Lud. A. Muratorius 10.1. an-
tiqu. Ital. diss. 5. col. 219, & seq. de Salerni archiepiscopatu loquens *Alphannus primus*
omnium, ait, adeptus est dignitatem archiepiscopalem anno circiter 1083, ut liquet ex
diplomatibus Rogerii *Apulia & Calabria Ducis*. At vero antiquiorem huius di-
gnitatis accessionem ostendunt iam dicta monumenta. (c) Ibidem.

chiepiscopi Salernitani vicissim aduocarentur. Post consecrationem vero, vel pallium ab apostolica Sede perceptum archiepiscopo Salernitano tanquam Primati obedientiam promitterent & exhiberent; salua tamen in omnibus secundum canonicas sanctiones Romanæ ecclesiæ auctoritate.

XV. Capuanæ item ecclesiæ dignitatem potius Primatis, quam solius metropolitani fuisse collatam a Ioanne XIII anno circiter 965, qui *Ioannem Pandulphi Principis Capuæ germanum consecrauit in aula archiepiscopum pro vniuerso principatu*; sunt qui adstruunt ex breue chronico Comitum Capuæ (a). At metropolitæ desiderantur, qui tunc temporis Capuano Primati subessent.

XVI. Siquis alius antistitem alicubi in maritimis huius regni prouinciis dignitatem, honoremque Primatis obtinuit, videlicet Primas Salentinorum Hydruntinus archiepiscopus, vel Rhegiensis protocathedra: ipsam ii putantur non ab apostolica Sede Romana, sed a schismatico throno Constantinopolis accepisse non metropolitica maiorem, sed æqualem.

T I T. XVI.
De Metropolitanis & Archiepiscopis.

- 1 *Archiepiscopi non patriarchas quoque generatim, metropolitanos speciatim significat.*
- 2 *Prouinciarum in ecclesia diuisio videtur ab Apostolis processisse.*
- 3 *Nam canonibus vulgo Apostolorum plane constitutum est, ut primatum inter se colerent episcopi, mox apertius explicita iura primatum & metropolitatum.*
- 4 *Nicæna synodus inductas iam parochiarum, diæcesumque diuisiones, & consuecta metropolitatum iura firmauit.*

5 *Vnus*

(a) Chronicon Comitum Capuæ præfixum necrologio Capuani monasterii S. Benedicti Casinensium a Fr. M. Pratillo typis editum, notisque illustratum to. 3 *hist. Lang. Cam. Pellegr.* §. 11 hæc habet. Cum Ioannes (XII) apostolicus a Romanis nequiter fuisset expulsus, & Capuam se fugiens asyleret, Pandulph statim cum eo exeratum recollegit, & Romam indeptus est, suos amulos casus & superatus est. Propterea eius germanum Ioannem vir apostolicus (sc. Ioannes XIII anno circiter 965, ut notat Pratillos) consecrauit in aula archiepiscopum pro vniuerso principatu. Ex hisce verbis conicit Pratillus primatem totius nationis Langobardicæ creatum, non metropolitam simplicem.

- 5 *Vnus totius Italiae metropolitanus Papa maluit seculo ab inde X suam aliis episcopis metropolitica dignitatem conferre.*
- 6 *Romana provincia olim amplior nunc inter Capuanam & Pisanam consistit, complectens praeterea praesules apostolicae Sedi subiectos immediate.*
- 7 *Ultra Capuam ei subsunt episcopi quinque, citra vero archiepiscopi tres suffraganeis carentes, 18 episcopi S. Sedi immediate subiecti, multique abbates nullius diocesis.*
- 8 *Seculo VII Patriarcha Constantinop. nonnullis huius regni episcopis dignitatem archiepiscopalem, seculo X Pontifex Romanus cepit eam pluribus aliis conferre.*
- 9 *Nunc tredecim metropoles archiepiscopales liberae collationis pontificiae numerantur.*
- 10 *Aliae octo ad regiam pertinent nominationem.*
- 11 *Siciliae regnum tres habet metropoles.*
- 12 *Iura metropolitana alia sunt honoris, alia potestatis.*
- 13 *Priscis canonibus potestas archiepiscoporum orientalis ecclesiae erat amplior.*

Voces patriarchae & archiepiscopi synonymas facit etymologia, usus distinguit. Olim sane patriarchalium Sedium praesules in primis soli appellabantur *archiepiscopi* (a). Post distinctionis gratia nomen hoc metropolitanis datum, sc. praefulibus in vnaquaque metropoli cuiusque provinciae capite residentibus, & suffraganeos sub se episcopos habentibus: aliis praeterea nonnullis ad honorem duntaxat sine aliqua potestate metropolitana. Quid proinde maius archiepiscopo nunc sonat metropolitanus.

II. Prouinciarum in ecclesia distributionem repetit Petrus

D d 2

trus

(a) Seculo IV antiquius non est vocabulum *archiepiscopi*, quod veteribus antehac incognitum primus usurpauit Meletius in catalogo ad Alexandrum Alexandrinum dato apud S. Athanasium aiens. Ioannes iussu ab Imp., ut una esset cum *archiepiscopo*. Tum SS. Damaso, Coelestino, & Leoni, & praecipuarum itum metropolitum Primatibus inditum, ostendunt scripta Patrum & conciliorum acta, quae commemorat Dupin. *dissert. 1 de antiq. disciplin.* §. 3.

thus de Marca (a) ex gestis Apostolorum, quorum ideo princeps Petrus inscripisse videtur canonicam ep. 1 *electis aduenis dispersionis Conri, Galatiæ, Cappadociæ, Asiæ & Bithyniæ*, ut Christianos distingueret distinctis prouinciis & vrbibus. Et quoniam Paullus ad Chorintios, simul ad Ephesios, eorumque præfulem Timotheum, ad Colossenses, Thessalonicenses & Titum totius Insulæ Cretensis antistitem dedit epistolæ: conicitur eo intendisse Apostolos, ut ex illis metropolitibus ad subiectas cuiusque prouinciæ vrbes propagaretur euangelii fides, traditionesque apostolicæ promulgarentur. Hæc porro iuris metropolitici probabilem faciunt coniecturam, quæ tamen Dupin, ceteris haud paucis non arridet. Probabilem inquam coniecturam: æquis hac in re certum proferre nouit? Pseudo-Isidorus finxit epistolam diui Clementis ad Iacobum fratrem Domini (b), ex eaque diuum Petrum iussisse, ut in maximis vrbibus; vbi primarii æthnicorum flamines erant, patriarchæ, primatesque præsiderent: in minoribus, vbi archiflamines, ponerentur archiepiscopi; in cæteris singulis episcopi. Ad longum errorem plures hæc abduxit epistola. Sed rei veritas adhuc in antiquitate vltima lætetur: nec enim definiri potest liquido Apostolos ipsos instituisse prouincias & dioceses: at falsum omnino est eas nonnisi IV seculo introductas.

III. Enimuero ab ecclesiæ moribus vetustissimis, quorum initium nescitur, dignitas metropolitæ prodiiit cœræa cum patriarchis & primatibus. In canone vulgo Apostolorum 33 cautum, ut episcopi quique agnoscerent eum, qui *in eis primus est*, & existiment *ut caput*. De metropolitæ canonem hunc loquutum sensit Antiochena synodus *can. 9*: & nemo nescius nunc est consuetudines nascentis ecclesiæ sensim inolitæ contriueri memoratis vulgo Apostolorum canonibus. Eodem sensu Patribus concilii Carthaginensis II *can. 12* placuit, ut inconsulto primatæ cuiuslibet prouinciæ nemo præ-

(a) P. de Marca *lib. 6 de concord. cap. 1 n. 3, & seqq.*

(b) Apud Gratianum in *can. in illis 2 dist. 60*. Videlicet dicta superius *tit. 15 num. . .*

præsumeret episcopum ordinare. Et S. Leo M. (a) non conuelli iussit *provincialium iura primatum*, nec priuilegiis antiquitus institutis *metropolitanos* fraudari antistites.

IV. Nicænis canonibus, qui aperte provinciarum & metropolium in ecclesia consuetudinem proculdubio antiquiorem comprobarunt, factum est, ut singulæ metropolium ciuiliū in Oriente potissimum metropoles essent ecclesiasticæ: adeo ut si quos episcoporum incessisset ambitio dignitatis metropoliticæ, studerent prius ab Imp. metropolis honorem vrbi suæ ipsi obtinere, vel vnus in duas provincias diuisionem (b). Hinc turbæ, contentionesque inter episcopos de iure metropolitico manum confertos, quas tamen concilium Chalcedonenſe aſſ. IV, non secundum leges, aut pragmatikas; sed secundum canones censuit examinandas. Idipsum; ne ecclesiastica provinciarum iura dissoluerentur legibus Principum, scite reſcripserunt Innocentius, S. Gregorius M. & Nicolaus I (c).

V. In Occidente Italix vrbes & provincias omnes multo arctius Papæ, quam cæteras adhærentes sine propriis metropolititis diutissime constitisse iam indicatum superiori titulo est. Quos autem processu temporum interrupte quidem, sed seculo X, & XI frequentissime creauit Romana Sedes apostolica, suam cum illis auctoritatem metropoliticam oportuit com-

(a) S. Leo M. *epist.* 53, *alias* 50 in edit. Quenel.

(b) S. Gregorius Nazianz. *orat.* 20, tradit diuisionem provinciarum ecclesiasticarum ideo sublequatam, quia Valens Imp. odio Basilii Cappadociam duas in partes secuerat. Theodosius quoniam precibus Enſtatiū Berytenſis episcopi adductus Berytum fecerat metropolim, media Tyri provincia Photio detracta est, de qua disputatum in concil. Chalced. aſſ. IV; tum ei ſententia iudicium, quos Marcianus dederat, restituta. Nicomediensis episcopus ius metropoliticum recuperavit, postquam PP. Chalcedonenſes aſſ. XIII cognouerunt Nicomediā olim fuisse metropolim, quo in iudicio succubuit Nitænus episcopus. Quid plura? Eadem synodus Chalcedonenſis can. 17 censuit diffinire. *Si qua ciuitas ab imperatoria auctoritate innouata fuerit, ciuiles & publicas formas, ut ecclesiasticarum quoque parochiarum ordo consequatur.* Puta non ipſo quidem facto, sed re ante perpenſa ab ecclesiæ Patribus, deque ipſorum conſenſa ac voto.

(c) Nicol. I in *can. lege Imperatorum* 1 *dist.* 10.

communicare; adeo ut quo plures facti metropolitæ in provinciis suburbicariis, eo angustiores concludi Romanæ provinciae sint fines. Salua tamen ei & integra semper potestas vel patriarchica vel papalis permansit. Cum nimis longum sit singulos metropolitæ persequi (a): sat erit post Romanum regnicolas nostros inspicere:

VI. Romanam provinciam seculo XI inter Capuanam & Pisanam contineri dixit Innocentius III (b), quæ præter septem episcopatus Cardinalium, sexaginta alios tunc recenset suffraganeos nulli archiepiscopo subiectos (c). Ex iis adempti postea sunt viginti, quos metropolitæ novis Florentino, Senensi, Vrbinate, Firmano ac Bononiensi diuim dederunt Martinus V, Pius II, & IV, Xystus V, & Gregorius XIII. Attamen Romanam adhuc provinciam specialem terminant hinc Capuana, illinc Pisana. Suffraganeos autem introrsus ademptos suppleunt extrinsecus quum archiepiscopi suffraganeis carentes, tum episcopi Sedi apostolicæ immediate subiecti, & abbates nullius diocesis iurisdictionem quasi episcopalem habentes, qui alijs sibi metropolitanum, cuius provinciali concilio interessent, ad formam Tridentini non elegerunt: Quos singulatim omnes ad provinciale concilium Romanum Benedicti XIII cl. mem. anno 1725 vocatos probant litteræ indictionis, alias commemoratæ (d).

VII. Inter huius provinciae principis suffraganeos in regno Neapolitano Capuam ultra siti sunt quinque, Aquilanus, Sulmonensis (cui Valvensis ecclesia unita est), Civitaducalis, Terami & Marsorum. His adduntur tres archiepiscopi suffraganeis

(a) De quibus diffuse Ioseph Cantelius in metropolit. urb. hist. civil. & ecclesiast., Carol. a S. Paulo in geograph. sacra, Leunclau. Bingham. cenari. Tholosanus episcopus in metropolim erectus a Io. XXII. in extrauag. exstrabilis 4 de prebendis.

(b) Innoc. in cap. tua nobis de off. vicar.

(c) Ex Cod. Vaticano apud Baron. ad ann. 1057, alioque Thianeo apud Carol. a S. Paulo.

(d) Tit. 6 huius lib. cap. 3 num. 44.

ganeis orbat, *Rossanensis* (a), *Lancianensis* (b) & *Nepesinus*. Tum XVIII simul episcopi immediate Sedi apostolica subiecti, sc. *Aquini*, *Aversa*, *Bisuntini*, *Caiera*, *Cassani*, *Caucae*, *S. Marci*, *Melpbia*, *Melpbicta*; *Mileti*, *Monopolis*, *Montispelussii*, *Neriti*, *Pennarum* & *Adria*, *Scala* & *Rauelli*, *Sora*, *Trinenti*, *Troia*. Permulti demum abbates nullius diocesis cum territorio separato & ordinaria iurisdictione: in his *Casinenfis*, *SS. Trinitatis Cauca*, *S. Spiritus Morroni*, *Montisvirginis*, *S. Laurentii Chartusæ padularum*, id genus alii.

VIII. Quod ad reliquas huius regni provincias, exploratissima res est, eas ipsas omnes non alium prioribus seculis metropolitanum habuisse nisi Romanum Pontificem (c). Ineunte seculo VII Patriarcha Constantinopolitanus, dum Phoca occidenti imperabat, titulum honoremque archiepiscopi dare cepit præfulibus *Hydruntino*, *Bariensi*, & *Neapolitano* [d]. Romani autem Pontifices eam rem nouam animo ferentes ægerimo præfules illos increpare, eorumque conatibus aduersari non desuerunt (e). Tum ex *notitia dignitatum* viriisque Imperii erui-

(a) Abbas Fuldenfis, & Vghellius *to. 9. Ital. Sacr.* Rossanum refert fuisse translatum Thurii, seu Terracouz episcopatum. Huic Archiepiscopo suffraganeum olim fuisse episcopum Cariatensem nonnulli putant, alii Bisuntinensem. Neutra sententia satis liquet.

(b) Card. Petr. ad constit. apostol. Honorii *unicam incip. charissimus to. 1 n. 23 pag. 471*, Benedict. XIV de *Synod. dioces. lib. 2 cap. 4 n. 3. & 4.*

(c) Id fatetur etiam historię ciuilibus Neapolitanę auctor Giann. *lib. 2 cap. 8*, post Dupinium de *antiqu. eccl. discipl. dissert. 1.* Idemque *lib. 3 cap. 6 §. 3* scribit, quoad Gothi, & Græci sub ditione sua has provincias nostras vsque ad Iustinianum II imperium obtinere, Papam solum dignitate metropolitana potitum in hisce ipsis regionibus fuisse. Atque a Cassiodoro *lib. 9 cap. 15* fertur Atalaricus consueuissse episcopos generatim titulo patriarchę honoris gratia appellare, Papam vero episcoporum patriarcharum.

(d) Paull. Warnefrid. Vghell. de *episc. Hydrunt.*, Beatt. *hist. di. Bari.*

(e) Bart. Chioccarell. de *episc. Neap. ad an. 730.* Guilielmus Durandus obseruat ciuitatibus, quę prouinciarum capita in hisce prouinciis fuerint, olim Duces præfuisse, ceteris Comites; & inde factum ut ciuitates ducales habuissent metropolitanos archiepiscopos. Et quoniam sub B. Gregorio X. Dux Neapoli præerat, & duodecim ciuitatibus Pompeii, Herculani, Acerre, Nolæ, Puteolis, Cambræ, Miseno, Baia, Ischia, ceteris: inde arguunt nonnulli etiam

eruitur tres metropoles olim hoc in regno Patriarchæ Constantinopolitano paruisse, *Rbegiensem*, *S. Severina* in Calabria, & *Hydruntinam* (a). I, Metropolitæ *Rbegiensi* tunc temporis subdebantur tredecim episcopi, sc. *Bibonensis* seu *Mileri*, *Rufiani*, *Amantea*, *Nicoterenfis*, *Cassani*, *Tauriana* seu *Cariati*, *Scylacii*, *Crotona*, *Bisuniani*, *Locridis*, *Tropæi*, *Constantia*, seu *Cosentia*, & *Nonocastrenfis*. II, Metropolitæ *S. Severina* quinque sc. *Euryatenfis*, nunc *Oyra*, *Aisylorion* seu *Alexani*, *Acerentinus*, *Castrueteris*, *Callipolitanus*. His adiungitur a Miræo episcopus *S. Leonis* Græcus (b). III, *Hydruntinus* nullum primo suffraganeum, deinde sub imperio Nicephori Phocæ anno circiter 968, episcopos *Acherontia*, *Turcici*, *Gruina*, *Mazera* & *Tricarici* sub se habuit, si fides Liutprando habenda est (c), itemque *Lecensem* episcopum ex Miræo. Addit Nilus ecclesias *Brundusii* & *Tarenti* a Constantinopolitano sacerdotes accepisse. *Neapolitanum* archiepiscopum titulo tenus sine suffraganeis primum, deinde *Cumano* episcopatu præfeditse refert Miræus (d). Atque archiepiscopo *Beneventano* subiectos fuisse episcopos *Montiscoruini*, *Turribinensem*, *Draconariensem*, *Florentinum*, *Ciuitatensem* & *Frequentinum*. Ab historicis nostris

etiam illo ex tempore auctam dignitate metropolitica. At alii rectius tenent hanc dignitatem Neapoli concessam a Ioanne XIII post Capuam & Beneventum. Videtis Camill. Pellegrin. in *hist. Langobard. dissert. de Ducatu Beneventan.* Engen. Caracciolus *Napoli sacra* pag. 1, & Chioccarell. *de episc. Neap.* affirmant dignitatem metropolitica ecclesiæ Neapolitanæ reuera accessisse temporibus multo posterioribus. Vulgatus Decretalium textus Gregorianus in cap. 1 de statu monachorum inscriptam exhibet epistolam S. Gregorii X. archiepiscopo Neapolit; eamque Gonzalez curatius monet a S. Greg. rescriptam Fortunato episcopo Neapolitano, ex registro epistolarum ipsius, & prima Decretalium collectione. Pariter in eodem textu cap. 1 de religiosis domibus quom legatur Gregorius Victori archiepiscopo Neapolitano rescripsisse: mendosam eiusmodi inscriptionem ita corrigi cum Antonio Contio, & Ant. Augustino Emmanuel Gonzalez, vt pro archiepiscopo reponat verbum genuinum episcopo.

(a) Nouell. Leonis Philosophi apud Leunclau. to. 1 iur. Græc. Rom. lib. 2. Leo Allac. *de ecclæs. occiden. & orient. perp. consens.* Nilus Domopatrius *de quinque thronis patriarchalibus* ad Roger. Siciliæ Reg.

(b) Aubert. Miræus *de episcopat. Patriarch. Constantinop. subiectis.*

(c) Liutprand. in *legat. ad Nicephor. Phoc. pro Osbon.* (d) *Loc. cit.*

stris fertur Petrus Bariensis episcopus anno 530, sub pontificatu Felicis IV, dignitatem archiepiscopi & metropolitæ super duodecim Apuliæ episcopis accepisse a Patriarcha Constantinopolitano (a). Mox ipsam ab eodem alii adepti fuere, Præsules nimirum Barii, Canusæ, Brundusi, Hydrunti, Tarenti, S. Seuerinæ & Rhegii in Apulia & Calabria, Lucania & Brutiis (b). Eas ecclesias a schismatici throni servitute omnino redemptas, subactis extinctoque in his regionibus imperio Græcorum, reapse restituit pristinæ Romani Pontificis obedientiæ Rugerius I Siciliæ Comes, qui legati apostolici munus ab Urbano II promeruit anno 1098. Sub ea fere tempora plures in duodecim profanis huius regni provinciis erectæ ab apostolica Sede metropoles, provinciarque ecclesiasticæ, quam præcedenti seculo X, sunt: quo declinante erant iam institutæ metropoles *Neapolis*, *Capuæ*, *Beneventi*, *Salerni* & *Amalphæ* [c]. De antiquiore singularum institutione contententes facile refelluntur exploratis historiæ monumentis.

IX. Hodie viginti vna sunt [d] metropoles archiepiscopales, quarum tredecim ad liberam Papæ collationem attinent, reliquæ octo ad regiam nominationem. Primæ classis pontificiæ sunt. I Metropolis *Neapolitana* cum quatuor suffraganeis Acerrano, Nolano, Isclano, alias Pithecusano, & Puteolano, vnoque exemto Aversano. II, *Capuana* cum octo suffraganeis, Calatiæ, Caleni (vulgo Carinola), Calium (alias Calui), Casertæ (seu Saticulæ), Ifernæ, Sueffæ, Theani, & Venafri, exemptisque tribus Aquinense, Caietano, & Sorano. III, *Beneventana* cum sedecim suffraganeis Abellinensi &

Tom. I.

E e

Fre-

(a) Ex Vghellio de episc. Bariens. & Beatillo in *hist. Bariens.* pag. 9, id refert auctor *hist. civ. Neap. lib. 3 cap. 6 §. 1*, sua ex sententia addens idipsum tempore posteriori factum, propterea quod eo anno 530 nondum græci hæc provincias inuaserant, quibus tunc dominabatur Atalaricus Rex Gothorum.

(b) Idem auctor *hist. civ. lib. 2 cap. 8*.

(c) Chioccarelli. de *episc. & archiep. Neap. an. 962*, Chron. Cassinens. *lib. 2 cap. 9*, Io: B. de Tuso episc. Acerr. in *hist. Relig. Clericor. Regular. cap. 107*.

(d) Ex Provinciale Romano ecclesiar. catholicar. iussu Leonis X edito ap. 1514, & Pyrrho Corrado in *addis. ad præf. dispensat. apost. de episcopatu* totius Orbis descriptione.

Frequentino, Alipha, Ariani, Asculi, Boiani (alias Boiani), Bovini, Guardiaz Alferiaz, Larini, Luceria, Montimarani, S. Agathaz Gothorum, S. Seueri, Telefiz, Triuici, Termularum, & Vultuariz, vnoque exemto Triuentino (a). IV, *Amalphytana* cum quatuor suffraganeis Capritano, Litterensi, Minorensi & Scalensi cum exemto Rauellensi, V, *Surrentina* cum tribus suffraganeis Castro-Stabienfi, Massalubrenfi, Vico-Equensi. VI, *Comfana* cum sex Laquedonenfi, Montisuiridis, Murano, Satriani, S. Angeli Lombardorum & Bisaciaz. VII, *Bariensis* cum octo suffraganeis Bitunti, Bitunti, Conuerfani (seu Cuperfani), Iuuenacii, Lauelli, Minervini, Poliniani, & Ruborum, exemtoque vno Melphitenfi. VIII, *Consentina* in Calabria citeriori vnum habet suffraganeum Martyranensem; exemtoque tres, Cassanensem, Miletensem, & S. Marci. IX, *S. Seueriniana* in Calabria quinque suffraganeos Bellocastrensem alias Chioniensem, Charitanensem cum Gerentiano, Insulanum, Strongylensem, & Vmbriaticum. X, *Sipontina* seu *Manfredoniensis* vnum Vestanensem; exemtumque alterum Melphiensem. XI, *Tecatina* suffraganeum vnum Ortonensem cum Camplesi; & sex exemtos, Pennensem cum Adriensi, Aquilanum, Aprutinum (di Teramo), Ciuitatis Ducalis, Marforum, Sulmonensem cum Valuensi (b). XII, Archiepiscopus *Namarenus* sedem in ecclesia S. M.

(a) Quod Vitalianus Pontifex post annum 656 Barbato episcopo Beneuentano vniuerſis & subieciſſet Bibinum, Asculum, Larinum, ecclesiam S. Michaelis arcaugeli in Gargano, & Sipontinam, quæ in magna iacebat inopia, refert Vghellius in *Ital. ſacr. de epiſc. Beneuent.* Tum in chronico monaſterii Beneuentani apud Muratorium *lib. 1 antiqu. med. aui diſſert. 5* fertur Papa Ioannes XIII primum conſecraſſe Landolphum archiepiscopum Beneuentanum anno 970. Ibiſque ſic notat Muratorius. *In concilio Romano metropolitana dignitas ad Beneuentanam primum acceſſit eccleſiam, poſtquam iam Capuana ea prerogatiua fuerat inſignita: quicquid perperam in reſtauratiſſime ſua dicat nuperus eruditus criticus. Extat to. 9 Concil. col. 1238 edit. Labbeæ. epiſtola Ioannis XIII Papa data Romæ 7 cal. Iunii indiſt. 12.*

(b) Clemens VII an. 1526 poſtulante Carolo V Imp. & ciuibus Theatinis huius eccleſiæ dignitatem archiepiscopalem conceſſit, primumque in ea metropolitam creauit Felicem Trophimum Bononienſem, ex traditis a Hieronymo Nicolino in *hiſt. Teatina lib. 2.*

S. M. Nazaret in suburbio Baruli affecutus episcopatum Montis Viridis administrat Comfani suffraganeum, & Cannensem ecclesiam Bariensis olim suffraganeam (a). XIII, Tandem Archiepiscopus *Rossanensis* sine suffraganeis (b) vicinior est exento Bisiniani episcopo, nec non Græci ritus episcopo S. Benedicti in ecclesia olim abbatali eiusdem tituli a Clemente XII instituto (c).

X. Alterius classis regiz metropoles. I, *Acheruntina cum Materana* quinque sub se habet suffraganeos, Anglonensem cum Turfensi, Grauinensem, Potentinum, Tricaricensem & Venusinum. II, *Brundusina* vnum suffr. Ostunensem; exentosque duos Monopolitanum & Neritonensem (di Nardò). III, *Hydruntina* quinque, Alexanensem, Castrensem, Gallipolitanum, Liciensem alias Aleciensem, Vxentinum. IV, *Rbegiensis* nouem, Bouensem, Catacensem, Crotonensem, Hieraciensem, Neocastrensem, Nicoteranum, Oppidensem, Scyllaciensem, Tropeanum. V, *Tarentina* tres Castellaneæ, Mutilensem (vulgo *Mottola*), & Vritanum, vulgo *Oira*. VI, *Salernitana* octo, Acerni, Campaniæ, Caputaquensem, Marficinoui, Nuceriæ Paganorum, Nusci, Policastri, & Sarni: exemptumque vnum Cauensem. VII, *Tranenſis* tres, Andriensem, Rapollensem & Vigiliensem (di Bisciegliā). VIII, tandem Archiepiscopo *Lancianensi* nullus est suffraganeus.

XI. Siciliz regnum tres habet metropoles ecclesiasticas.

E e 2

I, Pa-

(a) Ex bolla Pauli III die 3 Nou. 1534 apud Vghell. to. 7. Archiepiscopus hic Nazarenus ad seruandam memoriam loci, in quo natus est Christus D. N. ex indulto Sedis apostolicæ vbique locorum ius habet deferendi crucem archiepiscopalem, & mozzettam seu birrum episcopalis dignitatis, ex traditis a Card. de Luca *disc. 6 in annot. ad S. Conc. Trid. num. 5, & disc. 20 de iurisdic.*

(b) Ex indulto Pii IV an. 1562 apud Vghell. *cod. to. 7.*

(c) Videtis dicta inferius lib. 2 tit. 10 num. 59. Gregorius XIV seculo XV iurgia inter Brundusinos & Vritanos in dies exardescencia sedandi studio dissoluit earundem ecclesiarum vnionem, relictoque Brundusinae Sedi antiquo titulo archiepiscopatus, Vritanum episcopum Tarentina metropolitæ suffraganeum fore statuit, ex traditis a N. Alexandro in *hist. ecclæs. sæc. XVI in vita Greg. XIV art. 23 num. 2.*

I, *Panormitanam* cum tribus episcopis suffraganeis *Agrigentino*, *Mazariensi* alias *Augustano*, & *Melitenfi*. II, *Montisrealis* cum duobus suffraganeis *Siracusano*, & *Catanienfi*. III, *Messanensem* cum tribus suffraganeis *Cephaludensi*, *Pactensi* & *Liparenfi*.

XII. Iura metropolitaram vel honorem vel potestatem spectant. *Honoris* causa crucem cum vica antenna seu transverso ligno, vt a patriarchica differat, ante se in quouis totius prouinciæ loco etiam exento efferunt (a). Pontificalibus vtuntur vestibus, populoque benedicunt (b). Pallio ornantur (c): & coram eis ob reuerentiam suffraganei rochetum palliolo rectum gestant (d): & præcedunt episcopis quum ordine tum ætate senioribus (e). Vi potestatis. I, causas omnes episcoporum suffraganeorum quum ciuiles tum criminales cognoscebant olim, definiebantque secundum antiquos canones (f), omnes

(a) Andr. Saufay de ritu deferendi crucem, Gonzal. in cap. 1 vt lit. pend. ver. deferre crucem. Crucis antelerendæ vsum ex publicarum supplicationum ritu antiquissimo profuxisse notat de Marca in dissert. de Primatibus n. 129: extensamque primum ad Legatos Hormisdæ Papæ in Græcia, quos ad urbem accedentes crucibus antelatis exceptos sese, ipsi scripto tradiderunt in commonitorio. Anastasius in vita Hadriani enarrat Carolum M. Romam accedentem, venerandis crucibus, sicut mos est ad Exarchum seu Patricium suscipiendum, exceptum. Romualdo II Guarnæ Salernitano Archiepiscopo XIV anno 116, qui tutelam egit pupilli Regis Guilielmi I cognomine *Boni*, & vtriusque Siciliæ regnum administravit, eiusque successoribus archiepiscopis Alexander III ius deferendæ crucis ante se per ciuitatem & parochiam largitus fuit ex monumentis ecclesiæ Salernitanæ in antedictum Codicem relatis anno 1714.

(b) Ex Conc. Vienn. in Clement. archiepiscopo 2 de priuileg. & const. 48 Benedicti XIV incip. *exemplis*, edita die 19 Martii 1748, se. 2 Bullarii pag. 403, vbi de ritu impertiendi pontificalem benedictionem.

(c) Cap. 1 de auctor. & usu pallii.

(d) Ex Conc. Mediolanen. V tit. de episcopis.

(e) Ex can. 33 vulgo *Apostolorum*, ibi: cuiusque gentis episcopus oportet scire, quinam inter ipsos primus sit, habereque ipsum quodammodo pro capite.

(f) Ex d. can. 33, item can. 36, & 73 vulgo *Apostol.* quibus cautum, vt in synodo prouinciali causas episcoporum referret, & synodi sententia componeret, definirique metropolitanus. Iustiniano Nou. 123 cap. 2 placuit episcopos apud metropolitam suam fore conueniendos. Et cap. 8 eiusdem Nou. cuius fragmentum est in *Auth. nullus episcopus C. de episc. & cler.* sanxit Imperator, quod nullus episcopus inuitus ad ciuilem vel militarem iudicem in qualibet causa pro-

omnes ad ecclesiasticum forum totius provincie pertinentes, nunc civiles duntaxat (a) in primo gradu. II, causas item postquam episcopus quisque, ejusque tribunal deciderit, in gradu appellationis diiudicat metropolitanus (b). III, Punit exinde iudices suffraganeos in officio delinquentes (c): eosque cogit ad transmittenda acta iudicii, a quo prouocatum sit; non originalia tamen, sed transumpta integra, nisi probabilis inciderit suspicio falsitatis vel deminutionis (d). V, Inhibet iisdem, ne ad ulteriora pedem promoueant post interpo-

producantur, vel exhibeantur, nisi Princeps iubeat. Indem autem, qui duci, vel exhiberi impetraverit, post singuli privationem viginti libras auri ecclesie illi, cuius episcopus est, persoluat. Hocce fragmentum habet Gratianus in *can. nullus episcopus* 8 C. XI. qu. 1: sed deminutum, & falso inscriptum *ep. Bonifacii Papæ ad episcopos Gallie*. S. Gregorius M. utrumque *cit. Nou.* 123 cap. 8, & 21 fragmentum inseruit in *ep. 54 ad Ioannem defensores*.

(a) Trident. *sess. 13 cap. 8, & sess. 24 cap. 5 de reform.* causas episcoporum criminales coram summo Pontifice referri, ab eoque terminari constituit; earum processus non nisi a pontificiis delegatis confici, reservata Papæ sententia: & vix minores, leuesque causas eiusmodi synodo provincie terminandas permisit. Quod vero ad cuncta nihil Patres Tridentini videntur innovasse.

(b) Conc. Sardicense *can. 14, si quis presbyter, aut diaconus ab episcopo suo fuisset electus, ei potestatem concedit prouocandi ad episcopum metropolim eiusdem provincie: si autem metropolitani abfuerit, ad finitimum consurgendi & rogandi, ut suum negotium accurate examinetur*. Innocentius III in *cap. pastoralis* II de *offic. iudic. ordin.* metropolitancam in causis appellationum auctoritatem comprobatur. Benedictus XIV autem abusus appellationum reformaturus, & querelas hinc suffraganeorum, hinc metropolitancarum mutuas refutatus saluberrimam edidit *const. 48*, quæ incipit *ad militantis*, die 30 Martii 1742, de inhibitionibus concedendis vel denegandis, de qua commodius infra *lib. 3 tit. 17 num. 15, & seqq. et lib. 4 tit. 12 num. 17, & seqq.*

(c) *Cap. venerabili* 32, & *cap. sacro* 48 de *sent. ex. om.* Conc. Lugdunense sub Inn. IV in *cap. 1 eod. tit. in 6, cap. 1 de off. ordinarii, & cap. quia pontificali* 2 de *offic. & pot. deleg. in 6*, ubi Alexander IV edixit modum panendi suffraganeos ab officio deficientes & contumaces, primum interdicto ab ingressu ecclesie: vel sacerdotalis ministerii, deinde suspensione ab officio, tandem grauiori ecclesie censura: nisi aliter suaserit enormis contumacie proteruitas.

(d) Ex decreto S. Congreg. episcoporum. iussu Clem. VII an. 1600 apud Steph. Quaranta *Can. Neapol. in Sum. Bullar. ver. archiepiscopi auctoritas*, & M. A. Genoual. in *prax. Cur. arch. Neap. cap. 88.*

terpositam appellationem (a). VI, Negligentiam quoque suffraganeorum supplet, & iustitiam, quam ab suo episcopo rer frustra subditus flagitauerit, denegatam in primo, etiam gradu administrat (b). VII, Vicarium capitularem, si neglexerit Capitulum intra octo dies eligere, deputat (c). VIII, Synodum prouincialem quolibet triennio celebrare potest, ad eumque ut conueniant, cogere suffraganeos (d). IX, Dioeceses suffraganeorum, causa in synodo prouinciali ante cognita & probata, visitare (e). X, Causas, quare ab residentia suffraganei abesse poterunt, adprobare (f). XI, Indulgentias per totam prouinciam largiri (g). His exceptis articulis in suffraganeos nullam habet potestatem archiepiscopus, licet ei sint metropolitana lege subiecti, uti rescripsit Innocentius III

ad

(a) Præterquam in casibus a Tridentino permisis, & a constitut. 48 Bened. XIV, paulo ante laudata pag. 191 lit. b.

(b) Synodus VII in *can. cum simus* IX qu. 3, permittit Constantinopolitano aliiq; metropolitae reonomos in ecclesiis suffraganeorum negligentiam instituire. Concilium Lateranense III sub Alex. III *can. 9*, metropolitano dat facultatem disponendi de beneficiis vacantibus, dum ea intra sex menses conferre neglexerint episcopi, aut Capitula ecclesiarum prouinciæ. Consonat Innoc. III in *cap. licet*, & *cap. dilecto de supplen. neglig. pralator.* Innocentius III in *cap. ad restituendum* 8 de *offic. ordin.* & Innoc. IV in *cap. 1 eod. tit. in 6*, auctoritatem archiepiscopo indulgent corrigendi, absolueudique, quos episcopus corrigere, aut absolueri neglexerit. Synodus Trid. *sess. 24 cap. 20 de ref.* iussit, causas ab episcopo intra biennium non definitas archiepiscopum ad se auocando quamprimum terminare. Ex Ritu 10 Car. Arch. Neap. quoties confiterit de triplici institutæ postulatione, quæ Ordinario loci incassum facta sit, eadem Curia Neap. cognitionem causæ in primo gradu consuevit inter suffraganeorum subditos assumere.

(c) Bonifacius VIII in *cap. ecclesia de supplen. neglig. pralator. in 6*, Trid. *sess. 24 cap. 16 de reform.* Oltm cuiusque Sedis intra prouinciā vacantis curam agebat metropolitanus, uti ostendit Binghamus to. 1 *orig. lib. 2 cap. 10 §. 20*.

(d) Ex supradictis *tit. 6 cap. 3 num. 40*.

(e) Innocentius III in *cap. cum ex officii de prescriptionibus*, Innoc. IV in *cap. Romana de censibus*, Trid. *sess. 24 de reform. cap. 3*, cui inhaeret *const. inter plures* 98 §. 18, Papæ Bened. XIV to. 1 *Bullar.*

(f) Conc. Carthagin. III *can. 38*, S. Greg. M. *ep. 8 lib. 7*, & Trid. *sess. 23 de reform. cap. 1*. Quod sane decretum constitutio ad vniuersa 19 de residentia episcoporum §. *primus*, prælaudati Bened. XIV to. 2 *Bullar.* licet generatim confirmauerit: in eo tamen abrogasse videtur, quod sine Romani Pontificis licentia episcopis abesse ab ecclesiis suis non licere sanxerit.

(g) *Cap. nostro* 15 de *penit. & remiss.* ibique Gonzalez, & Cironjus.

ad Heliensem episcopum (a). Nequit ideo inuitum compellere suffraganeum ad suscipiendam cognitionem causæ in secundo gradu ad metropolitanum ipsum delata: quemadmodum nec officiales fixos intra dioceses suffraganeas habere, licet inibi valeat causas obuenientes singulatim delegare (b).

XIII. Vetus ecclesiæ orientalis politia metropolitanis ampliorem deferrebat potestatem. Ordinabant enim episcopos prouinciarum, eorum electiones synodico iudicio confirmabant (c), de qua suo inferius loco. componebant cyclum paschalem quotannis, suffraganeos de eo certiores faciendo (d). Ordinem celebrandi diuina officia, quem metropolitani tenebant, omnes prouinciarum subditi obseruare debebant (e). Præuas consuetudines corripiebant (f). Hæc tamen, aliaque id genus maiora negotia supremæ Sedi apostolicæ sanioribus consiliis reseruata modo sunt (g).

T I T. XVII.

De Pallio archiepiscopali.

- 1 Pontificalis potestas & nomen archiepiscopi pallio confertur:
- 2 Talaris olim vestis, nunc humeralis fascia lancea seu crucibus

(a) Cap. pastoralis 11 de offic. iudic. ordin. Nam ex can. 9 Synodi Antiochenæ unumquemque episcopum oportet habere suæ diocesis potestatem, & administrare pro viciniquæ conueniente regione, & totius regionis curam agere, quæ suæ urbi subest.

(b) Conc. Lugdun. sub Inn. IV in cap. Romana 1 de off. ord. in 6.

(c) Conc. Nicen. can. 4, & 6. Antiochenum can. 191, can. si archiepiscopus dist. 63, & cap. si archiepiscopus de tempor. ordinat.

(d) Nedium Patriarchæ Alexandrino supputationem temporis celebrandi Paschæ demandatam liquet ex S. Leonis M. ep. 71, alias 70 ad Marcianum Imp. sed diuo etiam Ambrosio in Mediolanensi prouincia patet ex ep. 83 ipsius S. archiepiscopi ad episcopos per Aemiliam. Ex Patribus Concilii Tolet. IV can. 3 placuit, ut ante tres menses Epiphaniarum Metropolitanus Sacerdotis litteris inuicem se inquirant: ut communi scientia edocli, diem Resurrectionis Christi & conprouincialibus suis insinuent, & uno tempore celebrandam amment.

(e) Cap. ex frequentibus de institutione.

(f) Conc. Toletan. XI can. 3, Concil. Epaonense can. 17, & Conc. Gerundense can. 1. (g) De quibus dictum est supra tit. 12 num. 14.

- bus ornata ad pectus & dorsum vergens vix scapulas circumdat.
- 3 Ipsius origo vetustissima ex ornamentis Aaronicis & coccinea Christi patientis eblamide, quam aliunde accepta in auro martyrum laetetur.
 - 4 Papa ex sese pallium sumit, ceteri omnes ab eo vel mediate vel immediate accipiunt de corpore B. Petri.
 - 5 Quo signo appareant participes pontificalis potestatis ex vno B. Petri corpore ad omnia membra particularim effusa.
 - 6 Antequam vero illud reapse accipiant, fidelitatem obedientiamque Romano Pontifici spondens solemni iuramento.
 - 7 Patriarcha nonnisi accepta ex B. Petri corpore pallia tradunt metropolitibus sibi subiectis.
 - 8 Tres intra menses post consecrationem peti, pallium oportet in concistorio,
 - 9 Antequam acceperint metropolitae pallium, non licet eis quum episcopalia, tum metropolitica munia obire.
 - 10 Ubique ac semper pallio Papa solus, ceteri intra suam quisque provinciam & statis tantum diebus utuntur.
 - 11 Suum nemo pallium potest alteri commodare, nec moriens relinquere, nec secum ad aliam transiens ecclesiam deferre.
 - 12 Ut Ostiensis episcopus Cardinalis dum Papam consecrat, sic nonnulli episcoporum speciali privilegio pallium aliquando adhibent.

Archiepiscoporum insigne ornamentum, quod de corpore B. Petri sumitur, pastoralis officii plenitudinem denotans, id esse pallium definiunt Canonistae (a). Eo enim

(a) Archiepiscopalis dignitatis & plenitudinis officii pontificalis insigne, finitur pallium ab Innocentio III in cap. antiqua 23 de privilegiis. Pastoritiam pellem dixerunt illud Patres Synodi VI in ep. synodica ad Agathonem. Id enim amiculum (inquit Isidorus Pelusiota ep. 136) quod Sacerdos humeris gestat, atque ex lana, non ex lino contextum est, ovis illius, quam Dominus aberrantem quaesivit, inuentamque humeris suis sustulit, pellem designat. Isidorus lib. 10 originum cap. 24, pallium a pellibus dictum putat, quod veteres super ippodamonta pellicea illud induebant. Tertullianus lib. de pallio, graecam vocem ori-

pontificalis officii plenitudo cum archiepiscopalis nominis appellatione confertur, inquit Innocentius III (a).

II. Talaris initio vestis fuit ad formam chlamydis, totum ferme corpus ad talos usque contegens, quam nunc *cap-pam* & *pluviale* vocitant (b). Postmodum successit *humeralē*, quod Greci *ἐπιζώπριον* appellant, candida lana contextum, quatuor digitos latum, scapulas desuper circundans, cum duabus fasciis deorsum hinc ad pectus, hinc ad dorsum vergentibus, sex habens cruces ex serico insertas nigri coloris, ante & retro, a dextris & sinistris, atque in medio pendētis utriusque fasciæ, quod in partes concisum tres aciculæ, spinæ ab aliis dictæ, coniungunt (c).

III. Originem eius antiquissimam, incertamque alii a diuo Petro (d), alii a S. Lino (e), alii a suspecta Constanti

Tom. I.

Ff

tini

gine docet, eiusque vocabulum, simul & usum a Grecis ad Latinos transiisse, inquires: *Pallium est Græcum magis, sed lingua iam penes Latinos est, cum tunc vestis intravit*. Sophranis de re vestiaria vocem *pallii*, ab aduerbio *palam* deriuat, quod palam gesseretur.

(a) Cap. nisi de auctoritate & usu pallii.

(b) Zonaras in vita Constantini Copronymi enarrat Anastasium, dum insisteret vestigiis. Germani Patriarchæ, omophorion eius pedibus calcasse, ut eius festinantis listeret gradum. Acacii Patriarchæ item Constantinopolitani pallium fuisse amplum & talare, indicare videtur Liberatus in *Breviario* cap. 18, dum narrat suspensam, adfixamque eius pallio ad sacra celebranda procedentis chartam damnationis in eum a Felice II prolata.

(c) Quatuor cruces purpureas eadem pallii forma intextas habet apud Innocentium III lib. 1 *myster. miss.* cap. 63. Quam item delineant Anonymus auctor *rituum S. ecclesiæ Romana* lib. 1 *sect.* 10 c. 5, Andreas Saufai de *mysticis Gallie scriptorib.* cap. 3, Morinus de *sacr. ordin.* in *notis* num. 19, Onufrius Panvinius in *explicatione vocum obscurorum ecclesiæ*, Butingerus lib. *singulari de veste pontificali*. In palliis huiusmodi construendis adhibetur potissimum lana agnorum sollemni ritu benedictorum in basilica S. Ioannis Lateranensis, quem ritum describit Nicolaus de Bralton in *diff. de pallio* cap. 3.

(d) Rupert. lib. 1 de *divinis offic.* cap. 27.

(e) S. Maximus in *hom. de vest. sacerdot.* Eusebius in *serm. de Epiphania*. Cironius in *paras. de auct. & usu pallii* refert opinionem de superhumerali *ephod* præsulibus a S. Lino in signum auctoritatis pontificalis concessio, deque duplici *ephod* apud Anastasium Sinaitam, & Arnoldum Abb. Bouzualis in *tract. de vit. verbis Domini*.

tini donatione (a), & beneficio Imperatorum repetunt. Suum cuique pulcrum. Intuenti mihi tot opiniones studio partium in diuersa abeuntes verosimilius videtur ornamenta formosiora Patriarchis & Archiepiscopis ea detulisse consuetudo vetustissima, quæ in latebrosis martyrum seculis celatur, & in ecclesiam Christi traduxisse tam ex splendidissimis Aaron, & filiorum eius vestimentis a Deo O. M. decretis, in quibus præcipuum fuisse *Rationale & Superhumerales de auro & byacinto & purpura, coccoque bis tincto, & bysso retorta, opere polymito; duas oras iunctas habens in utroque latere summatum, ut in unum redeant; & in utroque latere Superhumeralis memoriale filii Israel*; sacræ litteræ testantur (b): quam ex chlamyde coccinea, opprobrii veste, qua se circumdari æternus Pontifex Christus fuit, & rex Iudæorum simul salutari (c), præscius & vestis & crucis opprobria sua in decorem, gloriamque pontificalis dignitatis fore cessura. Hoc autem indubium est seculo IV vsum pallii in Oriente iam viguisse, vti commonstrant acta Metrophanis Patriarchæ Constantinopolitani, qui ex morbo decumbens rogante Constantino M.

omo-

(a) In ea enim apud Grat. in *can. Constantinus* 14. dist. 66. inter alia, quæ dino Syluestro largita per Constantinum effinxit pseudo-Ildorus, numeratur *superhumerales seu lorum*, quod imperiale circumdare collum solet: & *chlamydem purpuream*, tunicamque coccineam, & omnia imperialia indumenta. Pallio sane coccineo, profanoque supremam, regiamque dignitatem conferre Imperatores consuevere. Commodus Imperator *ep. ad Clodium Albinum* apud Capitolin. in *Albino*: ut tibi (ait) *insigne aliquod imperialis dignitatis accedat, habebis utendi coccineo pallio facultatem, me presente, & cum mecum fueris*. Secus de pallio sacro, quod morum iure non scripto assumerant Pontifices & Patriarchæ. Male igitur Petrus de Marca *lib. 6 de concord. cap. 6 num. 6*, ex supposititia Constantini donatione arguit Imperatorum beneficio tributum patriarchis & archiepiscopis sacrum pallii ornamentum, vti quoddam imperatorii indumenti genus. Is enim ea in re nullimode ostendit alicuius Imperatoris catholici concessionem aut legem: forma vero quum vetusta pallii talaris crucibus vndique sparsis effulgens, tum noua humeralis fasciæ a chlamyde, ac torque Imperatorum omnino diuersa discernitur.

(b) Exodi cap. 28. vers. 4, & sequi. Alcuinus in *lib. de diuinis officiis*. Pro Rationali nunc summi Pontifices, quos archiepiscopos dicimus, pallio utuntur, quod a summa Sede apostolica dante accipiunt.

(c) Matth. cap. 27, Marci cap. 15, Ioan. 19.

omophorion deposuit super sacram mensam, mandauitque illud seruari successori suo Alexandro (a). Seculo V Isidorus Pelusiota presbyter & monachus Ægyptius sacrum omophorion inter missarum sollempnia usque ad euangelii recitationem ab archiepiscopo gestatum tradit; tum inde quasi adueniente summo Pastore Christo depositum (b). De pallio Basiani Ephesini metropolitæ loquitur concilium Chalcedonense *act.* IX. Antimum Constantinopolitanum, Paulum Alexandrinum (c) seculo VI, Macarium Antiochenum monothelitam seculo VII (d), ceteros patriarchas & metropolitanos ademptione pallii depositos contestantur probatæ fidei scriptores. Occidentaliibus autem ecclesiis aut anteriorem aut certe cœuam fuisse puto consuetudinem pallii, quam nonnulli nescio cur opinati sunt posterioriorem.

IV. Romanus quidem Pontifex quod primus omnium & solus initio pallium gestauerit, probat Polydorus Virgilius (e). Dum consecratur, sibi pallium imponit, nec ab episcopo consecratore sup accipit vnquam (f); tamen prior diaconus de altari illud sumit, aptatque super Pontificis humeros famulari certe modo, non auctoritatis ministerio (g). Omnes autem alii Patriarchæ, Primates, Metropolitani, & Archiepiscopi nonnisi post iteratas preces a summo Pontifice accipiunt immediate, vel a Patriarchis, Legatisque apostolicis præuio Papæ mandato. Constantinopolis Patriarcham con-

F f 2

sue-

(a) Metrophanis *acta in bibliotheca Photii*. Seculo V Macedonius inuitus ab Imp. Anastasio constitutus Patriarcha Constant... vale dicturus sibi ab archidiacono iussit adimi episcopale omophorion, Theodor. Lector *excerpta lib. 2*. Et Nicetas in *vita Iguatii Constanti*. scribit eum iubente Photio nudatum omophorio a quodam Procopio subdiacono. Huc etiam spectat Acacii Constantinop. pallium supra memoratum ex *Breuiario Liberati cap. 18*.

(b) *Ibid.* Pelusiota *lib. 1 ep. 135*.

(c) *Id. Liberat. ibid. cap. 21, & 23*.

(d) Synodus VI sub Agathone *act. 8, & ep. synodica eiusdem ad Agathonem*.

(e) *Lib. 4 de inuent. rer. cap. 22*, apud Gonzalez in *comm. ad cap. 1 de auct. & usu pallii*.

(f) Anonymus descriptor elect. & consecrat. Paschalis II apud Baronium *ad an. 1100 n. 6 to 12*, scribit: *translatum in se pallio, &c.*

(g) Anonymus alter auctor *rit. eccl. Rom. lib. 1 sect. 10 de pallio*.

fuerisse adhuc seculo X pallium a Romano Pontifice. obtinere, testatur Luitprandus (a). Eoque magis alios maiores Patriarchas & metropolitans nedum occidentales, verum orientales quoque idipsum seruasse arguitur, & solide comprobatur a diuo Gregorio M. (b). Hanc ob rem de corpore B. Petri solummodo sumi dicitur pallium: quia solus diui Petri successor pallia concedit, sollempniori benedicta ritu in basilica S. Petri in Vaticano, in qua ad sacram ipsius Apostolorum Principis Confessionem collocari per foramen anterius intra molem altaris super corpora SS. Petri & Paulli conseruerunt, vnam vt ibi noctem in primis, deinde totam festiuitatis octauam requiescerent, quæ postmodum inde amota recondebantur in oratorio secretarii, nunc vero prope

cor-

(a) *In legat. 2 Constantinop. ad Nicephor. Phocam ab Othone I demandata apud Baron: ad an. 968. Scimus (ait Luitprandus) imo videmus Constantinop. episcopum pallio non vti, nisi sancti Patris nostri permisso. Cum vero Albericus in vrbe Roma tyrannidem exerceret, & Apostolicum Dominum (Ioannem XI ipsius Alberici fratrem an. 932) quasi seruum proprium in conclauis teneret, Romanus Lecapenus Imp. filium suum Theophylactum eunuchum Patriarcham constituit, & maneribus apud Albericum effecit, vt ex Papæ nomine Theophylacto Patriarchæ litteræ mitterentur, quarum auctoritate quum ipse, tam successores eius absque Paparum permisso pallia vterentur: ex quo turpi commercio vituperandus mos inoleuit, vt non solum patriarchæ, sed etiam episcopi totius Græciæ vterentur palliis.*

(b) *Lib. 1 ep. 54. Apostolica Sedis beneuolentia (inquit S. Gregorius) & antiquæ consuetudinis ordine promouati, fraternitati tuæ, quam in Rauennati ecclesiæ gubernationis officium suscepisse constat, pallii usum prouidimus concedendum. Reges Gallie archiepiscopis Gallicanis sepe olim numero palliam ab Sede Romana expetuerunt, præsertim Carolus-M. ab Hadriano I pro Tilpino Remensi archiepiscopo, & Ermenberto Bituricensi, Carolus Caluus a Nicolao I pro Egilone Senonensi, & pro Vulfado Bituricensi idem Carolus, simulque Patres Synodi Tricastrinæ ab Hadriano II. Lotharius Imperator a Leone IV pro Hincmaro Remensi, & pro huius successore Fulcone Carolus Crassus. Carolomanus a Ioanne VIII pro Theomaro, ceteri apud N. Alexandrum in hist. sec. 9, & 10 art. 2 de metropolitans n. 3, qui merito refellit P. de Marca gratis asserentem, falsoque opinantem Romanos Pontifices ideo studuisse ad Galliarum episcopos mittere pallia, vt noua eos seruitute & obedientia iuramento premeret. Explorata enim res est vel Regum commendatione vel præclaris meritis vel iteratis postulationibus consueuiste apostolicam Sedem pallia indulgere.*

corpora SS. Apostolorum destinato in loco semper sistunt (a).

V. Signum profecto vicariæ potestatis apostolicæ, quæ ad alios ab ipso tantum supremo Pastore profluit, sicuti cum S. Cypriano commonui superius (b), est pallium: quippe quod *propter apostolicam vicem* (c) datur, & Vicariis Romanæ Sedis prius quam Galliæ metropolitanis concessum, observat P. de Marca (d). Illud ideo symbolum unitatis, perfectæque cum Sede apostolica communionis tessera dicitur meritissime (e).

VI. Ad unicam patriarchicæ & metropoliticæ dignitatis originem indicandam singuli pallium accepturi antea fidei professionem & iuramentum fidelitatis atque obedientiæ summo Pontifici debitæ emittunt (f). Cuius formula pro varia temporum & personarum conditione pluries novis declarationibus & articulis immutata est (g).

VII. Inter maiorum patriarcharum prærogativas mini-

(a) Ex *const. 60* Papæ Benedicti XIV, incip. *rerum ecclesiasticarum*, to. 2. Bullar. pag. 494. Qua mos traditur antiquissimus sollempniter vigilandi, benedicendi, sistendi que pallia supra Corpus diui Petri, ex Petro Mallio illius Basilicæ Canonico sub Alex. III, Maphæo Vegio sub Mart. V lib. 2 memorabil. *Basilicæ S. Petri*, Christoph. Marcello magistro cerimoniarum sub Loone X lib. 1 sect. 10 cap. 5, Mich. Lunigo in *descript. veteris situs & formæ Consequiæ diui Petri* Urbano VIII dicata.

(b) Tit. 12 huius lib. num. 8.

(c) Vigilius Papa sec. VI ep. ad Auxanum Arelatensem episcopum, *dignus credimus* (ait) *ratione compleri*, vt agentis vices nostras pallii non desit ornatus. Paulo post Pelagius I quem Vicarium apostolicum creasset Sapaadum item Arelatensem, ep. ad eum data an. 557, pallium etiam ei transmittere scripsit, vt in tanti loci fastigio constitutus præclaro quoque habitu decoraretur. Rabæons lib. 1 de *inst. clericor.* cap. 23: *Super hac omnia* (inquit) *Pontifici propter apostolicam vicem pallii honor decernitur.*

(d) P. de Marca lib. 6 de concord. cap. 7.

(e) In precibus ad benedicenda pallia adhiberi consuetis, quatum formula extat in *fine cit. const. 60* Benedicti XIV.

(f) Paschalis II in cap. *significasti* 4 de elec. Panormitano archiepiscopo id iusiurandum recusanti scripsit rationem dictare, iustitiamque postulare, vt qui insignia dignitatis archiepiscopalis à B. Petri tantum corpore sumserunt, Sedi apostolicæ signa debitæ subiectionis promitterent.

(g) Quinque talis iuramenti formulas adnotauit Fr. Florens ad tit. de *usu & aud. pallii* par. 4. Primam ex cap. 4 de iureiur. Secundam ex *gailis* Innoç. III.

Ter-

mini iam recensuisse traditionem pallii metropolitani. Synodus enim VIII antiquæ in hærens consuetudini cauit vniuersos metropo-
litas a patriarchis suis confirmationem accipere *sive per manus impositionem, siue per pallii dationem* (a). Nil tamen id detrahit supremæ Sedis apostolicæ auctoritati : nam nonnisi accepta ex B. Petri corpore scilicet, a Romano Pontifice transmissa pallia dant archiepiscopis sibi subiectis Patriarchæ, vicæque pontificias sibi ea in re demandatas ob-
eunt (b).

VIII. Petere pallium debet quisque in archiepiscopum vel patriarcham ordinatus intra menses tres a consecratione computandos, aliter adepta dignitate carebit (c) : immo & flagitare *instante, instantius & instantissime* a summo Pontifice in concistorio Cardinalium personaliter, qui præsens in vrbe adsit; absens per procuratorem, qui iuramento spondet illud se reuerenter delaturum, vel ut deferatur ei nominatim electo, curaturum (d). Papa verò in eodem concistorio mandat illud concedi, postquam orthodoxæ fidei professionem emisit electus (e). Quodque ipsum denique a primo diacono Cardinali præsens in vrbe electus, absens ab aliquo archiepiscopo vel episcopo, cui Papa delegauerit, accipit.

IX. Antequam pallio adaucti sint noui vel patriarchæ, vel metropolitæ, ii etiam post consecrationem episcopalem nequeunt munia siue metropolitica siue episcopalia obire : quum hæc non tanquam simplex episcopus, sed tanquam archiepiscopus facere videatur (f).

X. Vtitur pallio vbique locorum, cunctisque diebus
Papa

Tertiam ex Parkero in *vita Henrici Cantuariens. archiep. sub Alex VI an. 1508.* Quartam ex Pontificale Romano Clem. VIII. Quintam ex Andræ de Saussai *lib. de mystic. Gall. Scriptor. pag. 226*, vbi de iuramento archiepiscopi Parisiensis sub Greg. XV. (a) Synodus VIII *can. 17.*

(b) Thomasin. *lib. 1 par. 3 cap. 24 num. 6.* (c) *Can. quoniam 1 dist. 100, & Io. VIII in synodo Rauennensi an. 877 can. 1.*

(d) Huius iuramenti formulam tradit *cir. const. 60* Papæ Benedicti XIV.

(e) In appendice ad *ro. 2 cit. Bullar. num. 6, & 7:*

(f) Innoc. III in *cap. quod sicut 24 de elect.*

Papa solus. Aliis in partem sollicitudinis pontificalis, non in potestatis plenitudinem vocatis facultas est eo vtendi sollempnioribus duntaxat diebus (a) inter missarum sollempnia (b) in quavis prouinciæ suæ ecclesiæ, extra illam secus (c).

XI. Commodari cuius alteri alterius pallium nequit, nec transire ad successorem dignitatis, sed cum eo quisque sepellitur [d]: neque ab vna ad alteram Sedem cum translatum archiepiscopo transferri, nouum pallium rite accepturo, dum ad aliam transit ecclesiam (e).

XII. Singulari priuilegio Ostiensis episcopus Cardinalis, dum Romanum Pontificem consecrat, pallio superinduitur, quod ei indulsisse Marcum S. Syluestri successorem tradit Anastasius bibliothecarius. Innocentius III (f) Quinqueecclesiensem in Hungaria episcopum, summique Pontifices alii alios episcopos speciali extra ordinem beneficentia pallio decorarunt.

TIT.

(a) Gl. in cap. ad honorem 4. de auct. & usu pallii, hos numerat dies ad rem hanc sollempniores: Natiuitatem Domini, S. Ioannis, S. Stephani, Circumcisionem, Epiphaniam, Dominicam Palmarum, Feriam V cœnæ Domini, Sabatum sanctum, Pentecostes, S. Ior. Baptiste, SS. Apostolorum, tres festiuitates B. Virginis, Omnium Sanctorum, Dedicacionis ecclesiæ, Patroni principalis, dies Ordinationum clericorum & episcoporum, & anniuersarium consecrationis suæ. Ioannes VII in synodo Rauennensi. can. 3 item iussit, ne extra præcipuas festiuitates & missarum sollempnia pallium adhiberent metropolitani. Verum medio circiter seculo X Agapetus II Brunoni archiepiscopo Colouiensi sanctitate conspicuo pallium misit cum insolito priuilegio, quoties vellent vtendi, vt Rotgerus monachus tradit in vita S. Brunonis cap. 23, apud Surium die 11 Octobris.

(b) Can. contra morem 8 dist. 100. (c) Clem. III in cap. cum super 1, & Innoc. III in cap. ad honorem 4. de auct. & usu pallii.

(d) Cap. ad hoc 2 eod. tit.

(e) Innoc. III in cap. bona memoria 4. de postulato prelatorum.

(f) In cap. cum in iuuentute. 15 de præsumpt.

T I T. XVIII.

De episcopis (a).

- 1 Apostolorum successores vere sunt episcopi.
- 2 Hos a presbyteris nil differre Aërius hæresiarca deliravit.
- 3 Prolata ab eo Scripturarum, Patrumque testimonia, quæ ad communem sacerdotii cum episcopis potestatem spectant, nil adimunt episcopis peculiarem confirmandi & ordinandi potestatem.
- 4 A Christo Apostoli non ad certas diuisioni ecclesias missi sed generatim ad mundum vniuersum episcopos ubique ordinarunt & episcopales ecclesias exerunt.
- 5 In ecclesia incunabilis ferme promiscua fuisse & indiuisa viderur episcoporum sollicitudo.
- 6 Mox moribus paulatim & canonibus instituta parochiarum, diocesumque diuisio.
- 7 Tum Patres Sardicenses in magnis tantum urbibus episcopos fore, in paruis presbyteros maluerunt.
- 8 Varia inde multitudo vel raritas ciuitatum in aliis regnis frequentiores episcopos, in aliis, rariores produxit.
- 9 Regnum hoc Neapolitanum Sedes episcopales centum & sex una cum metropolitans nunc habet, quum alie antiquiores vel suppressæ omnino, vel alio translata, vel vnita cum aliis iandudum sint.
- 10 Profugos ab urbibus captiuos episcopos apostolica Sedes consuevit vacantibus catholicorum ecclesiis praficere, alios vacantes ac peregrinos tueri cum lege postliminii, mox ritulares

(a) Episcopi græce, speculatores latine dicuntur a S. Isidoro in can. clerici & dist. 21: vel superintendentes, nam *ἐπισκοπεῖν* intendere significat. Antistites quoque & prelati vocitantur, quod ante omnes stant primi in ecclesia, cit. can. clericos. Romani olim idolatraz episcopos appellabant magistratus, qui rebus ad cibum, potumque pertinentibus intendebant, i. munerum fin. D. de munerib. & honor. Episcopi (inquit ibi Iſidorus) qui præsunt pani & ceteris venalibus rebus, quæ ciuitatum populis quotidianum vtilium suggerunt.

lares eorumdem successores ordinare, ex quibus & missionarii & legati, nuntique apostolici deliguntur.

- 11 Ordinis episcopalis potestas a Christo profuens episcopis tribuit primariam Sacramentorum administrationem, præsertim vero Confirmationis & Ordinis, adnexorumque sacramentalium.
- 12 Altera iurisdictionis potestate episcopi docent, iubent, iudicant, corrigunt, administrant.
- 13 Hac dividitur in spirituales, spiritualibus adnexam, & temporalem; & rursus in ordinariam & delegatam.
- 14 Potestatem iurisdictionis episcopos a Christo immediate habere alii tenent ex pluribus S. Scripturæ sententiis.
- 15 Alii eos mediate per Papæ organum obtinere ipsam contendunt iisdem ferme rationibus, quæ monarchiam & primum in Petri Sede ostendunt.
- 16 Inter episcopos ordine ac dignitate pares antiquior ordine præcedit aliis, non ditior vel illustrior.
- 17 Plurimas in episcopo virtutes postulat onus ipsius gravissimum.
- 18 Ad residentiam episcopi obstringuntur iure diuino & humano.
- 19 Eis tamen indulgetur ex legitimis causis tres fere menses abesse quotannis, & quandoque amplius donec causa publica postulauerit.
- 20 Non residentes etiam Cardinales peccant grauius, fructus non faciunt suos, eosque debent in ecclesiæ utilitatem vel pauperum erogare.
- 21 Visitare diocesim quotannis debent, subditosque paterno more corrigere appellatione, quæ decreta suspendat, remora.
- 22 Personali visitationi subsunt omnes curam animarum & sacramenta administrantes, regulares etiam & exempti. Locales autem omnes intra diocesim ecclesiæ, iis exceptis, quæ sub immediata Regis protectione sunt; & quod ad spiritualia tantum loca etiam pia laicalia.
- 23 Sacrificia pro populo debent episcopi offerre, diebusque festis adesse diuinis in choro.

- 24 Ecclesiæ necessitatibus prospicere.
 25 Tum pauperes eleemosynis alere.
 26 Episcopo vicissim debentur cathedraticum, expensæ visitationis, subsidium charitatis, & quartæ obventionum, decimarum & funerum.
 27 Ius civile episcopos eximit a patria potestate, ab oneribus, & foro laicorum, & multa eis Principes indulserunt.
 28 Plura eis privilegia ius canonicum largitur.
 29 Solio pontificio assistentes aliis quoque privilegiis fruuntur.
 30 Peculiaribus vestimentis utuntur, eorumque usus indicitur.

IN Apostolorum locum successisse episcopos (a), quos Spiritus Sanctus posuit regere ecclesiam Dei (b), constans est orthodoxorum sententia. Patres missi sunt Apostoli, ait S. Augustinus (c), pro Apostolis filii nati sunt tibi, constituti sunt episcopi. Hodie enim episcopi, qui sunt per totum mundum, unde nati sunt? Ipsa ecclesia patres illos appellat, ipsa illos genuit, ipsa illos constituit in sedibus patrum. Non ergo te putes desertam, quia non vides Petrum, quia non vides Paulum, quia non vides illos, per quos nata es: de prole tuis tibi crevit paternitas, pro patribus tuis nati sunt tibi filii. Apostolico ævo episcopos quandoque Apostolos (d), aliquando presbyteros promiscue appellatos in sacris litteris: tum Apo-

(a) Trid. sess. 23 de Sacr. Ord. cap. 4 id aperte docet. Sane apostolatam Iudæ prædicatoris propheta David episcopatum appellavit ps. 105 vers. 7: in hebræo *pe-cuda*, quod ab inspicendo & visitando deductum monet Bellarminus *ibidem*. Quam ergo prædixisset regius psalter: episcopatum eius accipias alter: S. Petrus novum subrogaturus Apostolum in locum Iudæ laqueo suspensi, hanc impleri Scripturam oportere ostendit Act. cap. 1.

(b) Act. cap. 20 vers. 28. (c) S. Aug. in psal. 44.

(d) Apostolus ep. 1 ad Roman. cap. ult. vers. 7, Andronicam, & Iuniam cognatos, concupitulosque suos, & nobiles in Apostolis, qui ante fuerunt in Christo appellat. Vid. Euseb. lib. 1 hist. cap. 12. B. Hieronymus contra Luciferianos: *Quod autem*, ait, *exceptis duodecim quidam vocentur Apostoli, illud in causa est, omnes, qui Dominum viderunt, & cum postea prædicaverunt, fuisse Apostolos appellatos: paulatim vero tempore procedente & alii ab his, quos Dominus elegerat, ordinati sunt Apostoli, Epaphroditas, Silas, & Iudas Apostoli ab Apostolis nominati sunt.*

Apostolatus nomen veris Apostolis relictum, episcopatus autem successoribus Apostolorum duntaxat attributum, ut a presbyteris simplicibus distinguerentur, observant probissime Theodoretus (a), & S. Hieronymus (b).

II. Aërius presbyter primum Arianæ sectator, post novæ hæresis auctor nullum omnino discrimen esse deliravit inter episcopum & presbyterum. *Est enim*, aiebat, *amborum unus ordo, par & idem honor ac dignitas. Manus imponit episcopus, imponit & presbyter; baptizat episcopus, idem facit & presbyter; divinum omnem cultum administrat episcopus, non minus id facit & presbyter; episcopus in throno sedet, sedet & presbyter* (c). Furiosum in tanto errore Aërium sectati sunt Wicleffus, Calvinus, Salmasius, Blondellus, ceteri æterodoxi. Multis abutuntur isti S. Scripturæ locis. 1, quod Apostolus *ep. ad Titum cap. 1*, Titum Cretensem episcopum, & simul presbyteros ab eo ordinandos vocabulo presbyteri nuncupaverit. 2, quod idem Apostolus *ad Philippen. cap. 1*, episcopos tantum & diaconos vnius ecclesiæ Philippenfis memoraverit prætermisissis presbyteris. 3, quod *ep. 1 ad Timoth. 4*, episcopatus gratiam Timotheo impositione manuum presbyteri datam dixerit. 4, quod eiusdem *ep. cap. 5*, qui bene præsumt presbyteri, duplici honore dignos iudicaverit: præesse autem magis episcopi, quam pres-

G g 2

byte-

(a) Theodoret. in comment. ad cap. 3 ep. 1 ad Timoth.

(b) In Comment. ep. ad Philippenfes. Olim idem erat. (aiebat idem B. Hieronymus in cau. olim 5 dist. 65) presbyter, qui & episcopus; postea in toto orbe decretum est, ut unus superponeretur. Hisce verbis respexit fortasse Doctor Ror maximus ad cau. 6 Sardicensem, de quo inferius num. 7. Hac tamen in re fide dignior est S. Cyprianus Chartaginensis episcopus, qui *ep. 9 ad Clerum suum* data redarguit acriter quosdam presbyteros auctoritatem episcopi sibi arrogare ausos in reconciliatione lapsorum, sprete ecclesiæ & maiorum consuetudine. Quod enim (ait) non periculum misuere debemus de offensa Domini, quando aliqui de presbyteris nec evangelii, nec loci sui memores, sed neque futurum Domini iudicium, neque nunc sibi præpositum episcopum cogitantes, quod nunquam omnino sub antecessoribus factum est, cum contumelia & consensu Præpositi totum sibi vindicant?

(c) Aëtianam hæresim ita describit S. Epiphanius hæres. 75.

byteri est. 5, quod diuus Petrus *ep. 1 cap. 5*, seniores obsecrauerit, qui palcerent gregem Dei. 6, quod *Astor. cap. 20 vers. 17, & 28*, ecclesiæ Ephesinæ maiores natu plures vno eodemque tempore a Spiritu Sancto positos episcopos regere ecclesiam Dei scriptum sit. Pluribus præterea interpolatis, mutilisque testimoniis sanctorum Patrum Polycarpi, Ignati, Iustini, Irenæi, Cypriani, Hilarii, Basilii, Hieronymi, Augustini, itidem Clementis Alexandrini, Tertulliani, Origenis, Eusebii impudentissime contendunt nomine ac re compresbyteros, comministros, collegas, fratres episcoporum fuisse presbyteros prioribus ecclesiæ sæculis, nouellaque institutione distinctam a presbyterali episcopalem dignitatem.

III. His inquam locis ac testimoniis abutuntur quam deformissime, quum verbis solum & cauillis ludant cæci & cæcorum duces: dum totis viribus inaniter conantur euertere dogma fidei adeo certum, adeo perspicuum, vt nihil supra. Enimvero laudata modo scripta Apostolorum & acta nomen *presbyteri, senioris, maioris natu* promiscuum & commune *episcopis* perinde dederunt, ac generis nomen passim datur speciei, seu perinde ac logici prædicatum subiecto adiungunt. Omnis profecto episcopus est presbyter: secus contra, eadem si vertatur sententia; non omnis presbyter est episcopus. Ad singula vt respondeam: S. Pauli epistola ad Titum in primis luce clariorem ostendit episcopalem dignitatem supra presbyteros, quin & ordinandi & constituendi per vrbes presbyteros, quam Tito ipsi vti episcopo Cretæ relicto Apostolus contulisse scribit. Ad 2, ex episcopis vnus ecclesiæ Philippensis plurali numero ab Apostolo salutatis vna cum diaconis sine vlla presbyterorum mentione minime concluditur presbyteros ibi episcopali honore ac nomine præditos: quia quum Philippi vrbs esset Macædoniæ metropolis & colonia Romanorum (a), ad plures per totam illam prouinciam epi-

(a) Constat ex Actis Apost. *cap. 15 vers. 12. Nauigantes* (sunt sacri textus

episcopos verosimillime respexit Apostolus, vel ad duos saltem in ipsa metropoli constitutos diuersi idiomatis, alterum græcum pro græcis, latinum alterum pro colonia latinorum. Nec presbyteris ea fortasse vrbs necesse tunc habuit, quum nonnullis in locis episcopum cum diacono eo seculo stetisse tradat S. Epiphanius (a). Ad 3, Titum inpositione manuum presbyteri non simplicis, sed episcopi ordinationis gratiam accepisse intelligunt interpretes (b): quemadmodum & Timotheum Paullus ipse suarum inpositione manuum ordinasse literis mandauit (c). Ad 4, bene præesse possunt vtrique & episcopi, & presbyteri: hi tamen subordinate, limitateque, illi eminenter. Ad 5, pariter pascere partem gregis episcopalis datur presbyteris sub episcoporum præsentia. Ad 6, totam prædicationis diui Pauli historiam qui percurrerit in actis, facile intelligit plures per Asiam episcopos ad Ephesinam ecclesiam pertinuisse ab Apostolo commonitos: nec ideo esse cur confundant in actorum textu Aëriani cum presbyteris maiores natu episcopos ecclesiam Dei regentes. Denique Patres omnes vnanimi consensione tradunt distinctos in hierarchia gradus episcopi & presbyteri ex Apostolorum moribus: quorum sententias ab eterodoxis detortas, corruptasque ad lucem integrius reuocatas potius aduersari illis, quam fauere commoustrat vberime N. Alexander (d) post Petauium (e). Si vero quis dixerit episcopos non esse presbyteris superiores, vel non habere potestatem confirmandi & ordinandi, vel eam, quam habent, illis esse cum presbyteris communem, anathemati obnoxius fit a Patribus Tridentinis (f).

IV.

textus verba) autem a Troade, recto cursu venimus Samothraciam, & sequenti die Neapolim; & inde Philippas, que est prima partis Macedonia ciuitas, colonia. Tum vers. 21, & 22. Hi homines . . . annuncians morem, quem non licet nobis suscipere, cum simus Romani.

(a) S. Epiphani. loc. cit. hæresi 75.

(b) Chrysostom. hom. 13 in ep. 1 ad Timoth. & Theophilact. ibidem.

(c) Ep. 2 ad Timoth. cap. 1 vers. 6.

(d) N. Alexander in hist. sec. IV dissert. 44 aduersus Aërium.

(e) Petau. in apologia S. Hieronymi. (f) Sess. 23 de Sacram. Ordin. cap. 4.

IV. Apostolos Christus Dominus non ad certas regendum ecclesias, sed ad mundum misit vniuersum (a). Eorum tamen singuli vbique prædicare euangelium quum nequiuissent: varias diuisim regiones ipsi peragrarunt, in quibus episcopos ordinauere cum potestate alios ordinandi (b), & Sedes episcopales constituerunt. Diui Petrus & Paullus bis in Italiam vterque seiuñctim appulere (c), plurimasque huius potissimum regni Neapolitani provincias peragrarè ipsi consueuerunt (d), episcopos permultis in vrbibus ordinando. Præsertim Brundisii, Hydrunti, Tarenti (e), Barii, Trani, Vriæ, Andriæ, Cuperfani (f), Siponti, Rhegii, Crotone, Neapoli, Puteolis, Capuæ, Suessæ, Atinæ, Beneuenti; in cæteris interiacentibus vrbibus. Vetusta enim traditio fert a diuo ipso

Petro

(a) Marci cap. 16 vers. 16. *Euntes in mundum vniuersum predicate euangelium omni creatura. Illi autem profecti prædicauerunt vbique, Domino cooperante & sermonem confirmante sequentibus signis.*

(b) Paullus Apostolus ad Titum Cretæ episcopum scribens cap. 1 vers. 5: *Ea quæ defuncti (ait) corrigas, & consiliuas per ciuitates presbyteros, sicut & ego disposui tibi.* Chrysostomus hom. in hanc epist. ad Titum. *Episcopos, inquit hic intelligi vult, neque enim profecto vult Insulam totam uni viro permitti.*

(c) Petrus ipse sibi testis est Romæ fuisse, dum sua epistola 1 cap. 5, *salutat vos (scripsit) ecclesia, quæ est in Babylone collecta, & Marcus filius meus.* Hanc enim epistolam in vrbe scriptam tradunt vnanimes PP. in qua sub nomine Babylonis Roma significatur. Priori aduentu suo Simonem magum deiecit, secundo autem permansit, quousque martyr occubuit. Diui Paulli priorem huc accessum traditio sola profert: posteriore euidentiissime demonstrat infallibile testimonium Lucæ Actorum cap. 28 vers. 12. *Quum venissemus Syracusam, mansimus ibi triduo. Inde deuenimus Rhegium. Et post unum diem flante austro, secundo die venimus Puteolos. Vbi inuentis fratribus rogati sumus manere apud eos dies septem, & sic venimus Romam.* Hucusque textus facit. Cachinnis hinc iure meritisimo excepti sunt Salmastius, & Ioannes Ouenus cum Wicleffo somniantes Apostolorum Principem Romam nunquam aduenisse.

(d) S. Epiphanius her. 27 tradit, SS. Petrum & Paulum, postquam Roma sedem fixissent episcopalem, varias inde Orbis regiones peragrarè solitos, & ne Roma deesset episcopus, partes suas Lino & Cleto demandasse.

(e) Io: Iuuenis de antiquit. & varia Tarentinorum fort. lib. 8 cap. 1, & Ant. Galateus lib. de situ Iapigia, apud Dominicum Iordanum in delectu Scriptorum rerum Neapolitanarum.

(f) Paullus Ant. de Tarsia lib. 3 biflor. Cuperfanen. apud cit. Iordanum tradit a B. Petro per Apuliam transeunte Cuperfanum & Christi fidem & episcopum accepisse.

Petro datum Neapolitanis primum episcopum S. Aspreum, Resinensibus prope Neapolim Ampellonem, Puteolanis S. Patrobam, Capuanis S. Priscum, Sueffanis S. Simisium, Atinensibus S. Marcum, Beneuentanis S. Photinum, ceteros, quorum nomina temporum iniuria interiuerunt. A diuo item Paulo in Peucetia, quæ modo Calabria vocitatur, a Brundisio usque ad Tarentum patens, fidem euangelii annunciatam, & episcopos inibi plures ordinatos ferunt: & præcipue S. Stephanum Nicænum Rhegii, B. Suedam Locride, alios Hieracii, ceteros ignotos Taurianæ, Metauri, Medanæ, Vibonæ, Velizæ. A diuo Marco Euangelista Aulalium in ecclesia S. Marci, alias Argentani, & Amasianum Tarenti (a).

V. Prioribus nascentis ecclesiæ seculis communem episcopi sollicitudinem habebant informandi ad fidem non modo suas, sed aliorum etiam episcoporum ecclesias. Sanctus Ignatius martyr Antiochenus episcopus secundo ineunte sæculo multas dedit epistolas dogmaticas ad Ephesios, Magnesios, Trallienfes, Romanos, Philadelphios, Smyrnæos (b). Sanctus Polycarpus martyr Smyrnæ a S. Ioanne Apostolo episcopus institutus scripsit ad Philippenfes (c). *Episcopatus unus est*, ait S. Cyprianus (d), *cuius pars a singulis in solidum tenetur*. Et rursus alibi (e), *episcopatus unus est*, idem Sanctus ait, *episcoporum multorum concordia uniuersitate diffusus*. Prælaudatus martyr Ignatius ad Philadelphios inter alia scripsit, eorum episcopum non a se ipso, neque per homines

(a) Videndi ad id Vghellius in *Italia Sacra*, P. Io: Fiore Capuccinus tom. 2 della *Calabria illustrata*, Aubertus Miræus in *notis. episcopat. Orbis Christiani*, Philipp. Ferrarius in *catalogo Sanctorum Italia*, Petr. de Natalibus in *catalogo*, B. Chioccarelli. de *episcop. & archiep. Neap.*

(b) Eas genuinas probat contra Dallzum N. Alex. *hist. sec. 1. dissert. 23.*

(c) De S. Polycarpi epistola meminere S. Irenæus lib. 3. aduersus hæreses cap. 3, & S. Hieronymus in *catalogo Scriptor. eccles.* B. Dionysii Areopagitæ Atheniensis episcopi epistolas ad Romanos, Lacedæmones, Athenienses, Nicomedienses, Smyrnæos, Gnosios prætereo, non nescius acerrimæ inter eruditos concertationis, veri ne factus B. martyr sit, an spurii, qui ei inscripti sunt libri.

(d) In *can. loquitur Dominus* 18 C. 24 qu. 1, ex libro de *unit. eccles.*

(e) Id. S. Cyprianus ep. 52, alias 55 ad Antonianum.

mines ad eam dignitatem euectum esse, ut susciperes ministerium communis ecclesie. S. Alexander Patriarcha Alexandrinus in epistola encyclica de ortu Ariane hærescos inquit: *quum in sacris literis sit unum corpus ecclesie catholice nobis traditum & præceptum, ut concordie ac pacis vinculum firmum teneamus*. Eam ob rem plures catholicos qua diaconos & presbyteros, qua episcopos a B. Athanasio Alexandrino, & Eusebio Samosatensi ordinatos in ecclesiis extra eorum dioceses sitis, ibi ut fidem orthodoxam custodirent contra Arianos earundem episcopos in hæresim prolapsos, tradunt Socrates (a), & Theodoretus (b). Et S. Epiphanius ad Ioannem Hierosolymitanum scribens de Cypri prouincia, *multi episcopi communionis nostræ, ait, presbyteros in nostrā ordinauerunt prouincia* (c).

VI. Moribus interea introducta sensim quum esset diuisio parochiarum, diocesum, prouinciarumque episcopaliū, factum est, ut intra suos quisque fines, subditosque potestatem contineret episcopalem, & iniuriam facere aliis putaretur, eam si ultra extenderet. Id inde iure scripto primum locali, tum generali cautum est. Concilium Eliberitanum in Hispania anno 305 *can. 24* fanciuit, ne baptizatus in vna prouincia ad ordines in alia promoueretur, quod eius vita alibi esset incognita. Post œcumenica synodus Nicæna iussit *can. 15, 16, & 17*, ut de ciuitate in ciuitatem ne transiret vnquam vel episcopus vel presbyter vel diaconus, contraria omnino aboleta consuetudine: alias cogerentur ad suam redire ecclesiam, & irrita esset cuiusque ordinatio sine sui episcopi consensu. Hos contra canones agere nequaquam licuit, nisi quando vrgens ecclesie necessitas vel vtilitas aliter suaderet (d).

VII. In magnis tantum vrbibus stare Sedes episcopales con-

(a) Socrates lib. 2 *hist. cap. 24*.

(b) Theodoretus lib. 4 *cap. 12*.

(c) S. Epiphani. to. 2 *ep. ad Io. Hierosolymitanum pag. 313*.

(d) Probatur idipsum *can. 13* vulgo *Apostolorum*, quo cautum, *episcopo, qui*

constituit concilium Sardicense quasi œcumenicum anno 347
can. 6, ne in paruarum urbium, vicorumque ecclesiis, qua-
rum regimini sat est presbyter, vilesceret episcopi nomen &
auctoritas (a). Tum S. Leo M., *episcopalia gubernacula*, in-
quit, *nonnisi maioribus populis, & frequentioribus civitatibus*
præsidere oportet: ne honor, cui debent excellentiora committi,
sui numerositate vilescat (b).

VIII. Civitates itaque in aliis regnis & provinciis fre-
quentiores, rariores in aliis causa fuerunt, ut alicubi redun-
daret episcoporum numerus, alibi deficeret. Sane in augu-
stioribus Orientis, Ægypti, Asiæ, Græciæ, Italiæque provin-
ciis immensam seculo ab inde IV fuisse episcoporum multi-
tudinem, patefaciunt subscriptiones conciliorum, sanctorum-
que Patrum epistolæ. Nam soli Constantinopolitano Patriar-
chæ parebant octoginta metropolitæ, quorum nonnulli suffra-
ganeos triginta, alii sub se plures quoque habebant. In
Africa anno 411 numeratas 570 Sedes episcopales patet ex
synodo Carthaginensi. Secus in Gallia, Hispania & Germania,
ubi pauciores ob civitatum raritatem fuere olim, & nunc
etiam sunt episcopi.

IX. Hoc in regno Neapolitano centum & sex episco-
pi, archiepiscopis etiam connumeratis, nunc sunt, quorum
singulas iam recensui Sedes, dum XX metropolitæ cum eo-

Tom. I.

H h

rum

*qui parochiam suam dereliquit, alteri insilire nefas esse, licet a pluribus ad hoc compel-
latur: nisi rationabilis aliqua causa subsit, quæ hoc ipsum facere vi adigat.* Hoc spe-
lant exempla divi Athanasii & Eusebii Samosatensis iam relata num. 5. Iis
additur aliud divi Epiphaniî Salaminæ in Cypro episcopi, qui quum Paulinia-
num B Hieronymi fratrem in monasterio ad Palestinæ diocæsim spectante ordi-
nasset diaconum & presbyterum, conquerenti ea de re Ioanni episcopo Hie-
rosolymitano, hæc inter alia respondit: *etsi singuli ecclesiarum episcopi habent*
*sub se ecclesias, quibus curam videntur impendere, & nemo super alienam men-
suram extenditur: tamen præponitur omnibus charitas Christi, in qua nulla si-
mulatio est; nec considerandum quid factum sit, sed quo tempore & quomodo*
& in quibus & quare factum sit.

(a) Hunc canonem non ubique servatum, plurimosque episcopos in parvis
etiam vicis, nedum urbibus sedisse monet Binghamus lib. 2. orig. cap. 12 §. 1.

(b) S. Leo in cap. *episcopalia* 1. de privilegiis.

rum suffraganeis retuli [a]. Quamplurimas alias in aliis quoque ciuitatibus constitisse episcopales cathedras commonstrant quum acta conciliorum, eorumque subscriptiones (b), tum diui Gregorii M. (c), aliorumque Pontificum epistolæ (d), cetera monimenta, quas seculis sequioribus ob temporum iniurias, populorum flagitia, bellorumque clades Romani Pontifices vel omnino suppressere, vel alio transferre, vel cum aliis adhuc exstantibus vnire sæpius *subiectiue*, quam *æque principaliter* duxerunt. Quandoquidem ex septuaginta & amplius episcopatibus iandiu suppressis [e] per vnionem, vti conicere licet, *subiectiuam*, quorum nomina in antiquitatis ruderibus latent; vix sexdecim supersunt, quibus vnio æque principalis primæua nomina & iura seruauit vsquemodo. Scilicet Acheruntinus cum Materano, Turrianus cum Anglonensi, Adriensis cum Pennensi, Valuentis cum Sulmonensi, Montis Coruini cum Vulturariensi, Rauellensis cum Scalensi, Campensis cum Ortonensi, Pontiscorui cum Aquinatenisi, Frequentinus cum Abellinensi, Bisacensis cum S. Angeli Lombardorum, Satrianensis & Cancianensis cum Campano, Rapollensis cum Melphienisi, Gerentianus cum Cariatenisi, Tabernenis cum Catacensi, Stilenis cum Squillacensi (f).

X. Dum

(a) *Supra tit. 16 num. 7 ad 9.*

(b) Nicænz I Synodo subscripsit Marcus Calabriae episcopus.

(c) S. Greg. M. *lib. 2 ep. 13*, ad Importunum episcopum *Atellanum* scribit. *Lib. 3 ep. 4*, Paulam in Castello Lucullano coepiscopum laudat. *Lib. 1 ep. 43*, scribens Felici *Agrapelitano* episcopo, visitandas iniungit vacantes tunc ecclesias *Velianam*, *Busenianam*, & *Flandanum* ei finitimas. *Lib. 5 ep. 9*, ecclesiam *Cariensem Rhegiensi* adnectit. *Lib. 1 ep. 39*, Paulino scribit *Taurianensi* episcopo. *Lib. 5 ep. 49* Russo episcopo *Vibonensi*. *Lib. 11 ep. 18*, Venantio item *Vibonensi* episcopo.(d) Pelagius I Iuliano episcopo *Grumentino* (nunc della Saponara) dedit epistolam, qua probat electionem diaconi *Grumentini* in episcopum *Marcullianensis* ecclesiae, *can. litteras 14 dist. 53*.(e) Eos numerat Abbas Troyli *to. 4 dell'istoria di Napoli par. 1 pag. 416*, & *segg.* De Cumano episcopatu cum Misenenensi, & Trium tabernarum cum Velitana vniones confecit S. Gregorius M. *can. & temporis*, & *can. postquam XVI qu. 1*.(f) *Io. XXI in extrauag. sedes apostolica 1 de concess. prob. loquens de diui-*

X. Dum Christianorum vrbes iugo infidelium subastas cgebantur episcopi derelinquere, nonnullos eorum aliis inter Christianos vacantibus ecclesiis præficere & incardinare Sedes apostolica conuenit eo tamen pacto, vt ad priorem cessante captiuitate Sedem redirent quasi iure postliminii (a). Qui vero aliam non obtinebant permanentem Sedem, dicebantur episcopi *vacantes* (b) vel *peregrini* (c) vel *scoti* (d). Istique titulum episcopatus amissæ Sedis, ciuitatisque retinebant sine plebe ac sine pastoralis muneris exercitio. Tum ne periret ecclesiarum eiusmodi in partibus infidelium memoria, nec voluntas eas Deo propitio in libertatem vindicandi: episcopi *titulares* ordinari cæperunt & ordinantur in diem. ab ecclesia Romana, quæ eos voto, non re ecclesiis paganorum tyrannide oppressis præficit; quemadmodum & quatuor Patriarchas titulares iam supra memoratos (e). Horum nihilo-

¶ h 2

lomi-

diuisis. & nouiter erectis cathedralibus ecclesiis & diocesibus episcopalibus statuit, vt integer maneat singulis locis vel vnitis vel diuisis antiquus status beneficiorum & iurium, & ante eam concessæ gratiæ & collationes debite executioni mandentur etiam post illas &c. Videbis dicta in tract. de benefic. tit. 4. edit. 2.

(a) S. Gregorius M. Iohanni episcopo Scillatino, alias Squillacensi scribens, propterea te, ait, Iohannem ab hostibus captiuata Lixitana ciuitatis (In Mauritania) episcopum in Scillatina ecclesia Cardinalem necesse duximus constituere sacerdotem, vt susceptam semel animarum curam intuitu futura retributionis implas: & licet a tua ecclesia sis hoste imminente depulsus, aliam, quæ pastore vacat, ecclesiam debes gubernare: ita tamen vt si ciuitatem illam ab hostibus liberam effici, & Domino protegente ad priorem statum contigerit reuocari, ad eam, in qua prius es ordinatus, ecclesiam reuertaris. Sin autem prædicta ciuitas continua captiuitatis calamitate premittur, in hac, in qua a nobis incardinatus es, debes ecclesia permanere. Hoc conferunt quoque superius dicta tit. 13 de Cardinalibus num. 3, & ibidem in notis lit. d. (b) Vt in Conc. Antiocheno cap. 16.

(c) Communio hinc peregrina dicta est, quam alienæ diocesæ episcopi & clerici intra altaris cancellos fovebant ex conc. Nicæn. can. 8, Sardin. can. 14, & 15, Constantinop. I can. 2.

(d) Ex conc. Cabilonen. II can. 43. Nam *exilios* græce incertum, vagum, fugitiuum apud latinos significat ex Cironio obseru. lib. 1 cap. 13.

(e) Benediæ. XIV in litteris ad Cardinalem delle Lanze datis die 4 Aug. 1747, to. 2 Bullar. const. 36 §. hinc sequitur: Sedes (ait) apostolica iurisdictionem suam designandi pastores in illis ecclesiis dimittere noluit, nec villo modo pati debuit, vt ipsarum memoria ne obliuione deleteretur.

lominus alii reapse in longinqua mittuntur ad prædicandum infidelibus & hæreticis euangelium cum facultatibus amplissimis, quos *missionarios* dicimus *apostolicos*; alii Nuntios & Legatos apostolicos apud christianos Reges, resque publicas agunt; alii alia obeunt in vrbe & per orbem munera, quæ obire nec inferiores presbyteros decet, nec episcopos residentiarum obstrictos ablegari ad ea finit publica ecclesiarum utilitas. A titularibus quidem differunt *honorarii* episcopi; quos honoris causa aliquando creatos sine vilo episcopatus titulo testantur Sozomenus (a), Nicephorus Callistus (b), & Christianus Lupus (c). B. Anselmus frequentissimas in Hibernia electiones episcoporum sine certo episcopatus loco meritissime improbavit (d). In concilio Viennensi Clemens V vehementer eos improbat episcopos in ecclesiis clero & populo christiano carentibus institutos præsertim religiosos, qui nec ut expediret prodesse, nec præesse ut deceret valentes, instabilitate vagationis & mendicantis opprobrio serenitatem pontificalis obnubilant dignitatis (e). At Gersonius ab æquo & recto declinat, dum vanum & monstruosum in ecclesia putat quemlibet episcopalem sine plebe statum, & inanem esse potestatem sine operatione (f). Quod ecclesia tot tantisque illustribus exemplis & canonibus probavit in usu episcoporum titularium quam vetustissimo, id nec vanum nec monstruosum, sed vtilissimum & probum sit oportet. Synodus autem Tridentina (g) eorum neque statum neque numerum esse reformandum censuit:

sed

(a) Sozomen. *hist. eccl. lib. 6 cap. 34*. *Add: his (inquit) Bersen & Eulogium, qui ambo post creabantur episcopi non urbis alicuius, sed honoris causa, qui veluti pia antea vite compensatio in propriis monasteriis illis deferabatur: ad quem modum Lazarus quoque, de quo supra diximus, episcopus fuit.*

(b) Niceph. *lib. 11 cap. 4*.

(c) Christ. Lup. in *can. 6 Concil. Chalcedon.*

(d) S. Anselm. *lib. 3 ep. 147*. (e) Clementina in *plerisque 5 de electione.*

(f) Gerson. in *tr. de statibus eccles. consid. 8 de statu Prælat. Status episcopalis (inquit) licet esse possit in aliquo sine plebe & sine usu vel exercitio, hoc fieri non convenit, quia vanum & monstruosum in ecclesia videtur: quoniam frustra est potestas, cui non subest operatio.*

(g) *Seff. 14 cap. 2 de ref. Card. Pallavicinus in hist. conc. Trid. lib.*

sed solum potestatis abusum, dum sanxit, ne titulares episcopi clero & populo christiano carentes officia quævis pontificalia in alterius diocesi, nisi de expressa diocesani licentia, exercerent; neque alienum subditum prætextu etiam familiaritatis continuè in quouis loco exempto aut nullius diocesis ad ordines sine Ordinarii consensu, litterisque dimissoriis promouerent. Benedictus XIV in ea sententia semper fuit, *consentaneum valde esse, si tituli in partibus aliquando consecrantur, nempe si iusta intercesserit causa, si non ambitioni seruiant illius, qui solum episcopi dignitatem expetit, omni negotio & animarum cura vacuum & immunem; si denique episcopus in partibus aliquam ecclesie Dei afferre possit utilitatem, & iis muneribus perfungi debeat, quæ characterem episcopalem necessario requirunt, & quæ ecclesiastico regimini prodesse maxime iudicantur* (a). A S. Pio V sancitum in concistorio fert Fagnanus, vt titulares episcopi ne ordinentur, neque suffraganei dentur nisi cathedralibus Cardinalium ecclesiis, quæ ipsos habere consueverint, cum perpetuo certo stipendio ducentorum saltem ducatorum auri de Camera super earundem ecclesiarum fructibus auctoritate propria percipiendis; iique nullibi possint sine expressa licentia Sedis apostolicæ pontificalia exercere, nisi illis in diocesis, quarum ipsi iam

21 cap. 6 num. 12, & cap. 8 num. 2 commonet visum Patribus Tridentinis fatius corrigere corruptelas episcoporum titularium, quam eos delere, ipsosque deinceps fore nonnisi ex legitima causa utilitatis vel necessitatis ecclesie ordinandos. Concors in ea sententia fuit Petrus Alliacus in *tract. de necessitate reformationis in concilio vniuersali* cap. 12.

(a) Bened. XIV in *const. cum a nobis* 36 §. 1 to. 2. Bullarii sui, nimirum epistola decretali ad Carolum Victorium Amedeum diaconum Cardinalem *delle Lunze*; Regis Sardinie Capellanum maiorem datas, quæ declarauit non incongruum neque absurdum in ecclesiastica hierarchia esse, vt S. R. E. Cardinalis diaconus vel presbyter ad episcopatum titulare in partibus infidelium promoueatur, menia episcopalia in susceptis legationibus & officiis obiturus: quemadmodum Cardinalibus Isidoro, Bessarioni ac Riario Patriarchatum Constantinopolitanum contulerant Pius II, & Xystus IV; dein Cardinalem de Guenara Clemens VIII titulare episcopum Philippensem creauerat generalem in Hispania Inquisitorem.

iam suffraganei sint. Addit eos ipsos postea datos suffraganeos episcopis etiam non Cardinalibus, auctamque ipsorum dotem ad tercentos ducatos auri de Camera ex decreto S. Congr. rerum concistorialium (a).

XI. Duplicem habet episcopus potestatem *ordinis & iurisdictionis*. Potestate *ordinis*, omnium Sacramentorum ordinarius, primariusque minister est episcopus. Presbyteris etiam tradita quidem facultas est administrandi Baptismum, Pœnitentiam, Eucharistiam, Extremam Unctionem & Matrimonium, uti vel subordinatis & inferioribus, vel extraordinariis ministris, de qua fusius in sequenti libro. Sacros tamen Ordines soli conferunt episcopi, præterea nemo [h]. Episcopus igitur solus fecunditatem habet, quia ut Patres ecclesie ipsimet alios episcopos & presbyteros generant: presbyteri autem sunt omnino infecundi, inquam cum S. Epiphanio (c). Patet id ex antedictis num. 2, & 3. Sacramentum Confirmationis iure proprio & vi characteris episcopalis administrat episcopus: sacerdos autem non nisi ex speciali pontificia delegatione (d). Ad eandem ordinis episcopalis potestatem spectant consecratio Chrismatis, Oleique sancti, consecratio eccle-

(a) Fagnanus in *cap. episcopalia 1 de privilegiis num. 48*. Idemque ibidem num. 44 scribit Concilium Lateranense V sub Leone X sess. 9 de *Cardin. reform.* permisisse Cardinalibus, ut episcopos titulares pro suffraganeis haberent suis in ecclesiis: addens in pontificiis litteris, quibus titulares nunc episcopi creantur, hanc adiacere clausulam, *Et suffragantur talibus, donec &c.* At nullum de titularibus episcopis Cardinalium episcoporum suffraganeis verbum apparet in eo decreto Lateranensi, quod ita conceptum habet Leo X in *const. superna 7, to. 1. Bullarii §. 21. Volumus etiam ut ecclesiis eisdem*, quæ nimirum Cardinalibus commendantur, *cathedralibus dignos & idoneos Vicarios seu suffraganeos, prout consuetudo fuerit, cum digna & competenti mercede appointant.* Nunquid quæ Cardinalibus commendantur maiores ecclesie cathedrales, episcopos ejusdem provincie suffraganeos, vicinorumque non habent, quorum opera & ministerio probe utantur ad tempus, ut omnino titulares suffraganeos adscire sibi Cardinales cogantur?

(b) *Trid. sess. 23 can. 7, & cap. 4, gl. in cap. quia periculosum de sent. excom. in 6.*

(c) S. Epiphani. *adversus Aërium hæresi 75 n. 4.*

(d) Videlicet dicenda inferius *lib. 2 tit. 5 num. 29, & seq.*

clesiarum, altarium, sacrorumque lapidum [a]; benedictiones calicum & patenarum, sacrarumque vestium sacerdotalium [b]; præterea benedictio abbatum & abbatissarum, Regum, Reginarumque (c), & sacræ virginum sanctimonialium velationes [d]; tum sollemnis benedictio populi in ecclesia [e]. Reliquæ item benedictiones sacerdotalium ornamento- rum, sacræ suppellectilis, crucum, imaginum, campanarum, oratoriorum, cœmeteriorum, ecclesiarumque pollutarum reconcilia- tiones, quæ solent etiam presbyteris delegari. Istam ordinis potestatem in episcopos a Christo Domino immediate profluere, concordi animo propugnant catholici contra hæreticos [f].

XII. *Iurisdictionis* episcopalis munia summatim sunt quinque, scilicet docere, iubere, iudicare, corrigere, administrare. Ad I docendi munus attinet nedum explicatio verbi Dei tam scripti quam traditi, præsertim synodica: verum etiam prædicatio, quam nemo nisi ab episcopo missus, probatusve antea sit, obire potest [g]; exceptis Parochis, quibus ad animarum curam semel probatis perpetuum ius est concionandi. Per seipsos quidem episcopi euangelium prædicare tenentur: quum vero sunt legitime impediti, viros idoneos debent ad sanctæ prædicationis officium adsumere [h],

ac

- (a) Synod. Chalced. can. 4, in can. quidam 18 qu. 1, can. ministrare 26 qu. 5.
- (b) Cap. vn. §. ungitur de sacra unctiōe, can. altaris, & can. nemo de consecr. dist. 1.
- (c) Ex lib. Pontificale episcoporum.
- (d) Can. perfectis dist. 24, can. quamvis dist. 68, can. 1, & 2 C. 26 qu. 6.
- (e) Ex Synodo Agathensi in cit. can. ministrare C. 26 qu. 6.
- (f) Petrus 10. 4 de ecclesiast. hierarchia, contra Salmasium, ceterosque.
- (g) Trid. sess. 5 cap. 2, & sess. 24 cap. 4 de ref.
- (h) Trident. loc. cit. In hoc regno ex nupero Regis rescripto an. 1744, cautum est, licere vniuersitatibus locorum, quæ eleemosynam concionatoribus præstare soleant, tres episcopo diocesano examinandos nominare ad vltimum vsque Nouembris diem, ex quibus vnus episcopo eligendus concionabitur in futura Quadragesima. Si quando autem negligat vniuersitas intra præfixitum tempus nominationem, solius episcopi arbitrium erit tunc eligere concionatorem ab eadem vniuersitate consuetam laboris mercedem accepturum. Si tamen ere suo maluerit episcopus honorarium solvere, concionatorum arbitratu suo deputabit sine vlla nominatione. Tum regio rescripto die 3 Oct. 1745 ad Curiam Capell. Major. dato publicata fuit Benedicti XIV const. grauissimum die 8 Sept. eiusdem anni edita pro sacris missionibus hoc in regno peragendis.

ac mittere ad singula diœcesis loca diebus præsertim Quadragesimæ, nisi maluerint gratis parochi conciones habere. Eam ob rem episcoporum Sedem in ecclesia *cathedram* vetustissimo vocabulo appellant, quia ex illa docent: quemadmodum & *thronum*, quia ex ea ipsa imperant [a]. II, imperant quidem & iubent, quoniam leges editis temporaneas, synodis perpetuas ferunt de iis, quæ populi mores & sacrorum ministrorum officia, sacrosque ritus dirigunt [b]. Idcirco dicti sunt *principes sacerdotum*, *ecclesiæ præpositi*, & *pontifices*, quibus obedire subiectos oportet [c]. III, ad iudicandi quod attinet potestatem; ordinarii sunt ipsi iudices causarum omnium ad torum ecclesiæ quomodolibet pertinentium [d] cum iure definiendi vel per semetipsos vel per alios quum ordinarios tum delegatos cognitores arbitrato suo deligendos [e]; pro tribunali sedent in quouis diœcesis loco non exempto [f]; & synodos concelebrant [g]. IV, corrigendi po-

testa-

(a) S. Epiphanius *her. 7 num. 7*, loquens de B. Iacobo Ierosolymorum episcopo, *Primus ille (ait) episcopalem cathedram capit, cui primo suum in terris thronum Dominus tradidit.*

(b) S. Cyprian. *ep. 76, alias 69 ad Magnum. Statuit, inquit, quod putat unusquisque Præpositus, actus sui rationem Domino reddendus.*

(c) Ordo enim hierarchicus sine superiorum imperio, & obsequio subiectorum nequit consistere, S. Greg. M. *in can. ad hoc C. xvi qu. 1.*

(d) De quibus vberissime *lib. 3 tit. de foro competenti C. segg. tit.*

(e) De quibus dicam inferius *tit. de officio ordinarii, & de officio delegati.*

(f) Bonif. VIII *in cap. cum episcopus 7 de offic. ordin. in 6.*

(g) Quoniam ritu synodi hoc in regno promulgetur, regiumque placitum super iis nunc expediat, iam superius dixi *tit. 6 cap. 4. num 49.* Antiquam eiusmodi placiti concedendi formam inibi omissam liceat heic exhibere. Ioannes de Torres archiep. Salernitanus die 8, & 9 Maii 1661, Alexandro VII Pontifice, quum diœcesanam Synodum celebrasset: Paulus Sebastianus archiepiscopi negotiorum gestor libello supplici petiit a Prorege licentiam typis eam vulgandi. Collaterale Consilium in primis rescripsit: *Speſtabilis Regens Jacobus Capicius Galeota Regens de supplicatis relationem faciat in Regio Coll. Consilio.* Tum die 10 Febr. 1662, facta relatione S. E. in Regio Coll. *Conf. de contentis in retroſcripto memoriale per Speſtab. Reg. Iacobum Capicium Galeota Commiſſorium Regalis Iuriſdictionis, Illuſtriſſ. & Excellentiſſ. D. Viſceres, Locumtenens & Capitaneus generalis providet, decernit atque mandat, quod Synodus facta per Rem. in Chriſto Patrem Archiepiſcopum civitatis Salerni*

ni

testate criminosos & contumaces coercent censuris, poenitque canonicis & poenitentiis salutaribus(a); ac poenitentibus vicissim reconciliationem, indulgentiamque largiuntur. V, ius denique administrandi versatur in ecclesiasticis prouentibus, præbendis, dignitatibus, beneficiis, officiisque dispensandis & conferendis [b], in ecclesiarum, titulorumque erectione, unione, suppressione ac dispositione [c]. Vt autem arbitraria episcopi iurisdictione, eis in ædificationem data ne abuterentur in destructionem; eam canones qua vetusti qua recentiores multis limitarunt modis, & censuræ superiorum subegerunt.

XIII. Episcopalis iurisdicção triplex est, *spiritualis, spiritali adnexa, & temporalis*. A potestate clauium ortum ducit spiritualis, secus temporalis. Rursus vel *voluntaria* vel *contentiosa* est. Prior extra dioccesim quocunque fere in loco potest exerceri [d] cum subditis suis, puta collatio beneficiorum, absolutio criminum, remissio censurarum, datio iudicium [e]: Ordines tamen conferre extra dioccesim, nisi accesserit permissio diocesani, haud licet [f]. Secus est in contentiosa, cuius extra tribunal proprium nullus est vsus, & extra territorium suum cuique ius dicenti non paretur impune [g]. Diuiditur item iurisdicção in *ordinariam* & *delegatam*.

Tom. I.

I i

Hanc

ni imprimatur, & in publicatione seruetur Regia Pragmatica. Hoc suum &c. Fuit inde typis Io. Franc. Pacii vulgata Neapoli anno 1662, una cum eiusmodi recriptis Regii Coll. Conf. ad calcem impressis.

(a) S. Pius V in *const. muneris nostri* 12. 10. 2 Bull. statuit, vt episcopi vtriusque Sic lxx citra & ultra pharum quotannis inuentarium actorum criminalium conficiant & collodiant, quod suo obsignatum sigillo debent ipsi morientes confessario suo concedere, caute seruandum, donec nouus adnenerit præfati.

(b) Conc. Aurelian. I in *can. omnes basilica* 10 C. XVI qu. 7.

(c) *Can. vnaquæque IX qu. 3, can. regenda X qu. 1, can. sanctorum dist. 70, & cap. sicut vnire de excess. prelator.*

(d) Quemadmodum ciuilis voluntaria iurisdicção extra tribunal de plano, extra territorium vbicunque etiam in transitu exercetur; vti manumissio, adoptio, emancipatio, l. 2 D. de offic. Procons. l. apud Proconsulem D. de manumiss. vindicta, l. vlt. C. de emancipat.

(e) *Cap. post electionem de concess. præb., cap. qua fronte de appellat. Gl. in cap. nouit de offic. legat., Germon. de indult. Cardinal. §. tibi quoad videris n. 78.*

(f) *Can. nullum IX qu. 2, cap. si episcopus 37 de præb. in 6.*

(g) *L. 2 D. de iurisd. omn. iudicium.*

Hanc auctoritate Sedis apostolicæ, illam proprio iure episcopi exercent.

XIV. Vtrum iurisdictionis potestatem immediate a Christo Domino, an mediate per Papam habeant episcopi, lis adhuc sub iudice est, diu multumque inter Patres Tridentinos agitata, minimeque diremta [a]. Priori sententiæ fauet Apostolus, dum ait [b]: *Attendite vobis & uniuerso gregi, in quo vos Spiritus Sanctus posuit episcopos regere ecclesiam Dei.* Huc conferunt alia sacræ Scripturæ testimonia de auctoritate Apostolorum, episcoporumque successione [c]. S. Cyprianus [d] in eos scripsit, *qui non credebant Deo episcopum constituenti.* S. Bernardus [e] ad Eugenium III, erras, inquit, si ut summam, ita & solam institutam a Deo vestram apostolicam potestatem existimas. Si hoc sentis, dissentis ab eo, qui ait: Non est potestas nisi a Deo ... Idem ait: Omnis anima potestatibus sublimioribus subdita sit. Non ait sublimiori tanquam in uno, sed sublimioribus tanquam in multis. Non ergo tua sola potestas a Domino; sunt & mediocres, sunt & inferiores.

XV. Posteriores sententiam eæ comprobant rationes, quibus Papæ in ecclesia primatus & monarchicum regimen ostenditur [f]. Cur enim Christus Dominus Petro soli clauus tradidit, curamque pascendi agnos & oues cunctas demandauit, nisi ut ceteri ecclesiæ præfules & pastores ab ipso acciperent clauium potestatem & ouilium regimen? Soli Petro, inquam cum diuo Thoma [g], promissit: *tibi dabo clauis regni calorum: ut ostenderetur potestas clauium per eum ad alios deri-*

(a) Eam refert Card. Pallaucin. in *hist. Conc. Trid. lib. 17 cap. 14*, & lib. 21 cap. 11, & 13. (b) Act. Apostol. cap. 20 num. 28.

(c) Superius expensa tit. 12 num. 2. & hoc tit. num. 3.

(d) S. Cyprian. ep. 69. (e) S. Bern. lib. 3 de considerat. cap. 4.

(f) Supra cit. tit. 12 num. 1, & seqq.

(g) Lib. 4 contra Gentes cap. 76. Cam S. Thoma consentiant S. Bonaventura in opus. *Quare Fratres Minores prædicant*, to. 7 oper. pag. 366, Card. Bellarm. to. 1 controuers. lib. 4 de Roman. Pontific. cap. 24, & 25, Fagnanus in cap. perniciosum de offic. ordin. num. 30, & seq. Vargas in tract. de iurisd. episc.

derivanda, ad conservandam ecclesiæ unitatem. Hinc episcopi Africani [a] ad Theodorum Papam scribentes aperte pronunciarunt apud apostolicam Sedem consistere fontem, de quo rivuli procedunt affluenter, universum longissime irrigantes orbem. Ultra partium plus arriterit, ei quisque adhæreat.

XVI. Vbiunque fuerit episcopus, siue Romæ, siue Eugubii, siue Constantinopoli, siue Rhegii, siue Alexandria, siue Thanis: eiusdem meriti, eiusdem est & sacerdotii. Potentia divitiarum & paupertatis humilitas vel subliorem vel inferiorem episcopum non facit, inquam cum B. Hieronymo [b]. Nullam propterea prærogativam dat cuilibet vel antiquior vel ditior vel illustrior Sedes, quum prior in tempore ad episcopalem promotus ordinem posteriori gradatim præcedat [c]. Quæ itaque sunt communia episcopis onera, iura & privilegia, mox delibare par est.

XVII. Onus episcoporum angelicis humeris formidandum, Patribus visum est Tridentinis [d]. Oportet enim, monente Apostolo [e], episcopum irreprehensibilem esse, unius uxoris virum [f], sobrium, prudentem, ornatum, pudicum, hospitalem, doctorem, non vinolentum, non percussorem, sed modestum, non litigiosum, non turpis lucri cupidum. Hæc qua-

li 2

lita-

(a) To. 3 Concil. collect. Harduini col. 734. Non desunt ipsorum aliquot responsa Pontificum. Innocentius I ad episc. Carthagine congregatos rescribens, sciens, ait, quid apostolice Sedi, quum omnes hoc loco positi ipsum sequi desideremus Apostolum Petrum, debeat, a quo ipse episcopatus, & tota auctoritas nominis huius emerit, ep. 24. Inn. I to. I Conc. Harduin. col. 1025. S. Leo M. ad episc. Vienn. ep. 89. Huius muneris sacramentum, inquit, ita Dominus ad omnium Apostolorum officium pertinere voluit, ut in beatissimo Petro Apostolorum omnium summo principaliter collocaret, ut ab ipso quasi quodam capite dona sua velut in corpus omne diffunderet, can. ita Dominus 7 dist. 19.

(b) In can. legimus 24 dist. 92.

(c) Pius IV const. 24 to. 2 Bullarii. Iac. Ant. Crusius in tract. de præcedentia.

(d) Sess. 6 cap. 1 de reform.

(e) Ep. ad Timoth. cap. 3, & ad Titum cap. 1.

(f) Quidam coactè interpretantur uxores pro ecclesiis, viras pro episcopis debere accipi, ait S. Hieron. ep. 53 ad Oceanum to. 2. Apostolos enim sensu communi & proprie locutus hic est, non mystico. At coelibatus episcoporum & sacerdotum unde & quando emerit: inferius edisseram tit. 31 num. 16.

litates explicat Gratianus [a]. Benedictus XIV die 3 Dec. 1740 epistola encyclica omnes hortatur episcopos ad munia sua curatius obeunda (b).

XVIII. Residentia in primis, quam tot canones, tantæque leges ecclesiasticæ sanxerunt ab initio incumbit potissimum episcopo cuilibet. Quo etenim pacto ministerium suum implere, oves agnoscere & pascere poterit, qui suum derelinquit gregem & mercenariis pascendum dimittit? *Qui per vicarium inseruit, per vicarium remunerabitur*, inquit S. Bernardus [c]. Divino ne, an humano iure ad residendum ecclesiæ Pastores teneantur, disceptatum diu est, non definitum a Tridentina synodo [d]. Primaria generatim obligatio residendi videtur ex iure divino profecta. Si vero causæ ab assidua residentia excusantes, poenæque contra non residentes sancitæ spectentur, eam ad disciplinæ mobilis capita referre oportebit.

XIX. Quatuor absentiæ causæ, quas legitimas comprobabat Tridentinum, sunt *christiana charitas, urgens necessitas, debita obedientia, & evidens ecclesiæ, reiue publicæ utilitas*. Præter has nullo debent pacto aut ad summum tres absentiæ menses quotannis excedere, sine ullo gregis detrimento & æqua ex causa & extra festos dies Adventus, Quadragesimæ, Natiuitatis, Resurrectionis, Pentecostes, & Corporis Christi [e]. Nonnullas alias his generalibus causis contentas speciatim quoque probavit Sedes apostolica. I, Urbanus VIII [f] episcopis recens in vrbe promotis spatium vnius mensis vt proprias adirent ecclesias, indulgit; idque ad alios quadraginta dies causa cognita potest Cardinalis Vicarius prorogare ex decreto Romanæ synodi sub Benedicto XIII.

II,

(a) Gratian. *dist.* 25 vsque ad *dist.* 49.

(b) Bened. XIV *const. ubi primum* 2, to. 1 Bull. regio placito munita die 2 Martii 1741.

(c) Ab Hostiense laudatus in *cap. extirpanda de prebendis*.

(d) *Trid. sess.* 6 *cap.* 1, & *sess.* 23 *cap.* 1 *de reform.*

(e) *Cit. sess.* 23 *cap.* 1.

(f) In *const. sancta synodus*, edita die 12 Decem. 1634.

II, Apostolorum limina personaliter visitantibus, qui extra montes & maria resideant, quatuor menses; ultramontanis & ultramarinis menses septem idemmet Urbanus concessit. III, pro celebrandis synodis & congregationibus, aliisque reipublicæ iniunctis muneribus obeundis tantum temporis spatium, quantum ea reapse durauerint. Exceptis hisce potioribus legitimæ absentię causis vna cum annuo trimestri, non licet vnquam episcopo, nisi expressam prius licentiam a Romano Pontifice obtinuerit, eamque Nuntio apostolico Neapoli commoranti exhibuerit, diocesim derelinquere suam iusta etiam ex causa siue *litis ecclesiæ* aut cleri aut familiæ, siue *infirmis* vel *æris non salubris*, siue *pro construendis processibus canonizationum Sanctorum*. Quoduis vero spatium vel constitutione Urbani VIII concessum vel peculiaribus Papæ indultis concedendum tres conciliares menses fere completitur. Vtque fraus ne fiat concilio, qui trimestris beneficium non vsus hoc anno sit, nequibit altero anno diutius quam tres menses abesse a residentia, ex Bened. XIV constitutione [a].

XX. Non residentes præter mortalis peccati reatum prorata temporis absentię fructus suos non facere, nec posse tanta conscientia sibi eos detinere, omnimodis vel fabricæ ecclesiarum vel pauperibus loci erogandos, Tridentina synodus decreuit [b], prohibens quancunque de fructibus male perceptis conuentionem. Eosque vt Papæ denuncient primates metropolitani, viciniore episcopi, & Nuntius pontificius plus omnibus, cui debent licentiæ ostendi pontificiæ, inspecturo, siquid obreptum vel subreptum in illis fuerit; cautum est prælaudata Benedicti XIV *constitutione* 18. His residentię legibus obstringuntur etiam Cardinales S.R.E. qui vbi cum episcopo

(a) Ex Bened. XIV *const. ad vniuersa* 18 tom. 1 Bullarii. Cuius promulgationem hoc in regno permisit regium rescriptum die 21 Nouembris 1746 datum ad Curiam Capellani maioris.

(b) *Trid. cap. 1 sess. 23 de ref.* Iustiniano etiam placuit redditus ecclesiæ non residentibus episcopis esse in vsus pios, ecclesiæque vtilitatem conuertendos, *Non. 6 cap. 2, & Nou. 67 cap. 3.*

scopatu suburbicario regendam acceperint aliam episcopalem ecclesiam; in hac, non in illo eos ad residendum teneri Urbanus VIII declaravit (a).

XXI. Quum episcoporum residentia non materialis, sed formalis esse debeat, alia eorum onerosa munia persequamur. Præcepto quoque diuino debent oues suas ipsi agnoscere [b], ob idque visitare dioecesim quotannis [c] per semetipsos, iisque impeditis per Vicarium, aliosque visitatores [d], ut sanam doctrinam expulsi erroribus diffundant, bonos mores tueantur, prauos corrigant. Verum non publico & solemnio iudicio, sed paterno sunt mores in visitatione reformandi appellatione remota [e] quod ad effectum *suspensiuum*. Scilicet executionem decretorum visitationis episcopalis appellatio non suspendit, quoties processus non legitime instruantur, nec seruatis iudicii communis ritibus nec defensionibus discussis sententia feratur [f]: alias consuetam corrigendi formam si excefferint visitatores, locus erit appellationi quod ad vtrunque effectum ut aiunt *deuolutiuum* & *suspensiuum* [g].

XXII. Alia *personalis*, alia *localis* est visitatio. Omnes ecclesiastici quum seculares tum regulares curam animarum exercentes in iis, quæ ad eam ipsam & Sacramentorum administrationem respiciunt, quantumuis exempti, effugere non valent *personalem* episcopi visitationem [b]. In Canonicos etiam cathedrali-

(a) Videbis dicta superius tit. 13 num. 26, & seq.

(b) Trid. cap. 1 sess. 23 de ref. (c) Trid. sess. 24 cap. 3 de ref.

(d) Eos Laodicensis synodus can. 57, appellauit *perioideutas*, seu circuitores, to. 1 collect. Concil. Circuitiones ideo dictæ sunt visitationes episcopales.

(e) Innoc. IV in cap. 1 §. *sane de censibus*, Trid. sess. 24 de reform. cap. 10.

(f) Fagnan. ad cap. dilectus de rescriptis num. 36, refert S. Congregationem Concilii rescriptisse die 1 Febr. 1607, ut episcopus Tornacensis in visitatione Collegiatæ ecclesiæ contineret se intra limites notissimos visitationis, itaut nec ad specialem inquisitionem descenderet, nec processum conficeret, nec sententias ferret: sed in his, quæ morum correctionem & emendationem respiciunt, sine strepitu iudicii decerneret.

(g) Innoc. III in Lateran. Concil. in cap. irrefragabili 13 de offic. Ordinariorum. Videbis dicenda inferius lib. 4 tit. 12 num. 12, & seq.

(h) Videbis dicenda inferius lib. 3 tit. 13 de exempt. Regular. & tit. 13 de foro exemptor. secular. & nullius diocesis.

dralium ecclesiarum episcopi visitatores animaduertunt, nullo etiam ex Canonicis ad iudicium adscito, quos sibi adiungere extra visitationem in causis Capitularium exemptorum fere debent (a). Ad localem quod spectat, cunctas ecclesias intra diocesim etiam exemptas, monasteria quoque commendata, abbatias, prioratus, præposituras, eas itidem, quæ in nullo diocesi esse dicuntur (b): quæcunque simul hospitalia, collegia & confraternitates etiam laicorum (c) visitant episcopi tanquam delegati Sedis apostolicæ; exceptis tantum iis, quæ sub immediata Regum protectione sunt, ex decretis Tridentinis. At hoc in Regno ex nouissimis Concordatis (d) quod ad spiritualia tantum permittitur episcopis *extauritas, capellas*, cetera *loca pia* ab laicis gubernata visitare. Quænam vero spiritualia hac in re sint, nec ne, quæque sub sint loca immediatæ Regum protectioni, dicam infra opportunius (e). Maiorem interea episcopi auctoritatem in visitatione, quam extra illam hinc videre pronum est (f).

XXIII. Sacrificia missarum offerre pro populo suo debent singuli episcopi, scilicet fructum medium applicare, quoties celebrant, vti pluries declarauit S. Congregatio Concilii. Dominicis autem diebus, festisque solemnibus interesse diuinis in choro, nisi eos infirmitas domi detinuerit (g). Omnis enim Pontifex, inquit Apostolus (h), ex hominibus assumptus pro hominibus constituitur in iis, quæ sunt ad Deum, ut offerat dona & sacrificia pro peccatis. . . & propterea debet quemadmodum pro populo, ita etiam pro semetipso offerre pro peccatis. Et rursus: Omnis Pontifex ad offerendum mune-

ra

(a) Trid. sess. 6 cap. 4, & sess. 25 cap. 6 de ref. & decreuit S. Congr. Concil. apud Fagnan. in cap. vi infra n. 38 de offic. ordin.

(b) Idem sess. 7 cap. 8, sess. 21 cap. 8, & 9 de ref.

(c) Idem sess. 22 cap. 8 de reform.

(d) Cap. 5 art. 1.

(e) Lib. 3 tit. 8 num. 22.

(f) Consulendi ad id Crispinus episcopus de visitat. pastoralis, de Alte Arch. Hydrunt. de methodo visitat. apostol. P. Grudentius de Ianua de visitat. cuiuscunque Prælati to. 1 cap. 3.

(g) Trid. sess. 23 cap. 1 de reform. (h) Ep. ad Hebræos cap. 5 vers. 1.

ra & hostias constituitur (a). Idemque ad Timotheum episcopum scripsit fieri ab eo debere obsecrationes, orationes, postulationes, gratiarum actiones pro omnibus hominibus: pro Regibus, & omnibus qui in sublimitate sunt, ut quietam & tranquillam vitam agamus (b).

XXIV. Fabricam ecclesiæ cathedralis sartam testam habere, & omnia ad ornatum sponsæ suæ necessaria suppeditare, nisi peculiares sint redditus ad ea conficienda pares (c). Sacri porro canones cum ecclesiasticas omnes obventiones distribui tres in partes constituissent; duas tamen portiones ecclesiis & pauperibus debitas non separarunt, sed eas episcopis ipsis & beneficiariis administrandas reliquerunt (d).

XXV. Pauperes eleemosynis alere. Si enim *primatim*, quæ nobis sufficiunt, possidemus: non sunt illa nostra, sed pauperum, quorum procuracionem quodammodo gerimus, non proprietatem nobis usurpatione damnabili vendicamus, ait S. Augustinus (e).

XXVI. Ad iura episcopalia pertinent in primis *cathe-dra-ticum* seu *synodaticum*, in honorem cathedræ episcopalis ab omnibus ecclesiis & beneficiariis præstari consuetum non ultra duos aureos; *procuratio* visitanti episcopo pro expensis cibariis ejus & famulatus & equitatus extra urbem; *subsidi-um* *charitativum* in paupertatis episcopi recens ordinati leuamen; *canonica portio* seu *quarta episcopalis* ex oblationibus & rebus, quæ ecclesiis relinquuntur; simul *quarta decimarum* & *funerum*. De quibus omnibus in sequenti libro II parte secunda commodius.

XXVII. Præuilegia episcopis multa indulgit ius commu-
ne

(a) Ibidem cap. 8 vers. 3.

(b) Ep. 1 ad Timoth. cap. 2 vers. 1, & seq.

(c) Conc. Aurelian. I in can. episcopus 5 de cons. dist. 3.

(d) Id quod fufius explicui in tract. de Benefic. ecclesiast. cap. 1 num. 17 & seq. 2 edit.

(e) In can. quod autem nobis 3 C. XXI II qu. 7. Consonant Urbanus in can. videntes 16 C. XII qu. 1, & synodus Martini Papæ in can. episcopus habeat X qu. 2.

ne quum civile, tum canonicum. Illud eos habet exemptos a patria potestate, simul a seruituti atque adscriptitiae fortuna (a). Qui enim omnium sunt spirituales patres, quomodo sub aliorum potestate consistant? ait Imperator. Ampliorem quoque, antiquioremque iis ipsis, quam inferioribus ecclesiasticis personis exemptionem a foro laico & immunitatem concessit (b). Plura insuper temporalia eis Principes pro conditione temporum indulserunt, videlicet iurisdictionem in causis profanis (c), feuda etiam cum vassallis, & dignitates seculares praesertim Comitibus palatini (d), alioque Baronum titulos. Ut Cassinensis ignotus chronographus scribit, Landolphus in vniuerso Campaniae gastaldatu exiit suis ciuibz non solum episcopus, sed & Comes & index; non solum praesul, verum etiam gastaldus; neque tantum pontifex, quin & velut miles super cunctos praerat (e). Plures ab Regibus Galliarum & Imperatoribus Germanis episcopos in Italia creatos palatii Comites, narrat Muratorius (f). Nimirum huius dignitatis abusum seculo XI in episcopis carpit Geros coaevus scriptor (g). Archie-

Tom.I.

K k

chie-

(a) Nov. 81 cap. 3, & Nov. 123 cap. 4, unde sumta est Auth. episcopus C. de episc. & clericis.

(b) Nov. 123 cap. 8, cuius fragmentum in Auth. nullus episcopus C. de episc. & cler. Videlicet dicenda inferius lib. 3 tit. 3.

(c) De qua opportunius infra lib. 3 tit. 3, & seq.

(d) Hincmarus in tract. de ordin. & offic. palatii cap. 21 haec habet. Comitibus palatii inter cetera pena innumerabilia in hoc maxime sollicitudo erat, ut omnes legales causa, quae alibi orta propter aequitatis iudicium palatium aggredebantur, iussu ac rationabiliter determinaret, seu peruersae iudicata ad aequitatis tramitem traduceret. Carolus M. in legib. Langobard. 43 statuit, ut nullus Comes palatii nostri potentiorum causas sine nostra iussione finire praesumat: sed tantum pauperum & minus potentium ad iustitias faciendas sciant sibi esse vacandum.

(e) Ignotus Cassinensis num. 32 apud Camill. Pellegrin. diff. 8 de Ducatu Beneventano in antiquas provincias tributus pag. 310 edit. Pratilli to. 5.

(f) Murator. antiqu. Italor. diff. 7, & 71.

(g) Geros Praepositus Reichenpergensis de corrupto ecclesiae statu, apud Murator. cit. diff. 71 prope fin. Audiant haec episcopi, ait, qui ultra & contra iustitiam plerumque bella mouent, officiumque militis & sacerdotis in una persona confundunt. Comitibus & pontificibus dignitatem simul administrant. E Suri-

chiepiscopus Teatinus hoc in regno nudum sine re titulum Comitris Teatini adhuc retinet ex] ea nimirum dignitate, quam episcopi decessores propitiis temporibus administrasse olim videntur (a).

XXVIII. Ius vero pontificium cauit episcopos nullam ecclesie censuram ipso facto incurrere, nisi eos constitutio vel sententia expresse memorauerit (b). 2, in loco interdicto posse excommunicatis, interdictisque exclusis, clausis ianuis, suppressa voce, non pulsatis campanis diuina celebrare (c). 3, altare viaticum habere, in eoque per se, vel per alios ubicunque sacrum facere vel audire diuina, seruatis in loco interdicto iamdictis conditionibus (d). 4, prouidum & discretum sibi extra suas dioeceses eligere Confessarium præter Superioris eius licentiam: hoc est quemlibet sacerdotem sibi non subditum, neque ab Ordinario loci approbatum (e). 5, dum resident in dioecesi, eos citari non posse ad comparandum in Curia Romana, nisi de Papæ mandato, statuit Pius IV (f). 6, vt puniendos rite episcopos delegati apostolici, iudicesque superiores dignitatis pontificalis gratia primum ab ecclesie ingressu, vel sacerdotali interdicere ministerio; tum ab officio suspenderent; deinde

gra-

Esurimus & sitimus hanc iustitiam, vt iudicia & negotia spiritualia per spirituales, & secularia per seculares ita peragant, ne termini a Patribus constituti negligantur.

(a) Teate vrbs Marucinatorum caput, dein Romanorum colonia Aprutina a Gothis incensa sub Alarico, a Narsese Iustiniani duce recuperata ad Langobardos deuenit sub Alboino, & Beneuenti Ducis. Hi marcham, castralatum, comitatum Teate creauerunt. A Pipino destructa, & Normannis relecta, qui suam ibi regiam sedem plerunque habuisse feruntur. Aragonenses caput provinciarum vtriusque Aprutii citra & ultra piscariæ flumen cum regio auditorio eam posuere urbem. Tum anno 1642 alterum Aquila auditorium Aprutii vltioris quum existeret Dux Medinæ cæli prorex, Teate Aprutii citioris caput permansit. Videtis Hieronymum Nicolin. in *hist. Teatina*.

(b) Innoc. IV in conc. Lugden. cap. quia periculosum 4 de sent. excom. in 6.

(c) Innoc. III in conc. Lateran. in cap. quod nonnullis 13 de privilegiis.

(d) Bonif. VIII in cap. quoniam vlt. de privilegiis, in 6.

(e) Greg. IX in cap. ne pro dilatione fin. de penit. & remiss.

(f) Pius IV const. de salute 10. §. 3, & const. inter 56 §. 8 to. 2. Bull.

gravioribus censuris afficerent (a). 7, a Romano duntaxat Pontifice ob enormia facinora ii deponuntur (b). 8, inuales domorum episcopaliū, bonorumque raptores anathemate coercendos ipso facto sanxit Leo IX (c). 9, deprecari veniam pro reis capitalibus apud secularem magistratum episcopos debere, decreuit synodus Sardicensis (d): eoque privilegio sæpius vfos SS. Ambrosium, & Augustinum, ceteros antiquos Patres compertissima res est (e). 10, Benedictus XIV episcopis, prælatisque inferioribus cum territorio separato nullius actioam in clerum & populum iurisdictionem habentibus ampliavit facultatem impertiendi benedictionem cum indulgentia plenaria fidelibus in mortis articulo constitutis quum per se, tum per alios intra fines diocesis (f). Cetera episcoporum privilegia, iura & munia ex singulis sparsim rubricis harum Institutionum colligenda.

XXIX. Domestici Papæ prælati, solioque pontificio assistentes episcopi, archiepiscopi, patriarchæ multis etiam privilegiis fruuntur, iisque amplioribus ex antiqua Iulii III constitutione (g), quam nunc sunt ex Gregorii XV litteris die 17 Augusti 1622 datis & rite publicatis in Camara apostolica (h). Nam Gregorius eos primum consortio nobilium aggregavit, ut perinde ac alii nobiles ex illustri etiam genere Comitum orti potiantur & ipsi omnibus eorum titulis, in-

K k 2

signi-

(a) Bonif. VIII in cap. quia pontificali 2 de offic. & pot. iud. deleg. in 6.

(b) Leo IX in const. cum ex venerabilium 2 to. 1 Bullarii.

(c) Idem in const. quia auctore 1 eod. to. 1 Bull.

(d) Can. 7. Quia sepe contingit (sunt verba canonis Sardicensis) aliquos, qui egent misericordia, ad ecclesiam confugere, qui propter sua peccata vel relegatione, vel in insulam deportatione damnati, vel quavis alia sententia adducti sunt; iis non esse negandum auxilium, sed sine cunctatione & dubitatione iis veniam esse petendam.

(e) Ex vita divi Ambrosii, & epistola divi Augusti. 159, aliisque testimoniis apud Bingham. to. 1 origin. lib. 2 cap. 8 §. 1.

(f) Bened. XIV in const. pia mater 34 to. 2 Bull. sui.

(g) Iul. III in const. Romanus Pontifex 12, data 6 Aprilis 1551, to. 1 Bullarii.

(h) Greg. XV in const. circumspcctis 32, to. 3 Bullarii.

signibus, immunitatibus, exemptionibus, prerogatiuis. 2, eisdem in Curia praesentes a solutione vestigialis vini pro sex vegetibus exemit. 3, portionem panis ex palatio apostolico accipiendam quotidie singulis concessit. 4, & 5 facultatem creandi tres apostolicæ Sedis notarios, priuilegiis notariorum potituros, etiamsi habitum & rochetum non deferant, sine præiudicio protonotariorum de numero participantium, & citra exemptiones ac priuilegia eis a Tridentino concilio ademptas. 6, nec non equites octo auratæ militiæ, torquem aureum, ensen, & aurata calcaria gestaturos. 7, statuendi insuper, quæ ad suum ipsorum collegium spectant. 8, Missam quotidie vnâ in oratorio priuato etiam in vrbe, postquam Papæ Vicarius illud visitauerit, celebrandi per se vel alium, exceptis Paschatis Resurrectionis, Pentecostes, Natiuitatis Domini, aliisque diebus anni solemnioribus, ita tamen vt familiares eorum seruitiis non necessarij debeant præceptum audiendi Missam in ecclesia publica festis diebus implere. 9, pensiones ecclesiasticas transferendi vsque ad summam quingentorum ducatorum auri de Camara. 10, de bonis quibuslibet intuitu etiam ecclesiæ quæsitis (præterquam diuino cultui vel ecclesiæ ministerio dicatis) disponendi ad summam vsque mille ducatorum auri de Camara, *scriptura etiam minus solemnî coram duobus vel tribus testibus, aut etiam cedula sola ipsorum manu scripta vel subscripta*, in fauorem etiam consanguineorum, & affinium, & seruientium, piorumque locorum. Hanc formam Gregorianam consueuerunt posteriora & hodierna indulta referre, quoties pontificiis litteris quispiam inter prælatos Papæ domesticos & solio pontificio assistentes cooptatur. Indultis eiusmodi regium placitum hoc in regno hac lege conceditur, vt facultas creandi protonotarios ad honores tantum suffragetur; altera vero facultas disponendi subiaceat quod ad profana bona solemnitatibus iuris ciuilibus & municipalis.

XXX. Peculiaria episcopi non monachi vestimenta in publi-

publicis functionibus sunt *penula* (a) oblonga violacei coloris (b), *linea* seu *rochetum* candidum, *birrus* (c) vulgo *monasteria*, & *palliolum* vulgo *manselleta* ianthini etiam coloris. *Vt* pontifices nimirum episcopi in publico & ecclesia superindumentis lineis omnes utantur, nisi monachi fuerint, quos oportet ferre habitum monachalem, statuit insuper in Lateranensi concilio Pontifex Innocentius III (d), & Clemens VIII in cœrimoniale episcoporum. Canonicos autem regulares S. Augustini vtriusque Congregationis Lateranensis & SS. Salvatoris ad episcopatum promotos ex antiqua consuetudine gestare habitus eisdem & colores quum in Capella pontificia tum extra, quibus utuntur episcopi ex clericorum secularium cœtu assumti, declaravit & indulgit Leo X (e). Sicut Romanus Pontifex in vrbe solus gestat birrum super lineam sine palliolo in signum iurisdictionis, quum domi suæ degens, opus non habeat pallio: ita episcopus quisque suam intra diocesim rochetto & birro detecto utitur, in alienis vero diocesibus prohibentur birrum gestare, quod signum iurisdictionis episcopalis est. S. Congregatio Rituum die 1 Octobris 1601 decrevit birrum cum rochetto detecto episcopum non posse coram Legato apostolico deferre. S. Congregatio episc. & regul. die 3 Decembris 1579 ex oraculo Papæ rescripsit ad episcopum

Ma-

(a) Communis & vulgaris Romanorum vestis *penula* erat, toga vero senatorum propria & patrum familias ex Vip. in *l. vestis* 23 *D. de auro & argento*, & Martial. *lib. 13 epigr. 1*. Et toga *cordylis* & *penula* desit aliis. Apostolus Paulus ut cuius Romanus *penulam* gestare solitus; *ep. 2 ad Timoth. cap. 4* scripsit: *penulam*, quam reliqui Troada apud Carpum, veniens affer tecum, & *libros*, maxime autem *membranas*.

(b) Violaceus seu vinaceus color in vestibus clericorum; episcoporumque antiquissimus ex pullatis fortasse vel togis vel penulis Romanorum profuxit.

(c) S. Cyprianus episcopus & martyr, ut eius acta ferunt, exiit *birrum*, inde *tunicam*, & sic in *linea* expectavit *spiculatorem*. Palladius S. Athanasium episcopum cum *tunica* & *birro* discessisse tradit. Ex Cœrimoniale episcop. *lib. 1 cap. 4*, *utuntur croceis obscuris*, & *subtus paruo caputio supra rochetum*. Croceæ hec dicitur cappa circa collum crispata, oblonga usque ad humum, aperta anterius, ad formam chlamydis, ex Ord. Rom. *lib. 1 cap. 4*.

(d) Innoc. III in *cap. clerici* 15 *de vit. & hon. cler.*, quod multis in ibi Gonzalez comprobatur. (e) Leo X in *const. dudum* 34 *19. 1 Bullarii*.

Maceratensem, quod Ascolitano episcopo illius provincie gubernatori liceret utique birrum cum rochetto contextum palliolo gestare, ipsi autem dioecesano episcopo nudum utrumque sine palliolo.

XXXI. S. Congregatio cœrimonialis die 26 Aprilis 1701, Clemente XI probante decrevit, ut prælati rochetto videntes eo ipso induti visitare semel debeant Cardinales nuper creatos, iterumque post accepta cardinalatus insignia, & quoties ipsi novam obtinuerint dignitatem munus publicum, aut ab vrbe discesserint vel ad ipsam rediuerint occasione legationis aliusve officii ab apostolica Sede mandati. Denique die 23 Nouembris 1742 eadem S. Congregatio, nedum annuente sed etiam iubente Benedicto XIV, decrevit ut prælati quum publica tum priuata causa itinerantes officium visitationis eiusmodi implere pro conditione temporis debeant, quoties per eas vrbes, vbi aliquis Cardinalium adsit, eos transire contigerit. At nemini prælatorum rochetto vtentium liceat deinceps cum eo indumento per urbem Romam incedere, quod vna cum lemniscis nigris ad sui currus equos appensis indulsit apostolica Sedes almæ vrbis duntaxat Gubernatori, Vicecamerario, Cameræ apostolicæ Auditori ac Thesaurario, vtriusque palatii apostolici Præfecto; nec non quatuor Patriarchis Constantinop. Alexandr. Antioch. & Hierosol. birrum simul & palliolum gestantibus. Utque alii prælati rochetto videntes pontificiam aulam, vel aliquam ex S. Congregationibus adituri, seu Cardinales visitaturi, aut cum eis vel Principum oratoribus aula regia gaudentibus ad pompam solemnem processuri, rochetum per apostolici palatii scalas, vel in proximo anteriori cubiculo induant. Iisque publicas ecclesias, in quibus SS. Eucharistiæ Sacramentum sit fidelium cultui expositum, vel solemnia quævis celebrentur, nonnisi prælatorum habitu indutis liceat diurnis horis ingredi (a).

TIT.

(a) Benedict. XIV in *appendice* ad Ballarii *co.* 1, & 2 *num.* 5, & in *const. præclara* *co.* 1 Ballarii.

T I T. XIX.

De Episcoporum electione & nominatione.

- 1 Ordinaria communibus suffragiis electio idonea persona ad ecclesiasticam dignitatem ab extraordinaria differt.
- 2 Suos per sese Christus Apostolos elegit, iique S. Mattheum in Iudæ locum succederunt suffragiis communibus & sortitione.
- 3 Plebis præsentiam & testimonium in ordinandis episcopis videtur diuinum ius instituisse.
- 4 Apostoli primos in urbibus euangelium amplexos plerumque ordinarunt.
- 5 Plebis & cleri testimonium, suffragiumque sensum inualere.
- 6 Laodicea synodus turbis electionem inibuit.
- 7 Nicæna metropolis & prouinciarum episcopis attribuit ius eligendi & ordinandi, clero & populo vel testimonium vel consensum.
- 8 Inde ad nonum vsque seculum a clero, populoque postulatæ vel electos, aut digniores ex illis ordinarunt metropolitæ ac synodi prouinciarum.
- 9 Dissidia in electionibus frequentiora eas ad optimates & seniores, tandem ad principes deuoluerunt, regiasque inuestituras sacris canonibus exosas inuexerunt.
- 10 Has XII seculo pacta conuenta quin aboleuissent in regnis Germaniæ & Neapolis, electiones episcoporum liberas cleris dimiserunt, hoc in regno nonnisi post Regis assensum publicandas antiquo more.
- 11 Sed ius cleri solis inde Capitulis cathedralium additum est.
- 12 Innocentius III ad canonicas hoc in regno electiones assensum Regis accessurum confirmauit.
- 13 Gregorius IX episcopos huius regni creare primum per sese, mox Capitulis eligendi ius restituit.
- 14 Clemens IV, & Honorius IV pactis inuestitura assensum regum, saluo dumtaxat inrepatronatus, ab electionibus canonicis prostigarunt.

- 15 At episcopi electi & consecrati adipisci possessionem ecclesiarum nonnisi cum placito regio inde consueverunt.
- 16 In ecclesiis tamen regii patronatus Andegauenses quoque Reges ius assentiendi canonicis electionibus retinuerunt.
- 17 Seculo XIV episcoporum electio & ordinario exclusis cathedralium Capitulis & metropolitans reservata summis Pontificibus est.
- 18 Concilium Constantiense magis, quam Basileense apostolicas episcopatuum reservationes amovere studuit frustra.
- 19 Clemens VII Carolo V, eiusque in regno Neapolitano successoribus indulget iure concordie nominationem ad 24 cathedrales ecclesias limitrophas.
- 20 In electionibus quibuscumque collegialibus votum non habent minorum ordinum clerici, neque obnoxii censuris canonicis.
- 21 In eligendo episcopo aetas 30 annorum, nativitas legitima, mores probi, ordo sacer, scientia & gradus doctoris pontificum requiruntur.
- 21 Eique plura simul obstant canonica impedimenta, quae potest Pontificis dispensatio submovere.
- 23 Ad huius regni episcopatus & beneficia qualibet nonnisi ciues regnicolae nunc promouentur.
- 24 Canonica electio nisi per scrutinium vel compromissum vel inspirationem fiat, irrita est.
- 25 Scrutinium si rite fiat, votum numerus maior concludit electionem.
- 26 Cui vel soli vel cum aliis unanime compromisso mandata electio sit, re integra revocabile, poterit seipsum is eligere.
- 27 Inspiratio ex publico omnium consensu in unum repentino emergit.
- 28 Neglecta intra menses tres electio episcopi ad superiorem devolvebatur.
- 29 Nunc reservatis Romanae Sedi electionibus episcoporum earum forma vix in dignitatibus & officiis electis in privilegio vel statuto servatur.

Liber I. Tit. XIX. De episcop. elect. & nominat. 263
 30 *Ad regias vero cathedrales unum ex tribus a Capellano Ma-*
iori propositis Rex fere deligit ac nominat Romano Pon-
tifici instituendum & ordinandum.

Non aliud, nisi ordinaria communibus suffragiis nuncu-
 patio idonea persona ad dignitatem ecclesiasticam, est
 electio canonica (a). Ordinaria inquam, ut electio strictim
 accepta distinguatur ab extraordinariis prælatorum delectibus
 per specialem Dei inspirationem (b), diuinasque sortes (c),

Tom. I.

Ll

de

(a) Apud latinos generatim electio idem sonat, quod e quavis personarum, rerumque multitudine unam secernere vel ad eligentis emolumentum, vel ad eius, qui eligitur, dignitatem. Hoc sensu amplissimo Bonifacius VIII, in *alternatis*, ait, *debitus est electio*, in *cap. 70 de reg. iur. in 6*. Quo spectat Digestorum rubrica de *electione vel optione legata*.

(b) In *Act. Apostol. cap. 13 ver. 2*, dixisse legitur *Spiritus Sanctus: se-*
gregate mihi Saulam & Barnabam in opus, ad quod assumpsi eos. Timotheum
 electum Ephesi episcopum per prophetiam, indicat Chrysostomus ex illis ver-
 bis *ep. 1 ad Tim. cap. 1 vers. 18*. *Hoc præceptum commendo tibi, fili Timothee, se-*
cundum præcedentes in te prophetias, ut miles in illis bonam militiam. Eusebius
lib. 6 cap. 11, tradit Alexandrum in Chypadocia episcopum diuino translatus
 oraculo fuisse ad sedem Hierosolymitanam. B. Gregorius Nyssenus in *vita S.*
Greg. Thaumaturgi, Alexandrum Carbonarium diuinitus electum Comanen ep-
 iscopum enarrat. B. Cyprianus *ep. 38, 39, & 40 ad Cler. Carthagin.* adfirmat non
 humanis, sed diuinis suffragiis ad episcopatum electos Celerinum, Aurelium,
 & Numidicum. Sozomenus *lib. 2 cap. 17*, refert ab Alexandro Alexandriae ep-
 iscopio sibi successorem diuina inspiratione designatum S. Athanasium. S. Fabia-
 num quamvis peregrinum cælesti columbæ indicio ad pontificalem Romæ ca-
 thedram elatum, testatur Eusebius *lib. 6 cap. 29*. Beatos quoque Marinum
 Turonensem, Severum Ravenar, Euorthum Aureliæ, Ambrosium Mediolani,
 alios alibi diuinitus præmonstratos episcopos tradit historia.

(c) Sortes in electione S. Mathiæ ad Apostolatam datas inter eum &
 Barsabam insimul, littera sacri textus docet *Act. 1*. Verum non debere nos hoc
 Apostolorum exemplo ductos sortibus credere, quum privilegia singulorum non
 possint legem facere communem, probe monet diuus Hieronymus in *can. non fla-*
tim 2 C. XXVI qu. 2. Alia in episcoporum electione exempla sortium suo apo-
stolico & supari, esse vel nulla omnino vel quæpaucissima, monet Doduellus
dissert. 1 in Cyprian. §. 17. *Quid enim fors est? inquit lib. 2 de diuinat. Idem*
propemodum quod micare, quod sales iacere, quod tesseras: quibus in rebus ta-
meritis & casus, non ratio nec consilium valet. Tota res est inuenta fallacii
ad quæstum aut ad superstitionem. Tamen seculo VI synodus Barcinonensis in
 Hispania *an. 599 can. 3*, vsum sortium vel instaurare vel probare ad normam
 Apostolorum censuit, dum cauit, ut duobus aut tribus, quos ante consensum cleri
 & ple-

de quibus nonnulla in sacris litteris, gestisque priscorum Patrum exempla patent: aut per *nominationem*, *præsentationem*, *postulationem*, & *translationem*, quas inuexit disciplina recentior. Enimuero ex communi loquendi usu *nominationem* nunc faciunt Reges, *præsentationem* fundatores ecclesiarum & patroni, *postulationem* (a) electores pro iis, quibus canonicum aliquod impedimentum, quominus eligantur, obstat: *electionem* vero canonicam, legitimamque facit ecclesiasticum siue cleri siue Capituli cathedralis siue Cardinalium collegium de personis idoneis, nullo scilicet nexu canonum impeditis. *Nuncupatio* autem ideo dicitur, ut electio ne confundatur cum *collatione* & *institutione*, quam ab hierarchico superiore debet electus impetrare, sibi ut destinatam dignitatem reapse adquirit.

II. Varias humani iuris vicissitudines pertulit electio episcoporum, si aut personæ qua eligentes qua electæ, aut eligendi formæ a primordiis ecclesiæ ad hæc usque tempora spectentur. Apostolos duodecim Christus ipse Dominus ore suo ad se, quos voluit, vocauit (b), misitque in vniuersum mundum, sicuti Pater suus eum miserat (c). Apostoli vero

præ-
 & plebis elegerit, metropolitani iudicio, eiusque coepiscopis præsentatis, quem fors, præeunte episcoporum ieiunio, Christo Domino terminante, monstrauerit, benedictio consecrationis adcumulet. Inde ven. Beda a Gratiano in *can. non exemplo* 4 eadem C. & qu. laudatus ait: *Siqui tamen necessitate aliqua compulsi Deum putant sortibus exemplo Apostolorum esse consulendum, videant hoc ipsos Apostolos non nisi collecto fratrum cætu, & precibus ad Deum suis egisse.* At Honorius III sortes in electionibus perpetua prohibitione damnauit, *cap. ecclesia vestra* 3 de *sortileg.*

(a) Apud istos *postulare* est *desiderium suum*, vel amici sui in iure apud eum, qui iurisdictioni præest, exponere, vel alterius desiderio contradicere, ex Vlpiani definitione in l. 1 §. *postulare* D. de *postulando*. In sacris canonibus quandoque pro electione ipsa promissive sumitur *postulatio*, ut in *can. statuimus* §. *his omnibus*, *can. Ofius*, & *seq. dist. 61*, *can. Valentinianus dist. 63, cap. 13*, 20, 23, 28, 30, & 40 de *elect.* Sed in rubrica decretalium de *postulatione* prælatorum hæc speciatim vox significat supplicem petitionem, qua Superiorem rogant eligentes, ut aliquem canonico impedimento obnoxium præuia dispensatione ad dignitatem promoueat, puta neophitam, illegitimum, monachum, alterius ecclesiæ episcopum, in sacris non constitutum, bigamum, irregularem.

(b) Marci *cap. 3 vers. 13*, & Lucæ *cap. 6*.

(c) Marci *cap. 16 vers. 16*, & Ioannis *cap. 20 vers. 21*.

primum omnium S. Mathiam ad episcopatum Iudæ proditoris suspendio vacantem elegerunt vnanimes in prima synodo Ierosolymitana. Duos enim ii, vt legimus in Actis Apostolorum (a), statuerunt, hoc est elegerunt Apostoli, Barlabam iustum & Mathiam: datisque inter eos sortibus, cecidit sors super Mathiam; & adnumeratus est cum undecim Apostolis. Textus græcus pro verbo & adnumeratus est, habet καὶ συγκαταλέγειν, idest calculis & suffragiis factus est (b). Vnde Innocentius Cironius (c) scite arguit duas infirmul formas in B. Mathiæ electione adhibitas, alteram sortium, alteram suffragiorum. Immo bis videntur, ni fallor, suffragia dedisse Apostoli: primo, dum ante sortes statuerunt duos; secundo post sortitionem, vbi collegio apostolico alterum ex duobus adnumerauere.

III. In ea electione præsentem turbam hominum fere 120 adfuisse, patefacit ipsa sacri textus littera; dum fratres, virosque fratres, ad quos de Apostolo eligendo solos sermonem conuertit Petrus, nuncupat Apostolos, vt ita eos distinguat a ceteris vna congregatis de turba viris. Ideo non nisi fratres ipsi, scilicet undecim Apostoli fuisse videntur, qui statuerunt duos & dederunt sortes suffragiis suis. In veteri quoque testamento (d) subrogatus legitur Eleazarus per

L l 2

Moy-

(a) Act. cap. 1 in fine.

(b) Sic interpretatur diuus Chrysostomus hom. 3 in Acta. Lapis enim est calculus, quo in comitiis & conuentibus fertur suffragium, vti obseruat Innoc. Cironius in Decretalium paratilo de sortilegis. Auctor libri diuo Dionysio Areopagitæ inscripti de ecclesiastica hierarchia par. 3 cap. 5, non abs re putat sortis nomen in electione diui Mathiæ non accipiendum pro tessera diuinationis, seu casu fortuito ex vna producto; sed pro diuino & præcipuo Sp. S. munere, qui omnium corda Apostolorum insimul flexit ad Mathiam potius, quam Barlabam eligendum, diuinumque ore apostolorum oraculum & iudicium inter duos Apostolatus candidatos protulit. Sors enim (definit S. August. in psalm. 30) res est in dubitatione humana diuinam indicans voluntatem. Sortes immo dictæ sæpenumero sunt nedum oracula & responsa deorum, sacerdotumque, sed iudicia etiam rite prolata. Hoc sensu cecinit Virgilius Æneid. 6. Nec vero hæc sine sorte data, sine iudice sedes. Videlicet dicenda inferius lib. 4 tit. 15 num. 1, & seq.

(c) Ciron. in decretal. paratilo de electione.

(d) Numer. cap. 20 vers. 23, & seq. ibi: Tolle Aaron & filium eius Eleazarum

Moysen iubente Domino coram omni Ebræorum multitudine. Quod vero quoslibet ordinandos episcopos bonum presentis populi testimonium habere oporteret, scripsit diuus Paullus ad Timotheum (a). Id itaque videmus; inquam cum B. Cypriano de diuina auctoritate descendere, ut Sacerdos plebe presente sub omnium oculis deligatur, & dignus atque idoneus publico iudicio ac testimonio comprobetur (b).

IV. In diuersas profecti regiones Apostoli ad episcopale ministerium consueuerunt inspirante Deo attollere primitias fidelium, primos scilicet viros cuiusque vrbis euangelicam fidem amplexos (c). B. Asprenus, ut ceteros sileam, ab ipso Apostolorum Principe ad Romanam de Antiochena Sede transfuente sortitus esse fertur quum fidei primitias, tum præsulatum ecclesiæ Neapolitanæ. Ab Apostolis vero creati, eorumque successores episcopi alios similiter constituerunt, ut Titum monuit Paullus (d), per ciuitates presbyteros & episcopos nonnisi publico præsentis populi testimonio dignos & probatos.

V. Præsentiam, testimoniumque suum plebs paullatim moribus adeo extendit ad suffragium & ius consentiendi, dis-

sen-

zarum cum eo, & duces eos in montem Hor. Cumque nudaueris patrem veste sua, induas ea Eleazarum filium eius, Aaron colligetur, & morietur ibi. Fecit Moyses, ut preceperat Dominus, & ascenderunt in montem Hor coram omni multitudine.

(a) Ep. 1 ad Timoth. cap. 3 vers. 7.

(b) Lib. 1 ep. 4 ad clerum & plebes Hispaniæ, in cap. 12 de elect. in prima Decretalium collectione. Cum B. Cypriano consonat B. Hieronymus in can. licet ergo 15 C. VIII qu. 1, inquit. Requiritur in ordinando sacerdote & præsentia populi, ut sciant omnes & certi sint, quia qui præstantior est ex omni populo, qui doctior, qui sanctior, qui in omni virtute eminentior, ille eligitur ad sacerdotium, & hoc aditante populo, nequa postmodum retractatio cuiquam, ne quis scrupulus rederet. Hoc est autem quod & Apostolus precepit in ordinatione sacerdotis, dicens: Oportet autem illum & testimonium habere bonum ab his, qui foris sunt.

(c) S. Clemens I in egregia ep. 1 ad Corinthios num. 42, memorie prodidit; quod Apostoli per regiones & vrbes verbum prædicantes primitias eorum spiritu probantes, episcopos & disconos eorum, qui credituri erant, constituerunt.

(d) Ep. ad Titum cap. 5 vers. 5, de qua superius pag. 190 lit. b. Tertullianus in apologetico cap. 39, hanc secundo seculo disciplinam viguisse tradit, dum scribit: Præsides probati quique seniores, honorem istum non pretio, sed testimonio adepti.

sentendiue (a), vt promiscua & mutua esset alicubi olim significatio testimonii atque suffragii, & æquale inter clerum & plebem ius ferendi vel testimonium vel suffragium (b). Alibi tamen, aliove tempore alii aliter, vt sunt humana, senserunt, tribuentes clero soli suffragium, plebi solum testimonium (c).

VI. Quarto seculo, quo primum ecclesia extinctis persecutoribus christianos habuit Principes, de iure populari in electionibus cauere orsi sunt canones & leges. Laodicæna synodus (d) turbis non esse permittendum eligere eos, qui debent in sacerdotio constitui, censuit. Non suffragia honoratorum & nobilium, saniorisque partis populi; sed seditiosæ plebis tantum ab electionibus ecclesiasticis eliminata Patres Laodicænos voluisse putant nonnulli (e), secus alii (f).

VII.

(a) Ipsa plebs, aiebat S. Cyprianus in supra cit. ep. 68 ad clerum & plebes Hispaniæ, maxime habet potestatem vel eligendi dignos sacerdotes, vel indignos recusandi. Hoc ep. fragmentum extat in cap. 12 de elect. in 1 comp. omisum a diuo Raymundo Pennafortio.

(b) Factus est Cornelius, scribit idemmet S. Cyprianus ep. 75, alias 52 ad Antonianum de Cornelio & Nouatiano edit. Baluti, episcopus de Dei & Christi eius iudicio, de clericorum pene omnium testimonio, de plebis, qua tunc affuit, suffragio, & de sacerdotum antiquorum & bonorum virorum collegio.

(c) Bellarmin. de clericis lib. 1 cap. 7, Xyst. Senens. lib. 5 biblioth. adnot. 118, Petr. de Marca de concordia lib. 8 cap. 2 num. 2.

(d) In Asia circa an. 320 celebrata (vti Baronius & Binius probant contra alios eam opinantes habitam esse circa an. 364 sub Liberio Pontifice ex eo, quod in Canonum codicibus Antiochæne postponatur) can. 3, quem Gratianus exhibet in 6 dist. 53. In ea dist. totus est Gratianus in studio probandi nullum laicis ius esse secundum canones in episcoporum electionibus.

(e) Franc. Florens ad lib. 1 Decretal. tit. 6 de elect. tract. 6 to. 1 pag. 113 edit. Paris. ex Dionysii exigui, & Cresconii versione illud græcum canonis Laodicæni verbum ἐκκλησία, latine exponit turbam, multitudinem, plebem, vulgum. Tum obseruat in l. 6. C. Th. de episcopis cautum itidem, ne herent electiones neque vulgari consensu, neque quibuslibet petentibus. Simul nec tumultu nec factione & iniuria, ex cap. 10 de elect. in comp. 1 Decretal. & Nouella Leonis, & Maiorani in fin. C. Th. Quandoquidem illius æui Patres execrabantur eiusmodi corruptelas, factionesque turbulentas in episcoporum ordinationibus, præsertim Chrysostomus lib. 2 de sacerdot. cap. 4, & lib. 3 cap. 15, Hieronymus in cap. 1 ep. ad Galatas, ita scribens. Nunc videmus plurimos non Dei iudicio, sed redempta favore vulgi in sacerdotium subrogari.

(f) Emm. Schellstrat. in not. ad can. 19 Concil. Antiesb. Zonaras, & Bal.

VII. Prima synodus Nicæna (a) iure scripto vindicauit episcopis prouinciæ vel omnibus vel saltem tribus in vnum congregatis ordinationem non minus quam electionem episcoporum, confirmatione metropolitæ reservata: solumque testimonium & consensum clero & populo reliquisse videtur (b). In ordinationibus eorum inde solebant vterque proclamare: *dignus & iustus est* (c), ubi electio & ordinatio a synodo prouinciæ facta placeret. Alias obstabant acerrime, vt Sedis possessionem non acciperent episcopi infcio, inuitoque populo creati (d). Synodus hinc Sardicenis anno 447, cui plerique Patrum Nicænorum adfuere, *can. 5*, alias 6, censuit indulgere populis nouum præfulem postulantibus & eligentibus; vt ex vicina prouincia conuenirent episcopi ad ordinationem deficientibus prouinciæ episcopis celebrandam.

VIII. A quarto vique ad IX seculum cuiusque prouinciæ synodus consuevit episcopos ordinare nonnisi a clero & populo vel postulatōs vel electos vnanimi consensu (e); ma-

gnam

Balsamon ad *can. 4 Nicæn.* & 13 *Laodic.* & *can. 1* vulgo *Apost.* memoriz prodiderunt, in Oriente populi consensum prorsus desuisse in electionibus xuo concilii Nicæni & Laodicæni.

(a) Nicæn. *can. 4*, & 6.

(b) Petr. de Marca *loc. cit.*

(c) Quam formulam scriptis retulere suis Eusebius *lib. 6 cap. 29*, S. Ambrosius *de dignit. sacerdot.* *cap. 5*, S. August. *ep. 110*, & Auctor *const. vulgo Apost. lib. 8 cap. 9*.

(d) Antiochena synodus (an. 341) *can. 16*, memorat episcopos, qui ob populi recusationem inire possessionem nequibant ecclesiæ: & simul expulso de sedibus suis ob bellum vel persecutionem ad alias fore transferendos, eos si quis alius populorum habere delegisset.

(e) Id liquet ex Pontificum epistolis & Conciliorum actis. Siricius I seculo IV exeunte *ep. 1* ad Himerium episc. Tarraconensem, relata in codicem canonum ecclesiæ Romanæ *cap. 10*, aperte scripsit probatum clericum presbytero vel episcopatu non immerito sociari, *si eum cleri ac plebis euocaueris electio*. Coelestinus I seculo V *ep. 2* ad episcopos Gallia *cap. 5*, nullus, ait, inuitus detur episcopus, cleri, plebis & ordinis consensus & desiderium requiratur, *can. nullus 13 dist. 61*, & *can. 26 dist. 63*. Tamen eadem de re idem Pontifex ad episcopos Apuliz & Calabriz scribens *ep. 3*, vota populi indignos non semel eligentis & postulantis iudicio & repulz episcoporum subiecit. Docendus (inquit) populus est, non sequendus: nosque, si nesciunt, vos quid liceat, quidque non liceat, commonere, non his consensum præbere debemus, *can. docendus 2 dist. 62*. In genera-

nera-

Liber I. Tit. XIX. De episcop. elect. & nominat. 271
 gnam honoratorum ciuium, maiorem ordinis nobilium & magistratum, maximam Principis consensus rationem habens. Dum vero in duas, pluresue personas vota eligentium scinderentur: metropolitanus digniorem & maioribus ornatum suffragiis, meritisque præferebat (a).

IX.

nerali conc. Chalcedonensi *act. 11*, Stephanus episcopus Ephesinus sibi ut rite collatam dignitatem ostenderet, dixit: *Me quadraginta episcopi Asiæ suffragio & nobilium & primatum populi & totius cleri & omnis ciuitatis ordinauerunt*. S. Leo M. *ep. 10* ad episcopos provincie Vienn. *Vota ciuium* (ait), *testimonia populorum, honoratorum arburium, electio clericorum in-ordinationibus sacerdotum expectentur, can. vota ciuium 27 dist. 63*. Consonat Nouella Theodosii in Codice Theodosiano, de episcoporum ordinatione. Hilarius episcopus Arelatensis ideo inter cetera damnatus fertur, quod in transalpinis ecclesiis episcopos non minus ordinaret, quam deponeret iniuriis ciuibz & inconsulto S. Leone M. ad quem inter eum & Viennensem antistitem lis de iure Primatus delata erat, cuius meminit Lud. do Pin. *de antiq. eccl. disc. dist. 1 §. 10*. S. Gregorius M. seculo VI clero & nobilibz, ordini & plebi Neapolitanæ dedit *ep. 3, & 8 lib. 1*, eos hortando ut episcopum eligerent, qui eam non dedecoraret sacratissimam dignitatem. Tum *ep. 19, 27, 35, & 38 eiusdem lib. 2* ad Ducem Campaniæ, & pontificium in Campania Nuntium scripsit, ut conuocarent primates, populumque Neap. ad noui electionem episcopi, & nullus si forte dignus Neapoli occurreret, Romam tres compromissarios mitterent, cum speciali totius populi mandato ad electionem conciliendam, *cap. 10 de elect. in 1 compil.* Consimiles idem dedit epistolæ ad clerum & populum Panormitanum, Ariminensem, Mediolanensem, Nepiensem, ceteros, quas laudat Thomassinus *par. 2 lib. 2 cap. 10*. Nonno ineunte seculo Carolus M. in *capitularibus lib. 1 cap. 84*, assensum ordini ecclesiastico præbuit, ut episcopi per electionem cleri & populi secundum statuta canonum de propria diocesi eligantur. Hadrianus I Pontifex eidem Carolo M. factus est, sese in canonicis electionibus non immiscere, sed consecrare quidem quos clerus, populusque rite delegisset, uti narrat Thomassinus *loc. cit. cap. 24 n. 3*. Plures alias profert Gratianus decretales in *cit. dist. 63*, quibus ostenditur episcopos in ecclesiis Reatina, Afulana, Rauennatensi, Vercellensi, aliisque suburbicariis a clero, & populo cum assensu Imperatoris electos seculo IX, a summis Pontificibus Stephano IV, Leone IV, Nicolao I, Iohanne VIII confirmatos, consecratos sub Lothario Augusto, eiusque filio Ludouico, & Carolomanno Italiz Rege. Nam iure metropolitano in suburbicariis ecclesiis vebantur tunc temporis Romani Pontifices.

(a) S. Leo M. *ep. 84*, apud Gratianum in *can. 36, seu fin. dist. 63*, ille, ait, *omnibus præponatur, quem cleri, plebisque consensus concordior postulauerit, ita ut si in aliam forte personam parum se vota diuiserint, metropolitani iudicio is præter præferatur, qui maioribus & studiis iunatur & meritis: tantum ut nullus iniuriis & non petentibus ordinetur*. S. Greg. M. *ep. 40 lib. 8* ad clerum & ciues Neapolitanos, cuius fragmentum in *can. 17 C. VIII qu. 1, nec nouum, scribit, nec repre-*
ben.

IX. Frequentibus electionum dissidiis factum interea est, ut plebis, populi que iura ad honoratos primum & optimatum ordinem, ab his deinde ad senatores & magistratum, postremo ad summos Principes omnino deuoluerentur (a). Hi autem seculo IX (b) usque ad XII adorti sunt vetustum eligendi aut electionibus assentiendi ius in nouam vertere formam inuestiendi per annulum & virgam, seu instituendi episcopos sola Principis auctoritate sine villo decreto, iudicioque synodorum prouincialium & sine confirmatione metropolitaram. Eodem seculo IX octaua synodus œcumenica recentem inuasionem reprimere studuit, sanxitque, ne quis laicorum Principum

hensibile est in eligendo episcopo, populi se vota in duas partes diuidere: sed graue est, quando in huiusmodi causis non ex iudicio, sed ex solo favore venit electio. Idemque ad Defensores in Insula Corsica pontificium ep. 74 lib. 9 ait: Si in duorum electione se diuiserint, decretis ad nos de more sacris aduertant, ut requirantes de vita, actu & moribus eorum is, qui utilior visus fuerit, ordinetur. Si quando plures, quam duos elegerit clerus & populus, metropolitano quoque vel seniori episcopo prouincie ius erat digniorem præeligendi, Thomassin. par. 2. lib. 2. cap. 9. Iustinianus Imp. Nov. 123 cap. 1, iussit ut clerici & primates ciuitatis tres in electionibus episcoporum proponerent idoneas personas, ut ex tribus meliores ordinaretur electione & periculo ordinantis. Si vero tres non inuenirentur idoneæ, liceret duas tunc, vel vnâ intra sex menses eligere. Consonat Nov. 137 cap. 2, & l. 4: C. de episc. & cler. Ea de tribus constituta propositio fuisse potius nominatio, nil iuris quæsti nominatis tribuens, quam electio vera, videtur Innocentio III in cap. quod sicut 28 de elect.

(a) Basilis patricius, declinante V seculo vices in Italia gerens Regis Odoacris, rogatus a Simplicio Papa in extremis laborante, ut in successoris sui electione ad compescendas turbas adesset, edicere non dubitauit, ne Rege inconsulto Papa eligeretur. Istud fuisse præindium potestatis, quam sibi vindicarunt Italici Reges in episcoporum electionibus, notat Thomassinus cit. par. 2 lib. 2 cap. 16 n. 2. Pelagius I sequenti seculo VI ep. ad Narsetem Italici Ducem (quam Holstenius in collect. Roman. pag. 127 integram profert, Gratianus in perplura dissectam fragmenta) enarrat Paulinum Aquileiensem & Honoratum Mediolanensem inconsulto Imperatore contra receptam Italici consuetudinem constitutos fuisse episcopos, petitque brachium Principis ad eos coercendos ob schismatis crimen. Diui Ambrosii electio in episcopum Mediolanensem ad exitum perducta quidem est Valentiniani Imperatoris auctoritate.

(b) Inter Neapolitanos episcopos S. Athanasium I anno 649 ab vniuerso clero & populo electum postremo fuisse: tum in successoribus eligendis, ordinandis omnino siluisse quem populi tum cleri suffragia, indicant monumenta de episc. & archiep. Neap. apud Bart. Chioccarelli.

pum vel potentium electioni episcoporum se ingereret (a). Giscentibus autem in dies in Oriente inuestituris laicalibus Romani Pontifices Leo IX, Victor II, Stephanus X, Nicolaus II, Alexander II, B. Gregorius VII, alique successores ecclesiasticam ea in re libertatem tuendi studio iteratis conciliorum sanctionibus decreuerunt, vt clericorum aut monachorum nullus auderet de manu laici accipere inuestituram ecclesiæ vel beneficii (b).

X. Seculo XII abolendis reapse inuestituris consentire Principes orsi sunt pactis cum Sede apostolica conuentis. Henricus Imperator pro regnis Germaniæ rebus cum Calisto II compositis in IX. generali Concilio, Lateranensi I anno 1123, primus omnium ecclesiasticis personis liberam dimisit electionem episcoporum & abbatum eo pacto, vt electi regalia per sceptrum iura ab Imperatore acciperent, qui assensum deberet suum præbere iudicio episcoporum prouinciæ. (c). Paulo post concordia inter Guilielmum I Regem Neapolitanum, & Hadrianum IV anno 1256 conuentum est, vt electiones prælatorum sacerent quidem clerici, sed nonnisi post assensum a Rege præstitum publicarent (d).

XI. Itaque tunc desinuerunt omnino populorum suffragia, solisque reliquæ clericis canonicæ electiones (e). Clericorum tamen & cleri nomine Canonicos & Capitula cathedralium designabant canones nouæ tunc exorientis disciplinæ.

Tom. I.

M m

Quæ

(a) Synod. VIII in *can. 1 dist. 63.* (b) Gratian. *causa XVI* per totam.

(c) Iuretus ad Iuonis *ep. 233* de huiusmodi inuestiturarum dissentit vberissime.

(d) Verba huius concordie videsis supra tit. 10. num. 2 in not. art. 8. Petrus Blesensis *ep. 10.* memorie prodidit fratrem Comitis Loritelli prælatum ecclesiæ Agrigentiniæ ab rege Guilielmo II (quem scriptores *bonum* appellant, respectu patris cognomine *malis*) reluctantæ Capitulo fuisse, ideoque officio Capellani maioris admonendum, ne indigno eam præfati committeret.

(e) Concilium Lateranense III an. 1179 sub Alex. III in *cap. cum in conciliis 7 de elect.* quoniam de clericis tantum eligentibus plura disponit, nullo de laicis populus prolato verbo, probabilem exhibet coniecturam populi tunc ab electionibus iam exclusi.

Quæ quoniam quamplurimos sine titulo ecclesiæ & sine præbenda sacris ordinibus nimis indulgenter initiatos tulit, aliter quam antiquior ferebat ætas: factum est, ut distinctionis gratia *Capitulum* & *Canonici* dicerentur presbyteri & clerici præbendarii, titulares, cardinales: *clerus* autem vagi & sine titulo extra numerum, ordinemque promoti. Vnum ideo corpus cum episcopo, vnumque senatum ecclesiæ Canonici solum constare visi Alexandro III sunt, eorumque consilio negotia ecclesiæ tractanda (a), inter quæ principem obtinuit locum electio episcoporum: adeout sub Innocentio III episcopos Capitula cathedralium duntaxat (b) eligerent, exclusis quidem episcopis provinciarum, sed referuata summo Pontifici confirmatione & ordinatione, saluoque supremi Principis assensu.

XII. Huius regni reginæ Constantiæ ac Friderico eius filio idem Innocentius III regium electionibus canonicis assensum confirmavit (c). Quumque ea defuncta ipsemet Papa Frideri

(a) Alex. III. in cap. nouit 4, & cap. quanto 3 de his que sunt a pralatis sine consensu Capituli.

(b) Liquet ex Inn. decretalibus in cap. 17, & seqq. de elect. & cap. 4. de postul. pralator.

(c) In pontificis inuestituræ litteris apud Rainald ad an. 1198 n. 67. Electiones autem (ait Inn.) secundum Deum per totum regnum canonice fiant de talibus quidem personis, quibus vos ac heredes vestri requisitum a vobis præbere debeatis assensum. Aliisque litteris, quas idem Pontifex die 19. Nouem. 1193 rescripsit Constantiæ Imperatrici Reginæ Siciliæ, & charissimo filio illustri Regi Siciliæ. Nulla, inquit, super electionibus dissensio suscitaretur, modum faciendi eam curauimus explicare sic, ut in multis regie Serenitati deferentes libertatem ecclesiasticam non laderemus. Sede vacante Capitulum significabit vobis & vestris hereditibus obitum decessoris: deinde conuenientes in vnum inuocata Sp. S. gratia secundum Deum eligent canonice personam idoneam, cui requisitum a vobis præbere debeatis assensum, & electionem factam non different publicare. Electionem vero factam & publicatam denunciabunt vobis & vestrum requirunt assensum. Sed antequam assensus regius requiratur, non intronizetur electus; nec decantetur laudis solemnitas, que intronizationi videtur adnexa; nec antequam auctoritate pontificali fuerit confirmatus, administrationi se villatenus immiscebis. Alias litteras in forma Breuis dedit Innocentius III ad Romualdum II Guarna patritium Salernitanum, & archiepiscopum XIV item Salernitanum, qui tutor fuerat vtr. Sic. Regis Guilielmi

derici regis natu minoris baliatum seu tutelam suscepisset; Capitulis Pennensi & Capuano rescriptis sese & vice regia, & auctoritate pontificia episcoporum electiones confirmare (a). Reges Corradus & Manfredus eodem assensus iure potiti sunt.

XIII. Gregorius IX, si fides Christiano Lupo (b) habeatur, excludendi gratia Fridericum II Imp. ab electionibus ecclesiasticis, primus incipit canonicas in Imperio & Sicilia electiones suspendere, cathedrales ecclesias sibi reservare, Sedibusque tunc vacantibus episcopos ecclesiarum Romanarum fidos, at Friderico aduersos sine cuiusque electione creare. Tum re solliciter gesta electiones Capitulis restituit.

XIV. Sequenti seculo Clemens IV inuestiturae litteris ad Carolum I Andegauensem datis pro utriusque Siciliae regno cauit, Rexque facturum spondit, ne in creandis ecclesiarum praelatis regius unquam assensus aut consilium requireretur nec ante nec postea, neque in ipso electionis actu, salvo tantum iurepatronatus (c). Tum capitulis Caroli II Andegauensis ab Honorio IV probatis vetitum est personis generatim laicis sese electionibus praelatorum ingerere (d).

XV. Regio assensu vix abdicato emerit *regium placitum* & *exequatur*, sine quo nostri non passi sunt Reges, episcopos iam electos, consecratosque ecclesiarum administrationem, possessionemque intrare. Nam Innocentius IV. modo dicto Carolo II anno 1288 indulgisse fertur, ut huius regni ecclesiis non praesicerentur, qui Regi essent suspecti (e). Idemque Rex ideo *regium placitum* quum denegasset Manfredo

M m 2

Gi.

cognomine *Boni* undecimum aetatis annum agentis, eisque praescripsit formam compositionis inter Sedem apostolicam, regiamque Coriam super electionibus canonicis in regno utr. Siciliae celebrandis, Liqueat ex ms. Codice monimentorum Ecclesiae Salernitanae,

(a) Innoc. III in cap. 17 & 18 de elect.

(b) P. Lupus in canon. Concil. to. 3 dissert. 3 cap. 8.

(c) Art. 16 capitulorum inuestiturae, de quibus supra tit. 10 num. 3 lit. a.

(d) Art. 6 supra quoque relato num. 4 lit. a.

(e) Bart. Chioccarell. tom. 4 archiuii.

Gisfonia sibi suspecto, episcopatus Melitenensis possessionem ei frustratus est (a). Successorum placita Principum permultis huius regni prælulibus concessa promittit Chioccarellus (b).

XVI. In ecclesiis tamen iurispatronatus regii integrum tunc Regibus Andegauensibus ius erat assensus in electionibus. Nam Benedictus XI ad Carolum II die 28 Nouembris 1303 rescripsit in electione episcopi Lucerini, cuius ecclesia de iurispatronatus Regis est, regium a Capitulo assensum fore expectendum, adeo ut sine eo electus confirmari non posset (c).

XVII. Eodem XIV seculo ineunte abrogatum ius Capitulorum cathedralium est pontificiis collationibus & reservationibus. Viam strauerunt frequentissimæ inter eligentes, electosque discordiæ ad supremum Sedis apostolicæ iudicium deferri solitæ (d), quibus redundat Corpus Iuris Canonici; crebræ simul simoniæ; laicorumque turbæ libertatem eligentium plerumque opprimentes (e). Innocentius III ob iterata Capituli Rhemenfis in postulando primum episcopo Belluacensi, tum in alio eligendo dissidia elegit abbatem Cisterciensem in episcopum Rhemensem (f). Urbanus IV anno 1263 diuisi pariter Capituli suffragiis ad Sedem Mecliniensem promouit Abbatem

(a) Vghell. to. 1 Italia sacre in episc. Melitenf. n. 16.

(b) B. Chioccarellus.

(c) Idem B. Chioccarellus. to. 7 archiepisc. tit. 3.

(d) In Salernitana ecclesia diuisis Capituli suffragiis ad vacantem Archiepiscopi sedem inter Franciscum Caratium Parisiensem, & Joannem de Rogeris ambo Salernitanos Canonicos, & deuoluta inde ad Sedem apostolicam causa electionis discordis: Clemens V anno 1310 elegit primum creauitque Archiepiscopum illius ecclesiæ Robertum Ccenomanensem olim archidiaconum suum ipsius capellanum & thesaurarium. Eoque ex tempore omnino desit capitularis electio archiepiscopi. Id quod ferunt monumenta in ms. Codice Ecclesiæ Salernitanæ collecta anno 1714. Eidem propterea fato alie simul huius regni ecclesiæ cathedrales tunc discordiis Canonicorum turbæ succubuerant.

(e) Leo X in const. 20 §. Cum electionibus 6 to. 1 Bullarii (in qua inserta leguntur Gallie Concordata) ex hisce tribus causis potissimum ortas episcopatuuum reservationes tradit.

(f) Ne si denuo restitueremus vobis licentiam eligendi, denuo apostolica licentia abuentes Rhemensem scinderetis ecclesiam, rescripsit Innocentius apud Thomassin. to. 2 lib. 2 cap. 33 num. 5 in fine.

Liber I. Tit. XIX. De episcop. elect. & nominat. 277
 batem Claraualensem (a). Bonifacius VIII anno 1294 dignitates generatim & ecclesias apud Sedem apostolicam vacaturas quum eidem Sedi apostolicæ aperte reseruasset : Cathedralis simili quoque modo vacaturas tacite reseruauit (b). Benedictus XI anno 1303 quatuor Patriarcharum electiones tempore schismatis vel infidelitatis nonnisi consulto Pontifice Romano celebrandas iussit (c). Tum anno 1305 omnes generaliter patriarchales, archiepiscopales & episcopales ecclesias Clemens V primus omnium Pontificatus sui tempore apud Sedem vacaturas sibi, suæque dispositioni reseruatas (d) expresse voluit, Eumque imitati sunt Ioannes XXII, ceteri successores Pontifices, qui suis Cancellariæ Regulis reseruationem cathedralium singulatim innouarunt, adiecta clausula ; *quoescumque summi Pontifices illa uti voluerint* (e). Hanc nouissimis adhibuit Clemens VII, primusque delevit Paullus III Clementis successor anno 1534 (f). Ita abdicatis omnino Capitulorum electionibus, episcopos vbique Papa & eligere & ordinare consuevit, præterquam in regnis Germaniæ. Id quod nonnullæ nationes aliquando æquo, mox iniquo tulere animo.

XVIII. Concilium Constantiense anno 1427 irrito conatu studuit reseruaciones submouere, vt restitueret Capitulis cathedralium electiones (g). At pseudo synodus Basileensis, quæ generalibus beneficiorum reseruacionibus, præterquam clausis in corpore iuris, aduersata magis est, probauit vtiq; reseruacionem episcopatum Romanæ Sedi pontificiæ, dummodo causa probabilis & euidens adesset (h). Sublatis
 vero

(a) Idem Thomassinus *cit. lib. cap. 35 num. 5.*

(b) *Cap. 1 de præb. in extr. com. & cap. 2, 3, & 33 eod. tit. in 4.*

(c) De quo iam dictum superius *tit. 14 num. 6.*

(d) *Extravag. com. in cap. cxi in temporalium 3 de præbendis.*

(e) Hæc clausula legitur in Regula Innoc. VIII, Leonis X, Clem. VII

(f) Rigant. *10. 1 comment. in Reg. 2 Cancell. §. 1 num. 9.*

(g) Emm. Gonzalez *in cap. 2 de elect. num. 9.*

(h) Thomassin. *10. 2 lib. 1 cap. 45.* Monachis vero ius electionum restituere.

vero electionibus ius regum emerit nominandi vel præsentandi episcopos, & abbates, quod paulatim ex Concordatis inuoluit.

XIX. Huius regni Neapolitani episcopatus omnes Ferdinandus catholicus capitulis anno 1486 cum Innocentio VIII conuentis remisit primum liberæ Papæ collationi (a). Mutato deinde consilio pontificiis obstitit collationibus, & Legato pontificio ea de re conquerenti respondit; sibi magis personas, quam Papæ absenti esse notas; eorumque personas, quas Rex ipse dignas eligeret, posse a Romano Pontifice tum confirmari (b). Pacis studio tandem Clemens VII anno 1529 Carolo V Imperatori tanquam Regi Neapolitano, eiusque successoribus indulgit nominationem præsulum ad XXIV cathedrales ecclesias limitrophas, scilicet octo archiepiscopales superius iam enumeratas (c), & sexdecim episcopales. Hæ sunt Aceræ, Aquilæ, Ariani, Caietæ, Casertæ (d), Cassani, Castri Stabienfis, Crotonis, Gallipolis, Iuvenacii, Monopolis, Oyræ, Potentia, Puteolorum, & Vgenti. Ceteræ omnes ad liberam Romani Pontificis electionem, collationemque relictæ sunt (e).

XX.

tuere Patres Basileenses acriter contenderunt, id quod obseruauit Rota Romana dec. 297 num. 9 coram Verallio par. 1.

(a) Qua de re supra tit. 10 num. 7.

(b) Rainald. ad an. 1487 num. 11.

(c) Tit. 16 de metropolitanis n. 9.

(d) Hanc ecclesiam episcopalem regis nominationis fecit anno 1764 Benedictus XIV pro episcopatu Triuentino, quem liberæ Pontificis collationi dimisit vicissim Rex Carolus D. N. ut patet ex litteris in forma Breuis ad eundem Regem datis.

(e) Tabulæ federis inter Car. V Rom. Imp. & Clem. VII conclusæ die 29 Iunii 1629 apud Io. Christian. Lunig 10. 5 Codicis Italix diplomaticæ sect. 1 de summo Pontifice ac Sede Romana dipl. 110 hæc habent d. 6. pag. 230. Alium fuit & conuenit, quod ad tollendum omne dubietatis obstaculum & ne deinceps in exequendis apostolicis prouisionibus emerget impedimentum: sua Sanctitas ex eius benignitate & gratia ac exuberanti liberalitate & pro maiori ipsius regni tutela, ut in locis limitrophis nonnulli persone acceptæ & fide præponantur, & que de cetero tam apostolica Sedis auctoritas quam regalis dignitas suis (ut decet) præminuentis sine ulla scrupulo seu obstaculo libere uti valeat

XX. In iis autem electionibus ecclesiasticis quibuslibet, quæ ex privilegio vel consuetudine ad Capitulum vel quodvis Collegium pertinent, suffragium habent Canonici in sacris constituti ordinibus vel subdiacni saltem (a): inferiores nequaquam, neque impuberes (b), excommunicati, aliisque censuris irretiti (c).

Ab eligentibus & nominantibus ad eligendos & nominandos, eorumque qualitates nunc par est conuertere sermonem.

XXI. Quod nullus in episcopum eligatur, nisi qui iam trigessimum ætatis annum exegerit, & legitimo sit matrimonio natus, quique vita etiam & scientia commendabilis demonstretur; decreuit Concilium Lateranense sub Alexandro III (d). Addit Tridentinum (e), ut eligendus etiam in sacro Ordine saltem sex mensium spatio constitutus antea sit:

præ

leat, teneatur & debeat in ipsius noua inuestitura concessione tam pro se, quam pro successoribus suis eadem Cæsari & suis in dicto regno successoribus perpetuo concedere & reservare nominationem & præsentationem viginti quatuor ecclesiarum dicti regni, inferius particulariter nominatarum, & fiant super his provisiones in debita & ampla forma cum omnibus clausulis & erogationibus necessariis, quæ sumant effectum infra mensem a die ratificationis fienda per S. Sanctitatem; siæ tamen præiudicio provisionum hætenus legitime factarum, regressuumque siue accessuum iam concessorum, si aliqui legitime expediti reperiantur: reliquis omnibus ecclesiis ac beneficiis dicti regni (exceptis duntaxat his, quæ iuris patronatus existant) ad liberam dispositionem apostolicæ Sedis remanentibus iuxta ipsorum inuestiturarum formam. Et ut hæc reciproce deinceps observari valeant, providebit Cæsar, ne sui ministri, qui ipsius regni administrationi commissi fuerint, deinceps in non reservatis ecclesiis, & quæ iuris patronatus non existerint, nequaquam manum apponant, neque executionem bullarum aut provisionum apostolicarum impédiant. Nomina autem ecclesiarum reservatarum sunt hæc. Archiepiscopus Salernitanus, Regionis, Tarentinus, Brundisinus, Idruntinus, Traneasis: Episcopus Aquilanus, Caietanus, Lancianensis, Cotroneensis, Tropeensis, Monopolitanus, Castellamaris, Puteolanus, Cassanensis, Acranus, Orentis, Arriancensis, Materanus, Potentinus, Truientinus, Iuvenacenensis. Hanc ipsam concordiam memorant Regens de Ponte dec. 12, & Reg. de Marinis lib. 1. resolut. cap. 152.

(a) Clement. ut ii 2 de æt. & qualit. ordin. Trid. sess. 22 de ref. cap. 4.

(b) Cap. ex eo 32 de electione in 6, cap. postulasti de cler. ex. ministr.

(c) Innoc. III in cap. cum inter 6, & cap. illa quotidiana 39 de elect. cap. cum dilectus 8 de consuetud.

(d) Cap. cum in cunctis 7 de elect.

(e) Sess. 22 cap. 2 de reform.

prætereaque antea in vniuersitate studiorum magister siue doctor, aut licentiatum in sacra theologia vel iure canonico fuerit, aut publico alicuius academiz testimonio idoneus ad alios docendos ostendatur.

XXII. Qui vero non ex legitimis nuptiis orti sunt, ad dignitates & ordines ecclesiz promoueri eos abhorrent sacri canones (a). Infamia quoque notatos & criminibus obnoxios (b). Neophitos, scilicet ad fidem recenter conuersos, ne superbiant (c). Filios hæreticorum (d). Schismaticos (e). Excommunicatos (f), sulphentos, interdictos & irregulares ex defectu quum animæ (g) tum corporis, nimirum insigniter deformes & aliqua corporis parte defectos (h), præsertim eunuchos (i). Bigamos (k). Aliarum ecclesiarum episcopos (l). Monachos sine superioris sui permissu (m). Exteros idioma populi, cui præficiendi sint, nescientes (n). Horum quidem omnium electio sine speciali summi Pontificis

(a) Cap. 1, & fin. de fil. presbyter. cap. innotuit 20 de elect.

(b) Cap. omnipotens 4 de accusat. Infamibus portæ non pateant dignitatum, cap. 87 de reg. iur. in 6.

(c) Ex Apostoli præcepto ep. 1 ad Timoth. cap. 3. At S. Ambrosius ordinatione diuina electus est episcopus Mediolanensis, non baptizatus adhuc, can. Valentinianus 3 dist. 63.

(d) Cap. vergentis 10, & cap. excommunicamus 13 de hæret. cap. quinque 2 de hæretici, & cap. statutum 15 de hæreticis in 6.

(e) Cap. quia diligentia 5 de elect.

(f) Cap. ult. de clerico excom. ministr.

(g) Cap. cum dilectus 8 de consuet. & cap. cum adhuc 1 de postul. pralat.

(h) Ex ep. Gelasii ad episcopos Lucaniz in can. non confidat 59 dist. 30.

(i) Leo IX ep. ad Michaellem Imp. Constantinop. Absit ut velimus, ait, credere, quod publica fama non dubitat asserere, Constantinopolitanæ ecclesiæ contigisse, ut eunuchos contra primum S. Nicæni Concilii capitulum passim promouendo faminam in Sede pontificum suorum sublimasset aliquando.

(k) Cit. can. non confidat. Quæ spectat illud Apostoli sensu litterali acceptum: Oportet episcopum vnius uxoris esse virum.

(l) In cap. csi vniuersim 6 de postul. pralat.

(m) D. Greg. M. in can. quam sit XVIII qn. 2, & can. si quis monachus C. XVI. qusq. 1. Limipatur id in abbate exempto ex cap. si abbatem 32 de elect. in 6.

(n) Ex Reg. 20 Cancellariæ apostolicæ de idiomate, quæ loquitur de parochiis & beneficiis curatis.

Liber I. Tit. XIX. De episcop. elect. & nominat. 281
cis gratia & dispensatione, quæ postulanda humiliter est,
habebitur irrita (a).

XXIII. Hoc in regno Neapolitano inhabiles omnino
facti sunt ad episcopatus & quævis beneficia obtinendum ex-
teri, aduenæque: id nisi alicui speciatim Rex indulerit ex
gratia in ciuitatem recepto. Carolus V, & Philippus II pri-
mum rescripserunt, ut regnicolæ alternatim & exteri ad cathē-
drales regni ecclesias regias nominarentur (b). Tum Caro-
lus VI rescripit generatim vniuersis ecclesiis præfici solos re-
gnicolas debere (c). Exinde factum, ut singuli nouiter pro-
moti regium placitum super litteris pontificiis pro adipiscen-
da possessione sibi collatarum ecclesiarum non obtineant vn-
quam, nisi antea docuerint se in aliquo regni loco ortos-
baptizatosque fuisse, exhibeantque idcirco penes acta Curie
Capellani. Maioris authenticam baptismatis fidem. Idipsum
denique firmatum est nouissimo Concordatorum iure (d), quo

Tom. I.

N n

plane

(a) *Cap. innotuit 10 de elect. totoque tit. de postulat. prelator.*

(b) Ioannis Christiani Lunig codex Italice diplomaticus tom. 4 sect. 2
de vtriusque Sicilie regno diplom. 179 habet capitula gratiarum a Carolo V
Rom. Imp. & Sicilie Rege concessarum vniuersitati & hominibus regni Nea-
politani expedita Bruxellis die 12 Martii 1550, in his cap. 4 ita conceptum.
*Placet Casareæ & Catholica Maiestati concedere, quod officia, que inde vo-
cauerint in dicto regno, conferantur regnicolis oriundis . . . intelligendo oriundos
omnes etiam natos extra regnum; dummodo fuerint iuxta priuilegium fidelissime
ciuitatis facti ciues Neapolitani per magnificos Electos, & pariformiter alios
ciues factos per alias ciuitates demaniales dicti regni, qua ex priuilegiis regis
eis concessis habent facultatem creandi ciues: dum tamen duxerint uxores re-
gnicolas & habuerint domos proprias in dictis ciuitatibus, in quibus facti fue-
runt ciues, & habitauerint in regno saltem per quinquennium; & etiam omnes
tenentes baroniam vel alia feuda, & omnes qui habitauerint per annos decem
cum vxoribus, possidentes bona stabilia . . . Quo vero ad beneficia ecclesiastica,
videlicet archiepiscopatus, abbatie, prioratus, canonicatus, præbende & cetera
beneficia quacunque spectantes & spectantia ad collationem seu nominationem &
presentationem Ces. Maiest. conferantur pro medietate regnicolis, pro alia ad
beneficium, & cum vacauerint, alternatim provideantur, prout seruatur in
regno Sicilia ultra pharum; hoc videlicet modo & forma, quod beneficia per ex-
teros quomodolibet vacantia regnicolis conferantur, cum vero per regnicolas va-
care consueuerint, provideantur ad Ces. & Cath. Maiest. beneficium.*

(c) *Ex tit. 2 priuileg. Neap. Caroli VI pag. 219.*

(d) *Cap. 8 Concordator. art. 1.*

plane cautum ut episcopatus omnes & quæcunque alia huius regni beneficia regnicolis tantum conferantur: exceptis ducatis viginti millibus pensionum super ecclesiis, quæ ad regiam non pertinent nominationem, quos Papa suis ecclesiastici Status subditis poterit referuare.

Hactenus de personis quum eligentibus & nominantibus, tum eligendis & nominandis. Mox de forma electionis & nominationis dicendum.

XXIV. Triplicem eligendi formam canonicam esse tradit concilium Lateranense IV, scilicet per *scrutinium*, *compromissum* & *inspirationem*. Statuit in primis de *scrutinio*, ut quum electio fuerit celebranda, præsensibus omnibus, qui debent & volunt & possunt commode interesse, assumantur tres de collegio fide digni, qui secrete & singillatim vota cunctorum diligenter exquirant, & in scriptis redacta mox publicent in communi, nullo prorsus appellationis obstaculo interjecto: ut is collatione habita eligatur, in quem omnes, vel maior & sanior pars Capituli consensit. Deinde ad *compromissum* & *inspirationem* transiens ita cauit. *Vel saltem eligendi potestas aliquibus viris idoneis committatur, qui vice omnium ecclesia viduata provideant de pastore. Aliiter electio facta non valeat, nisi forte communiter esset ab omnibus quasi per inspirationem absque vitio celebrata.* Qui vero contra præscriptas formas eligere attentauerint, eligendi ea vice potestate priuentur (a).

XXV. Ex hoc Lateranensi canone desumuntur qualitates ad valorem electionis necessariæ; plures quidem in *scrutinio*, quam in reliquis duabus formis. Nimirum conuocatio omnium (b) & præ-

(a) Conc. Later. IV sub Innoc. III in cap. quia propter 42 de electione.

(b) Bonif. III in can. nullas 7 dist. 79, & Innoc. III in cap. bona memoria 36 de elect. Vocandi ad electionem episcopi consueto loco & tempore condito faciendam sunt omnes nedum Canonici de iure, sed alii etiam extra Capitulum, quibus consuetudo ius eligendi detulerit, cap. cum ecclesia Sutrina de caus. poss. & propr. ubi Inn. III irritam declarauit electionem Sutринi episcopi a solo Capitulo factam, ex eo quod ad eam non vocati essent clerici coquentalium ecclesiarum, qui interesse consueuerant. Vel quibus aliquan-

& praesentia in cœtu congregato (a) ius eligendi habentium (b); trium scrutatorum numerus; munusque (c); suffragia scripto danda sine vlla conditione (d); publicatio suf-

N n 2

fra-

do Pontifex conveniendi vel praesidendi negotium demandaverit, *cap. cum in veteri 52, & cap. his quibus vlt. de elect.* Singuli quidem vocalium praesentes sunt solitis campanarum signis vel preconis vocibus vocandi; absentes vero intra provinciam per litteras vel nuntium, servata locorum consuetudine: extra provinciam degentes nequaquam, *Barbosa lib. 1 sur. eccles. cap. 12 n. 88. Nam Inn. III in cap. coram 35 de elect. -- fratribus*, inquit, *omnibus, qui fuerint in provincia convocatis*. Contrario itaque sensu absentes extra provinciam non vocandos censuit. Absentes tamen intra provinciam, ubi velint; poterunt per procuratorem dare suffragium, si iusto detineantur impedimento, quominus intersint per sese, *cap. quia propter 42 §. 1 de elect. & cap. si quis 46 eod. tit. in 6.*

(a) *Can. in Genesi 55 de elect.* Ne clandestina sit electio, eam non privatis conventiculis & semotis, dissitisque locis, aut importuno tempore, vel celandi animo facere; sed publice simul collecti electores celebrare debent, *can. si quis 2 dist. 79 ex decreto Romanæ synodi sub Symmacho*. Clandestinam fuisse electionem S. Athanasii Alexandrini, ut eam irritarent, calumniabatur Ariani, *Sozomeu. lib. 2 cap. 16, & Nicephorus lib. 8 cap. 44*. Sed eam rite, publiceque actam ostendit epistola synodica concilii Alexandrini ad omnes ubique catholicæ ecclesiæ episcopos. Absentia vero vocatorum elapso termino electioni haud officit a praesentibus gestæ, *cap. cum inter 18, & cap. cum nobis 19 de elect.*

(b) Vnius ex vocalibus contemptus nullitatem electionis parit. Quum in eiusmodi negotiis consueverit contemptus unius plus obesse, quam multorum contraditio in presenti, ait *Inn. III in cap. bonæ memoriæ 36 de elect.* Fagnanus in *cap. quia propter 42 de elect. num. 40 de substantia* electionis esse docet, ut electores congregentur in unum, non autem ut omnes sint praesentes; dummodo praesentes adsint duæ saltem partes eorum, qui ad electionem vocari debent; alias non esset ibi Capitulum seu universitas: sed si duæ partes sint praesentes; tunc valebit, quod maior pars disposuerit.

(c) Dupliciter scrutatores singula eligentium vota secreto inquirent vel viva voce a singulis nomen eius, qui eligitur, secreto excipiant, quod continuo scribat aliquis scrutatorum; vel tabellas, schedulasque, quæ conici solent in urnam, colligunt. Quandoquidem usus tesseraum sine scripto nominae, plerumque diversi coloris; quæ in ceteris electionibus adhibentur frequentissime, est in eligendis episcopis omnino abolitus.

(d) *Ex cap. in electionibus 2 de elect. in 6, ubi Concilium Lugdunense vsque adeo reprobavit in electionibus & postulationibus ac scrutiniis, ex quibus nascitur eligendi, vota conditionalia, alternativa vel incerta; ut huiusmodi votis pro non adiectis habitis, ex puris solum consensibus celebraretur electio; voce illorum, qui non pure consenserint, ea vice in aliis residente. Idemque*

fragiorum incontinenti (a); collatio votorum (b); & vis eam concludens maioris & sanioris partis (c). Maior autem pars Capituli fere dicitur, quæ vno saltem voto excedit medietatem Canonicorum eligentium (d): nisi consuetudo aliqui specialis vel statutum vel privilegium maiori vocum numero etiam infra medietatem totius collegii tribuat vim concludendi electionem (e).

XXVI.

que seruandum, ubi reperitur aliqua ex schedulis alba, monet Barbosa lib. 1 iur. eccl. cap. 19 n. 200, S. Congr. Episc. apud Nicolum in flosculis verb. vox num. 6, Van-Espen par. 2 tit. 21 cap. 4 num. 19.

(a) Ne rite facta electio in occulto iaceat, statim post collecta suffragia publicandum solemniter est scrutinium, & quot quisque sit vota sortitus, cap. ecclesia vestra 48 de elect.

(b) Non teli ad zelum, nec meriti ad meritum, ex cap. in Genesi 35 de electione, sed solum numeri ad numerum fieri collationem in acceptis suffragiis decreuit Bonifacius VIII in cap. indemnitatibus 43 §. verum de elect. Id quod vsu hodie viget. Quum non dignior nec sanior pars minor; sed maior duntaxat numerus vocum præpollat ob æquale ius eligentium lingulorum: abrogata iuris antiqui sententia, quæ non semper maiori acquiescebat numero, raro tutiori & saniori, ex cap. gratum 2 de postul. pralat. & cit. cap. in Genesi. Itaque, vti cecinit Prudentius lib. 1 contra Symmachum, seruemus patriæ leges, infirma minoris vox cedat numeri.

(c) Cap. 1, totoque tit. de his, quæ sunt a maiori parte Capituli, & l. quod maior D. quod cuiusque vniuersitatis nomine. Innocentius III in cap. quod sicut 28 de elect. nullum sibi ius quæsiuisse tres votis inter se paribus electos: cum ex prima electione, quæ facta de tribus, ait, dicenda videtur potius nominatio, nihil iuris acquisitum fuerit nominatis. Quod paritas votorum electionem tam concludat, pluribus firmat Piton. discept. 140 num. 9. Si electio Abbatis fiat per schedulas, & in apertione scrutini reperiuntur plures schedula quam sint vocales, licet actio sit punibilis: adhuc electio valida erit, si demptis superfluis remanet maior pars, ex cit. decreto S. Congr. Episc. & Regul. apud Nicolum & Barbof. loc. cit. Passerinus in tract. de elect. canonica cap. 16 num. 65, in scrutinio per schedulas, ait, prius numeranda sunt schedula, & conferendus est numerus schedularum ad numerum vocalium: & si non sit æqualis, schedulae sunt comburenda, & habendum nouum scrutinium... quia tunc vel vota omnium non fuisse exquisita, vel vnus plures nominauit, quorum vitruque est contra formam.

(d) Honor. III in cap. ecclesia vestra 18 de elect. qui sua in Thomam, ait, desideria dirigebant, licet maiorem partem facerent partium comparationis minorum: non tamen ad maiorem Capituli partem peruenerunt... quod factum est de Thoma prædicto cassauimus.

(e) Rota in Adriensi Canonicatus 3 Aprilis 1699, coram Lancetta, apud Pitonium part. 4 discept. 140 num. 57 ad 65.

XXVI. In *compromisso*, cui dare locum consuevit discordia eligentium (a), requiritur in primis consensus omnium vnanimis & nemine discrepante, quibus ius est suffragii: quum suum nemo ius in alium transferre inuitus cogatur (b). 2, quum mandato compromissum æquetur, potest re integra reuocari; non integra secus (c): quemadmodum & mandati compromissi fines excedere nequeunt compromissarii (d). 3, compromissariorum numerus iure non definitus: quum sit; æque vnus ac plures constitui possunt (e) tam de gremio collegii, quam extrarii (f): quorum pars maior validam facit electionem (g), etiamsi ex compromissariis ipsis vnum eligi contigerit. Quod vtrique fas est: quouimo potest consensu suo electus ex compromissariis maiorem suffragiorum numerum sibi vel augere vel perficere (h).

XXVII. *Inspiratio* tandem nulla requirit sollemnia, nec suffragiorum numerationem, scriptionemque, sed publicum duntaxat collegii & vniuersitatis consensum repentinum & vnanimem acclamationem. Hac forma electos SS. Ambrosium Mediolanensem, Seuerum Colonensem, ceteros tradit historia.

XXVIII. Tres intra menses electio episcopi facienda est

(a) S. Greg. M. ep. 15 ad Scholasticum Campaniæ Ducem lib. 2, rescripsit, vt congregatis primatibus & populo Neapolitano alium episcopum eligerent, quum Florentius ecclesiæ Romanæ subdiaconus electioni rennucciafset: si vero eligentes in vnum consentire non possent, vt tres viros probatos nomine vniuersitatis Romam mitterent, aliquem idoneum electuros. Ex ista ep. exemplum *compromissi* notat Fleury to. 8. hist. ad an. 592. Aliud insigne tradit Sidonius lib. 7 ep. 9.

(b) Gl. in cit. cap. quia propter verbo vice omnium, arg. l. inuitum & l. in vendendis C. de contrahenda emt. (d) Cap. in causis 30 de electione.

(c) Cap. cum dilectus 32 eodem tit. Indignum si elegerint compromissarii, fines mandati putantur ipsi transilire, ob idque ad compromittentes tunc reuerſi electionem rescripsit Bonifacius VIII in cap. si compromissum 37 de elect. in 6.

(e) Alexand. III in cap. causam 8, & Inn. III in cap. cum inter 21 de elect.

(f) Cit. cap. cum inter. In laicum tamen compromitti nequit electio ecclesiastica, ex Greg. IX in cap. sacrosancta 51 eod. tit.

(g) Cap. ecclesia vestra 3 de forſilegis.

(h) Innoc. III in cap. cum in iure peritus 33 de electione.

est iure Decretalium (a): alioquin ad proximum ea superiorem deuolvitur, ne diutius protrahatur ecclesiæ viduitas.

XXIX. His communi iure constitutis formis procedebant olim electiones episcoporum Italiæ, & vbique locorum, quoadusque integrum fuit Capitulis cathedralium ius eligendi prælatos suos: quod vix hodie integrum habent Capitula Germaniæ generatim suo Concordatorum iure [b], & si qua sunt alicubi alia ex speciali priuilegio vel consuetudine. Quo enim ex tempore sibi Sedes Romana reservauit cathedrales ecclesias, vindicauitque episcoporum creationes, nullius ferme vsus in eligendis episcopis factæ sunt eiusmodi formæ: utpote quibus vix utitur Collegium S. R. E. Cardinalium in electione summi Pontificis (c). Eas tamen adhibent quum regularium tum secularium clericorum collegia ecclesiastica, quæ ius eligendi habeant ex statuto, priuilegio vel consuetudine in dignitatibus, parochialibus ecclesiis, omnibusque officiis & beneficiis episcopatu inferioribus (d).

XXX. Ad regias huius regni cathedrales Rex aliquem solet ex ternis, quos Capellanus Maior præuio ipsius Regis rescripto proponit, præelectum regiis litteris regio Ministro in vrbe residenti ad Romanum Pontificem datis nominare (e):

nisi

(a) Conc. Lateran. in cap. ne pro defectu 41 eod. tit. At Iustinianus Nou. 123 semestre spatium electoribus tribuit. Idemque spatium patronis ecclesiasticis ad præsentandum firmavit Bonif. VIII in cap. vn. de iurepatr. in 6. Videtis quæ dixi in tract. de iurep. cap. 17.

(b) De quo paullo superius dictum num. 19. Eodem Germanico iure vtuntur Helueti & Valesii, vti monet Rigantius to. 1 comment. in Reg. 2 Cancell. §. 1 num. 58, & 59.

(c) De qua in subsequenti tit. XXI. num. 54 vsque ad 72.

(d) Ex Alex. III in Conc. Lateran. cap. cum in cunctis 7 §. inferiora, & tit. de elect. Speciatim de canonica electione Canonicorum loquitur Innoc. III in cap. cum ecclesia 71 eod. tit. Priorum & abbatum in cap. cum causam 27, & Greg. IX in cap. sacrosancta 51. Præpositi & Decani Inn. idem in cap. cum in iure 33, & Greg. IX in cap. dudum 54. Ecclesiæ parochialis in cap. querelam 24. Imperatoris præterea Romani Inn. III in cap. venerabilem 24 hoc eod. tit. Tunc Senatorum Innoc. IV in cap. fundamenta 6 eod. tit. in 6.

(e) Regem Hungariæ, cui ius nominandi ad illius regni cathedrales, est

Liber I. Tit. XX. De confirmat. & consecr. episcop. 287
 nisi quem aliunde sibi notum, quod rarissime contingit, ma-
 luerit ipsemet Rex deligere. Ad ceteras pontificiæ collationis
 ecclesias episcopos ex illis Papa eligit, quos suo referente
 Auditore putauerit ad libitum.

Satis de episcoporum electione & nominatione. Dicendum
 modo superest de eorundem confirmatione & consecratione.

T I T. XX.

De confirmatione & consecratione episcoporum.

- 1 *Prisco iure electos a clero vel capitulo metropolitanus cum
episcopis provincia quisque sua consecrabat.*
- 2 *Metropolitanos autem vel senior provincie episcopus aut ui-
cinior, vel patriarcha aut primas.*
- 3 *Ius confirmandi ad electionis iudicium peragendum spectat,
illud consecrandi ad ritus episcopalis ordinationis.*
- 4 *Confirmatio dignitatem & humana priuilegia, consecratio
potestatem ordinis tribuit.*
- 5 *Confirmatis consecratisque statim licebat munia sua olim
exercere: nunc secus, & nonnisi post acceptas ab apostolica
sede litteras, regiumque placitum permittitur ipsis episco-
patus possessionem capere.*
- 6 *Intra mensem electus electioni consentire, inde tres intra
menses debet confirmationem petere.*
- 7 *Tum confirmatus intra alios tres menses consecrationem su-
scipere, postea intra mensem iter facere ad residentiam.*
- 8 *Antequam electio confirmetur, aetatem, mores, doctrinam
electi Pontifex rite inquirat.*
- 9 *Italia, Insularumque adiacentium episcopi coram Papa in
concistorio examinantur ab urbis examinadoribus.*
- 10 *In duobus concistoriis praeconizatio primum, dein propositio
electi, simul & prouisio fit habens vim confirmationis.*

11 Con-

est, non uti posse verbo *eligimus*, definitum sub Alexandro VII tradit Ri-
 gantius in Reg. 2 Cancell. §. 1 num. 73 10. 1.

- 11 Consecrationem electi in urbe presentis Papa alicui Cardinalium, oratenus, absentis per litteras alicui archiepiscopo vel episcopo mandat.
- 12 Consecrationis ritus præcipui sunt recitatio bullæ pontificiæ, iuramentum novem articulorum, unctio capitis & manuum, traditio baculi & annuli & libri evangeliorum, mitræ, crucis pectoralis, aliorumque pontificalium ornamentorum.
- 13 Annuam consecrationis episcopalis commemorationem canones imperant.

O Rdinatos olim episcopos ab episcopis cuiusque provincie fuisse primum iure non scripto, deinde a synodis provincialibus scripto Nicænorum canonum iure, iam liquet ex traditis titulo superiori (a). Metropolitanus litteris encyclicis universos provincie suæ episcopos suffraganeos convocabat, qui novum episcopum in ea ipsa, quæ viduata erat, ecclesia rite ordinarent (b): quum vel una omnes vel pars maior vel tres saltem convenirent, quorum gestis per scripta suum adderent consensum absentes (c). Ab episcoporum aliquando duobus vel uno actam ordinationem non irritam, sed illegitimam habere quidem consuevit ecclesia: id quod pluribus ostendit Binghamus (d). Inde suspicio adaugetur contra

(a) Num. 7, & seqq. & a Gratiano dist. 64, 65, & 66.

(b) Ad ordinationes rite celebrandas (scribit S. Cyprianus ep. 68, alias 67 ad fratres Hispania) ad eam plebem, cui præpositus ordinatur, episcopi eiusdem provincie, proximi quique conveniant, & episcopus deligatur, &c. Consonat epistola Iulii Papæ ad Orientales apud S. Athanasium apolog. 2 tom. 1, & divi Augustini ep. 261.

(c) Ex Concilii Nicæni can. 4, Episcopi ab omnibus, qui sunt in provincia sua, episcopis debent ordinari. Si autem hoc difficile fuerit aut propter instantem necessitatem aut itineris longitudinem: tribus tamen omnimodis in idipsum convenientibus, & absentibus quoque pari modo decernentibus & per scripta consentientibus, tunc ordinationem celebrari, can. 1 dist. 64. Concilium Chalcedonense a. 451, ab omnibus aut pluribus provincie episcopis legitimam fieri ordinationem episcopi, una cum metropolitano potestatem habente secundum Patrum regulas, pronunciauit. Præterea sanxit can. 25, intra tres menses eam fore celebrandam, nisi necessitas aliter cogerit.

(d) Origin. eccles. lib. 2 cap. 11 §. 4, 5, & 6 te. 1.

Liber I. Tit. XX. De confirmat. & consecr. episcop. 289
contra apocryphos canones vulgo Apostolorum; perinde probantes ordinationem a duobus, atque a tribus peractam (a).

II. Archiepiscopos & metropolitans non alius metropolitans, sed senior vel proximior eiusdem provincie episcopus ut confirmaret ordinaretque, prisci mores & canones constituerunt. S. Augustinus (b) Donatistas refellit contententes, quod Cæcilianum Carthaginensem episcopum primatem non alius primas Numidie vel Mauritanie, sed episcopi provincie Carthaginensis male ordinassent. Eos per iniuriam obmurmurantes refert, quod non expectaveris Cæcilianus, ut princeps a principe ordinaretur: quum aliud habeat ecclesie catholice consuetudo, ut non Numidie, sed propinquiores episcopi episcopum ecclesie Carthaginis ordinent: sicut nec Romana ecclesia episcopum ordinat aliquis episcopus metropolitans, sed de proximo Ostiensis episcopus. Alibi vero metropolitans a patriarcha vel primatu confirmatos, ordinatosque liquet ex superioribus rubricis.

III. Ordinantium episcoporum & metropolitæ munia in duobus potissimum vertabantur. Primum in electione confirmanda, quam communibus suffragiis canonicè factam cognovissent: alterum in electo rite consecrando. Eodem ferme tempore confirmari electos & consecrari in veteri disciplina, & vix a consecratione seiunctam tunc esse confirmationem, putat Thomassinus (c): secus quam in recentiori Decretalium suo.

IV. Spiritale foedus coniugii, quod est inter episcopum & ecclesiam, in electione initiatum fieri confirmatione ratum, & consecratione consummatum, dixit Innocentius III (d). Varios porro effectus utraque producit, eosque magni momenti. Confirmatio scilicet potestatem iurisdictionis ordinariæ

Tom. I.

O o

riæ

(a) *Con. 1* vulgo Apost. *Episcopus ordinetur ab episcopis duobus vel tribus.*

(b) S. Augustinus in *breviculo collat. 3 cap. 16.*

(c) Thomassin. *par. 4 lib. 2 cap. 50 de discipl. eccl.*

(d) Innoc. III in *cap. licet in tantum 4 de translat. episc. post can. sicut xii 11, & can. sicut alterius 39 C. VII qu. 1.*

riæ (a), dignitatem & privilegia humana: consecratio potestatem ordinis & characterem confert episcopalem. *Episcopus electus* post confirmationem nuncupatur, post consecrationem simpliciter *episcopus* (b): & hunc venerabilem fratrem appellat Papa (c), illum vero *dilectum filium*.

V. Hinc communi iure antiquo electus post acceptam confirmationem non modo insignibus episcopalibus & byrro utebatur & privilegiis episcoporum frui incipiebat (d): sed etiam bona ecclesiæ suæ statim administrare, ius dicere subditis, censuras infligere non impediabatur licet non consecratus; adeo putaretur auctoritate sua possessionem episcopatus apprehendere, statim atque se in eius administratione ac iurisdictione immisceret (e). Post vero consecrationem Ordines continuo conferre, aliaque ab Ordinis potestate permanantia iura exercere poterat. Hodie secus. Nam Bonifacius VIII (f) sancivit, ne post confirmationis decretum electi ad suam accedere ecclesiam sine litteris apostolicis promotionis suæ, vel eam administrare vllimode auderent, nec eos ecclesiæ vicissim vti episcopos recipere sub pœna suspensionis a beneficio & nullitatis actuum. Hac tamen sanctione Cardinales episcopi suburbicarii eximuntur, quorum administratio post decretam in Concistorio confirmationem haud differtur protelata bullarum expeditione (g). Leges itidem Principum & huius regni consuetudines nullum omnino permittunt novis electis vel consecratis episcopis potestatis exercitium, siue ab iurisdictione siue ab ordine profluentis, nisi regium placitum super pontificiis litteris in forma Cancellariæ solemniori ante obtinuerint & corporalem adepti sint possessionem.

VI.

(a) *Cap. cum in cunctis* 7 §. cum vero, & *cap. transmissam* 15 de elect.

(b) Fagnanus in *cap. eam* 16 7 de rescriptis num. 6, & 7.

(c) Vti animadvertit Ivo Carnotensis ep. 8 ex *cap. quam gravi* 6 de crim. falsi, *cap. coram* 34 de off. & pot. deleg. & *cap. sane dilecto* 7 de renunc.

(d) *Cap. super his* 16 de accusat. & *cap. qualiter* 17 de elect.

(e) Gl. in cit. *cap. cum in cunctis* verbo administrationem.

(f) In *cap. inuincte* 1 de elect. in extranag. comm.

(g) Rigant. in *Reg. 2 Cancellaria* §. 3 num. 342 to. 1.

VI. Quo tempore Capitulis cathedralium ius adhuc erat eligendi episcopos, concilium Lugdunense sub Innocentio IV (a) decreuit, vt celebrata electione electores, quam citius commode possint, ab electo petant consensum; & infra tres alios inde mentes electus confirmationem electionis suæ postulare non omittat: alias quæsito sibi iure cadat, vbi sine legitimo impedimento vel consensum intra mensem dare, vel petere confirmationem intra trimēstre neglexerit. Duo hæc temporum intervalla quum nouo iure non mutata sint: ea transilire non debent ii etiam, qui a Romano Pontifice ad episcopatus eliguntur (b).

VII. Præterea tres alios intra menses a die confirmatæ electionis computandos electi si munus consecrationis non suscepserint, ad fructuum perceptorum restitutionem eos teneri: si intra totidem menses postea facere id neglexerint, ecclesiis ipso iure priuatos fore sanxit Tridentina synodus (c); etiam si Cardinales iidem sint. Si quis autem nondum sacris diaconatus & presbyteratus ordinibus initiatus in episcopum eligatur: eum tunc probe Ordinationum generalium tempora iure statuta expectare, eique interea lapsum quadrimestris ad episcopalem suscipiendam consecrationem non officere, pluribus exemplis quum vetustæ tum recentioris disciplinæ probat Hallierius (d). Tandem consecratus debet intra mensem proficisci ad residentiam, quod spatium ad alios 40 dies prorogari ab vrbis Vicario posse iam præmonui.

VIII. Confirmaturus electionem summus Pontifex tria præcipue in electi persona inquirat, ætatem legitimam, mo-

O o 2

rum

(a) In cap. quam sit 6 de elect. in 6.

(b) Quoniam prouisio consistorialis habet vim electionis & confirmationis, vt scribit Fagnanus in cap. nihil num. 27 de elect. exinde insert Benedic-
tus XIV in ep. 35 ad Nicolaum episc. Anconitanum & Humanatensem to. 2
Bullarii sui, intra tres menses consecrari omnino debere electos ab Romana
Sede præfules cathedralium secundum canones.

(c) Trid. sess. 23 de reform. cap. 2.

(d) De sacris elect. tit. de consecr. episc. art. 3 §. 4, & tit. de tempor.
sacr. ordinat. cap. 5 num. 4, Rigant. in Reg. 24 Cancell. §. 2 num. 16 se. 2.

rum honestatem, & sufficientem doctrinam (a): quemadmodum & olim metropolitæ cum episcopis prouinciarum inquirere consueuerant (b). Quibus de rebus antea inquisitionem sumit, nulla si eius notitia aut recens in Curia Romana fuerit, a Sedis apostolicæ Legatis aut Nunciis prouinciarum, aut eius Ordinario, istoque deficiente a vicinioribus Ordinariis (c). Quoniam vero ea in re non vniformis ratio vbique ex nationum, populorum morumque varietate potest adhiberi; mandauit Tridentina synodus (d), vt in prouinciali synodo per metropolitā habenda præscribatur quibusque locis & prouinciis propria examinis seu inquisitionis faciendæ forma, sanctissimi Romani Pontificis arbitrio approbanda, quæ magis eisdem locis utilis atque opportuna esse videbitur: ita tamen vt cum deinde hoc examen seu inquisitio de persona promouenda perfecta fuerit, ea in publicum instrumentum redacta cum integris testimoniis ac professione fidei ab eo facta quamprimum ad Romanum Pontificem omnino transmittatur, qui plena totius negotii ac personarum notitia habita, ecclesiis possit utilius providere. Id regiones ultra maria & montes potissimum spectat, quarum episcopi ad urbem, vt examen subeant, non accedunt.

IX. Quod vero ad episcopos Italiæ, Insularumque adiacentium, Clemens VIII Congregationem instituit ex Cardinalibus, Canonistis & Theologis ad eos personaliter coram Romano Pontifice examinandos: adeout eo ex tempore intra Italiam nemo ab aliis, nisi ab vrbis examinadoribus approbatus

(a) Honorius III ab episcopali amouit dignitate Callinensem in Germania episcopum, qui nec seire grammaticam, neque Donatum legisse vnquam, confiteri non erubuit, *cap. quamuis 15. de ar. & qual. prefic.*

(b) Ex ep. S. Leonis in *can. quid est 3 dist. 78.*, & Innoc. III ad archiep. & Capitulum Capuanum in *cap. cum nobis 19.* & *cap. nihil est 44 de elect.*

(c) Trid. sess. 21 de reform. cap. 2, Leo X in *const. superna 7 §. 3, 4.* & 5 de reform. pen. pralat. ecclies. Greg. XIV in bulla *onus apostolica* edita 1 Maii 1591, & Urbanus VIII in instructione an. 1627 circa processum super qualitatibus promouendorum ad regimen Cardinalium faciendos.

(d) Trid. sess. 24 de reform. cap. 1.

batus ad cathedram promouetur episcopalem, quamvis aliunde sit scientia commendatissimus. Excipiuntur duntaxat Cardinales diaconi, presbyterique, quos eminentiori iam auctos dignitate ratio non patitur nouo probari examine, dum inferiorum accipiunt dignitatem (a).

X. Decretum confirmationis in Concistorio Papa promulgat ad formam a Patribus Tridentinis definitam (b). Omnes scilicet informationes, testimonia & probationes quæcunque de promouendi qualitatibus per Cardinalem, qui relationem facturus erit in Concistorio, & alios tres Cardinales diligenter examinantur, ac relatio ipsa Cardinalis relatoris, & trium Cardinalium subscriptione roboratur, in qua singuli quatuor ipsi Cardinales affirmant se adhibita accurata diligentia inuenisse promouendos qualitatibus a iure, & S. Synodo Tridentina requisitis præditos, ac certo existimare sub periculo salutis æternæ idoneos esse, qui ecclesiis præficiantur, ita ut relatione in vno Concistorio facta, quo maturius interea de ipsa inquisitione cognosci possit, in aliud Concistorium iudicium differatur, nisi aliud summo Pontifici videbitur. In priori Concistorio *praconizationem* electi, in posteriori *propositionem* fieri aiunt. In hocce collectis Cardinalium suffragiis Pontifex tandem confirmat electum consueta verborum forma (c). Quod eiusmodi *prouisio concistorialis habeat vim electionis, & confirmationis* canonicæ, monet Fagnanus (d). Post eam ipsam prouisus consuevit *episcopus electus* inscribi & appellari.

XI. Deinde consecrationem electi, qui præsens in vrbe sit,

(a) Fagnan. in cap. nisi cum pridem num. 63 de renunciat. lib. 1.

(b) Trid. cit. sess. 24 de reform. cap. 1.

(c) His videlicet conceptis verbis. *Auctoritate Dei omnipotentis, Patris, Filii, & Sp. S. & BB. Apostolorum Petri & Pauli ac nostra ecclesiam N. de persona N. prouidemus, ipsumque illi in episcopum & pastorem præficiamus, curam & administrationem ipsius eidem in spiritualibus & temporalibus plenarie committendo.*

(d) Fagnan. in cap. nihil de elect. num. 27, quem collaudat Benedictus XIV in cit. const. cum a nobis 36, §. ac primo, to. 2. Bullarii.

fit, inibi peragendam (a) alicui Cardinalium Papa mandat or-
tenus: absentis autem per litteras alicui archiepiscopo vel epi-
scopo, qui duobus (b) aliis adfidentibus episcopis eam rite
conficit festo vel Dominico vel Apostolorum die, præmisso-
que antecedentis sabathi ieiunio cum precibus (c) concele-
brat in publica ecclesia, quæ intra prouinciam plerunque sita
sit, nisi commode ad cathedralem ipsius consecrandi valeat
se conferre.

XII. Sollemnes consecrandi episcopi ritus videtis in Pon-
tificale Romano (d). Hinc perpaucos, potioresque solum innue-
re hic sufficiat. Recitatis initio litteris Cancellariæ apostolicæ
de collato episcopatu, obedientiam Romano Pontifici debitam
cum iuramento consecrandus spondet genuflexus coram con-
secratore suo, eamque multis distinctam articulis profitetur iuxta
formulam aliis eiusdem Cancellariæ clausis litteris traditam
(e). Deinde sacra inchoatur ordinatio. In ea totum sacro
oleo caput, & manus vndique vnguntur ad plenitudinem sa-
cer-

(a) Hoc in regno consecrationes episcoporum libere facit Romana ec-
clesia ex capitulis Regis Guilielmi cum Hadriano IV, supenus exscriptis tit.
10 num. 2 lit. b art. 3.

(b) Ex ep. Innoc. I in *can. extra 5 dist. 64*. Pluralitas enim adfiden-
tium non ad valorem consecrationis exigitur, sed ne furtive & clam colla-
ta episcopalis dignitas videatur. Idcirco, uti Fagnanus tradit ad *cap. 7 de temp.
ordin. n. 20*, Romana Sedes episcoporum in Indiis consecrationem vni cui-
cunque catholico episcopo, adfidentibus duabus, vel tribus Dignitatibus, ob
episcoporum deficientiam solet adhuc demandare.

(c) *Can. ordinationes 1 dist. 75*.

(d) *Tit. de consecratione electi in episcopum*.

(e) Antiquam iurisiurandi episcopalis formam septem articulis complexus
est diuus Gregorius VII relata in *cap. ego N. 4 de iureiur.* his verbis: Ego
N. episcopus ab hac hora in antea fidelis ero S. Petro, sanctæque Romanæ ec-
clesiæ, dominoque meo Papa N. eiusque successoribus canonice intrantibus. 2
Non ero neque in consilio, neque in facto, ut vitam perdat, aut membrum,
vel capiatur mala captione. 3, Consilium, quod mihi aut per se aut per litem
ras aut per Nuncium manifestabit, ad eius damnum nemini pondam. 4, Pa-
patum S. Romanæ ecclesiæ & regulas SS. Patrum adiutor ero ad defendendum
& retinendum (saluo ordine meo) contra omnes homines. 5, Vocatus ad syn-
nodum veniam, nisi præpeditus fuerit canonica præpeditio. 6, Legatum apostoli-
cæ

Liber I. Tit. XX. De confirmat. & consecr. episcop. 295
 cerdotii designandam. *Baculus* pastoralis benedicitur a parte
 superiori curuus (a), vt indicet episcopum se curuare ad in-
 spiciendos, extirpandosque prauos populi mores; æturus ab in-
 feriori, quo subditos pungere desides possit, atque impellere
 ad semitam mandatorum Domini percurrendam. *Annulus* quo-
 que benedictus traditur in fidei signaculum, quam debet sponsæ
 illibatam custodire. *Liber euangeliorum* scapulis consecrati pri-
 mo superimponitur, deinde in manus traditur ad onus & po-
 testatem prædicationis indicandum. Post Missæ sacrificium a
 consecrato vna cum consecratore peractum, in quo vterque
 de vna eademque hostia & calice communicant; benedicitur
mitra (b), capitique imponitur consecrati in galeam salutis,
 cuius pars anterior nouum, posterior vetus designat Testa-
 mentum, vt cornibus vtriusque Testamenti lucidis fulgens
 deterreat aduersarios veritatis. *Chirotecis* item benedictis manus
 induuntur, vt noui hominis munditia circumdatus appareat,
 Deique Patris benedictione auctus ad similitudinem Iacob (c).
 Præterea *σταυρον εγκολπιον*, idest crucem pectoralem parauit
 e col-

*lica Sedis, quem certum esse cognouero, in eundo & redeundo honorifice tracta-
 ba, & in suis necessitatibus adiuuaba. 7, Limina Apostolorum singulis annis
 (nunc trienniis) aut per me, aut per certum nuncium visitabo, nisi eorum ab-
 soluar licentia. Sic me Deus adiunet, & hæc sancta euangelia.* Hisce posterior-
 ætas duos alios addidit articulos. Scilicet 8 de observandis decretis, reseruatior-
 nibus & mandatis Sedis apostolica. Et 9 de bonis suæ episcopalis mensæ non
 alienandis. Suam his legibus Romanæ Sedi obstringunt episcopi fidem ad vni-
 tem catholicæ ecclesiæ seruandam, pacemque fouendam.

(a) Curuato episcoporum baculo limitatam designari iurisdictionem, quem
 ideo erectum Papa deserit, putat Germonius de induli. Cardinal. §. episc. num. 25.

(b) Eandem olim fuisse breuiorem, commonstrant pictæ vel sculptæ prisco-
 rum episcoporum imagines, & sensim sine sensu ad hodiernam formam æquo
 longiorem excreuisse, commonet scitissime Alex. Symm. Mazochius noster in lib. de
 sancto. Neap. eccl. episcop. cultu part. 3 cap. 15 sect. 3 num. 2.

(c) Videtis decretalem Innocentii III in cap. cum venisset de sacra un-
 ctione, ibique Gonzalez. Nouem sunt ornamenta sacra pontificum (ait Inno-
 centius idem III lib. 1 myster. Missæ cap. 10) idest episcoporum, videlicet
 calige, sandalia, succinctorium, tunica, dalmatica, mitra, chiroteca, annulus
 & baculus. Idemque annulus est fidei sacramentum, ait ibidem cap. 61, in
 quo Christus sponsam suam sanctam ecclesiam subharravit, vt ipse de se dicere
 valeat:

e collo pendente accipiunt, quam omnes episcopi consueverunt a priscis seculis gestare quum intra ecclesiam vna cum sacris pontificalibus ornamentis, tum extra eam vbique (a). Eos ideo *σταυροπατας* fuisse in concilio Constantinop. VIII appellatos notat Cironius (b).

XIII. Tantus autem honor consecrationi debetur, vt quotannis commemoratio diei anniuersariæ consecrationis proprii episcopi fiat in singulis diocesibus (c): quemadmodum & Papæ in vniuersis per orbem ecclesiis.

TIT.

valeat: annulo suo subharravit me Dominus meus. Datur annulus, prædicit S. Isidorus lib. 1 de eccles. offic. cap. 5, propter signum pontificalis honoris, et signaculum secretorum. Propterea Innocentius III in conc. Later. IV vetuit clericis generatim ferre annulos, nisi quibus competat ex officio dignitatis, ni mirum episcopis.

(a) S. Gregorius Nazianzenus in *carmine ad auertendos a se demones* hæc habet. *Cede, ne te cruce, ad quam omnia contremiscunt, feriam. Crucem in membris meis sero, crucem in incessu, crucem in pectore, in cruce demum omnis gloria mea sita est.* S. Jo: Chrysostomus in *cap. 3 ep. ad Philipp.* Cum sis, ait, crucis inimicus, gestas crucem? Nicephorus Patriarcha item Constantinop. anno 806 crucem eiusmodi pectoralem Leoni III summo Pontifici dono mittens, *symbolum mediatrix inter nos dilectionis*, ait, *missus fraternæ vestra beatitudini encolpium aureum, cuius vna facie crystallum inclusam, altera picto nigello, et intus habet alterum encolpium, in quo sunt partes honorandi ligni in figura crucis posita.* Extat Nicephori epistola ad Leonem in actis Conc. Ephesini. Rothaldus episcopus Sueslionensis (in appellat ad Nicolaum I, electum anno 858 Pontificem, in *bibliotheca Patrum* to. 3, & apud August. Flouianum *lib. 2 de ritu presb. crucis Rom. Pontif. cap. 7*) annui ego, inquit, et ad locum quo me ducunt, transversum sacerdotalibus vestibus indumentis, et lignum S. Crucis circa mea pectora gerens. Quæ synodus an. 809, encolpium accipiebant, ait, et dignitate episcopale potirentur. Innoc. III *lib. 2 de mysticis missæ cap. 53* putat crucem hanc pontificalem successisse in locum aureæ laminæ, quæ summi Pontificis frons in veteri testamento exornabatur. *Proamina*, inquit, *quam Pontifex ille gerebat in fronte, Pontifex iste gerit crucem in pectore. Nam mysterium, quod in quatuor litteris auri lamina continebat in quatuor portibus, forma crucis explicauit.* Ex Jacobo Gretsero de *cruce Christi* to. 1 *lib. 2 cap. 34.*

(b) Ciron. in *paratit. Decretal. de auct. et usu pallii* circa fin. De ea loquitur Demianicus Macri in *hieroglyphico verbo encolpium*.

(c) *Con. solemnitates 16 de consecr. dist. 1.* Reum saltem vnum e carceribus liberari olim eo consecrationis die, testatur Iuo Carotenensis *ep. 53*, & Serius in *vita S. Aniani die 17 Novem. to. 6*, qui dies dicebatur *natalis episcopatus*, quemadmodum & *natalis imperii*, apud Tacitum *anal. 6*, & Spartianum in *Hadriano*.

T I T. XXI.

De Papæ electione & electoribus.

- 1 Post SS. Linum, Cletum & Clementem a B. Petro sibi successores designatos clerus, populusque Romanus olim confecerunt Papam eligere.
- 2 Gorbi principes electionibus summorum Pontificum se immiscuerunt.
- 3 Necessitas inde irrepsit sensim postulandi assensum Regis vel Imperatoris, ut electus Pontifex posset consecrationem, possessionemque apostolicæ Sedis accipere.
- 4 Pro eoque assensu persolvere tam Regibus Gorbis, quam Gracis Imperatoribus tria aureorum millia cogebantur electi.
- 5 Nono & decimo seculo electiones Pontificum vel Imperatorum voluntati, vel tyrannorum potentia succubere sæpius, in libertatem cleri & populi raro vindicata.
- 6 Subsecutis deinceps seculis Cardinalium dignitas ita prævaluit in eligendo Pontifice, ut imperialis regiusque assensus omnino exoluerit.
- 7 Singuli tum Reges vindicarunt sibi ius excludendi seu prænunciandi Cardinalium collegio aliquem sibi metipsis insensum & suspectum Cardinalem, cuius futuram electionem ita prorsus impediunt, gestam secus.
- 8 Seculo XI Nicolaus II Cardinalibus quum episcopis tum clericis electionem Papæ addixit, reliquo clero & populo consensum posteriorem; eamque nonnisi duabus partibus Cardinalium concordibus perfici statuit Alexander III.
- 9 Singuli Cardinalium quavis censura etiam irretiti ius habent suffragii, præterquam non promoti ad sacrum diaconatus ordinem, & absentes a conclave.
- 10 Non alium nisi unum ex semetipsis Cardinales Pontificem nunc eligunt.
- 11 Quæ in ceteris episcopis qualitates exiguntur, eas in sum-

Tom. I.

P p

mo

mo Pontifice oportet magis fulgere.

- 12 Electionem rite conclusam concordibus suffragiis duarum ex tribus partium infirmare aut eludere nulla ex causa licet nemini.
- 13 Præterquam ob simonia crimen in ea, quod absit, admissum.
- 14 Ambientes Papatum, seu Papa viuente, eoque inconsulto, de eligendo successore tractantes ipso iure excommunicationem incurrunt, & priuantur quum beneficiis & officiis, tum vocē actiua & passiua.
- 15 Vbi mors Papæ contigerit, eiusque audientia resideat, in eā vrbe vel territorio debent Cardinales, post decem dies conclauē ingredi ad electionem successoris peragendam.
- 16 Primam legem de Pontifice in clausura conclauis eligendo tulit Gregorius X in quindecim articulos distributam.
- 17 Ipsamque firmavit Clemens V, aliis ei superadditis articulis.
- 18 Plures exinde constitutiones Pontificum eam ipsam innouando alicubi variarunt, & exposuerunt vberius.
- 19 Quoad nouendiales Pontificis exequiæ celebrantur, tres Cardinales cuiusque ordinis antiquiores cum Camerario reliquos Cardinales ad expedienda negotia congregant.
- 20 Graviora quidem Congregatio generalis Cardinalium, leuiora triumviri eorum definiunt.
- 21 Quæ ad Papæ iurisdictionem spectant, ac status regimen, in iis Collegium Cardinalium Sede vacante innouare nil potest.
- 22 Datariæ, & Signaturæ & Papæ Auditoris officia conqueſcant. Pendentes duntaxat coram Papæ Auditore citationes & recursus Auditor Signaturæ vix expedit.
- 23 Vicarii officium persistit, quod vicesgerens, ubi vacauerit, administrat.
- 24 Ecclesiarum inferiorum necessitatibus grauissimis moram non patientibus prouidet interim S. Collegium.
- 25 Camerarius, & Pœnitentiarius, eorumque officiales munera sua non intermittunt: alterutrius vel vtriusque deficientis vices aliis obeundas interim S. Collegium demandat.

- 26 In provinciis prolegari absentium legatorum Cardinalium titulo ac stemmate in publicis actis utuntur.
- 27 De pecuniis Camera ac Dataria S. Collegium disponendi ius nullum habet generatim, nec de frumentorum extractione.
- 28 Vix necessarias imperat expensas pro funere Pontificis decem millia ducatorum non excessuras.
- 29 Pro victu insuper familia pontificia & pauperum officialium, & consuetis elemosynis.
- 30 Pro defensione terrarum, congiario & stipendio magistratuum & custodum.
- 31 De his Thesaurarius expensis rationem nouo Pontifici reddit.
- 32 Stipendia conclauistarum, aliorumque intra & extra inuentium limitauit singularim Clemens XII.
- 33 Quicquid etiam opus in graui periculo urbis vel status erit, ex sententia duarum S. Collegii partium fas est insuper impendere.
- 34 Primo die post Pontificis obitum in generali Congregatione Cardinales audiunt & iurant pontificias constitutiones in eligendo successore obseruaturos, sigilla eius frangunt, gubernatorem urbis eligunt, aliquot ipsorum operi conclauis præsiciunt, & funus deducunt.
- 35 Secundo ministros & officiales confirmant, qui alias confirmati ipso iure præsumentur, urbis conseruatores audiunt, & præsectos conclauis.
- 36 Tertio confessorium conclauis eligunt, & sepultura tradunt cadaver pontificium.
- 37 Quarto & quinto medicos, chirurgum, aromatarium, barbitonsores conclauis destinant.
- 38 Sexto cellas conclauis sorte distribuunt, & indulta magistrorum caerimoniarum inspiciunt.
- 39 Septimo de tertiis conclauistis indicant, & scoparios deputant.
- 40 Octauo Cardinales duos eligunt ad inquirendum & probandum qualitates conclauistarum.
- 41 Nono tres alios Cardinales præsiciunt custodia & curæ conclauis.

- 42 Decimo indulta Cardinalium, qui sacros Ordines non susceperint, disquirunt; destinantque cæmentarium & lignarium.
- 43 Undecimo ad clausuram conclavis ritu solenni procedunt, relectasque inibi constitutiones apostolicas iurant iterum observaturos, & concionem Decani audiunt.
- 44 Binos ex annorinis familiaribus conclavistas ducunt secum singuli Cardinales, tertius vix infirmis urgente necessitate indulgetur.
- 45 Præter alios plures communibus eorum commodis spiritualibus & corporeis inferuituros. Extrarius quilibet non nisi causa urgente ac nuxu maioris partis S. Collegii admittitur.
- 46 Cuilibet conclavistarum & servientium infirmitatis causa semel egresso redire in conclave non licet amplius.
- 47 Quis alius aliter introductus cum infamia expellitur, pœnasque multas luit.
- 48 Nequis in conclave clausus colloquium & commercium litterarum, nunciorum, signorum habeat cum extrariis, Præfecti clausuræ debent cum aliis executoribus curare.
- 49 Neque scrutinia quotidie bina exterius nunciari patiantur.
- 50 Nec moram cuiusque contiguam parietibus conclavis, nec foramina muris, parietibus, laquearibus.
- 51 Nec arma vel stemmata cuiuslibet Cardinalis alibi, quam in propria cuiusque cella, neque occupationem vacuarum cellarum.
- 52 In prandio & cæna Cardinalibus ferculum unum vel carnium vel piscium cum vno poragio & salsamentis, præter carnes salitas, herbas crudas, caseum, fructus seu dulciora quotidie nunc ita indulgetur, ut nemo in aliena cella, vel alterius ferculo vescatur.
- 53 In lectis dum quiescunt, simplices cortinas adhibent.
- 54 Electio Papæ rata erit, si primo etiam die in conclave clauso rite fiat secreto schedularum scrutinio, vel per unanimem compromissum, vel per inspirationem.
- 55 Vox electi per scrutinium vel accessum in duabus tertiiis partibus

ribus suffragiorum non numeratur.

- 56 *Publicari omnia suffragia semper oportet, & ea si duas tantum partes attigerint, schedulas tunc etiam aperiri.*
- 57 *Si duos paria suffragia duarum partium nominaverint, neutrius electionem concludunt: imparibus at suffragiis electus censetur, cui numerus maior suffragatur.*
- 58 *In quolibet scrutinio singuli Cardinales iurant idoneum electuros.*
- 59 *Schedula suffragiorum vel typis impressa, vel unius manu scripta continent in parte inferiori nomen eligentis sigillo calandum, in altera nomen electi duobus claudendum signis peculiaribus & diversis.*
- 60 *Hæc duo signa post perfectam scrutinio & accessu electionem referantur.*
- 61 *Si nulla scrutinii schedula præferat signa duobus signis scheda accessus aequalia, aut si quis ei, quem nominasset in scrutinio, accesserit: suffragium accessus nullum erit. Nomen eligentis nunquam, nisi ubi necessitas urgeat, resignatur.*
- 62 *Schedula scrutinii secreto conficiuntur in capella conclavis.*
- 63 *Quemadmodum & scheda accessus, quoties publicato scrutinio appareat electio duarum partium suffragiis non celebrata.*
- 64 *Suffragium, quo plures nominantur, nullum est.*
- 65 *Post singula scrutinia singuli fiunt accessus; at nemini licet recedere a nominatione alterius in scrutinio facta.*
- 66 *Siquando plures Cardinalibus præsentibus scheda vel scrutinii vel accessus fuerint, antequam aperiantur; numeranda: comburi cunctas oportet, iterumque suffragia inire.*
- 67 *Aliter his in rebus agentes excommunicationem ipso facto incurrunt.*
- 68 *Schedulam seu suffragium infirmi Cardinalis in cella ipsius rite confectam & obsignatam accipiunt tres Cardinales sorte delecti, atque ad scrutatores in capella deferunt.*
- 69 *Tres scrutatores, eorundemque ad infirmorum schedulas de-*
fe-

- ferendas deputari ante quodlibet scrutinium sorte extrahuntur, finitoque scrutinio & accessu palam schedula omnes comburuntur.
- 70 Bina singulis diebus scrutinia fiunt, alterum mane post solitam Missam, pomeridianis horis alterum, ter ante campanula de more pulsata.
- 71 Pactiones & promissiones qualibet Cardinalibus interdicta sub pena excommunicationis nullius momenti sunt.
- 72 Electio aliter facta quam in conclavi a duobus praesentium Cardinalium partibus per scrutinium vel accessum, aut per unanime omnium compromissum, aut per inspirationem una omnium voce, nullum omnino ius nominato quaerit.
- 83 Contra eiusmodi statuta nil agere S. Collegio quavis causa licet: eaque ut observentur adamussim, cura triumviris cum Camerario demandata est.
- 74 Partium studia, privata commoda, mundanos respectus procul esse ab electoribus oportet, Deum solum, & publicam ecclesiae utilitatem spectaturis.
- 75 Conclauistas pluribus gratiis & privilegiis remunerare Clemens VIII incipit.
- 76 Quae ad articulos decem rediguntur.
- 77 A Paulo V ampliata.
- 78 Plus etiam ab Urbano VIII.
- 79 Tum a Clemente XII.
- 80 Eaque ad dapiferos quoque extenderunt iidem Urbanus, & Clemens.

Inconstantia & mutabilitas temporis perinde Romanorum Pontificum, atque aliorum orbis antistitum inuasit electiones. Sanctos Linum, & Cletum seu Anacletum, ipse sibi diuus Petrus coadiutores adiciuisse fertur, illum intra urbem, hunc extra: praeterea diuum Clementem sibi successorem designasse. Clemens vero primum Lino post Petri martyrium, deinde Cleto (ambobus ab ecclesia proclamatis) inspirante Deo

Deo pontificatum vltro dimisisse, is ne futuris Pontificibus auctor designandi successoris esset exemplo, si vnus arbitrio decessoris tantam assumeret dignitatem: quam denique post vtriusque obitum votis ecclesiæ adeptus est (a). B. Cornelii Papæ electionem quemadmodum a clero, populoque Romano rite gestam tradit B. Cyprianus (b), schismaticam Nouatianæ ordinationem refellens: ita & aliorum quoque Pontificum fuisse martyrum auro celebratam ipse indicat. Posterioribus autem seculis populum & senatores, militesque vna cum clero eligendis Pontificibus adfuisse patefaciunt monumenta frequentiora.

II. Gothi Italiæ Reges adorti sunt electionibus eiusmodi se immiscere (c). Vices agens Regis Odoacris Basilius ad seditiones vitandas edixit postremo Simplicii Papæ anno, ne sine regia consultatione Papa eligeretur (d). Mortuoque Simplicio iam adfuit electioni Felicis III anno 483 vna cum Clero Basilius ipse, Præfectus Prætorio (e). Felicem IV, alias III Castorii filium, Rex Theodoricus anno 526 eligendum Romano senatui iussit (f) vel præuisas eliminandi gratia turbas, vel Odoacris exemplum sectandi ex coniectura Baronii. Atalaricus ad Ioannem II edictum dedit anno circiter 532, de electionibus episcoporum simoniacis & ambiciosius proscribendis, quod pertinuit nedum ad Romani Pontificis

(a) N. Alexand. in *hist. sec. I diff. 14 prop. 2.*

(b) *Can. sacelus est 5 C. VII qu. 1, ex ep. ad Antonianum in superiori lit. XIX laudata num. 5 lit. a.*

(c) Grotius in *prolegom. ad hist. Gothor.* fert, quod Reges Gothorum quum catholici tum Arianæ semper episcoporum electiones in sua potestate habuerunt: Id autem in huius regni Neapolitani prouinciis non usurparum obseruat Petr. Giannone *lib. 3 hist. ciu. cap. 6 §. 2*, præterquam ius ab Imp. Orientis & Occidentis ea in re exercitum.

(d) Id Basilium edixisse admonitione beatissimi Papæ Simplicii, Gratianus habet in *can. bene quidem 1 dist. 96*. At vero talem admonitionem a schismaticis, qui Symmachi electionem turbauerunt, consistam putat Baronius in *annal.*

(e) Conc. Roman. sub Symmacho *can. 12.*

(f) Apud Cassiodorum *lib. 8 ep. 15*, Atalaricus Rex Senatui Romano scribens gratulatur eum auro suo Theodorico obsequutum in electione summi Sacerdotis fuisse.

fici electionem, sed etiam ad vniuersos patriarchas ac metropolitanas ecclesias (a). Idemque Ioannes II studium Iustiniani Imp. in rebus ecclesiasticæ disciplinæ collaudasse fertur (b). Iussione Belisarii seu verius Theodoræ Augustæ intrusus uiuente adhuc Papa Siluerio Vigilus denuo electus eo defuncto est (c).

III. Istiusmodi præludia necessitatem regii vel imperialis assensus inuexerunt, sine quo nec munus consecrationis, neque Sedis possessionem obtinebant electi. Pelagius II propter obfessam a Langobardis urbem anno 578 vix consecratus non expectata Imperatoris Tib. Constantini iussione (d). At diuus Gregorius M. Pelagii successor pontificiam cathedram nonnisi post Imp. Mauriti adfensum ascendit anno 590, quem Præfectus vrbis more antiquissimo postulauit, interceptis ipsius Gregorii litteris Cæsarem enixe exorantis, ipsum vt tanto eximeret onere, electionemque dissenso suo faceret irritam (e).

IV. Ad Principis assensum accessit grauis indictio termillium auri solidorum, quos nedum Gothis Regibus, sed Græcis etiam Imperatoribus persolvere ante consecrationem suam adigebantur electi Pontifices (f), quoadusque Imp. Constantinus Pogonatus exactionem adeo turpem omnino aboleuit anno 681 (g): saluo tamen Curia imperialis adfensu, quem electi debuerunt ante consecrationis munus postulare. Idemque postremo imperii sui anno 684 indulgit clero, populo & exercitui Romano, vt Pontifex ab eis electus illico sine impe-

(a). Ex Cassiodoro *lib. 9 cap. 15.*

(b). *Io. II ep. ad Imp. Iustinianum in l. inter claras 8 C. de sum. Trinit. Et fid. cathol.* At dubitant de huius epistolæ veritate Hotmann. *lib. 1 obs. 7 cap. 2*, Alciat. *lib. 5 cap. 23*, & Cuiac. *obs. 32. cap. 26*. Fachineus eam putat genuinam *lib. 8 contr. cap. 1.*

(c). Liberatus in *breviar. cap. 22*, Murat. *annal. to. 6 ad an. 537, & 538.*

(d). Anastasius in *vita Pelagii II.*

(e). *Io. Diaconus in vita S. Greg. lib. 1. cap. 40.*

(f). *Can. Agatha 21, Et can. quia 28 dist. 63.*

(g). Anastas. *bibliothec. in Agathone.*

periali assensu consecraretur, ne vacatio ecclesiæ fieret diuturnior. Verum paullo post anno 686 Exarchis Italiæ facultatem pro imperiali Curia electionibus summorum Pontificum assentiendi demandavit Iustinianus II Imperator, reuocato patris sui iululto; eaque illos exinde vsos, obseruat cum Baronio Muratorius (a), ostenditque liber diurnus Romanorum Pontificum (b).

V. Frequentes hinc eligentium turbæ, hinc explorata Principum religio in causa fuere, vt Pontifices ipsi aliquando piissimis Imperatoribus vel electionem vel electionis confirmationem vltro concederent. Hadrianus I ex communi sententia synodi Lateranensis ineunte IX seculo potestatem eligendi Pontificem & apostolicam ordinandi Sedem Carolo M. contradidit (c). Sed Ludouicus I Caroli M. filius se omni iure in electione Pontificis Romani exuens indulgit, vt omnes Romani concorditer eam celebrarent, electusque more canonico consecraretur exemplo (d). Idipsum pactis conuentis firmarunt cum Leone IV Lotharius & Ludouicus Augusti (e). Inde Hadrianus II electus est, Missis Ludouici II Imperatoris, qui præsentem in vrbe aderant, nequaquam inuitatis (f). Stephanus VI, vel Ioannes IX exeunte seculo IX antiquum morem, qui desuerat, in vsum reuocauit quum assensus imperialis, tum pecuniæ soluendæ ante consecrationem (g), vt

Tom. I.

Q q

vio-

(a) To. 4. annal. Ital. ad an. 686.

(b) Ab Io. Garnerio Soc. Iesu editus, in cuius libri cap. 2 tit. 4 extant formulæ epistolæ de electione Pontificis ad Exarchum.

(c) Can. Hadrianus 22 dist. 63.

(d) Can. ego Ludouicus 30 dist. 63.

(e) Can. inter nos 31 ead. dist.

(f) Can. cum Hadrianus 29 ead. dist.

(g) Can. quia sancta 28 dist. 63. Canonem hunc Stephano Papæ inseribit Gratianus. Baronius ad annum 816 eundem referens tribuit Stephano IV Pagius Stephano VI, qui sedere cepit anno 897. Quia sancta Romana ecclesia (sunt canonis verba) a pluribus patitur violentis Pontifice obeunte, quæ ab hoc inferuntur, quia absque imperiali notitia Pontificis fit consecratio; nec canonico ritu & consuetudine ab Imperatore directi intersunt nuntii, qui scandala fieri verent: volumus vt cum instituendus est Pontifex, conuenientibus episcopis & vniuerso clero eligatur, præsentem Senatu & populo, qui ordinandus est: & sic ab omnibus electus præsentibus legatis imperialibus consecratur; mul.

Azonem protoarchiuiſtam & Marinum episcopum Sutrinum pro eo, quem vellet Imperator, instituendo Romano Pontifice: iisque regressis tunc ab omni plebe Romana Ioannes XIII Narnienſis episcopus eligitur, Sedique apoſtolice Pontifex inſtituitur, anno 967, ait continuator Reginonis in *chronico* (a). Tum anno 984 archicancellarius Othonis Imp. episcopus Parisienſis electus est Ioannes XIV. Dein placuit eidem Othoni conſanguineum ſuum Brunonem, qui fuit Gregorius V, ad ſummum pontificatum promouere anno 996, eiſque pariter ſucceſſorem anno 999 Silueſtrum II, præceptorem ſuum, qui dicebatur antea Girbertus archiep. Remenſis (b).

VI. Seculo XI vt Cardinalium electio præualuit, ita decreſcere aſſenſus imperialis auctoritas viſa eſt. Nicolaus II anno 1059 in concilio Lateranenſi (c) eligendum decreuit Pontificem ſu vrbe Roma a Cardinalibus principaliter, tum a reliquo clero & populo, ſaluo (ait) debito honore & reuerentia dilecti filii noſtri Henrici (Regis tunc IV, poſtea Imp. III) ſicut iam ſibi conceſſimus & ſucceſſoribus illius, qui ab apoſtolica Sede eius perſonaliter hoc ius impetrauerint. Verum poſt Nicolai obitum Alexander II inſcio Henrico Romanorum Rege electus & conſecratus eſt, quum ægre tuſſent Cardinales, inter quos celeberrimus Ildebrandus, ſuum ipſorum nuntium ab Rege ſpretum. Exinde ad hæc uſque tempora prætermiſſus omnino eſt regius, imperialiſque aſſenſus quum in eligendis, tum conſecrandis Pontificibus (d).

VII. Supremi tamen Principes, quos ſibi inſenſos ex Cardinalibus habeant, ſacro denunciare nunc ſolent Collegio ipſorum, ſuntque ita impedimento, quominus ii eligantur in Pontificem. De *regiarum excluſionum*, quas vocant, vi & iure diſceptatum acerrime inter Cardinales de Lugo, & Albitium. Eas hic reſellere ideo ſtudit, quod libertati eligentium ad-

Qq 2

uer-

(a) Id etiam enarrat N. Alexander loc. cit. art. 22.

(b) Idem loc. cit. art. 26.

(c) Can. in nomine 1 diſt. 23, Labbè eodem to. 9 concil. pag. 1099, Murat. to. 6 annal. ad. an. 1059.

(d) Murat. ibidem ad an. 1061.

uerfari putaret, iniuriam facere dignioribus eligendis, exclusorum famam lædere, laicaque Potestatis arbitrio rem ecclesiasticam subiicere. Contra earum ille propugnator existimauit e vetusto populi iure eas ipsas profluere, sacrisque non repugnare canonibus: quum nec electoribus libertatem adimant, neque irritam faciant electionem exclusi; sed solummodo electores præmoneant procellas ex discordia Pontificis infensi cum Regibus futuras. Addit ius priuatorum, qui excluduntur, non modo incertum, futurumque, sed certum etiam & quæsitum debere publico pacis bono cedere; sola Principis suspicione, odioque famam non maculari eorum, qui virtutibus reapse præfulgeant; tandem brachiis Principum secularium propitiis communiri aduersus schismata Romanam ecclesiam. Quicquid sit de hoc iure, quod doctiores definiant, sacrum Collegium re quidem ipsa consuevit hætenus regiis exclusionibus deferre.

VIII. S. R. E. Cardinalibus prærogatiuam eligendi Pontificem quum concessisset anno 1049 Nicolaus II in prælaudata synodo Lateranensi, & vix consensum nouæ electioni accessurum reliquis de clero & populo reseruasset (a): mox Alexander III in synodo Lateranensi III anno 1179 speciatim statuit duabus partibus Cardinalium concordibus electionem perfici, electumque sine vlla exceptione ab vniuersa ecclesia Romanum Pontificem, spreto tertiæ partis dissensu, habendum esse (b): eorum scilicet, qui vna præsentem in conclaui adsint.

IX. Absentes a conclaue nullum suffragii ius habere in electione.

(a) *Can. in nomine Domini 1 dist. 23. Obeunte Romana vniuersalis ecclesia Pontifice in primis (Nicolaus decreuit) Cardinales episcopi diligentissime simul de electione tractantes, mox Christi clericos Cardinales adhibeant: sicque reliquus clerus & populus ad consensum nouæ electionis accedat. Et ideo religiosissimi viri præduces sint in promouenda Pontificis electione; reliqui autem sequaces. Idem habetur ex epistola synodica eiusdem Nic. II in can. si quis 1. dist. 79.*

(b) *Cap. licet 6 de electione. Antea Symmachus Papa in synodo Romano anno 499 decreuerat, vt vinceret sententia plurimorum, vbi dissidia essent in votis eligentium, can. si transitus 10 dist. 79.*

electione Pontificis, patet ex Gregorii V (a), aliorumque Pontificum constitutionibus. Nequis vero Cardinalium prætextu cuiuslibet excommunicationis, suspensionis interdicti a noui Pontificis electione vnquam excluderetur, Clemens V decreuit in concilio Viennensi (b). Pius IV, ne dissensionis occasio, ait, aut schismatis oriatur: volumus excommunicationum & aliarum quaruncunque censurarum prætextu, Cardinales a Pontificis electione actiua vel passiuâ excludi nullo modo posse; quas quidem excommunicationes & censuras ad electionis effectum tantum (illis alias in suo robore permansuris) suspensiones esse volumus & declaramus. Decernentes quoque excommunicationes & censuras ipsas eum solum afficere, qui deliquerit; non autem alios conclauis durante cum eo conuersantes (c). Idipsum iisdem verbis firmavit & constituit Gregorius XV (d). Siquis vero Cardinalium in *diaconatus ordine* saltem constitutus non sit, eum nullatenus ad eligendum admitti, Pius IV decreuit (e). Creatis in secreto concistorio Cardinalibus, quoadusque insignia consueta, præsentés nimirum in Curia rubrum galerum, tituli assignationem, annulumque digito immissum, absentes vero missum a Pontifice galerum, rite acciperent, aut saltem in generali concistorio pronunciarentur, nullum ius nec titulum nec nomen huiusce dignitatis quæsitum esse; nec vocem actiuam vel passiuam in electione Romani Pontificis, nisi ei os apertum antea fuerit in generali concistorio, statuit Eugenius IV (f). At S. Pius V fertur die 26 Ianuarii 1571 decreuisse, Cardinales, etiam si galerus ipsis non traditus, neque clausum os eis apertum rite sit, vocem in eligendo Pontifice habere.

X. Non alio ex ordine, nisi ex sanctæ Romanæ eccle-

(a) Greg. X in cap. ubi periculum 3 de elect. in 6.

(b) Clementina ne Romani 2 de electione.

(c) Pius IV in const. in eligendis 63 §. 29, to. 1 Bullarii.

(d) Greg. XV in const. æterni Patris 13 §. 22, to. 3 Bullarii.

(e) Pius IV loc. cit. §. 25.

(f) Eug. IV in const. in eminenti 1 to. 1 Bull.

clesiæ Cardinalibus etiam presbyteris aut diaconis ad supremum Pontificatus culmen esse promouendos, decreuit Stephanus III (a). Nicolaus II itidem de ipsius ecclesiæ gremio, vel ex alia, nisi in ea reperiantur idonei, assumendos constituit (b). Per multos vero extra ordinem Cardinalium, Clerique Romani aliunde ad diui Petri solium nedum antea actis, sed subsecutis etiam seculis adscitos monent res gestæ (c) usque ad Vrbanum VI anno 1378, quo ex tempore Papalis dignitas sacrum S. R. E. Card. Collegium non est amplius egressa. Xyltus V hoc de iure longævis moribus firmato, ait. *Quum ex eorum corpore, numero & Collegio ille ipse, qui cunctis pastoribus est præsciendus, ac totius dominici gregis curam habiturus, summus Pontifex deligatur, iidemque illum suis suffragiis creent, qui tunc demum publico bono christiani populi optimus sine ulla dubitatione existet, si e numero & suffragiis bonorum deligetur: in hac sacra electione censendi sunt veri interpretes atque internuntii voluntatis Dei, cuius spiritu sicut uniuersum ecclesiæ corpus sanctificatur & regitur, ita maxime hoc totum huiusmodi electionis opus ejusdem afflatu & instinctu absolui certissimum est atque omnibus exploratum, ut vel*

en

(a) In Romana synodo anno 769 aet. 3, in can. 3, 4, & 5 dist. 79.

(b) In eis. can. 1 dist. 23.

(c) Ut vetustiores ante Constantini M. imperium sitam, ex Græcis electi sunt Zosimus anno 417, Theodorus I anno 642, Ioannes VI anno 691, Ioannes VII anno 705, Zacharias anno 741. Ex Dalmatiis Ioannes IV anno 640. Ex Syris Ioannes V anno 685, Sergius I anno 587, Sisinnius, & Constantinus anno 708, Gregorius III anno 731. Ex Afriis Melchiodorus anno 311. Gelasius I anno 492. Ex Thracibus Couon anno 686. Ex Sardis Hilarius anno 461, & Symmachus anno 498. Ex Hispanis, Gallis, Germanis, & Italis multo plures: qui decretum Stephani III de Romano præferendo clero præcesserunt. Eo deinde, spreto creati sunt Gregorius V, Otho III Imp. capellanus anno 996. Siluester II archiep. Rhemenfis anno 999. Clemens II episc. Bambergensis anno 1046. Damasus II ep. Brixientis anno 1048. Leo IX Tulli Leucorum ep. anno 1049. Victor II ep. Eistatensis anno 1054. Nicolaus II ep. Florentinus anno 1058. Alexander II ep. Lucensis anno 1061. Calistus II arch. Viennensis anno 1119. Vrbanus IV Patriarcha Hierosol. anno 1261. Gregorius X archidiaconus Leodiensis anno 1271. Celestius V eremita anno 1294. Clemens V archiep. Burdigalensis anno 1305. Vrbanus V abbas S. Victoris Massiliæ anno 1362. Postremo Vrbanus VI archiep. Bariensis anno 1378.

ex hoc ipso perspicui possit, quanta in eis requiratur puritas & sinceritas ab omni carnis affectu, priuatorum commodorum cura & factionum studiis aliena, quorum pectora & voces sempla & organa futura sint Spiritus S. & ex quibus quasi seminibus is sit proditurus, in quem totius apostolicæ potestatis plenitudo Deo annuente merito conferatur (a).

XI. Quæ de ætate, ac ceteris episcoporum qualitatibus cauerunt canones (b), ea vel maxime oportet in eligendis diui Petri successoribus requirere. Tristis attamen erit cuius cordato viro recordatio Benedicti IX, Ioannis XI, & XII, quorum primus ferme decennis adolescens, alter annos viginquatuor, tertius vix octodecim natus, turbulentis sunt electionibus ad supremam elati Sedem. Alios a moribus apostolicis degeneres seculo præsertim decimo, quem merito plumbeum appellant, satius erit silentio præterire. Dubitatum e rebus gestis aliquando est, an laicus in Pontificem eligatur valide? Ob pseudo Constantinum II, & pseudo Leonem VIII, ecclesiæ Romanæ protoscriniarum, quos adhuc laicos schismatici antipapas creauere. II, an vxoratus? ob Petrum de Corbario, pseudo Nicolaum V, qui vxore inuita ad Ordinem Minorum Conuentualium quum transuisset, ab ea repetitus tempore dignitatis antipapalis vt ad coniugium rediret, rite damnatus est sententia Reatini episcopi. Vxoribus tamen vita functis fuisse ad Papatum promotos S. Fabianum, Hormisdam, Felicem III, Clementem IV ferunt scriptores. III, an natu minor? ob electiones Benedicti IV, Ioannis XI, & XII paulo ante memoratas. IV, an possit compromissarius elector semetipsum eligere? adhuc quærent ii, qui id putant contigisse in creatione Ioannis XXII (c): quod inficiantur alii (d). Hæc, aliasque id genus quæstiones, quas vsus facit

(a) Xystus V in in consti. postquam verus 50 §. 2 to. 2 Bullarii.

(b) Apud Gratianum dist. 23, 25, 26, 34, 35, 36, 39 ad 49, & 81, cap. cum in cunctis 7 de elect. & alibi sparsim.

(c) S. Antonin. par. 3 chronica tit. 23 cap. 3, Io. Villani lib. 9 cap. 79.

(d) N. Alexander in hist. sec. XIII, & XII art. 3 de lo. XXII.

cit inanes, missas facio libenter.

XII. Id tamen obseruare par est, electionem semel rite factam concordibus suffragiis partis olim maioris, nunc duarum ex tribus partium adeo validam esse immotamque, vt nullo vnquam pacto nec irritari possit, neque infirmari. Electus sane quum nullius indigeat confirmatione superioris, nullumque metropolitanum super se habeat (a); statim a Deo pontificiam ipso iure adipiscitur potestatem regendi ecclesiam vniuersam, antequam in throno iuxta consuetudinem tiara coronetur (b): & absque ulla exceptione Romanus Pontifex habendus est (c). Quique in eum insurgere sunt ausi, vt vel electionem vitio intringerent, vel electum personalibus exceptionibus per manifestam fere calumniam obiectis deturbarent, execrabilem schismatis vel hæresis notam subiuerunt. Hinc deplorat adhuc ecclesia catholica triginta quinque & amplius antipapas, pseudoque Pontifices, qui eam a primo Nouatiani schismate vsque ad postremum Amadæi Sabaudæ Ducis, pseudo Felicis V, turbarunt miserrime (d).

XIII.

(a) Nic. I in can. i dist. 23, monet Cardinales episcopos metropolitani vice proculdubio in consecrando solum summo Pontifice fungi, qui nullum supra se metropolitanum habet.

(b) Idem Nic. I ibidem. *Postquam electio, ait, fuerit facta, si . . . is, qui electus est, in apostolica Sede iuxta consuetudinem intronizari non valeat, electus tamen, sicut verus Papa obtineat auctoritatem regendi Romanam ecclesiam, & disponendi omnes facultates illius: quod B. Gregorium ante suam consecrationem fecisse cognouimus.*

(c) Ex Conc. Lateran. III sub Alex. III in cap. licet 6 de electione.

(d) Vna ex causis hinc emergit, quæ nos, quot numerentur legitimi Pontifices, faciunt incertos; Antipapartum scilicet inter eos insertio ob manifestum aliquando errorem, quandoque ob rei gestæ obscuritatem. Puta Anacleti II, Benedicti X, & XIII, Bonifacii VI, & VII; Calixti III, Clementis III, VII, & VIII, Constantini II, Felicis II, & V, Greg. VI, Honorii II, Ioannis VIII, XVI, & XX, Leonis VIII, Paschalis I, & III, Sergii III, Siluestri III, Theodori II, Victoris IV, & V; ceterorum eiusdem notæ. Altera causa incertum faciens numerum est controuersa priorum Pontificum successio & chronologia. Nonnulli porro cum Pagiis, auctorem libri de vitis Pontificum S. Damaso inscripti sequentes, duos, non vnum fuisse Cletum & Anacletum, illamque Lino, hanc Clementi subrogatum opinantur. Alii

XIII. Si electores aut electus crimen simoniæ admiserint: electionem ipso facto nullam, in electumque vti hæreticum agi posse declaravit Iulius II (a). Defectus alii nullitatem liberæ electionis inferre non videntur.

Tom.I.

R r

XIV.

Alii vnum duplici nuncupatum nomine tenent, scilicet Cletum a S. Irenæo, Tertulliano, Eusebio, & sanctis Epiphanio & Hieronymo: Anacletum a sanctis Cypriano, Optato Milucitano, & Augustino. Accedit tertio præmatura mors nonnullorum, qui aliquibus visi sunt Sedem non obtinuisse pontificiam, quod eam vel eodem electionis die vacuam, vti Gregorius XI; vel paucos post dies reliquerunt, vti Stephanus II post triduum defunctus. Quarto, affinitas nominum inter Marinos duos, pluresque Martinos, ab aliis distinctos, ab aliis autem confusos.

(a) In const. cum tam diuino 3, edita 19. cal. Febr. 1505, quam confirmavit synodus Lateranensis ab eodem Iulio II celebrata die 16. Febr. 1512, to. 1 Bullarii. Si quod Deus auriat, Iulias ait, contigerit electionem Romani Pontificis . . . per simoniacam hæresim in dando, promittendo vel recipiendo pecunias, bona cuiusque generis, castra, officia vel beneficia, seu promissiones & obligationes commissam, per se vel alium seu alios quomodocunque & qualitercunque etiam in duarum partium vel omnium Cardinalium unanimi concordia quomodolibet, etiam per viam assumptionis unanimiter, nemine etiam discrepante: siue electio vel assumptio eo ipso nulla existat, & nullam eidem sic electo vel assumpto administrandi in spiritualibus & temporalibus facultatem tribuat; sed etiam contra dictum sic electum vel assumptum de simoniaca labe a quocunque Cardinale, qui eidem electioni interfuerit, opponi & excipi possit, sicut de vera & indubitata hæresi, ita quod a nullo pro Romano Pontifice habeatur. Quinimo ipse sic electus a priori suo Cardinalatus & alio quocunque honore, ecclesiis cathedralibus etiam metropolitanis & patriarchalibus, monasteriis, dignitatibus & aliis quibuscunque beneficiis & pensionibus, que tum obtinebat in titulum vel in commendam aut alias quomodocunque, eo ipso absque alia declaratione priuatus existat; & idem electus non apostolicus, sed apostolicus, & tanquam simoniacus & hæresiarcha, & ad prædicta omnia & singula perpetuo inhabilis habeatur & sit. 2, nec huiusmodi simoniaca electio per subsequentem ipsius intronizationem seu temporis cursum, aut etiam omnium Cardinalium adorationem seu obedientiam vilo inquam tempore conualescat. 3, liceatque omnibus & singulis Cardinalibus etiam illis, qui hanc simoniacæ electioni seu assumptioni consenserint, etiam post intronizationem & adorationem seu obedientiam, ac etiam vniuerso clero & populo Romano, nec non subditis & S. Angeli de urbe ac quarumvis aliarum Romanæ ecclesiæ arcium prefectis, castellanis, capitaneis & aliis officialibus quocunque homagio seu iuramento vel cautione præstitis non obstantibus a talis electi etiam intronizati obedientia & deuotione impune & quandocunque discedere (ipsis fidei Romanæ ecclesiæ & obedientiæ futuri R. Pontificis canonice intrantis nihilominus adstrictis permanentibus) & eum ut magum, ethnicum, publi-

XIV. Contra ambientes Papatum, aut Papa viuentem, eoque inconsulto tractantes de eligendo futuro Pontifice, eorumque complices & fautores Paulus IV primum innouat omnes & singulas censuras & poenas a Romanis Pontificibus, sacris conciliis, & sanctorum Patrum decretis sancitas, atque in usum reuocat. Mox omnes & singulos quauis dignitate etiam cardinalitia praeditos, qui per se vel alios Romano Pontifice viuentem & inconsulto tractauerint de futuro Pontifice eligendo, ipso iure ipsoque facto excommunicationem Romano tantum Pontifici referuatam incurrere sanxit, priuationem beneficiorum, officiorumque, simul & iacturam vocis actiuae ac passivae, perpetuamque infamiam. Complices iisdem poenis obnoxios declarat, reuelantibus autem quamuis complicitibus veniam & praemia pollicetur (a).

XV.

blicanum, haereticam evitare. 4, ad cuius quoque confusionem possint Cardinales, qui praefata electioni se opponere voluerint, si praesumpserit se de regimine vniuersalis ecclesiae praetextu talis electionis ingerere, auxilium brachii secularis contra eum implorare. Nec tales ab eius obedientia discedentes tanquam tunica Domini scissores aliquarum propter dictum discessum panarum, seu censurarum pulsioni subiacent. 5, & 6 poenas eligentium simoniace et complicitum innouat et ampliat. 7, promissiones quoque & obligationes siue sponiones propterea quodcumque etiam ante tempus dictae electionis & extra personas Cardinalium per quoscumque alios quomodoocumque factae cum quavis solemnitate & forma etiam iurata, conditionales, siue eventuales & in forma excommittaturum ex quacumque causa etiam depositi, mutui, cambii, confessionis de receptis, donationis, arrendamenti, vel venditionis, permutationis, vel alterius cuiuscumque contractus etiam in ampliori forma Camerae apostolicae factae, sint nullae & inuolidae & ad agendum inefficaces, nullus illarum vigore cogi vel constringi possit in iudicio vel extra, liceantque omnibus ab illis impune absque aliquo metu siue periculi nota recedere. (Idipsum firmat Pius IV in const. in eligendis 63 §. 35). 8, & insuper liceat Cardinalibus, qui electioni praedictae simoniace intersuerint, & a praefato sic electo discesserint, adhibitis secum aliis Cardinalibus, qui huiusmodi simoniace electioni consenserunt, & postea eisdem Cardinalibus in dicta simonia non complicitibus se vniuerint, si secum eisdem vire voluerint, alioquin sine eis ad aliterius Pontificis electionem non expedita alia sententia declaratoria simoniace electionis huiusmodi, eadem tamen praesente nostra constitutione semper in suorum vigore permanente, libere alias tamen canonice deuenire; & concilium etiam generale indicere & conuocare in loco idoneo, prout eis videbitur expedire. Haec verba Julii II constituto.

(a) Paulus IV in const. cum secundum 16, die 16 Dec. 1558, to. 1 Bull.

XV. In vrbe faciendam electionem præmonuit idem Nicolaus II; alio autem in loco congruo vix permisit, dum pravi & iniqui homines, quominus rite, canoniceque in vrbe heret, essent impedimento (a). Hinc defuncto Salerni B. Gregorio VII, anno 1085, Desiderius Abbas Casinensis iam Cardinalis in vrbe Roma electus Pontifex a sacro Cardinalium collegio, & Victor III appellatus, mox dignitatem diu recusatam quum in synodo Capuana anno 1087 suo ipsius consensu firmasset, consecratus Romæ inde fuit subsecuta post Ascensionem Dominica (b). Sed Gregorius X in concilio Lugdunensi II anno 1274 sanxit (c), vt in ipsa ciuitate, intra cuius territorium, puta diocesim, mors Pontificis acciderit; aut si ea vel interdicta vel Romanæ ecclesiæ sit aperte rebellis, in alia viciniori Cardinales præsentis, postquam absentes decem dies expectauerint, in vnum conclaue vndique clausum conueniant, singuli singulis tantummodo seruientibus clericis vel laicis contenti, nisi cui patens necessitas duos indulgeri suaserit; ibique simul inhabitent, donec nouum elegerint Pontificem: saluo tam absentibus iure ingrediendi conclaue post decem dies re integra, quam egressi redeundi, iique omnes extra conclaue nullum ius habeant suffragii. Profecto mortem Neapoli quum obiuisset mense Decembris 1253 Innocentius IV Corradini Regis pupilli tutor, Cardinales in hac ipsa vrbe clausuram conclauis ingressi Alexandrum IV die 21 eiusdem mensis rite iam elegerant (d). Cumque S. Cœlestinus V summo pontificatu se abdicasset heic Neapoli die 13 Decembris 1294, præsentis iterum in hac metropoli Cardinales Bonifacium VIII canonica electione subro-

R r 2

ga-

(a) Nicol. II *can. 2 dist. 23. Si fieri in vrbe non possit electio*, ait, Cardinales episcopi cum religiosis clericis, catholicisque laicis licet paucis ius potestatis obtineant eligere apostolica Sedis Pontificem, ubi congreui viderint.

(b) Ex Leone Ostiensi lib. 3 *chronici Casinensis*.

(c) *Cap. ubi periculum 3 de elect. in 6.*

(d) Raynald. in *annal. eccles. ad an. 1254*, Murator. in *annal. Ital. ad eundem annum*.

garunt die 24 eiusdem mensis, dehinc Romam, inuito licet Carolo Andegauensi celeriter profectum, inibi coronarunt (a). Quoad Romana Sedes apostolica in Gallias a Clemente V translata inibi stetit (b): eo ibidem defuncto Ioannes XXII Lugduni, eiusque successores Benedictus XII, Clemens VI, Innocentius VI, Urbanus V, & Gregorius XI Avenione electi a Cardinalibus fuere. Tum Alexandro V e viuis sublato Bononiæ anno 1410, ibidem Ioannes XXIII, antea Balthasar Cossa, electus est (c).

XVI. Itaque primam de conclaue intra defuncti Pontificis palatium erigendo legem tulit Gregorius X in Lugdunensi concilio in quindecim articulos distributam. Nam statuit primo, *ut si Pontificem in ciuitate, in qua cum sua curia residebat, diem claudere contingat extremum: Cardinales, qui fuerint in ciuitate ipsa praesentes, absentes expectare decem diebus tantummodo teneantur: quibus elapsis, siue absentes uenerint siue non, ex tunc omnes conueniant in palatio, in quo idem Pontifex habitabat: contenti singuli singulis tantummodo seruientibus clericis vel laicis, prout duxerint intelligendum. Illis tamen, quibus patens necessitas id suggerit indulgeri, duos habere permittimus, eisdem electionis arbitrio reservato. 2. In eodem autem palatio vnum conclaue nullo intermedio pariete, seu alio velamine omnes inhabitent in communi: quod (reservato libero ad secretam cameram aditu) ita claudatur undique, ut nullus illud intrare valeat vel exire. 3. Nulli ad eosdem Cardinales aditus pateat vel facultas secreta loquendi cum eis; nec ipsi aliquos ad se venientes admittant, nisi eos, qui de voluntate omnium Cardinalium inibi praesentium, pro his tan-*
rum,

(a) N. Alexander in *hist. sec. XIII* cap. 1 art. 14.

(b) *Ubiq; occurrit habitatio vestra*, ad Innocentium II scripsit Petrus Cluniacensis, *manebit ubiq; vobiscum obedientia & deuotio vestra. Quoniam & secundum poëtam: Veios habitante Camillo, illic Roma fuit. Et Petrus in carcere, Clemens in exilio, Marcellus in catabulo ecclesia praesuerunt, & uos Christi eis ut veris pastoribus obediuerunt.*

(c) Murator. *loc. cit.* ad an. 1410.

sum, quæ ad electionis instantis negotium pertinent, vocarentur. Nulli etiam fas sit, ipsis Cardinalibus, vel eorum alicui nuncium mittere vel scripturam. Qui vero contra fecerit, scripturam mittendo, vel nuncium, aut cum aliquo ipsorum secreta loquendo: ipso facto sententiam excommunicationis incurrat. 4. In conclaui tamen prædicto aliqua fenestra competens dimittatur, per quam eisdem Cardinalibus ad victum commodè necessaria ministrentur; sed per eam nulli ad ipsos patere possit ingressus. 5. Verum si infra tres dies, postquam conclave præfatum iidem Cardinales intraverint, non fuerint ipsi ecclesiæ de pastore prouisum: per spatium quinque dierum immediate sequentium, singulis diebus tam in prandio quam in cena, vno solo ferculo sint contenti; quibus (prouisione non facta) detursum, ex tunc tantummodo panis, vinum & aqua ministrentur eisdem, donec eadem prouiso subsequatur. 6. Prouisionis quoque huiusmodi pendente negotio, dicti Cardinales nihil de Camera Papæ recipiant, nec de aliis eidem ecclesiæ tempore vacationis obuenientibus undecunque: sed ea omnia ipsa vacatione durante sub eius, cuius fidei & diligentia Camera eadem est commissa, custodia maneant; per eum dispositioni futuri Pontificis reservanda. Qui autem aliquid acceperint, teneantur ex tunc a receptione quorumlibet reddituum ad eos spectantium abstinere, donec receptis taliter plenariam satisfactionem impendant. 7. Iidem quoque Cardinales accelerandæ prouisioni sic vacent attentius, quod se nequaquam de alio negotio intromittant, nisi forsan necessitas adeoürgens incideret, quod eas oporteret de terra ipsius ecclesiæ defendenda, vel eius parte aliqua prouidere: vel nisi aliquod tam grande & tam euident periculum immineret, quod omnibus & singulis Cardinalibus præsentibus concorditer videretur illi celeriter occurrendum. 8. Sane si aliquis ex prædictis Cardinalibus conclave prædictum non intraverit, aut intrans absque manifesta causa infirmitatis exierit; ipso minime requisito, nec in eiusdem electionis negotio ulterius admittendo, per alios ad eligendum summum Pontificem libere procedatur.

Si

Si vero infirmitate superueniente, idem conclave ex eis aliquem exire contingat : ipsa etiam infirmitate durante, poterit eius suffragio non requisito ad electionem procedi : sed si ad alios post sanitatem sibi redditam seu ante redire voluerit ; vel etiam si alii absentes, quos per decem dies diximus expectandos, superuenerint : re integra, videlicet antequam eidem ecclesie sit de pastore prouisum, in eodem negotio in illo statu, in quo ipsum inuenerint, admittantur ; præmissa tam de clausura, quam de seruientibus, cibo ac potu & reliquis, cum aliis seruaturi. 9. Extra ciuitatem, in qua cum sua Curia residebat, obeunte Pontifice : Cardinales tunc in ea vrbe, in cuius territorio vel districtu mors eius contingeret, conuenturos esse in vnum pariter conclave ad eligendum successorem ; vel in alia vicino-ri, ea si forsan interdicta vel rebellis foret. 10. *Vt domini*, alique rectores & officiales ciuitatis illius, in qua Romani Pontificis electio fuerit celebranda, præmissa omnia & singula plene ac inuiolabiliter sine fraude ac dolo aliquo faciant obseruari. 11. Super his autem taliter obseruandis statim audito summi Pontificis obitu, coram clero & populo vniuerso ciuitatis ipsius ad hoc specialiter conuocandis, præstent corporaliter iuramentum. 12. Qui præmissa diligenter non obseruauerint, aut fraudem in eis vel circa ea commiserint ; cuiuscunque sint præminentie, conditionis aut status, omni cessante priuilegio, eo ipso sententiam excommunicationis incurrant, & perpetuo sint infames, feuda insuper ac bona ecclesiastica ipso facto amittant, ciuitas autem remaneat interdicta ; & pontificali dignitate priuata. 13. Hortatur Cardinales ad priuatos affectus in ea electione deponendum, publicæ duntaxat vtilitati prospecturos in eligendo celeriter idoneo Pontifice. 14. *Pactiones, conuentiones, obligationes, condictiones & intendimenta omnia* iuramento etiam firmata viribus omnino carere decreuit, laudemque potius, quam violatæ fidei maculam promerituros, qui ea non seruauerint. 15. Tandem edixit ut in omnibus ciuitatibus, ceterisque locis insignibus exequiæ solennes audita Pontificis morte pera-

peragantur a clero & populo; & quotidie preces ad Deum fundantur pro celere, concorde & proficua noui Pontificis electione: quas prælati ecclesiarum studeant concionibus etiam suis excitare cum indictione ieiuniorum (a).

XVII. Clemens V in concilio Viennensi (b) primum damnauit opinionem eorum, qui putabant constitutionem Gregorii X posse per cæsum Cardinalium S. R. E. modificari, corrigi vel immutari, aut quicquam ei detrabi sue addi vel dispensari quomodolibet circa ipsam, aut eidem renuntiari per eum, tamquam veritati non consonam: irritumque fore decreuit, quicquid cætus ipse Cardinalium exerceret potestatis aut iurisdictionis ad Romanum, dum uiuit, Pontificem pertinentis; nisi quatenus in constitutione prædicta permittitur. 2. Noluit per obitum Pontificis expirare officium Camerarii S. R. E. nec Pœnitentiarii maioris, aliorumque Pœnitentiariorum: mandans præterea cætui Cardinalium facultatem subrogandi alios in locum deficientis vel obeuntis Camerarii & Pœnitentiarii maioris; & plures etiam substituendi Pœnitentiariorum, si hoc eidem cætui concorditer expedire videbitur. 3. Diœcesum censuit accipiendam pro districtu & territorio ciuitatis; in qua Gregorius X edixerat erigendum conclaue pro electione noui Pontificis: nimirum ubi mortui Pontificis audientia remanserit, non ubi mors ipsius procul ab ea contigerit (c). 4. Si-

quasi-

(a) Greg. X in cap. ubi periculum 3 de elect. in 6.

(b) Clementina de Romani 2 de electione.

(c) Propterea Clemens VII anno 1529 Roma Bononiam profectus, ut pacem vniuersalem cum Carolo V Imp. conciliaret facilius, & communia belli subsidia compararet aduersus tyrannum turcarum; de consilio Card. decreuit litterarum apostolicarum audientiam in ipsa vrbe post suum ab ea discessum remanere: ut si ante reditum nostrum, ait, ad ipsam urbem nos ab hac luce migrare contingeret, ibi & non alibi, ubi nos mori contingat, electionem Romani Pontificis celebrari debere: nisi vrbs ipsa tunc interdicto subiaceret, vel esset aperte rebellis, aut inibi de impressione dubitaretur. Super quo maioris partis Cardinalium tunc ibidem existentium decisioni stari; & tunc in ciuitate Castellana seu Vrbeuetana seu Perusina, seruato scriptura huiusmodi ordine, fieri debere, dummodo illa ecclesiastico interdicto subiecta seu rebelles non fuerint. Liqueat id ex Clem. VII const. cum charissimus 26, die 6 Oct. 1529,

quando Cardinales omnes e conclaue discesserint, statuit vt eos ad redeundum compellant deputati executores, præterquam infirmos, ad canonicam electionem rite inibi processuros. 5. Decreuit, vt nullus Cardinalium cuiuslibet excommunicationis, suspensionis aut interdicti prætextu ab ea valeat electione repelli. 6. Alia circa eandem electionem edita iura vt suo in robore permaneant, postremo edixit Clemens V ibidem.

XVIII. Tum expertæ in variis conclauibus difficultates & abusus & transgressiones postularunt, vt alii quoque Pontifices Clemens VI, Pius IV, Gregorius XV, Urbanus VIII, Clemens XII, easdem de Papa eligendo leges explicatius innouare, supplere, corrigere, variare, pœnitque grauioribus sancire simul duxerint. Eas exponere nunc operæ pretium est non continua singularum recitatione, sed interpolatis earundem sententiis vel concordibus vel dissentaneis in quatuor articulos, seu §§. distincte congerendis.

§. I. De officio & potestate Cardinalium Sede vacante.

XIX. Qui in vrbe, alioque loco, vbi Papa decesserit, adsunt Cardinales, tres eorum antiquiores, vnus nimirum ex singulis ipsorum ordinibus vna cum Cardinale Camerario post obitum Pontificis ius habent reliquos Cardinales congregandi, & instantes necessitates exequiarum nouendialium, & clausuræ conclauis, aliasque officialium vrbis & status proponendi in congregationibus generalibus, curandique, vt conclaue construatur vndique bene clausum (a).

XX. Pro negotiis porro expediendis toto Sedis vacantis tempore *Congregationes* quum *generales* totius collegii Cardinalium habentur ad ea, quæ sunt grauioris momenti & indaginis deliberanda; vel *particulares* trium Cardinalium cuiusque ordinis antiquiorum vna cum Cardinale Camerario.

Sed

to. 1 Bullarii: quam ipsimet innouauit demigraturus Viennam, vel ad alium locum pro causis christianæ reipublicæ vrgentissimis, die 3 Sept. 1533, in sequ. *const. Licet varie*, eodem to. 1. Bull.

(a) Pii IV *const.* 63 §. 7 to. 2 Bull.

Sed horum officium tertia die post conclavis ingressum expirat, in eorumque locum tres alii gradatim sequentes ex vnoquoque ipsorum ordine quolibet triduo subrogantur, leuioris momenti negotia in diem emergentia vna cum Camerario expedituri (a). Quidquid autem Congregatio particularis decreuerit semel, id ea ipsa mutare aut reuocare amplius nequit, ad Congregationem generalem propterea deferendum, & suffragiorum numero maiore deliberandum (b).

XXI. Collegium Cardinalium Sede vacante nullam in iis, quæ ad Pontificem pertinent, potestatem aut iurisdictionem habet, siue gratiam, siue iustitiam, siue executionem gratiarum; decretorumque Pontificis mortui spectant; seu temporalem Romanæ ecclesiæ statum. Sed ea omnia futuro Pontifici referuntur (c). Nullos reos, & delinquentes absolueri, vel per liberi commeatu tabulas, quas saluum conductum appellant, etiam ad tempus asscurare, nisi qui leuiora delicta, Sede ipsa vacante commiserint; minusque exilium, aliamue quamcunque pœnam etiam pecuniariam illis remittere, condonare vel moderare valeat (d).

XXII. Datarii officium morte Pontificis expirat. Simul & Prælatorum signaturæ gratiæ & iustitiæ officia conquiescunt (e). Necnon Auditoris Papæ. Nunc autem signaturæ iustitiæ Auditor mandatam sibi a Clemente XII facultatem habet expediendi, prout iuris erit, citationes & recursus, qui coram Auditore Pontificis defuncti pendere tunc reperiuntur (f).

XXIII. At Vicarii Papæ officium perdurat, ne quid detrimenti ecclesia in spiritualibus patiatur. Si autem Cardinalis Vicarius Pontificis tempore eiusdem Sedis vacantis obierit, Vicegerens eiusdem Vicarii exercet omnes & singulas facultates, auctoritatem & potestatem, quæ eidem Vicario pro exercitio officii Vicariatus quomodolibet competeant, quasque Pontifex

Tom. I.

S f

ipsa

(a) Ibidem §. 8.

(b) Clem. XII const. 76. §. 7.

(c) Pius IV const. 63 §. 6, & Clem. XII const. 76. §. 6.

(d) Clem. XII eodem §. 6. (e) Pius IV §. 11, & 12.

(f) Clem. XII §. 19 const.

ipse predicto Vicesgerenti quandoque ad tempus usque ad successoris Vicarii deputationem demandare consuevit (a).

XXIV. Inferiorum quoque ecclesiarum, quæ præsertim Sedi apostolicæ sunt immediate subiectæ, necessitatibus eadem Sede vacante obuenientibus ut prospiceret Clemens XII, quoties catholici antistites, ordinarii locorum, aliue Christifideles opportunum postulauerint a Cardinalium collegio remedium: *si res talis sit, ait, quæ in aliud tempus differri valeat, futuro Pontifici omnino reseruetur. Sin vero nullam admittat moram, tunc eidem Collegio concessit, ut committere possit negotium Præfecto & aliquot aliis Cardinalibus eius Congregationis, ad quam Pontifex illud examinandum verosilimenter remisisset. Qui negotio accurate discusso ea desuper decernant per modum provisionis, donec nimirum eligatur Pontifex, quæ iuxta datam sibi a Domino prudentiam iuribus & rationibus ecclesiasticis custodiendis ac tuendis apta & consentanea censuerint (b).*

XXV. Cardinalis tam Camerarii, quam Pœnitentiarii maioris officia quum Sede vacante etiam consistant: *Camera apostolicæ officiales debent in ea solum incumbere, quæ Collegio Cardinalium speciatim demandantur pontificiis constitutionibus. Pœnitentiarius vero, eiusque officiales quæ ad conscientiarum forum duntaxat spectant, expediunt (c).* Siquando autem contigerit per obitum Camerarii & Pœnitentiarii ea simul officia tunc vacare: generalis Congregatio post triduum a vacatione dilapsam Vicecamerarium & Propœnitentiarium usque ad noui Pontificis electionem deputat, in quem scilicet maior pars votorum per secretas schedulas typis impressas conspirauerit [d]. Idemque Pœnitentiarius maior, aliusue in eius locum suffectus nunc absoluit sub conditione recidendi, recurrentique ad nouum Pontificem intra congruum temporis spatium, eos etiam, qui censuras ecclesiasticas Romano so-

lum

(a) Ibidem §. 17.

(b) Ibidem §. 18.

(c) Ex Clem. 1 de elect. & Pii IV const. 63 §. 9, & 10.

(d) Clem. XII const. §. 15.

lum Pontifici speciatim reſeruatæ atque ab ordinariis Pœnitentiarii facultatibus exceptas incurrerint, re tamen prius diſcuſſa in officio Pœnitentiariæ, aliſque ſeruatis ſeruandis [a].

XXVI. Quoad Cardinales apoſtolicæ Sedis legati pro comitiis in conclauē habendis abſint a prouinciis ſtatus eccleſiaſtici ſibi commiſſis: edicta inibi euulganda Vicelegati interea ſubſcribunt, nomine ac gentilitio abſentium a latere Legatorum ſtemmate inſcripto; Legatique ipſi quidpiam tunc imperare aut executioni demandare inſciis Prolegatis prohibentur [b].

XXVII. De pecuniis Cameræ apoſtolicæ aut Datariz pro alieno etiam ære diſſoluendo ante Pontificis mortem quauis ex cauſa contracto nihil diſponere, nec pro ſeiſiſ accipere, nec alienum æs ultra ſumtus neceſſarios contrahere Cardinales poſſe, Pius IV conſtituit. Simul iuſſit, ne Camerarius, Theſaurarius, Datarius, Depositarium, Præſectus arcis S. Angeli, aliique officiales ea in re contra formam conſtitutionum pontificiarum pareant Collegio Cardinalium: alias perinde iis obtemperantes, atque Cardinales ipſi aliquid contrarium attentantes cogantur de ſuo Cameræ apoſtolicæ ſatisfacere, pecunias male erogatas vel acceptas reſtituere, & quauis damna noui Pontificis arbitrio reſicere (c). Addit Clemens XII, quod collegium Cardinalium mandata de ſoluendis pecuniis huiusmodi (præterquam in caſibus exceptis) fauore cuiusvis perſonæ tam in conclauē, quam extra illud exiſtentiſ etiam titulo remunerationis, præmiſ laboris, ac etiam ſupplementi mercedis expedire & relaxare. Nec etiam eiſmodi titulo licentiam extrahendi frumenta e ſtatu eccleſiaſtico concedere, niſi ubi extrahitio en cauſa uere oneroſa competat, & tunc dummodo quantitatē debitam non excedat, ac tempus, quo extrahitio permiſſi ſolet, aduenerit. Neque cuiquam immanitatem ſeu exemptionem ab officio vel ſeruitio ei incumbente, uulgo iubilationem nuncupatam tribuere (d).

ſf 2 XXVIII.

(a) Ibidem §. 16.

(b) Ibidem §. 7.

(c) Pius IV conſt. 63 §. 6.

(d) Clem. XII §. 6 conſt.

XXVIII. At necessitatis ratio postulat, ut multas pecuniarum quantitates Camera apostolica Sede vacante impendat in eiusdem Sedis utilitatem & opus conclavis. Eas dum plus æquo ampliatas deminuere primum & moderari Urbanus VIII censuit chirographo dato die 29 Nouembris 1690 *super moderatione expensarum Sede vacante ac ratione conclavis faciendarum*, quod Clemens XII partim firmavit, partim correxit (a). Pius IV indulerat Collegio Cardinalium expendere decem millium ducatorum summam in funus Pontificis: ita ut illius ratione, præter regalia populo Romano præstari solita, decem millium ducatorum summam, pannis lugubribus & regalibus tam Camerarii & clericorum, aliorumque camerariorum, quam aliorum quorumcunque ministrorum & officialium ac aliis omnino computatis expensa non excedat. Summa autem decem millium huiusmodi, vel si Collegio visum fuerit, etiam minor at nullo modo maior per tres Cardinales antiquiores, unum videlicet de quolibet ordine & Camerarium proportionaliter pro rata distributionis alias fieri solite inter prædictos omnes & singulos diuidatur (b).

XXIX. Illud item, quod pro victu familiæ pontificiæ ante conclavis ingressum, ac postea pro pauperum officialium palatii tantum per Camerarium & priores ordinum Cardinalium describendorum victu necesse erit, ac etiam pro eleemosynis Sede vacante fieri consuevit, Pius IV fore dandum censuit (c). Has autem per ipsum eleemosynarium Pontificis, non per decuriones & conseruatores amplius egenis familiis distribuendas iussit Clemens XII (d). Suum propterea munus obire Papæ defuncti eleemosynarius pergit cum debita Collegio Cardinalium subiectione & ab eo dependentia, quoad nouus Pontifex eligatur. Eandem iccirco pecuniæ quantitatem, quæ viuente Pontifice distribui pauperibus & egenis consueuerat, in eorundem subuentionem erogabit præuiis mandatis trium virorum Cardinalium (e).

XXX.

(a) Ibidem §. 20 (b) Pius IV §. 2. (c) Eodem §. 2.
(d) Clem. XII. in chirographo num. 9. (e) Idem const. 76 §. 25.

XXX. Quicquid insuper pro *defensione terrarum ecclesiæ* vel partis earum. Necnon pro *regalibus populo Romano & illius magistratibus ac custodia urbis & conclavis*, illiusque *provisionibus* opportunis necessarium erit. Quæ vero impensa pro defensione terrarum & locorum ecclesiæ & securitate ac provisionibus conclavis facienda sit; *Cardinales presentes* per secreta suffragia ordinare debeant, ita ut *maioris partis sententia* obtineat. Id quod observandum erit etiam in *gubernatoribus urbis* tam ultra quam citra pontem, & aliis *officialibus* etiam pro *status ecclesiastici* regimine, si opus fuerit, eligendis (a).

XXXI. *Thesaurarius generalis* debet exinde sub pœna priuationis officii sui exhibere *novo Pontifici* intra mensem ab eius electione numerandum *computa* seu *rationes* accuratas & distinctas omnium expensarum Sede vacante factarum cum specifica expressione singularum summarum, causarum ac personarum, quibus pecuniæ perolutæ fuerint; ut ipse Pontifex aliquot Cardinales sibi beneuolos, qui tamen non sint tribus pauciores, deputet ad examinandum ea computa siue rationes; ac dispiciendum, sibi que referendum, an aliquid inutiliter siue plus æquo impensum, aut constitutionibus pontificiis aut chirographis aliqua ex parte contrauentum fuerit (b).

XXXII. Ex chirographo Clementis XII statuta insuper stipendia conclauistis & famulis conclavis communibus perfoluuntur ære pontificio: scilicet scuta centum menstrua duobus *medicis & chirurgo* conclavis, totidem *secretario* cum onere præstandi duobus adiutoribus victum quotidianum, ipsisque *adiutoribus* scuta decem in singulos menstrua, *magistris cærimoniarum* non participantibus sc. 25, aliisque supranumerariis sc. 20, *confessario* sc. 30, totidemque alios *subsacristæ*, *clerico* missis inseruituro sc. 6, *adiutori* tam subsacristæ, quam cærimoniarum *magistri* episcopali dignitate aucti sc. 10, singulis trigintaquinque *scopariis* cubilia & condita *salaria* præ-

(a) Ex Pii IV *const.* §. (b) Clem. XII. §. 6. *const.*

præter summam sc. 563, quæ distribui *sacristæ, cantoribus, aliisque pontificiæ capellæ addictis* consuevit. Quod *senatori, conseruatoribus, decurionum prioribus, ceteris populi Romani officialibus* stipendium anticipatum denis diebus exolui consueuerat ad summam vsque scutorum 1055; pro dimidio nunc præstant. Præterea tredecim *decurionibus* in denos dies. sc. 17, & solita stipendia *præfecto riparum, & scriptori populi Romani, conseruatori & milisibus urbanis* sexdecim supra ducentos, eorumque septendecim officialibus & subministris actu & sine fraude seruientibus, quum vacua opere stipendia sint penitus vetita. Statutos etiam census ac pensitationes illis tantum, qui *officia vacabilia* oneroso titulo quæsiuerint: & pro *epitrogiis conclauistarum* scuta 30 in singulas Cardinalium cellas.

XXXIII. Si vero. vltra prædictas expensas *aliquod grande periculum immineret*, cui omnes & singuli Cardinales præfentes per secreta suffragia duarum ex tribus partium censuerint prospiciendum celeriter esse ad formam constitutionis Gregorii X: tunc Collegium iuxta maioris partis sententiam per secreta suffragia de remedio opportuno ac necessaria impensa providere possit & debeat (a).

§. II. De rebus ante conclauem gerendis.

XXXIV. Antequam conclauis clausuram Cardinales adeant, decies generatim congregantur, præfentes nimirum omnes quotidie semel. Primo die conueniunt in camera vt aiunt *paramentorum*, in eaque prima generali congregatione secretarius collegii palam integras legit constitutiones Gregorii X, Iulii II, Pii IV, Gregorii X, Urbani VIII, & Clementis XII ad Pontificis electionem spectantes: mox has ipsas iurant singuli Cardinalium se obseruaturos adamussim. Annulus Piscatoris ac typus, quo signum plumbeum bullarum imprimitur, simul franguntur. Duæ supplicum libellorum capsulæ cum Dataræ tum secretariæ Breuium consignantur. Gubernator almæ vrbs vel confirmatur vel eligitur (b). Duo de-

(a) Pius IV §.

(b) Clem. XII const. 76 §. 8.

deputantur, ad orationem funebrem vnus, & alter ad con-
cionem super electione successoris habendam. Cardinales ali-
quot conclauī construendo præficiuntur. Post hæc Pontificis ca-
dauēr ad Basilicam Vaticanam effertur, funusque solemne
Cardinales ipsi deducunt (a).

XXXV. Secundo die in Basilicæ S. Petri sacrario pa-
riter congregati cunctos apostolicæ Sedis, Curiaque Romanæ
& status officiales cuiuscunque qualitatis & gradus vna se-
mel in gyrum ducta confirmant: alias pro confirmatis ha-
beri eos, edixit constitutione sua Clemens idem XII. Siquis
vero videatur confirmatione indignus: triumviri Cardinales
antiquiores primum debent causam in vna congregatione ge-
nerali exponere, tum in altera post tres exinde dies re co-
gnita definiri ex maiori suffragiorum secretorum numero, siue
hic vel ille officialis ac minister suspendendus, aliisque sub-
rogandus, an non (b). Urbis conseruatores admittunt. Mox
cogitatum opus conclauis, susceptumque de eo consilium re-
ferunt Cardinales deputati.

XXXVI. Die tertio confessorium conclauis secretis sus-
fragiis eligunt, & post solis occasum sepelitur Pontificis ca-
dauēr, Cardinalibus ab eo creatis præsentibus.

XXXVII. Quarto die medicos duos, vnumque chirur-
gum eligunt. Quinto die aromatarium, duosque barbitonso-
res cum totidem adiutoribus.

XXXVIII. Sexto die sortes cellarum conclauis mittun-
tur in vnam, easque inde extrahit postremus diaconus Car-
dinalis (c). Tum cærimoniarum magistri non participantes
exhibent indulta Breuium sibi concessa ingrediendi conclauē.

XXXIX. Septimo die audiuntur, qui tertium postula-
uerint conclauistam Cardinales præsentēs, reseruata pro ab-
sentibus prouisione vsque ad ipsorum aduentum, & scoparii
mun-

(a) Idem in *chirogr.* §. 17. Videbis ante dicta num. 19, & 20.

(b) Idem *cit.* §. 8.

(c) Statuit porro Pius IV §. . . . vt forte distribuatur cellæ conclauis,
& semel distributas variare non liceat.

munditiei conclavis curaturi destinantur.

XL. Octavo die Cardinales duo eliguntur conclavistas probaturi singulatim, eorumque singulorum nomina, cognomina, gradum & patriam tam Cardinales quam alii conclave ingressuri ipsis duumviris exhibent in scriptis.

XLI. Nono die tres alii Cardinales secretis schedularum suffragiis præficiuntur custodiæ & curæ conclavis, quoadque apostolica Sedes vacaverit: ex iis, qui præteritis conclavium comitii adfuerint, eligendi maiori suffragiorum numero, quamvis ea medietatem præsentis Collegii non exceßerint.

XLII. Decimo die ad sacros ordines non promoti Cardinales exhibent pontificias litteras in forma Brevis, quæ ipsis indulserint ex dispensatione apostolica vocem activam & passivam in electione Pontificis (a). Duoque fabri cæmentarius & lignarius deputantur ad servitutem conclavis necessariam ex iis, quorum opera usus in extruendo conclave sit Cardinalis Camerarius.

§. III. De clausura conclavis.

XLIII. Undecimo tandem die post Missam de Spiritu Sancto cum cantu celebraram, orationemque de eligendo Pontifice auditam, Cardinales ad conclave simul procedunt solemniter (b). Iisque clausuram ingressis coram omnibus de novo leguntur pontificiæ lex constitutiones, quas in prima generali Congregatione iam recitatas iuraverant, iterumque mox iurabunt adamussim observaturos (c). Tum Cardinalis Decanus breui eos concione hortatur ad celerandam publico ecclesiæ bono electionem optimi Pontificis (d). Nam constituit

(a) Sicut Cardinalium os clausum a defuncto Pontifice sit: Pius V declaravit die 26 Jan. 1571, non ademptum illi suffragium in electione futuri Pontificis. Id quod Greg. XV firmavit in nouo extrinseco §. 10.

(b) Ritus procedendi ad conclave describitur in §. 4. noui caerimonialis Gregorii XV, quod is promulgavit *const. deest Romanum* 19. 10. 1 Bull.

(c) Ex *const.* Pii IV §. 28. Greg. XV §. 25, & Clem. XII §.

(d) Ex eodem Clementis XII chirographo.

tuit Pius IV, vt lapsis a Papæ obitu decem diebus Cardinales præsentés die sequenti sine mora conclaue ingrediantur, singulisque diebus faciant scrutinium electionis. (a). Intrare nolentes vel ingressos absque manifesta infirmitatis causa, iuramento medicorum, secretisque suffragiis maioris partis Collegii probanda, exeuntes pœnam constitutionis Gregorii X incurrere sanxit (b). Mox ad cellas diuertunt, eisque post prandium vna congregatis officiales, alique singuli præstant iuramentum de munere suo fideliter obeundo (c). Ad electionem quoties procedunt, vel insimul congregantur, croceis vti vestibus debent (d). Post campanulam ter pulsatis hora scilicet prima, secunda, & tertia noctis, exclusis omnibus excludendis clauditur conclaue interius & exterius, clauisque dantur Camerario ac magistro cœrimoniarum, & custodibus conclauis. Dein accensis funalibus triumviri Cardinales ordinum capita cum Camerario & magistro cœrimoniarum latebras & angulos omnes conclauis diligenter perquirunt, nequis extrarius inibi latens remaneat (e).

XLIV. Quum singulos singulis generatim Cardinalibus, & necessitate urgente nonnullis binos conclauistas introducere secum Gregorius X permisisset: Clemens VI generatim singulis binos indulsit seruiantes clericos vel laicos suo ipsorum arbitrio deligendos (f). Tum binos cuilibet eorum famulatu-
 & grauiter effectis tertius ad summum a maiori parte Collegii
 per secreta suffragia indulgeri possit, in septima nimirum ge-
 nerali Congregatione, quam ante ingressum in conclaue cele-
 brari iam diximus. Qui seruiantes, ait Pius IV, familiares
 domestici & continui commensales ipsius Cardinalis & ab anno

Tom. I.

T t

ante

(a) Pius IV cit. const. 63 §. 3. (b) Ibidem §. 4.

(c) Ex nouo cœrimoniale Greg. XV §. 5, & 6. Vt clausura pateat, publicum de ea testimonium agit magister cœrimoniarum.

(d) Ex §. 4 eiusdem noui cœrimonialis.

(e) Ex §. 7 eiusdem cœrimonialis.

(f) Clemens VI in const. licet 5 to. 1 Bullarii.

ante fuisse & tunc esse debeant, & non mercatores, ministri Principum, domini temporales & iurisdictionem habentes, neque fratres aut nepotes Cardinalium, etiamsi expensis eorum viverent. Et de qualitatibus conclaustrarum Cardinales deputati ante conclauis ingressum diligenter inquisitionem habere & eos approbare ac post ingressum denuo diligenter providere debeant (a).

XLV. Plures quoque alios communibus totius Collegii commodis inferuientes admittere in clausura conclauis oportet. Nimirum ex constitutione Clementis XII *magistros cœrimoniarum sex* ad summum, duos scilicet participantes, totidem non participantes, ex supranumerariis reliquos (b). Duos tantum Pius IV indulserat: simul & sacristam cum vno clerico coadiutore, religiosum pro confessionibus audiendis, secretarium, medicos duos, chirurgum, aromatarium cum vno aut duobus seruientibus, fabros duos lignarium, & cœmentarium, duos barbitonfores cum vno vel duobus seruientibus; octo aut decem famulos inferiores, mediastinos & calones pro lignis portandis, verrendo conclauē, ceteris eiusmodi ministeriis obeundis (c). Iique omnes vt a collegio Cardinalium, non tamen ex familia alicuius Cardinalis per fabas secretas eligantur, ita tamen vt is obtineat, qui plura vota tulerit, & eis salaria de publico persoluantur; & Pius IV & Clemens XII constituerunt. His addendos censuit Clemens XII subsacristam, alterumque clericum, famulum vnum cunctis cœrimoniarum magistris addictum, duos secretario adiutores, vnumque famulum; torique Collegio famulos trigintaquinque, quo in numero continentur duo magistris cœrimoniarum & secretario indulti ab iis quidem ipsis eligendi, a Cardinalibus vero deputatis adprobandi. Fabros autem lignarium & cœmentarium fore non alios, nisi qui eas artes calleant & publice exerceant, recipiendos; adempto Cardinalibus arbitrio in hisce qualitatibus dispensandi (d). Si quādo

(a) Pius IV *const.* 63 §. 16, & 17.

(b) Clem. XII. *const.* 76. §. 13.

(c) Pii IV. *cit.* *const.* 63 §. 18.

(d) Clem. XII. *const.* 76. §. 14.

do vrgens causa postulauerit cuiuslibet extrarii ingressum in conclaue, is nutu maioris partis Cardinalium admittatur (a).

XLVI. Siquis alius vltra istas personas in conclau inuentus fuerit, expelli statim debeat. Et si quispiam se occultasse deprehendatur, ignominiose expellatur, & infamia notetur; tum officiis atque beneficiis priuetur; concilii vero sub eadem pœna illos reuelare Collegio teneantur, præmium reportaturi si indicauerint (b).

XLVII. Conclauistæ vero & quicumque alii seruientes conclau ex causa infirmitatis manifestæ & notabilis a medicis medio iuramento probatæ, & de consensu deputatorum, quorum etiam conscientia desuper onerata est, & non aliter exituri, nullo modo reuerti possint, sed eorum loco alii eodem prorsus tempore, quo infirmi exibunt, ingrediantur (c).

XLVIII. Clauso conclaue colloquium etiam extra portam illius nemo etiam principum, nisi ex magna & vrgenti causa a maiori parte collegii approbanda admittatur. Et siquis forte, quod absit, clam ipsum conclaue, & aliunde quam per ostium ingrediatur, omni honore, gradu ac officio & beneficio ipso facto priuatus existat, & tradatur curiæ seculari pœnis acerrimis puniendus (d). Litteras vero aut cuiusvis generis scripta ad eos, qui in conclau erunt, seu nuntium vel notam aut signum mittere seu recipere, aut contra e conclau ad eos, qui foris erunt, vilo modo liceat: qui contrafecerint, quacunque dignitate, etiamsi cardinalatus honore præfulgeant, pœnæ excommunicationis latæ sententiæ subiaceant, absoluedi facultate præterquam in mortis articulo Pontifici tantum maximo reſeruata, a quo nihilominus pro qualitate delicti vltra dictam excommunicationis pœnam puniendi erunt (e). Prælari quoque ad custodiam conclauis deputati sub pœna periurii & suspensionis a diuinis, maxima & exquisita diligentia vtantur in dispiciendis ac

T t 2 per-

(a) Pius IV §. 19.

(d) Ibidem §. 19.

(b) Ibidem §. 18.

(e) Ibidem §. 20.

(c) Ibidem §. 24.

perferutandis epulis & aliis rebus ac personis conclauē intrantibus, & de eo exeuntibus, ne sub earum rerum velamine litteræ aut notæ vel. signa aliqua transmittantur. Quod si tale quid inuentum fuerit: familiares Cardinalium, aut alii delinquentes pœnam priuationis officiorum, ac inhabilitatis ad obtenta & obtinenda incurrant. Et vltius per gubernatorem carceribus mancipentur, exinde nisi de mandato noui Pontificis minime relaxandi, sed eius arbitrio acrius puniendi, omni facultate collegio Cardinalium in fauorem quorumcunque, qui in præmissis vel eorum aliquo deliquerint, omnino interdicta (a). Quia vero parum esset iura condere, nisi forent, qui executioni ea demandarent, statuit Pius idem IV, vt prælati, rectores, officiales vrbs, ac principum oratores, illustres viri, quos omnes a collegio pro custodia conclauis eligi contingeret (eligere autem Collegium debebit eos, qui ad id magis idonei videbuntur) præmissa omnia plene & inuiolabiliter, ac sine fraude & dolo aliquo obseruari faciant, de quo reipsa iuramentum coram ipso Pontifice præstare teneantur; quæ quidem nisi fecerint, vel si in eis fraudem & dolum commiserint, prædictas pœnas & ceteras in dicta constitutione Gregorii X contentas incurrant (b).

XLIX. Scrutinia etiam, quæ pro electione Pontificis bis in die a Cardinalibus fiunt, siue manuscripta siue impressa fuerint, e conclauis ad eos, qui foris sunt, missi ac renunciari, & ab eis recipi, proferri aut euulgari omnino prohibuit Clemens XII, sub pœnis aduersus mittentes, e conclauis, ac respectiue recipientes litteras, scripta, nuncios, notas aut signa, etiamsi cardinalatus honore præfulgeant, a decessoribus expresse sancitis, eo ipso per transgressores incurrendis (c).

L. Nequis iuxta conclauē commoretur vel inhabitet superius nec inferius neque a lateribus, vtque ipsius clausuram & cellas visitent sæpius tres Cardinalium deputati, ad pro-

(a) Pius IV ibidem §. 23.

(b) Ibidem §. 27.

(c) Clem. XII cit. const. 76 §. 11.

prospiciendum, nequa muris, laquearibus, pauimentis foramina fiant, statuit insuper Pius IV (a).

LI. Propterea tres ipsos Cardinales ex eis, qui comitiis aliis interfuerint, a Collegio-eligendos in nona generali Congregatione, praefici clausurae ac curam conclavis habere ac gerere statuit Clemens XII, qui disposita a praecessoribus circa clausuram, turamque huiusmodi omni sedulitate ac diligentia exequantur. Cellas Cardinalium bis qualibet hebdomada, aliaque ipsius conclavis loca crebro visitent; illius munditiae praesint; ac soletter perquirant, ne in eiusdem conclavis muris, fenestris, laquearibus vel pauimentis verita foramina fiant vel fenestrae aperiantur aut amplientur, unde cum exteris colloquendi suae communicandi copia & facultas detur; ac si quae foramina facta aut fenestras sic apertas & ampliatas deprehenderint, statim occludi & obturari, in pristinumque statum restitui curent. Prohibeant quoque arma seu stemmata gentilitia cuiusvis Cardinalis quocunque officio fungentis alibi quam propriae suae cellae imponi, appendi & depingi; & si illa repererint in quacunque alia parte conclavis consistentia, statim amoueri ac deleri faciant. Cellas porro Cardinalium absentium suae mobilibus instructas & ornatas suae non Cardinales in conclauis existentes nusquam occupent, sed ad dictos tres Cardinales clausurae & curae conclavis praepositos pertineat eorundem cellarum usum & commodum Cardinalibus, qui cellas suas vicinas habent, congrua inter eos seruata proportionem destinare, donec praedicti Cardinales absentes aduenerint. Ipsorum autem trium Cardinalium munus eiusmodi toto tempore comitorum durare voluit, eisque quancunque necessariam amplamque in praemissis & circa ea potestatem tribuit (b).

LII. Ut electionem celerare Cardinales adigerentur, Gregorius X sanxit post octo ab ingressu dies non aliud nisi panem, vinum & aquam pro eis ad cibum dari debere (c). Cuiusmodi rigorem temperans Clemens VI constituit, ut sin-

gulis

(a) Ibidem §. 13, 14, & 15.

(b) Clem. XII cit. consi. 76 §. 10.

(c) Greg. X in cit. cap. 3 de elect. in 6.

guli Cardinalium præter panem, vinum & aquam in prandio & cæna vinum duntaxat ferculum seu missum carniuin unus speciei tantummodo, aut piscium, seu ouorum cum uno potagio de carnibus vel piscibus principaliter non confectis, & decen-ribus salsamentis habere valeant, ultra carnes salatas, & herbas crudas, ac caseum, fructus siue electuaria. Ex quibus tamen nullum specialiter ferculum conficiatur, nisi ad condimentum fieret, vel saporem. Nullus vero eorum de alterius ferculo vesci possit (a). Dein Pius IV decreuit, quod Cardinales primo ipso die, quo conclaue ingressi fuerint, tam in prandio quam cæna solo vnus speciei ferculo, eoque moderato, & alias iuxta constitutionem Clementis VI congruo contenti sint & esse debeant; nec quisquam in alterius cella vel de alterius ferculo vescatur (b). Mox Clemens XII menti decessorum suorum insistens iidem præcepit, vt frugalitatem & temperantiam in victu obseruent, procul ab omni luxu & pompa, atque etiam in deferendis ad conclaue cibariis a lautioris cultus ostentatione (c).

LIII. Clemens VI præterea indulgit honestatis gratia Cardinalibus in sua cuiusque cella, quum in lectis quiescendi causa vel dormiendi esse voluerint duntaxat, intermedia seu velamina simplicium tantummodo cortinarum adhibere (d).

§. IV. De forma electionis Papæ.

LIV. Canonicam eligendi Pontificis formam a Nicolao II, Gregorio X, Clemente V, & VI, tum Pio IV paucis lineamentis expressam tandem Gregorius XV numeris omnibus ita absolutam descripsit quum constitutione perpetua (e), tum nouo cœrimoniale (f), vt successores ipsius nihil ei addere aut detrachere hactenus putauerint. *Electioe Romani Pontificis fieri aliter non posse, ait, quam in conclau, & eo clau-*
fo,

(a) Clem. VI in *const. licet* 5. to. 1. Bull. (b) Pius IV *loc. cit.* §. 22.

(c) Clemens XII *const.* 76. §. 12. (d) Clem. VI *loc. cit.*

(e) Greg. XV in *const. æterni Patris Filius* 13, data 15 Nou. 1621, 10. 3. Bull.

(f) Idem in *const. decet Romanum* 19. eod. 10. 3.

fo, ac post celebratum in eo prima die sacrosanctum Missæ sacrificium, cui Cardinales interesse & in eo communicare consueverunt, ac per secreta schedularum suffragia duarum ex tribus partibus Cardinalium in conclave presentium. Præterquam si omnes & singuli Cardinales similiter in conclave presentes nemine dissentiente aliquibus ex eorundem Collegio Cardinalium committerent eligendi potestatem, ut vice omnium ecclesiæ catholicæ prouiderent de Pastore: aut nisi communiter ab omnibus & singulis Cardinalibus, qui iidem in conclave presentes erunt, nemine pariter dissentiente, quasi per inspirationem nullo præcedente de persona speciali tractatu per verbum eligo, intelligibili voce prolatum aut scripto, si voce fieri non potuerit, expressum, fuerit celebrata (a).

IV. Numerum autem suffragiorum duarum* ex tribus partibus Cardinalium in conclave presentium, ut electio per viam scrutinii, siue scrutinii & accessus valida sit: decernimus & declaramus ita esse censendum, ut in duabus tertiis partibus suffragium electi non numeretur: nec quisquam siue scrutinii, siue scrutinii & accessus, siue compromissi via procedatur; se ipsum eligere seu suffragium sibi dare ullatenus possit. Electi tamen persona si in conclave sit, debeat in numerum Cardinalium computari (b).

LVI. Rursus nemo per viam scrutinii, seu scrutinii & accessus habeatur pro electo, nisi publicatis omnibus suffragiis, & electi, si numerum tantummodo duarum ex tribus partibus habuisse compertum sit, etiam schedulis apertis (c).

LVII. Ac si contingat plures in schedulis nominatos duas tertias partes suffragiorum tulisse, in suffragiorum paritate neuter sit electus. In imparitate vero qui numero suffragiorum superior erit, dummodo duas tertias partes etiam in uno suffragio excedat, electus censeatur (d).

LVIII.

(a) Idem §. 1. Tres eligendi formas per scrutinium, compromissum & inspirationem latius explicat nouum ceremoniale Greg. XV §. 11, & seqq.

(b) Ibidem §. 2. (c) Ibid. §. 3. (d) §. 4.

LVIII. *Insuper in unoquoque scrutinio, antequam scheda in calicem mittatur, a quolibet Cardinale inrumentum alta & intelligibile voce fiat his verbis. Testor Christum Dominum, qui me iudicaturus est, me eligere, quem secundum Deum iudico eligi debere, & quod ideam in accessu præstabo. Et hoc iuramentum a nullo omitatur (a).*

LIX. *Suffragiorum autem scheda huiusmodi tam scrutinii quam accessus, ubi fieri potuerit, impressæ omnino esse debeant; ubi non potuerit, unius tantum manu scriptæ sint: ita videlicet ut tam impressæ, quam ita scriptæ ea omnia, quæ in schedulis huiusmodi exprimi solent, contineant præter sola nomina, seu denominationes eligentis & electi, & infra scripta signa, quæ omnia manu ejusdem eligentis scribantur; & nomen quidem eligentis in prima parte schedulæ, electi vero in sequenti, & rursus electi quantum fieri poterit character alterato, ita ut cognosci non possit; eaque schedulæ pars, in qua erit eligentis nomen, claudatur, ac sigillo ad hoc parato ac secreto habito, non autem eo, quo quisque solet, obsignetur. Ut autem videri possit, nequi alicui accessit, eidem in scrutinio suffragium dederit: schedulæ omnes duobus aliis signis in ultima parte signentur, numero nempe aliquo & breui dicto sacre scripturæ, vel alio eiusmodi, quæ signa in utraque scheda tam scrutinii quam accessus eadem sint (b).*

LX. *Postea vero pars illa scheda, ubi hæc signa erunt, etiam complicitur & obsignetur, ne a scrutatoribus videri possit, nisi postquam fuerit per scrutinium & accessum electio perfecta: quo casu scheda accessus a scrutatoribus ea in parte, ubi duo prædicta sunt signa, aperiantur, iisque inspectis & earum sigillis aliæ scheda cum iisdem, quæ notatæ & in scrutinio datæ reperiantur; ut videlicet an duo hæc signa & sigillum eadem sint, cognoscatur, & inde duo suffragia ab eodem Cardinale uni data non fuisse appareat (c).*

LXI.

(a) §. 5. (b) §. 6 const. Formas schedularum explicativas habet nouum cœrimoniale ipsius Greg. XV. (c) §. 7 eiusdem const.

LXI. At si inter schedulas scrutinii nulla reperietur iisdem signis notata , quibus schedula accessus signata erit ; aut si quis eidem accesserit , quem in scrutinio nominauerit : utroque casu suffragium accessus nullum sit . Subscriptio autem seu nomen eligentis resignari non possit , nisi contingat , ut sigillum & alia duo prædicta signa sint eadem cum signis & sigillato alicuius alterius Cardinalis , aut alia difficultate cogente (a) .

LXII. Quod autem attinet ad nomen electi , illud eo modo a Cardinalibus scribatur , quomodo in folio impresso , ubi in conclave notari suffragia solent . Præterea ut secreto cautius consularur : schedulæ suffragiorum conficiantur una seu pluribus in mensis in media cappella constitutis , ita e Cardinalibus remotis & circumspectis , ut quid scribatur ab aliis videri non possit . Si quis vero ad mensam accedere impeditur valetudine non poterit , is suffragium suum in loco suo secreta conficere debeat , & ad illud accipiendum ultimus scrutatorum accedat (b) .

LXIII. Et ut accessus secreta etiam peragatur ; scrutinio publicato , si electio per consensum duarum partium in eo non fuerit celebrata , statim antequam ad alios actus deueniatur , Cardinales schedulam pro accessu formatam prædictis in mensis conficere , sicut in scrutinio teneantur . Porro usus schedularum pro accessu talis erit . Qui accedere alicui ex nominatis in scrutinio voluerit , eius nomen scriber : qui noluerit , ne cognosci possit eum nulli accedere , in loco nominis scribat nemini (c) .

LXIV. Nulli autem tam in schedula scrutinii quam accessus plures nominare liceat : alioquin suffragium , in quo plures fuerint nominati , nullum sit . Accedere tamen uni ex nominatis a se in dicta schedula , vel alii , dummodo aliquod aliud suffragium in eodem scrutinio tulerit , non prohibeatur , & in numerum Cardinalium in conclave præsentium numeretur (d) .

LXV. Neque in quolibet scrutinio nisi semel accedere liceat , neque per accessum ab alterius nominatione in scrutinii schedula facta recedi decernimus & declaramus (e) .

Tom. I.

Vu

LXVI.

(a) §. 8. (b) §. 9. (c) §. 10. (d) §. 11. (e) §. 12.

LXVI. *Insuper antequam schedulae siue scrutinii siue accessus a scrutatoribus aperiantur, omnes ab iis diligentiss. namam numerentur: & si plures repertae fuerint, quam sint Cardinales in conclave praesentes, omnes comburantur; & iterum ad suffragia statim deueniatur (a).*

LXVII. *Si quis autem aliquid ex supra expressis non seruauerit, aut quomodocunque directe vel indirecte in aliquo contrauenerit, sententiam excommunicationis ipso facto incurrat (b).*

LXVIII. *Præterea statuimus & ordinamus, quod si aliquem infirmitas impediuerit ad scrutinium venire, ad eum adire debeant tres Cardinales sorte ante scrutinium ut infra ad hanc rem ex omnibus Cardinalibus per ultimum Diaconorum extracti, cum capsula perforata sed inani, & palam a scrutatoribus clausa, cuius clavis super altare remaneat, & schedulam impressam illi deferre, ipseque illam sicut alii Cardinales præuio iuramento superscripto secreta conficere teneatur, deinde in capsulam coniiciat, eaque per eosdem Cardinales relata & aperta in calicem schedula mittatur. Publicato deinde scrutinio, si accessus faciendus erit, ut etiam infirmi accedere possint, unum ex foliis, in quibus nomina Cardinalium & suffragiorum numerus notantur, a tribus Cardinalibus praedictis sonatur, & palam recognito numero suffragiorum, quæ quisque in scrutinio eulerit, ad infirmum una cum alia impressa schedula pro accessu parata, & cum eadem capsula ab iis deferatur. Infirmus vero alicui accedere vel nemini accedere debeat, omniaque & singula seruentur, quæ de scrutinii schedula supra ordinata sunt, sub eadem excommunicationis latae sententiæ pœna. Si quis scribere valitudine impeditus, per alium præuio iuramento ab eo qui scriber præstando de seruando secreto, quod sub eadem excommunicationis pœna seruari mandamus, subscribere libere possit (c).*

LXIX. *Ad hæc scrutatores tres, sicut & tres alii Cardina-*

(a) §. 13.

(b) §. 14.

(c) §. 15 const. & §. 9 noui caerimonialis.

dinales, qui ad infirmorum suffragia deferenda proficiscuntur, ex omnibus Cardinalibus in conclauē præsentibus nulla ordinis seruata distinctione, sorte immediate ante quodlibet scrutinium per vltimum Diaconorum extrahantur, & qui semel extrahiti fuerint, in vas iterum coniciantur: alioquin si quis contra fecerit, sicut si scrutatores vel recognitores aliquid secreti in exercendo suo officio cognouerint, & illud reuelauerint, eandem lata sententiæ excommunicationem incurrant. Finito scrutinio & accessu, siue electio secuta sit siue non sit, tres alii Cardinales sorte pariter vt supra extrahendi schedulas omnes recognoscere debeant, sigillo tamen & duobus aliis signis, si aperta non fuerint, intactis remanentibus. Quæ omnes & singula schedula, siue secuta siue non secuta electione, postmodum statim palam comburantur (a).

LXX. Similiter ne electio protrahatur, statuimus & ordinamus vt sub simili excommunicationis pœna eo ipso incurrenda, scrutinium bis singulis diebus peragatur, ita vt etiam perficiatur, mane scilicet post solitam Missam, & prima quidem die tantum post Cardinalium sacram peractam communionem; & pomeridiano tempore hora opportuna post hymnum. Veni Creator Spiritus, & orationem de Spiritu Sancto. Idemque si compromissi via eligatur, obseruari debeat. Atque ad scrutinium, cum tertium pulsata per loca solita conclauis campanula de more fuerit, omnes & singuli Cardinales conuenire debeant valitudine non impediti, sub eadem excommunicationis lata sententiæ pœna (b).

LXXI. Cardinales præterea omnino abstineant ab omnibus passionibus, conuentionibus, promissionibus, intendimentis, conditiis, fœderibus, aliisque quibuscunque obligationibus, minis, signis, contrasignis suffragiorum seu schedularum, aut aliis tam verbo quam scripto, aut quomodocunque dandis aut petendis,

V u 2

tam

(a) §. 16. (b) §. 17. *consl.* Singulos ritus explicationes ante scrutinium, in scrutinio, et post scrutinium, videlicet in nota *superd. carim.* d. 15 vsque ad 44, quod Urbanus VIII confirmauit *consl. ad Romani* 45 16.4 Bull.

tam respectu inclusionis quam exclusionis, tam unius personæ quam plurium, aut ceteri generis, veluti creaturarum aut huiusmodi, seu de suffragio dando vel non dando. Quæ omnia & singula si de facto interuenerint, etiam iuramento adiecto nulla & irrita, neque ad eorum obseruantiam quenquam teneri aut ex transgressione notam incurrere fidei non seruata decernimus & declaramus: & contra facientes ex nunc excommunicationis pœna innodamus. Tractatus tamen pro electione habendos verare non intelligimus (a).

LXXII. Quod si electio huiusmodi alibi celebrata fuerit quam in conclaue clauso, vel aliter quam per secreta schedularum suffragia duarum ex tribus partibus Cardinalium in conclaue presentium in scrutinio seu scrutinio & accessu, electi suffragio non computato; vel per viam compromissi ab omnibus Cardinalibus similiter in conclaue presentibus nemine dissentiente initi, & ita ut nemo seipsum elegerit; vel quasi per inspirationem nullo præcedente de persona speciali tractatu omnium pariter Cardinalium presentium in conclaue communiter nemine iidem dissentiente per verbum eligo intelligibili voce prolatum, aut scripto si voce non poterit, expressum: nulla sit & inuvalida eo ipso absque ulla declaratione; & ita electo nullum ius tribuat. Quinimmo is non apostolicus sed apostaticus sit & beatus, & tam ipse quam eligentes, eiusque fautores & complices sententiam excommunicationis & anathema, aliasque censuras & pœnas inuasoribus Sedis apostolicæ a sacris canonibus & constitutionibus apostolicis impostas pariter ipso facto incurram; a qua sicut ab alia quacunque in hac constitutione imposta & irrogata, seu infra imponenda & irroganda pœna excommunicationis tam ipsi quam quilibet alius siue S. R. E. Card. siue alia persona cuiuscunque gradus, conditionis, dignitatis & præminentie a nullo neque etiam a maiori Penitentiario cuiuscunque facultatis vigore, præterquam a Romano Pontifice nisi in mortis articulo absolui possit: & tam ipse, eiusque

com-

(a) Greg. XV eadem const. §. 18.

complices & fautores, quam alii quicumque etiam S. R. E. Cardd. huius constitutionis in aliquo transgressores aliis grauisimis pœnis teneantur, futuri Pontificis canonice intrantis arbitrio irrogandis (a).

LXXIII. Postremo præcipit, vt si electio fiat per scrutinium & accessum, secretissime transigatur: inhibetque S. R. E. Cardinalibus ne contra hæc vel eorum aliquod statuere, dispo-
nere vel ordinare, seu in aliquo corrigere, alterare, mutare seu aliquo modo facere, tractare, moliri vel attentare præsumant quouis prætextu, causa, vel exquisito colore sub eadem excom-
municationis pœna ipso facto incurrenda (b). Vt autem huius-
modi constitutio inuiolabilis obseruetur, tres Cardinales, qui sin-
gulis diebus congregationibus agendis præpositi sunt, & cum iis S. R. E. Camerarius illam in omnibus & per omnia obseruari
procurent & faciant (c).

LXXIV. Tanti vero momenti quum sit Romani Pon-
tificis electio, nimirum supremi ecclesiæ vniuersæ pastoris &
magistri, vt ab ea potissimum totius christianæ reipublicæ
salus, non aliter quam totius corporis vita & vigor e capi-
te, pendeat: integram iure merito fidem & sanctitatem in
ea rite ac recte peragenda totus orbis expostulat. Propterea
Pius IV hortatur & iubet, vt S. R. E. Cardinales ea in re
omni dolo ac fraude, factionibus & animorum passionibus re-
motis, ac principum secularium intercessionibus, ceterisque
mundanis respectibus minime attentis, sed solum Deum præ
oculis habentes sese pure, libere, sincere, quiete & pacifice
gerere & habere debeant (d). Satis etiam admonetur, ait
Gregorius XV, nihil eorum, quæ ad electionem Romani Pon-
tificis negotium cautius & melius transigendum conducunt, omit-
ti debere. Salus enim non vnius membri, sed totius corporis a-
gitur, cum de capite consulitur (e). Cogitent quam pernicio-
sum sit futurum vniuersæ ecclesiæ, si male administretur (f).
Se-

(a) §. 19. (b) §. 20. (c) §. 21. (d) Pius IV cit. const. 63 §. 26.
(e) Greg. XV in præmio const. (f) Ibidem §. 23.

Sedulo recogitent, addit Clemens XII, *se in renunciando supremo ecclesiæ rectore divinæ mentis interpretes constitutos, undaque omnia & aperta esse in oculis eius, cui solemniter & arctissimi iurisiurandi religione fidem suam promissuri & obligaturi sunt* (a).

§. V. *De conclauistis & dapiferis.*

LXXV. Labores, vigilias, obsequia, incommoda plura conclauistarum iandiu conlueuerunt electi Pontifices multis privilegiis & gratiis remunerare. Eumque morem viguisse ante pontificatum Clementis VIII fatetur Laërtius Cherubinus, quamuis nullum eo Pontifice antiquius indultum pro ipsis nec indicet nec proferat.

LXXVI. Itaque primus omnium Clemens VIII inuenitur in Bullario Romano constitutionem edixisse die 5 Nouembris 1592; qua plura omnibus & singulis conclauistis conclauis illius, in quo creatus ipse Pontifex fuit, absolutione a censuris præmissa indulget. 1 scilicet eos generatim declarauit veros & non fictos familiares suos continuos commensales, quamuis non toti generatim Collegio omnes, sed bini vel terni speciatim aliis in eo conclauē Cardinalibus inferuierint, & apostolicæ Sedis notarios. 2, tum sacri palatii & Lateranensis aulae comites ac milites: simul & nobiles, cuiusque in ea, quam ipsorum singuli præoptassent, vrbe status ecclesiastici. 3, cunctis familiarium Papæ, comitum palatinarum, nobilium, ciuiumque status ecclesiastici privilegiis potituros. 4, exemit ipsos a decimis, pedagiis, subsidiis, gabelis & cunctis oneribus etiam extraordinariis quauis causa vel vrgentissima impositis & imponendis. 5, eis condonauit fructus non iure perceptos beneficiorum, ecclesiarumque ob omissam diurni officii recitationem, remisitque poenam irregularitatis quomodolibet contractam ex censurarum quoque violatione, hæc si in contemptum clauium facta non sit. 6, defecti-

(a) Clem. XII. cit. *const.* 76 §. 5.

festibus natalium illegitimorum aboletis eos ad quævis officia & honores profanos & successiones sine præiudicio venientium ab intestato idoneos fecit. 7, singulos ecclesiastica pensione, quæ centum ducatos auri de camera non excederet, fructuros voluit, quamvis clericalem habitum ac tonsuram non deferrent. 8, litteras apostolicas eis expediri gratis concessit. 9, facultatem tribuit suas transferendi pensiones omnes ecclesiasticas usque ad summam centum ducatorum auri de camera coram loci Ordinario vel Canonico alicuius cathedralis ecclesiæ, vel quovis alio in ecclesiastica dignitate constituto. 10, ipsas indulti sui litteras eis suffragaturas, etiam non relatas in codicem cameræ apostolicæ: contrariis quibuscunque non obstantibus (a).

LXXVII. Consimile indultum conclauistis largiendo suis Paulus V die 31 Iulii 1605, addidit pontificiam illegitimis natis dispensationem ad ecclesiasticos etiam sacros ordines & beneficia. Insuper beneficia, quæ pontificia Sede vacante vacauerant, conclauistis ipsis distributa contulit, non excedentia valorem ducentorum ducatorum auri de camera singulatum (b). Ab isto nil differt par indultum Gregorii XV, die 15 Martii 1620 (c).

LXXVIII. Urbanus VIII die 6 Augusti 1623 nedum ea omnia indulgit, sed etiam donavit decem millia scuta aurea ex tot locis montium primo vacaturis, ex æquo singulis distribuenda. Tum ipsos instar Cardinalium exemit ab oneribus, quum ordinariis tum extraordinariis, eorumque bona a iure spoliæ cameralis. Irritas beneficiorum collationes & provisiones in foro conscientie tantum ratas eis fecit, cum amplâ fructuum remissione. Eosque absoluit a censuris forsan incurfis ob violatas conclauis leges (d). Consonant subsequen-

in-

(a) Clem. VIII *const. aguitati* 16 to. 3 Bull.

(b) Paul. V *const. Romanum* 3 eod. to. 3 Bull.

(c) Greg. XV *const. Romanus* 1 eod. to. 3.

(d) Urban. VIII *const. circumspccta* 1 to. 4 Bull.

indulta Alexandri VII die 18 Augusti 1656, & 1667. (a), Clementis IX die 19 Augusti (b), Clementis X die 14 Junii 1670 (c), cetera posteriora.

LXXIX. Clemens XII tandem die 16 Iulii 1730 suis eadem privilegia conclauistis largitus exemplo decessorum suorum, facultatem superaddidit testandi; etiam si professi alicuius Ordinis vel sacrae militiae forent, excepta militia S. Io. Hierosolymitani (d). Indulti huius Clementini formam praeteritis ampliores exhibent posteriora quoque indulta Benedicti XIV, & Clementis XIII nunc feliciter sedentis.

LXXX. Ad dapiferos, qui extrinsecus cibaria Cardinalibus deferunt in claustrum conclauis, eadem fere privilegia conclauistarum extendit primum Urbanus VIII die 23 Decembris 1623 (e), mox Clemens XII die 16 Iulii 1730 (f).

Haecenus de episcopalibus hierarchiae gradibus, eorumque ordinatione & electione. Alios mox praelatorum percurrere oportet, qui vel vicariam a Papa & episcopis, mandataque iurisdictionem habent, vel maiorem, vel inferiorem episcopali dignitate, ut exterior ecclesiae politia magis innotescat.

T I. T. XXII. .

De Legatis & Nuntiis.

- 1 *Ad imperii Romani prouincias quum senatus & populus, rum Caesares & Imperatores suos mittere Legatos cum vicaria potestate consueverunt.*
- 2 *Inslar eorum Legati Sedis apostolicae ad mandatas sibi vices pon-*

(a) Alex. VII *const. motu proprio nos volentes* 30. 10. 5 Bull.

(b) Clem. IX *const. nos volentes* 5, ibidem.

(c) Clem. X *const.* 14 ibidem.

(d) Clem. XII in *const.* 2 par. 8 contin. Bull.

(e) Urban. VIII *const. Romanus Pontifex* 10, to. 4 Bull.

(f) Clem. XIII *const.* 3 cit. par. 8 contin. Bull.

pontificias implendum emerferunt.

- 3 Synodus orientalibus præfuerunt Legati Sedis apostolicæ partim ex Romanis presbyteris, partim ex episcopis earundem prouinciarum electi.
- 4 Legatorum alii præterea nati & perpetui, alii facti & missi ad nutum Pontificis.
- 5 Alii rursum ordinarii, alique extraordinarii.
- 6 Ordinariam Legati ordinarii habent iurisdictionem in causis præsertim appellationum, officio suo adnexam.
- 7 Quæ non extenditur ad negotia Sedi apostolicæ speciatim resignata, neque ad collationes beneficiorum.
- 8 Facultates ordinarias ipsi usque ad successoris aduentum exercent, extraordinarias finita legatione expirantes secus.
- 9 Voluntariæ iurisdictionis actus ubilibet extra prouinciam, præterquam in urbe, ubi Papa resideat, exercent.
- 10 Cardinales a latere Legati facultatibus potiuntur amplioribus.
- 11 Hoc in regno ecclesias & monasteria & dioceses visitare Legati apostolici sueuerunt.
- 12 Post Tridentinum uisitatoribus pontificiis limitata regiis placitis est potestas, ut ne personas laicas, nec loca pia laicalia, neque ecclesias protectioni regie subiectas uisitarent.
- 13 Ad Reges etiam nostros inaugurandos vel honorifica uisitatione colendos huc Legati a latere non semel accesserunt.
- 14 Atque ad baliarum Regum pupillorum & regni regimen administrandum.
- 15 Simul ad bellum contra inuasores gerendum.
- 16 Ipsi etiam Reges apostolicam legationem habuere.

§. I. De Sicilia Rege Legato.

- 17 Sicilia a sexto ad XI seculum Legatos pontificios habuit.
- 18 Quoad Rogerius Sicilia Comes, eiusque legitimus haeres ab Urbano II perpetuus apostolicæ Sedis Legatus factus est.
- 19 Quod pactum Hadrianus IV cum Guiljelmo I iniit, ne Romana ecclesia appellationem nec legationem haberet in Sicilia; id studuit Innocentius III abrogare inuestitura lit-
Tom.I.

teris ad Reginam Constantiam & Fridericum eius filium datis.

- 20 Honorius III appellationis iudicia in Siculis emeruit, Innocentius IV Legatum illuc suum misit seculo XIII.
- 21 Ioannes XXII, & Martinus V visitatores apostolicos Siculis dederunt seculo XV.
- 22 Nuntios insuper collectores pecuniarum Camera apostolicæ, qui varia S. Sedis mandata gererent in Sicilia, Pontifices Urbani II successores mittere non omiserunt.
- 24 Siculorum ad Romanam Curiam appellationes, ceteras legis apostolicis mandari consuevas facultates Paulus III, alique Pontifices vindicare sibi censuris contenderunt.
- 24 Nec non pactis inuestiturarum.
- 25 Sed æque Normannos, ac Suenos, Aragonios, Austriacos Reges Siciliae apostolica legatione potius tenent Siculi.
- 26 Bulla Urbani II transiitua, postquam Barberius eam in codicem retulit sub Ferdinando catholico, plenam Siculi fidem adhibere.
- 27 Aceros inde contentiones inter utramque Potestatem exorta, interdicto generali & anathemate Siculi percussi, & Baronii tomus XI igni damnatus.
- 28 Benedictus XIII tandem controuersam rem composuit cum Carolo VI Imp.
- 29 Nimirum statuit, ut in primo gradu causæ non exemptorum omnes exceptis excipiendis coram Ordinariis locorum, exemptorum in foro iudicis monarchiæ a Rege deputati cognoscantur, in secundo gradu ad metropolitanum causæ ab ordinariis deuoluantur.
- 30 Appellationes a sententiis metropolitanarum ad eundem iudicem monarchiæ deferantur.
- 31 Vtterioris gradus appellationes alter, dein tertius, alique deinceps a Rege item deputandi iudices ecclesiastici cum ternis assessoribus audiant & definiant.
- 32 Appellantes interea nullam a suis Ordinariis quod ad alias causas consequantur.

- 33 *A conservatoribus Regularium ad ipsum tribunal monarchiæ appelleretur.*
- 34 *Nulla recipiatur appellatio, nisi post exhibitum grauantis decreti vel sententiæ documentum.*
- 35 *Nec inhibitiō concedatur, nisi cum insertione talis decreti aut sententiæ.*
- 36 *Decretorum visitationis vel morum correctionis appellatio fore non suspendat executionem.*
- 37 *A grauantibus interlocutionibus appellatio nonnisi visis actis admittatur.*
- 38 *Quemadmodum & a comminata persona captura, vel sortura vel excommunicatione.*
- 39 *Acta originalia nonnisi necessitate urgente ad iudicem appellationis transmittantur.*
- 40 *In quo reperitur carcere appellans remaneat vsque ad exitum iudicii appellationis.*
- 41 *Ab inflitis censuris absolutionem iuden appellationis auditis partibus & causa cognita vel ipsi ordinario remittat, vel per sese indulgeat.*
- 42 *In dubio facti vel iuris ad cautelam cum recidendi lege excommunicati absoluantur, intereaque regantur cedulones.*
- 43 *Contumacibus appellare non liceat.*
- 44 *Appellationum causas in iudiciis criminalibus ex officio gestis promotor fiscalis agat.*
- 45 *Pauperum acta omnia gratis fiant.*
- 46 *In Regulares extra claustra delinquentes episcopi in primo gradu, iuden monarchiæ in gradu appellationis procedant.*
- 47 *Restitutiones in integrum, & absolutiones a iuramentis, a censuris etiam & pœnis in utroque foro indulgeat iuden monarchiæ.*
- 48 *Idemque appellantes a censuris Sedi apostolicæ reseruatis absoluat cum recidendi lege ad effectum agendi tantum.*
- 49 *Monitoria simul excommunicationis contra ignotos rei alienæ detentores & conscios concedat.*

- 50 *Vota qualibet, exceptis maioribus, possit commutare, ac dispensationes ad matrimonia consanguineis vel affinibus in 3, & 4 gradu largiri gratis.*
- 51 *De executione litterarum pontificiarum aliis mandata nonnisi in gradu appellationis iudicet.*
- 52 *Singuli in præcipuis urbibus subdelegati cum necessariis officialibus iudicis monarchiæ in toto regno quinquaginta, ultra inferiuntur Curia Panormitana; gaudeant exemptione a locorum Ordinariis.*
- 53 *In regularium utriusque sexus disciplina, officiis, clausura, studiis, nullitate professionis nulla detur appellatio aut recursus ad iudicem monarchiæ: præterquam in causis contentiosis.*
- 54 *Iurisdictionem a synodo Tridentina episcopis delegatam ipse non impediat.*
- 55 *Grauiores episcoporum causæ criminales Papæ referuntur; civiles vero, criminalesque minores ad metropolitanum in primo gradu, in secundo ad iudicem monarchiæ deferantur, in metropolitas, exemptosque ab eis episcopos in primo gradu processurum.*
- 56 *Specialia Papæ mandata & rescripta idem iudex impedire nullatenus audeat.*

§. II. De Nuntio Neapolis.

- 57 *Legatorum facultates variæ Nuntiis etiam pontificiis mandantur.*
- 58 *Hoc in regno Nuntius collector est pecuniarum Camera apostolicæ cum potestate iudicandi causas ad eam spectantes, nec non obligationum in forma Camere, ac pensionum.*
- 59 *Delegatus etiam is est in criminalibus contra exemptos cleri quum secularis tum regularis, & contra regulares extra claustra delinquentes.*
- 60 *Quinque limitationes facultatibus Nuntii diu consueverunt regia placita imponere.*
- 61 *Ad hunc appellationes non deferuntur, ordinariis Legati facultatibus expertem.*

- 62 Cognoscit autem causas ad spolia beneficiariorum pertinentes, praterquam in laicos.
- 63 Exemptorum insuper causas civiles indicat, quamvis in episcopos nonnisi pravia Papæ delegatione procedat.
- 64 Ordinarius præterea iudex est subcollectorum, omniumque officialium & servientium tribunali Nuntiaturæ.
- 65 S. Congregatio Concilii decrevit singulos fore subcollectores deputandos in plerisque huius regni diocesis, binos in nonnullis, ternos in aliis, decem in Neapolitana diocesi.
- 66 Eosque officio devotiō nulla exemptione gaudere, nec absentes a diocesi sibi designata; residentes autem, ubi non adsit iudex eorum specialis, parere ordinariis locorum in civilibus tantum causis debere.
- 67 Vnum cuiusque subcollectoris notarium, & commissarios illicitæ negotiationis durante solum officio frui exemptione, præterea neminem alium substitutum.
- 68 Parochos, Canonicosque Pœnitentiarium & Theologum a subcollectoris munere procul habendos, eosque aliter nulla potiri exemptione in iis, quæ animarum curam, suumque officium, & onera præbendarum ac beneficiorum spectant.
- 69 Quod ad cultum diuinum, clausuram monialium, percussione nem clericorum, rationes administrationis piorum locorum, casus episcopo reservatos intriſiſiōni episcoporum parere subcollectores debere, eosque in fragranti crimine capitali deprehensos posse in carceribus episcopalibus detrudi.
- 70 Patentes suscepti officii litteras debere subcollectores & commissarios diocesanis Ordinariis ostendere ad extremum declaravit.
- 71 Eorum deputatio sine litteris episcopi vitam moresque restantibus irrita est.
- 72 Iique nonnisi durante officio, aut qui annos duodecim illud probe exercuerint, & pro criminibus interea admissis iudicium Nuntii subeunt.
- 73 Duodecim cursores pro armata Nuntii familia indulget lex

Con.

Concordatorum, consueti exemptione fruentes, & usu armorum regis pragmaticis non prohibitorum.

- 74 *Speciali insuper iure foundationum duo monasteria monialium SS. Conceptionis, & S. M. Magdalene & ecclesia cum regio hospitale S. Jacobi Hispaniarum, simul ecclesia S. M. de Casarea cum nosocomio, & monte, eorumque Capellani & seruientes Nuntio apostolico subsunt.*
- 75 *Ecclesia quoque S. Angeli ad Nidum cum hospitale adnexo, eiusque capellani & seruientes nunc subire uisitationem, correctionemque Nuntii coguntur.*
- 76 *Tandem debitores clerici nedum ex clausula cameralis obligationis, sed etiam ex pacto incusanda obligationis in quouis loco & foro, vel ex litteris cambiis consueuerant in foro Nuntiatum pulsari.*

Idem sonat Legatus, quod apostolus & missus (a). Ad prouincias proconsulares duas Asiam & Africam, pratoriales decem sub Augusto Senatus, populusque Romanus, ad reliquas Casari reueruatas Casar ipse Legatos fere ternos mittebant uti Proconsules, Propratores, Caesarisque vicarios cum amplissima dignitate, iisque ordinariam iurisdictionem cum adnexo imperio, rei que publicæ administratione mandabant (b), qui modo Præfides, modo Legati promiscue dicebantur (c). Sed Constantinus M. quatuor Prætorio Præfectis quum orbis regimen distribuisset, pluresque unicuique illorum dice-

ce-

(a) *Pro Christo legatione fungimur, tanquam Deo exhortante per nos, scribit Apostolus 2 ad Corin. 5 vers. 20. Quum Pontificis, tum Principis Legatos olim Missos sepe dixerunt veterum scripta. Bonifacius Moguntinus Missus S. Petri, lib. 5 Capitular. & apud Anall. b. biblioth. in vita Steph. III. Synodus Sardicenis can. 3, & 9, decreuit causas maiores referri sæpius ad Missos, ab istis deinde ad Sedem apostolicam. Et Carolus M. Missis dominicis, h. e. Legatis imperialibus querelas reclamantium definiendas necessitate suadente remittere consuevit, lib. 2 Capitular. cap. 26.*

(b) *L. 6, & 13 D. de officio Proconsulis, l. 6 §. 8. D. de off. Præsidis, & l. 1 D. de off. ejus cui mand. est iurisd.*

(c) *L. 1, & 20 D. de off. Præsidis.*

ceses addixisset, singulos Præfectorum Vicarios in singulis instituit dioecesebus, qui vicariam sibi ab ipso Principe mandata agebant præfecturam (a).

II. Secularibus eiusmodi Legatis, Vicariisque dioecesium respondent in ecclesiastica hierarchia, qui mandatas Sedis apostolicæ vices obire consueverunt Legati pontificii, a Romanis Pontificibus vel missi, ut Conciliis ultra montes & maria præficerent, causasque inibi definirent ecclesiasticas (b); vel ut *defensores patrimonii diui Petri, ecclesiæ Romanæ* essent in regnis præsertim Hispaniarum, Galliæ & Siciliæ (c); vel ut apud Reges, magnosque Principes ecclesiæ vniuersalis negotia procurarent (d); vel ut consecrationes episcoporum, aliaque Sedi Romanæ reseruata negotia peragerent.

III. Ad Synodos autem œcumenicas præsertim orientales alios ex ipso Romanæ ecclesiæ corpore mitti pontificios legatos, alios ex episcopis prouinciarum destinari consuevit. Cedrenus de prima Synodo Nicæna loquens, *præerat ei, inquit, Siluestri Papæ Romani Locumtenentes Vitus & Vincen-
tius presbyteri Romani, Metrophanes Byzantii, Alexander Ale-
xandriæ, Eustatius Antiochiæ, & Macarius Hierosolymorum epi-*

(a) Syn. Sardicenf. cit. can. 3, & 9.

(b) S. Gregorius M. in can. *valde necessarium dist. 94*, ad episcopos Siciliæ describens præfacit legationes apostolicas in aliquo regno, prouinciæ generales cum amplissima potestate viguisse ante seculum VI. *Valde necessarium esse perspeximus* (ait), *ut sicut prædecessorum nostrorum fuit iudicium, ita vni eademque personæ omnia committamus, ut ubi nos presentes esse non possumus: nostra per eum, cui præcipimus, representetur auctoritas. Quamobrem Petro subdiacono Sedis nostræ intra prouinciâ Siciliam vices nostras Deo auxiliante commisimus. . . & totum nostrâ ecclesiâ noscimus patrimonium commississe.*

(c) Libertus Papa ad Constantium Imp. plures misit Legatos pontificios in causa diui Athanasii, ea ut concilio episcoporum definienda remitteretur. Aliis redundat exemplis historia ecclesiastica.

(d) Ex Iustiniani Nouella 6 cap. 2 compertum habemus sedibus tantum patriarchalibus licuisse *apocrisarios* mittere ad Comitatum; regiamque Curiam, ibi ut res curarent ecclesiasticas, causasque delegata iurisdictione cognoscerent, P. de Marca lib. 3. de concordia cap. 17 num. 3. Idipsum liquet ex cit. ep. S. Gregorii M. ad episcopos Siciliæ. De apocrisariis episcoporum Binghamus to. 2. orig. pag. 77.

episcopi (a). *Osium* præterea Cordubensem episcopum Nicæno præfuisse Concilio vti legatum Siluestri Pontificis, multi contestantur (b). Occidentales enim episcopi quum paucissimi ad concilia orientalia convenissent, Romanusque Pontifex interea cum eis sua simul haberet: decreta inde Romanæ ecclesiæ referre ad orientales consuevit per legatos suos totam ecclesiam occidentalem repræsentantes, vicesque ipsius Romani Pontificis in ferendo suffragio gerentes.

IV. In longinquis præsertim occidentalibus regionibus insigniores episcopi sunt pontificio vicariatu adaucti modo personaliter quoad vel ipsi viverent, vel Pontificibus legantibus libuisset; modo realiter ob perpetuam eorundem Sedibus adnexam legationis prærogatiuam (c). Legatorum hinc alii *nari*, alii *facti* seu *missi* dicuntur. *Nascuntur* Legati, dum episcopales Sedes, ecclesiæque, quibus earumque prælatis sit legatio Sedis apostolicæ in perpetuum concessa, obtinent: ii enim absque nouo Sedis apostolicæ mandato reapse potiuntur
Legati

(a) Cedrenus in *compendio historis*. Consonat Nilus metropolita Rhodius *lib. de synodis*, & epistola synodica Nicænorum Patrum ad ecclesiam Alexandrinam.

(b) Gelasius Cyzicenus *lib. 2. hist. conc. Nicæn.* Socrates *lib. 1. hist. cap. 9*, S. Athanasius in *apologia de fuga sua*, ceteri.

(c) Thessalonicensi episcopatu in Illyrico orientali vicariatum apostolicum in primis collatum, non personis episcoporum, pluribus probat P. de Marca *lib. 5 de concord. cap. 22*, contra Iuonem Carnotensem aliter sentientem *ep. 59*. Deinde archiepiscopos primæ Iustinianæ a Vigilio Papa instante Iustiniano creatos Sedis apostolicæ Vicarios, ostendit Nov. 131 *cap. 4*. Tum episcopos Cotinthiorum, vti notat Balsamon in *schol. ad præfat. Conc. Trullani*, & patet ex diu. Greg. *ep. ad episcopos Hellados*, qui Vicario Coninthiorum paruerunt. Arelatenſes quoque episcopos a Zosimo & successoribus Pontificibus, Marca *d. lib. 5 cap. 30*, & *segg.* Cantuarienses item archiepiscopos in Anglia, quorum primo tamen S. Augustino datus Greg. M. personalem largitus fuerat Vicariatum. Alios in Hispania, pnta Zenonem Hispalensem a Simplicio, Ioannem Tarraconensem, siue Illycanum ab Hormisda, & Sallustium Hispanum: in Gallia S. Remigium Remensem ab eodem Hormisda, Dragonem Metensem a Sergio II, ceteros: in Germania Bonifacium, seu Winfridum a Gregorio II, & Stephano II, Vicarios item Sedis apostolicæ permodaliter creatos, recenset Marca *eodem lib. 5 cap. 42*, & *segg.* Hanc ipsam distinctionem tradit Innoc. IV in *cap. officii nostri 1 de off. leg. in 6*.

Legati potestate, quemadmodum potiti olim sunt archiepiscopi Cantuariensis (a) & Eboracensis in Anglia, Rhemensis & Arelatenfis (b) in Gallia, Pisanus in Italia, alique alibi. *Fiant* autem Legati, quoties personalem & temporariam accipiunt a Sede apostolica legationem: qui nisi litteras ostenderint pontificias, nullam in obeundo munere fidem (c) promerentur. Istique mandatam legationis provinciam non suscipiunt, nisi Regis consensus accesserit (d).

V. Alii rursus *ordinarii*, alii vero *extraordinarii* sunt. Potestas *extraordinariorum* quanta & qualis sit, ex tenore litterarum Sedis apostolicæ, quæ solent in forma *Brevis* dari, dignoscenda est (e): eaque ultra mandati fines modo ampliores, modo angustiores non extendenda (f). Horum proinde legatio dicitur *specialis* & limitata ad certa speciatim negotia peragenda. *Ordinarii* autem *generalem* obeuntis legationem iurisdictione utuntur ordinaria, quam scilicet iura dant officio Legati (g), quæque vim obligandi perpetuam expleto etiam legationis munere habet (h); & obitu Pontificis legantis non expirat (i): quemadmodum & Legatorum *Cax-*

Tom.I.

Y y

farie

(a) De quo Alexander III in *cap. 1 de officio legati*.

(b) Cujus meminit diuus Gregorius M. *can. in Galliarum 3 C. XXV qu. 2, & ep. 5 ad Vigilium episc. Arelatenf. alibique*.

(c) Nicol. 1 in *can. mobilissimus 3 dist. 97*. Synodus Argentinensis provincialis in dioecesi ab archiepiscopo Rauennate Raynaldo celebrata anno 1314 statuit *can. 5*, ut *Legati, delegati & Nuntii sedis apostolicæ legationis, delegationis ac potestatis sua fidem faciant ordinario, eisque transiuntum postulant exhibeant. Legati & latere excepti sunt. Exciipiuntur & illi, qui ad priuatas causas delegantur, parti iurisdictionem suam eos significare satis est*.

(d) Alexander III ad Ludouicum VII Regem Francorum scripsit, pontificiam in Gallias legationem destinasse B. Thomæ Cantuariensi archiepiscopo, si consensus Regis & episcoporum accederet, apud N. Alexandrum in *hist. sec. 15 cap. 11 art. 3 num. 7, to. 19 pag. 339 edit. Neap.*

(e) Vti monet Card. de Luca in *annot. ad S. Conc. Trid. disc. 33 n. 21*.

(f) *Cap. P. & G. 40 de off. & pot. jud. deleg.*

(g) Clemens IV in *cap. legatos 2 de off. leg. in 6* rescriptis legatos *proximeiarum eis commissarum, instar proconsulum, ceterorumque præsulum, ordinarios esse*. (h) *Cap. memini fin. de off. legati*.

(i) *Cap. legatos 2 eodem tit. in 6*.

laris & Proconsulum (a). Quales sunt, qui a summis Pontificibus cum *Vicelegatorum* titulo præficiuntur regimini Status ecclesiastici, puta *Auenionensis*, *Bononia*, *Ferraria*, *Flaminia* seu *Romandiola*, *Vrbini*, & aliquando *Marchia* & *Umbria* (b): alibique alij tam *nati*, quam *facti*, missique ad legationem generalem.

VI. Hi sane Legati iure ordinario causas vniuersas, quæ vel per appellationem vel querimoniam ad ipsos deferantur, ordinario iure, eoque ampliori quam metropolitico audiunt; definiuntque (c) in quouis loco intra legationis prouinciam (d): dummodo sua cuique episcopo iurisdictioni seruentur (e). Hinc Tridentina Synodus decreuit, vt *Legati & Nuntii apostolici*, *Patriarchæ*, & *Primates & Metropolitani* in quibusvis causis tam in admittendis appellationibus quam in concedendis inhibitionibus post appellationem seruare teneantur formam & tenorem sacrarum constitutionum & præsertim *Innocentii IV*, quæ incipit *Romana*, quacunque consuetudine etiam immemorabili aut stylo vel priuilegio in contrarium non obstantibus: aliter inhibitiones & processus & inde secuta quæcunque sint ipso iure nulla (f). Vtque Legati etiam de lacerare, Nuntii, Gubernatores ecclesiastici aut alij quorumcunque facultatum vigore non solum episcopos in prædictis causis (puta matrimonialibus & criminalibus) impedire aut aliquo modo eorum iurisdictionem iis præripere aut turbare non præsumant: sed nec etiam contra clericos, aliasque personas ecclesiasticas, nisi episcopo prius requisito, eoque negligente procedant: alias eorum processus, ordinationesque nullius momenti sint, atque ad da-

(a) L. 12, & seq. D. de off. procons. & legati, & l. pen. D. de off. ejus, cui mandata est iurisdictio.

(b) De quibus Card. de Luca in annot. ad S. Conc. Trid. disc. 3.

(c) Alex. III in cap. 1 de off. legati, & Clem. IV in cap. 2 ead. tit. in 6.

(d) Innoc. III cap. nouit 7, & Greg. IX cap. excommunicatis 9 de off. legati.

(e) Idem bini rescriptis litteris S. Greg. M. ad Io. in Hispania defenso rem can. de persona 48, atque ad Romanum in Sicilia can. peruenit 39 C. XI. qn. 1.

(f) Trid. in cap. Legati 7 sess. 22 de reform. Ad rem hanc videlicet dicenda inferius lib. 3 tit. 17 de app. iudicio, & lib. 4 tit.

damni satisfactionem partibus illari reneantur (a). Hisc de-
cretis varios abusus potestatis ad lucrum, qui iam inuale-
rant in Legatis & Nuntiis Sedis apostolicæ, quosque inter alia
reformationis capita proposuerant deputati a Paulo III Car-
dinales quatuor cum quinque prælatis, reformavit Synodus
Tridentina.

VII. Eas vero causas excipe, quas aliis Papa delegauerit
speciatim (b), vel Legatus ipse ad Sedem retulerit apostoli-
cam (c), vel iura singulari privilegio Papæ reservatas velint:
puta episcopos transferre vel episcopalium sedium alteri al-
teram subicere, aut vnire, vnamve in duas diuidere, si-
ne mandato speciali (d). Innocentius IV Legato siue misso,
siue nato non Cardinali non esse facultatem conferendi bene-
ficia statuit (e): nisi eam specialiter apostolica Sedes manda-
uerit (f). Addit Riganus (g), quod nequeat Collegiatus in
parochialibus erigere, neque insignia capæ magnæ & rocheti
Canonicis cathedralium, collegiatarumque indulgere ordinario
iure Legatus.

VIII. Facultates ab extraordinario iure profluente tam-
etsi finito legationis tempore expirant; ordinarias tamen exer-
cebit probe Legatus vsque ad successoris aduentum (h).

IX. Voluntariæ iurisdictionis actus, puta dispensationes,
assensus, licentias, liberas gratiarum collationes, quæ sine
contradiçtore petentibus conceduntur, non modo intra le-
gationis provinciam, sed extra illam potest etiam explere
(i): præterquam in vrbe, vbi Pontifex resideat. Ob reue-

Y y 2

ren-

(a) Trid. in cap. causa omnes 20 sess. 24 de res.

(b) Cælest. III in cap. 2 de off. legati.

(c) Inoc. III in cap. 6 eodem tit.

(d) Idem in cap. 3, & 4 eodem tit. (e) In cap. officio 1 de leg. in 6.

(f) Inoc. III in cap. litteras 4 de suppl. negl. prel.

(g) Rigan. in Reg. 14 Cancell. num. 33, & 34 to. 2.

(h) L. meminisse C. de officio proconsulis.

(i) Gl. in cap. si Abbatem ver. in provincia de elect. in 6, & arg. l. 2
D. de off. procons. quum omnes proconsules, ait textus, statim ac urbem egressi
sunt: habent iurisdictionem, non tamen contentiosam, sed voluntariam. Nam
Proconsulibus æquiparantur Legati in cap. 2 de off. leg. in 6.

rentiam porro Papæ debitam Legati, quemadmodum & alii locorum Ordinarii in vrbe commorantes, *extra* portam vrbis aliquam vel *reuera* dant resccripta iurisdictionis voluntariæ, vel saltem *fisse* simulant ea *extra* eandem dare, quæ tamen in utroque casu valida esse putantur (a).

X. Major tamen est *Cardinalium Legatorum*, quos a *latere Legatos* ideo appellant, quia collaterales Papæ sunt Cardinales, quam *non Cardinalium* potestas quum ordinaria tum extraordinaria. Cardinales enim in sua legationis prouincia ordinarios esse beneficiorum collatores, palam indicat prælaudata Innocentii IV constitutio (b): in iisque conferendis ita cum quolibet alio diocesano collatore simul concurrere, vt locus detur præuentioni (c). Plurimas vero iisdem a *latere Legatis* facultates (d) extraordinario, specialique mandato largitur Sedes apostolica vel expresse, dum eos vltra montes mittit; vel tacite sub ea generali clausula *cum facultatibus solitis & consuetis*, vbi citramontana sit legationis prouincia. Summa earum capita sunt, quaslibet ecclesias quomodolibet exemptas visitandi; earumque statuta confirmandi, vel irritandi vel noua edendi; in causis maioribus qua civilibus qua criminalibus iudicandi; reos vel enormium criminum quum puniendi tum absoluedi; dispensandi quod ad ordines, beneficia & matrimoniorum impedimenta; reseruata etiam & affecta beneficia conferendi; nouas erigendi dignitates, officia & monasteria; indulgendi alienationes rerum ecclesiasticarum, oratoria priuata, cibos esurialibus diebus vetitos, prælatisque facultatem testandi; creandi protonota-

(a) Ex traditis a Rigantio in *Reg. 1 Cancell. §. 4 num. 131, & seqq. no. 1*, contra Couarruniam, alioque opinantes irrita a Legatis in vrbe gesta.

(b) In *cap. 1 de off. leg. in 6*, ibique Passerinus *num. 5*, Germonius *de indult. Cardinal. §. ac irritum num. 24*, & Gambar. *de off. legati lib. 3 n. 25*.

(c) Passerin. *ibidem num. 18*, Rota coram Puteo *lib. 2 dec. 345 num. 1*.
(d) Eas in 57 capita prolatas habent Douiatius in *specim. iuris Gallici to. 1. par 3 num. 40*, & Rigantius *to. 2. in Reg. 14 Cancell. num. 31*. Qui præterea monet facultates eiusmodi Legatorum a latere generalibus Regularum Cancellariæ reuocationibus fere non abrogari, præsertim Reg. IX, XIV, et XV.

tarios; & vota commutandi. Ludouicus Thomafinus de hifce Legatis loquens, *poterant*, ait, *legationis fua munere concilia cogere, metropolitans praebant, fufpendebant & deponcbant epifcopos & ipfos metropolitans*. Eorum fuffragium toti concilio *aequponderabant*; & tunc ad Pontificem referebatur. Non tantum appellationum iudicia inftituebant, fed etiam *prima inflantia* & ad priuatorum querimonias. Multa ftatuebant in conciliis, beneficia conferebant, aliquando etiam vacatura (a).

XI. Hoc in regno Neapolitano uifitationem apoftolicam ecclefiarum & monafteriorum epifcopis plerunque uiciniorebus uti Sedis apoftolicæ legatis mandare fpeciatim Romani Pontifices confueuerunt. S. Gregorius M. Paulo fratri & cõpifcopo noftro, ait, *ecclefia Neapolitana uifitationis operam inuinximus: ideo fraternitas tua uifitationem ecclefia Nepefinæ non defiftat adfumere* (b). Nicolaus II anno 1059 Defiderium Abbatem Cafinenfem S. R. E. Cardinalem creauit (qui poftca pontificatum habuit affumto nomine Gelafii II), mox per totam Campaniam & Principatum, Apuliam quoque atque Calabriam ab ipfo fluuio pifcaria, ficut fuit in mare, uicem fuam idem Apoftolicus illi conceffit (c): ut nimirum ecclefias omnes & monafteria in hifce prouinciis ut apoftolicus a latere Legatus uifitaret (d). Eiufmodi uifitationibus Neapolitani Reges quidem uidentur olim non obftitiffe. Nam Rex Guilielmus I articulis 3, & 4 concordia cum Hadriano IV initæ anno 1156 conuenit, ut *consecrationes & uifitationes liberè Romana ecclefia faciat Apulia & Calabria ciuitatum ut uoluerit, aut illarum partium, quæ Apulia funt affines: ciuitatibus illis exceptis, in quibus perfona nofta vel noftorum heredum in illo tempore fuerit, remoto malo ingenio, nifi cum uoluntate nofta, noftorumque heredum*. Tum in Apulia & Calabria & partibus illis, quæ Apulia funt affines, Romana ecclefia libe-

(a) Thomafin. par. 1 lib. 2 cap. 119 num. 10.

(b) S. Greg. M. lib. 1 ep. 212.

(c) Ait Leo Oftienfis in chronico lib. 3 cap. 13.

(d) Auctor hift. cit. Neap. lib. 34 cap. 6.

libere legationes habebit. Illi tamen, qui ad hoc a Romana ecclesia fuerint delegati, possessiones ecclesiæ non deuoluent (a).

XII. Post comitia Tridentina res aliter se habuit. S. Pius V anno 1566 quum episcopo Strongylenſi mandasset auctoritate apostolica visitare aliquot huius regni dioceses archiepiscopales & episcopales, in his Salernitanam, Caietanam & Cassanensem regis nominationis, earumque omnes ecclesias & personas ecclesiasticas etiam ab Ordinariis locorum exemptas, Regis quoque Capellanum maiorem, regioſque capellanos & hospitalia a laicis gubernata; idemque episcopus absque placito Proregis, eoque incio nonnullas visitasset ecclesias: executio inde pontificiæ visitationis in difficiles nodos incidit ad Regem Philippum II a Prorege Alcalensium duce reſortos (b). Mox Paulo Odescalco Nuntio pontificio, qui plura huc eiudem Papæ mandata pertulerat, Dux Alcalensium regium placitum indulgens die 24 Febr. 1568, contempsit, vt auctoritate apostolica prospiceret nedum ecclesiarum restaurationi & sacris suppellectilibus, ob id sequestro daturus earundem redditus: sed exequendis etiam decretis Tridentinæ reformationis, sola facti veritate inspecta, manu etiam regia, omnique appellatione remota, quoties ordinarii locorum ab ipſo moniti negligerent prauos mores corrigere, reos plectere, suumque officium implere. At obstitit, ne idem Nuntius mandatam sibi auctoritatem exequeretur inquirendi & indicandi alienationes rerum ecclesiæ a centum retro annis male gestas, & cogendi quoslibet iniustos earum detentores ad restitutionem vna cum fructibus (c). Tum Cardinalis Granuela Prorex anno 1574 ad episcopum Reatinum, qui apostolicam visitationem in ciuitate Aquilæ sine regio placito aggressus fuerat, hortatorias litteras dedit; nequid amplius ea in re ageret sine placito regio; simul prospexit, ne illius pro-

(a) Ex supradictis tit. 10 num. 2 lit. b.

(b) Ex B. Chiocarello to. 4 arch. tit. 3 num. 1.

(c) Ibidem num. 4, & seqq.

provincia episcopi eam visitationem vllatenus admitterent [a]. Verum Archiepiscopo Surrentino anno 1581 ad visitandas ecclesias, monasteria, loca pia, & personas ecclesiasticas Castri Stabienfis pontificiis litteris delegato placitum regium quoad ecclesias & personas ecclesiasticas tantum concessum fuit (b). Dein Joanni-Angelo Ægyptio mandatam a Xysto V visitationem hoc in regno apostolicam anno 1582 Oxunæ Dux itidem permisit quoad personas ecclesiasticas tantum, dummodo non operetur directe vel indirecte contra personas laicas, neque super praelaturis & beneficiis, monasteriis, hospitalibus & capellanis, quæ sunt sub protectione regia (c). Tum Comes Mirandæ anno 1593 placito suo consensit, vt episcopus Bisiniani cum duobus aliis conuicatoribus monasteria monialium in hac ciuitate Neapolis visitaret vigore litterarum Clementis VIII (d).

XIII. Ad nostros etiam Reges vel inaugurandum vel ipsos præsertim gratulationis officio colendum fœuit Sedes apostolica suos huc mittere Legatos a latere: sicuti ad Philippum V Clemens XI Franciscum Cardinalem Barberinum anno 1702 ablegauit rebus heic gestis clarissimum.

XIV. Alios insuper Legatos olim habuit hoc regnum sub Regibus pupillis. Regina Constantia quum Innocentium III Friderici vnigeniti sui balium testamento nuncupasset anno 1193 (e): Gregorius Cardinalis S. M. in Porticu & Papæ & Regis vice functus est (f). Mox a Rege Corrado in ciuitate Lauelli moribundo Innocentius IV datus Corradino filio balius anno 1254, Guilielmum S. Eustachii Cardinalem consanguineum Legatumque suum huc præmisit (g).
Cic.

(a) Ibidem num. 10.

(b) Ibidem num. 12.

(c) Ibidem num. 14.

(d) Ibidem num. vlt.

(e) Ricard. a S. Germano in chronico. Anno 1198. Imperatrix ipsa processu temporis obiit, & prædictum filium vnicum Fridericum, & regni balium Innocentio Papæ ex testamento reliquit.

(f) Innocentius idem lib. 2 ep. 232 ad Clerum Rhegii rescripsit, quod ipse Cardinalis legatos assensum regia vice concedens & electionem examinans, cum eandem inuenisset canonice de persona idonea celebratam, auctoritate apostolica confirmauit.

(g) Nic. Ianfilla in vita Regis Corradi, cum inter alia, quæ Corradus (ait).

Clemens IV datis ad Carolum I Andegauensem inueſtituræ litteris anno 1265 cautum voluit, quod *hæredes* ipſius, *qui non erunt* legitimæ ætatis, ſi pater præmoreretur, in cuſtodia Romanæ eccleſiæ remanebunt, & & regnum a Legato apoſtolicæ Sedis & vno Comite ex parte hæredis adminiſtrabitur (a). Cum anno 1284 die 7 Februarii vita functus eſſet Rex Carolus I, eoque tempore vnigenitus eius Princeps Salerni Carolus captiuus apud Regem Aragonum eſſet: Martinus IV Pontifex Legatum huic regno miſit Gerardum episcopum Sabinenſem Cardinalem de Palma (b). Caroli Martelli filius natu minoribus, qui ad thronum Neapolitanum contendebant, Bonifacius VIII ad tutelam, curamque deputauit Landulphum Cardinalem Brancacium (c). Poſt Regis Roberti obitum Americus S. R. E. preſbyter Cardinalis Balii regni Sicilia pro S. R. E. deputatus a Clemente VI inſcribitur in codice regiæ ſiclæ ad annum 1344. Tum e viuis ſublato Carolo III anno 1383 Bonifacius IX Angelo Cardinali Acciaioſo tutelam pupilli Regis Ladislai Caietani fuga dilapſi demandauit. Tandem Philippus IV anno 1666 quum Caroli II filii ſui tutelam ſupremis tabulis commendaeſſet Regiæ ipſius parenti, pluribuſque miniſtris regentibus. Alexander VII haud neglexit baliatum regium Sedi ſuæ ſed irriſo conatu vindicare, ſua per Nuntium iura Proregi Petro Antonio Aragonenſi patefaciens (d).

XV. Regium inſuper ius armorum in hocce regno deſen-

(ait) de filio & regno ſuo in vltima voluntate diſpoſuit, filium ſuum manibus & gratia Sedis apoſtolice ſubmittendum eſſe mandaeſſet: Papa Innocentius IV, qui Sedi tunc apoſtolice præerat . . . in regnum venire decreuit . . . præmiſſo Legato Sedis apoſtolice Guilielmo S. Euſtachii diacono Cardinale, viro quidem iuvene & ipſius Papa conſanguineo.

(a) Apud Bart. Chioccarell. to. 1 arch.

(b) Ex traditis a Reg. Moles in decr. Reg. Cam. par. 1 de collectis num. 8.

(c) Auſtor hiſt. ciuil. Neap. lib. 39 cap. 1.

(d) Romana cuiſmodi iura propugnare Camillns Tutines Neapolitanus preſbyter ſtuduſit. Contra ea diſſeruit Marcellus Marcianus in diſputat. de balatu Neapolitani regni aduerſus. anonymum nouatorem Neapolitanum perduellẽm.

sendendo vel recuperando haud semel administrarunt Legati Romanorum Pontificum. Præsertim Guilielmus Cardinalis S. Eustachii sub Innocentio IV pro Corradino Rege pupillo contra Manfredum infeliciter pugnavit apud Foucæ urbem. Tum Ostaianus Cardinalis S. M. in via lata sub Alexandro IV dux belli contra eundem Regem Manfredum pacem ab hoste petiit prospera illius fortuna compulsus (a).

§. I. *De Sicilia Rege Legato & iudice monarchia.*

XVI. Pontificiam legationem nonnulli etiam Reges habuere. Nam Siluester II creatus Pontifex anno 999 Stephano Hungariæ Regi sanctissimo, qui Christi fidem in Pannonia propagauerat, ut crucem deferret ante se in signum apostolatus, & ecclesias in suis ditionibus ordinaret, indulgit [b]. Indubitatum esse, Thomassinus ait, B. Stephanum Hungariæ Regem legationem apostolicam gessisse, & potestatem eius explicuisse omnem. Bela Rex Hungariæ idem sibi instaurari privilegium poposcit a Gregorio IX anno 1238, antequam bellum inferret Bulgaris: ut Legati iure & potestate fines posset præfigere diocæsisbus, parochias erigere novas, novos concedere episcopatus in diocæsisbus. Simul Martinus V Papa post annum 1417 Regem Poloniæ Ladislaum, & Vicoldum magnum Lituanie Ducem Vicarios apostolicos in Russia constituit (c). Eiusdem rei exemplum aliud præclarum habet Sicilia ultra pharum, mox edifferendum curatius.

XVII. Prioribus pacatæ ecclesiæ seculis cui totum ecclesiæ Romanæ patrimonium in Campaniæ præsertim & Siciliæ provinciis commisit diuus Gregorius M., eidem quoque personæ mandare vices apostolicæ Sedis generales consuevit [d]. Eiusque exempla sectati sunt successores Pontifices. Un-

Tom. I.

Z z

deci-

(a) Nic. Iansilla in *vita Manfredi*.

(b) Auctor vitæ S. Stephani Regis Hungarorum apud Surium *ad diem 20 Aug.* (c) Lud. Thomassin. *par. 1 lib. 2 cap. 119 num. 10.*

(d) Id constat ex *sic. ep. diui. Greg. ad episcopos Siciliæ in can. valde necessa-*

decimo declinante seculo Urbanus II episcopum Trainensem, alias Imacharensem in Sicilia, pariter instituit Legatum [a]. Plures interea metropolitæ in pluribus huiusce regni Neapolis, Siciliæque provinciis ab Romana Sede iam instituti [b], ut ceteras fileam querelas, quam ægerrimo ferebant animo Legatos pontificios, vel ordinario vel extraordinario iure appellationum causas iudicantes, & metropolitaram iura diminuantes multimodis.

XVIII. Tunc Rogerii (cognomine *gibbosi*) Siciliæ Comititis accessit querimonia, qua factum est, ut anno 1093 Urbanus II tandem prædicta Trainensis episcopi legatione in irritum missa, Rogerium ipsum, eiusque filium Simonem, vel alterum, qui ei legitimus esset hæres futurus, in Sicilia Legatum Sedis apostolicæ crearet eo pacto, ut nullum alium illuc amplius mitteret Legatum: remunerandi studio præclara eius merita, religionemque ob expulsos Saracenos, vindicatasque Romanæ Sedi a Constantinopolitana omnes utriusque regni ecclesias (c). Pseudoque Pontifex Anacletus anno 1120 quum regia corona Rogerium decorasset prælaudati Rogerii filium, iussit ut episcopi & abbates, qui in eius ditionis solo manebant, ei obtemperarent: id quod Petrus diaconus tradit (d) coævus auctor. Ab Anacleto schismatico turpem ducere originem Siculæ legationis, quam *monarchiam* vocitant, con-

nituntur-

cessarium, dist. 94, ex altera eiusdem ad Anthemium subdiaconum in Campania Nuntium de Atellani episcopi testamento & hereditate lib. 7. ep. 53; aliæque ep. 22. lib. 4 ad Cyprianum diaconum in Sicilia Nuntium de Theodori episcopi testamento.

(a) Gotofredus Malaterra *hist. lib. 6 in fine*, Fazell. *rerum Sicularum lib. 7, & Inueges lib. 3.* (b) Vti superius dictum tit. XVI num. 5.

(c) *Bullam* huiusce legationis, quam *monarchie Sicilia* vulgo nuncupant, dedit Urbanus II Salerni anno 1098, a Io. Diacono ecclesiæ Romanæ conscriptam. Eius tenorem videtis apud Baronium to. XI ad an. 1098. Fazell. & Inueges *loc. cit.* & Reg. de Ponte in *ms. de monarchia Sicilia*. Lud. Ant. Muratorius in *annal. Italia ad an. 1098 eam fert datam Salerni per manum Iohannis S. R. Ecclesiæ diaconi 3 nonas Iulii indic. VI, Pontificatus Urbani secundi anno XI.*

(d) Petr. Diacon. in *chron. Casinens. lib. 4 cap. 99.*

nituntur Cardinale Baronio duce non pauci; ab Urbano legitimum, longeq̃e probissimam alii aduersæ sententiæ perplures. Res hinc & hinc gestas ad hodiernum vsque vsum conspiciere vel cursim operas prætium est.

XIX. Hadrianus IV cum Guilielmo I Rogerii filio patrus est anno 1156, vt Romana ecclesia in Sicilia regno, sine ipsius Regis, eiusque heredum petitione, non haberet *appellationem* neque *legationem* (a). Veruntamen Innocentius III litteris inuestituræ ad Reginam Constantiam Guilielmi germanam & Fridericum eius filium anno 1198 datis cautum voluit, vt canonice fierent electiones sine vlllo impedimento, appellationes ad Romanam Curiam libere interponerentur, Legatosque pontificios destinari liceret (b). Simul archiepiscopis, & vniuerso clero in Sicilia constituto binis litteris significauit libertatem canonicam iis in rebus vindicasse; & Ostauium Cardinalem episcopum Ostiensem a latere Legatum ac visitatorem cum amplissimis facultatibus eam in Insulam deputasse (c). Dein Cardinales Gerardum S. M. in Porticu diaconum anno 1199, P. SS. Petri, & Marcellini presbyterum anno 1202, Gerardum S. Hadriani diaconum anno 1204, Cencium S. Laurentii in Lucina presbyterum (d) illuc ablegauit, vt ea ab Insula armis etiam studerent profligare Marcoualdum, regnumque puero Friderico, cuius ipse Pontifex tutelam susceperat, sedulo tueri (e). Iulium quoque S. Stephani in monte Caelio presbyterum ibi suum a latere Legatum constituit. Demum Syracusano episcopo pontificiam ibi legationem demandauit (f). Plures insuper causas

Z z 2

appel-

(a) *Art. 6 Concord. inter Regem Guilielmum & Papam Hadrianum tit. 10 huiusce libri num. 2 lit. b.*

(b) *Apud B. Chioccarell. to. 1 arch. num. 14, & 15. Eas inuestituræ conditiones seruaturum spondit Fridericus aurea bulla, quam dedit anno 1213, & altera ad Honor. III anno 1219. (c) in registr. epistolarum Inn. III.*

(d) *Cop. nisi specialis 3, & sup. quod translationem 4 de offic. legati.*

(e) *Ex eiusdem Inn. III ep. 210 lib. 2, Ezouio ad an. 1199 num. 12, & Emm. Gonzalez ad cit. cap. quod translationem 4 in not. lit. c.*

(f) *Ex plurimis ipsius Inn. III epistolis a Baronio etiam laudatis in differt. de monarchia Sicilia.*

appellationum ad se delatas pluribus eiusdem insulæ episcopis auctoritate pontificia inibi definiendas delegauit (a).

XX. Honorius III anno 1217 Syracusanum episcopum, qui ad Innocentium III appellauerat, rite abfoluit ab impetitis, eiusque aduersariis perpetuum indixit silentium. Vigefimas super ecclesiasticis Siculorum redditibus semel & iterum pro subsidio Terræ sanctæ ac Templariis indixit. Et Messanenſi archimandritæ, saluis Romanæ ecclesiæ iuribus, nonnulla indulſit privilegia (b). Innocentius IV exasperatis cum Friderico diſſidiis S. presbytero S. M. trans Tyberim, & R. diacono S. M. in Cosmodin Cardinalibus Siculam quoque legationem credidit largiſſimam anno 1246 (c). Eamque ceteris deinceps alii Pontifices.

XXI. Ab Ioanne XXIII anno 1412, quo regnare cepit Ferdinandus Aragonius, missus est Arago de Malaspina reformator Siciliæ cum potestate conferendi etiam Canoniciatus & beneficia, ab illoque clero florenos 25 pro expensis quotidie percipiendi [d]. Tum a Martino V Cypressus Balauerius uisitor, omnium totius Insulæ ecclesiarum anno 1418 [e], quum regnaret Alphonsus Ferdinandi filius.

XXII. Nuntios præterea permultos in Siciliam, qui varia Sedis apostolicæ negotia gererent, præsertim de colligendis decimis, charitatiuis subsidiis & spoliis, de occupationibus bonorum Romanæ ecclesiæ compescendis, de restitutione rebellium, de comœatu Alexandrinis nauibus concedendo, diuersisque componendis controuersis, missos a Paschale

(a) Ex eiusdem registri *lib. 1 ep. 180, 310, & 376, ac lib. 2 ep. 14*, apud Baron. *loc. cit.*

(b) Hon. III *ep. 600 ad Syracus. episc. tum ep. 104, 131, & 359, lib. 3, & ep. 43. lib. 1.*

(c) Baronius *loc. cit.* ea de re laudat Innocentii IV *epistolæ 11, & 14.* Verum inhibita iis fuit Legatis a latere collatio beneficiorum, & mutatio status regni, *ep. 9, & 10, in archiu. Vatic.*

(d) Baronius *ibidem.*

(e) Ex Vatic. Arch. Cod. 2541.

le II [a], Innocentio IV, Bonifacio IX, Clemente VI, Innocentio VI, Urbano V, Ioanne XXIII, Martino V, & Paulo III, recenset Baronius, inde ut inferat monarchiæ Siculæ vsui tot tantosque Pontifices per tot seculorum spatia non assentitos tacite nedum fuisse, sed immo ad interneccionem vsque aduersatos apertissime.

XXIII. Paullus III regnante Carolo V, Iulius III Philippo II, Clemens VIII Philippo III, Gregorius XV Philippo IV, Alexander VII Carolo II, Clemens XI Carolo III, ut vim haberent in Sicilia inhibitiones criminales Auditoris Cameræ apostolicæ, aliaque Romanæ Curie mandata, ecclesiasticis censuris contumaces compulere Siculos. Recentiora censurarum iacula, totiusque regni interdicta malo, quam referre, missa facere.

XXIV. Pactis quoque inuestiturarum conuentis, quæ idem enarrat Baronius, studuit Sedes apostolica regiam legationis pontificiæ dignitatem abolere, sibi & appellationum causas, & confirmationem electionum, & legationes liberas, & omnimodam in rebus ecclesiasticis auctoritatem vindicare, saluoduntaxat regio iurepatronatus secundum canones. Hæc præscripserunt omnia Innocentius IV, & Alexander IV Henrico Anglorum Regi, eiusque filio Eadmundo, quum iis regiam vtriusque Siciliæ Coronam, antequam Carolo Andegauensi, offerrent. Tum Carolus I Andeg. anno 1265 acceptæ iam inuestituræ conditiones impleturus, præstito fidelitatis iuramento inter alia probauit facultatem appellandi ad Sedem apostolicam in causis ecclesiasticis, abrogatis decessorum constitutionibus contra ecclesiasticam libertatem editis. Idipsum Carolus II Nicolao IV semel spopondit anno 1299, & iterum Boni-

(a) In *cap. significasti 4. de elect.* ad Panormitanum archiep. rescribens Paschalis Papa (primus ne, an secundus, lis est inter scriptores ab Em. Gonzalez in *not. ibidem* laudatos) apocriphos commemorat suos, qui iuramentum fidelitatis ab eodem archiepiscopo susceperant. Hanc decretalem Paschali II, qui sedem postremis Rogerii Comitiss annis cepit anno sc. 1099, vindicat Baronius ad *an. 1102 §. 6 to. 12. annal.*

Bonifacio VIII anno 1295. Robertus etiam Clementi V anno 1309, rursusque Benedicto XII anno 1335. Et Ioanna I Gregorio XI anno 1372 Auenione. Hic idem Pontifex anno 1374 quum nuptialia scœdera inter Fridericum III Aragonium, dictamque Reginam confirmasset, regios coniuges, eorumque hæredes in perpetuum *Trinacria Reges* (a) nuncupare maluit eo inter cetera pacto, ut iura ecclesiarum restituerent in integrum, regium in electionibus ecclesiasticis assensum non requirerent, appellationes Romanas non impedirent. Cumque Alphonso Aragonius esset ab Ioanna II adoptatus, pactus est anno 1427 cum Martini V Legato a latere Card. de Fluxo, ut personæ ecclesiasticæ cunctis fruerentur libertatibus & immunitatibus. Tum ab Eugenio IV inuestitus anno 1443, cum iisdem pactis libertatem appellationum, electionum & fori ecclesiastici tuentibus, quæ suo firmavit iureiurando Alphonso anno 1445, *Trinacriam* seu Siciliam ultra pharum ad ea vsque tempora diuisam regno Neapolitano coniunxit. Pius II Ferdinando Alphonso I f. inuestituram vtr. Siciliæ dedit anno 1458, eamque eidem confirmavit Xystus IV anno 1471, conuenta quoque libertate appellandi ad Romanam Curiam, quæ potissimum Legationis ordinariæ munus destruit. Eadem innouauerunt pacta Iulius II cum rege catholico Ferdinando anno 1510, Leo X cum Carolo X anno 1521, Iulius III cum Philippo II anno 1555, ceteri.

XXV. E contrario quod Papa Lucius II anno 1144 concesserit Siculo Regi Rogerio, huius nominis III Comiti virgam & annulum, dalmaticam & mitram atque sandalia, & ne vllum mittat in terram suam Legatum, nisi quem Siculus petierit, scribit Otho Frisingensis (b). Fridericum accepta

Im-

(a) Hunc Regis Trinacriæ titulum primus omnium dedit Bonifacius VIII Friderico II Aragonio anno 1303 in articulis concordia inter Carolum II Andegauensem vtriusque Siciliæ Regem nuncupatum, dictumque Fridericum, eique quoad viceret, Siciliæ Insulæ dominationem concessit. Idipsum firmavit Benedictus XI eidem Friderico II an. 1303.

(b) Otho Frising. in *Frideric. lib. 1 cap. 27, & 28*, ubi refertur epistola

Imperii Corona ab institutis sub Inn. III, & Honorio III rebus, descitum, deinde Corradum, & Manfredum regis iuribus pontificæ Legationis tanquam hereditariæ vsos, Siculæque Monarchiæ quum restitutores tum propagatores fuisse amplissimos, Baronius ipse asperis adfirmat querelis. Addit Sueuorum Principum exempla sectantes Petrum Aragonium, eiusque successores; Pontificibus licet inuitis adeptos regnum Siciliæ ultra pharum, quæ Andegauenſibus interea nostris non paruit Regibus. ob acceptas vtriuſque Siciliæ inueſtituras Romanæ Sedi acceptissimis, suæ priuilegia Monarchiæ illibata conseruasse. Alphonſo, quum esset rex Martino V infensus, Cardinalem Nicolaum Tedeschi archiepiscopum Panormitanum iuris canonici interpretem, quem vulgatiſ Abbatem Panormitanum appellant, respondiſſe. litteris mss., quas in archiuio monasterii S. M. Nouæ lucis Catanæ ſeruatas aiunt, quod Regi ex longa liceret conſuetudine appellations ſubditorum ad Sedem apoſtolicam impedire. Siculiſque rogantibuſ eundem Regem anno 1446 edixiſſe, vt appellationum cauſas eccleſiaſtici eo in regno prælati iudiceſue cognofcerent, vt eæ ad Romanum iudiciuſ ne deuoluerentur.

XXVI. Fuerunt qui catholico Regi Ferdinando ſuadere ſtuderent, Regi Siculo ius eſſe in ſacra & ſacros, eumque omnia poſſe, quæ poteſt Sedis apoſtolicæ Legatus. Nam eo regnante primus omnium Io. Lucas Barberius (a) in libro, quem inſcripſit *Caput breuium*, ex regionum Siciliæ archiuiorum ſcripturis compilatum, edidit exemplar diplomatiſ Urbani II; auctographo nullatenus indicato. Tunc temporis Prorex Moncada conſultus Regi reſpondit verba diplomatiſ Urbani eſſe non adeo ampla vti erat conſuetudo & obſeruantia: ſed regioſ miniſtros fauorabili vſos interpretatione exten-

la Senatuſ Romanuſ, ſeu verius Romanorum Arnaldiſtarum ad Fridericum, conquerentiuſ de mutuiſ Luthi Papæ, & Rogerii conceſſionibuſ in detrimentuſ Friderici & Romanuſ Imperii.

(a) Vti Bzouiuſ narrat relatuiſ a Baroniſ to. 11 *annal.* & Spoudanuſ in epitome Baroniſ ad an. 1512.

tendisse iura monarchiæ conuenientibus plane oculis, quum nullam ea de re constitutionem, legemue ferre generalem censuissent (a). Nonnulla item animi sui dubia super iisdem legationis Siculæ iuribus aperuit Carolo V patronus regii Fisci Antonius Montaltus. At istius Imperatoris edicto, die 26 Decembris 1526, transumptium diploma Urbani II, cuius auctographum desideratur, in lucem e ruderibus antiquitatis, vbi latebat, eductum est, confirmatumque vna cum Sicularum Pandectarum volumine librum *de monarchia* inscriptum, omnium illius regni Consiliariorum subscriptione communitum, quo maximopere propugnatur non modo Rogerium Comitem, eiusque filium & hæredem fuisse ab Urbano legatos Sedis apostolicæ constitutos; sed cunctos etiam successores Siciliæ Reges (b) eo in regno legatos esse natos, cum potestate ea omnia, quæ a latere legati faciunt, efficiendi: imo & substitutos ecclesiastici ordinis, quos *Iudices monarchiæ* adpellant, creandi, qui perinde ac Vicelegati & clericos & monachos, prælatosque cuiusvis ordinis ac dignitatis etiam episcopalis & cardinalitiæ, laicos quoque in causis ecclesiasticis iudicent & puniant, excommunicent & absoluant; appellationes insuper ad

(a) A Cirino laudatus in *nexu iurisdictionis* cap. 4.

(b) Qui Baronium sectantur; utique in dubium reuocare contendunt veritatem diplomatis Urbani ex anachronismo, seu errore indictionis, & silentio Eadmeri coxui scriptoris *lib. 2. hist. nouell. edit. Gerberonii*, qui fuit affecta vna cum S. Anselmo Cantuariensi archiepiscopo Urbani II ex vrbe Capua ad Concilium Bariense profecti, aliisque coniecturis. Verum illius etiam littera probari non extinctam vna cum prigno Rogerii hærede dignitatem apostolicæ legationis, ex aduerso alii præsertim Siculi, vt qui maxime solent, & summa contentione pro aris & focis tuentur, rati eam non personalem ac temporariam, sed perpetuam, atque ad quoscunque in perpetuum hæredes & successores Coronæ Siculæ transitoriam, eo præsertim argumento; quod *hæredis adpellatio non solum ad primum hæredem, sed etiam ad posteriores hæredes refertur*, ex *l. hæredis*, & *l. sciendum D. de verb. sign.* Eiusque veritatem comprobant consonis testimoniis Io. Lucæ Barberii in *Copulibrevium*, Fazellii *decad. 2. lib. 7. cap. 1.* Goffredi Malaterræ *lib. 4. hist. Normann. cap. 29.* Cirini in *nexu iurisd. cap. 5.* Regentis de Ponte in *ms. allegat. de Monarchia Siciliæ contra Card. Baronium*, vbi citat Inueges, Maurolin. Laur. de Anna, Marian. Intiglioli. Cum. an. ceteros.

ad Romanam Sedem impediendi; eiusque Nuntios & Legatos non admittendi. Rebus ita se habentibus Ascanius Cardinalis Columna, reclamante nimium Baronio, asseueravit monarchiam Siculam grauissimorum hominum consensu probatam, temporis diuturnitate receptam, ac summorum Pontificum permisso, regiaque potestate vallatam, quæ usu tunc maxime vigeat. Quumque duo a S. Pio V ad Philippum II Legati apostolici, Vincentius Iustiniani ordinis Prædicatorum Generalis, purpura paulo post decoratus, & Cardinalis Alexandrinus ab Rege petissent abrogandam esse monarchicam legationem ceu titulo destitutam: re ad consilium, informationemque Ducis Terrænouæ in Sicilia Proregis remissa, ut communi vtriusque potestatis consensione lis dirimeretur, Siculi exinde initam fatentur fuisse concordiam, ut vocant, *Alexandrinam* sub Pio V, eaque legationem Monarchiæ Siculi comprobata.

XXVII. Turbulentas interea contentiones inter utramque ea ipsa de re potestatem silentio præterire, quam proferre, satius esset: præsertim Friderici Imperatoris cum Gregorio IX & Innocentio IV, Conradi & Manfredi cum eodem Innocentio & Clemente IV, Petri Aragonensis cum Martino IV, Friderici II Aragonii cum Bonifacio VIII, qui sacris omnibus regnum illud interdixit, & anathemate Siculos percussit. Contra eandem Siculi Regis legationem Cæsar Cardinalis Baronijs iussu Clementis VIII plura quum fuso calamo scripsisset, monumenta in pontificiis tabularijs perscrutatus, suamque de ea dissertationem tomo XI annalium insertam euulgasset: Hispani comburendum igni eundem tomum damnarunt (a). Mox Philippus III Hispaniarum Rex post Clementis VIII obitum die 3 Martii 1605 Cardinalem ipsum Barontum ut sibi suspectum & insensum eiurauit Cardinalibus in conclauis pro nouo eligendo Pontifice clausis, atque ab imminente electione in eum ipsum prona exclusit.

Tom. I.

A a a

semel,

(a) Ut refert Muratorius in *annal. Italia* ad an. 1098.

semel, dum Leo XI, Cardinalis Alexander Medicus electus est die 1 Aprilis 1605, & iterum dum eo post dies viginti sex defuncto proclamatus Pontifex fuit Cardinalis Camillus Burghesius, nimirum Paulus V die 16 Maii eiusdem anni: Postea Baronius ipse ut male conceptam de se opinionem Hispano Regi adimeret, ad eum epistolam Tusculano dedit idibus Iunii 1605, qua nil a suo erga Regem officio detinuisse profiteretur, si dissertationem de monarchia Sicula sinceram conscripsit & vulgavit iussu Clementis VIII. non ad regia evertenda iura, sed ad rem controuersam congruo temperamento componendam (a). Nostra tandem memoria Clemens XI quum eiusmodi legationem Urbani aboletam omnino, & monarchiæ tribunal suppressum voluisset binis apostolicis literis anno 1714, & 1715 datis (b): non sine publicæ tranquillitatis turbatione diffidia recruduere.

XXVIII. Ea tamen restinxit Benedictus XIII, qui pacis fouendæ studiosissimus, & neutrius iurâ partium violaturus correctis tribunalis monarchiæ Siculæ abusus, eam stare consensit sua constitutione 3 calendas Septembris 1728 edita, quæ

(a) Hanc Baronii epistolam integram habet codex Italix diplomaticus Io. Christiani Lunig to. 4 sect. 2 diplom. 188. Non ante creationem noui Pontificis, eiusdemque ætate florentissimi senior ego, Cardinalis ait, laboribus fractus, viribus debilitatus, etiam sepulchro propinquus ad catholicam Maiestatem vestram mihi in animum induxi fore scribendi, ne viderer, dicam libere, pontificia cessante sede eiusmodi internuntio litterarum auram voluisse captare regiam, & ita sternere mihi viam ad gradus sublimioris consensionem. Sed procul abest, ut me Regum fauor, & non potius Regis Regum Christi gratia in thronum peruehat altiore. . . Qua a me in eo argumento scripta fuere, ad ipsum Clementem VIII attuli cognoscenda: Accepit, legit ac perlegit iterum. . . Eamdem ipsam tribus selectis S. R. E. Cardinalibus disquirendi tribuit facultatem, quam accurate discussam, comprobata pariter atque laudatam, ita ad lapidem lydium admotam sapius, inuentamque sinceram, iussu imprimi. . . Iussu Clementis ut sepe dictum est scriptis illa mandauit. Quæ licet in malam partem accepta fuerint ab eius ministris: de Maiestate vestra absit mihi aliud sentire, quam sicuti est de Rege catholico, ecclesiæ defensore, fidei christiænæ propugnatore, atque amatore veritatis, legum custode, iustitiæque cultore sentiendum est, &c.

(b) Eas videlicet apud Lunig, to. 4 codicis Italix diplomatici sect. 2 diplom. 219.

quæ incipit *fideli*, quæque vim concordia nunc habet (a).

XXIX. In primis plane decreuit; vt causæ omnes ad forum ecclesiasticum quomodolibet pertinentes, *maioribus* tantum exceptis, quæ Romano Pontifici speciatim, eiusque delegatis reservatæ iuxta *canonicas sanctiones* sunt, in ipso Sicilia regno ultra pharum cognoscantur & terminentur. Vt nimirum omnes *non exemptorum* causæ in primo gradu *coram Ordinariis locorum* duntaxat cognoscendæ ab eorum Curiis non auocentur, nisi per *legitimam appellationem* a sententia definitiua aut ab interlocutoria quæ vim definitiua habeat, vel ab actu cuius grauamen per appellationem a definitiua reparari nequeat, vel præiudiciale sit inuertendo iustum iuris & iudiciorum ordinem, aut nisi integro biennio a die motæ litis remanserint coram ipsis Ordinariis indecisæ, quemadmodum a concilio Tridentino (b) decretum est. Si secus fiat, quæcunque appellatio, inhibitiio aut sententia eo ipso nulla & irrita sit. *Exemptorum* vero causæ ciuiles & criminales in primo etiam gradu *iudex ecclesiasticus* a Rege nominatus & delegatus, qui *iudex monarchiæ* dicitur, cognoscat tanquam Ordinarius. Tum a sententiis Ordinariorum ad metropolitanum appelletur, seruata forma Tridentinæ constitutionis..

XXX. §. 2. Postquam metropolitanus causas vel suffraganeorum in secundo gradu, vel suæ ipsius diocesis in primo gradu iudicauerit: eas iudex idem regius monarchiæ, qui sit in iure canonico doctor seu licentiatius & in ecclesiastica dignitate constitutus, in gradu appellationis cognoscat, aliaque peragat mox exprimendâ.

XXXI. §. 3. Eisdem causas tam exemptorum quam non exemptorum in altero appellationis gradu *alter*, qui eisdem qualitatibus præditus sit, *ecclesiasticus* in utroque iure doctor vel licentiatius; quem Rex quoque delegauerit, cum tribus

A a a . 2

affes-

(a) Exstat in magni Bullarii continuatione par. 4 istæ articularum 35 *bulle Concordiæ* Benedicti XIII, vna cum rescripto Caroli VI Imp. & regia pragmatica pro illius publicatione ac executione, edita die 3 Febr. 1729.

(b) Trid. in *cap. causa omnes* 20 sess. 24 de reform.

assessoribus in utroque iure versatis ab ipso Rege deputandis rite cognosceret ac definiret. Et quoties aliud iteratæ appellationis beneficium leges indulgeant, *tertius* cum tribus aliis assessoribus iudicium adsumet, & *ita deinceps* quartus nimirum, quoadusque sententiæ tres uniformes iudicatam rem parientes silentium ipso iure indixerint succumbentibus.

XXXII. §. 4. Appellantes in causa vna ab Ordinario iudicio nec metropolitano, nec iudici monarchiæ licebit quod ad alias causas, præterquam in casibus a iure canonico præscriptis, eximere: sed ipsos iurisdictioni Ordinariorum suorum subiectos relinquant.

XXXIII. §. 5. A decretis vel sententiis, quas tulerint Conservatores Regularium, liceat itidem appellare ad iudicem monarchiæ, & rursus ab hoc ad alterum, aliosque in gradu ulteriori iudicatuos cum iamdictis assessoribus. Conservatores autem adigantur admissum servare pontificias constitutiones Innocentii IV, Alexandri IV, Bonifacii VIII, & Gregorii XV, nec non Tridentinas.

XXXIV. §. 6. Appellationes non recipiendas edixit, nisi per publica documenta realiter exhibenda prius constiterit appellationem a sententia definitiva, vel habente vim definitivæ, aut a gravamine quod per definitivam reparari non possit, vel quod præiudiciale sit in casibus iure non prohibitis, per legitimam personam & intra statuta tempora fuisse interpositam aut prosecutam; nec præterquam in casibus iure permissis. Nec liceat inhibere Ordinariis, aut etiam simpliciter mandare, ut copia processus transmittatur etiam expensis appellantis, nisi in casibus iure permissis.

XXXV. §. 7. Inhibitiones post legitimam appellationem non concedendas, nisi cum inscriptione sententiæ aut decreti, a quo provocatum fuerit: alias ipso iure sint nullæ, cisque impune liceat non parere. At ubi authenticum illius exemplum culpa iudicis interioris vel actuarii habere non posse appellans conqueratur: tunc metropolitanus æque ac iudex appellationis

lationis rescribent, ut soluta actorum mercede infra brevem terminum petitum dent exemplum appellanti, & interim nihil innouetur.

XXXVI. §. 8. A decretis in *visitatione vel pro correctione morum* editis appellationem quod ad effectum suspensum vetat, nisi cum visitator parte citata & adhibita causæ cognitione *iudicialiter* processerit, & in aliis casibus a iure permittis.

XXXVII. §. 9. Cum a *gravamine*, quod per definitivam reparari nequeat, vel quod *præiudicale* sit, appellatur: nonnisi *visis actis* gravamen ostensuris admittendam appellationem statuit.

XXXVIII. §. 10. In causa *indebitæ carcerationis* ore-
tenus mandata permittit inhibitiones, quoties de mandato illius constiterit ex duorum testium depositionibus, vel de ea sequuta ex documento notarii aut custodis carcerum. Addit in causis *comminatæ iniustæ carcerationis* vel *torturæ* vel *excommunicationis* inhibitiones expediendas fore *non generales & indefinitas*, sed *compulsorias* tantum pro transmissione copiarum actorum addita clausula & *interim iudex a quo ad ulteriora non procedat*: ut ubi ex actis evidens appareat gravamen, tunc admittatur appellatio cum inhibitione, causam cognituro iudice ad quem: alias ea remittatur ad ipsum primi gradus iudicem.

XXXIX. §. 11. Acta originalia transmitti ad iudicem appellationis vetat, nisi causæ natura flagitet, aut probabilis suspicio falsitatis rite obiecta: quæ post finem litis ad Ordinarium remittenda sunt, ut in eius curiæ tabulario adseruentur.

XL. §. 12. In eo ipso, ubi reperitur, carcere statuit appellantem detinendum interea esse, donec iudex appellationis *visis actis*, causaque cognita aliter decreverit. Altera si appellatio contra decretum *excarcerationis* interponatur, ea tunc effectum tantum devolutivum favore libertatis producit.

XLI. §. 13. *Censuram ecclesiasticam* ut quilibet iudex appel-

appellationis etiam monarchiæ delegatus reuocare aut nullam declarare nonnisi *auditis partibus & causa cognita* possit. Eam si iustam agnouerit, appellantem ad iudicem ipsum a quo remittat pro absolutionis beneficio humiliter petendo & rite post emendationem obtinendo. Ab iniusta vel dubia is eum absoluat: quamvis *bonestius sit* absolendum a dubia censura ad Ordinarium quoque remittere, breuem tunc ei terminum præfigendo.

XLII. §. 14. Si dubium vel facti vel iuris incidat, in controuerſa nullitate excommunicationis vel ab homine vel a iure inflicta; iudex appellationis *absolutionem ad causam cum reincidentia & præſtita cautione de stando iuri & parendo mandatis ecclesiæ* indulgeat, vel *Ordinario loci mandaturus*, ut appellantem excommunicatum in eo ipso loco præſentem *intra tres dies absoluat*; vel *Confessario*, ille si inde abſit, aut eum absolueret Ordinarius recusauerit. Triduum vero decurrit ab eo die, quo mandata eiusmodi absolutionis non Ordinariis ipsis ob reuerentiam, sed ipsorum cancellariis fuerint exhibitæ. Intereaue *cedulones regantur duntaxat*, nisi mos in peculiaribus casibus postulauerit eos amoueri.

XLIII. §. 15. A sententia definitiua *contra verum consummatam* prolata non recipiatur appellatio, nec inhibitiō contumacia durante concedatur.

XLIV. §. 16. In criminalibus causis ubi ex officio processerint Ordinarii, personam actoris in gradu appellationis gerat promotor fiscalis, vel curiæ metropolitane vel iudicis monarchiæ, eoque non audito appellationis acta omnino irrita sint, & præcedentes Ordinariorum sententiæ executioni mandentur.

XLV. §. 17. Pauperibus litigantibus acta omnia gratis fiant, quum ciuilia tum criminalia, copiarum etiam transmittendæ ad iudices appellationis: ubi paupertas summarie probetur vel alias constet arbitrio iudicis.

XLVI. §. 18. Regulares intra claustra delinquentes iudicio

dicio superiorum regularium relinquuntur iuxta dispositionem concilii Tridentini & peculiarium statutorum. Extra claustra delinquentes vel degentes ab episcopis primum iudicentur & puniantur, mox in gradu appellationis a iudice monarchiæ. In prælatos vero exemptos, qui nullum alium in Sicilia superiorem habent, hunc ipsum iudicem tanquam Ordinarium procedere expositum superius est.

XLVII. §. 19. Potestatem is habeat *in integrum restituerendi*, prout iuris fuerit, *quascunque personas* aduersus sententias, res iudicatas & quosunque contractus. 20. Iuramenta quodque ad effectum agendi duntaxat relaxandi ex causa. 21. Insuper absoluerendi omnino vel ad cautelam a quibuscunque censuris & poenis ecclesiasticis quoslibet seruatis de iure seruandis, quemadmodum superius explicitum est. 22. A censuris etiam & poenis in utroque foro ob homicidium, periurium, adulterium, incestum, fornicationem, aliudue flagitium contractis; usurarios quoque restitutis antea usuris, iniuncta pro modo culpæ poena salutari.

XLVIII. §. 23. Quod vero ad censuras latæ sententiæ summo Pontifici speciatim reseruatas, a quibus Legati etiam a latere prohibentur absolueri, iudex monarchiæ possit absolutionem temporaneam *cum reincidentia ad effectum agendi tantum & ad cautelam* concedere recurrentibus a grauamine, quod in declaratoria censurarum eiusmodi reseruatarum illatum sibi ii demonstrauerint: necnon cognitionem assumere, an sententiæ episcopales incursum earum declarantes fuerint validæ ac iustæ, an irritæ & iniustæ. Si eas non rite prolatas vitio nullitatis laborare solum cognouerit, episcopo rescribat, *ut rite procedat ex integro* reseruata post nouam sententiam Sedi apostolicæ absolutione plenaria. Iniustas vero & nullas ubi deprehenderit, declaret in eas non incurrisse appellantes. Et versa vice si iustam nouerit, recurrentes pro absolutione ad apostolicam Sedem remittat. Idipsum in secundo & vltiori gradu seruabunt alii etiam a Rege dandi iudices

dices cum assessoribus supra iam dictis.

IL. §. 24. Monitoria excommunicationis *contra occultos & ignotos malefactores* qui *satisfacere* differant, & *conscios non reuelantes* præterea ut concedat seruata forma concilii Tridentini & constitutionis S. Pii V, cautum est.

L. §. 25. Ut quæcunque vota (præterquam castitatis & religionis, & visitandi limina quum SS. Apostolorum Petri & Pauli de vrbe, tum S. Iacobi in Compostella) valeat in alia pietatis opera commutare. Necnon largiri gratis omnino pauperibus tantum, qui labore manuum suarum viuunt, dispensationes in tertio & quarto consanguinitatis vel affinitatis gradu ad matrimonia contrahenda. 26. Propterea- que suis dispensationum litteris oratores absolueret a quibuslibet censuris ad effectum earum duntaxat consequendum.

LI. §. 27. In exequendis vero litteris apostolicis etiam super collatione beneficiorum vel secularium vel regularium, vbi certi sunt executores dati, nequeat se iudex monarchiæ ingerere, nisi a decreto executionis fuerit reclamatum de illato grauamine vel excessu.

LII. §. 18. Non alios nisi vnum in quacunque episcoporum residentia & præcipuis vrbibus Trepano, Therme, Mile, & Masara seu Augusta subdelegatum ecclesiasticum deputare is poterit, exequumque ab Ordinariis facere. 29. Nec exemptionis litteras patentes aliis dare *nisi ministris & officialibus necessariis* ad tribunali monarchiæ inferuiendum, in toto regno quinquaginta non excessuris; præter illos, qui Curia Panormitanæ in primo, secundo, & tertio gradu ecclesiasticis delegatis & assessoribus inferuiunt.

LIII. §. 30. In rebus quomodolibet spectantibus *disciplinam & obseruantiam regularem* personarum vtriusque sexus, distributionem officiorum, collocationem regularium, ordinationes circa chorum, & cancellos, clausuramque monialium, designationes cellarum, id genus alias nil omnino se ingerat in quouis gradu etiam appellationis & recursus. §. 31. Nec de-

deputet præfides capitulorum, superiores vel abbatissas, vicarios vel vicarias, vel qualescunque officiales vtriusque sexus ex quouis titulo. §. 32. Neque magistros, lectores, rectoresque studiorum, nec eos in possessione munerum vel officiorum confirmet, qui ea debent finito tempore statutis præscripto dimittere, vel sint a legitimis superioribus amoti. Nec iudiciumumat nullitatis professionis tam ante quam post lapsum quinquennii. Illæ tantum causæ regularium contentiosæ, in quibus de iure appellandi locus est, *expleto cursu iudicii in unoquoque ordine regulari* secundum constitutiones ipsorum, ad monarchiæ iudicem deuoluantur in gradu appellationis ritu iam dicto processurum.

LIV. §. 33. Quam in exemptos seculares clericos iurisdictionem Tridentina Synodus attribuit episcopis vt Sedis apostolicæ delegatis, eius vsum non impediat iudex monarchiæ: tamen si eorundem exemptorum causas & ciuiles & criminales ex antedictis ipse cognoscit ac definit in primo gradu, mox alii a Rege delegati in gradibus appellationum.

LV. §. 34. Grauiores episcoporum & archiepiscoporum causæ criminales supremo Romani Pontificis iudicio cognoscendæ ac terminandæ reseruantur iuxta legem Tridentinam (a). Minores vero criminales & ciuiles causas, præsertim pensionum in quibus rei sunt archiepiscopi vel episcopi a metropolitans exemti, iudex monarchiæ in primo gradu cognoscit: si vero metropolitans episcopi subsunt, metropolitans in primo, iudex ipse in secundo gradu secundum antedicta procedit.

LVI. §. 35. Postremo cautum est, vt iudex idem nullas sibiumat partes etiam per modum prouisionis, vel alio quouis prætextu contra ordinationes & mandata, quæ propria Papæ manu per speciale rescriptum signata & subscripta erunt; nec eorum executionem, quantum in semetipso erit, audeat impedire vel retardare: sed qua par est obseruantia executioni omnino demandentur (b).

Tom.I.

Bbb

§.II.

(a) Trid. in cap. causa 5 sess. 24 de reform.

(b) Hactenus Benedicti XIII constitutio vim concordiæ habens in Sicilia.

§. II. De Nuntio Neapolis.

LVII. Prærogativas fere Legatorum Nuntiis (a) quoque impertitur Sedes apostolica, quos dudum consuevit *quasi a latere Legatos* mittere ad Reges, magnosque Principes, Resque publicas: puta ad Cæsaream Imperatoris Maiestatem, & Reges Galliæ, Hispaniarum, Lusitanæ, Poloniæque; ad Respublicas Venetiarum, Helvetiorumque; ad Electorem Coloniam, magnum Hetruriæ Ducem, Ducemque Brabantæ Bruxellis in Germania inferiori. Fere inquam istas, sed non omnes, nec easdem omnino. Quandoquidem Nuntii ex. gr. ex privilegio solent (b) mensibus tantum apostolicis beneficia conferre, quæ alias non reservata neque affecta sint (c): quum Legati Cardinales cunctis mensibus siue ordinariis siue apostolicis, & cuncta fere beneficia etiam reservata & affecta conferendius obtineant. Quanta igitur sit Nuntiorum potestas speciatim demandata, & an ea ordinariæ simul adnexa, an non sit, ex tenore Breuium pontificiorum dignoscatur id oportet.

LVIII. Hoc in regno Neapolitano Nuntius apostolicus ad S. Sedis beneplacitum est Cameræ apostolicæ collector (d) gene-

(a) Olim apocrisarios & responsales S. Sedis nuncupatos ostendunt acta conciliorum, aliæque veterum scripta: quippe qui apud Reges, Ducesque, si ut amicitiam cum Papa foverent mutuam, deputati sine ulla iurisdictione ordinaria Oratores; mandata pontificia et responsa hinc et hinc ferre curabant. *A'vveçsus* enim *responsum* latine sonat. Iussione Pelagii II Papæ *responsis* ecclesiasticis in urbe Constantinopolitana se inferuisse, dum esset adhuc diaconus, scribit diuus Gregorius M. lib. 3. dialog. cap. 35.

(b) Rota dec. 90 num. 5 par. 17. rec. & alibi. Card. Petra ad Constit. Apost. tom. 5 pag. 26 sub num. 40.

(c) Rigant. in par. 1 Reg. IX Cancell. l. 4 num. 30, & 33 tom. 2.

(d) Collector generalis ad exigendum spolia, & quascunque decimas, quartas, medietates, & quasvis alias partes fructuum ecclesiarum quarumvis, & beneficiorum secularium & regularium tam citra, quam ultra Pharium; & super illis quascunque concordias, transactiones & conventiones incurrendum: cum facultatibus, exemptionibus. & emolumentis, honoribus & oneribus consuetis, servata tamen forma consti. Innoc. Papa XII super exemptionibus archiepiscoporum, episcoporum & prælatorum inferiorum regni a iure spoli, eiusque applicatio.

generalis ad exigendum spolia, decimas & quasvis alias fructuum ecclesiarum, beneficiorumque partes, aliorumque iurium Reu. Cameræ: ac transigendum super illis cum necessariis & opportunis facultatibus. Idemque insuper delegatus est apostolicus ad certas causarum species, quæ aut iura Cameræ, aut necessarias collectoris facultates spectent vel principaliter, vel accessorie (a). Puta ob ius spoli in causis illicitæ negotiationis contra clericos, quas Xystus V thesaurario generali, aliisque pontificiæ Sedis collectoribus speciatim mandauit (b) ad finem transigendi; tum peculii Regularium extra claustra degentium (c); fructuum obuentorum ex be-

Bbb 2 nefi-

atione in beneficium ecclesiarum cum facultatibus necessariis & opportunis. Hicce verbis datum die 21 Martii 1744 a cl. mc. Benedicto XIV vidi Breue pontificium amplissimo viro Mirensi Archiepiscopo D. Ludouico Gualterio Sedis apostolicæ Nuntio ad hoc regnum Neapolitanum.

(a) Clemens X suis sub anno Piscatoris litteris die 26 Ian. 1671 datis ad Fr. Marcum Antonium Episcopum Fulginatensem sum hoc in regno Neapolis Nuntium, spoliurumque & iurium Camera apostolica debitorum collectorem generalem concessit omnimodam auctoritatem cogendi & compellendi omni appellatione postposita omnes & singulos in toto regno; ac civitate diocæsi et comitatu Beneuenti debitores ad solutionem spoliurum, decimarum, rerum, iurium & obuentuum eiusdem Cameræ per sententias, censuras ecclesiasticas & penas etiam pecuniarias arbitrio ipsius moderandas & applicandas, ac per interdicti tam localis quam personalis appositionem, fructuumque sequestrationem & quæcumque alia iuris & facti remedia opportuna. . . & si opus fuerit, sententias, censuras & penas & interdicta huiusmodi suspendendi . . . absolendi . . . necnon soluentes quoslibet de eo quod soluerint quietandi & liberandi . . . subcollectores & alios quoscumque cogendi ad reddendum de exactis computum . . . nec non appellationes quascumque in causis spoliurum & aliorum iurium Camera a quibuscumque iudicibus ad se auocandi ac per teipsum cognoscendi, decidendi & terminandi . . . ceteraque faciendi, qua in præmissis & circa ea necessaria fuerint. Eiusmodi apostolicam Breue ut omnimodam executionem in toto regno haberet, Prorex Petrus Antonius de Aragona cum Regii Collateralis Consilii placito iussit die 1 Febr. 1671: declarauitque simul verba illa Comitatu Beneuentano intelligi debere de ciuitate Beneuenti cum eius territorio, pertinentiis & districtu tantum.

(b) Xystus V in const. decens 100, & const. Romanus. Videlicet St. Quarta in sum. bullar. ver. spolia, meumque de Beneficiis tract. 2 edit. cap. 18. num. 45.

(c) Ex bulla Greg. XIII incip. officii nostri, edita die 21 Ian. 1577.

beneficii confidentia simoniaca obtentis (a); atque ob cameralem clausulam, seu formam obligationum Reu. Camerae adiectam contraſtibus clericorum pro iisdem cauſis obſeruandis & facilius exequendis, quæ prorogati Nuntiaturæ apoſtolice fori (b); nec non pro compellendis beneficiariis penſionum eccleſiaſticarum debitoribus, qui aut per ſeſc aut per procuratorem ſpeciali mandato in Cancellaria pontificia ſpondent in forma Reu. Camere ſolemniori ſoluturos eaſdem, priuſquam bullas beneficiorum ſuorum exinde accipiant (c).

LIX. Delegatus præterea eſt cauſarum criminalium contra exemptos eccleſiaſticos quorumuiſ ordinum ſive ſecularium ſive regularium huiuſce regni ſicarios, bannitos, graſſatores, rebelles; homicidas, aſſaſſinos, eorumque fautores vigore alterius Breuiſ, quod conſueuit Nuntio ſimul dari (d). Inſuper

(a) Ex bulla Pii IV edita 17 Cal. Novem. 1564.

(b) Galleſi. de oblig. camer. quaſt. 1 ad par. 4. Genuenſ. in prax. Ctr. archiep. Neap. cap. 117. Videſis dicenda inferius lib. 3 tit. 10 de prorogati ſori num 12.

(c) Vi Regulæ Cancellariæ XLV de conſenſu in reſignationibus, & penſionibus præſtando.

(d) Quale datum etiam eſt prælaudato clariffimo D. Gualterio eadem die 21 Martii 1744 hiſ verbis: *Vi per te, vel alios eccleſiaſticos viros contra quaſcunque eccleſiaſticas perſonas; omneſque alios eccleſiaſtici ſori priuilegio gaudentes, regni ſicarios, bannitos, graſſatores, rebelles, homicidas, aſſaſſinos, & eorum receptatores, fautores, complices, & ſequaces, & alios quoſcunque ſacra nora huiuſmodi perpetrantes clericos etiam in ſacris, & præbiteratus ordinibus conſtitutos ſeculares, & quorumuiſ ordinum regulares, & exemptos, & Sedis apoſtolice immediate ſubjectos, cuiuſcunque ſtatus, gradus, conditionis, præminentia, honoris, dignitatiſque exiſtentes, in quos iudices ſeculares exercere iuriſdictionem non poſſunt, procedere & illos in carceribus mancipari facere, legitimiſque inditiſ præcedentibus quaſtioni & tortura, & pro delictorum ab eis perpetratorum qualitate condignis corporis afflictiuiſ, etiam mutilationis membrorum, vel vitimi ſupplicii panis, ſi afficiendi eſſent, afficere, ſine Curie ſeculari puniendos tradere: dummodo a ſententia in cauſa ſanguinis per reiſpſum ſerenda abſtineas, & ſententias a iudicibus competentibus contra eos etiam in contumaciam lateſ abſque aliquo ſententiarum, cenſurarum, vel panarum, aut irregularitatiſ incurſu, prout iuriſ fueri, exequi libere & licite valeas auctoritate apoſtolica.* Ipſiſſimis hiſce verbis concepta fuere Breuia poſteriora ad Archiepiſc. Naupactenſem Lazarum Opitium Pallauicinum, & Archiepiſ. Cartha-

gi-

per contra Regulares extra claustra delinquentes; nedum ex antiquissima consuetudine, verum ex duobus etiam Breuibz Clementis PP. VIII (a), nouissimoque alio Papæ Clementis XII (b), qui reuocatis cl. me. Benedicti XIII aduersantibus litteris, pontificio Neapolis Nuntio vetustam eiusmodi iurisdictionem in Regulares in integrum restituit. Ex longæua item consuetudine ad iurisdictionem huius ipsius Nuntiatuæ accessit cognitio causarum ciuiliu contra Regulares omnes, nec non contra clericos seculares ex litteris cambi, aut pæto inculandi in quolibet loco & foro instrumenta obligationum (c). Insuper contra exemptos generatim (d).

LX. Regio placito, quod singuli petunt Nuntii Neapolim aduenientes, multis clausulis aliquando expressis, & sæpius tacitis limitantur facultates duobus iam dictis Breuibz solime iis demandari. In primis, quod eæ in hoc solum citra pharum regno vim habeant, secus vltra pharum, seu apud Siculos. 2. Quod ad Comitatum Beneuentanum non egrediantur Beneuenti territorium intra præscriptos fines. 3. Quod eas tantum exigant decimas, quæ sint cum Regis assensu vel impoſitæ vel imponendæ. 4. Quod in personas duntaxat ec-

ſinenſem Iosephum Lucatellum Nuntios nouissimos. Curia vero Capellani Maioris die 12 Iunii 1760, in sua pro regio placito relatione dixit in altero duorum Breuium, che si concede al mentouato Monsignor Arcivescovo di Caragine la ptesità ed autorità di poter riconoscere e giudicare le cause criminali de' delitti, che si commettono in questo regno tanto da' cherici secolari &c. quanto dai Religiosi cost' dell' Ordine de' Benedettini, come delle altre Religioni &c. con poter procedere alla carcerazione, a tormenti & alle pene corporali. Tum votum exprimens in fine ait; che S. M. può degnarsi di concedere ai Breui sudetti il regio Exequatur. Delà die 16 Iunii 1760, Regalis Camera S. Claretæ decreuit, quod exequatur seruata forma eiusdem relationis. Cuiusmodi decretum denique comprobarunt pro Rege papillo Domini Regentes regio diploma te dato die 25 Iunii eiusdem anni.

(a) Datis die 29 Iunii 1592, & 22 Augusti 1601.

(b) Dato die 2 Decembris 1730, quod incipit *commissi nobis*.

(c) Ex infra dicendis hoc tit. num. 76, & lib. 3 tit. 10 num. 12.

(d) De quibus dicam inferius hoc tit. num. 63, & lib. 3 tit. 13 num. 8 ad 11.

clesiasticas mandatam exerceant iurisdictionem (a). 5. Quod a decimis, spoliis, aliisque apostolicæ Cameræ iuribus beneficia de iurepatronatus regio aut feudali Baronum, aliaque reservata (b) eximantur.

LXI. Ordinarium appellationum iudicem nunquam fuisse Neapolis Nuntium, nullaque ordinaria Legati apostolici potestate frui, eoque minus ampliori extraordinaria consuevisse, testatur quam aliquos, qui paulo ante commemorati sunt, Nuntios, res iam est exploratissima. Quæ sane res discrimen facit nedum generale inter Nuntios & Legatos; quum nulla sit iurisdicção adnexa Nuntii officio (c); sed speciale etiam inter Neapolitanum, qui reuera non Legatus est, ceterosque alibi Nuntios simul & Legatos (d).

LXII. Præcipuum Neapolitani Nuntii munus itaque versatur in colligendis decedentium beneficiariorum spoliis, & cognoscendis causis eamets frequentibus; dummodo in laicos nullum intentetur iudicium (e). Si quos tamen creditorum

pe.

(a) Hæcæ quatuor limitationes habent expressas regii placiti litteræ in forma regie Cancellariæ die 28 Aprilis 1744 datæ super Breuibz facultatum prælaudati Nuntii Gualterii in *registro communi X fol. 154*, & in actis Curie Capellani maioris.

(b) Ex antiqua regii placiti formula apud B. Chioccarell. *to. 3 archiv. tit. 41*, quam exposui in *tratt. de beneficiis cap. 18 de spolio num. 35*, & *segg. 2 edit.* (c) Fr. Florens ad *tit. de officio legati circa fin. to. 2*.

(d) Nuntii titulum nuncupatione impropria & nomine tenens Neapolitano attributum, eique reapse non convenire, putarunt Cardinalis de Luca *disc. 23 miscell.* & Aloysius Riccius *par. 1 dec. 69*. Sed uterque, inea quidem sententia, perperam. Qui enim mandata & responsa ecclesiastica in Principis aula nunciat, procoratque, is reuera Nuntius est, seu, ut loquebantur veteres, *Apocrisarius & Responsalis*, tam si absens, quam si præsens in aula adsit Princeps.

(e) Vacantiam ecclesiarum, beneficiariorumque fructus quum maturatos & intactos usque ad diem obitus præfolum & beneficiariorum, tum vacantes usque ad diem possessionis cuiusque novi Prælati vel Beneficiarii pro Camera apostolica Nuntius colligit, idemque summation cognoscit an pars eorum sit in ecclesiæ vacantis necessitates onera impendenda. Hinc regio rescripto die 1 Ian. 1763 ad Archiep. Capuanum dato imperatum est, ut universitas Casaliti Curtiæ Capuanæ diocesis Nuntium pontificium adiret, ab eoque postularet fructus illius parochialis ecclesiæ in eius fabricam & necessitates impenderentur. Id quod pro aliis etiam locis Rex in præsentia temporum recripsit.

pecuniam suam recuperaturos agere super bonis decedentium prælatorum spolio subiectis contigerit: non immerito dubitatur, an tribunali Nuntiaturæ sit hodie facultas ea de re cognoscendi ac indicandi. Quum enim successores episcopi ac prælati nunc temporis potestatem habeant applicandi spolia decedentium cathedralibus vel parochialibus intra diocesim ecclesiis, & inquirendi bona spolio adfecta, ex novis pontificiis constitutionibus Innocentii XII (a) & Benedicti XIII (b): sit vt extincto Cameræ apostolicæ iure quod ad eiusmodi spolia, extinctum simul videatur in pontificio Collectore ius de eo inquirendi: nam cessante collectionis fine cessare simul putatur Collectoris iurisdictionio. Hac, vt opinor, ratione ductus Rex Carolus rescripsit anno 1749 ad Potentiæ episcopum Fr. Bonaventuram Fabotium & doctrina & moribus probatissimum, ipse vt controuersiam inter Patres Teatinos ven. Domus SS. Apostolorum Neapolis, aliosque prædefuncti episcopi Potentini virtutibus ornatissimi Thomæ Sersalii eiusdem Ordinis creditores super illius spolio examineret, ac prout iuris esset, decideret. E contrario contendunt iurium Nuntiaturæ patroni iurisdictionem in spoliis omnium causis adhuc integram ei esse; propterea quod laudatis Innocentii, & Benedicti bullis antiquas Nuntio & Collectori pontificio indultas a Paulo III, & Pio IV facultates nedum non abrogari, sed immo firmari existiment ea verborum clausula: *illis alias in suo robore permanfuris*. Addunt, si bona spolia defecerint, Prælatorum decedentium creditores posse pecuniam suam reperere in subsidium super fructibus viduarum ecclesiarum tam quoad ii vixerint maturatis & inexactis, quam pendentibus, qui ad Cameram apostolicam iure nouissimo pertinent, ad ecclesiam vero, prælaturamque successorem iure antiquo (c): non decere autem aiunt Cameram apostolicam iudi-

(a) Innoc. XII die 29 Ian. 1693 in *const. inscrutabili*.

(b) Bened. XIII die 12 Octobris 1726, in *const. Romanum decet*.

(c) De quo alias dictum in *tract. de benefic. cap. 18 num. 51, & ult.*

iudicio episcopi fuisse. Quæstionem hanc dirimere non nostrum, sed summæ Potestatis est.

LXIII. Civiles etiam causas episcoporum, aliorumque exemptorum, qui Sedis apostolicæ iudicio immediate subint, cognosci & iudicari a Nuntio auctoritate ei generatim a Paulo V delegata ferunt. Sed huius Papæ litteræ ad Casertanum episcopum speciatim datæ (a) videntur ad Nuntios successores extendi non posse. Hoc tamen ex rebus gestis indubium est, quod consuevit Romana Sedes postulantiis creditoribus civilem in episcopos iurisdictionem Nuntio quidem ex integro delegare (b): in ceteros autem exemptos sine ulla delegatione solent iura sua creditores experiri in tribunali Nuntiaturæ.

LXIV.

(a) Paulus PP. V ven. fratri Deodato Episcopo Casertano nostro & Sedis apostolicæ in regno Neap. Nuntio. Ven. frater salutem... *Vi in munere tibi commissio utilius te erga personas gerere possit, tibi ultra facultates per nos tibi concessas, quasque ecclesiasticas (non tamen beneficiales) ac profanas civiles, criminales, mistas ad forum ecclesiasticum quomodolibet pertinentes causas inter personas tuae legationis, quæ apostolicæ Sedi ex privilegio immediate subiectæ sunt, ad te deferendas, motas & mouendas cum omnibus earum incidentibus, dependentibus, emergentibus, annexis & connexis, etiam summarie simpliciter & de plano ac sine strepitu & figura iudicii, sola sacri veritate inspecta, terminisque substantialibus unico contextu vel etiam non servatis, sed illorum loco præfixo termino arbitrio tuo procedendi, & in prima instantia audiendi, cognoscendi & sine debito terminandi... tenore presentium facultatem concedimus & impertimur, non obstantibus... Datum Romæ apud S. Mariam Maiorem sub annulo Piscatoris die 18 Februarii 1616.*

(b) Memorialem V. I. D. Mariani Lombardi libellum in episcopum Scyllacensem a Benedicto XIII ad S. Congr. episcop. & regular. remissum eadem Congregatio suis, quas vidi, litteris die 16 Septembris 1729 ad Nuntium Neapolitanum remisit, ut in causa prout iuris procederet, etiam facultate ipsius S. Congregationis et ob id eisdem litteris demandata. Eodem anno die 29 Aprilis ex audientia SSrmi rescriptum est super Alexii Cofeantini contra Caietæ episcopum libello, ut Nuntius item Neapolitanus cognosceret. Ab istis alia minus abundant exempla. Die 28 Non. 1749, Benedictus XIV ad postulationem D. Idelphonfi Clementis de Arollegui ei ab nostro Vtr. Siciliæ Rege Carolo demandatum rescribens ad Apostolicum Nuntium tunc D. Gualterium litteris Cardinali Valentis Gonzagæ secretarii status indulgentiam procedendi contra D. Tiberium Carafa prælatum domesticum Sedis apostolicæ, quæstisque generatim eadem qualitate præditos ecclesiasticos.

LXIV. Præter Fisci, & pauperum advocatos, procuratores & substitutos, actorum magistrum & decem scribas tribunalis Nuntiaturæ, in singulis regni diocæsesibus vt Nuntius commissarium deputer vnum ad subcolligenda spolia & quævis ad Cameram apostolicam pertinentia bona, cum facultate eligendi sibi actuarium: in hac autem metropoli, & diocæsi Neapolitana decem duntaxat commissarios & subcollectores, quum antea vsque ad septuaginta excrescerent, Paulus III iussit (a). Ii omnes a locorum Ordinariis exemptionem habent (b), & ipsius Nuntiaturæ forum sortiuntur in omnibus generatim causis: præterquam in rebus aut curam animarum si quam exercuerint, aut servitium ecclesiæ, si canonictum, aliudve beneficium possideant, attinentibus (c). Quamobrem eosdem nonnisi solutos a beneficiis parochialibus & nimarum curis fore deligendos, & ipsi nisi in diocæsi, ad quam deputantur, resederint, nulla fori exemptione gaudere statuit Paullus III. Monet præterea sapientissimus Papa Benedictus XIV (d), inter apostolicæ Sedis officiales, quos ab

Tom. I.

C c c

In.

(a) Id Paullus III edixit instructionibus suis anno 1529 promulgatis. In loco intra diocæsim exempto nequit alius præter vnum in tota diocæsi deputatum subcollector subtrahi a iurisdictione Ordinarii ex iteratis sacre Congregationis Concilii decretis. Cum enim episcopus Bitontinus dubium exposuisset, an subcollectore pro locis Fasanis, & Rutilianis nullius diocæsis deputati, & Bitonti commorantes, gauderent exemptione aliquæ: sacra Congregatio die 4 Maii 1694 respondit non gaudere, & episcopum posse in eos procedere. Tum die 14 Martii 1722 ad episcopum Caputaquensem simili de re dubitantem respondit servandum fore decretum illud in Bitontina editum. Eorundem decretorum indubiam facit fidem Benedictus XIV lib. 3 de synodo diocesana cap. 8 n. 7, & Rigantius in Reg. V Cancell. num. 209 to. 1. Exinde aliquet substitutos, officialesque subcollectorum nulla prorsus exemptione gaudere. Vnum tantum notarium pro singulis subcollectoribus exemptum declaravit S. Congr. in cit. Bitontina ad dub. 3.

(b) Ex constit. 40 Greg. XIII, & const. 47 Urbani VIII tom. 2. Bullarii. Has constitutiones speciatim pro hoc regno latas observat Rigantius in Reg. V Cancellaria n. 189 to. 1.

(c) Quod decrevit Sac. Congr. Concil., probante Innoc. IX, die 27 Februarii 1677, in appendice ad Conc. Roman. Bened. XIII an. 1725 art. 7, & Bened. XIV lib. 4 de synod. dioc. cap. 8 n. 6.

(d) Cit. lib. 3 de syn. dioc. cap. 8 n. 8, ubi reprobat Eimericus aliter sentiens in decret. Inquis. par. 3. qu. 26, & Gonzalez ad Reg. VIII Cancell. gl. 51 n. 82.

Inquisitoribus hæreticæ prauitatis exemit Ioannes XXII (a), atque ab Ordinariis locorum Romam pro suis negotiis adeuntes Eugenius IV (b), non recensendos quidem esse subcolletores spoliū: proinde in hos ab illis posse iudicia in casibus permissis exerceri censuris & priuatione beneficiorum etiam sine cura.

LXV. Die 27 Februarii 1677, sacra Congregatio S. R. E. Cardinalium Concilii Tridentini interpretum ad occurrendum controuersis & querimoniis circa subcolletores spoliū, aliosque commissarios Cæmæ apostolicæ, præsertim regni Neapolitani . . . statuit ac decreuit, *ut in posterum in singulis infra scriptis diœcesibus, videlicet Aquilana, Acerrarum, Aliphana, Abellinensi, Asculana in Piceno, Asculana in Apulia, Atrienti, Bisaciarum, Bitontensi, Bituntina, Bellocastrensi, Bouensi, Carinoleni, Caluensi, Caiacensi, Casertana, Campaniensi, Capritana, Conuersana, Cotronensi, Castrensi, Castellananensi, Ciuitatis Ducalis, Camplesni, Carientensi, Fundana, Frigentina, Guardiensi, Galkipolitana, Isclana, Insulana, Iuuenaciensi, Litterensi, Lauellensi, Laquedonensi, Mottulensi, Massalubrensi, Marturanensi, Mineruiensi, Monopolitana, Melfiensi, Mariscensi, Montis Marani, Montis Pelusii, Melfiensi, Murana, Nuscana, Nicoterensi, Nucarina, Ostunensi, Oritana, Ortonensi, Pennensi, Puteolana, Polignanensi, Rauellensi, Rubensi, Rossanensi, Rapollensi, Reatina, Surrentina, Suesana, S. Agathæ, Satrianensi, Stabienſi seu Caſtri-Mariſi, Sarnensi, S. Seueri, S. Angeli Lombardorum, Troiana, Theanensi, Thelesina, Triuicana, Tranensi, Vgentina, Vmbriaticensi, Vicana, Vulturariensi, Vestana, Venusina, Valuensi, Vigiliensi, Venafrana: & in singulis pariter infra scriptis locis exemptis, seu nullius, videlicet Canusi, Cerignolæ, Casalis noui, Cetrani, Centolæ, Caſtri S. Laurentii, Castellana, Carbonaria, Droſi, Fafani, Montis*

(a) Io XXII in cap. cum Mattheus 3 de hæreticis inter extr. comm.

(b) Eugen. IV in cap. diuina 3 de priuilegiis ibidem.

is Virginis, Montis Casini, Marubii, Pitignani, Rutiliani, S. Stephani de nemore, SS. Trinitatis Cauensis, S. Angeli ad Fasanellam, S. Vincentii de Vulturno, Terlitii, & alius, in quibus fortasse hactenus subcollectores deputari solitum fuit, unicus subcollector. 2, in sequentibus vero, scilicet Aprutina, Aversa, Arianensi, Amalphitana, Alexanensi, Aquilana, Bariensi, Boianensi, Bisinianensi, Cauensi, Capuana, Comfana, Catacensi, Hieraciensi, Hidruntina, Iserniensi, Larinenfi, Liciensi, Marforum, Nolana, Neritonensi, Neocastrensi, Oppidenfi, Policastrensi, Potentina, Rhegiensi, Sorana, Sipontina, Sulmontensi, Squillacensi, S. Seuerinæ, S. Marci, Theatina, Termolarum, Triuentina, Tarentina, Tricaricensi, & Tropeensi duo tantum. 3, in sequentibus, nimirum Acheruntina & Materana unicus, in Anglonensi, Beneuentana, Cosentina, Caputaquensi, Cassanensi, Miletensi, & Salernitana non plures, quam tres; & in Neapolitana decem subcollectores, & non ultra respectiue deputentur & emercent. Ad euitandam autem confusionem remisit arbitrio Nuncii diuidere & assignare cuilibet subcollectoris partem diocesis, seu loca, intra quorum limites debeant in exercitio se continere.

XLVI. 4. Declarauit, nullum subcollectorem post renunciatum officium gaudere exemptione ab Ordinario, nisi laudabiliter exercuerit saltem per duodecim annos. Eos vero, qui in officio, aut alias ita deliquisse comperti fuerint, ut a Nuncio amouentur, & alii eorum loco deputentur, nullatenus exemptione huiusmodi gaudere; & e contra illos, qui probe ac fideliter se gesserint, velintque in officio continuare, confirmandos esse a Nuncio, nec alios eorum loco deputari posse. 5, Præterea censuit, ut subcollectores terminato officio non gaudeant amplius exemptione, defuncto vel alias deficiente Ordinario, in cuius tempore exercuerunt. Sicuti etiam declarauit illos, qui licet in subcollectores deputati fuerint, nunquam exercuerunt, minime gaudere; nec pariter illos, qui non resident in diocesi,

pro qua sunt deputati, & Ordinarium certiorare debere sacram Congregationem de dicta non residentia, eiusque provisionem expe-
 peflare. Generaliter vero subcollectoribus exemptionem ab Ordina-
 rio in civilibus non suffragari, nisi adesset in diacepsi iuden-
 a Nuntio deputatus, qui habeat tantummodo facultatem in caus-
 sis passivis, & nullo privilegio aut exemptione gaudet:

LXVII. 6. Quod vero attinet ad substitutos & Offi-
 ciales subcollectorum declaravit, substitutos non gaudere exem-
 ptione, illam concedendam esse uni tantum notario pro quolibet
 subcollectore in actu exercitii, & quoad commissarios super
 illicitis negotiationibus, aut ad alias causas particulares deputa-
 tos non gaudere exemptione, nisi in actu exercitii, & tam
 commissarios huiusmodi, quam subcollectores, quando procedunt
 contra denunciatos, vel alios inquisitos de illicitis negotiati-
 onibus, si ex processu informativo constet de eorum innocentia,
 non posse illos cogere ad expensas eiusdem processus, & decreti
 absolutorii.

LXVIII. 7. Declaravit parochos in subcollectores aut com-
 missarios ad quasvis causas particulares non esse deputandos,
 sicuti nec Pœnitentiarium, nec Theologum. Quod si post depu-
 tationem de aliqua parochiali aut pœnitentia vel theologali
 præbendis fuerint fortasse promissi, tunc minime gaudere exem-
 ptione in concernentibus curam animarum, & respectu adimple-
 mentum onerum ipsarum præbendarum; & eadem ratione non
 gaudere Canonicos, & alios beneficiatos subcollectores in con-
 cernentibus servitium ecclesiæ, & adimplementum onerum ipso-
 rum canonicatum, & beneficiorum, nec lucrari distributiones
 quotidianas, si non inserviant. Insuper teneri ratione beneficio-
 rum, quæ obtinent, ad publicas processiones accedere, solvere
 cathedraticum & subsidium charitativum, & interesse synodo
 ac visitationi, non tamen pluries quam semel in anno.

LXIX. Posse vero solummodo cogi ab Ordinario ad exe-
 quendam visitationem in iis, quæ respiciunt cultum divinum,
 ipsumque Ordinarium posse procedere contra subcollectores acce-
 den-

centes sine eius licentia ad monasteria monialium, aut non seruantes praeceptum communionis paschalis, & contra percutientes presbyterum vel clericum posse procedere ad declaratoriam excommunicationis ex can. si quis suadente, & si quando reperit aliquem subcollectorem in publico concubinato vivere, certiorare debere eandem sacram Congregationem, ac ipsum Nuntium, cuius partes erunt seuerè eos punire, ac priuare officio. Posse tamen eundem Ordinarium carceribus mancipare, ad superiorum dispositionem retinendos, subcollectores deprehenso in fraganti crimine, quod meretur poenam corporalem, non tamen minorem relegatione, dummodo statim de carceratione Nuntium certioraret. 8. Item administratores locorum piorum in subcollectores deputatos subesse Ordinario quoad redditionem rationum administrationis: nec posse subcollectores a casibus episcopo reservatis absolui absque illius licentia, & nullum inquisitum posse a Nuntio in subcollectorem deputari, nisi de eius absolutione constiterit.

LXX. 9. Declarauit, subcollectores teneri ostendere Ordinario suas commissiones, antequam illas exequantur; commissarios vero particulares teneri, vel per litteras patentes vel priuatas sui superioris, aut alio modo certiorare Ordinarium de demandata iurisdictione . . . Tandem Innocentius XI die 16 eiusdem mensis declarauit praesentam constitutionem Urbani VIII esse intelligendam iuxta praedictam sacrae Congregationis sententiam, & praesens decretum, omniaque & singula in eo contenta approbauit & confirmauit. . . voluit tamen Sanctitas sua quod . . . derogatum, siue praedictatum minime censeatur reservationibus & affectionibus beneficiorum eorundem collectorum & subcollectorum, resultantibus ex Regulis Cancellariae apostolicae (a).

LXXI. Sine litteris proprii episcopi vitam & mores testantibus nullius esse momenti deputationes subcollectorum siue a Thesaurario generali siue a Nuntio factas, eosque Ordinarii

(a) Hocce decretum habet appendix ad Concilium Romanum Benedicti XIII num. 7.

nariis locorum subiectos adhuc permanere, declaravit die 23 Maii 1725 in concilio Romano particularis Congregatio a Benedicto XIII deputata (a):

LXXII. Quoadusque perdurabit destinatio, munusque subcollectoris & notarii, etiamsi actu non exerceat, locum obtinet exemptionis (b), quæ fere post dimissum cessat officium. Fere inquam: sacra enim Congregatio Concilii censuit eos, qui Cameræ duodecim annos probe seruiuerint, sponte se abdicatos quidem exemptione frui: secus tamen expulsos & non sine causa ab Nuntio amotos. At vero propter crimina durante officio admissa eos post illud quoque dimissum, quoad vixerint, Nuntius punit (c).

LXXIII. Ad familiam quod attinet armatam, lex Concordatorum (d) Nuntio duodecim indulget cursores, privilegio exemptionis a foro laicali gaudentes quod ad personalem duntaxat distractionem in omnibus causis civilibus, criminalibus & mistis: dummodo non agatur de criminibus poena vel capitis vel tristemium regia Potestate coercendis. De cursoribus autem, quos possent binos in singulis dioecesibus commissarii apostolici sibi adscire ex memoratis Pauli III instructionibus, nullum omnino verbum in Concordatis, neque in planta cursorum a Plenipotentariis pontificiis & regiis constituta die 2 Iunii 1741. Et iure quidem merito: nam S. Congregatio in sæpedita Bituntina respondit vnum cuiusque subcollectoris notarium exemptione gaudere, nulla vero cursores (e). Arma regis pragmaticis, edictisque prohibita nequeunt cursores tam Nuntii apostolici quam episcoporum in suo etiam exequendo munere deferre: quod iandiu apostoli-

(a) Decretum extat in appendice Concilii Romani, & penes Rigan-
tius in *Reg. V Cancell. to. 1* num. 98.

(b) Ex decr. S. Congr. in Sarnensi exemptionis 13 Nodem. 1688, &
Bituntina deputationis subcollectorum 4 Maii 1697, apud Rigan-
tius *loc. cit.* num. 191.

(c) Ex Greg. XIII *constit. 25* declaravit S. Congr. die 2 Ianuarii 1629.

(d) Concord. *cap. 3 de immunit. person. art. 5, & seqq.*

(e) Rigan-
tius *loc. cit.* num. 193.

licum Nuntium admonuit Prorex, Mirandæ Comes, vi litterarum a Philippo II datarum die 12 Decembris 1587 (a). Iisque vsum armorum non prohibitorum solummodo permittit Concordata (b).

LXXIV. Peculiaribus insuper foundationum statutis assensu apostolico firmatis hoc in regno Nuntius apostolicus mandata habet iurisdictionem super nonnullis ecclesiis & locis ab Archiepiscopo Neapolitano exemptis, earumque capellanis & seruientibus. Nimirum in ecclesia & hospitale regio S. Iacobi Hispanorum, atque in monasteriis duobus monialium SS. Conceptionis, & B. M. Magdalenz eiusdem regii hospitalis ære fundatis. Simul in nosocomio, monte, ecclesiaque S. M. de Patientia Cæsarea (c).

LXXV. Insuper hospitale, & ecclesiam S. Angeli ad Nidum, ex lege foundationis exemptam ab Archiepiscopo Neapolitano Benedictus XIV Nuntio apostolico speciatim subiecit hoc pacto, vt Nuntius ipse tam *hospitale*, quam *oratorium & ecclesiam*, eiusque *sacristiam seu rectorem*, aliosque tam *clericos seu presbyteros quam laicos a iurisdictione Archiepiscopi tam ordinaria quam delegata exemptos in iis, quæ respiciunt diuinum cultum, morum, vitæque honestatem, & administrationem sacramentorum, ac doctrinæ in exercitiis spiritualibus exponendæ puritatem, & generaliter quod ad omnia spiritualia visitare, corrigere & punire, & in eos quoscumque iurisdictionis actus exercere (d).*

LXXVI. Præterea vlitato iure prorogationis huiusce Nuntiaturæ tribunal rite compellit realiter & personaliter quoslibet ecclesiasticos ad soluendum æs alienum, quotiens ii sese obligauerint aut in forma *R. Camera apostolicæ* (e): aut pacto

(a) Apud B. Chioccarell. 10. 3 archiu. tit. 4 prope finem.

(b) Cit. cap. 3 num. 6.

(c) Ex traditis lib. 3 harum Instit. tit. 13 num. 9, & seq.

(d) Benedict. XIV in const. præclarum 51 §. 20 to. 4 Bull. sui, de qua inferius lib. 3 tit. 13 num. 11.

(e) Quoniam ritu obligationes cameralis incutuntur, dictum est lib. 3 tit. 20 num. 6.

paſſo expreſſo vt valeat ſua ipſorum obligatio incuſari in quolibet loco & foro, aut litteris collybiticis vulgo *cambii*, quæ hoc paſſum tacite continent. (a). Morem hunc inuenteratum cogendi moroſos eccleſiaſticos debitores in hoc tribunali Nuntiatorum in tribus iam dictis obligationum generibus conuellere multi & ſæpe, at irrito ſemper conatu ſtuduere. Nam & Romana Curia & Regis noſtri aula poſthabitis appellantium & recurrentium querelis talem conſuetudinem rebus iudicatis valde confirmarunt, vt mutuz paciſcentium fidei, contractuum religionis & maiori creditorum litigantium commoditati, bono ſcilicet publico ſauerent. Quandoquidem Sebaſtianus Arboreti ſacerdos Biſectenſis ab eodem tribunale Nuntiatorum in ius vocatus ad ſoluendam pecuniam ex litteris *cambii* Iosepho Martuccio debitam, ad Regem noſtrum recurrentes quum expoſuiſſet nullam formæ *cameralis* obligationem in illis contineri, ſuaque ob id iuriſdictione tribunal ipſum abuti vexando clericos regnicolas in cauſis ad præſules dioceſanos, locorumque Ordinarios pertinentibus: Delegatus regalis iuriſdictionis Marchio Nicolaus Fraggiannius ea de re conſultus cènſuit relatione ſua ad Regem data die 21 Decembris 1761, ſatius eſſe ob vtilitatem publicam prudenti diſſimultatione permittere, vt in foro Nuntiatorum ex diuturna conſuetudine cogantur ad ſoluendum æs alienum debitores clerici ſeculares tam ex obligatione in forma *Camera apoſtolice*, quam ex litteris *cambii*, paſſoque ſoni prorogati ex clauſula conuentæ incuſationis in quouis loco & foro. Idipſum Regalis Camera S. Claræ quum cenſuiſſet die 2 Maii 1748 ſuper Caſinenſis monachi reſuſu: Rex Carolus ad eam exinde reſcripſit, vt Regulares omnes in cauſis etiam ciuilibus eidem foro pontificio Nuntiatorum parerent: quamvis pontificum Breue facultatum Nuntii apoſtolici regio placito comminuit nullum habeat verbum de ipſius iuriſdictione in ciuilibus Regularium cauſis. Cuiusmodi ſententiam Rex Ferdi-

(a) Videſis dicta inferius lib. 3 tit. 10 num. 11.

Liber I. Tit. XXIII. De Capellano Maiore. 393
 dinandus, seu Domini pro eo pupillo Regentes comprobarunt
 rescripto ad eundem Marchionem regium Delegatum dato
 die 3 Ianuarii 1762, quatenus ad ipsius normam compone-
 ret casus deinceps emerituros.

T I T. XXIII.

De Capellano Maiore Regis Neapolitani.

- 1 Sacros ministros quum tabernaculo Domini in castris, sum
 templo Ierosolymitano inservientes habuerunt apud se Ebrao-
 rum Duces & Reges.
- 2 Eorum exemplo Constantinus M. Christianique inde Impp.
 & Reges aulica oratoria, sacrosque ministros habere domi
 sue, militiaeque sucuerunt.
- 3 Capella regum Galliae oratorium, in quo parva S. Martini
 capa servatur, illiusque sacri custodes capellani primum
 dicti sunt.
- 4 SS. Patres & Pontifices priusquam aulica oratoria, sacrosque
 aula ministros fouere quidem studuerunt.
- 5 Neapolitana aula oratorio, cleroque palatino praelatus variis
 olim nominibus, Capellanus maior nunc dicitur.
- 6 Regiis capellanis praelato aulico subiectis exemptionem ab
 ordinariis locorum iura etiam canonica indulgens.
- 7 Hoc in regno Langobardi Principes abbatem & clerum pa-
 latinum nono seculo habuere.
- 8 Inde oratorii, clerique palatini exemptiones & prerogativae
 videntur ante Innocentium III usu inualuisse.
- 9 Normanni Principes S. Petri capellam Langobardorum Sa-
 lerni Principum coluerunt, praebendisque ditarunt. Dein
 eiusdem capellae regius patronatus ex donatione Ferdinandi
 catholici & Caroli V ad Pignatellios Montiscalui Duces
 Mormilium successores pertransiit.
- 10 Succi, Andegauenses, Aragonii Reges Magistrum Capella-
 num aulicae Capellae & clero suo praefecerunt.

Tom. I.

Ddd

21 In

- 11 In castro novo Neapolitano Reges Andegauenses, in palatio Austriaci, tum in aliis arcibus & castris regia oratoria cum regis capellanis fundarunt.
- 12 Omnes regis capellis & oratoriis inservientes clericos praelatus aulicus seu Regis Capellanus maior sibi subiectos habuit ex vetustis privilegiis.
- 13 Xystus IV, & successores Pontifices plenam in regios capellanos quasi episcopalem iurisdictionem Capellano maiori speciatim mandarunt.
- 14 Post Caroli V obitum expirasse indulgentiam a Leone X iurisdictionem Capellano maiori dubitabant.
- 15 Clemens VIII eam, quoad Philippus II, regesque successores moram hec traherent, concessit.
- 16 Proreges inde a S. Congr. Episc. & Reg. senis mensibus obtinere litteras Capellano maiori consueta iura prorogantes, post decennium intermissas & neglectas omnino.
- 17 S. Congr. Concilii anno 1733 Archiepiscopo Thessalonicensi nunciavit querelas in eum de abusu facultatum Capellani maioris delatas.
- 18 Is autem reposuit consuetudinem immemorabilem, & mendacia querelarum.
- 19 Benedictus XIV ordinariam Capellani maioris iurisdictionem quum in aula regia, tum in locis & personis ei subiectis firmavit & explicuit.
- 20 Eidemque tempore belli facultates largitus est ampliores.
- 21 In aula regia & castris, locisque regis separatim Capellani maioris territorium consistit.
- 22 In regios vero capellanos, milites & familiares ordinaria ipsius iurisdiclio personalis.
- 23 Quæ ad capellanos regiarum audientiarum & tribunalis Campanæ extenditur.
- 24 Atque ad inservientes ecclesiis regia collationis, & possesores talium beneficiorum.
- 25 Regalis Capellæ cantores quamvis laici forum Curia Capellani maioris sortiuntur.

- 26 Simul & professores omnes regie vniuersitatis studiorum.
- 27 Neapolitani regni fines non egreditur Capellani maioris iurisdic-
tio, præterquam in milites vbilibet etiam in Sicilia degentes.
- 28 Sicilia in exempro iudicem monarchiæ proprium habet, pro cura
animarum aula Panormitana Cantorem, pro sæcis in aula
coram Principe celebrandis abbatem S. Lucie nudo Capel-
lani maioris titulo fruentem.
- 29 Quæstiones de regio vel feudali patronatu Curia Capellani
maioris diiudicare iamdudum consuevit.
- 30 Nec non impedimenta in expediendo regio placito super lit-
teris & prouisionibus Romanæ Sedis & Curie.
- 31 Ne placita eiusmodi concederentur nisi post rem cognitam
in Curia Capellani maioris, Philippus II edixit, quæ inde
in Codicem referre placita cum suis relationibus fuenit.
- 32 Idipsum imperans Philippus IV. insuper rescripsit partes
interesse habentes audiri in eo expediendo debere.
- 33 Stylus inde inualuit superfedendi primum, dein clausulas
iura regis, moresque regni seruantes adiiciendi relationi-
bus Curie, decretisque placitorum.
- 34 Mox impedimenta partium increbuerunt cum mutuis querelis.
- 35 Rex Carolus plura edixit pro celerandis regii placiti ex-
peditionibus, amouendisque impedimentis.
- 36 Confraternitarum regulæ ante regium assensum censuram Curie
Cap. m. subeunt, ad eamque deferuntur quæstiones præcedendi.
- 37 Ad vacantes ecclesias regii patronatus seruos viros proponit
Capellanus maior, & æconomum regium interea designat.
- 38 Præstituram regie studiorum vniuersitatis gerit, censuras
librorum delegat, atque ad Regem deferit.
- 39 Rebus ecclesiasticis consilio ipsius Rex plerumque prospicit.
- 40 Alias etiam prærogatiuas is habuit.

EBreorum ducibus, regibusque (vt paganos fileam ido-
lorum cultores) sacros adfuisse ministros, qui Regem
exercituum D. O. M. sacrificiis & precibus propitiarent assi-

duis, ex diuinis litteris sat compertum est. Arca fœderis Domini sub pellibus fuit in tentorio, eiusque tabernaculum sæpe loca mutauit simul cum castris Israël (a), in quo sacerdotes holocaustum & hostias offerebant pacificas. Cumque primus eorum Rex Saul in angustiis belli contra Philistæos sacerdotali munere fungi ausus esset, ea stultitia adeo Dominum irritauit, vt regnum promeruerit a seipso ad Dauidem transferri (b). Dauid autem ædificatis sibi domibus in arce Sion ciuitate sua, constructo ibi tabernaculo Arcæ Dei, illicitum esse edixit, vt illuc a quouis alio ea portaretur, nisi a Leuitis: deinde aliquot Leuitarum instituit; qui ministrarent & recordarentur operum eius & glorificarent Dominum (c). Salomon quoque apud se habuit sacerdotes Sadoc, Abiathar & Zabul, ceteros alii; postquam templum Domino regiæ domui proximum is erexisset.

II. Ab huiusmodi exemplis regiarum Capellarum, Capellanorumque origo in regijs Principum Christianorum aulis & castris repetenda esse videtur. Quod Constantinus M. in palatio suo extruxerit Oratorium, itemque tabernaculum præse formam ecclesiæ ferens secum circumferre ad prælia contra hostes consueuerit, additis utrobique sacerdotibus & diaconis, qui sacra peragerent quotidie, Deoque litarent; testantur Eusebius (d), Sozomenus (e) & Socrates (f). Religionem hac in re paternam tenuere filii ejus (g). Theodosii iunioris palatium a monasterio parum discrepasse ob quotidiana religiosi cultus officia tradit Socrates (h), eiusque Oratorium palatinum Cedrenus simul commemorat. Theophanes itidem illud Imperatoris Heraclii. Iustinianus diuo Petro sacram domus suæ ecclesiæ reliquiis Apostolorum ab Hormisda Pontifice ditari petiit. Mauritius suam diuo Paulo

(a) Paralipom. 1 cap. 17 vers. 2, & 5.

(b) 1 Reg. cap. 13 vers. 9, & segg.

(c) 1 Paralipom. cap. 25 vers. 2, & cap. 16 vers. 1, & segg.

(d) Euseb. lib. 4 hist. cap. 17, & 18. (e) Sozomen. lib. 1 cap. 8.

(f) Socrat. lib. 1 cap. 18. (g) Euseb. lib. 4 cap. 52.

(h) Socrat. cit. lib. 1 cap. 22.

lo dicauit. Aliâ quoque ab aliis Constantinopolitanis Impp. constructa sibi Oratoria longum esset enarrare.

III. Occidentalibus regionibus non aliter, quam orientalibus aulica Oratoria fuisse vetustissima: simul & clerus aulicus & militaris. In Clodouxi M. aula seculo V oratorium fuisse, in eoque capam S. Martini seruâtam, Thomafinus adstruit ex variis coniecturis (a). Pelagius Papa post medietatem seculi festi fertur apud Thomafinum rescripsisse Centumcellensi episcopo, vt præuio examine presbyterum, diaconum & subdiaconum a militaribus eius vrbs copii ex Impp. concessione præsentandos ordinaret. Mox S. Gregorius M. idipsum Lunensi episcopo rescripsit pro diaconis ac presbyteris ad præsentationem Ducis militiæ ordinandis (b). Idemque Syagrium episcopum obsequio Brunchildis Reginæ Sigiberto-Rege addictum enarrat (c). Gregorius Turonensis clericos Fredegundæ Reginæ sub Chilperico memorat (d). Guntramnus, & Childebertus II Burgundia Reges seculo declinante oratorium aulicum coluere (e). Tum Reges Italiæ Eangobardos oratorio simul & clero aulico vsos iam liquet. Liutprandus paternum regnum adeptus anno 712, qui suis in legibus *christianus & catholicus Deo dilectæ gentis Langobardorum Rex* dicitur (f), intra suum quoque palatium Ticini oraculum Domini Saluatoris ædificauit, & quod nulli alii Reges habuerunt, sacerdotes & clericos instituit, qui ei quotidie diuina officia decantarent, Pau-

(a) Thomaf. par. 1 lib. 2 cap. 109. Addit Bignonius ad episcopatum Inculifmanum a Clodouæo promotum Aptonium suum ipsius Capellannum scribit lib. 1 cap. 25.

(b) Thomafinus par. 2 lib. 1 cap. 30 num. 5 in his Pelagii, & Gregorii epistolis patronatus regii, laicique vmbram vidit, quæ ad regios capellanos exercitus spectare potius videntur.

(c) Idem lib. 9 ep. 120.

(d) Greg. Turonens. lib. 8 hist. cap. 29.

(e) Ex traditis a Gregorio Turonensi hist. Franc. lib. 8 cap. 44, & lib. 10 cap. 13. Mabillonius de re diplomatica exscribit placita Theodorici & Childeberti Regum de palatino ipsorum oratorio sermonem habentia.

(f) Liutprandus ipse in præfat. ad leges Langobard. apud Murator. 10. 4 annal. Ital. ad an. 712.

Paulus Diaconus tradit (a). *Oracula* tunc appellari domestica oratoria consuevisse hinc patet (b). Primus omnium Marculphus medio circiter seculo VII vocabulo *Capellæ* usus est, anteaſtis temporibus ignoto (c), vt parvam S. Martini capam denotaret. Eodemque ſenſu *capella* pro capa ipſa uſurpatur in monumento Theodorici Regis anno 680 apud Mabilonium (d). *Capellam ipſam* fuiſſe breuem tunicam S. Martini putant alii (e). Itaque parvam *capam* S. Martini Turonenſis quum Galliarum Reges in Oratorio ſeruare ſuo; ſecumque ad militaria caſtra contra hoſtes religioſa cum fiducia circumferre conſueuiſſent: inde & *capellani* profluxit vocabulum, quippe qui munus obiret vel cuſtodiendi, ferendique capam ſacram, vel Oratorio, ea ubi eſſet, inſeruendi.

IV. Quoniam Reges Deo frequenter colendo vacantes totum fere orbem conſueuerunt ad ipſorum exempla compoſcere: factum eſt, vt ſanctorum Patrum hortationes duce Chryſoſtomo (f), ſummique Pontifices plura indulgendo priuilegia

(a) Paul. Diacon. lib. 6 *de geſtis Langobard.* cap. 38 de Luitprando, & Murator. *cod. to. 4 ad an. 744.*

(b) 3 Reg. cap. 6 verſ. 16 & 17, dicitur quod Salomon *fecit interiore domum oraculi in Sanctum Sanctorum*. Porro *quadragesima cubitorum erat ipſum templum pro ſcribis oraculi*, verſ. 19. Oraculum, in medio domus in interiori parte fecerat, vt poneret ibi arcam ſederis Domini. Porro oraculum habebat viginti cubitos longitudinis, totidem latitudinis, totidem altitudinis.

(c) Marculphus lib. 1 *formul.* cap. 38. Francorum proceres iuraſſe manu poſita in palatio ſuper capellam Domini Martini.

(d) Mabillon. *de re diplom.* ad an. 670, & 710. Theodoricus Rex anno 680. ſua mano in oratorio noſtro ſuper capella Domini Martini, ubi reliqua Sacramenta percurrerant, hæc deberent conſcribere. Id etiam tradit Monachus Sangalleniſ lib. 1 *de viſa Caroli M.*

(e) Cangius in *gloſſario*, Hier. Bignonius in notis ad Marculphi *formulas* lib. 1 cap. 38, non veſtem vllam, ſed capſam ſeu thecam, in qua S. Martini reliquie condebantur, fuiſſe cenſet. Idem putat Peiratus lib. 1 *de orator. Reg. Gall.* cap. 1, & 2.

(f) Chryſoſt. in acta Apoſt. hom. 18 diuites generatim hortans ad extirpandas in villis ſuis eccleſias, & preſbyteros inibi alendos, oro, imo & *legem pono, ait, vt nullus qui habet villam appareat carere eccleſia. Ne dixeris mihi: prope eſt, in viciniâ eſt, magnus eſt ſumtus, non magnum commodum. Siquid habes inſumendum in pauperes, illuc inſume. Melius illuc, quam ibi.*

Educa

pietatem Regum ac deuotionem maximopere prouocarent ad extruenda sibi in singulis ferme palatijs Oratoria, vbi vna cum capellanis, clericisque aulicis diuina officia concelebrent. Hos autem oportuit praelato simul aulico subiacere, qui res ecclesiasticas in aula, curamque spirituales Regis, regique familiæ moderaretur instar diocesani præsulis. Cumque ad eam rectius obeundam modo presbyteros, modo episcopos ad libitum adscire Principes consueuissent: hos quidem a residentia lege in suis diocesisbus eximere visa est vtilitas publica. Synodus Francofordiensis anno 794 propterea *consensit*, Hildeboldum Coloniensem archiepiscopum in palatio Caroli M. esse debere propter utilitates ecclesiasticas (a). Tum Synodus Carisiacensis anno 858 rogandum Regem Ludouicum censuit, vt in palatio virum ecclesiasticum sacris gerendis, & ecclesiastica negotia curandis præficeret (b).

V. Huiusce praelati varia fuit nomenclatio. *Cartophylax* a Græcis dictus est (c), & *Protopapa* aulae imperialis (e), idest primus presbyter. In Gallia sub primæ stirpis Regibus *Abbas palatini Oratorii* (d): posterioribus deinde temporibus

Educa magistrum, educa diaconum & sacerdotalem ordinem. Venerabilis erit & presbyter postea, & ad securitatem agri conduceret. Preces illie perpetuo propter te, laudes & synaxes propter te, oblatio per singulos dies dominicos. Quale est matutinis, vespertinisque hymnis presentem esse, & simul prandentem sacerdotem videre. An parum est in sanctis oblationibus nomen tuum referri, & quotidie pro villa preces ad Deum fieri?

(a) Synod. Francofordiens. can. 55. Thomasius par. 2 lib. 3 cap. 36 commentat. fufius, quod inter causas canonicas episcopum excusantes a residentia diocesana Patres accensuissent *Principis inssionem*, curamque sacrorum in aula.

(b) Syn. Carisiacens. can. 7.

(c) Theod. Balsam. ad can. 18 Nicen. & can. 7 Trullan. Baron. ad an. 591. n. 31, & seq. (d) Codinus lib. de offic. eccl. & aula Constantinop.

(e) *Rufinus* S. Desiderii Cadurcensis episcopi germanus munera abbatibus in palatio oratorio functus narratur in vita eiusdem S. Desiderii. Bertharius item Carnutenfium episcopus, tum S. Sulpitius Bituricensis, Clotario II rege, abbatibus regii oratorii fuerit. Vt enim auctor vitæ S. Sulpitii scribit, Clotarius ab episcopo petiit, vt pro salute sua ac exercitus sui licentia daretur, vt vir beatus in suis castris abbatis officio petiretur. Eadem nomenclatio viguit in palatina Capella, S. Petri ad Curtim Principum Salerni Langobardorum sec. IX, de qua paullo inferius num. 7.

bus *Capellanus*, *Archicapellanus*, *Palatii Custos* (a). Eadem cum eisdem fere nominibus dignitas ad oratoria vtriusque Siciliæ palatina, & regia pertransiit. *Fulco* Comitris Rogerii *Capellanus*, idemque medicus & *Capellanus* legitur inscriptus (b). *Petrus* Blesensis seculo XII ad *Gualterium Capellanium Regis Siciliae* *Guilielmi II* epistolam 10 dedit, ut pro suo ipse officio Regem dehortaretur, ne indignos ad episcopales sedes promoueret. *Ovis tua est*, inquit, & in periculum tuum ipsius custodiam suscepisti . . . *Periculosum est tibi, si in ronsoris officium conueras ministerium pastorale* (c). Posteriori uero discriminis gratia dictus est *Protocapellanus*, & *Magister Regalis Capellæ* speciatim a *Carolo I Andegauensi* anno 1262, *Roberto* anno 1212, *Ladislao* anno 1392, *Ioanna II* anno 1423 (d). Eum tandem nuncupare *Capellanium Maiorem* maluerunt *Bonifacius VIII* litteris, quas dedit die 22 Iulii 1294, & *Bonifacius XI* alteris die 21 Nouembris 1303 datis regnante *Carolo II Andegauensi*. Eodem titulo *Alphonso I Aragonensis*, seculo XV, plures ad id muneris viros promouit. Eoque ipso usus est *Leo X*, dum plurimas largiri censuit facultates *Caroli V Imp.* tamquam *Regis Neapolitani Capellani Maiori* die 20 Nouembris 1519: tum *Paullus III* die 26 Septembris 1537. Subsequenti exinde ad nostra usque tempora Pontifices & Reges innumeris fere litteris non alio, nisi *Capellani Maioris* nomine prælatum Clero palatino vocitarunt.

VI. Cum suis aulicis capellanis & clericis Prælatus esset,

(a) *Adelard. Archiep. Parisiens.* *Carolo M. imperante in lib. de Ordine Palatii*, *Hincmarus ep. 13 cap. 19*, & *Bollandus in vita S. Angilberti*.

(b) In duabus Comitris Rogerii chartis, altera donationis diuo Brunoni, apud *Tallon. de antefato*, altera pro cœnobio *Liparitano* anno 1094 penes *Pitrum in notis. eccl. Patens.*

(c) *Petr. Blesensis ep. 10.* Idemque *ep. 66* ad eundem *Gualterium* rescribens, scitis ait, quod dominus meus *Rex Siciliae* per unum discipulum meum fuit, qui & a vobis versificatoria atque litteratoria artis primitias habuerat, per industriam & sollicitudinem meam beneficium scientiæ plenioris obtinuit.

(d) *B. Chiocharell. to. 2 archiui.*

esset, qui velut episcopus curam animarum Regis, regiarque familiarum gereret (a): fieri non potuit, quin ipsi exemptionem a diocesanis episcopis sortirentur privilegio primum speciali, deinde communi iuris beneficio. Apostolico eiusmodi exemptionis privilegio gaudere Capellam Divionensem Ducis Burgundiarum, eiusque Canonicos & capellanos quod duntaxat ad ea, quae eandem Capellam spectarent; secus alia ad parochiales ecclesias iisdem capellanis ab episcopo diocesano collatas pertinentia, rescripsit ad episcopum Lingoniensem Innocentius III (b). Sunt, qui putant hac decretali, quod ea sit in corpore iuris canonici clausa, vim legis generalis inditam privilegiorum Capellae Divionensis exemptioni, eamque cunctis cum aliis Regum Capellis communicatam (c): eo vel maxime quod Tridentina Synodus (d) quod ad capellanos regios istam Innocenti III constitutionem fore servandam decrevit.

VII. In hoc regno Neapolitano palatina Principum Langobardorum, oratoria cum Canonicis, & abbatibus quum Beneventi, tum Salerni constituisse, compertum habeo ex Capitulare Radelchisi Principis Beneventi cum Siconulpho Salerni Principe anno 851 (e). Quo inter alia pacta divisionis Principatus Beneventani cautum *art. 4, ut singula ecclesiae suum*

Tom. I.

E e e

pri-

(a) Omnes Principes terra, & ceteros homines episcopis obedire, B. Petrus precipiebat, inquit textus falso inscriptus Clementi III in *cap. omnes 4 de maior.* & obed. Illae enim verba cum habeat apocrypha *ep. 1 sancti Clementis* I ad Iacobum fratrem Domini, & in prima collectione Decretalium *Clemens* sit sine ullo numero inscriptus: minus aduersabitur vetustissimae praelatorum aulicorum dignitati & iurisdictioni istiusmodi auctoritas, qua pro episcopis ea in re pugnat Fagnanus in *cap. cum capella 16 de privileg. num. 6.*

(b) Innocent. III in *cap. cum capella 16 de privilegiis.*

(c) Thomassin. *to. 1 lib. 2 cap. 112 num. 6.*

(d) Trid. *sess. 24 de reform. cap. 11 quoniam privilegia.*

(e) Exscriptum est ex mss. codice membranaceo 352 bibliothecae Monasterii Cassinensis, in *tom. 3 hist. Langobard.* Camilli Peregrini nouis nuper edito notis praelari scientia viri Francisci Mariae Pratilli *pag. 214, & segg.* edit. Neap. 1751. Aetia S. Desiderii Episcopi Cadurcenfis apud Coitimum in *annal. Franc. ad an. 617.* ferunt Rusticum S. Desiderii fratrem ac praecessorem fuisse abbatem regii oratorii.

primatum habeant integrum, sicut semper habuere in omni loco, quemadmodum decet causam Dei: exceptis Canonicis, abbatibusque ad palatium pertinentibus: nam abbatum res, quæ ad palatium pertinent, in cuius diuisione res ipsæ uenerint, ille eos habeat, in cuius fuerint parte. Et art. 6, ac 7, ut omnes clerici sint sub potestate episcoporum suorum, exceptis clericis, qui in palatio seruiunt. Similiter fiat de clericis singulorum abbatum, exceptis illis clericis, qui in rebus abbatum ad palatium pertinentium morantur; qui clerici in illius parte sint, in cuius sorte ipsæ res uenerunt. Hisce verbis palam fit eo abhinc æuo uiguisse cleri palatini exemptionem ab ordinaria episcoporum iurisdictione, subiectionemque abbati palatino, quem nunc dicimus Capellanum maiorem. Liquet ex diplomate Comitis Rogerii pro ecclesia Catanensi anno 1092 S. Gerlandum primum ecclesiæ Agrigentinx in Sicilia episcopum post Saracenos expulsos officium Capellani maioris obuiisse in aula Rogerii Siciliæ & Calabriæ Comitis (a). Ex alio diplomate, quod Gaufridus Rogerii filius pro Catanensi etiam ecclesia dedit anno 1120, Petrum magistrum Capellanum Gaufridi inibi subscripsisse (b). Ex tabulariis etiam Siculis liquet, quod Ioannem de Nusco, S. Guilielmi socium, abbatem monasterii S. Ioannis de eremitis Rogerius Rex anno 1148 delegerit sibi confessarium, & Capellanum cum prærogatiua præcedendi omnibus regni prælatis in palatina ecclesia (c). Gualterium Guilielmi II Capellanum maiorem paulo ante memorauimus, eumque Regis consiliarium, & cancellarium, postremoque archiepiscopum Pa-

(a) Pirr. in notitia eccl. Agrigentinx.

(b) Idem in notit. eccl. Catanens. de Ansgerio episcopo.

(c) Idem in notit. Abbatæ S. Io. de eremitis. Ab ipso autem Ioanne de Nusco in vita, quam scripsit S. Guilielmi, a Bollaudo relata die 25 Ianuarii, fertur diploma Regis Rogerii S. Guilielmo pro cenobii Montisfurginis fundatione datum Panormi per manum magistri Thomæ Capellani Regis, octavo Kalendas Septembris indiæ. XV. Incarnat. Dominica anno MCXXXVIII. Pirrus insuper in chronologia Regum Siciliæ commemorat Robertum de urbe Rogerii Regis Capellanum & magnum Siciliæ Cancellarium.

Panormitanum fuisse historia Sicula tradit.

VIII. Consuetudo itaque opinione hominum antiquior, quam ante Innocentium III actis longe seculis introduxit vel expressa, taciteque episcoporum consensio, vel Principum & Regum oratoria sibi fundantium voluntas, cui aduersari periculosum & nefas, prima fuit causa & origo exemptionum & prærogatiuarum oratorii, clerique palatini in vtriusque Sicilia regno. Tanta vero vis est consuetudini, ut valeat nouo etiam decretalium iure clericorum, ecclesiarumque ab episcopis dioecesanis exemptionem, aliaque simul iura episcopalia præscribere (a).

IX. Normannis Principibus regni fors quum Salernitanam quoque Langobardorum *Capellam S. Petri, quæ erat in palatio*, obtulisset: eam Guilielmus rex Rogerii filius emblematis seu musiuus picturis exornauit, multisque ditauit præbendis clericorum inibi seruientium (b). Subsequuti deinceps Reges quum Sueui tum Andegauenses ipsius clericorum, subditorumque libertatem & priuilegia ab aduersis archiepiscopi Salernitani conatibus protexerunt (c), eamque pluribus in titulum abbatibus conferre vi regii patronatus consueuere (d). Ab Austriacis tandem Regibus Ferdinando Catholico, & Carolo V ad Troianum Mormilem eximio genere ortum, eiusque hæredes & successores per regiam donationem (e) denoluto eiusdem Capellæ S. Petri ad Curtim patronatu,

E e e 2

quem

(a) Innoc. III in cap. cum auditis, & cap. cum olim de prescript.

(b) Id memoriz tradidit Romualdus Guarna archiepiscopus Salernitanus, syneronus auctor *Chronici*, a P. Antonio Caracciolo Teatino primum editi, deinde inter scriptores Italos a Muratorio.

(c) B. Chioccarellus tom. 6 archiu. num. 34, & seqq. regias habet litteras a Roberto rege die 28 Nou. 1321 datas, aliasque succedentium temporum a Proregibus & Collaterale Consilio, Curiaque item Capellani Maioris expeditas, quibus vetitum, ne abbas regiz Capellæ S. Petri ad Curtim turbaretur in possessione sua, præsertim causas iudicandi ecclesiasticas clericorum, vassallorumque eiusdem Regiz Capellæ.

(d) Regiarum collationum litteras videtis apud cit. Chioccarell. *ibidem*.

(e) Lique ex diplomate Ferdinandi dato die 2 Octobris 1503, alioque Caroli V die 1 Martij 1529 apud Chioccar. *loc. cit.*

quem istorum postrema Laura Mormilis secum transtulit in clarissimam Pignatellorum familiam e Marchionibus primum Poglietta, post e Montiscalui Ducibus descendentium; exinde Abbates a Mormilibus olim, & Pignatellis nunc patronis præsentati non modo ipsi cum omnibus suæ regię Capellæ capellanis & clericis primæua fruuntur exemptione, sed in eos etiam sibi subditos ordinariam exercent in primo gradu jurisdictionem, Curiamque habent abbatialem intra Salerni fines, ubi ius dicit Vicarius suo ipsorum nutu amovibilis, a qua ad regiam Capellani maioris Curiam appellatur in secundo gradu iudicantem.

X. Suevos etiam Reges Magistro Capellano, tum Aragonios & Andegauenses in aula vfos constat. Gregorius Mustaccio Capellanus maior Friderici II Imperatoris ac Siciliæ Regis circa annum 1206 in Siciliæ tabulariis dicitur, cui Rex oppidum S. Lucie de Milacio donavit (a). Gualterius de Palena episcopus Troiæ, mox Catanæ, tandem Panormitanus, regni Siciliæ Cancellarius sub Henrico IV, & Friderico eius filio, cui Papa Innocentius III tutelam Friderici pupilli administrandam concedidit, nonnullis videtur magistrum regię ipsorum Capellæ simul egisse. Tum liquet huius regni vassallos iuramenta fidelitatis eidem Friderico II præstitisse coram magno aulæ Capellano, & duobus Magistris Iustitiariis (b). Caroli I Andegauensis protocapellanus & regni Cancellarius Ioannes Masnelius fertur (c). Fr. Matthæus Reginæ Sancie confessorius, consiliarius, regięque capellæ magister, dein episcopus Telesinus (d). Ioanna I confessorios & regalis capellæ Magistros habuit Fr. Matthæum de Aquaputida,

(a) Siciliæ sacre to. 2 in notitia Capellanæ maioris S. Lucie de Milacio.

(b) Id ex actis antiquis enarrat Freccia lib. de subfeudis loquens de officio Magni Cancellarii.

(c) In regis tabulariis, & apud Pirrum in *chronologia* Regum Siciliæ, tum in Panormitanæ ecclesiæ, & Capellæ regię S. Petri *notitia*.

(d) Fertur a Wadingo ad an. 1343, ex privilegio, quod Regina Ioanna I dedit die 9 Febr. 1347. eidem Telesino Antifiliti per manum Rogerii Archiepiscopi Bariensis logothetæ & protonotarii.

tida, tum Fr. Ioannem a Gallinario, & Fr. Andream de Valle ordinis Fratrum Minorum, cui plane *tanquam Magistro* ipsius Capellæ capellanos & clericos in omnibus, quæ ad huiusmodi magisterium spectare noscuntur, suis Regina litteris patentibus subiecit (a). Ladislaus Rex Vbertino Paſtenſi & Liparenſi episcopo ac magistro Capellæ (b) suæ Fr. Franciscum de Arpino uti vicarium & locumtenentem substituit (c). Alphonsus I Aragonius Fr. Dominicum de Xarach seu de Tarquis & maiorem Capellanum suum & magistrum regaliſ Capellæ nuncupare maluit, eiusque iurisdictioni omnes alios Regis capellanos *tam actu ſervientes, quam non ſervientes actu* subiicere cum potestate causas eorum cognoscendi & iustitiam ministrandi, *sicut ſemper extitit conſuetum* (d). Ceteros alii subsecuti Principes cum solitis prærogatiis instituerunt.

XI. Regiam Neapoli ſedem quum poſuiſſet Carolus I Andegauenſis, in caſtro nouo ſibi ad incolendum extructo ædem diuo Sebaſtiano ſacram fundauit, adſignatis clero aulico ſtipendiis: cui Carolus II item Andegauenſis pontificias a quocunque alio reſidendi onere diſpenſationes, quoad Regi famularentur, valituras, duxit impetrare. Regali tandem Capella in palatio nouo, Carolo II Auſtriaco imperante, Petri Antonii ab Aragona Proregis ſtudio erecta baſilice, in hac exinde capellani, clericique aulici D. O. M. cultum, Regibusque noſtris famulatum exhibent religioſum. In Capella vero caſtri noui, quemadmodum & in aliis aliarum omnium arcium, caſtrorumque regii parochi ſeu capellani curam habentes animarum parochialia Sacramenta ſtationariis militibus adminiſtrant.

XII. Vniuerſi regiis addiſti Capellis & eccleſiis quum capellani, clericique, tum ſcholares & cantores actu inſer-

(a) Ex litteris Neapoli datis die 6 Ian. 1344, apud Chioccarell. & Wading.

(b) Ex litteris a Ladislao Caietæ datis die 18 Junii 1391, apud Chioccar. to. 2.

(c) Ex litteris Caietæ datis 18 Iunii 1397.

(d) Ex Alphonsi I litteris 2 Iunii 1445 apud Chioccarell. to. 2.

seruientes non alium consueuerunt habere prælatum & ordinarium iudicem in causis omnibus qua ciuilibus qua criminalibus & mistis, nisi Capellanum maiorem. Hocce priuilegium moribus introductum antiquissimis & Reges & Pontifices comprobarunt. Rex Alphonsus I die 19 Junii 1445 prædictum Dominicum de Tarquis regiæ Capellæ lux Magistrum creauit cum expressa facultate cognoscendi, definiendique causas omnes regionum omnium capellanorum seruata forma soliti (a). Plurimos item capellanos tam regali Capellæ actu inseruientes, quam regiis tantum litteris designatos a Ioanna II, Alphonso I, Ferdinando I; ceteris eo inter alia pacto, vt regio Capellano maiori, præterea nemini prælatorum & iudicum parerent: pluresque regias litteras, quibus vetitum, ne causas eorundem ad Capellani maioris forum pertinentes auderent episcopi cognoscere, recenset Chioccarellus (b).

XIII. Ex Pontificibus primum Xystus IV Ferdinando I regi catholico & Elisabethæ conjugii, eorumque filiz Ioannæ, tum Innocentius VIII, Alexander VI, & Iulius II (c) eisdem ob eorum præclara merita indulgere, vt ipsorum Capellanus maior omnes & singulas controuersias, lites & quæstiones tam de beneficiis ecclesiasticis, quam profanas & alias quascunque inter capellanos & cantores Capellæ regalis actu seruientes, eorum numero nullatenus definito, extra Romanam Curiam motas & mouendas audiret, diffiniretque, omni locorum Ordinariis adempta iurisdictione: istique ipsi tanquam exempti nonnisi Capellano maiori, aut Legatis & subdelegatis apostolicæ Sedis duntaxat responderent in ius vocati, eos ipse

(a) B. Chioccarell. *co. 2 archiu. n. 18.* Reg. Renetter. *doc. 495* tradit morem indicandi causas cleri palatini & arcium in Curia Capellani maioris, tum in Collat. Consilio ad relationem Consultoris.

(b) Chioccar. *loc. cit. n. 21, & 22.*

(c) Enarrantur hæc quatuor Pontificum indulta in alio subsequenti Leonis X motu proprio in forma Breuis dato die 2 Nouem. 1519, qui incipit *alias*, apud Chioccarell. *loc. cit. num. 19.*

ipse absolueret a censuris & irregularitatibus, & cuilibet episcopo dimitteret promouendos ad ordines: addita facultate ministrandi per se vel alios omnia Sacramenta & Regibus ipsis & regis familiaribus, Curiasque Regum pro tempore sequentibus: atque in eorum omnium Curis, ubicunque Reges residerent *continue* vel *ad tempus*, Rector idem nuncupatus inter missarum solemnias coram Rege indulgentiam ducentorum dierum presentibus largiretur omnibus: atque in palatiis ac locis ubi Reges moram pro tempore trahere contigisset, etiam in absentia Regum, missæ & alia diuina officia celebrarentur iuxta tenores indultorum iisdem Regibus concessorum. Has deinde facultates omnes Leo X die 2 Nouembris 1519 concessit Carolo V (a), eiusque Capellis & familiis, ac illarum personis, & auxit quum privilegio celebrandi missas una post meridiem hora, & ministrandi personis in regio xenodochio seu hospitali existentibus Sacramenta, tum amplioribus indulgentiis.

XIV. Carolo V e viuis sublato indultum Leonis X cessasse tanquam personale contendebant Romani, locorumque Ordinarii, eiusque usum ampliore interpretatione continuatum vitio dabant. Sed Cardinalis Granuela Prorex reclamationi Legatorum sa. me. Pii V ad Philippum II ea de re reposuit ius antiquissimis moribus introductum, præscriptamque iandudum Capellano maiori episcopalem iurisdictionem (b).

XV. Clementi VIII datis ad Philippum II litteris in forma Breuis die 10 Ian. 1603 (c) placuit, ut animarum in palatio commorantium curam gereret, iisque per alios quoque Sacramenta ministraret Capellanus maior, diuina item officia coram Prorege in quavis ecclesia celebraret, clerique palatini causas iudicaret in primo gradu. Si vero contringat (ait) *Majestatem tuam*, & pro tempore existentes Hi-

(a) Hic Imperator an. 1534 inter alia huic regno privilegia indult Capellanum maiorem esse alternatim eligendum ex regnicolis & exteris.

(b) Eas habet Chioccarell. cit. to. 2 archiv. & laudat Pignatellus to. 6 consuls. 80, una cum nonnullis declarationibus S. Congr. Episc. & Regal.

(c) Chioccarell. ibid. m.

Hispaniarum & utriusque Siciliae catholicos Reges suos successores ad praedictum Neapolitanum regnum personaliter accedere, ibique residere aut commorari: Capellanus maior tibi Regi, suisque successoribus actu inferuiens, etiamsi forte Capellanus ipse pro regno Neapolitano constitutus existeret, omnibus privilegiis, facultatibus & prerogatiuis per nos aut Romanos Pontifices praedecessores nostros Capellano maiori Capellae regiae in Hispaniarum regno existenti, etiam domum & familiam regiam sequentes concernentibus, uti, frui, gaudere, illaque exercere etiam in praedicto Neapolitano regno, quando ibidem Reges moram trahent, iuxta privilegiorum eorundem formam... possis. Huiusmodi litterae admodum derogantes consuetis Praelati aulae Neapolitanae facultatibus amplioribus (praesertim ad ecclesiasticos ordines promouendi clericos palatinos, eosque ab Ordinariis locorum eximendi) ne vim haberent, intercessit continuo auctoritas Proregis & Collateralis Consilii (a).

XVI. Quum vero Dux Sueviae, regius apud Clementem VIII orator postulasset Brevis reuocationem, ad duos illud menses suspendi vix obtinuit in primis. Tum S. Congregatio Episcoporum & Regularium mandante SSmo per annos decem singulis semestribus, ut consuetas Capellanus maior exerceret facultates, indulgit. Multis interea, inter quos Regens de Ponte, mss. ostendere conmissis non personae tantum Caroli V, eiusque Capellano, sed regali etiam Capellae privilegium a Leone X largitum, ideoque non temporariam, sed perpetuam irrevocabilemque inditam ei fuisse durationem (b); lapsoque decennio abrogatas per contrariam desue-

(a) Nuntio enim pontificio placitum regium exposulanti reposuerunt, ipse ut Regem, cui erat Breue Clementis Papae inscriptum, addiret. Cumque vir egregius Gabriel Sanchez de Luna, Alphonsi Marchionis Grottulensium, regio arario Praefecti s. ex Aragoniis proceribus Ferdinandum regem catholicum secutis oriundus, post illud sibi notificatum, officii Capellaniae maioris, quod ipse tunc obibat, resignationem fecisset impotens diminutas ferendi prerogatiuas: Comes Beneuenti Prorex consulto Collaterale Consilium non admittendam censuit, sed seruandam fore consuetudinem.

(b) Ex regula iuris in cap. per exemptionem 9 de privilegiis.

desuetudinem esse Clementinas limitationes: factum est, ut palatinus præsul deinceps intermissis omnino Romanhæ Curia prerogationibus instituta Leonis X, & immemorabilis consuetudinis non intermitteret, regioque tutus præsidio aduersos paruipenderet episcoporum conatus.

XVII. S. Congregatio Concilii seu Cardinalis Origus eiusdem Congregationis Præfectus litteris ad Archiepiscopum Thessalonicensem Cœlestinum Galianum cl. me. Capellanum maiorem datis die 23 Nouembris 1733 ita scripsit. *Relatum est S. Congregationi Concilii immodicum, effusumque esse numerum eorum, qui amplitudine sua annuente addicuntur seruitio ecclesiarum, quæ iurispatronatus regii esse dicuntur in ista ciuitate; eos autem, quasi per hoc effectos subditos regio Capellano maiori, ad omnes ordines deinde abs te promoueri; altaria item a te consecrari, Confirmationis sacramentum in memoratis ecclesiis indiscriminatim quibuscunque ministrari, ibique pontificalia a te exerceri, quotiescunque tibi libuerit, sine assensu Eius Archiepiscopi, nullaque ab eo petita licentia. Sed quum id per se repugnet canonicis sanctionibus, existimandum non viderur, ecclesiastica doctrina, ac eruditione tam præclare instructum virum id facere, quod minime liceat. Itaque sacra Congregatio amplitudinem tuam hac de re censuit audiendam, ut accuratius reddatur instructa: tibi que fausta omnia a Domino precamur.*

XVIII. Archiepiscopus autem prudentissimus Romano Prælato ea de re conficio significauit paratum sese ad respondendum, ut patetaceret intempestiuum, nulloque iure suffultum eiusmodi recursum: at sibi nefas esse talibus litteris abque placito regio acceptis infcio Prorege & Collaterale Consilio respondere, easque ipsis procul dubio contempturis censuit non denunciare. Nam liquere satis ex pontificiis indultis & immemorabili consuetudine ait prerogatiuas & facultates Capellani maioris maximo studio a regis ministris propugnatas continenter, exortasque de iis dudum quaestiones apostolicam Sedem consueuisse per Nuntios pontificios cum

Regibus ipsis, præsertim Philippo II, & III, aut cum Proregibus discutere atque componere: quum aulicus quique prælatus earum sit merus administrator & custos. Quod verò ad suam agendi rationem ipse quum sacrum aulae ministerium maiore quam decessores moderatione tractaret; futurum inde sperabat ut Patres eminentissimi cognita rerum veritate & falsam præoccupatis animis euellerent opinionem, & delatorem increparent mendacii, silentiumque importunis querelis imponerent. His Romanæ Curiae ita nunciatis nil aliud hac de re actum hinc & inde fuit: suaque idem Archiepiscopus munia Capellani maioris exercere, ut mos erat, non intermisit.

XIX. Optimus tandem maximus Papa Benedictus XIV. votis Caroli Regis nostri annuens pro concordia inter sacros ministros retinenda, omnes disputationum iurgiorumque causas eliminatas maluit (a). Indulgit enim in primis regali Capellæ Neapolitani omnia ecclesiæ publicæ iura, præterquam asyli, & Capellis quoque castrorum omnibus totius regni sacra olea, regniique triremibus & nauibus Extremæ Vnctionis oleum: 2. Ordinariam Capellano maiori iurisdictionem (exceptis tantum causis hæresis, ceterisque summo Pontifici speciatim reseruatis) super omnes capellanos, clericos & scholares, quos Rex ipse, eiusque successores in perpetuum, vel Præreges, vel Capellanus maior delegerit pro seruitio tam Capellæ aulicæ, quam hospitalium, militum & classiariorum, castrorum seu arcium, exercituum, triremium & nauium, eo pacto ut omnes capellani, clerici & scholares quum regalis Capellæ, tum castrorum vrbis Neapolitanæ, eiusque adiacentium, connumeratis etiam honorariis, centum numerum non excedant: nisi quis alius speciali Regis duntaxat rescripto addatur; in singulis autem totius regni castris & arcibus duos vel ad summum tres; in exercitiis vero, triremibus, aliisque lignis maritimis Regi actu

(a) Bened. XIV. in *const. conuenit*, data pridie nonas Iulii 1741, super iurisdictione & facultatibus Capellani maioris regni Neapolitani.

aſtu inſeruientibus, itemque in hoſpitalibus militum & claſſariorum eos tantum, qui & aſtu inſeruiunt & ab Rege ſtipendia percipiunt. 3. Vt Capellanus ipſe maior, ſi quando episcopopus non erit, mitram, baculum, aliaque pontificalia inſignia adhibere, populumque benedicere cum indulgentia poſſit cum nonnullis limitationibus. 4. Diuina quoque officia & ſacrificia vel priuatim vel ſolemniter cum regis capellanis & clericis coram Rege, Reginaque, aut Prorege celebrare in quibuſlibet eccleſiis, & euangelii concionatorem accerſire. 5. Scholares, clericosque decem Capellæ regalis, & quatuor eccleſiæ parochialis S. Sebaſtiani in caſtronoſitæ ad primam Tonſuram, omneſque Ordines promouere, ſi episcopopus ipſe ſit; ſin minus, vel ſi ordinationes habere nolit, ad quemlibet episcopopum, qui titularis non ſit, ordinandos dimittere: eoſque ab excommunicatione ob violentas manus in alios clericos iniectas, & ab irregularitate ob diuina ſacrificia inde celebrata abſoluere ac diſpenſare. 6. Curam animarum Regum, regionumque familiarium vbilibet regis impenſis viuientium, & omnium, qui vel in palatio Regis & viridario & darſena; ſeu interiori portus loco, caſtrifue clauſis Neapolitanæ vrbiſ & locorum adiacentium commorantur, tanquam rector & proprius eorum parochus, iſſue per alios etiam Sacramenta parochialia miniſtrare, matrimonii per eoſdem celebrandiſ ſolemniter intereſſe; diei feſti obſeruationem ex vrgenti cauſa relaxare; & omnimodam in eoſ iuriſdictionem *ordinariam* perinde exercere, atque in ſuis dioceſibus episcopopi faciunt: exceptis tantum, iſ niſi erit episcopopus, episcopopaliſ ordinis functionibus, quas in aulica tantum Capella, & parochiali eccleſia Caſtri noui, aut coram Rege, vel Prorege vbilibet; dum Capellanus maior ſit episcopopali dignitate auctus, eum obire poſſe cautum eſt. 7. Solemnem regis triremibus & nauibus & vexillis benedictionem impertiri. 8. Vt militares capellani militibus in ſtatione vel arce non clauſa manentibus poſt oſtenſas locorum

Ordinariis vel parochis patentes Capellani maioris litteras possint parochialia munera obire, & Sacramenta conferre, quoties parochi locorum ad id vocati adesse reculent: matrimonia vero militum coram ipsis locorum parochis cum interuentu eorundem capellanorum celebrentur. Sed militibus tam Regis propriis quam auxiliariis, dum in expeditione contra hostes sint, vbique locorum capellani omnia parochialia Sacramenta ministrent, eosque absoluant a quibuslibet referuatis criminibus hæresis quoque & apostasiæ, & cibos esurialibus diebus vetitos permittant, præterquam carnes in hebdomada sancta, cunctisque totius anni diebus Veneris & Sabbati.

XX. His deinde facultatibus Capellani maioris, & capellanorum militarium pro tempore belli, & vigentis tantum expeditionis in hostes idemmet optimus Pontifex posterioribus litteris motu proprio datis (*a*) alias addidit ampliores; scilicet commutandi, relaxandi & dispensandi quod ad vota, iuramenta, censuras & irregularitates; plenarias peccatorum iadulgentias festis diebus & in articulo mortis largiendi; celebrandi missas bis etiam vno die in casu necessitatis, vna & ante auroram & post meridiem hora, in quouis loco etiam extra ecclesiam & super ara sine reliquiis, sub dio quoque & sub terra, benedicendi paramenta, reconciliandi ecclesias & oratoria quomodolibet polluta. Demum rescripto Secretariæ memorialium die 3 Ian. 1754, Sanctissimus benigne annuit pro gratia iuxta petita, vt scilicet iisdem regalis Capellæ Neapolitanæ priuilegiis potirentur Capellæ simul regis Porticensis, & Carlamaliopolis seu Casertæ: Capellanusque maior ad ordines item promoveret atque admitteret sex capellanos & quatuor clericos vnique illarum inserviientes; atque binos clericos ecclesiarum parochialium castri quom Oai, tum S. Erami.

XXI. Capellanus itaque maior *aula totius regis vnicus*
epi-

(a) Bened. XIV in motu proprio 4 idus Nouembr. 1741, incip. cum alias.

episcopus est; quocunque in loco Rex versetur, ab eo Sacramenta petere solet, inquam cum Petro Galandio (a). Ex dictis quippe intelligitur territorium ei separatum esse in regio palatio, & darsena, & omnibus totius regni castris clausis, & hospitalibus militum, sedemque episcopalem in regie aulae Capella & parochiali ecclesia Castrinoui constitutam (b): quum istae loca cum personis inibi degentibus sint omnino exempta ab Archiepiscopi Neapolitani, totiusque regni episcoporum iurisdictione (c).

XXII. Personalem quoque sine locali iurisdictionem habet ordinariam in capellanos militum & arcium licet non clausarum, trirremium, & nauium, aliosque omnes ecclesiasticos, qui Regi extra palatium & aulam vbicunque commoranti inserviunt (d); qua quidem fit, vt omnes omnimodam a locorum Ordinarii exemptionem obtineant (e). Quemadmodum & in cunctos milites, eorumque aefcles in actu expeditionis (f): quos propterea possunt capellani militum curati in quocunque loco, parentibus Capellani maioris litteris nemini ostensis, absolueret, atque ad cetera parochialia Sacramenta suscipiendum admittere. Stationariorum vero tam intra, quam extra loca stationum valeat Confessiones tantum excipere. Quum enim sacramentalis iurisdictione sit voluntaria

(a) Quem laudat Benedictus XIV in *ep. ad Cardinalem delle Lanze* Carolum Victorium Amedeum Regis Sardiniae Capellanum maiorem, inter impressas *to. 2 Bullarii sui const. 36*. Vbi disertè assertitur eidem Capellano maiori territorium esse proprium vna cum subditis, in quos suam is exercet ordinariam iurisdictionem. (b) Ex §. 14 supradictae bullae conuenit.

(c) Iuxta regulam Fagnani in *cap. cum dilectus de relig. domibus n. 23 to. 3*.

(d) Ex *art. 2 cit. bullae conuenit*.

(e) Amplius itaque est Capellani Maioris iurisdictione quam localis, tum personalis seu mista, quam episcoporum vniuersalis & ordinaria: hae enim territorio cohaeret & finibus d'occelis circumscribitur, *arg. l. fin. C. vbi & apud quem*. Caue tamen existimes non ordinariam esse praefatus aulici personalem iurisdictionem: quippe quae sine territorio consistere possit. Nam Ordinarius probe dicitur, qui vel iure suo vel Principis beneficio iurisdictionem exercet vniuersam siue in assignato territorio, siue in quoddam personarum genus, ex traditis a Fagnano in *cap. post cessionem 7 de probat. num. 12*.

(f) Ex *art. II, & seqq. eiusdem bullae*.

taria, eam nisi ubique in alieno etiam territorio in subditos suos exercent (a): alia tamen nonnisi requisito & renuente parochio loci, patentibus eidem antea exhibitis (b). Secus est de aliis a Capellano maiore approbatis confessariis sine animarum cura, quibus nonnisi in locis praelati palatino subiectis ius est sacramentales absolutiones impertiendi subditis regiae iurisdictionis, praeterquam aulicis Regem sequentibus: quemadmodum & confessarii simplices ab episcopis sine cura destinati nequeunt extra illius diocesim absolvere (c).

XXIII. Praedictis praelati aulici subditis adduntur capellani regiarum Audientiarum & Tribunalis Campanae, quos consuetudine eius pagella institutos in causis omnibus forum fortiri Curiae Capellani maioris, quae solet iudicem in partibus delegare ad vitandum expensas & incommoda itineris, rescripsit Rex Carolus D. N. ad eandem Curiam die 24 Augusti 1743 (d).

XXIV. Item rectores ecclesiarum, possessoresque beneficiorum regiae collationis, iisdemque ecclesiis inservientes capellani & clerici ex immemorabili consuetudine. Causas quoque

(a) Arg. l. 1 D. de off. Proconf. & Fagnanus in cap. ne pro dilatione de penitentiis num. 29, C. 30. (b) Ex arte 10 supradictae bullae.

(c) Fagnanus in cit. cap. ne pro dilatione num. 27. In regis tamen Capellis nedom regiae aulae & Castrinovi, sed aliis etiam ad separatam Capellani maioris territorium pertinentibus an Confessarii ab eodem instituti vel cum cura vel sine cura animarum excipiant valide confessiones non subditorum regiae iurisdictionis eo consensuum; non immerito dubitatum. Alii enim id non licere senserunt, propterea quod ordinaria Capellani maioris iurisdictione in locis ei subiectis mista esse videatur ex locali simul & personali, ideoque ad personas aulae, regioque famulatus & militiae addictas limitata, quam ultra personas, res, loca & casus expressos extendere vetat iam dicta constitutio Benedictina art. 15. Nullius porro momenti absolutio proferatur, in quos sacerdotes nec ordinariam nec delegatam habeat iurisdictionem, ex Trid. sess. 14 cap. 7 de Sacram. Panit.

(d) In causa D. Octavii Monti Teatinx Audientix capellani cum D. Francisco Maria Mattheo. Eodemque die 24 Aug. 1743 ad Archiepiscopum Thessal. Cap. maiorem cl. me. rescriptum est, ad missam in iisdem Tribunalibus celebrandam non admitti, nisi quem ex nominatis idoneis post auditas per Secretariam Status rerum ecclesiasticarum qualitates ipsorum Rex delegerit, & Capellano maiori remisit, consuetam ab eo pagellam accepturum.

que omnes subditorum Archipresbyteri Altimurani, Prioris diui Nicolai Bariensis, Abbatis quum Altauillæ, tum prædictæ Salernitanæ ecclesiæ S. Petri ad Curtim in gradu appellationis iudicare consuevit (a). Quæ enim iura & priuilegia in eorundem causis ob iuspatronatus regium ab immemorable tempore procreauit consuetudo, ea vt integra essent Capellano maiori. (citra pontificiam approbationem, vel derogationem), cautum est prælaudata Benedicti XIV constitutione (b).

XXV. Mos quoque iandudum inualuit, vt cantorum, ministrorumque regalis Capellæ licet laicorum causas ad Curiam Capellani maioris regiis sæpe rescriptis remitterentur (c).

XXVI. Antecessores demum, omnesque professores regis Vniuersitatis studiorum Neapolis vna cum seruientibus, quos *bidellos* vocant, Capellano maiori, qui Præfectus studiis quoque est, omnino subduntur, præterea nemini. Insuper in scholares & quoslibet intra eorundem studiorum, scholarumque septa delinquentes animaduertit cum voto regii sui Consultoris: si tamen vel ciuili vel naturali morte coercendi sint, causæ in regio olim Collaterali Consilio, nunc in regali Camera S. Claræ referri debent (d). Vt Regulares, qui studiorum causa ad Vniuersitates mittuntur, in conuentibus tantum habitent, alioquin ab Ordinariis contra eos procedatur, sanxit Tridentina Synodus (e). Idem propterea, vbi a regularis disciplinæ statutis defecerint, Superioribus puniendi suis,

(a) B. Chioccarelli. tom. 2. archiuii num. 44. ad 48; to. 6, & to. 7. tit. 1, 2, & 3. (b) Art. 15, & ult.

(c) Liqueat ex relatis per Capellanum maiorem Protegi die 26 Ian. 1625 apud Chioccarelli. dict. to. 2, & actis eiusdem Curie.

(d) Ex Pragm. I. de regimine studiorum tit. 1, lata die 4 Ianuarii 1680, a Marchione de los Velez Protege. Quæ iuri quidem communi consona est. Iis enim, qui aliquas exercent professiones, nefas esse illorum iudicium, quibus earum est cura, iurisdictionem, præceptaque declinare, dixit Anastasius Imp. in l. periniquum ult. C. de iurisd. omni. iudic. Et Fridericus Imp. Præfecto studiorum, eorumque vniuersitatis Rectori ordinariam in causis scholarium, doctorumque iurisdictionem adiudicat, Auth. habita C. ne filius pro patre.

(e) Sess. 25. de reform. cap. 4.

palatina diuinis rebus vacandi: ex quo Dux de Infantado Prorex descripsit anno 1655, eum ipsum sacris, publicisque functionibus coram Prorege in quavis perinde ecclesia, ac regali Capella adfuturum, eamque ob rem consuetis prerogatiuis fruiturum omnibus. Hinc Sabaudia Dux Victorius Amedeus quum Siciliae potiretur anno 1714, sacra Capellani maioris munia coram eo obiuit Franciscus Barbara, tunc S. Lucia Abbas (a).

XXIX. Quaestiones praeterea de patronatu regio vel feudali Baronum super ecclesiis & beneficiis ecclesiasticis consueuisse in Curia Capellani maioris discuti & definiri, ex rebus gestis liquet (b). Antonius David Regiae Camerae Praeses & Capellani maioris Consultor anno 1586 in regio Collaterale Consilio retulit audito Fisci patrono discutiendam causam Octauii Farnesii Altimuranæ ciuitatis domini, qui ad sese pertinere ius conferendi archipresbyteralem illius ciuitatis dignitatem contendeat (c). Sanfelicius praeterea fert decisione Collateralis Consilii editam anno 1645 in causa Comitum Galassi Nucerinae domini ad se vindicantis ius praesentandi ad Dignitates & Canonicatus illius cathedralis ecclesiae in Apulia de iurepatronatus (d). Regens Reuerterius tradit plures ab seipso causas uti Consultore Capellani maioris relatas in Collaterale Consilio audito regio Fisco praesertim de iurepatronatus Baronum super beneficiis Gryptæminardæ & Mileti (e). Tum processu temporum & Reges, & Collaterale Consilium, & Delegatus regalis iurisdictionis controuersias regiorum & feudalium patronatuum maluerunt ad Curiam Capellani maioris remittere decidendas audito regalis patrimonii Fisco, tam in possessorio, quam petitorio (f). Id quod

Tom. I.

Ggg

vfu

(a) Idem cit. cap. 2 num. 10. (b) Videbis infra lib. 3 tit. 7 n. 22.

(c) Id tradit Sanfelic. in praxi iudiciaria sect. 24 num. 24.

(d) Idem ibidem num. 19. (e) Reuerter. dec. 347.

(f) Ex traditis a Reg. de Petra, eiusdem Coriae Consultore, super Ritu 295 num. 220, Reuerterio dec. 495, ibique de Marinis, Capic. larr. consult. 153 num. 26, & 48.

usu nunc viget. Quandoquidem Regalis Camera S. Claræ die 21 Iulii 1749 definiuit, procedendum audito regio Fisco in Curia Capellani maioris in causa iurium funebrium lecti, equi, aliorumque inter Archiepiscopum Hydruntinum & Marchionem Granasei Baronem Starnezia, quæ soluta iuxta solitum non erant in obitu trium qui præcesserant Baronum. Cumque Marchio Matthæus de Ferrante Fisci tunc patronus, postea eiusdem Cameræ Locumtenens præclarissimus, contendisset iudicium illud ad Regiam Cameram Summariæ ratione feudi trahere: Carolus Rex noster die 1 Nouembris 1749 rescripsit ad eandem Capellani maioris Curiam, ut ea ipsa iudicium eiusmodi prosequeretur (a).

XXX. Præcipuum aliud regiæ Curia Capellani maioris (eiusdem scilicet prælati aulici vna cum laico ipsius Consultore) munus est hoc in regno Neapolitano dispicere omnes Curia Romanæ scripturas, Seditque apostolicæ litteras, earumque tenorem ad Regem in scriptis referre cum voto, sitne iis regium *exequatur* concedendum an denegandum (b). Regium eiusmodi placitum consueuerat olim concedere Capellanus ipse maior sine rescripto Regis aut Proregis, aut Colateralis Consilii. Quum enim liqueat ex monumentis archivii regalis iurisdictionis Comitum de Ripacursa Proregem die 30 Iunii 1508 Archiepiscopo Nazareth Capellano tunc maiori speciatim rescripsisse, ne licentiam is concederet notificandi possessoribus beneficiorum hoc in regno citationem Curia Romanæ, sed post summariam informationem de personis citandis & tempore possessionis beneficiorum faceret ipsi Proregi relationem in scriptis ad finem providendi (c): primum est inde arguere mandatam anrea generalem Capellano maiori duntaxat facultatem eas indulgendi licentias.

XXXI. Philippus II autem die 17 Iulii 1569 Proregi Al-

(a) Videbis *lib. 3 tit. 7 num. 29 in fine lit. a.*

(b) Quo iure nitatur usus regii placiti, explicatum superius est *tit. 5 n. 16.*

(c) B. Chioccarelli, *tom. 4 arch. reg. iurisd.*

Alcalensium Duci rescriptit, regium placitum super litteris & prouisionibus Romanæ Sedis & Curia sine mora concedendum esse, re tamen cognita prius per Capellanum maiorem cum vno ex Regentibus Collateralis Consilii. Mos inde cepit sequenti anno 1570 adhuc vigens redigendi in codicem, vulgo registrum regia placita quum concessa tum suspensa vel denegata Romanis prouisionibus & scripturis quibuslibet: quum nullum de antiquioribus placitis monumentum supersit in eiusdem Curia codicibus.

XXXII. Philippus IV die 24 Decembris 1664 Matriti rescriptum dedit ad Comitem de Castrillo Proregem, quod promulgatum est Pragmatica 14 de officio Secretarii, seu a libellis, & his quæ regio Cancellario incumbunt, die 30 Aprilis 1665, inter alia statuens cap. 29, vt regium exequatur super Curia Romanæ litteris Collaterale Consilium, nisi præcesserit relatio Capellani maioris, ne concederet ad vitanda incommoda & præiudicia regalis iurisdictionis. Et rursus cap. 67 ibidem sanxit, ne Secretarius regni regium exequatur sine relatione Capellani maioris, eiusque Consultoris vnquam expediret. Dein Prorex idem de Castrillo iussu Regis catholici die 23 Nouembris 1665 Ioanni de Cespedes Capellano maiori rescriptit, partes interesse habentes in relationibus de placito regio conficiendis audiri debere.

XXXIII. Quotiens aliquid ex regni moribus, legibusue obstaret regio placito, decernere primum suevit Curia Capellani maioris, quod supersedeatur in expeditione regii exequatur, & certior fiat summus Pontifex. Cuiusmodi votum non Capellanus maior ob reuerentiam S. Sedis, sed Consultor solum subscribebat (a). Et sæpius censuit placitum indulgeri debere cum aliqua conditione seu clausula præseruante iura laicæ Potestatis. Videlicet quod pontificia natalium legitimatio executionem habeat quod ad ordines & honores eccle-

Ggg 2

(a) Priscum eiusmodi morem testatus est Aduarius eiusdem Curia die 9 Decembris 1665, apud Chiccarell. loc. cit.

clesiasticos tantum. Quod mandatum executivum contra clericos non extendatur ad laicos rerum clericalium possessores. Quod brachium regium mandatis Curiae Romanae contra laicos, in causis fori ecclesiastici expeditis non concedatur sine causae cognitione (a). Quod notariis apostolicis a Romana Curia creatis detur placitum cum limitatione exercendi officium suum inter personas ecclesiasticas & pro rebus ecclesiasticis tantum (b). Ceteras regis item placitis adiectas limitationes ex antedictis (c) & infra dicendis, ubi res postulaverit, nosse licebit, & ex quotidianis eiusdem regis Curiae relationibus.

XXXIV. Multa inde libertate aggressi sunt placitum regium quibuslibet Romanae Sedis & Curiae litteris quum gratiae tum iustitiae impedire in Curia Capellani maioris & regio Collaterale Consilio, qui aliquod sibi per eas inferri praedictum contenderent, aut ipsas huius regni legibus, moribusque aduersari. Et vicissim qui easdem impetrassent, religionem sprete potestatis pontificiae, sacrarumque rerum ad laicam Potestatis iudicium delatarum plerumque iniiciebant, conquirentes cognitionem de regio placito extraordinariam plus aequo protolari. Querelae hinc rursus & frequentissimae de alterutrius Potestatis abusu.

XXXV. Tandem Rex noster Carolus pietatis & religionis gratia obsecuturus voluntati Pontificis optimi Benedicti XIV spopondit, opportune prouidendum sese, ut hoc in regno celerem ac liberam executionem haberent Bullae, Breuia, & expeditiones Curiae Romanae, eiusque tribunalium & ministrorum (d). Mox rescriptum consulto dedit die 15 Decembris

(a) Id Collaterale Consilium decreuit die 23 Martii 1623, ex traditis ab Aegypto in addit. ad Capie. latr. dec. 83 num. 3: Quo spectat Alex. III in cap. de cetero 5 de re iudicata, & cap. si quando 5 de rescriptis. Contrariam vero opinionem tenent Regens de Marinis, lib. 2 cap. 112, Sanfeiti, dec. 293, Merlin. quae. forens. contr. 2 cap. 98.

(b) Nunc vero nullum omnino placitum regium indulgetur litteris pontificiis notarios apostolicos creantibus. (c) *Tit. 22 num. 60.*

(d) *Art. 2. concordiae secretae.*

bris 1741 ad Archiepiscopum Theſſalonicenſem Capellanum maiorem pro reformandis abuſibus impedimentorum regii placiti, inanibuſque dilationibus, quæ iuſtitiam & iura partium læderent, amouendis citra præiudicium legitimi uſus eiudem placiti, quo integra ſeruantur iura Regis & ſubditorum. In primis Curia Capellani maioris mandauit ſupplices S. R. M. inſcriptos libelloſ ab ipſis regium placitum poſtulantibus directo accipere, conſuetamque relationem in paginis eorundem poſticiſ conſcribere, omiſſo penitus eo tum Colateralis Conſilii, tum Regaliſ Camerae decreto : *Ren. Capellanus maior uideat & in ſcriptiſ referat* : quoties non agatur de bulliſ epiſcopatum exequendiſ. 2, iuſſit, ut ſuaſ ipſa Curia relationeſ expediat celerrime, tum Regaliſ Camerae aſtuariiſ tradat curaturiſ, ut in hac fiat decretum *exequatur*, ſimul & deſaturiſ ad quatuor Secretariioſ ſtatuſ catalogoſ omnium id genus decretorum, antequam ea petentiſ dentur : eiſque pro mercede laboriſ induliſt conſuetoſ quatuor in ſingula carolenos exigere. 3. Siquiſ uero ſcripturaſ momentoſaſ in Camera parteſ ante uel poſt relationem Curiaſ præſentauirint : eaſ poſſit ad hanc illa remittere conſiderandaſ in relatione futura, uel nouam ſuper eiſdem relationem ab hac exquirere. 4. Ut ſingula impedimenta & libelloſ poſtulantium *audiri* in expediendiſ pro regio placito relationibuſ, uel iſtud denegari, Curia ipſa quum ante, tum poſt acceptaſ Romanæ Curiaſ ſcripturaſ non admittat, niſi & expoſantur ſpeciatiſ probabileſ cauſæ impedimentorum, & fiat ſimul depositum carolenorum uiginti (adauſtum reſcripto eiudem Regiſ poſteriore ad regni ducatoſ quinque) ultra carolenos quinque pro ſoliſ iuriſ Curiaſ antiqua taxa indiſcoſ. Hac nimirum lege, ut quotieſ acciderit ipſoſ impediente audiri, tam Curia petito placito uel conſentiens uel aduerſuſ in relatione ſua, quam Camera ſua illud concedente uel negante decreto declarant, cuiſnam colligantium uictoriſ debeat depositum illud liberari: præ.

prætereaque ubi calumnia impedimenti pateat, multam aliam suo irrogent arbitrio succumbentibus. Notorios tantum pauperes ab isto depositi onere eximendos reliquit eiusdem Curia arbitrio, ne suis ipsi ob inopiam iuribus fraudentur.

5. Relationes placito vel aduersas vel ambiguas Curia non a tergo libellorum conscribat, sed seiunctis in foliis exaratas, obsignatasque ad Secretarium Camerae transmittat, quæ providebit quod iustum censuerit, vel anceps iudicium Regis oraculo remittet, vel eas partibus interesse habentibus arbitrato suo patefaciet, discutiendas inde maturius.

6. Non decernendum amplius in Camera, quod ad eam quisque recurrens *audiatur tempore relationis faciendæ*, amplam adeptus iam libertatem sua deferendi iura sine medio ad Curiam Capellani maioris. Post relationem vero, quod quisque *audiatur tempore interpositionis regii exequatur*: id rescribere tunc solum liceat, ubi sua in senatu Camerae discutienda iura probabilia speciatim exponant recurrentes, nouumque depositum duorum primitus, nunc quinque ducatorum faciant calumnias cohibiturum. Siquis autem postulauerit in Curia vel Camera, ut certior fiat de suspectis Curia Romanæ scripturis, deliberandi gratia post eas visas, an velit iure impedimentum regio placito obicere: illas tunc sine deposito nunciandas ei fore, solutis duobus duntaxat carolenis nuncianti actuario vel Curia vel Camerae, non impedito interim cursu expeditionis placiti.

7. Beneficium reclamationis aduersus decretum *exequatur* non esse indulgendum, nisi dum reclamans nullimode auditus in Curia vel Camera sit, vel auditus noua produxerit documenta illati sibi grauaminis. Siquando autem Camera aliis ex causis peculiaribus censuerit reclamantem denuo audire: eas antea referre ad Regem debeat oraculum ipsius acceptura.

8. Ut moras dirumperet multum & sæpe obuerrantes decretis Camerae placitum indulgentibus ex necessitate discutiendi relationes Curia in aula auditis partibus condito die, tum ex aduocato-
rum

rum licentia scribendi, typisque vulgandi volumina prolixiora: remisit prudenti Cameræ arbitrio ritum eiusmodi solemnem adhibere, vbi opus putauerit in causis grauioribus, in aliis omittere. Aduocatos autem heic præmonendos voluit, vt scribentes in causis placiti ne ad aliena excurrant, eorumque scripta priusquam prælo dentur, a commissario causæ, aut alio Cameræ deputato ministro reuideantur. In Romana vicissim Curia vt causarum patroni ex pari Papæ prouidentia calamum cohibeant in tractandis iuribus Regis, regionumque magistratuum; Rex idem Cardinali Aquæuiuz suo ad Sedem apostolicam legato curam demandauit.

9. Tandem vt archiepiscopi, episcopique regium placitum petituri super bullis pontificiæ collationis ecclesiarum cathedralium libellos exhibeant Secretario Status rerum ecclesiasticarum ad Curiam Capellani maioris remittendos pro relatione, quæ inde ad Cameram deferatur. Hæc vero statim ac decretum regii *exequatur* expediuerit, sine alio interuallo iubeat patentes litteras expediri, sistendas in eadem Secretaria Status pro legitimo earum cursu, quoties nullum intercesserit impedimentum.

XXXVI. Piarum confraternitatum regulas & statuta, quotiescunque super iis petatur regius assensus, consuevit Rex ad censuram & reformationem eiusdem Curie Capellani maioris remittere, suumque inde placitum nonnisi cum clausulis & conditionibus ab ipsa Curia relatis concedere: quum in regio assensus diplomate, quod solempni stilo regie Cancellariæ exaratum in membrana manu Regis subscribitur, plane inferuntur singillatim vna cum regulis ipsis censuræ ac reformationes Curie. Collegia quæcunque & sodalitia, nisi publica Principis auctoritas accesserit, esse tanquam illicita vbilibet dissoluenda, Romanæ leges imperant (a). *Religionis causa coire ciues non prohibentur, dum tamen per hoc non fiat contra Senatusconsultum, quo illicita collegia arcantur, Marcianus*
do-

(a) L. 1, & seqq. D. de collegiis & corporibus illicitis.

docet (a). Ab hac iuris communis sententia non dissonant municipales leges & mores (b). In hoc enim regno quum permulæ laicorum piz Confraternitates regulas quum temporalia tum spiritualia disponentes sola episcoporum auctoritate sibi statuissent, & sæpe religionis causa congregarentur: eas Potestas regia, & regalis iurisdictionis Delegatus arcendas & supprimendas fore, quoad regium assensum rite obtinuissent, sæpe rescriptis, nullamque inde ipsis prærogatiuam antiquitatis suffragaturam inter alia sodalitia Regis assensu probata in publicis præsertim processionibus. Quæstiones propterea laicorum eiusmodi Confraternitatum de præcedendi iure in publicis supplicationum processionibus ad Curiam ipsam Capellani maioris definiendæ remittuntur, quæ solet prioribus in tempore assensus regii locum potiorum addicere. Quamobrem solet Capellanus idem maior per sese, aut per aliquem ex regii Capellanis ab ipso substitutum vna cum Neapolitani populi tribuno adesse prope ianuam maiorem cathedralis ecclesiæ Neapolitanæ, dum omnes vrbis Confraternitates inde ad publicas supplicationes in festiuitatibus Corporis Domini & S. Ianuarii procedunt a Cancellario ipsius Curie singulatim ordine vocatæ (c).

XXXVII. Quoties agitur de promouendis episcopis ad ecclesiâs cathedrales regiæ nominationis, vel præsentandis ad vacantia beneficia regii patronatus, vel conferendis beneficiis regiæ collationis; Capellanus quoque maior præuio Regis iussu ternos idoneos viros consuevit proponere, ex quibus vnum Rex deligit (d). Œconomum præterea regium ad colligendos fructus vacantium ecclesiarum cathedralium regiæ nominationis (e) designat vnum scilicet ex Capellanis aulicis gra-

(a) Marcian. in eadem l. r. §. 1.

(b) De quibus dicam plenius lib. 3 tit. 8 num. 24 ad 34.

(c) Videbis dicta inferius lib. 3 tit. 4 num. 29 lit. b.

(d) Morem hunc parasse videtur epistola Petri Blesensis ad Gualterium Regis Guilielmi II Capellani maiorem superius recitata num. 5.

(e) Eos referuari successoribus prælatis ex vetusto regni more, iam dixi in tract. de Beneficiis cap. 18 num. 62, & 87 edit. 2.

gradatim, vt singuli ex æquo fruantur stato huiusce muneris stipendio, sicuti Rex Carolus imperauit.

XXXVIII. Præfectus etiam vniuersitati studiorum quum sit Capellanus maior (a): foro suo subiectos habet cunctos eiusdem professores quum ecclesiasticos tum laicos in omnibus causis civilibus, criminalibus & mistis (b). Qui ad vacantes cathedras contendunt, eos edicto vocat generatim, suum ei daturus nomen intra conditos dies; mox locum cuique proprium prælectionibus rite agendis designat; dein textum explicandum singulis eorum ter aperit fortuito, vt vnum ex eo caput, quod quisque maluerit, sibi deligat exponendum crastino die; tum solemnibus candidatorum prælectionibus audiendis præsidet inter suffragatores, colligendisque postremo die suffragiis, & renunciandis ex maiori votorum numero electis nouis professoribus. Intereaue destinat qui deficientium professorum suppleat vices. Ceteri extra academiam magistri prohibentur liberales artes, scientiasque in scholis priuatis docere sine ipsius permissu, eiusque arbitrio aliter agentes puniuntur. Studentes autem inter laureatos iurisprudentiæ vel theologiæ vel medicinæ doctores adscribendi nomen suum profiteri quotannis debent in libro matricularum in eius Curia seruato, vt inde testimonium accipiant de impleto quinquennali vel triennali studiorum cursu, quod oportet in collegio doctorum proferre ad lauream rite capef-

Tom. I.

H h h

len

(a) Præfecturam, summamque huiusce nostri gymnasii administrationem magno Cancellario mandatam primitus ferunt monumenta. Apud B. Chioccarellum *lib. de episcopis Neap.* exscriptæ Roberti Regis litteræ ad Matthæum Filomarinum, sigilli regii custodem, Neapolitanum deinde archiepiscopum, datæ anno 1311, hæc habent. *Quia nunc Cancellarium regni nostri, ad quem ipsius Studii cura, regimen & ordinatio pertinet, non habemus: de tua circumspexione ac fide confisi, eiusdem Studii gubernationem, dispositionem & curam, prout ad dictam Cancellarium pertinere noscitur, tibi presentium tenore committimus, usque ad nostra beneplacitum Maiestatis.*

(b) Ex antedictis num. 26, & regia Pragm. de regimine studiorum, quam die 22 Nov. 1616 Oxonæ Dux edixit.

sendam (a). Vt primum vsus typographiz huc appulit, ne regiis, reique publicæ iuribus vnquam detraheretur, Proreges quum vetassent librorum editionem sine regio assensu, hunc dare nonnisi explorata prius sententia Capellani maioris consueverunt (b). Mos inde inualuit vigetque, vt supplices libelli petentium licentiam libros imprimendi ab Rege ad Capellanum maiorem remittantur, qui eos alicui ex regiis professoribus reuendendos committit, dein acceptas reuisorum censuras, relationesque ad calcem eorundem libellorum exaratas ad Regem deferat.

XXXIX. In rebus ecclesiasticis expediendis, quæ ad regium oraculum quotidianis recursibus deferuntur in dies, Reges nostri plerunque exquirere & sequi consilium Capellani maioris ob exploratam & coniecturalem in eis prudentiam & fidem consueverunt.

XL. Regium præsidium ad arcendas violentias ex possessionibus rerum qua profanarum, qua ecclesiasticarum contra clericos priuatam vim inferentes possessoribus quum laicis tum ecclesiasticis vigore *capitulorum regni* (c), olim in Curia Capellani maioris decretum olim fuisse imperantibus Austriacis tradit Chioccarellus (d). Ceteras leuioris momenti prærogatiuas missas habeo.

T I T. XXIV.

De Prælati inferioribus.

- 1 *Ex triplici horum genere primarii prælati nullius diœcesis territorium separatim habentes, locorum ordinarii reuera sunt.*
- 2 *Eorumque multi hoc in regno quasi episcopalem iurisdictionem*

(a) Nam regia Pragmatica die 31. Novembris 1629 de *regimine studiorum* statuit, ne cuius liceret gradum Doctoris consequi, nisi præcesserit Capellani maioris adprobatio. Profecto collegia vtriusque iuris tum philosophiæ ac medicinæ magno regni Cancellario subiecerat Ioanna II, vt liquet ex diplomate apud Tappam *lib. 1. iuris regni de officio magni Cancellarii*.

(b) Videlis dicta superius *tit. 2. num. 11*, et B. Chioccarell. *to. 17. archiuii*.

(c) De huiusmodi *capitulorum* vsu et iure videlis dicta *inferius lib. 3. tit. 6. num. 18.*

(d) Chioccarell. *to. 13. archiuii*.

- nem tranquille administrant, plures alii eam sibi contra episcopos aduersantes coguntur adhuc vindicare.
- 3 Secunda classis prælati supparem habent iurisdictionem in clericum & gentem dicuntur ecclesiæ aut loci exempti sine territorio separato.
 - 4 Eam privilegium apostolicum vel possessio immemorabilis aut centenaria superaddis exemptioni passivæ.
 - 5 Ad tertiam classem rediguntur præsules intra episcopales dioceses exempti sine iurisdictione.
 - 6 Primorum iurisdictione episcopalem fere coæquat, excepta solum potestate ordinis.
 - 7 Is propterea omnes fori ecclesiastici causas etiam beneficiarias in primo gradu iudicant.
 - 8 Præbendas & beneficia libera conferunt, nominatosque ad beneficia iurispatronatus instituunt: exceptis animarum curis, quæ ab episcopo viciniore conferuntur, id nisi ordinario loci nullius, ut Abbati Casinensi, datum speciale privilegium sit.
 - 9 Crimina quoque subditorum solemniter iudicio inquirunt & coercet iure suo: in causis vero matrimoniorum nonnisi ex apostolica delegatione procedunt.
 - 10 Pariter monitoria excommunicationis auctoritate apostolica in locis nullius publicantur.
 - 11 De asylo confugarum episcopus vicinior in separato nullius territorio, diocesanus in aliis locis exemptis iudicat.
 - 12 Subditos ad proficenda bona in libro census, eiusque taxam soluendam cogunt.
 - 13 Actorum magistrum, binosque cursores Curie suæ famulantes retinent a laico foro exemptos.
 - 14 Ecclesias, personasque sibi subiectas visitant, & loca pia in spiritualibus tantum: salvo episcopis vicinioribus iure delegato visitandi, nisi expressum obstat privilegium.
 - 15 Apostolorum limina debent singulis trienniis nunc visitare instar episcoporum.

- 16 *Id servantes possunt indulgentiam plenariam in mortis articulo subditis largiri.*
- 17 *Prædicatores & confessarios in locis territorii separati designant.*
- 18 *Episcopali ordine expertes abbates tantum regulares, qui episcopali benedictione inaugurati sunt, primam tonsuram, ordinesque minores subditis solum regularibus conferunt. Seculares initiandos tam ipsi, quam alii prælati nullius episcopis diæcesanis relinquunt.*
- 19 *Ex apostolico privilegio post Tridentinum nonnulli abbates clericalem tonsuram, minoresque ordines conferunt, aut dimissorias ad ordines dandi ius habent.*
- 20 *Pariter Sacramentum chrismatis ministrant.*
- 21 *Hoc privilegio expertes possunt cuilibet episcopo permittere in suo separato territorio pontificalia exercere, chrisma etiam conficere ac ministrare.*
- 22 *Pontificalem benedictionem populo post missarum solemniam, & horas canonicas sine privilegio non impertiunt.*
- 23 *Nec ornamentis pontificalibus absque indulto utuntur.*
- 24 *Quasi episcopalis dignitas prælatorum nullius videtur præfatos chorepiscopos referre.*
- 25 *Abbates regulares per electionem claustralem, ceteri plerumque a Romano Pontifice creantur.*
- 26 *Immunitatem a vestigali farina habent prælati etiam non episcopi ex lege Concordatorum.*

Omnium, qui episcopis inferiores sunt, prælatorum triplex est genus (a). In primo, quod reliquis præstat

(a) Ildephonsus Clemens de Arostegui in academia Complutensi publicus factorum canonum Professor, tum Rotæ Romanæ Auditor, nunc Regis Hispani ad nostrum vir. Sic. Regem orator, divini et humani iuris consultissimus in eximio tractatu Compluti edito an. 1734 de concordia pastoralis super iure diæcesano inter episcopos & prælatos inferiores par. 1 cap. 4, Card. de Luca de iurisd. dist. gen. Card. Petra ad const. 4 Calisti III sess. 1 to. 5, Bened. XIV lib. 2 de Synod. diæces. cap. 10 num. 2, & segg.

stat, versantur habentes ordinariam & quasi episcopalem in clerum & populum iurisdictionem cum territorio separato, scilicet ab episcopale diœcesi prorsus auulso. Hi quidem sunt nomine & re *ordinarii locorum* & *prælari nullius* diœcesis, quum neque in diœcesi nec de diœcesi aliqua esse putentur (a): at non *diœcesani*. Diœcesim porro quum habeant episcopi duntaxat secundum canones eo ex tempore, quo synodus Nicæna diuisiones parochiarum, diœcesum, prouinciarumque episcopalium, moribus iampridem introductas, iure scripto constituit: ideo *diœcesani* titulus episcoporum proprius est, absurdus abbatum (b). Veruntamen *ordinarii locorum* notio patet latius: hoc enim nomine quum episcopos, tum *prælatos nullius* passim nuncupant recentioris disciplinæ canones (c). Quocirca Tridentina synodus illos ab his distinguens, siquid vtrisque demandare voluit, *ordinarios locorum* nominauit generatim: dum vero cum inferioribus hisce prælati noluit facultates Sedis apostolicæ delegatas communicare, speciali *episcoporum* verbo sæpe vsa in decretis est.

II. Hoc in regno ad primariam prælatorum nullius classẽ proculdubio pertinent Archipresbyter Petiliæ, vulgo Altimuranus, Præpositus Canusiæ, & Abbates Regulares Casinensis (d), Montis Virginis, SS. Trinitatis Cauensis, S. Stephani de nemore, S. Spiritus Morroni, simul & S. Clementis ad Piscariam. Prior item monasterii Ord. Præd. terræ Balneariæ

(a) Rota dec. 324. num. 1 par. 1 rec.

(b) Abbates nomine diœcesani venire scribit Fagnanus in cap. accedentibus n. 29 de excess. prælat. post Abb. in Clem. diœcesanis de vit. & honest. cler.

(c) Toro tit. decretalium de offic. & pot. iudicis ordinarii, cap. ordinarii locorum 3 eodem tit. in 6, Trid. sess. 7 de reform. cap. 3, 5, 6, 8, 14, & 15; sess. 21 cap. 8; sess. 23 cap. 8, sess. 24 de reform. matr. cap. 1, & seqq. sess. 24 de ref. cap. 20, & sess. 25 cap. 10, & seqq.

(d) Huius iurisdictionis quasi episcopalis, præter temporalem, late patet per totam S. Germani ciuitatem, & octo supra viginti oppida, ab Urbano VIII enumerata in litteris ad Breuis formam datis die 30 Maii 1639 pro Monasterio Casinensi, quas habet insertas Benedicti XIII constitutio quod infernalis 13, 10. 4 contin. Bullarii Romani.

riæ (a). Ad eos proxime accedunt Abbates Commendatarii, secularesque S. Angeli ad Fasanellam, Banfi, Cadossæ, Caiani, Capistrani, Carbonæ, Casollæ Valentianæ, Castellanzæ, Castri Abbatibus, Cerignolæ, Ciani, S. Clementis in Vomano, Controgni, Corropoli, Drusii, Faræ S. Martini, Farfæ, Joppoli, Leſipaleni, Lucoli, S. Lupi, S. Marci in Lamis, S. M. Ambrosianæ, S. M. Angelorum Centulæ, S. M. de Casauoua, S. M. de Ferraria, S. M. de Succurſu, Marubii, Mater Domini, Melicucchæ, S. Petri ad Curtim, Archipresbyter S. Petri regalis valli seu ad Scaphatum, Abbas S. Salui, S. Sophiæ, Tremeti, & si qui sunt alii (b). Tamen horum non paucis finitimi contendunt episcopi & separationem territorii & iura Ordinarii præcipua, adeo ut sæpe ac multum de iurisdictione disputauerint, certentque in dies. Pacis studio dum de Concordato memoria nostra deliberando diserebatur, regiis ministris arridebat sententia pontificiorum scripto prolata, ut saluis quinque primodictis Abbatum regularium iurisdictionibus vere nullius anxius omnium conspicuis, cuncta ceterorum loca nullius angustiora, licet a Cardinalibus, Capitulis Basilicarum vrbis Romæ, equitibus Ierosolymitanis, & quouis Ordine Regularium vel Equitum obtenta, supprimerentur & vicinioribus vnirentur episcopatibus. Res tamen ad maturius remissa iudicium remansit infecta.

III. Alterum prælatorum genus eos complectitur, quibus est sine territorio separato iurisdictione in clerum & populum seu gentem alicuius ecclesiæ, aut loci exempti quidem ab episcopo, sed intra diocesim episcopalem siti, ab eaque circumdati. Locus enim exemptus licet de diocesi non sit, esse tamen in diocesi.

(a) Vniuersum Balneariæ territorium a finitimis diocesibus Reginensi & Mileteni omnino seiunctum haberi, subiectumque ordinariæ iurisdictioni Prioris Dominicanorum, decreuit Benedictus XIII in *const. contentiones* 48, edita idibus Septem. 1718, *disto* ro. 4. Nunc ex rebus nuper indicatis in regia Curia Capellani maioris et Regali Camera S. Claræ Prior Balneariæ instituitur ad Regis nostri præsentationem.

(b) Videus decretum S. Congr. Conc. relatum superius *rit.* 22 *num.* 65.

diœcesi Doctoribus videtur (a). Non repugnat sane ut in alieno territorio aliquis personalem, quæ territorio non cohæret, iurisdictionem habeat in personas sibi subditas vbilibet degentes (b). Hinc facile intelligitur, cur simplex ecclesiæ aut loci, eiusque clericorum & personarum exemptio eam, illumue non separet a diœcesi (c). Huius quoque secundæ classis prælati nullius, sed minus propria nuncupatione dicuntur ob iurisdictionem, quam obtinent quasi episcopalem, ordinariamque (d) super ecclesiis, earumque personis a diœcesano perinde exemptis, ac si extra illius diœcesim existent (e). Cuiusmodi sunt, Prior regiæ Basilicæ S. Nicolai Barientis (f), Protopapa regiæ item ecclesiæ S. M. de Catholica ciuitatis Rhegii (g), ceteri id genus. Minus inquam propria hisce prælati secundæ classis, quam primordiis est nomenclatio nullius diœcesis. Nam vbi Tridentina synodus in iis, quæ curam animarum, Sacramenta, clausuram monialium, immunitatem ecclesiasticam, cetera similiter excepta spectant, pontificiam Sedis apostolicæ auctoritatem episcopis diœcesanis delegat cum expressa clausula, ut ipsi ea vti valeant in locis quoque exemptis, *etiamsi sint nullius*: loca prælati sine territorio separato subiecta solum comprehendere, quæ in diœcesi quidem sunt, ne inanis omnino & elusoria fiat eius-

(a) Arg. cap. cum episcopus 7 de offic. ordin. in 6, gl. in clem. frequens de excess. Prælat. ver. primi anni, Fagnanos in cap. cum contingat de foro compet. num. 32.

(b) Card. de Luca de iuris. disc. 20 num. 19 ad 24, & Card. Petra ad const. 2 Eugenii III num. 11, & 12 to. 1.

(c) Rota dec. 334 part. 13 rec. num. 20.

(d) Erasimus Chokier de iuris. Ordinar. in exempt. par. 4 qu. 67 num. 3, ibique Verhorst. in addit.

(e) Felin. in cap. grave de offic. ordin. Regens de Ponte in tr. ms. de visitatione hospitalium, & speciatim Incurabiliū Neapolis num. 28.

(f) Ex monimentis apud B. Chioccarell. to. 7 archiv. to. 1.

(g) Eum ab archiepiscopo Rheginensi exemptum cum omnimoda iurisdictione in presbyterios, capellanos & clericos eiusdem ecclesiæ S. M. de Catholica ad regiam collationem pertinentis, declarauit Didacus Vincentius de Vidania Capellanus Maior die 27 Maii 1726, uti constat ex eiusdem Curie actis.

eiusmodi delegatio; secus alia in separato territorio extra dioecesim sita, concors est Doctorum sententia (a). Referuatas vero causas Romana Curia solet praelatis primi, non secundi, minutque tertii generis delegare.

IV. Duobus tantum titulis potest praelatus inferior adquirere iurisdictionem intra episcopi dioecesim, vel scilicet ex privilegio Sedis apostolicæ, vel ex possessione immemoralibili, aut centenaria legitime probata (b). Alterutro deficiente quivis exemitus vel Sedi apostolicæ immediate subiectus iure non præsuntur actiuam in aliqua alienæ diocesis parte iurisdictionem habere: a *passiva* enim exemptione nequaquam arguitur iurisdicatio, quam torenses *actiuam* vocant exemptionem, a sacris canonibus longe dissentanea (c).

V. Ad tertium, postremumque genus pertinent, qui certo personarum generi præsunt, degentium intra alicuius monasterii vel conuentus vel ecclesiæ septa cum *passiva* exemptione ab episcopi iurisdictione, prerogatiua nullius *diocesis* expertes. Quales sunt superiores regularium, & quidam secularium ecclesiarum rectores vna cum clericis, ministrisque suis Sedi apostolicæ immediate subiectis (d). Cum vero privilegia Regularium, de quibus inferius hoc eodem libro dicam, proculdubio realia vel mista sint, non personalia (e):
fit,

(a) Card. de Luca *de iurisdic. disc. 10 in fine*.

(b) Doctores non desunt opinantes possessionem quadragenariam cum titulo colorato sufficere ad præscribendam contra episcopum iurisdictionem ecclesiasticam. Eos tamen solidissimis rationibus refellit iuris consultissimus Prosper Lambertinus, edito ea de re tractatu, antequam diui Petri solium ascendisset; cuius auctoritatem vel priuatam secuta est, probauitque particularis Congregatio a Clem. XI deputata, tum Clemens ipse XI die 3 Ian. 1721. Eamque idemmet Benedictus XIV innouauit §. 3 decretalis suæ, quam protulit die 14 Martii 1743 in causa iurisdictionis super oppido Putiniani controuersæ inter episcopum Conuersani, & militarem ordinem S. Io. Ierosolymitani, to. 1 Bullarii sui *const. 76*.

(c) Ex *cir. decretali* Bened. XIV pro episcopo Conuersani §. 10.

(d) Ildephonsi. Clemens de Arostegui *loc. cit.* alique superius laudati.

(e) Innoc. in *cap. dilectus num. 4. de capell. monachor. Piton. eccles. disc. script. 160 num. 59 to. 4.*

fit, ut quodvis monasterium ad secularis commendæ vel perpetuæ statum conversum non amittat primæva exemptionum iura, quæ in secularis commendatarii persona perinde manent, atque in superiore vigeant regulari (a).

VI. Quoniam primæ classis prælati suo in territorio separato non aliter ordinarii sunt, quam ante separationem erant episcopi: tota fere episcopali iurisdictione (præterquam ordinis & characteris episcopalis) potiuntur (b) nedum in eiusdem territorii vere separati personas & loca, sed in alias etiam capellas extra illud in aliena diocesi existentes, sed exemptionis virtute sibi subiectas, tanquam territorii sui membra, partemque integrantes (c). Quo tamen apertiora pateant singula eorundem prælatorum iura, bipartito iuvat ea inquirere. Alia enim a potestate iurisdictionis promanant, alia sacramentalem quodammodo spectant potestatem ordinis..

VII. Ad iurisdictionem quod attinet, ut causæ omnes ad forum ecclesiasticum quomodolibet pertinentes, etiam si beneficiales sint, in prima instantia coram ordinariis locorum duntaxat cognoscantur: at vero causæ matrimoniales & criminales non decani, archidiaconi aut aliorum inferiorum iudicio, etiam revisando, sed episcopi tantum examini & iurisdictioni relinquuntur; decrevit synodus Tridentina (d). Hoc itaque iure causas omnes civiles, in quibus sunt controversiæ beneficiorum; iudicant proculdubio inferiores prælati, ordinariorum nomine comprehensi.

VIII. Ad beneficiarias quidem causas referenda videtur institutio præbendæ pro Canonico theologo, sacram Scriptu-

Tom. I.

I i

ram

(a) Tamborin. de iure abbatum disp. 15. quæst. 11. to. 1, Fagnanus in cap. in ecclesiis de capell. monachor. n. 16, & 18, Card. Petra ad const. Eugenii III num. 9 to. 1.

(b) Card. de Luca de iurisd. disc. 74 num. 4, & Rota apud Card. Petra to. 2 ad const. 6 Alex. III sect. 1 num. 9, & 10, ubi de monasterio & ecclesia monialium in diocesi Maricana, aliisque ecclesiis in diocesi Capuana exemptis, subiectisque abbati Casinensi.

(c) Rota dec. 99 num. 4 par. 14. rec.

(d) Sess. 24 de reform. cap. causa omnes 10.

ram explicaturo, quam omnibus locorum ordinariis demandit eadem œcumenica synodus (a). Simul collationes quum liberæ beneficiorum sine cura in territorio nullius existentium, tum institutiones aut pacificæ aut litigiosæ beneficiorum de iurepatronatus vi nominationum & præsentationum, quas patroni faciunt coram loci ordinario (b). Verum alternatione mensium, quam episcopis vere residentibus indulget Regula IX Cancellariæ *de reservatione mensium*; nequaquam fruuntur inferiores prælati cum separato etiam territorio (c). Quibus tamen est cura animarum adnexa, eas ecclesias siue parochias, beneficiaue in territorio nullius separato episcopus vicinior, in exempto intra diocesim diocœsanus prævio concursu coram synodalibus examinаторibus habendo confert, & simul œconomos, quoad vacauerint, deputat: non prælatus inferior (d), hic nisi priuilegium celebrandæ synodi, in eaque examinatores deligendi ab apostolica Sede habuerit, vel synodum alias legitimam congregare consueuerit (e). Eo sane priuilegio cumprimis potitur abbas Casinensis; trium Pontificum litteris, quas paulo superius recensui, confirmato, ex quibus manifeste patet eundem celebrare synodos consueuisse, examinatores deligere, concursum ad curas animarum instituere, concurrentes examinare atque approbare; œconomosque interea curatos deputare. Alii id quo-

(a) Sess. 5. de reform. cap. eadem 1.

(b) Qua de re iam dixi in tract. de beneficiis cap. 8 de ordinariis collatoribus, & alio de iurepatronatus cap. 22 de institutionibus.

(c) Picon. discept. eccles. 95 num. 24, Rigant. in Reg. 9. Cancell. par. 2. §. 1 num. 18 to. 2. Videtis quæ dixi in tract. de beneficiis cap. 5 num. 44.

(d) Aberrat quippe Ioseph de Prosperis in tract. de territorio separato qu. 5, ubi studet inferiorum amplificare iura in beneficiis curatis & synodis.

(e) Multas quidem synodos a Casinensi, Nonantolano, Farfensi, S. Saluatoris maioris, ceteris Abbatibus habitas tradit Benedictus XIV lib. 2 de synodo dioces. cap. 10 num. 5, Et 7, ubi commemorat personale priuilegium die 14 Ian. 1741 concessisse Cardinali Sibio de Valentibus, vti commendatario archimandritæ S. Saluatoris Messanensis, celebrandæ synodi aliquo in loco iurisdictionis suæ extra Messanæ urbem.

quoque genus in regno, quos sciuerim, non item (a).

IX. De criminibus autem & matrimoniis cognitio quum fit prælati inferioribus decreto Tridentino generatim adempta, solique reliqua episcopis: videntur ea simul expertes, qui separato nullius diocesis præfunt territorio. Sunt nihilominus, qui (b) hosce primarios prælatos negant eiusmodi limitatione comprehensos: propterea quod eosdem expresse non memorauerit synodus ipsa, quemadmodum consuevit in aliis decretis, ubi eos afficere voluit, nominare; nec ordinariam, quæ ad coercendos criminosos extenditur, plenamque ipsorum iurisdictionem, perspicuis, ut sane opus erat, verbis limitauit. Quicquid hinc & hinc dixerint interpretes; hæc vsu inualuit sententia, quam S. Congregatio Concilii comprobauit (c), ut de criminibus etiam iure suo publicam habeant cognitionem isti vere nullius prælati; instar episcoporum. Eadem enim Tridentina synodus (d) ecclesiarum prælati & loci ordinario generatim demandauit correctionem, punitionemque delinquentium clericorum. De matrimoniis autem & coniugali fœdere nonnisi præuia Romanæ Curie delegatione, quæ ad eosdem singulis in causis dari solet, quemadmodum data nuper est ad abbatem Casinensem a S. Congregatione Concilii (e). Pontificias idcirco dispensationes omnes super matrimo-

Iii 2 niis

(a) S. Congr. in *Mileteni* mense Decembris 1568, declarauit abbatem SSæ Trinitatis non posse separatim synodum celebrare, nisi constet abbatiam nullius esse diocesis, & proprium habere territorium, atque alias legitime synodum celebrasse, Bened. XIV *loc. cit.* num. 5.

(b) Inter hos Fagnanus in *cap. accedentibus 12 de excessibus prælator.* num. 29, & sequq. Barbosa ad *cit. Trid. cap. causa omnes*, & Ioseph de Prosperi de territorio separato qu. 5 num. 36.

(c) Casd. Petra to. 5 ad *Calisti III const. 4 sect. 2 num. 49.*

(d) *Sess. 6 de reform. cap. ecclesiarum prælati 3.*

(e) Sæpe hæc quidem Congregatio die 17 Maii 1749 nullitatis matrimonii causam inter Zachariam Mansum, & Laurentiam Ricciardelliam et-vicatis S. Germani speciatim delegauit Casinensi Abbati, ejus loci ordinario. Ad ejusque litteras delegantes, ut ceteras sileam, regium exequatur accessit die 11 Augusti eiusdem anni, quod in registro Curie Capellani majoris prostat. Datariam Romanam ad prælatos vere nullius diocesis cum terri-

torio

nis contrahendis in locis eidem Casinenſi abbati ſubieſtis iure ſpeciatiſſimè delegato exequitur idemmet abbas, eiſque generalis vicarius (a): id quod aliis aliorum eiſmodi abbatum vicariis minime indulgetur.

X. Monitoria excommunicationis ad res ſubtraſtas, perditasque reuelandum ut a nemine prorsus concedantur, præterquam ab epifcopo, quum decreuerit Tridentinum (b): ea dare nequeunt inferiores prælati etiam nullius, quibus cæteroquæ ius eſt ſubditos cenſuris eccleſiaſticis coërcendi. Ab Sede apoſtolica proinde debent iſti eorum ſubditi poſtulare monitoria in forma, ut ajant, *ſignificauit*, non ab epifcopis viciniſſimis (c).

XI. Iudicium de confugis aſylo eccleſiaſtico ob excepta facinora indignis reſeruatum ſolis epifcopis eſt a Gregorio XIV (d), Benediſto XIII (e) & nouiſſimis Concordatis (f). His plane cautum, ut pro locis intra diœceſim exemptis ad epifcopum diœceſanum, in aliis territoriis vere ſeparatis ad epifcopum viciniorem recurri eam ob rem debeat, rite declaraturum reos, qui ad loca exempta confugerint, vel *gaudere vel non gaudere beneficio immunitatis eccleſiaſticæ*; niſi cui ex inferioribus prælatiſſimis ſpeciatiſſimè Sedes apoſtolica indul-

torio ſeparato diſpenſationes apoſtolicas ſuper impedimentis matrimoniorum, quoniammodum & ceteras id genus litteras, dare conſueſſe teſtantur Corradus in *prax. diſpenſ. lib. 2 cap. 4 num. 59*, & ſeqq. Roſa de *execut. liter. apoſt. par. 1 cap. 3 num. 34*, Fagnan. in *exp. accedentibus de exceſſ. prælat. num. 30*, & ſeqq. Et ſpeciatiſſimè abbati Casinenſi, eiſque vicario generali, præterea nemini, in locis eidem ſubieſtis quacunq; Romane Curie, & Sedis apoſtolicæ litteras dirigi & interſcribi debere iuſſit die 30 Maii 1639 Urbanus VIII literis in forma Breuis, quas ex integro inferſas confirmauit Benediſtus XIII ſua *conſt. quod inſerutabilis*, edita die 9 Auguſti 1725, ſc. 4 *continuat. Bul. lar. Roman. & in appendice Conc. Rom.*

(a) Ex literis Urbani VIII, & Benediſti XIII paullo ante laudatis.

(b) *ſeſſ. 25 de reform. cap. quoniam excommunicationis 3.*

(c) Barboſa in *cit. cap. 3 ſeſſ. 25 Conc. Trid. Fagnan. in cit. cap. accedentibus num. 47. Gallenart. in decl. ad cit. cap. 3 ſeſſ. 25 n. 4, & 5.*

(d) In bulla cum alias, edita 9 Kal. Iuni 1591.

(e) In bulla ex quo, lata 6 idus Iuni 1725.

(f) *Cap. 2 de imm. local. art. 8.*

dulserit auctoritatem iudicandi de locali immunitate (a). Pro-
pera tamen confugarum extractio de ecclesia, ii-vt, quoad-
ulque erit immunitatis quæstio definita, intra carceres iudicis
secularis nomine ecclesiæ detineantur, cuiusque inferioris præ-
lati permisso probe fit (b). Quemadmodum & arma confugis
immunitate fruentibus adimuntur a quouis ecclesiastico loci
superiore, implorato etiam, ubi opus erit, brachio seculari;
aut facultas adimendi ea permittitur laico magistratui eam
petenti, præmissa protestatione, id ne vergat in poenam san-
guinis (c). Idem iuris quod ad licentiam perquirendi res contra
banna in locis immunibus, præterquam in claustris vel conser-
natoriis monialium, abditas servatur (d).

XII. Ecclesiasticos subditos æque ad reuelanda bona, vt
in libro census communis, quem vulgus *catastrum* appellat,
describantur, cogunt inferiores etiam prælati, quum locorum
Ordinarii sint (e): atque ad persolvendam laicis exactoribus
quotam libro census sibi taxatam, concedentes brachium
ecclesiasticum quod ad executionem tantummodo realem (f).

XIII. Armata familia, officialibus, executoribusque opus
quum habeant qui iuri dicundo præsent: lex Concordatorum
(g) nedum episcopis, sed ceteris locorum ordinariis quasi
episcopali iurisdictione præditis indulgit laicum vnum actorum
magistrum & cursores; eorumque personas, donec in famu-
latu Curie ecclesiasticæ permanferint, exemptas ab laicali foro
in causis ciuilibus, criminalibus & mistis citra poenam capi-
tis vel tritemium voluit. In tabula inde cursorum singulis
regni diocesibus assignatorum, data die 2 Iunii 1741 a Ple-
nipotentiariis Papæ, Regisque nostri, cautum expresse, vt ab-
bas

(a) Eam a S. Congr. Immunitatis olim abbati Casinensi ad decennium
indultam, tradit Riccius in *synopsi* ver. *abbas*, & ver. *extractio*. At eadem
S. Congr. die 28 Febr. 1673 quendam eiusdemmet abbatis sententia extra-
ctum, non vigente indulto, fore ad ecclesiam restituendum respondit.

(b) Ex Concordatis cit. cap. 2. art. 1. (c) Ibidem d. cap. 2. art. 24.

(d) Loc. cit. art. 25. (e) Ex Concord. cap. 1 art. 1.

(f) Ibidem cap. 1 art. 9.

(g) Concord. cap. 3 de imm. person. num. 5, 9, & 10.

bas Casinensis tres, binos alii nullius diœcesis abbates Montisvirginis, SSmæ Trinitatis Cauensis, S. Stephani de nemore, S. Spiritus Morroni, & S. Clementis ad Piscariam haberent: ceteris vero exiguis regni ecclesiis, abbatibus, prælatisque item nullius diœcesis Tribunal mistum singulos, binosque curatores assignaret, quoad proposita earum suppressio non fiet. Quemadmodum reapse binos ab eodem Tribunali obtinere archipresbyter S. Petri regalis valli; & abbas commendatarius S. M. Angelorum terræ Centulæ, aliique deinceps.

XIV. Visitandi ecclesias, personasque ius quidem est prælatis inferioribus (a) locorum ordinariis, eas etiam, quas ipsi in aliena diœcesi habeant ad territorium separatim accessiones (b). Omnes tamen ecclesiæ seculares nullius quoque diœcesis vt ab episcopo viciniore vel ab eo, quem prælatus semel in prouinciali synodo delegerit, tanquam Sedis apostolicæ delegato visitentur, iussit Tridentina synodus (c). Itaque vera separatio territorii nequit ex Tridentino decreto episcopalem visitationem arcere (d): sed expressum tantummodo Sedis apostolicæ priuilegium post comitia Tridentina largitum, quod prælato loci omnino exempti omnimodam iurisdictionem ordinariam & delegatam priuatiue quoad alios ordinarios & diœcesanos demandauerit (e). Loca etiam pia, quæ ab laicis administrantur, omnes eorum ordinarii, non aliter quam episcopi, visitant quod ad spiritualia tantum: deputatosque simul ecclesiasticos ad gratis videndas administratorum rationes destinant (f).

XV. Vt

(a) Trid. sess. 7. de reform. cap. locorum ordinarii 8.

(b) Card. de Luca de iurisd. disc. 74 n. 4, & Card. Petra to. 2 ad const. 6 Alex. III num. 9, & 10, vbi a Rota pluries decum traditur abbatem Casinensem potiri iore visitandi ecclesiam, monasteriumque monialium in diœcesi Maritima, alias item ecclesias intra fines Capuanos ab illis diœcesanis exemptas.

(c) Sess. 21 de reform. cap. 8, & clarius sess. 24 de reform. cap. 9.

(d) Vti recte sentiunt Barbosa ad cit. cap. 9 sess. 24, Fagnanus in cap. graue num. 19 de off. ord. alibi, & interpretata non semel est S. Congr. Conc. apud Card. Petr. to. 5 ad const. 4 Calisti III num. 142, contra Crispin. de visitat. pastoral. par. 1. §. 13. n. 39. Gratian. discept. 212 n. 30, & alios.

(e) Card. Petra loc. cit. (f) Ex Concord. cap. 5 art. 1. & 2

XV. Vt Apostolorum limina singulis trienniis, qui intra Italiam, Insulasque adjacentes Siciliæ, Sardinia, Corsicæ sint; vel quinquenniis, qui reliquas incolant regiones remotiores; visitent aut personaliter aut per specialem procuratorem, & ecclesiæ statum, ecclesiasticamque disciplinam cleri, populi-que sui Romano Pontifici seu S. Congregationi Concilii referant abbates, prælatique territorium separatim habentes: alias sint ab ingressu ecclesiæ interdicti, atque ob officio spiritali & temporali & fructuum perceptione ipso facto suspensi, sanxit Benedictus XIV (a). Hic ad eos primus omnium Xystinam de episcopis sacra limina visitaturis constitutionem extendit, iussitque ut iidem ipsi, antequam ineant abbatia possessionem, iurent vel in manibus primi Cardinalium diaconi in vrbe, vel Nuntii, Legatiue apostolici extra urbem, se limina Apostolorum visitaturos, aliaque gesturos iuxta formulam iuramenti eadem sanctione præscriptam.

XVI. Qui hisce Papæ iussionibus obtemperauerint, eos posse benedictionem cum indulgentia plenaria fidelibus sibi subditis in mortis articulo per alios etiam impartiri, constituit idemmet Benedictus XIV (b).

XVII. Prædicationis munus episcoporum esse præcipuum dixere Patres Tridentini (c): tamen commune cum prælati vere nullius est, qui propterea concionatores deputare ad separati territorii loca, eosque cum benedictione ad prædicandum mittere, ut moris est, valent (d). Confessarios quoque approbandi ius est illiusmodi prælati, utpote ordinariæ ipsorum & quasi episcopali iurisdictioni adnexum (e). Hactenus de mera iurisdictionis quasi episcopalis potestate: altera ordi-

(a) In const. quod sancta Sardienensis 7, die 23 Nou. 1740, 10. Bullarii.

(b) Const. pia mater 34 die 5 Aprilis 1747, 10. 2 eiusdem Bullarii.

(c) Sess. 24 de reform. cap. prædicationis 4.

(d) Ex consonis Rotæ decisionibus, & S. Cong. Conc. decretis apud Pignatelli. 10. 2 consulti. 26 num. 27.

(e) Barbosa ad Conc. Trid. sess. 23 cap. 15 de ref. num. 19, & Rota in Teatina iurisd. 14 Martii 1708 §. ponderabunt eorum Card. Scotto.

nem attingens mox enucleanda superest.

XVIII. *Ordinis* episcopalis potestate carere omnino inferiores prælatos, non est qui neget. Quod tamen ad nonnullas functiones ab eodem ordine promanantes, quæ valeant non episcopis delegari; conditio primariæ classis prælatorum cum territorio separato, quam reliquorum, est potior. Enim vero primam tonsuram, ordinesque minores conferunt quidem abbates solum regulares cum territorio separato suis duntaxat subditis regularibus (a): dummodo ipsi & in sacerdotali ordine sint, & solemnem ab episcopo benedictionem susceperint (b), quam debent intra annum ab electionis die accipere (c). Seculares tamen sibi subditos relinquunt diocesanis episcopis ordinandos iidem abbates regulares, alique simul prælati vere nullius diocesis: quippe qui, neque literas dimissorias pro clericorum secularium ordinatione ad episcopos dare, neque ab episcopis vicissim eas accipere valeant, ut subditos alienos clericali tonsura & minoribus ordinibus initiatos faciant, nisi ab apostolica Sede post concilium Tridentinum obtinuerint privilegium expressum & clarum (d). Quandoquidem indulgit commendatario abbati S. Mariæ Farfensis, & S. Salvatoris maioris Urbanus VIII, & Primicerio S. Marci Venetiarum Alexander VIII (e) privilegium conferendi tonsuram, ordinesque minores. Sed concedendi dimissorias facultatem adeptus est abbas Casinensis a Xysto V, & Cavenfis a Paulo V (f). Itaque id aliis, qui simile privilegium non ostenderint, non licet. Idem dicendum de dispensatione super

(a) *Trid. sess. 23 reform. cap. abbatibus 10*, quo derogatum est decretali Alexandr. IV in *cap. abbates 3 de priviil. in c.*

(b) *Alex. III in cap. statuimus 1 de suppliance neglig. prælat.*

(c) *Ex Benedicti XIII. const. commissi nobis §. quo vero ad abbates, impressa in appendice Concilii Romani.*

(d) *Rota coram Seraphino dec. 985, S. Cong. Concilii iussu Clementis VIII, quæ improbavit præcedentem anni 1572 declarationem abbatibus faventem, & Fagnan. in cap. aqua de consecrat. eccles. num. 8. ad 19.*

(e) *Benedictus XIV lib. 2 de synodo diocæs. cap. 10 n. 10.*

(f) *Vti Fagnan. tradit in cap. significasti de officio archidiaconi n. 25.*

super interstitiis, quam impertiri poterunt inter ordines tantum minores prælati ordinandi potestate præditi: secus inter ordines maiores. In his enim perinde prælati nullius, ac superioribus Regularium dispensandi ius non esse, id nisi vfu ipsi præscriperint, commonent DD. (a).

XX. Sacramentum Chrismatis (b) quoque ministrandi potestatem largiti sunt abbati Casinensi Xystus V, Urbanus VIII, Innocentius XI, & Benedictus XIII (c): tum abbati Montis Virginis Clemens XII anno 1732 (d).

XXI. Alii, quibus nec confirmandi nec ordinandi privilegium expressum Papa concesserit, sacra olea a quolibet episcopo consecrata accipiunt, & quem ipsi maluerint, episcopum adfiscunt, dioecesano vel viciniore etiam posthabito, ad exercenda in suo ipsorum territorio separato nullius dioecesis pontificalia & Sacramentum Chrismatis populo ministrandum & Chrisma simul conficiendum (e). Finitimæ enim dioecesis episcopus aut vicinior in separato ab ea territorio sine illius prælati consensu ius non habet Chrisma in eo ministrandi vel conficiendi (f).

XXII. Benedictionem quoque pontificalem super populum post missarum solemnias & vespertinas, matutinasque laudes iidem, nonnisi ex privilegio, largiuntur in ecclesiis exemptis, quæ sibi pleno sint iure subiectæ: secus alibi aut per vias, ubi id etiam ipsum non erit indulto clare concessum (g). Quod

Tom. I.

Kkk

ab.

(a) P. Gaudentius de Ianna de visit. cap. 5 dubit. 12 n. 17 circa fin. tom. 1.

(b) In seq. lib. 2 tit. 5 num. 29, & seq. edisseram fusius, an extraordinario & delegato iure istud Sacramentum presbyteri sine episcopali characterē conferre possint.

(c) In supra cit. bulla quod inscrutabilis, lata die 9 Augusti 1725, tom. 4. continuat. Bullarii Romani.

(d) Vti testatur P. Gaudentius de Ianna loc. cit. n. 21.

(e) Card. Petra tom. 3 ad const. 5 Innocentii IV n. 29, & 30, & P. Gaudentius loc. cit. n. 19.

(f) Fagnan. in cap. cum venisset 1 §. per frontis n. 7 de sacra unctione, & Nicolius in fœcul. ver. nullius n. 8.

(g) Alexander IV in cap. abbates 3 de privileg. in 6, & Benedictus XIV in const. exemplis 48, edita 19 Martii 1748, tom. 2 Bullarii, ubi ritus impertiendæ pontificalis benedictionis præscribitur.

abbati Montis Virginis Vrbanus VIII tribuit (a). In missis tamen priuatis ii ne trinam impertirentur benedictionem, inhi-
buit Alexander VII (b).

XXIII. Ornamentis pontificalibus, scilicet mitra, baculo pastoralis, cruce, annulo & sandaliis, abbates, prælatosque non omnibus omnes consuevit apostolica Sedes insignire: quos, ubi erunt ab episcopis exempti, mitra quidem phrygiana, aureisque filis acu subtexta, sed sine gemmis, laminisque aureis aut argenteis, vti posse in prouincialibus, diocesanisque synodis; non exemptos alba tantummodo mitra: in aliisque locis vtroque seruare, ubi ea vti velint, fines indulti debere, constituit Clemens IV (c). Ceterum festis tantum diebus pontificalium vsus eisdem licet ad expressum indulti tenorem, cum limitationibus a S. Congregatione Rituum probante Alexandro VII indicatis die 27 Septembris 1659 (d).

In primis scilicet hæc ait, *super altari*, in quo sacra erunt facturi, *seprimum* nequaquam apponant *candelabrum*. 2, *Cathedram*, seu *sedem suam* & permanentem in eorum ecclesiis ne detineant, sed tribus ipsis diebus, quibus ex antiquis decretis tantummodo pontificaliter celebrare est iis permissum, mobili sede seu cathedra vtantur, quam nihilominus simplici sericeo panno coloris festiuitati congruentis obducere poterunt, non auro contexto, aut phrygio, seu basilico opere exornato. 3, *Baldachinum* adhibere supra sedem poterunt non pretiosum aut aureum, sed simplex, & eo, quod altari superimponitur, materia & opere inferius. Ad ipsam autem per duos tantum gradus in presbyterii superficie stratos ascendatur. 4, Non *abacum* alium præter *paruam mensam*, & in cornu epistolæ parare faciant, in qua *duo candelabra* cum candelis, necnon mitra, calix, missale, thuribulum, nauicula,

(a) Urb. VIII in *const. ecclesie* apud Card. Petra tom. 3 fol. 149.

(b) Laudatus a Bened. XIV in *modo dicta const.* 48.

(c) In *cap. vi apostolica 6 de priuileg. in 6*, quod innouauit Benedictus XIV in *const. causarum 40 §. si autem*, edita die 16 Nouembris 1747, tom. 2. *Bulla* rii sui.

(d) Apud Monacell. tom. 2 tit. 13 form. 4 n. 34, Murator. *dissert.* 71.

la, & reliqua ad celebrationem neceſſaria collocentur. Prope vero menſam eandem parieti hærens baculus paſtoralis aptetur. 5, Dies vero, quibus ſolemniter ipſis operari conceditur, ſint de præcepto feſtini, vel alii, in quibus ipſos pontificaliter celebrare feſtiuitatis ratio exigat, nempe patroni loci, fundatoris ordinis, tituli & dedicationis eccleſiæ. Abſtineant autem ab huiusmodi pontificalium uſu in officiis, & miſſis defunctorum quocunque die etiam feſtuo, & de præcepto. 6, Ad eccleſiam accedentes licet pontificaliter diuina peracturi, & iſdem abſolutis ab altare reſſuri a ſolis canonicis, vel monachis (vt. mos eſt epiſcoporum) ne aſſociari ſe ſinant. Præter duos ſacrificii miniſtros, diaconum nempe euangelii & ſubdiaconum epiſtolæ, duo alii tantum diaconi cum dalmaticis, & unus præbyter cum pluuiæ eis aſſistant. Duo inſuper capellani, qui de mitra & baculo, ac totidem acolythi pro candelabris inſeruiant. Præterea ſex alii canonici vel monachi, duo ſcilicet pluuialibus, duo planetis, totidemque tunicellis induti diuinis huiusmodi intereſſe valeant, qui tamen non in ſedibus, ſeu ſtallis choralibus, ſed in ſcammis abſque poſtergalibus panno viridi laneo coopertis ſitui congruo accommodatis, moxque illinc remouendis conſideant. Mitram pretioſam, niſi illis expreſſe a S. Sede indultam, non adhibeant. Sub mitra pileolum nigri tantum coloris induant. Baculum paſtorales albo velo appenſo deferant: ab iſque & aliis pontificalibus, etiam de Ordinariorum licentia extra eccleſias ſibi ſubiectas prorsus abſtineant, & neque in proceſſionibus, quæ ab eorum eccleſiis per vias extra ambitum vel parochiam ducuntur, inſignis prædictis vtantur vel penes ſe præferri faciant. 9, Regulares rochetum non deferant, niſi ex tali ordine fuerint; cui indumentum huiusmodi compeſcat. 10, Inuiſati ad eccleſiam enentem nec in illa pontificalibus uti valeant, nec ii, qui non fuerint abbates perpetui, vel benedicti in propriis eccleſiis uti poſſint privilegio perpetuis abbatibus, vel alias benedictis indulto. 11, Sacras ve-

stes ex altare non sumant nisi pontificaliter diuinis vacaturi. 12, Indulgentias impartiri vel publicare non audeant absque expresso S. Sedis indulto. *Pontificales benedictiones* cum trina crucis productione in *missis tantum pontificalibus*, necnon *vesperis & matutinis* pontificaliter itidem celebrandis licere sibi tantum meminerint. Priuatim vero populis, quamuis pleno iure subiectis, nisi expresse ipsis permissum fuerit, etiam pontificalibus induti per ecclesiam incidentes, benedicere non presumant. 14, *Presente episcopo* sine speciali Sedis apostolicæ permissu, etiam pontificaliter celebrantes, a benedictionibus cessent. 15, Si *episcopus* aderit, ipsius *sedes* in cornu euangelii *uno saltem gradu eminentior abbatiali* est erigenda, hæcque altero gradu humilior, ut dictum est, in cornu epistolæ collocetur. A latere episcopi canonici cathedralis, prope abbatem canonici vel monachi monasterii & abbatialis ecclesiæ confideant. Confessionem cum celebrante episcopus faciat, isque thus thuribulo imponat, euangeliorum textum osculetur, & populo solemniter (quamuis abbas ipse pontificaliter celebret) benedicat. Episcopus præterea trino ductu, & immediate canonici cathedralis duplici, moxque abbas (nisi celebret) pariter duplici, ac subinde canonici vel monachi abbatialis ecclesiæ vnico tantum ductu thurificentur. 16, Abstineant tamen *episcopi*, ubi consuetudo contraria non viget, a *frequentibus* huiusmodi *accessu* ad ecclesias exemptas in similibus actibus, ut libèrius abbates valeant suis uti privilegiis. 17, In *ordinationibus* canonicorum, clericorum, monachorum, necnon in *vestitionibus*, monialium, & emissione *professionis* earundem etiam pleno sibi iure subiectarum, in *benedictionibus sacra suppellectilibus*, ceterisque actibus (missarum, vesperrarum, & matutinorum solemnibus ter tantum in anno, ut præfertur, exceptis) neque in ecclesiis, oratoriis, aliisque locis tam publicis, quam priuatis quantumvis exemptis, eisdemque abbatibus pleno iure subiectis mitram, baculum, & quæuis alia *pontificalia* insignia, nisi de expressa Sedis apo-

stolicæ concessione adhibeant. 18, *Ecclesiasticam suppellectilem* pro seruitio duntaxat suarum ecclesiarum, vel monasteriorum benedicant. 19, Reliqua *pontificalia extra loca* ipsis abbatibus subiecta, vel pro seruitio ecclesiæ alienæ, aut in subditos pariter alienos, etiam de licentia ordinariorum exercere non valeant, puta *campanarum benedictiones, calicum, & similibus*, in quibus sacra adhibetur vñctio, necnon *minorum ordinum* collationes. 20, *Concionatoribus*, qui eorum subditis verbum Dei prædicandi onus acceperint, *benedictionem* elargiri non præsumant: sed episcopis, quibus ius huiusmodi priuatiue competit, omnino dimittant. 21, In *missis priuatis* quoad indumenta, caerimonias, ministros, altaris ornatum, & benedictionis largitionem a simplici sacerdote non discrepent; ac proinde sacras vestes induant in sacristia, neque vtantur *cruce pectorali*, vnico sint contenti ministro, aquam cum pelui & vrceolo argenteis sibi ministrari non sinant, duasque tantum candelas super altare adhibeant.

Tum petente Abbate Casinensi eadem S. Congregatio die 20 Iunii 1660 rite declarauit ad §. 3, peculiare priuilegium adhibendi pontificalia sine baldacchino extra festos dies *in exequiis virorum nobilium* ex Alexandri II indulto suffragari tantum Cauensi monasterio, nec ad alia monasteria extendi. Ad 6, censuit *associationem abbatum* ad ecclesias pontificalia peracturi instar episcoporum permittendam esse non extra sed *intra septa* monasterii. Ad 7, censuit indulgendos fore quatuor alios ministros cotta indutos præter expressos in decreto. Ad 8, quoad *missam* seruandam esse dispositionem *cap. vt apostolicæ de priuilegiis in 6*; quoad *baculum* vero seruandum esse decretum, Ad §. 17, censuit indulgendum, vt *missa* tantum vtantur in actu ordinationum & benedictionum cum sacro oleo. Ad §. 19, quod ad benedictionem sacræ suppellectilis pro aliena ecclesia mandauit exhiberi indultum authenticum ex archiuio apostolico, ac interim abstineri. In reliquis seruandum esse decretum. Quæ omnia Pontifex idem approbavit.

XXIV. Ex hucusque dictis videtur quasi episcopalis abbatum, prælatorumque dignitas referre speciem veterum chorepiscoporū; quos a quarto vsque ad vndecimum seculum habuit ecclesia quum græca tum latina; ita dictos, quia in vicis, oppidisque residerent (a). Sicuti enim tradit S. Leo M. (b), quamvis chorepiscopis consecrationem sine pontificatus apice habentibus plurima ministeriorum dispensatio cum episcopis esset communis, quædam tamen ecclesiasticis regulis prohibebantur eis: præsertim presbyterorum, diaconorumque ordinatio, virginum, altariumque benedictio & consecratio, baptizatorum confirmatio, chrismatis consecratio, publica poenitentium reconciliatio, formatarumque missio epistolarum. Cum vero iidem ipsi episcopalia sæpe iura inuaderent, præscriptosque fines transilirent: de Gallia primum Leone III, & Carolo M. consentientibus sunt in seculi octauo exitu eliminati (c); dein seculo XI eiekti vndique pontificia Damasi II auctoritate (d). *Nam non amplius, quam duos ordines inter discipulos Domini esse cognouimus, aiebat Damasus, idest duodecim Apostolorum & septuaginta discipulorum: unde iste tertius processerit, funditus ignoramus; & quod ratione caret, extirpari necesse est.*

XXV. Dignitates eiusmodi abbatum, prælatorumque (exceptis Regularibus per suffragia eligi solitis) adpellantur *consistoriales*, vbi earum reditus valorem annuum ducentorum florenorum auri excedant, vel in antiquissimo Cameræ apostolicæ libro beneficiorum consistorialium descriptæ, taxatæque sint; quippe quas Papa per schedulam in consistorio Cardinalium datam confert (e). Promotione autem cuiusque ipsorum in Consistorio pronunciata, vacant in Curia ipso facto beneficia, quæ iidem ante obtinebant, nisi vno eodemque promo-

(a) *κῆπος* enim græce apud latinos vicum, agrum, pagumue sonat.

(b) S. Leo in *can. quamvis* 4 *dist.* 67, & S. Ilidorus *lib. 2 de eccles. offic. cap. 6.*

(c) Fleury *part. 1 Instit. cap. 18 n. 5, & ib. 10: Capitular. pag. 379.*

(d) In *can. chorepiscopi* 5 *dist.* 68, ex *ep. 4* Damasi ad episcopos Africæ.

(e) Ex *Reg. 2 Cancellaria*, ibique Rigant. §. 2 10. 2

motionis tempore Papa retentionem indulsit (a). Qua in re par episcoporum conditio & abbatum est, quemadmodum in aliis quoque nonnullis.

XXVI. Realem porro immunitatem a vestigali præsertim frumenti, farinæque largitur lex Concordatorum (b) omnibus locorum ordinariis, etiam non episcopis, tam si resederint, quam si suis abfuerint ecclesiis, pro numero tamen, indigentiaque famulorum, quos ipsimet alere consuecant, atque in residentie loco relinquunt præsentibus: simul pro modo elemosinæ panis, quæ ut pauperibus subditis suppeditetur, current iidem ipsi absentes prælati. Factum inde, ut in taxa consensu Nuntii apostolici, & unius ex Præfidentibus regni Cameræ Summarie die 1 Decembris 1742 constituta de farinæ, panisque immunitate, quæ sit singulis episcopis, ordinariisque regni concedenda; abbas & ordinarius Casinensis eam sibi pro modis 178, Cauensis pro 100, archipresbyter Aquæuius pro 39, & archipresbyter Casæmaximæ pro 42 obtinuerint assignatam; ceteri autem abbates, prælatique, qui locorum ordinarii sunt quum seculares tum regulares, specialem pariter taxam expectare debeant.

T I T. XXV.

De Iudicibus ordinariis, & delegatis, synodalibus, & conseruatoribus.

- 1 *Suo iure iudices ordinarii, alieno beneficio delegati iurisdictionem, arbitri notionem solam habent.*
- 2 *Episcopi, prælatique inferiores, cum metropolitæ, primates & patriarchæ, eorumque vicarii ordinaria iurisdictione possunt.*
- 3 *Suam aliis potest ordinarius delegare iurisdictionem, delegatus non item, nisi a Papa datus sit non requirente industriam personæ.*

4 *Pon-*

(a) Rigant. in Reg. 1 Cauc. § 7 num. 8, 189, & 199 no. 2.

(b) Concord. cap. 1 de imm. reali art. 15.

- 4 Pontificiæ delegationes nonnisi Dignitatibus, Personatibus, & Canonicis cathedralium, vel iurisperitis in synodo, vel ab episcopo cum consensu Capituli designatis mandantur.
- 5 Pluribus in solidum, quam singulis mandata sua Pontifex plerunque delegat.
- 6 Delegatus quum nequeat fines mandati transilire, partibus debet initio delegationem nunciare, dein rite procedere.
- 7 Ab inferioribus delegatus suam nequit sententiam exequi, secus delegatus a Papa vel Principe. Vterque summ semel expletum vel extinctum officium non resumit, ac capsum rite iudicium prosequitur post delegantis obitum.
- 8 Suspectos recusare delegatos post litem contestatam nonnisi in nouis causis licet, arbitrorum sententia discutiendis.
- 9 A delegato ad delegantem recte appellatur.
- 10 Conservatores privilegia regularium, aliorumque exemptorum ab iniuriis & violentiis tuerentur, nullam aliam in eorum causis iurisdictionem habentes.
- 11 Conservatoris officium non aliis, præter quam episcopis, abbatibus, dignitatibus, vel personatibus ad quinquennium delegatur, in perpetuum pro vniuersitate studiorum, locis regularium & hospitalibus.
- 12 Regulares, nonnullaque studiorum vniuersitates arbitrium habens eligendi sibi conservatorem nonnisi in iudiciis synodalibus, ubi adsint.

More maiorum iudices vel suo iure vel alieno beneficio potestatem habere iudicandi tradit Iulianus Iustus (a), vnde præcipuum inter ordinarios & delegatos iudices oritur discrimen. Ordinarii sane dicuntur, qui in magistratuum (b), iudicumque ordinem adleguntur, statim ac digni-

(a) Iulian. in l. more maiorum § D. de iurisdift.

(b) Magistratus quidem sunt nomine & re omnes ordinarii iudices, quos ex Diocletiani constitutione ad ius dicendum obstringi, vt ipsi ne darent (vt olim moris erat) iudices, præterquam in causis leuioribus, ubi grauioribus detinerentur negotiis, patet ex l. 2, & ult. C. de pedanens iudicibus.

dignitatem vel officium, cui adnexa irrevocabili conditione sit iurisdicção, adepti sint: itemque *natiui*, quia personam in iure dicendo legitimam iidem ipso facto sine cuiuspiam mandato adsumunt. *Delegatis* vero seu *datiuis* extra ordinem legitimorum magistratuum sine dignitatis concessione ad iudicandum adsumtis ipsimet ordinarii mandant iurisdiccionem plerunque limitatam ad vnam, pluresue causas; quandoque generalem ad vniuersas vice magistratus definiendas (a) cum misto imperio, quod iurisdicçãoi cohæret: quia iurisdicção, quæ privato etiam mandatur, sine modica coërcitione nulla est (b). Siqui enim habeant mandatam sibi solummodo notionem, nudamque iudicandi facultatem, sententiæque prolationem sine vlllo imperio & coërcitione & sine potestate exequendi sententiam; non pro tribunali sedentes, sed de plano disceptantes, suumque ferentes iudicium: eos maluit *datos* iudices aut *arbitros*, quam delegatos appellare ius civile (c). Exinde Innocentius III (d), cum eoque canonum interpretes scite distinguunt ab executore delegato iudicem cognitorem, auditoremque iurisdicçãoe expertem.

II. Secundum canones ordinarii causarum ecclesiasticarum iudices quum sint in primo gradu episcopi in suis quique diocesibus, supparetque prælati inferiores; tum in secundo metropolitani, atque in superioribus primates & patriarchæ; in supremo tandem Romanus Pontifex, tanquam ordinarius ordinariorum: omnes generatim causas ad suum cuiusque dignitatis officium pertinentes cum iurisdicçãoe, mistoque imperio cognoscunt iure suo, quotiescunque velint per sese (e). Quoniam vero grauioribus reipublicæ, curæque animarum negotiis detenti tantam priuatarum litium molem non sustinerè valent, suas aliis consueuerunt iurisdicçãois

Tom. I.

LII

vi-

- (a) L. 1, & 4 D. de offic. eius, cui mandata est iurisdicção.
- (b) Dist. l. 1 in fine, & l. 5 D. eod. tit.
- (c) L. 1, & seqq. C. de pedaneis iudicibus.
- (d) Innoc. III in cap. super 27 §. 1 de officio & pot. iud. deleg.
- (e) Ex toto Decretalium tit. de officio iudicis ordinarii.

vices demandare. Eosque ordinarios fere iudices creant, dum iis stata committunt officia magistratus pleno iure vel singulatum, vel vna cum collegis exequenda in ecclesiastico foro. Hinc perpetua vrbis Romæ tribunalia, Curiaque metropolitana, episcoporum, abbatum, eorumque vicarii generales, de quibus in *sequ. tit.* ordinaria fungi iurisdictione putantur, quam in libro III edisseram.

III. Heic nonnulla tamen delibare de iudicibus delegatis operæ prærium est, ut potiora, quæ eorum & delegantium personas, simul officium, vsum potestatis, durationemque spectant, iura prænoscantur. Quilibet sane ordinarius iurisdictionem suam siue contentiosam siue voluntariam potest aliis delegare: quum facere per seipsum, quod quisque per alios facit, videatur (a). At vero delegatus alteri auctoritatem delegandi non habet, præterquam delegatus a Papa (b) vel Principe (c). Delegatus ideo apostolicus renitentem compellit subdelegatum suscipere subdelegationem (d), quam semel inceptam nequibit amplius reuocare (e). Et sicui personaliter & per seipsum exequi negotium Papa mandauerit, eum subdelegare adhuc posse Innocentius III rescriptit (f): eummodo partes consenserint, exceptis tantum causis, vbi fidem, industriamque personæ Papa delegans eligat (g).

IV. Nonnisi dignitate præditis, aut personatum obtinentibus, aut cathedralium Canonicis causas ab Sede apostolica, eiusque Legatis delegari posse, Bonifacius VIII statuit (b). Quum autem minus idonei inter eos ab isto munere sint

(a) *Cap. qui facit 72 de reg. iur. in 6.*

(b) *Cap. cum te consulente 18, & cap. super 27 de off. & pot. iud. deleg.*

(c) *L. a iudice 5 C. de iudiciis.* (d) *Cap. pastoralis 28 de off. delegati.*

(e) *Cap. venerabili 37 eodem tit.* (f) *In est. cap. super 27 eod. tit.*

(g) Quod placuit Gregorio IX in *cap. quoniam fin. § is autem, & §. ceterum eod. tit.* Hinc episcopi solent vicariis suis speciatim demandare facultatem exequendi litteras apostolicas ad ipsos episcopos nedum datas, sed etiam daudas, & iurisdictionem ab Sede apostolica vel decretis Tridentinis delegatam, vel specialibus rescriptis delegandam, nisi electa episcopalis personæ industria erit, Fagnan. in *cap. quoniam de off. deleg. Rosa de execut. liter. apost. par. 2 cap. 5.* (h) *In cap. statutum 11 de rescriptis in 6.*

sint arcendi : cautum est concilio Tridentino (a), vt vnaquæque diocæsis quatuor saltem, pluresue habeat viros, mododictis ornatos qualitatibus, iurisque peritos, in diocæsana vel prouinciali synodo deligendos, reservato episcopis iure subrogandi cum Capituli cathedralis consilio alium in alicuius mortem obeuntis locum, quoadusque noua synodus celebrabitur, quibus tantum, locorumque Ordinariis, præterea nemini causas quum apostolica Sedes, tum Legati vel Nuntii eiusdem delegent iudicandas: alioquin subreptitiæ, irritæque censeantur non illis, sed aliis mandatæ commissiones. Hi vulgo *iudices* appellantur *synodales*. Nimia quidem synodorum raritas fecit, vt S. Congregatio Concilii Tridentini interpres dubitantibus ea de re episcopis responderit consultissime subrogationem non vnius vel alterius, sed omnium eiusmodi iudicum ab episcopis esse cum Capituli consilio faciendam. Tam prouidam legem frustrata est sæpissime non minus negligentia episcoporum in eis eligendis, eorumque nominibus Romano Pontifici, quod iussit etiam Tridentinum, significandis, quam abusus protonotariorum non participantium. Istis tanquam in ecclesiastica dignitate constitutis, licet immerentibus, ineptisque plerumque ad ius dicendum, quia inconsulto ipsi creantur; causarum iudicia ab Romana Curia delegari consueuisse, abhorrens optimus Papa Benedictus XIV (b), antedictas Bonifacii VIII, Patrumque Tridentinorum constitutiones innouauit, quatenus episcoporum singuli idoneos, probosque iudices vel in synodo vel extra cum consilio Capituli eligant omnino quatuor, pluresque pro diocæsis amplitudine; eorumque nomina summo Pontifici, eiusque supplicum libellorum Secretario renuncient, vigilaturo, aliis ne inde in posterum causæ committantur. Idemque docet (c) non adeo necessarium episcopo esse Capituli consilium in sub-

LII 2

ro-

(a) Trid. sess. 25 de reform. cap. 10.

(b) Bened. XIV in ep. encyclica die 26 Augusti 1741, seu *const. quamvis paterna* 28 to. 1 Bullarii eius, regio placito monita die 6 No. 1741.

(c) Bened. XIV *lib. 4 de Synod. diocæs. cap. 5 num. 5.*

rogandis iudicibus, perinde ac synodi in eisdem eligendis, ut illud sequi omnino debeat: sed sufficit ipsum exquirere.

V. Duobus potius, tribusve, quam vni causas delegare solet Curia Romana, iisque in solidum cum clausula, quod si omnes interesse nequiverint vel noluerint, unus vel duo procedere valeant (a). Hac si omissa clausula iudicium pluribus sit simpliciter, quod rarius fit, commissum: ita omnes debent vna procedere, ut vnius sententia nil valeat (b), nisi vnus alteri suas coniudici vices mandauerit (c). Aliis hoc quippe casu delegatus a Pontifice nequit, nisi collegis subdelegare (d): nam vbi defecerit vnus, alteri, alitue simul delegatis munus superest obeundum (e), præterquam in casu mortis (f).

VI. Officium delegati iudicis est ad formam litteris delegationis præscriptam servato iuris ordine munus exequi diligenter, mandatæque fines iurisdictionis nullo egredi pacto: quum ita prorsus irritum habeatur, quicquid vel præter vel contra tenorem accepti mandati, iurisque ordinem agere tentaverit (g), ut nec partium etiam consensu ad alias, quam a delegante designatas res*, personasque mandata possit iurisdictionis prorogari (h). Primum itaque delegatus partes coram se in ius vocaturus suis eas litteris faciet certiores nedum de integro acceptæ delegationis tenore; eo enim tacito parere citati non coguntur (i): sed etiam de loco audientiæ suæ intra spatium viginti milliarium, quod vnius legitimæ diei est iter, designando, quum longius distantes trahi ad delegati

(a) *Cap. prudentiam 21, cap. super 23, & cap. licet 30 de off. deleg.* Eiusmodi morem ius civile præciuit in l. *proponatur 76 D. de iudiciis*. Eo casu apostolicas delegationis litteras solet vni ex pluribus delegatis, quem maluerit, pars exhibere; tum, si ille abnuerit, vel eiorabitur ab adversa parte, aliis quoque singillatim.

(b) *Cap. causam 16 de offic. deleg.*

(c) *Cap. quamvis 7 eod. tit.*

(d) *Cap. coram 34 eod. tit.*

(e) *Cap. licet 30 eod. tit.*

(f) *Cap. vno 42 eod. tit.*

(g) *Cap. ex parte tua 13, cap. prudentiam 21 eod. tit. & cap. cum dilecta 22 de rescriptis.*

(h) *Cap. P. & G. 40 de offic. deleg.*

(i) *Cap. cum in iureperitis 31 eod. tit. & gl. in can. si episcopus 3 qu. 2.*

gati iudicium nequeant (a). Deinde iurisdictionem sibi mandatam partibus rite auditis exercebit, omnia, quæ ad causam spectent, cognoscens (b): contumacem æque puniet ac iudicato non parentem licet prælatum; locique Ordinarium coercet pœna vel legibus indicta vel arbitraria (c), etiamsi id non expressum litteris delegationis fuerit; legitimas discutiet exceptiones (d), omnesque causæ adnexos quum incidentes, tum emergentes articulos. Nam vna cum iurisdictione cetera omnia, sine quibus explicari ea non potest, intelliguntur esse commissæ (e) usque ad sententiæ diffinitivæ prolationem aut executionem.

VII. Expirat sane iurisdictionis iudicis ab ordinario, aliove inferiori magistratu delegati, statim ac sententiam is pronunciauerit (f). Secus a summo Pontifice, supremoque Principe delegati, quippe qui potest, id si eo requirente iudex ordinarius noluerit vel nequiverit; sententiam suam executioni demandare, sibi que ea in re resistentes coercere (g), nedum intra quadrimestre, quod reo ad soluendum debitum lex indulget; sed usque ad integrum annum (h). At semel hic suo functus officio vel executâ sententia, vel executione ordinario remissa, omni destituitur auctoritate (i), quam semel dimissam partibus vel consentientibus nequit amplius resumere (l). Præterito quoque tempore ad definiendum constituto, illud nisi communi partium consensu prorogetur, cessat delegatio (m). Quemadmodum & si vnus ex pluribus

sim-

(a) Ex Bonif. VIII textu in *cap. statutum de rescriptis in 6*; tamen antea Innocentio III placuerat, ut partes duorum dierum iter, seu quadraginta miliarium suscipere non adigerentur ad se coram delegato silendum.

(b) *Cap. præterea 5 de off. deleg.*

(c) *Cap. de causis 4, cap. si quando 8, & cap. sane eod. tit. cap. quia 2 eod. tit. in 6.*

(d) *Cap. ex parte tua 13 eod.*

(e) *Cap. suspicionis 39 eodem.*

(f) *L. a diuo Pio D. de re iudicata, & l. iubere D. de iuris. omn. iudic. & gl. in cap. signis 4 de for. compet.*

(g) *Cap. significasti 7 de off. delegati.*

(h) *Cap. quærenti 26 eod. tit.*

(i) *Cap. in litteris 9 eodem.*

(l) *Cap. significantibus 38. eodem.*

(m) *Cap. de causis 4, & cap. consuluit 24 eodem tit.*

simpliciter delegatis mortem obiuerit (a), antequam collegis vices suas demandaret (b), nisi aliter delegans mandasset. Delegatio tamen facta non personæ, sed dignitati (puta episcopo vel vicario generali, primæve dignitati alicuius ecclesiæ; & quoties expressis locorum, non personarum nominibus ea prodierit) transit ad successorem (c). Delegantis etiam morte, ea si re integra, hoc est ante incæptum a delegato iudicium contigerit, extinguitur delegatio (d): secus est, si post cæptum citatione saltem negotium, eoque magis post litem contestatam, quæ iurisdictionem citantis procul dubio perpetuam efficit, mors illius sequatur (e).

VIII. Recusare suspectos partium alterutra delegatos, quos altera sibi pars habuerit cognatos, affines, familiares, aduocatos, collegas (f), profecto potest initio litis: post litem vero contestatam nonnisi ex nouis, quæ prodierint, suspicionum causis (g). Hæ tamen in vtroque casu an vigeant, militentque; iudicio arbitrorum, qui auditis partibus ea de re cognoscant, definitur (h). Eorum deinde censura fiet, ut suspecti mandata iurisdictione abdicentur, non suspecti eam deinceps exercent (i).

IX. Ad delegantem, eiusve successorem a delegati sententia appellare licet (l). Et quamuis supremi Principis, a quo appellare nefas, imaginem referat delegatus ab eo: nihilominus ad eum ipsum ab eius delegato appellationem leges indulgent (m). Quum vero delegatus pontificius totam in alium suam transtulerit iurisdictionem: non ad eum, sed ad delegantem prouocabitur Pontificem. Siquid autem sibi iurif-

(a) *Cap. vno delegatorum 42 de offic. deleg.*

(b) *Cap. licet undique 30 eodem.* (c) *Cap. quoniam 14 eod.*

(d) *Dicto cap. licet undique 30 eodem.*

(e) *Cap. relatum 19, & cap. gratum 20 eodem.*

(f) *Cap. 17, 25, 35, & 36 eodem.* (g) *Cap. 25 eodem.*

(h) *Cap. suspicionis 39 eod. tit.*

(i) *Cap. secundo requiris 41 §. tertio de appellat.*

(l) *L. quod dicitur 1 D. quis a quo appelletur.*

(m) *Constantin. in l. eos etiam 16 C. de appellat.*

iurisdictionis subdelegans referuauerit, ad ipsum tunc poterit appellari (a).

X. Reliquum est, vt pauca de *conseruatoribus* iudicibus inter Sedis apostolicæ delegatos utique censui delibentur. Eorum munus est, quod ipso nomine significatur, tueri a manifestis iniuriis & violentiis (b) priuilegia, bona & iura exemptorum: puta regularium vel Capitulorum ecclesiarum vel vniuersitatum; collegiorumque, Sedi apostolicæ immediate subiectorum. Eis autem non licet præscriptos *conseruatoris* litteris fines mandatæ conseruationis egredi, aut transilire ad iudiciariam causarum cognitionem (c); alias per annum ab officio suspenduntur; nec vllum habere tribunal erectum; nec impedire, quominus in causis criminalibus & mistis episcopus, aliæque superior loci ordinarius in eos, quibus conseruator datus ab apostolica Sede sit, procedat; neque eorum debitores ad iudicium coram se in causis ciuilibus trahere, quamuis possit in eosdem creditoribus postulantis iudicium exercere (d).

XI. Non alios ad Conseruatoris officium, quam episcopos vel abbates vel dignitatem, personarumque in cathedrali aut collegiata ecclesia habentes, deputandos fore fanciuit Bonifacius VIII; qui tamen sub eorum iurisdictione, dominique aut ecclesiastico, aut temporali, quos tueri debent, Regibus, Reginisque duntaxat exceptis, non consistant: eosque suas nemini vices subdelegare posse, id nisi litteræ delegantis expresse indulerint (e). Eiusmodi litteras vltra quinquennium non suffragari decreuit Tridentinum. At isthoc suo noluit canone vniuersitates studiorum generales (f), nec collegia do-

(a) Cap. super 27 §. porro de off. deleg.

(b) Innoc. IV in cap. 1 de off. deleg. in 6, & Trid. sess. 14 de reform. cap. 5.

(c) Bonif. VIII in cap. hac constitutione ult. de off. deleg. in 6, & cit. cap. 1.

(d) Ex Trid. loc. cit.

(e) Cap. ult. de off. deleg. in 6.

(f) Exemplo sit Vniuersitas Auenionensis, cui priuilegium fori seu Conseruatoriæ, eiusque Primicerio et iudicibus conseruatoribus in magistris, do-

doctorum seu scholarium, nec regularia loca, nec hospitalia hospitalitatem seruantia comprehendere, nec personas eorundem, vt plena semper ab Ordinariis exemptione fruuntur. Easdem constitutiones innouarunt Clemens VIII (a), Gregorius XV (b) & Innocentius IX (c).

XII. Regularium quidem ordines, nonnullaque vniuersitates & collegia ecclesiastica quum privilegio fruuntur eligendi sibi conseruatorem iudicem, eum ex coetu synodali iudicum cuiusque dioecesis desumere non tamen in synodo debent, eiusque electionem intra sex menses loci ordinario significare: alioquin declinare ipsius ordinarii forum nequibunt (d). Quoad vero synodales omnino defecerint, poterit interea in conseruatorem eligi, qui dignitate & qualitatibus a Bonifacio VIII requisitis præcellat [e], a suscepto abiturus munere statim post synodales in synodo iudices designatos. Cuiusque dioecesis finibus adeo circumscripsit conseruatoris potestatem Gregorius XV, vt extra illam nequeat extendere, nec vnus in duabus dioecesibus eiusmodi munus obire; eamque ob rem illud suam extra dioecesim episcopus suscipere prohibeatur (f).

T I T. XXVI.

De vicariis generalibus episcoporum.

- 1 *Episcopus quisque suas alii potest vices mandare ex communi iure.*

2 Or-

doctores, licentiatos, baccalaureos, scholares et ministros indulgere Ioannes XXIII; alique Pontifices, & nuper confirmauit Benedictus PP. XIV. in bulla *bonarum artium* 142, to. 1 Bullarii sui. (a) *Confl. 3. in Bullarii magni* to. 3.

(b) *Confl. 9 to. 4 Bull. pag. 80.* (c) *Confl. 32, to. 5 Bull.*

(d) Quod iussit cit. *confl. 9 Greg. XV, to. 4 Bullarii pag. 80.*, et docet Benedictus XIV lib. 4 de *Syn. diac. cap. 6.*

(e) *Nidus de Conseruatoribus cap. 3 par. 7 num. 7.* Fagnanus in *cap. sane* 11 num. 33 de *off. iud. deleg.* & in *cap. si clericus num. 57 de for. compet.* Petrus Maria Forti Soc. Iesu in *tract. de Iudice Conseru.*

(f) Id Sacra Congr. decreuit in Nullius Altimari die 3 Aug. 1715, laudata a Bened. XIV. loc. cit. num. 4, Passerin. in *cap. hac constitutione de off. deleg.* in 6 num. 161 in fin.

- 2 Ordinis potestatem scilicet nonnisi episcopis.
- 3 Iurisdictionem archidiaconi olim, nunc mobilibus ad nuntum officialibus committunt episcopi.
- 4 Vicarius generalis plerumque in Italia inscribitur etiam locumtenens & officialis, alicubi distinguitur a locumtenentibus & auditoribus pro locorum consuetudine ac præsulum arbitrio, qui possunt vicarium sibi non creare, nisi urgeat necessitas.
- 5 Dignitatem hic, scilicet honorem cum iurisdictione proculdubio habet.
- 6 Iurdictio ipsius ordinaria potius quam delegata putatur.
- 7 Episcopi iurdictio non tota in vicarium fere transit; quum multa is obire sine speciali mandato nequeat.
- 8 Hocce mandatum debet ex episcopalibus litteris, antequam exceptæ res gerantur, liquere: post eas gestas fere præsuntur.
- 9 In causis officii ordinariis a vicario ad episcopum non appellatur, secus in ceteris mandatis ei speciatim.
- 10 Recusato episcopo suspectus quoque vicarius præsuntur; non e contrario.
- 11 Ab officio vicarii arcentur laici, clericique coniugati, digami, diocesani, parochi simul & canonici pœnitentarii, & non doctores.
- 12 Plures unus episcopus vicarios habere in diœcesibus amplis potest, & quandoque debet in ecclesiis unitis statueri, sicuti & latinus episcopus græcum alterum pro subditis Italogræcis.
- 13 Extra diœcesim nequit vicarius suam exercere iurisdictionem sine speciali mandato.
- 14 Foranei per diœcesim vicarii nullam fere sine speciali mandato iurisdictionem habent.
- 15 Sed onus tantum inquirendi mores clericorum, atque ad curiam episcopalem denunciandi. Siquando causas modicas ex more, vel mandato indicant, ab iis ad generalem vicarium recte appellatur.

IVra quum indulgeant cuius dignitate prædito vicarium habere, omnes eius vices gerentem (a): factum est vt singuli episcoporum *generali vicario* suo suam qua contentiosam qua voluntariam mandare iurisdictionem consueverint generali commissione officii ad negotia quum temporalia tum spiritualia vice eorundem, qui mandant, expedienda in episcopali foro.

II. Ordinis episcopalis potestatem nonnisi episcopis possunt episcopi mandare. Quod episcopus vicinus auxilia præstet pontifici infirmo, quousque conualuerit, Nicolaus I rescriptit Albino Ianuensi archiepiscopo (b). Tridentinum episcopis titularibus permittit in alterius diœcesi cum expressa diœcesani licentia obire munia episcopi (c). Tum S. Congr. Conc. die 6 Junii 1605 postulante archiepiscopo Arborensi censuit, vt aliquem is titularium episcoporum inueniret, cuius opera & auxilio vteretur: sed non esse nouum ob id episcopum titularem creandum (d).

III. Archidiaconi olim sæpius, quam chorepiscopi, plebani, decaniue (e) iurisdictionem in iudiciis ecclesiasticis mandatam ab episcopis habuere, eamque aliquando sub annuo censu (f). At processu temporum eam sibi suo iure vindicare conati, spreto episcopalis mandati beneficio, quum se

vi-

(a) Huc spectat rubrica C. de officio eius, qui vicem alicuius vel Præsidis obtinet. Paulo itidem isto in l. vicarius 13 D. de legationibus, visus est vicarius alieni muneris oluntate sua legationem suscipere. Nam legatorum nomine vicarius designari patet ex tit. D. de legationibus, & l. 1 D. de tutor, & curat. dat.

(b) Nic. I in can. pontifices 4 C. 9 qu. 1.

(c) Trid. in cap. & quoniam 2 sessi 14 de ref.

(d) S. Congr. Cont. apud Fagnan. in cap. 1 de privilegiis num. 50.

(e) Archidiaconos, alioque prelatos de negotiis ecclesiasticis iudicantes commemorat Eugenius III in cap. ducimus 2 de iudiciis. Plebanum S. Pancratii Alexander III in cap. cum ecclesiarum 3 de offic. iudic. ordin. Chorepiscopos S. Leo I in can. quamuis 4 dista 67, & Concilium Africanum in cap. 1 de parochiis.

(f) Quem abolerit Alexander III in cap. 1, & seqq. ne prelati vices suas sub annuo censu concedant, lib. 5 Decretal. tit. 4 & Trid. in cap. magnam 11 sess. 25 de ref.

vicarios natos, perpetuosque ostendissent: promerere, ut ab ipsis archidiaconis, ceterisque cathedralium dignitatibus perpetuis ad vicarios temporaneos, mobilesque ad nutum pertransiret mandata sub reuocabili conditione episcoporum iurisdic-
 tio, quam ipsi mandantes limitare vel auocare ad semetipsos pro libito possent.

IV. Vario autem vocabulo dictus est modo *missus* (a), modo *suffectus* (b) & *substitutus* (c), modo *ordinarius* (d), vel *officialis* (e), tandem *vicarius generalis*. Hocce vocabulum in Italia, insulisque adiacentibus frequentissimum, vilitatumque in quotidianis Romanæ Curie litteris: illud vero *officialis* apud Hispanos, Gallos, Germanos, Polonos, ceteros ultra maria & montes vilitatius ex eiusdem Curie stylo (f). Veruntamen solent pleraque forensium, litterarum inscriptiones in regno præferre triplicem titulum locumtenentis, officialis & vicarii generalis: tametsi in archiepiscopali Curia Neapolitana locumtenens nunc duplex, alter ad ciuilia, alter ad criminalia iudicandum præsidet seiunctim a vicario generali. Atque in Belgio, vicinisque diocesisibus *officialis* etiam ab episcopi vicario distinguitur. Nonnullique episcoporum auditorem causarum præter vicarium creant, tanta ei, quantam velint, mandata iurisdictione. Hinc seruanda non modo cuiusque loci consuetudo, sed voluntas etiam episcopi, cuius est suam vni vel pluribus officialibus mandare aut distribuere iurisdictionem, vel nemini. Potest enim episcopus iure peritus & idoneus per semetipsum ius reddere (g), vicario sibi non deputato; nisi hunc deputandum necessitas postularet diocesis (h).

M m m 2

V. Ad

(a) Cap. accepisti 1 de frigidis.

(b) Cap. fin. de suppl. negl. prel.

(c) Clem. 1, & 2 de hereticis.

(d) Gl. in cap. Romana de appell. in 6.

(e) Bonif. VIII in cap. licet 2 de offic. vic. in 6, & Clem. etsi principalis officialis 2 de rescriptis.

(f) De quo Mandolus ad Reg. Cancell. qu. 6 nu. 10, Sbroz. de offic. vicar. lib. 1 qu. 2 num. 10.

(g) Ex supradictis iur. XVIII. num. 18.

(h) Rota apud Puteum decif. 43 lib. 2, Mohedan. de offic. Vicar. dec.

V. Adnexam officio vicarii episcopalis dignitatem, quæ non aliud, nisi honor cum iurisdictione aut administratione aliqua esse definitur, indicat consuetudo apostolicarum delegationum. Quum enim eas nonnisi personis in ecclesiastica dignitate constitutis mandari cautum sit (a): Concilium Viennense decrevit (b) posse ad principalem officialem episcopi, seu vicarium generalem vtiq; dari, quemadmodum in dies recepte dantur ab Romana Curia. Quandoquidem nedum iurisdictione sed honore etiam dignitati ecclesiasticæ debito potitur: quum in synodis, processionibus & choro omnes præcedat canonicos & dignitates, archidiaconum quoque, adiens vel in consueta; fixaque (c), vel in mobili & aduentitia sede (d): nisi canonicus item vicarius esset, velletque distributiones lucrari, tunc enim in stallo suo cum veste canonicis communi debet inter eos sedere ac procedere.

VI. Iurdictio autem potius ordinaria esse, quam delegata ex eo putatur, quod accepta generali commissione officii licet mobilis possit vicarius ipso canonum iure, quæ sunt iurisdictionis ordinariæ fere cuncta exercere, causasque omnes ad episcopale iudicium pertinentes cognoscere (e): non aliter quam legatus apostolicus ordinaria potitur iurisdictione, tametsi pontificias gerit vices, Pontificis nutu & arbitrio reuocabiles (f). Delegatum porro nonnisi expresse man-

4, Causale. decr. 418. Olim per sese episcopi ius dicebant in foro externo, nulla necessitate adacti vicarium sibi constituendi; at processu temporum sacris canonibus consulto imperatum vt episcoposum quisque sibi generalem vicarium adsciret in spiritualibus & temporalibus, qui potiora oneris episcopalis ferret. Id quod fusc ostendit Altaferri lib. 7 de iurisd. eccl. cap. 4.

(a) Bonif. VIII in cap. statutum 11 de rescript. in 6, cum concordantibus in superiori titulo traditis num. 4. (b) Clem. 2 de rescriptis.

(c) Nicolius in flosculis ver. vicarius, Leutenius de vicar. tr. 1 cap. 1 quasi. 61.

(d) Ex decr. S. Congr. Rit. in Nucerina 18 Decem. 1579, Sbroz. de off. vic. lib. 1 qu. 25 num. 20.

(e) Cap. 2, & 3 de offic. vicarii in 6, & cap. petitio 9 de procuratoribus. Videtis dicta inferius lib. 3 tit. 7 de causis fori ecclesiastici, tit. 9 de ordinario & proprio cuiusque foro ecclesiastico.

(f) Clem. IV in cap. legatos 2 de offic. leg. in 6.

datas sibi res exequi posse, patet ex iam dictis superiori titulo (a). Aliqua tamen difficultas hæret in eo, quod legatorum potestas post legantis Pontificis obitum perduret tanquam ordinaria. Sed vicariorum perinde obeuntibus episcopis, atque mortuis delegantibus ea delegatorum quum expiret continuo (b): alii exin delegatam vicariorum iurisdictionem esse contendunt. At vero istæ vicarii cessatio non ad ius delegationis, sed vtiq; ad immediatam Capituli cathedralis successionem, cui canones defuncti episcopi iurisdictionem addiunt, referenda est.

VII. Non tota nihilominus episcopi iurdictio ad vicarium generali commissione officii transfertur: quum multa sint, quæ, nisi ei episcopus speciatim litteris patentibus mandauerit, is facere non potest. Quandoquidem sine mandato speciali criminales causas non cognoscit, nec matrimoniorum, nec quaslibet alias episcopo soli delegatas (c): tamen quæ episcopo sine particula taxatiua, vel Ordinario loci mandat synodus Tridentina, ab iis gerendis vicarius minime excluditur (d). Non beneficia confert (e), nec iis permutandis vel vniendis (f), erigendisue assensum impertitur (g): sed instituit præsentatos a patronis, causasque beneficiarias de *per-sinentia* vt aiunt, & quasi possessione iurispatronatus iudicat (h). Non visitat diocesim, nec synodum congregat (i): vno Papæ vicario solum excepto, cui facultas est diocesanam cum clero Romano synodum celebrandi (l). Non Capitu-

(a) L. & quia 6 D. de iurisd. omn. iudic. cap. relatum 19, & cap. gratum 20 de off. deleg. & cap. si delegatus 7 eod. tit. in 6.

(b) Cit. cap. licet 2 de offic. vicarii in 6.

(c) Trid. in cap. cause omnes 20 sess. 24 de reform.

(d) Genuenf. in praxi Cur. arch. cap. 1.

(e) Cap. cum in generali 3 de offic. vicarii in 6.

(f) Urbanus III in cap. quesitum 5 de rerum permutat.

(g) Can. nemo ecclesiam adificet 9 de consecr. dist. 1.

(h) Cap. ex frequentibus 3 de institutionibus.

(i) Trid. cit. sess. 24 cap. 20.

(l) Benedict. XIV lib. 2 de Syn. dioces. cap. 3 num. 4, vbi tradit bis ab vrbis vicario synodum iure suo coactam.

pirulum conuocat canonicorum, in eoque interesse non potest, nec ferre suffragium (a). Non absoluit a casibus episcopo referuatis, neque ab iis absoluendi facultatem largitur (b); neque dispensat ab irregularitatibus ex oculio crimine ortis (c). Nec monitoria excommunicationis ad finem reuelandi decernit (d). Dimissorias ad Ordines litteras, nisi episcopus in longinquis regionibus diurnam fecerit moram, non concedit (e). Eoque minus quæ sunt ordinis episcopalis gerere potest, videlicet ordines conferre, ecclesiis consecrare, chrisma conficere: quemadmodum nec insignia dignitatis episcopalis deferre; nec alieno permittere episcopo pontificalia exercere (f). Nec prouicarium substituit generalem (g): tamen causas nonnullas aliis delegare non prohibetur (h), id quod aliundeius ordinariæ iurisdictionis argumentum est (i). Metropolitani vicarius generalis quod præsentis archiepiscopo suffraganeos suspendere, interdicere, excommunicare ob gradus reuerentiam non debeat; secus si ultra duorum dierum iter absit archiepiscopus, sanxit Innocentius IV (l): tamen comminari præsentis etiam archiepiscopo censuras potest, non infligere (m).

VIII. Quod si dubitari aliquando contigerit, an mandatum istis de rebus exceptis speciale habeat vicarius, illud, antequam ex ab ipso gerantur, ostendi oportet: nanque talem

(a) *Trid. sess. 25 de ref. cap. statuit 6.*

(b) *Cap. si episcopus 2 de panit. & remiss. in 6.*

(c) *Trid. sess. 24 de reform. cap. liceat 6.* (d) *Idem sess. 25 de ref. cap. 3.*

(e) *Cap. cum nullus 3 de tempor. ordinat.* (f) *Ex antedictis num. 2.*

(g) *Cap. clericos 4. de off. vicarii, Ciron. in paratitl.*

(h) *Gonzalez in cap. si pro debilitate 3 de offic. deleg. num. 7.*

(i) *Ex l. more maiorum 5 de iurisd. omni. iudic. ubi Iulianus Ictus, is demum, ait, iurisdictionem mandare possit, qui eam suo iure, non alieno beneficio habet.*

(l) *In cap. Romana 1 de offic. ordin. in 6.* Ex hoc textu male arguit Ventriglia part. 3 adnot. 14 num. 14 num. 39, vicario metropolitæ nullam omnino in suffraganeos iurisdictionem sine speciali archiepiscopi concessione esse sola officii sui ratione.

(m) *Card. Petra tom. 1 ad const. 29 Leonis IX num. 79, & S. Congr. Conc. in Massalutrensi iurisd. 26 Iunii, & 18 Septem. 1684.*

lem se quisque debet ostendere, qualem se dicit (a). Post eas vero gestas mandatum eiusmodi, ut acta ne facilius irritentur, praesumitur in dubio, nisi pars defecisse illud monstretur (b): eo vel maxime si praesens adfuisse episcopus, ubi ea gessit vicarius, quae fieri sine mandato expresso nequeunt: nam ex episcopali praesentia probe arguitur mandatum saltem tacitum (c).

IX. Hac rerum, causarumque differentia fit, ut in rebus ad ordinarium vicarii officium pertinentibus a vicario ad episcopum non detur appellatio (d), sed ad metropolitani, aliosque superiores: quum uterque vnum idemque tribunal faciant (e). Secus in aliis praeter generalem commisionem specialiter mandatis, quarum iudicium a vicario ad episcopum appellantes valent prouocare ac deferre (f).

X. Recusato ob suspicionem episcopo suspectus quum fere putetur vicarius (g), quoties ei non consentient partes: alium ei coniudicem partibus non suspectum adiungi debere, Gregorius XIII^{us} rescripsit (h). At versa vice vicario recusato episcopus poterit ad sese notionem & iudicium auocare, ut vel ipsemet procedat, vel illud alicui deleget.

XL Ecclesiasticis ordinibus vel prima saltem tonsura initiatum esse oportet, qui ad vicarii munus deligitur: quum absurdum sit laicos in ecclesia Dei iudicare (i), & ecclesiasticas,

(a) Gordian. in l. non ignorat 9 C. de his qui accus. non possunt.

(b) Barbof. de iur. eccles. lib. 1 cap. 32 num. 129.

(c) Arg. cap. nulli de elect. in 6 Mandatum vero Principis nonnisi per scripturam probatur, l. vii. C. de mandat. Princ. & cap. cum in iureperitus de offic. deleg. Germonius de indult. Cardin. §. tibi quoad vixeris num. 50, & seq.

(d) Cap. Romana ecclesia 3 de appellat. in 6. Quomodo ad praetorem ab eo, cui praetor mandasset iurisdictionem, lis non redibat, l. 1 §. 1 D. quis & a quo appelletur. Circa. in paratit. de off. vicar.

(e) Cap. non putamus 2 de consuetudine in 6, & cap. dilectis 55 de appell.

(f) Pellegrin. in prax. vicar. par. 1 sect. 2 subs. 4.

(g) Riminald. conf. 539, & Sperell. dec. 93.

(h) Quem laudat Card. Petra 10. 1 pag. 113 num. 149.

(i) Conc. Hispal. II in can. in nona actione 22 C. XVI qu. 7. Videfis infra lib. 3 tit. 9 num. 12.

flicas, spiritualesque censuras administrare. Ab eoque arcendos procul & coniugatos & digamos clericos monet Barbosa (a). Originarios iidem civitatis & diocesis, plerunque gratia, odio, proximitate suspectos (b). Parochos etiam, curamque animarum habentes, & Canonicos poenitentiarios licet externos (c). Imperitos tandem: quum nonnisi in vitroque aut saltem canonico iure doctores fore deligendos, rescripserit saepe S. Congregatio (d): nisi lauream, gradumque suppleret comperta viri peritia (e).

XII. Plures vni episcopo vicarios habere nedum lex nulla prohibet, sed necessitate quandoque adigitur, vel vbi duas simul unitas ipse regat dioceses (f), vel vnam longe lateque patentem (g), vel latinis simul & græcis subditis mistam. Quod enim ad causas Italogræcorum, quibus episcopus tantum latinus præsit, vicarium græcum ipse iisdem græcis gratum, eorum salario sustentandum deputare debet: atque in appellationis gradu metropolita latinus græcum similiter iudicem deligere (h).

XIII.

(a) Barbosa lib. 1 de iur. eccl. cap. 15, & seq.

(b) Ex sententia diui Caroli Borromæi probatissima, quam eius vitæ scriptor tradit lib. 7 cap. 36, & sequitur S. Congr. Episcop. in diem reclamantibus subditis rescribens ad episcopos, ii vt cive, diocesanoue dimisso extertum sibi vicarium adfiscant.

(c) Ex plurimis S. Congr. Ep. decretis apud Pellegrin. par. 1 cap. 1 num. 9.

(d) Lausata per Card. de Luca disc. 31 ad Conc. Trid. num. 14.

(e) Trid. sess. 24 de ref. cap. 16, vbi cautum, vt vicarius tam episcopi, quam Capituli saltem in iure canonico sit doctus vel licentiatu vel alias, quantum fieri poterit, idoneus.

(f) Reiffenstuel de offic. vic. §. 3 num. 3, & Vrsaya to. 2. disc. 16. num. 90, ex decreto S. Cong. Episcop. 17 April. 1705 commentum, præterita duplicis vicarii destinatione in amplioribus diocesium, vel duabus unitis, quam vterò fecerint episcopi, non adimi semper successoribus arbitrium vnius adhibendi: quam necessitas ex adiunctis potius locorum & personarum, quam ex rebus voluntarie gestis definienda sit. Archiepiscopus porro Acheruntinus & Materanus ex regis Potestatis placito iam necessitatem nuper subiit duos destinandi vicarios, alterum Acheruntiz, alterum Materæ residentem.

(g) Qualis est diocesis Caputaquensis, in qua alter vicarius episcopalis valli Diani præficitur, alter aliis circa urbem locis.

(h) Ex pontificiis litteris Leonis X, Clementis VI, ceterisque innonatis a Benedicto XIV const. eiss. pastoralis 57 de dogmatibus & ritibus Italogræcorum §. 9 num. 21, edita die 26 Maii 1742, tom. 1 Bullarii.

XIII. Tametsi voluntariam iurisdictionem permittunt iura episcopo vbilibet extra dioecesim (a): id tamen vicario generali non licere, nisi episcopus hoc ipsum ei mandauerit speciatim, recte obseruat Germonius (b). Nam Innocentius III rescripsit, quod *iurisdiclio vicarii, quem Romanus Pontifex in urbe relinquit, non extenditur extra illam; nisi ei specialiter sit concessum* (c). Et Gregorius X statuit, quod ordinarii collatores beneficia conferre valeant *santummodo per seipfos, vel ipsis agentibus in remotis per suos vicarios generales in eorum dioecesibus existentes* (d).

XIV. In singulis per dioecesim oppidis *foraneos* quoque vicarios quum soleat episcopus quisque deputare, eis quantam velit, iurisdictionem mandat: decet enim vt prælus quantumvis idoneus sua cum aliis onera partiatur (e). Hoc munereungebantur olim chorepiscopi (f), archidiaconi (g), archipresbyteri, decanice rurales (b), tanquam nati, perpetuique in vicis vicarii.

Tom. I.

N n n

(a) Ex supradictis tit. 18 num. 13.

(b) Germon. de indult. Card. §. tibi quoad vixeris num. 78.

(c) Inn. III in cap. sunt nobis 3 de off. vic.

(d) Greg. X in cap. statutum 4 de prob. & dignit. in 6.

(e) Synod. Rauenn. in cap. vt singule 4 de off. archipr. & Beatus Gregorius in cap. 6 de presum.

(f) De quibus nonnulla sunt delibata superius tit. 24 num. 23. Ferrandus Diaconus in breuiario cap. 79, ceteri canonum collectores vicarios episcoporum appellant chorepiscopos. Ab istis profluxisse vicarios foraneos putat Iuueninus de Sacram. dissert. 9 cap. 5 num 1.

(g) Sigerbertus in chronico de Damasco II, qui sedit XI seculo, scribens Damascus (inquit) Papa decreuit, nequid contra episcopos presumant archidiaconi, qui dicuntur chorepiscopi. Concilium Londinense an. 1237 decreuit can. 2, vt archidiaconi in suorum decanatum conuentibus sacerdotes maxime in his studeant erudire, docentes eos, qualiter circa Baptismum, Penitentiam, Eucharistiam, & Matrimonium debeant se habere, apud Spelmann. to. 2 collect. antig. pag. 222, Thomassin. de vet. & nov. ecl. disc. par. 2 lib. 3 cap. 76.

(h) Innoc. III in cap. adhuc 7 in fine de off. archidiaconi, commemorat decanos rurales, vices, officiumque gerentes vel episcopi solius, vel archidiaconi vrbani, vel vtriusque, quos vel alteruter vel vterque ad mandatum pro tempore, libitumque suum perinde statuerent, atque amouerent. Hoc in textu Emm. Gonzalez in notis ad ver. rurales interpretatur eos esse archipresbyteros.

carii. Quo autem tempore ab archidiaconis ad generales episcoporum officiales nutu mobiles transiit officium vicarii vrbani, eodem simul exorti videntur *officiales foranei*, quos nominatum memorat Innocentius IV in concilio Lugdunensi (a), & Clemens V in Viennensi (b). Nulla istos dignitate potiri sat innuit Clemens ipse ibidem constituens, ne a Sede apostolica, eiusue Legatis delegationes ad foraneum episcopi officialem, sed ad principalem tantum seu generalem dentur vicarium. Eamque ob rem eis nec primus locus in choro & processionibus, nec alia id genus prærogativa debetur.

XV. Præcipuum foranei munus est, episcopo renunciare mores clericorum, & qua quisque industria diuinum opus exercet (c). Eorundem delicta & crimina inquirere, & informationem, quoties præsul mandauerit, capere; eiusque omnium decretorum executionem sedulo procurare. Si alicubi civiles parui momenti causas fori episcopalis ex particulari potius, quam generali delegatione voluntaria episcopi, eiusue generalis vicarii cognoscant ac iudicent foranei: communis est vsu recepta sententia glossæ (d), vt ab officiale foraneo tanquam delegato ad delegantem episcopum appellatio detur. Adhæc accessit ex nouo Concordatorum (e) iure facultas impertiendi, quoties laicus magistratus postulauerit, episcopo & generali vicario absentibus, licentiam vt confusgæ, quos indicia ad torturam faciant exceptorum criminum reos

(a) *In cap. Romana 1 de off. ordinarii in 6*, vbi vetitum metropolitanis, ne in diocesis suffraganeorum foraneos haberent officiales.

(b) *Clement. 2 de rescriptis*. (c) *Cit. cap. 4 de off. archiepiscop.*

(d) *Gl. in cit. Clement. 2 de rescriptis ver. foraneo*. Fallitur profecto Germanus lib. 1 animaduers. cap. 7 adstruens ordinariam in foraneo iurisdictionem, negansque posse ab eo ad episcopum, quod in diem fit, appellari. Vicarius foraneus Martinæ intra Diocesim Tarentinam ex moribus antiquissimis quum omnes in primo gradu causas cleri Martinensis nedum civiles, sed etiam criminales in primo gradu cognoscere memoria nostra consueuisset, in secundo eas ad archiepiscopalem Tarenti Curiam deferabant passim appellantes: tamen iudicium Romanæ Curie, regio placito comprobato, ceteris foraneis Martinensem vicarium, obrogata consuetudine, æquauit nuperissime.

(e) *Concord. cap. 2 num. 1, 2, 24, & 25*.

reos, sacro extrahantur a silo, curiæque seculari tradantur, præstita in scriptis obligatione illos ad ecclesiam restituendi, ubi eos ecclesiastica immunitate gaudere definitum rite fuerit. Simul adimendi confugis arma implorato, quatenus opus erit, brachio curiæ secularis; vel ipsimet curiæ extrahitionem armorum permittere. Quemadmodum & indulgere, ut ea in locis immunibus quibuslibet, præterquam in monialium claustris & conservatoriis, perquirat res quaslibet vel furto vel contra banna vel a contumacibus, aliisque in Fiscis fraudem additas. De his autem alibi opportunius.

T I T. XXVII.

De Vicario capitulari, & apostolico.

- 1 Cathedralis ecclesiæ Capitulum instar senatus episcopalis olim per sese, vel per vicarios ad libitum episcopalem iurisdictionem Sede vacante administrabat.
- 2 Ex Tridentina lege nunc debet omnino intra octo dies vicarium eligere capitularem: alias ad metropolitanum, vel ad antiquiorem episcopum in metropolitana, vel proximiorum in exempta deuolvitur electio.
- 3 In vicarium semel electum tota iurisdictione transfertur irrevocabili conditione.
- 4 Eaque ipsius, quam vicarii episcopalis, prælatique inferioris est amplior.
- 5 Nam iure suo vicarius capitularis procedit in causis matrimoniorum, & criminalibus, immunitatis localis, & censurarum, virtutes & miracula servorum Dei inquirat, concursus ad curas animarum peragat, beneficia communis episcopo & Capitulo collationis confert, visitat post annum diocesim, & synodum celebrat.
- 6 Quæ vero ad delegatam episcopi iurisdictionem spectant, is tractare nequit.
- 7 Neque ad episcopalem ordinem. Vix dimissorias ad ordines

- nonnisi arctatis, qui repulsam a defuncto episcopo passus non sint, cum consensu pleni Capituli potest nunc dare.
- 8 Nec non exteris episcopis facultatem pontificalia exercendi in vidua diocesi indulgere.
- 9 Nil de iuribus episcopi innouaturus res ecclesiæ nequit alienare, nec unire, suppressere, permutare beneficia, nec patronatum reservare.
- 10 Emolumenta Curiae deductis expensis & mercedibus necessariis vel nouo reservat praelato in regijs ecclesiis, vel Camera apostolicæ in pontificiis.
- 11 Rationes ob id cogitur successori episcopo reddere ministerii sui.
- 12 Post obituum Sedis vacantis electionem vicarii a Capitulo re integra gestam, antequam a metropolitano, vel vicinior ea fiat, probam habent.
- 13 Metropolitana Sede simul & suffraganea vacantibus Capitulum metropolitani suffraganeæ vicarium deputat.
- 14 Metropolis, vel proximior episcopus aut antiquior si vicarium non elegerint, vicarius apostolicus vacanti ecclesiæ præficitur: idemque si datus viuo episcopo sit, post ipsius obitum in ea regenda perseverat.
- 15 Ut actiuo eligendi iure omnes Canonici, ita passiuo iure consulti inter eos fruuntur: idoneique gradum doctoris non adepti cum voto assessoris procedunt.

Quod vniuersi cleri officium priori æuo fuit, coadiuvare quum consiliis tum opera episcopum suum in ecclesiastico regimine, viduatamque ecclesiam vice præsulis vel defuncti vel captiui vel aliam ad Sedem translati vel se abdicati vltro vel depositi, gubernare secundum antiquos mores, canonesque (a): idipsum recentiori iure Capitulis cathedralium reueruatum est. Et quamuis in obscuro
nunc

(a) Videbis dicta superius tit. 13 de Cardinal. num. 2, & in not. lit. a.

nunc ferme iaceant Capitulorum prærogativæ, nam eorundem consilia fere missa faciunt episcopi & contemnunt, quotiescunque rem non communem ecclesiæ nec capitularem pertractent: tamen mortuis vel quomodolibet deficientibus præfulibus, quoad successores rite ordinati instituuntur, sinque possessionem Sedis adepti, primæum cuiusque Capituli ius reuiuiscit continuo & splendet. Ipso enim iure Decretalium tota episcopalis iurisdiclio non minus contentiosa quam voluntaria in spiritualibus & temporalibus ad Capitulum Sede quomodolibet vacante deuoluitur. Eamque idemmet Canonico collegium, senatus ecclesiastici munia gerens, per seorsum plerunque administrare olim consuevit, per vicarium raro atque ad libitum, ad Tridentina vsque comitiâ (a).

II. Quum autem vt in consiliis turissima quæque plurium auctoritas, ita sit arbitrium vnus in regimine validissimum: hæc utilitatis publicæ ratio postulauit, vt potestas Capituli nonnisi ab vno vicario, vnius prælati locum tuente, administraretur. Quare cautum a Patribus Tridentinis (b) est fecitissime, vt *Capitulum Sede vacante officialem, seu vicarium infra octo dies post mortem episcopi constituere, vel existentem (puta qui episcopi gerebat vices) confirmare omnino teneatur, qui saltem in iure canonico sit doctior vel licentiatior vel alias quantum fieri poterit idoneus; si secus factum fuerit, ad metropolitanum deputatio huiusmodi deuoluatur. Et si ecclesia ipsa metropolitana fuerit: tunc antiquior episcopus ex suffraganeis in metropolitana, & propinquior episcopus in exempla vicarium idoneum possit constituere.*

III.

(a) Seculo XI B. Petrus Damiani ad Fauentinos scribens ep. 10 lib. 5 ait. *Quia per Dei misericordiam industrios inter vos clericos ac prudentes & literatos habetis, si placet, vnus ex eis eligatur, qui ad exequendum hoc negotium utilior inuenitur: cui nimirum cura ac sollicitudo totius episcopatus possit imponi, ac per eum omnia necessitatis ecclesiasticæ negotia debeant ministrari.* Sub initio seculi XIV viguisse communem Capituli administrationem indicat Bonifacius VIII in cap. si episcopus 3, & cap. ecclesie 4 de supplicia neglig. prælat. in 6.

(b) Trid. in cap. Capitulum Sede vacante 16 sess. 24 de reform.

III. Huius vigore decreti Capitulum vetusta iurisdictione sua fungi quum prohibeatur: illam ei communi Canonicorum consilio, non archidiacono soli, obire vsque ad vicarii capitularis electionem vix conceditur (a). In electum porro vicarium tota omnino potestas Capituli adeo transferretur, ea vt nulla reservatione nunc limitari, nec conditione suspendi, nec communi dissensu reuocari vnquam valeat, nec remoueri, nisi id ex causa decreuerit S. Congregatio Episcoporum nulliusque prorsus momenti habeantur restrictiones, conditionesque in litteris etiam patentibus adiectæ (b). Nul-loque is indiget speciali mandato in iis etiam explendis, quæ sine tali mandato vicarius episcopi nequit obire: quum generalis officii commissio sufficiat (c).

IV. Maiorem vtique illa, qua prælati inferiores, vicarii-que episcoporum generales iure vtuntur ordinario, iurisdictionem obtinet vicarius capitularis & spiritualement & temporalem, tanquam loci ordinarius & propastor in cunctis ad episcopum iure ordinario pertinentibus, etiam si communiuerint istud aliquando vel excitauerint auctoritate Sedis apostolicæ delegata leges Tridentinæ.

V. Quandoquidem cunctas matrimoniorum etiam & criminum causas (d) episcopo soli reservatas, a quibus cognoscen-

(a) Card. Petra *to. 1 ad const. 2 Leonis IX num. 32, & seq.* vbi monet, quod Archidiaconus sine speciali privilegio nequeat solus totius Capituli iurisdictionem, quousque vicarius non deputabitur, exercere.

(b) Quod sæpe recentioribus decretis Romanæ Curie, & S. Congr. Conc. definitum est: secus erat ex antiquis. Capitulo ius nunc non esse deputandi visitatorem diocesis a vicario diuersum, S. Congr. declarauit apud Gallemart. in eodem *cap. 16 sess. 24 verb. officialem*.

(c) Ex probabiliori sententia Gutierrez, Garciz, Molinæ, ceterorum, quæ validioribus, quam contraria Barbozæ, rationibus fulcitur apud prælaudatum Benedictum XIV *lib. 2 de syn. dioces. cap. 9 num. 3, & seq.*

(d) Dubitatum quum esset, an vicarius Capituli contra Canonicos cathedralis & collegiatarum deberet cum adiunctis Capituli deputatus procedere ad formam *cap. 6 sess. 25 de ref.* S. Congregatio die 31 Martii 1553 censuit, si episcopo fuisset auctoritas procedendi sine adiunctis, id etiam posse vicarium capitularem, alias secus, apud Gallemartium *loc. cit.*

scendis prælati arcentur inferiores (a), diiudicat vicarius capituli (b). Similiter quæstiones de locali confugarum immunitate, quas episcoporum, non inferiorum iudicio definiendas relinquat ius Concordatorum (c). Processus de facta virtutum, miraculorumque servorum Dei nedum ordinaria conficit auctoritate, sed delegatam quoque ab Sede apostolica litteris remissorialibus solet ad eam rem accipere (d). Simul a censuris siue a iure siue ab homine latis, non aliter quam vivens episcopus, absoluit (e). Vicissim excommunicat, censurasque infligit; monitoria quoque excommunicationis ad res deperditas reuelandum edicit (f). Quod autem ad beneficia, vicarios idoneos curis animarum vacantibus deputat, & concursum ad parochiales indicit, celebratque (g); præsentatos a patronis instituit (h); eaque beneficia, quorum collatio ad Capitulum una cum episcopo pertinet, ob accrescendi seu non decrescendi ius consert (i), quoties in quatuor Ordinarii mensibus vacaverint: secus alia ad solam episcopi collationem liberam spectantia (k). Visitat post annum a postrema visitatione dilapsam, accipiendo medietatem procurationis, pecuniæque pro ea transactæ, quæ solui episcopo con-

(a) Ex supradictis tit. 24. num. 9.

(b) Pellegrin. in prax. Vicar. par. 1 sess. 4 subsect. 2 num. 18.

(c) Concord. an. 1741. cap. 2 art. 8.

(d) Ex traditis a Benedicto XIV in opere absolutissimo de caponiz. Sanctior. lib. 2 cap. 2 num. 2, & de synod. dioces. lib. 2 cap. 9 num. 2.

(e) Bonif. VIII in cap. vn. de major. & obed. in 6. Idipsum inferiori Prælati non licere, monet gl. ibidem verb. Sede apostolica.

(f) St. Quaranta in sum. Bullar. verb. Capitulum Sede vacante, & Genueensis in pr. Cur. archiep. cap. 87.

(g) Pellegrin. loc. cit. num. 16. Ad vicarium capitularem quod spectet illa omnia obire, quæ ex concilio Trid. pertinent ad episcopum occurrente vacatione parochialis secundum cap. 18 sess. 24 de res. & vicarios idoneos curis animarum deputare, tum edicta ad concursum dare, S. Congr. declaravit apud Gallemart. in cit. cap. 16 sess. 24 verbo item officialem.

(h) Bonif. VIII in cap. cisi Capitulum vn. de institut. in 6.

(i) Idem in cap. si ad episcopum, vn. ne Sede vacante in 6.

(k) Honor. III in cap. illa deuotionis 2 ne Sede vacante. Huiusmodi enim vacantia Sede vacante beneficia consert Romanus Pontifex ex nouis Regularum Cancellariæ reservationibus, quas explicui in tract. de Beneficiis cap. 5.

confueuerit (a), ciuitatem ac diocesim, eiusque nedum loca, sed omnes etiam ipsius Capituli personas (b), Synodum quoque post anni lapsum celebrat diocesanam (c), sed non prouincialem: hanc enim congregandi potestas non Capitulo metropolitano, sed antiquiori episcopo prouinciae attributa est [d].

VI. Extraordinaria vero, seu delegata episcopi iurisdictione quum non transeat ad Capitulum: vicarius capitularis se in iis; quæ episcopo tanquam Sedis apostolicæ duntaxat delegato mandantur constitutionibus præsertim Tridentinis, vel specialibus Romanæ Sedis commissionibus, ingerere nequit [e]; neque apostolicas litteras episcopo defuncto, eiusue generali vicario directas executioni, quam uterque omiserit, demandare. Quæ redolent gratiam voluntariam, is etiam ius non habet ea concedendi, [f]: puta indulgentias, remissionesque poenarum.

VII. Quæ ab episcopali pendent ordine & caractere, eo minus valet vicarius Capituli obire [g]. Et quamuis ei Sy-

(a) Id quod a S. Congr. Concilii die 7^æ Julii 1708 in *Ostunensi procuratoris* rescriptum esse tradit discretissimus Bened. XIV lib. 7 de *syn. dioces.* cap. 53 num. 5, & ult.

(b) Idem lib. 2 de *syn. dioc. cap. 9 num. 5*, ex decreto S. Congr. die 13 Septem. 1721.

(c) *Altaferra lib. 8 de iurisd. eccl. cap. 16 in fine*, quem probat seculaudatus Bened. XIV cit. cap. 9 num. 4, & seq.

(d) S. Congr. Conc. in *Tarrac. 10 Febr. 1624*, Bened. XIV eodem cap. 9 num. ult.

(e) *Fagnan. ad cap. his qua num. 55 de maiorit. & obed. Siluius to. 5: oper. var. verb. vicarius secundo*. Attamen cur dispensationes, quæ ex Tridentino sess. 22 de *ref. cap. 5*, extra Coriam committendæ sunt Ordinariis locorum, committi nunquam confueuerint vicariis capitularibus, sed episcopis vicinioribus, eorumque vicariis generalibus, passim; non satis percepisse hætenus fatetur ingenue Pontifex optimus Bened. XIV cit. cap. 9 num. 2.

(f) *Fagnan. in cap. illa 1 ne Sede vacante num. 13, & 14.*

(g) *Ex cit. cap. vn. ne Sede vacante in 6*. Attamen indulgentias 40 dierum ab episcopo largiri solitas, quæ potius ad iurisdictionem, quam ordinem referuntur ex cap. quod autem de poenit. & remiss., an possit vicarius Capituli concedere, dubitant Doctores. Alii enim id negant, in his *Turresemata in can. item in Leuitico num. 41 de poenit. dist. 1, & Fagnanus in cap. accedenti-*

Synodus Tridentina [a] potestatem fecerit dandi litteras dimissorias ad ordines intra annum luctus ecclesiæ suscipiendos aetatis tantum, post annum vero ceteris omnibus etiam non aetatis: tamen hoc in regno aliter est novo Concordatorum iure. Scilicet vicarius capitularis ut non nisi cum consensu pleni Capituli per secreta suffragia impertiendo possit dimissorias litteras concedere aut laicis clericali tonsura initiandis, qui ad eam beneficio vel capellania ecclesiastica ardeantur; aut clericis ab eodem, quod actu certum requirat ordinem, presentatis; dummodo eos ipsos promouendos episcopus defunctus ab ordinibus non reiecerit: aliis vero non aetatis nequaquam post annum quoque Sedis vacantis, sine expressa S. Congregationis concilii licentia [b].

VIII. Exteris autem episcopis bene permittit pontificalia intra viduam dioecesim exercere, ordines conferre, & Chrisma conficere ac ministrare, eo tamen pacto, ut ii nullum sibi exinde ius vindicent (c).

IX. De iuribus tamen episcopalibus, quum sit nemo, qui ea tueatur, Sede vacante nequit aliquid innouare (d). Eamque ob rem nihil de bonis ecclesiæ alienare, nec beneficia vnire aut suppressere aut permutare, nec iurispatronatus reservationibus aut donationibus assentiri (e): quamvis hæc ad episcopalem pertineant iurisdictionem.

X. Emolumenta omnia, quæ ex iurisdictione & sigillo Curie & vndeunque obueniant, debet deductis expensis

Tom. I.

O o o

epi-

bus num. 13 de excess. prelat. Affirmant Abbas in cap. cum olim de maior. & obed. qu. 13, Barbosa de iur. eccl. lib. 1 cap. 32 n. 91, & Marchetti in prax. Vic. Capituli. cap. 24. n. 1. Questionem definire noluit S. Cong. Conc. dum rescriptis die 13 Novem. 1688, ut abtineat, Bened. XIV in sæpedito cap. 9. num. 6. (a). Trid. sess. 7 de reform. cap. 10.

(b) Concord. cap. 4. num. 9.

(c) St. Quaranta loc. cit. Huiusmodi cautelam adhibendam esse, quoties episcopi vicini ad gerenda inferiorum vel absentium præfulum munia subrogentur, monuit Nicolaus I in can. pontifices 4 C. VII qu. 1.

(d) Innoc. III in cap. nouit ille 1 ne Sede vacante aliquid innouetur.

(e) Fellegri. in prax. vicar. par. 1 sess. 4. subf. 3.

episcopo successori in ecclesiis regię nominationis secundum ius commune, vel Camerę apostolicę in episcopatibus pontificiis secundum huius regni leges ac mōres fideliter referuare : nisi consuetudo legitima vel priuilegium vel statutum speciale vna cum iurisdictione emolumenta quoque vicario Capituli attribuat (a) ; alias ab officio & beneficiis , donec ablata restituerit, eo ipso suspenditur (b). Inter expensas autem contineri salarium ipsi vicario , aliisque ministris debitum recte monet glossa (c) , quod non exluperet stipendium vicario episcopi defuncti pręstari solitum (d) : illudque arbitrio boni viri solet in tribunali Nuntiaturę apostolicę (e) pro ecclesiis ad liberam Romanę Sedis collationem attinentibus , a pręlato successore pro iis , quę sunt regię nominationis , definiri.

XI. Rationes idcirco exerciti munęris successori episcopo reddere quidem compellitur ; quoriescunque repetundarum postuletur apud eum vicarius Capituli ; pœnasque promeritas luet, si deliquisse in officio seu administratione reperiatur [f].

XII. Ad eligentes , eligendosque nunc breuiter sermo redeat. Ad solos canonicos Capituli cathedralis, non ad alios cleri quum vrbani tum diocęfani , neque ad portionarios eiusdem cathedralis pertinere ius eligendi vicarium , lex Tridentina satis inuuit, dum eam Capitulo adiudicauit. Idque S. Congregatio concilii interpretes censuit (g). In ecclesia vero Monopolitana regię nominationis hoc in regno viget consuetudo antiquissima , vt presbyteri omnes vrbani adfint

CO-

(a) Clement. statutum 7 de electione.

(b) Bonif. VIII in cap. quia sepe 40 de elect. in 6.

(c) Gl. in cit. Clement. statutum verb. expensa.

(d) Ex decreto S. Congr. in Ventimiliensi 15 Jan. 1602, apud Pellegrin. cit. sess. 4 subsect. 1 num. 30. Qui tradit Casaleñi Vicario assignata quatuor scuta in mensem anno 1654.

(e) Cum enim fructus omnes cathedralium liberę collationis Sede vacante obuenientes Nuntius pontificius Camerę apostolicę colligat ex supradictis cit. 22 num. 11, & 26 : ab eo collationem stipendii debet vicarius Capituli obtinere.

(f) Trid. cit. sess. 24 de reform. cap. 16.

(g) Apud Gallemart, loc. citi. Videtis antedicta cit. 19 num. 11.

comitiis capitularibus & ferant suffragium singuli in electione vicarii capitularis. Proba, an non eiusmodi consuetudo sit, mea non interest heic edisserere, me animum procul habente a lædendis, turbandisue cuiuslibet iuribus peculiaribus. Intrā octiduum si negligentes, discordesue canonici vicarium non elegerint, etsi ad metropolitanum vel antiquiorem ex suffraganeis, vbi metropolis erit vidua, vel ad proximiorē episcopum in exemta ecclesia, ius eligendi deuoluatur: tamen re integra posse moram bene purgari, ratamque habendam esse electionem, quam iidem ipsi, antequam eandem metropolita vel alius negligentiam Capituli suppleturus, concluserint; secus re non integra post deputatum ab horum quolibet vicarium, permulti putant Doctores [a].

XIII. Vbi contigerit metropolitanam simul cum suffraganea vacare: electio vicarii suffraganei non ab antiquiore suffraganeo, sed a Capitulo fiet metropolitano [b].

XIV. Negligente dein metropolitā, aut antiquiore vel proximiorē suffraganeo Romanus Pontifex, vel sacra Congregatio episcoporum (c) deputabit vicarium; eique modo ampliores, modo limitatas mandat facultates pro libito. Quin immo si cui ab apostolica Sede vicarius datus episcopo sit, qui non semel datur ob abusum iurisdictionis, suspensionem, senectutem, aduersamque valetudinem prælati, aliamue vrgentem causam: is adhuc mortuo episcopo munus idem obibit. Hoc enim casu ob reuerentiam supremæ Sedis locum non dari electioni vicarii capitularis, Doctores contentiunt [d]:

O o o 2 quum

(a) Nicolius, Pellegrinus, Garzia, Ventriglia, & Merolla, quos laudat, & sequitur Gaudentius de visitat. & iurisd. prælati to. 1. cap. 5. dub. 13. sect. 2. num. 15. (b) Benedict. XIV lib. 2. de syn. diac. cit. cap. 6. num. 1.

(c) Xysti V const. 117 to. 4. Bullarii, & traditis a Benedicto XIV in sapiedicto cap. 9. n. 7, & Ballo episc. Anagnino in tract. de vicario apostolico.

(d) Piasciani in praxi. episcopi in proam. num. 22. Gaudentius loc. cit. num. 16, ita scribit: quoties vicarius generalis episcopi decessoris fuisset missus ab urbe vel a Sede promissus, quod non raro evenit: tunc vacante episcopuli Sede nequaquam liceret Canonici vicarium deputare capitularem, sed continuare deberet

quum non deficere tunc videatur per obitum episcopi idoneus miniter iurisdictionis episcopalis, ubi eum viuo episcopo iam putauerit supremus ecclesiæ vniuersæ episcopus.

XV. Eligendi iure nedum actiuo omnes, sed passiuo etiam nonnulli Canonici fruantur. Si enim quis inter eos adit Doctoris dignitate ornatus, iurisque consultus: hunc, non extrarium esse eligendum, non raro S. Congregatio rescriptit [a]. At proba erit semper electio eius, qui vicarius episcopi immediatus extitit, ob compertam, præsumtamque peritiam, posthabitis quoque doctoribus Canoniciis. Quum vero doctores in Capitulo omnino deficiant, & relictus ab episcopo non arideat: extra gremium vtique poterit idoneum vicarium adscire, nisi maluerit aliquem de gremio quoad fieri poterit idoneum (b) cum voto assessoris iudicia exerciturum.

T I T. XXVIII.

De Capitulo cathedrali, eiusque Dignitatibus & Canonicis

- 1 Summa cleri cuiusque pars Capitulum ecclesiæ cathedralis iura totius eiusdem cleri vniuersa iandudum habuit.
- 2 Communis quum vitæ, tum laboris canonem sectantes potius, quam pecuniarium præbendarum canonem dicebantur Canonici.
- 3 In ecclesiis ob id monachorum instituta sedes episcopales, & monachi inter Canonicos adlecti, eorumque monasteria & collegia vices Capitulorum cathedralium obeuntia.
- 4 Mox posthabita communis vitæ disciplina in Capitulis cathedralium Canonici seculares a regularibus distincti emerferunt.

5 In-

deret in officio a Sede prouisus, ex decisis per S. Congr. episc. in Aquilana 4 Aug. 1578, in Lycienti 17 Nov. 1590, apud Pellegrin. par. 1 sect. 4 subsect. 1 num. 21. Huic sententiæ subscribunt Nicolius in Nolensi verb. vicarius §. 2 num. 18, & seq. Marchet. par. 3 tit. 36 num. 11, & seq. Card. Petra to. 1 fol. 114 num. 42, Monacell. to. 1. (a) Apud Gallemart. loc. cit.

(b) Gaudentius loc. cit. num. 17, ceteri passim.

- 5 Inter quos præcellunt varia Dignitates.
- 6 Tripartito Capitula consent ex presbyteris, diaconis & subdiaconis, sacro vel initiatis ordine suo, vel intra annum iniuriandis, eorumque pars dimidia theologos, iurisque peritos habeat.
- 7 Vacantes dignitates & canonicatus servata mensum diuisione vel episcopus vel Romana Sedes confert libere, aut præsentatos a patronis instruit.
- 8 In oprandi maiorem, pinguioremque locum Canonici nonnisi ex consuetudine aut statuto peculiari habent.
- 9 Novus quisque canonicus professionem fidei debet intra duos menses emittere, omnemque simonia labem vitare.
- 10 In choro debent omnes de Capitulo horas canonicas & divina officia concelebrare.
- 11 Ad communes in ecclesia preces populus convenire, summi-que Principes religiosiores choro adesse alicubi consueverunt.
- 12 Græci, Siriaci, Arabes propria cuiusque lingua in communibus precibus & sacrificiis, occidentales latina solum utuntur cum Romanis.
- 13 Missam conventualem pro cunctis benefactoribus quotidie debent Capitula & collegia concelebrare.
- 14 Absentes a choro quotidianas distributiones amittunt, vel porciones fructuum subrogatas, quæ præsentibus accrescunt.
- 15 Distributiones ordinarias & certas nonnulli absentes ex privilegio luantur, secus accidentarias & incertas.
- 16 Nimirum infirmi, iubilati, innocentes in carcerem, exilium, fugam adacti, spiritalibus exercitiis vacantes, ecclesiæ negotiorum gestor, vicarius capitularis.
- 17 At incertas etiam luantur curæ animarum actu incumbentes, quemadmodum & pœnitentiarius ac theologus.
- 18 Utasque amittunt, sed fructus præbendæ vix luantur qui tres tantum menses absunt quotannis, vel causa studii, vel famularatus episcopalis, vel ex peculiari ecclesiæ statuto.
- 19 Privilegia de luandis durante absentia fructibus, studii etiam

iam quinquennalis causa, sanctiones pontificiæ recentiores, & S. Congregatio sub Innocentio XII reformatur.

- 20 Protonotarii etiam præsentés in choro nisi communem canonicorum vestem induant, quique sacrum canonicatus adnexam ordinem intra annum non susceperint, distributiones amittunt: & e contrario qui fructus non facit suos ob omissionem fidei professionem, eas lucratur.
- 21 Coadiutores cum futura successione hoc in regno non creantur amplius.
- 22 Capitula cathedralium non exempta ordinariæ subsunt iurisdictioni episcoporum, exempta vero delegata secundum Tridentinam reformationem.
- 23 Nulla exemptionum privilegia contra legem Tridentinam suffragantur Capitulis, nisi & ea speciatim apostolica sedes confirmaverit.
- 24 Inferiorum ecclesiarum, collegiorumque exemptionibus nil derogatum a Tridentinis Patribus.
- 25 Ad visitanda & corrigenda paterno more Capitula exempta procedit episcopus per sese, quem recusare non licet.
- 26 Extra visitationem cum adiunctis capitularibus ritu ordinario.
- 27 Primam sedem & auctoritatem in Capitulis etiam exemptis episcopo servat synodus Tridentina, excluso eius vicario generali.
- 28 Quum episcopi, tum vicarii generales in Capitule non exempta integram habent iurisdictionem.
- 29 Consilium Capituli debent episcopi exquirere in alienationibus rerum ecclesiæ.
- 30 In restauranda ecclesia cathedrali ex communibus eiusdem relictibus.
- 31 In provisionibus ecclesiarum & beneficiorum, quæ ad communem episcopi cum capitulo collationem vel institutionem spectant.
- 32 In synodis quum diæcesis tum provinciæ concelebrandis.

- 33 In sacra Scriptura lectionibus, & grammatica instituendis.
- 34 In rebus Seminarii adolescentium.
- 35 In distribuendis tribus Canonorum ordinibus.
- 36 In regimine chori, diuinorumque officiorum.
- 37 In beneficiorum unione ac suppressione pro distributionibus constituendis.
- 38 In conuertendis ad alios pios usus, ubi expedire videbitur hospitalium redditibus.
- 39 In publicandis indulgentiis, ne iis collectores eleemosynarum abutantur.
- 40 In sacris ordinationibus.

P Rincipem cuiusque diocesis clerum quum referat collegium Canonorum singulis cathedralibus ecclesiis inferuentium, & simul senatum ecclesiae, vnumque corpus cum episcopo, qui caput eorum est, componat (a): Capitulum haud immerito nuncupatur. Quandoquidem res ecclesiae cum consilio & consensu Capituli (b); nisi aliud consuetudo ius introduxerit (c), fere administrat episcopus: ipsum vero Capitulum episcopali Sede vacante in omnibus ad potestatem iurisdictionis attinentibus vices gerit episcopi, quemadmodum in superiori titulo dictum est; & nouum eligendi praefulem ius habuit, quoadusque Sedes apostolica sibi cathedralium ecclesiarum collationem reservauit (d).

II. Ca-

(a) Alexander III ad Hierosolymitanum Patriarcham, quum tu & fratres tui, ait, unum corpus sitis, ita quod tu caput, & illi membra esse probentur, non decet remissis membris aliorum consilio in ecclesiae tua negotiis uti, cap. nouit 4 de his qua sunt a prel. sine cons. Capituli. Videlis dicta superius tit. 19 num. 11.

(b) Ex B. Hieron. in can. olim idem erat 5 dist. 95, totoque Decretalium tit. de his, qua sunt a prelati sine consensu Capituli.

(c) Coelestin. III in cap. ea noscitur 6 eod. tit. & Fagnan. in cap. 1 de elect. num. 33, & seq.

(d) Ex supradictis tit. 19 num. 11 pag. 215.

II. Canonici & Dignitatibus constare Capitulum nescius est nemo. Qui olim clerici apostolicam seruantes regulam (a) in communi substantia, in communi obedientia & in communi dilectione conuiuierent, ii dicebantur *Canonici* (b), ex eo potius quod aliqua singulis portio agri dominici tribueretur colenda tanquam *canon* seu fors laboris & regiminis (c), quam quod in *canone* aut syllabo referrentur ecclesiæ, iis necessaria vitæ subsidia præbitoræ. Omnia quidem clero ecclesiæ primitiæ erant communia. *Omnia*, Tertullianus aiebat in apologetico, *indiscrèta sunt apud nos*. Et B. Hieronymus de clericis loquens, *illi victu & vestitu contenti* (inquit) *nullam inter se proprietatem habentes debent habere omnia communia* (d).

III. Dissolutam sensim progressu temporis communitatem ecclesiasticorum S. Augustinus redintegrare quum studuisset (e): factum est, ut alii æquo animo canonicam vitam in communi domo & mensa perinde amplecterentur, atque in monasterio regulares; alii eam ferentes ægerrime, quos ipsemet S. Augustinus tolerandos censuit (f), extra communem domum canonicas portiones, præbendasue ex communibus acciperent prouentibus. Tanti Doctoris auctoritas ad plerasque cathedralium inuexit vitam cleri communem, quæ plura quidem secula adeo præualuit in veteri ecclesiæ disciplina, ut frequens esset seculo V., & sequentibus mos erigendi cathedrales in ipsis regularium monasteriis, ubi & abba-

(a) De qua scribens Apostolus, *spem habentes*, ait, *cre scientis fidei vestra secundum regulam nostram in abundantiam, non in aliena regula*, ep. 2 ad Corinth. 10. ver. 16.

(b) Pett. Blesens. *serm.* 30.

(c) *Can. sanctorum* 2 *dist.* 79.

(d) *In can. duo sunt* 7 C. XII *qu.* 1. Abjiciendus inter apocryphos *can. dilectissimi* 2 *eodem* C. & *qu.* obtrusus ex ep. 5 diui Clementis de præcepto communis vitæ clericorum omnium.

(e) B. Aug. *in can. nolo* 10, & *can. non discitis* 11 C. XII *qu.* 1, ex *serm.* 2 *de com. vita clericorum*, Prosper *in can. expedit* 13, & S. Gregorius scribens episcopo de Acropoli *in can. quoniam Velina* 14 *eodem* C. & *qu.*

(f) S. Aug. *in can. certe ego sum* 18 *eodem* C. & *qu.*

abbatis munia episcopi obirent (a) & monachorum vota simul profiterentur Canonici [b]. Hinc est, cur Canonice collegia, communisque domus cathedralibus ecclesiis adnexæ plerumque olim dicebantur *monasteria* [c], quoadusque claustra reapse regularia fuere [d].

IV. Recentior deinde disciplina quum largita sensim esset cathedralium Canonice libertatem deferendi communem

Tom. I.

P p p

men-

(a) Thomasius *par. 1 lib. 3 cap. 19 n. 1* hæc habet. *Nardensis in Italia ecclesia Græcorum olim fuerat monachorum, postea Benedictinorum, quibus permixti erant Canonici. Vnde coniicitur cathedralem olim eam fuisse ecclesiam. Anno 1267 a Card. Legato Episcopo Aluensi reformari capta est ea ecclesia, constitutis ibi decem Canonice, aliisque similiter monachis decem, ut hi ex una, illi ex altera parte chori simul canonicum pensum persoluerant, haberentque suas singuli seorsim Canonice præbendas: relique vero res penes Abbatem & monachos essent. Eadem forma Bonifacius IX anno 1392 in ecclesia & castro S. Adiatoris ad Abbatem Cauensem Congregationis Casinensis pertinente episcopalem dignitatem instituit, & monacha Cauenses creauit Canonice illius cathedralis ecclesie, Abbatemque simul episcopali caractere anxit, apud Vghelium 10. 1 Ital. sacr. de Cauens. episcopis.*

(b) Ex traditis a Yepes 10. 1 *chronic. centur. 1 ad ann. 563*, & Emm. Gonzalez in *notis ad cap. causam 9 de iudiciis num. 2*, ubi ex Sirleto exhibetur ep. Innoc. III ad Priorem & Canonicos Dunelmensis. Quod archiepiscopus Colocensis monasterium de Chenr in cathedralem erexerit, commemorat Gregorius IX in *cap. cum inferior 16 de maiorit. & obed. Innocentius III* Vigorensem episcopum a Priore & conuentu eiusdem ecclesie, ius Capituli cathedralis obtinente, electum fuisse rescriptis Cantuariensi archiepiscopo in *cap. innotuit 20 de elect.*

(c) *Ve nullus laicus decimas suas, aut ecclesiam, aut quicquid ecclesiasticis iuris est, sine consensu episcopi, vel Romani Pontificis, monasteriis, aut Canonice offerre præsumat*, decreuit concilium Melphitanum an. 1089 sub Urbano II *can. 5*. Vnde patet monasteriorum cathedralium vestigia seculo XI extitisse. Eaque permansisse seculo XIV ostendit Bonifacius VIII in *cap. nullus 25 de elect. in 6*, ubi statuit episcopum iam in secularibus, quam regularibus ecclesiis non professum probe eligi, secus abbatem.

(d) Religiosis tamen votis ii non adigebantur Canonice, quorum cathedrales non essent in monasteriis erectæ. Enimvero exploratum est discrimen inter Canonicos, & monachos seculo IX ex Capitularibus Aquilgranens. an. 789. *cap. 71* apud Balptium 10. 1 *Capitular. col. 237. Qui se vovet* (inquiunt Capitularia) *monachice vite constrinxerunt, monachice & regulariter omnimodis secundum votum suum vivant Similiter qui ad clericatum accedunt, quod nos nominamus canonicam vitam, volumus ut illi canonicæ secundum suam regulam omnimodis vivant, & episcopus eorum regat vitam, sicut monachorum.*

mensam, domumque, & communes inter sese ecclesiæ redditus diuidendi vel quotannis, vel per statos præbendarum titulos; & admodum auxisset interea presbyteros ad titulum non præbendæ aut ecclesiæ, sed patrimonii promotos quum in op-
pidis, tum in vrbibus: ratio discriminis postulauit, vt *Canonici seculares & Capisula* vocitentur, ne simplex Canonici vocabulum eos cum Canonicis regularibus (a) confundat, neue cum clero extraordinario, oppidanoque misceatur vrb-
banus & principalis. Omnes propterea Canonici, vt Patres Tridentini commonent, *vestitu decenti tam in ecclesia quam extra assidue utantur, ab illicitisque venationibus, aucupis, choreis, tabernis, lusibusque abstineant, atque ea morum integritate polleant, vt merito ecclesiæ senatus dici possit* (b).

V. Canonicis præcellunt *Dignitates*, quas ad conferuandam, augendamque ecclesiasticam disciplinam institutas, vt nedum alius pietate ac exemplo præirent, sed episcopos etiam opere & officio iuuarent, tradit Synodus Tridentina (c). Præcipua earum iura singulatim inferius edisserenda antequam inquirantur, satius videtur nunc generalia Canonico-
rum prælibare.

VI. In tres ordines presbyterorum, diaconorum, subdiaconorumque ita distribui oportet omnes cuiusque cathedralis dignitates, canonicatus, portionesque, vt dimidia saltem pars presbyteri sint; ceteri vero diaconi aut subdiaconi; nisi plures aut omnes introduxerit presbyteros consuetudo laudabilior (d). Quare inter Dignitates, Canonicosque cooprare non licet episcopis nisi adnexo initiatos ordine, aut saltem in ea

æta-

(a) Clemens III, qui seculo XII floruit, de *Canonico regulari*, qui proprium peculium noluit moriens contra regulam resignare, rescripsit in *cap. super quodam* 4 de *stat. monachor.* A Gregorio IX simul *monachu, & regulares Canonici* commemorantur in *cap. cum in magistrum* 49 de *electione*. Discrimen eiusmodi firmavit Tridentina synodus in *cap. quicumque* 4 sess. 22 de *ref.* dum ait: *quicumque in cathedrali vel collegiata seculari vel regulari ecclesia diuiniis mancipatus officiis.* (b) Trid. in *cap. cum dignitates* 12 sess. 24 de *ref.*

(c) Trid. in eodem *cap. cum dignitates* 12 sess. 24 de *ref.*

(d) Ex Tridentino *est. cap. 12.*

etate, quæ suscipiendo eidem ordini intra annum idonea erit, constitutos (a). Quoadusque tamen eum ordinem non susceperint, ius suffragii non habebunt in Capitulo (b). Omnes præterea Dignitates, & pars saltem dimidia Canonatuum ut magistris vel doctoribus aut in Theologia & Iure canonico licentiatis duntaxat conferantur, hortatur Tridentina Synodus [c], non iubet.

VII. Quoties Dignitatum & Canonorum gradus & præbendæ vacauerint in quatuor mensibus ordinariis Martio, Iunio, Sept. & Decembri: eos, easque episcopus loci ordinarius vel solus hodierno iure communi, vel vna cum Capitulo suo ex peculiari consuetudine; in aliis mensibus reservatis apostolica Sedes ad libitum conferunt. Primæ cuiusque Capituli Dignitatis in quolibet mense vacantis collatio ad Romanam Sedem pertinet semper: nisi obnoxia patronatui laicorum sit. Ceteræ autem dignitates aut canonicatus de iure patronatus laicorum iis tantum, quos patroni præsentauerint, viris idoneis conferuntur [d].

VIII. Antiquiores in ecclesia Canonicos iunioribus præferri quum suadeat æquitas iuris [e]: Capitula nonnullis in ecclesiis optionem habent *canonicam*; scilicet ius vel moribus diuturnis, vel statutis inductum, quo antiquior ex collegio, Capitulæ maiorem, quoties vacauerit, præbendam, canonicatum, dignitatem, quæ non reservata Sedi apostolicæ sit, propria dimissa occupat, & per sese absque vlla superioris collatione adsumit intra viginti fere dies, nisi aliud peculia-

PPP 2

re

(a) Trid. *ibidem*, ex Greg. X in Conc. Lugdun. in *cap. licet canon* 14, & Bonif. VIII in *cap. cum ex eo* 34 de *elect.* in 6.

(b) Clement. ult. de *state & qualitat. & ord. præficiend.* Trid. *sess.* 22 de *reform. cap.* 4.

(c) Trid. *cis. cap.* 12 *sess.* 24 de *ref.*

(d) De iure conferendi dignitates & canonicatus quum ordinario tum pontificio vel liberæ collationis, vel de iurepatronatus, videlicet tradita in duobus tract. de *Beneficiis ecclesiasticis*, & de *iurepatronatus*.

(e) Can. quid proderit 7, & seq. *dist.* 61, can. *episcoporum* 5 *dist.* 74, & can. *bene quidem* 1 *dist.* 96.

re spatium erit præfinitum (a). At ubi defecerit consuetudo vel statutum, nullus optioni locus datur iure communi, de qua alibi sermo redibit fusior [b].

IX. Duos intra menses a possessionis die computandos quilibet canonicatum, dignitatemve adeptus professionem fidei facere nedum coram episcopo, eiusve vicario, sed coram Capitulo etiam necesse habet: alioquin suos non faciet fructus [c]. Ut autem in aggregandis collegio, vel admittendis ad possessionem canonicatus vel præbendæ vel beneficii vel distributionum canonicis vel beneficiariis prociui absit omnino simoniaca labes: Tridentinum vetuit omnia turnorum lucra, seu solutiones aut detractiones fructuum quantumlibet consuetas, quæ in usus pios non conuertantur [d].

X. Præcipua Canonicoꝝ obligatio est in choro ad psallendum instituto adesse vel quotidie vel alternis fere hebdomadis, ibique diuina per se se, & non per substitutos [e] distinctis horarum interuallis rite officia persolvere, hymnisque & canticis Dei nomen reuerenter, distincte, deuoteque collaudare, & episcopo celebranti aut alias pontificalia exercenti adfistere & inferuire. Debent sane vox & mens in vnum idemque simul conspirare [f]. Si orat psalmus, orare; si gemit, gemere; si gratulatur, gaudere; si sperat, sperare; & si timeret, timere, monet S. Augustinus [g]. Qui vero præsentem in choro negligant psalmos & hymnos concinere, suo eos muneri satis ne-

(a) Ex cap. fin. §. ne autem de consuetudine in 6. Videtis Petr. Moneta in tract. de optione canonica.

(b) In tract. de Beneficiis cap. 10. §. vn. 2. edit.

(c) Trid. cit. cap. 12 sess. 24.

(d) Trid. in cap. in pluribus 14 sess. 24 de ref. Videtis dicta inferius lib. 4 tit. 16 num. 29.

(e) Clement. 1 de celebr. missar. Trid. loc. cit., & sess. 21 cap. 3 de ref. Nam Iustin. ait. Qui sundarunt sanctissimas ecclesias pro sua salute, & communis reipublice, reliquerunt illis substantias, ut per eos debeant sacre liturgie fieri, & ut illis a ministrantibus piis clericis Deus colatur, l. omnem 42 §. 10. c. de episc. & clericis.

(f) Conc. Later. sub Innoc. III in cap. dolentes 9 de celebr. missar.

(g) S. Aug. in psalm. 30 serm. 3.

nequaquam facere, declarauit scitissime Benedictus Papa XIV [a]. *Oportet semper orare, & non deficere*, præceptum Domini est [b]. Vt *sine intermissione* oremus omnes, monet Apostolus (c). Exinde constitutionibus vulgo apostolicis, quæ primitiue ecclesiæ mores proculdubio indicant, demandatum est omnibus vna fidelibus preces facere mane, tertia hora, sexta, nona, vespere, atque ad galli cantum (d). Ille enim *sine intermissione orat*, qui certa orandi tempora nullo die intermitte, docet B. Augustinus [e]. Benedictus XIV indulgentias largitur docentibus, discantibus, exercentibus methodum orationis mentalis (f).

XI. Publicam diuini officii recitationem in choro communem orationem ad discrimen singularis appellat S. Thomas [g], non modo quod pro vniuerso populo persoluatur, sed etiam quod interesse populus debeat, eamque simul festis saltem diebus concelebrare. Quod æuo S. Ambrosii pia plebs secundum

(a) In ep. encyclicæ die 19 Augusti 1744 to. 1 Bullarii *const.* 103 §. 24.

(b) Lucæ cap. 18 vers. 1.

(c) Ep. 1 ad Thessalon. cap. 6. vers. 17. S. Hieronymus 10. 1. ep. 22 ad Eustochium num. 37 ait: *quantum Apostolus orare semper iubeat, & Sanctis etiam ipse sit somnus oratio: sic tamen diuisas orandi horas debemus habere, ut si forte aliquo iurimus opere detenti, ipsum nos ad officium tempus admoneat. Horam tertiam, sextam, nonam, diuiculum quoque & vespertam nemo est qui nesciat. Nec cibi sumantur sine oratione præmissa, nec recedatur a mensa nisi reseratur creatori gratia. Notibus his terque surgendum, teuolenda quæ de scripturis memoriter retineamus. . . . Ad omnem actum, ad omnem incessum manus pingat Domini crucem.* (d) Lib. 8 cap. 34.

(e) S. Aug. lib. de heresi bar. 87. Consonat B. Elogius hom. 22 de cænis, inquit: *Ille semper orat, & nunquam deficit, qui canonis horis iuxta ritum ecclesiasticæ traditionis psalmodiis, precibusque consuetis Dominum laudare & rogare non desistit.* Videlicet Nicol. tom. 2 *traite de la priere* liv. 4 cap. 14.

(f) Bened. XIV *const.* quemadmodum nihil 23. die 16 Decem. 1746, to. 2 Bullarii, ad cuius hoc in regno promulgationem accessit regum placitum die 6. & 10 Feb. 1747, ex rescripto ad Curiam Cap. maior. dato.

(g) S. Thom. 2 2 qu. 13 art. 12. Communis quidem, ait, oratio est, quæ per ministros ecclesiæ in persona totius populi fidelis Deo offertur: & ideo oportet, quod talis oratio innotescat toti populo, pro quo profertur: quod non posset fieri, nisi esset vocalis. Et ideo rationabiliter institutum est, ut ministri ecclesiæ huiusmodi orationes alta etiam voce pronuncient, ut ad notitiam omnium possint peruenire.

dum morem orientalium partium in occidentalibus pene omnibus ecclesiis hymnos & psalmos concinere consueverit, tradit S. Augustinus [a]. Principes autem religiosiores, præsertim Theodosium, & Carolum M. in choro vna cum clericis Deo psallendi morem habuisse, prodit historia. Præterea Comites Andegauenses Fulconem III, & Indelgerum in Gallicana S. Martini ecclesia insignia, vestesque Canonico- rum in choro induisse. Gentilitiam eiusmodi consuetudinem ad hoc regnum Neapolitanum primus omnium Carolus II Andegauensis inuexit initio XIV seculi, solitus interesse choro regię basilicę S. Nicolai Bariensis cum Canonici insignibus in digniori stallo contra illud Prioris, quod sibi, Regibusque successoribus extruxit [b]. Aliudque cum armis Andegauensibus erectum habetur in Altimuranę ecclesia regię quoque collationis e regione stalli archipresbyteralis.

XII. Lingua cuiusque gentis vulgatissima initio communes in ecclesia preces & sacrificia concelebrari consueuisse, præsertim Gręca, Siriaca, Arabica in orientalibus regionibus [c], Latina in occidentalibus, res est compertissima. Tum processu temporum, tametsi plebes occidentales Latino posthabito ad Italum, vel Hispanum, aut Gallicum transuerint sermonem: Romana tamen ecclesia nouarum rerum inimica primarum, inueteratumque illius vsum retinendum semper censuit [d]. Eaque omnium mater ac magistra de vnitatem, ritibus, dignitateque diuini Officii sollicita, Breuiarium [e] non

(a) S. Aug. lib. 9 Confess. cap. 7.

(b) Beatill. nell' istoria di Bari lib. 3 fol. 143.

(c) De ritu arabico & mozarabico in Hispania videlicet dicenda inferius lib. 2 tit. 3 num. 31. De ritu gręcorum, aliarumque nationum ibidem num. 22, & seqq. De ritibus Sinensibus Beneft. XIV in const. ex quo 59 to. 1 Bullar.

(d) Quod obseruat Fleury par. 2 Instit. Iur. Can. cap. 2 §. 5.

(e) Quum nimis proluxa olim esset diuini officii recitatio, quod pluribus continebatur magnis voluminibus, scilicet psalterio, hymnario, legendario, collectario; illud in vnum librum contraxisse primum in Capellis suis S. Gregorium M. & VII, & Innocentium III, ne tempus expediendis christianę reipublicę negotiis summis deficeret; eosque auctores fuisse, vt vniuer-

non semel correxerit, vetuitque ut ne falsa aut deprauata in ecclesia sancta legerentur, ne vel leuis subfannandi oriretur occasio, inquit Gelasius [a]. S. Gregorius VII Ieromiro Pragenſi episcopo reſcribens diuinum officium vetuit lingua Sclauonica celebrari (b). Tridentina Synodus quum delectis quibusdam Patribus mandasset, ut de variis censuris ac *libris vel suspectis vel perniciosis quid facto opus esset* considerarent, atque ad ipsam referrent, quamuis extremam ii manum operi imposuissent: censuit ut quicquid ab illis praestitum est, S^{mo} Romano Pontifici exhibeantur, ut eius iudicio atque auctoritate terminetur & euulgetur. Idemque de catechismo a Patribus, quibus illud mandatum fuerat, & de missali & breuiario fieri mandauit (c). In comitiis itaque Tridentinis curatiorem noui breuiarii reformationem Patres iudicio Romani Pontificis Pii IV integram cum remisissent, viris idoneis eam ipse primum demandauit, eamque S. Pius V absolutam probauit, & Romae impressum opus diuulgari iussit anno 1565 ea lege, ut aboletis aliis breuiariis antiquioribus omnes breuiarium ipsum Romanum ex decreto Concilii Tridentini restitutum, S. Pii V iussu editum, Clementis VIII, & Urbani VIII auctoritate recognitum vniuersae orbis ecclesiae monasteria, ordines, & loca etiam exempta adhiberent, & obseruarent tam in choro, quam extra chorum, nullusque vnquam aliquid in eo comutare vel addere vel detrachere audeat: eos tantum regularium ordines exceptit, quos peculiare breuiario

sa vbique ecclesia communi plausa breuiati Officii morem amplecteretur, vnde vocabulum Breuiarii ortum putat cum Radolpho Tungrenſi de obseruat. canon. cap. 22, Inn. Chronius lib. 2 obseruation. 12.

(a) Gelasius in can. sancta Romana 3 dist. 19.

(b) S. Greg. VII ep. 7 lib. 2. Omnipotenti (ait) Deo placuit scripturam sacram quibusdam locis esse occultam, ne si ad liquidum eunctis pateret, forte vileſceret, & subiaceret despectui, aut prae intellectione a mediocribus in errorem induceret. . . Vnde ne id fiat, quod a vestris imprudenter exposcitur, auctoritate D. Petri inibemus, neque ad honorem omnipotentis Dei huic vana temeritati viribus totis resistere praecipimus.

(c) Trid in fine sess. 25 in decreto de indice librorum, & Catechismo, Breuiario & Missale.

ria ab apostolica Sede probato, vel consuetudine ducentos annos excedente in limine foundationis vfos fuisse constiterit (a). Idipsum in editione missalis Romani reformata & correcta pro sacrificiis missarum vno eodemque ritu celebrandis in ecclesia vniuersa cautum est (b).

XIII. Quoniam pars officii quidem est Missa *conuenualis*, ea est quotidie omnino concelebranda pro populo & benefactoribus generatim a quolibet Capitulo & collegio presbyterorum etiam regularium, pro eaque eleemosynam accipere manualemente celebranti per turnum nequaquam licet (c).

XIV. A choro statis horis absentes quotidianas amittunt distributiones hoc pacto, vt eæ inter præsentem tantum, remota omni collusione, indulgentiæ diuidantur, & deficientium partes interessentibus omnino accrescant [d]. Si qua vero in ecclesia aut nullæ, aut ita tenues sint distributiones, vt verisimiliter negligantur: tertiam communium fructuum partem a præbendis separare, eamque in distributiones debet episcopus conuertere, inter eos, qui quotidie choro inseruiant, dispartiendas. At vbi omnes fructus (e), vel maior eorundem pars naturam distributionum habuerint a consuetudine, quæ vel nihil vel minus quam tertiam præbendæ partem relinquat non residentibus, vel non seruientibus choro: ea ob diuini cultus fauorem est omnino *ser-*

(a) S. Pius V in *const. quod a nobis* edita 7 Idus Iulii 1568, Clem. VIII in *const. quam in ecclesia* 1602, & Urbanus VIII in *const. diuinam* 25 Ianuarii 1631. Tum S. Congregatio rituum multa explicuit & decreuit pro earundem constitutionum pontificiarum executione.

(b) Liqueat ex S. Pii V *const. quo primum tempore* 106, & Clementis VIII *const. cum sanctissimum* 108.

(c) Ex decretali Honorii III ad vniuersos ecclesiarum prælatos in *cap. cum creatura* 11 de *celebr. miss.* & Bened. XIV, *const. cum semper* 103. §. 11, edita die 29 Aug. 1744, 10. 2 Bullarii ejus.

(d) Bonif. VIII in *cap. vn. de cler. non resid.* in 6, & Trid. *cit. cap. 12.*

(e) Pius IV in *const. cum sicut* 41 10. 2 Bullarii iussit vt redditus omnes ac emolumenta capitulorum & collegiarum vrbs Romæ in quotidianas distributiones conuertantur, quas præsentem tantum lucentur. Idipsum ex consuetudine secuat in cathedrali ecclesia Neapolitana.

seruanda [a]. Hoc tamen casu, ne absentes illi, quibus æquitas canonica fructus sine distributionibus ob iustam causam indulget, æquarentur absentibus sine causa: tertia distributionum pars naturam retinebit suam, reliquæ duæ naturam assument fructuum (b).

XV. Distributionum duplex genus: aliæ nimirum *ordinariæ* ac *fixæ*, aliæ vero *extraordinariæ*, *accidentales*, *incertæ* que sunt. Ad primum pertinent pars, quam modo innuimus, tertia vel alia maior a fructibus præbendarum detracta; certusque simul proventus ex statis, perpetuisque annuerialiis, processionibus, functionibusque ceteris quotannis obueniens. Ad secundum omnia emolumenta, quæ pro singulis funeribus, missis votiuus, aliisque piis officiis vario casu obtingentibus accipiuntur in diem. Inter utrasque haud leue discrimen est. Nam distributiones prioris generis ordinarias fere participant multi reapse absentes, quos priuilegium aliquod vel iuris vel hominis tanquam præsentis habet. Secus extraordinarias & incertas, quibus lucrandis *ficta* seu *præsumptiua* præsentia, residentique plerunque non suffragatur.

XVI. Itaque ordinarias non amittunt distributiones *infirmi* (c), qui tamen choro inservire consueverint, præuioque triennio ultra menses tres quotannis non abfuerint (d). Nec *iubilati*, qui postquam quadraginta annos assidue ac laudabiliter famularum ecclesiæ præstiterint, priuilegium exinde ab apostolica Sede obtinere solent exemptionis a choro & residen-

Tom. I.

Qq q

tia

(a) Trid. in cap. *episcopietiam* 3 sess. 21 de reform.

(b) Card. Petra ad const. 9. Bonif. VIII num. 20, & seq. 10. 3. S. Congr. in Arianen. distribut. 18 Aug. 1731, & iussu Inn. XII.

(c) Honor. III in cap. ad audientiam 15 de cleric. non resid. Fagnan. in cap. licet de præbendis num. 136, & seq.

(d) P. Gaudentius 10. 1 de visit. & jurisdict. prælator. cap. 5 dub. 13 n. 73. At solitus defecisse quom præsumatur quoque defecurus, nullas accipit, distributiones tempore infirmitatis. Quemadmodum & eas eadem ratione coadiutus æger amittit, quoties coadiutor eius in choro deficiat, vt definiuit S. Congr. in Asculana an. 1706 super dubio 8, penes Gaudentium loc. cit. contra Monacellum aliter ex decretis antiquioribus sentientem.

ria (a) instar militum veteranorum (b). Nec innocentes iniuria in carceribus detrusi, vel exilium, fugamque perferre coacti (c). Nec exercitiis vacans spiritualibus decem dies, antequam sacris initiatur ordinibus (d). Neque communia ecclesiæ negotia gerens, præsertim procurator (e), & vicarius capitularis (f).

XVII. Ab hac tamen regula excipiuntur nonnulli, qui cunctas etiam extraordinarias, incertasque distributiones lucrantur præsentia non vera, sed præsumtiua. Scilicet qui animarum curæ Capitulo adnexæ, vel dignitati suæ, aut canonicatui perpetuo vnitæ actu incumbit, quum officia in choro ab aliis persoluuntur (g). Pœnitentiarius, quoadusque audiendis confessionibus reuera vacet (h). Theologus insuper eo die, quo sacræ Scripturæ lectionem habeat (i).

XVIII. Alios contra nil pro distributionibus qua ordinariis, qua extraordinariis iuvat residentia ficta, sed pro fructibus tantum participandis. Puta qui non ultra tres menses quotannis absunt, quum cito reuersuri abesse non videantur (l).

Quem-

(a) Consuetudinem talis privilegii probat S. Congr. Conc. die 17 Decem. 1718, & Benedictus PP. XIV lib. 3 de synod. dioces. cap. 4 num. 6, illud recensendo inter apostolicas indulgentias absentibus Canonicis concedi solitas, de quibus Gregorius IX in cap. cum ad hoc 16 de cler. non resid. Ininterruptam, vitiosumque seruitium jubilationem haud promeretur. Hac in remittior erat lex Levitarum, quam legimus Numer. cap. 5 vers. 23. A viginti quinque annis & supra ingrediantur, ut ministrent in tabernaculo sacerdotis: cumque 50 annum ætatis impleverint, seruire cessabunt.

(b) Ex l. a muneribus 7 D. de vacatione & exusat. munerum.

(c) Fagnan. in cit. cap. licet num. 135, & seq.

(d) Ex const. Alexandri VII, & Clementis XI an. 1710, apud Gaudent. ibid. (e) Cap. cum non deceat 30 de elect. in 6.

(f) Honor. III in cap. ex parte tua 3 de cleric. non resident.

(g) Ex Trident. sess. 22 de reform. cap. 3, & S. Congr. Conc. in Romana distributionis 13 Iulii 1711, apud Gaudent. loc. cit. n. 75. Qui tamen in alia ecclesia curam parochialem Capitulo non adnexam vna cum Canonicatu ex apostolica dispensatione retineat, distributiones non lucrabitur inferniens curæ, ex S. Pii V const. 65. (h) Fagnan. in cit. cap. licet num. 170.

(i) Ex declaratione Gregorii XIII apud Fagnan. loc. cit. num. 116.

(l) Can. præsentium 7 qu. 1, Honor. III in cap. licet vobis 32 de præbend. Trid. sess. 23 de ref. cap. 1.

Quemadmodum & absentes causa studii (a) non ultra duos de Capitulo, qui licentia episcopi, ne fraus inde fiat residentiz, opus habent: alias redire subtractione quoque fructuum coguntur (b). Pariter vnus, duoue, non plures episcopo suo famulantes (c) nedum in munere vicarii generalis (d), vel conuissatoris, sed alio quouis ministerio. Omnibus tandem quauis causa privilegiariis paullo ante recensitis adimere quashbet certas, incertasque distributiones potest, ac solet voluntas benefactorum expressa, locique statutum auctoritate legitima comprobatum (e) in odium ficta residentiz, presentizve.

XIX. Bonifacius VIII autem priuilegia omnia, seu indulta a se, suisque predecessoribus concessa clericis, vt suorum beneficiorum fructus perpetuo perciperent etiam absentes, penitus reuocauit (f). Pius IV declarauit dispensationes de percipiendis beneficiorum fructibus durante absentia quinquennali ob causam studii suffragaturas nemini sine consensu Ordinariorum (g). Sacra Congregatio ab Innocentio XII specialiter deputata super reformatione indultorum

Q99 2 exi-

(a) Trid. sess. 5 de reform. cap. 1 in fine ibi: *docentes vero ipsam S. scripturam dum publice in scholis docuerint, & scholares, qui in ipsis scholis student, priuilegiis omnibus de perceptione fructuum prebendarum & beneficiorum suorum in absentia a iure communi concessis plane gaudeant & fruantur*, cap. fin. de magistris, & sit. cap. licet de preb. vbi Fagnanus num 7, monet ad quinquennium vsque, non ultra suffragari absentiam causa studii ex decreto S. Congregationis. Septennium indulserat parochis Bonif. VIII in cap. cum ex eo 34 de elect. in 6.

(b) Alexand. III in cap. relatum 4, & Innoc. III in cap. sua 12, & cap. cum ad hoc 16 de cleric. non resid. ibique Fagnanus.

(c) Cap. de cetero 7, & cap. ad audientiam 15 de cler. non resident. ibique Gonzalez.

(d) Cui, dum a choro absit, deperire distributiones, declarauit S. Congr. Conc. in Bitecten. 16 Decembris 1627, & docet Moneta par. 2 de distrib. qu. 11 num. 83.

(e) Gaudent. loc. cit. num. 72, & 74 §. 1, & Doctores in cap. ad audientiam 15 de cler. non resid.

(f) Bonif. VIII in cap. quia per ambitiosam 15 de rescriptis in 6.

(g) Pius IV in const. de residentia apud St. Quaranta in sum. Bullar. verb. residentia, & in appendice Conc. Trid.

eximentium a seruitio nonnullos Canonicos, & beneficiarios vrbis, censuit die 13, & 20 Aprilis, & 7 Maii 1693, huiusmodi indulta non esse immutanda quoad Nuncios apostolicos, necnon inimos, & eidem Sanctissimo actu inseruientes familiares, ac Subdatarium, & Cameræ apostolicæ commissarium. Quoad Gubernatores & Vicelegatos prouinciarum, ciuitatum, & locorum Status ecclesiastici, qui durante absentia nunquam possunt ecclesiis interesse, necnon procuratorem generalem montium, ac familiares S. R. E. Cardinalium (firmo tamen quoad eorundem Cardinalium caudatarios remanente decreto moderatorio S. Congregationis eminentissimorum Cardinalium S. C. interpretum die 19 Augusti 1690 edito) esse reuocanda, & expedire; quod in posterum non concedantur. 3, Indultum inferiuenti secretariæ & congregationibus negotiorum ditionis temporalis eiusdem S. R. E. præpositis concessum esse reformandum, & in posterum restringendum ad illos dies & horas duntaxat, quibus ratione huiusmodi seruitii actualiter præstandi impeditus fuerit, eius conscientia desuper strictissime ouerata. 4, Indulta causa studii pro lucrandis fructibus duntaxat, nec aliter pro lucrandis distributionibus quotidianis esse concedenda, quam pro ecclesiis, quarum redditus consistunt vel in solis distributionibus quotidianis, vel in iisdem distributionibus una cum aliquibus fructibus tenuis præbendæ, demta tamen tertia parte, quæ interessentibus accrescat; nec pariter concedenda ultra triennium, neque maioribus viginti quinque annorum; quinimmo huiusmodi ætate 2½ annorum expleta, eadem indulta, licet idem triennium expletum non fuerit, expirare. 5, omnes denique habentes indulta pro singulis diebus & horis, quibus ratione seruitii in eorum muneribus seu officiis actualiter præstandi impediti fuerint, adhuc esse punctandos toties, quoties ecclesiæ seu choro non interfuerint; sed in qualibet hebdomada huiusmodi puncta posse & debere deleri seu tolli pro illis tantum diebus & horis; quibus indultarii allegauerint particularia impedimenta ratione eorundem munerum, eorum conscientia.

scientia desuper strictissime onerata, & circa huiusmodi impedimentorum relevantiam iudicio proprii vicarii cuiuslibet ecclesie: in ecclesiis vero, ubi non adest huiusmodi vicarius, iudicio dignioris Canonici esse deferendum (a).

XX. Sunt etiam ex Canonicis, qui præsentes in choro & functionibus non lucrantur distributiones: scilicet *prozessorarii*, quoties cum ianthina prælatorum veste & pallio intersint in sella mobili, separataque a stallis Canonicorum, inter quos nonnisi cum æqualibus Capituli insigniis licet adesse (b). Qui præterea sacrum ordinem suo adnexum canonicatui non suscepit intra annum, exinde medietate distributionum priuatur (c). At vero eas nil amittit, qui suos non facit fructus ob neglectam fidei professionem (d), dum choro famulatur.

XXI. Quum in beneficiis ecclesiasticis ea, quæ hæreditariæ successionis imaginem referunt, sacris canonibus sint contraria: synodus Tridentina (e) decrevit, ut nemini in quibuscunque beneficiis ecclesiasticis coadiutoriæ perpetuæ permittantur, nisi quando ex vrgenti necessitate aut evidenti ecclesiæ utilitate Romanus tantum Pontifex eas indulgere censuerit. Quoniam vero Dignitates & Canonici ecclesiarum hujus regni coadiutores eiusmodi plerunque sibi consanguineos ab Sede apostolica obtinere consueverant: placuit Regi Carolo ad Regalem Cameram S. Claræ rescribere die 22 Augusti 1750, ut regium exequatur ipsa non amplius concederet litteris Romanæ Curie creatibus perpetuos cum futura successione coadiutores.

XXII. Capitula cathedralium, eorumque dignitates & canonici perinde ac clerus diocæsanus ordinariæ subsunt iurisdic-

(a) Hoc decretum commemorat Bened. XIV *inslit. eccl.* 107 §. 10.

(b) *Vrsaya to. 5 par. 1 disc. 1.*

(c) Card. de Luca de *Canonicis disc.* 13 num. 12, S. Congr. Conc. in *Vlixiponen.* 5 Septem. 1712, apud Gaudent. loc. cit. n. 76.

(d) S. Congr. Concil. in *vna Catanzarii* 9 Febr. 1726, apud Gaudent. *ibidem* num. 76.

(e) *Sess. 25 de reform. cap. cum in beneficiis 7.*

ridictioni episcoporum in causis omnibus civilibus, criminalibus, & mistis iure communi. Si quod vero Capitulum exemptionem ex peculiari statuto vel consuetudine vel privilegio obtendat: episcopus auctoritate Sedis apostolicæ delegata per sese illud, eiusque dignitates & canonicos visitat & paterno more corrigit (a): extra visitationem cum consilio, & ad sensu duorum ex Capitulo deputatorum rite procedit in foro suo vel episcopus idem, vel eius vicarius generalis ex duobus decretis Tridentinæ reformationis. Nam Tridentina synodus primum decrevit, ut *Capitula cathedralium, & aliarum maiorum ecclesiarum, illorumque personarum nullis exemptionibus, consuetudinibus, sententiis, iuramentis, concordis, quæ tantum suos obligent auctores, non etiam successores, tueri se possint, quominus a suis episcopis & aliis maioribus prelati per seipsos solos, vel illis, quibus sibi videbitur, adiunctis iuxta canonicas sanctiones, toties quoties opus fuerit; visitari, corrigi & emendari etiam auctoritate apostolica possint & valeant* (b). Deinde statuit explicatius, ut in omnibus ecclesiis cathedralibus & collegiatis decretum eiusmodi observetur non solum, quando episcopus visitaverit, sed & quoties ex officio, vel ad petitionem alicuius contra aliquem ex contentis in dicto decreto procedat: ita tamen ut cum extra visitationem processerit, *infra scripta omnia locum habeant. Videlicet ut Capitulum initio cuiuslibet anni eligat ex Capitulo duos, de quorum consilio & ad sensu episcopus, vel eius vicarius tam in formando processu, quam in ceteris omnibus actibus, usque ad finem causæ inclusivæ, coram notario tamen ipsius episcopi, & in eius domo, aut consueto tribunali procedere teneatur. Unum autem tantum sit utriusque eorum, possitque alter episcopo accedere. Quod si ambo ab episcopo discordes in aliquo actu, seu interlocutoria, vel diffinitiva sententia fuerint: tunc*
intra

(a) De episcopali visitatione, morumque correctione, tum de excessu & appellatione videbis dicta inferius lib. 4 tit. 12 num. 14 ad 18.

(b) Trid. in cap. capitula 4 sess. 6 de reform.

intra sex dierum spatium cum episcopo tertium eligant, & si in electione tertii etiam discordent; ad viciniorem episcopum electio deuoluatur, & iuxta eam partem, cum qua tertius conueniet, articulus, in quo erat discordia, terminetur: alias processus & inde sequuta nulla sint, nullosque producant iuris effectus. In criminibus tamen ex incontinentia proueniens, de qua in decreto de concubinariis, & in atrocioribus delictis depositionem aut degradationem requirentibus, ubi de fuga timetur, ne iudicium eludatur; & ideo opus sit personali detentione, possit in initio solus episcopus ad summariam informationem & necessariam detentionem procedere: seruato tamen in reliquis ordine premissis. In omnibus autem casibus ea ratio habeatur, ut iuxta qualitatem delicti ac personarum delinquentes ipsi in loco decenti custodiantur Qui vero non obtinent dignitates, nec sunt de Capitulo, ii omnes in causis ecclesiasticis episcopo subiiciantur: non obstantibus quoad supra dicta priuilegiis etiam ex fundatione competentibus, necnon consuetudinibus etiam immemorabilibus, sententiis, iuramentis, concordis, quæ tantum suos obligent auctores; saluis tamen omnibus priuilegiis, quæ vniuersitatibus studiorum generalium seu earum personis sunt concessa. Hac autem omnia & singula in iis ecclesiis locum non habeant, in quibus episcopi aut eorum vicarii ex constitutionibus, vel priuilegiis, aut consuetudinibus, siue concordis, seu quoque alio iure maiorem habent potestatem, auctoritatem, ac iurisdictionem, quam presentis decreto sit comprehensum; quibus sancta synodus derogare non intendit (a).

XXIII. Duo hæc decreta explicans S. Congregatio Concilii declarauit, quod episcopus Capitula cathedralium non exempta, earumque personas simul & res valeat vigore prioris decreti visitare & corrigere, nulliusque consilio opus habeat: si vero exempta sint, adhibere tunc debeat consilium depu-

(a) Trid. in cap. statuit 6 sess. 25 de reform.

tatorum ad formam in posteriori decreto præscriptam (a). Exemptiones, consuetudines, sententias, iuramenta, concordias, quæ dignitates & canonicos cathedralium iudicio, visitationi & emendationi episcopi subtraherent, penitus aboleuit, abrogauitque synodus Tridentina: videlicet quas apostolica Sedes Romana speciatim non confirmasset ex certa scientia, quamvis in forma communi generatim ab ipsa confirmatas (b). Excipe subcollectores Cameræ apostolicæ, quos etiam si Canonici fuerint, exemptos a visitatione & correctione episcopi declarauit eadem S. Congregatio (c).

XXIV. Et cathedralium & maiorum ecclesiarum Capitula ideo dixit hoc synodi decretum, vt collegiatas ecclesias minores, earumque personas alicubi ex statuto vel fundatione vel consuetudine vel concordia ab episcopi iurisdictione exemptas hoc ipso reformationis decreto non obstringerent, eisque suas peculiare exemptiones non adimeret (d).

XXV. Per seipsos solos, vel illis quibus sibi videbitur adiunctis quum episcopi mandatam hocce decreto potestatem habeant visitandi, corrigendi & emendandi Capitula exempta: sit exinde vt id solis eorum vicariis etiam generalibus non liceat (e). Arbitrium vero datum episcopo adiungendi sibi conuiscitatores, coniudices, assessores extra Capitulum (f) non impedit, quominus vicarium quoque suum ipse adsciscat, vt vna cum eo Capitulum & Canonicos visitet & corrigit. Propterea recusari tanquam suspectum episcopum, nisi modum in visitando & corrigendo exceßerit, non posse censuit eadem S. Congregatio (g): quum extraordinariam visitationis

(a) Apud Gallemart. in *declarat. ad cap. 4. sess. 6. num. 1.*, & S. Congr. in *Abulensi ad dub. 2.* apud eundem Gallemart. *ad cap. 6. sess. 25. n. 3.*

(b) Id ex mente Gregorii XII a Rota, & S. Congregatione Concilii definitum fert Gallemartius ibidem *num. 5.* Consonat gl. in *cap. veniens de transact.*

(c) S. Congr. rescribens ad episc. Segobiensem apud Gallemart. *ad cap. 6. sess. 25. num. 5.* (d) Gallemart. *ibidem num. 2.*

(e) *Ibidem num. 6.*

(f) *Ibidem num. 8.*

(g) Apud Gallemart. *loc. cit. num. 9.*

nis formam is debeat non transilire (a), inquirens quum publica tum secreta crimina capitularium more paterno emendanda sine strepitu & figura iudicii, actisque visitationis in scripturam non redactis (b), non sua in domo seu foro episcopali, sed in consueto comitorum capitularium loco, aliove cubiculo eiusdem Capituli congruo & commodiore (c). Inferioribus autem praelatis ius visitandi, si quod ii habeant ex statuto vel consuetudine seorsim ab episcopo, non ademit Tridentinum (d).

XXVI. Extra visitationem episcopus, eiusque generalis vicarius ordinariam iudiciorum formam debet omnino servare cum adiunctis Capituli assessoribus contra dignitates, canonicos & Capitulum cathedralis ecclesie exemplum processurus. Siquando totum Capitulum deliquerit non in personam episcopi vel in eius contemptum, sine adiunctis capitularibus episcopum tunc recte procedere censuit S. Congregatio: de contemptu vero capitulari seu iniuria & offensa episcopi superiorem proximum iudicare (e). Nolentem episcopum in Capituli exempti personas iudicium de consilio & assensu duorum suscipere, non teneri. Si autem duo adiuncti assessores negligant vel renuant cum episcopo procedere: eorum facultas ad episcopum non devolvitur (f). Carceres, ubi capitulares includantur, in episcopali domo sint oportet (g). Notarium non suspectum & ministrum fiscales ad acta conscribenda, & personam accusatoris gerendam episcopus pro libito suo extra gremium Capituli deputat (h).

XXVII. *Episcopis ubique*, ait insuper lex Tridentina
Tom. I. Rrr in

(a) S. Congr. in Abulensi *ad dub.* 3, apud Gallemart. in *declarat. cap.* 6 *sess.* 25 *de res. num.* 3.

(b) Eadem S. Congr. *ibidem ad art.* 6, & 10.

(c) *Ibidem ad dub.* 18. (d) Gallemart. *ad cap.* 6 *sess.* 25 *num.* 5.

(e) S. Congr. apud Gallemart. *ad cap.* 6 *sess.* 25 *num.* 6.

(f) Gallemart. *ibidem num.* 4.

(g) Gallemart. *ibidem num.* 14.

(h) S. Congr. apud Gallemart. *loc. cit. num.* 3, & 10. 107. 6, 22, 3

in posteriori decreto de Capitulis exemptis (a), *is honor tribuatur*, qui eorum dignitati par est; *eisque in choro & Capitulo*, in processionibus & aliis actibus publicis *sit prima sedes & locus*, quem ipsi elegerint; & *præcipua omnium rerum agenda- rum auctoritas*: qui si aliquid Canonice ad deliberandum proponant, nec de re ad suum vel suorum commodum spectante agatur, *episcopi ipsi Capitulum conuocent, vota exquirant, & iuxta ea concludant*. Absente vero episcopo omnino hoc aliis de Capitulo, ad quos hoc de iure, vel consuetudine spectat, perficiatur, nec ad id vicarius episcopi admittatur. Ceteris autem in rebus Capituli iurisdictio & potestas, si qua eis competit, & bonorum administratio salua & intacta omnino relinquitur. Quævis igitur exemptio Capitulorum episcopo adimere non potest primum in coetibus & functionibus capitularibus locum, nec ius indicendi, dirigendique publicas processiones; ac per sese ducendi Eucharistiæ Sacramentum posthabitis aliis quibuslibet illud deferre solitis (b). Nec arbitrium advocandi Capitulum, in eoque res deliberandas, quæ ad ipsius episcopi vel suorum commodum nil pertineant, seu in quibus ipse nequeat esse iudex, proponendi: ut vota singulorum exquirat, & secundum ea, quum is nullam in Capitulo exempto vocem habeat (c), concludat deliberationem.

XXVIII. In Capitulis autem non exemptis auctoritas & iurisdictio episcopi amplior est, eamque integram seruauit synodus Tridentina quum episcopis, tum vicariis eorum generalibus ad tramites iuris communis (d), & consuetudinis, non secus quam in aliis locis & personis eorum subditis.

XXIX. Quas nunc res episcopi debeant cum consilio Capituli gerere, heic recensere operæ pretium est. *Irrita eris episcoporum donatio & venditio vel commutatio rei ecclesiasticæ absque*

(a) Trid. in eodem cap. statuit 6 sess. 25 de ref.

(b) Ex decreto S. Congr. anno 1573, apud Gallemart. in eodem cap. 6 sess. 25 num. 16, & 17. (c) Ex traditis a Gallemart. ibidem. num. 22.

(d) Apud Gallemart. loc. cit. num. 20, & 24, ut id pro vicario Tarantino seruatur, S. Congregatio rescriptis.

absque collaudatione & subscriptione clericorum, ex decreto concilii Valentini, quod firmavit textus decretalium Gregorianus (a). Urbanus II alienationes sub episcopi vel abbatis nomine quocunque modo factas, nec non ordinationes personarum ab eisdem sine communi consensu clericorum ecclesie irritas iudicavit (b). Cumque concessionem ecclesiarum ad perpetuas alienationes non sit dubium pertinere: Innocentius III rescriptis episcopo non licere *vacantes ecclesias baptismales* perpetuo conferre *cœnobiis vel ecclesiis conuentualibus*, ad quas ius pertinet *patronatus*: nec *de rebus ecclesie quidquam donare vel permutare vel vendere*, nisi forte aliquid horum faciat, et meliora prospiciat, & cum totius cleri tractatu atque consensu id eligat, quod non sit dubium ecclesie profuturum (c). Nec religiosis etiam consentiente patrono *rotati ecclesiam*, vel aliquam de nouo conferre *portionem*: salua constitutione canonica de concedenda piis locis *quingagesima portione*, nisi de *licentia Romani Pontificis* prater capituli sui voluntatem (d). Certum est, ait Alexander III, de rigore iuris *concessionem illam non tenere*, quam reclamante Capitulo per episcopum constat factam fuisse: nisi eam ratam postmodum habuisset (e). At sciente & non contradicente conuentu factam a prelato alienationem valere Pontifex idem censuit [f].

XXX. Ad restaurandam basilicam ecclesie cathedralis quicquid episcopus cum consensu maioris & senioris partis capituli statuerit, vt quilibet canonicorum simul & episcopus ipse aliquam suorum reddituum portionem operi tam pio & necessario deputaret: minore Capituli parte contradicente vt obtineat sententia plurimorum, rescripsit Innocentius III [g].

Rrr 2

XXXI.

(a) In cap. *irrita* 1 de his qua fiunt a prelatis sine consensu capituli.

(b) Urban. II in can. *alienationes* 37 C. 12 qu. 2.

(c) Innoc. III in cap. *tua nuper* 8 de his qua fiunt a prel. sine cons. cap.

(d) Idem in cap. *pastoralis* 9 eodem tit.

(e) Alex. III in cap. *cum nos* 3, & cap. *quanto* 5 eod. tit.

(f) Idem in cap. *continebatur* 2 eod. tit.

(g) Innoc. III in cap. *ex parte tua* 4, & vlt. de his qua fiunt a ma. par. cap.

XXXI. Quum Hierosolymitanus patriarcha *sine consilio fratrum suorum* (idest Canonicorum) *abbates & abbatissas & alias ecclesiasticas personas* institueret & destitueret: id viribus carere Alexander III rescipit (a). At nouæ regularium constitutiones iandudum episcopis quum admissent priscam auctoritatem instituendi abbates (b), & nouo ecclesiæ sive episcopi vindicassent sibi ordinariam facultatem tam conferendi Beneficia libera personis idoneis ad libitum suum, quam instituendi nominatos a patronis ad vacantia beneficia iurispatronatus [c]: factum est vt nullius fere vsus sit ejusmodi decretalis. Eaque vix locum habet in iis beneficiorum prouisionibus, quæ pertinent ad communem capituli cum episcopo collationem vel institutionem (d).

XXXII. Ad prouinciale concilium *vt Capitula cathedralium debeant inuitari, & eorum nuncii ad tractatum admitti; maxime super illis, quæ ipsa Capitula contingere dignoscuntur*, Innocentius III rescipit [e]. Vt Capitula etiam exempta pareant decretis concilii prouincialis, cui adfuerint episcopi diocesani, S. Congregatio declarauit (f). Propterea deputati Capitulorum vocem duntaxat consilii habent in synodis prouinciæ (g). In synodis autem diocesanis consensum capituli esse quidem exquirendum, sed episcopum non habere necessitatem illud sequendi, nisi in quibuscumque casibus in iure expressis, eadem S. Congregatio censuit (h).

XXXIII. In ecclesiis cathedralibus, & insignis alicuius oppidi collegiatis episcopus quisque, locum ordinarius *de Capituli consilio* ita prouideat, vt *sacra Scripturæ lectio* habeatur: & ubi tam exigua est cleri & populi multitudo, vt theo-

(a) Alex. III in cap. nouit 4 de his quæ fiunt a præl. sine cons. cap.

(b) Ex infra dicendis tit. 32 de regularibus.

(c) Ex traditis in tract. de Beneficiis ecclesiasticis cap. 8.

(d) Videtis eundem tract. de Benefic. ibidem num. 4.

(e) Innoc. III in cap. & si membra corporis 10, & ult. de his quæ fin. a pr. sine cons. cap.

(f) Apud Gallemart. in declar. ad cap. prouincialia 2 sess. 24 de ref. n. 6.

(g) Gallemart. ibidem num. 5. (h) Gallemart. ibidem num. 12.

theologiæ lectio in eis commodè haberi non possit, saltem magistrum habeant ab episcopo cum consilio Capituli eligendum, qui clericos, aliosque scholares pauperes grammaticam gratis doceat, synodus Tridentina decrevit [a].

XXXIV. Pro seminariis adolescentium rectè instituendis & gubernandis omnia opportuna & necessaria episcopi singuli cum consilio duorum Canonorum seniorum & grauiorum, quos ipsi elegerint, constituent, eaque ut semper obseruentur, sapius visitandi operam dabunt. Præterea taxam seu portionem fructuum assignare super omnibus ecclesiasticis prouentibus debent episcopi cum consilio duorum de Capitulo, quorum alter ab episcopo, alter ab ipso Capitulo eligatur, itemque duorum de clero ciuitatis, quorum alterius electio similiter ad episcopum, alterius vero ad clerum pertineat. . . Rationes quoque reddituum seminarii episcopus annis singulis accipiat, præsentibus duobus a Capitulo, & residuum a clero ciuitatis deputatis [b].

XXXV. Quum in omnibus ecclesiis cathedralibus omnes canonicatus ac portiones habeant adnexum ordinem presbyterii, diaconatus vel subdiaconatus: episcopus quidem cum consilio Capituli designet ac distribuât, prout viderit expedire, quibus quisque ordo ex sacris adnexus in posterum esse debeat [c].

XXXVI. Cetera quæ ad debitum in diuinis officiis regimen spectant, deque congrua in his canendi seu modulandi ratione, de certa lege in choro conueniendi, & permanendi, simulque de omnibus ecclesiæ ministris, quæ necessaria sunt, & si qua huiusmodi; synodus prouincialis pro cuiusque prouincia utilitate, & moribus certam cuique formulam præscribet. Inter ea vero episcopus non minus, quam cum duobus canonicis, quorum unus ab episcopo, alter a capitulo eligatur, in iis, quæ expedire videbuntur, poterit prouidere [d].

XXXVII. In ecclesiis cathedralibus, & collegiatis insti-

(a) Trid. in cap. eadem 1. sess. 5 de reform.

(b) Ex Trid. in cap. cum adolescentium aet. 18 sess. 23. de ref.

(c) Trid. in cap. cum dignitates 12 sess. 24 de ref.

(d) Ex Trid. eodem cap. 12.

gnibus, ubi frequentes adeoque tenues sunt praebeendae simul cum distributionibus quotidianis, ut sustinendo decenti canonicorum gradui pro loci & personarum qualitate non sufficiant; liceat episcopis cum consensu capituli vel aliquot simplicia beneficia, non tamen regularia iis vnire; vel si hac ratione provideri non possit, aliquibus ex iis suppressis, cum patronorum consensu, si de iurapatronatus laicorum sint, quorum fructus & prouentus reliquarum praebeendarum distributionibus quotidianis applicentur, eos ad pauciores numerum reducere; ita tamen ut tot supersint, quot diuino cultui celebrando ac dignitati ecclesiae commodè valeant respondere [a].

XXXVIII. Si hospitalia ad certum peregrinorum aut infirmorum aut aliarum personarum genus suscipiendum fuerint instituta, nec in loco, ubi sunt dicta hospitalia, similes personae aut perpaucae reperiantur: synodus Tridentina (b) decreuit, ut fructus illorum in alium pium usum, qui eorum institutioni proximior sit, ac pro loco & tempore utilior, conuertantur, prout ordinario cum duobus de Capitulo, qui rerum usu peritiores sint, per ipsum deligendis, magis expedire visum fuerit: nisi aliter forte etiam in hunc euentum in eorum fundatione aut institutione fuerit expressum. Quum hoc decreto episcopis mandetur facultas compellendi & destituendi laicos etiam administratores hospitalium episcopalibus dispositionibus non obtemperantes: id ipsum inter capita reformationis aduersantia huius regni legibus & moribus recensuit Regens Villanus (c). Quid autem sit ea de re agendum ex nouis Concordatorum constitutionibus, exponam inferius (d).

XXXIX. Prauos elemosynarum quaestorum abusus corrigens eadem Tridentina synodus decreuit, indulgentias, aliasque spirituales gratias, quas consueuerunt iidem quaestores publicare, deinceps per ordinarios locorum adhibitis duobus de Capitulo

(a) Trid. in cap. in ecclesiis 15 sess. 24 de ref.

(b) Trid. in cap. admonet 8 sess. 25 de ref.

(c) Videlicet dicta superius tit. 6 num. 34.

(d) Lib. 3 tit. 8 num. 23, & seqq.

pitulo debitis temporibus populo publicandas esse; quibus etiam eleemosynas atque oblata sibi charitatis subsidia, nulla prorsus mercede accepta, fideliter colligendi facultas detur: ut tandem caelestis hos ecclesiae thesauros non ad quæstum, sed ad pietatem exerceri omnes vere intelligant (a). Quoties apostolica Sedes alicui loco pio ex causa indulget facultatem colligendi eleemosynas, solet episcopo diocesano ita rescribere. *Has eleemosynas, quæ in tua ciuitate & diœcesi pro usu dicti hospitalis dabuntur, permittas: dummodo personæ, quæ colligent eas, honestæ vitæ & spectatæ religionis & tuo iudicio approbatæ sint, minimeque participes datarum eleemosynarum, & quæstorum nomen nullo modo gerant, sed simpliciter eleemosynarum collectores nuncupentur: quique non publicent ullas indulgentias, nec concionentur, nec circumferant sua priuilegia, nec reliquias, nec minis aut imprecationibus inducant fideles ad eleemosynam: non campanulam, aliaque instrumenta similia quædam quæstorum insignia ferant, pulsentue ad excitandas personas: non petant eleemosynam tanquam debitam aut solitam, neque vlla arte (etiam prætextu dicendi orationes S. Antonii, aut alterius Sancti, vel aliter) extorqueant pecuniam: sed simpliciter, permodeste, & cum omni dexteritate petendo eleemosynam pro sustentatione dicti hospitalis, recipiant tantum, quod sibi liberaliter offertur; neque super his eleemosynis vllam conventionem quouis modo faciant, etiam in utilitatem dicti hospitalis. Diligenter autem curabis amplitudo tua, ut hæc omnia rite obseruentur, & ad id diligenter animaduertat, imo (quo etiam Sanctitas sua conscientiam tuam grauari voluit) aduigilabit, ut quicquid dictarum eleemosynarum nomine fuerit collectum, id totum in usum tantum ipsius hospitalis, & non in alium conuertatur (b).*

XL. Ordinationes sacrorum ordinum, inquit etiam synodus Tridentina, statutis a iure temporibus ac in cathedrali

(a) Trid. in cap. cum multa 9 sess. 21 de reform.

(b) Ex Gallematt. in declarat. ad cit. cap. 9 sess. 21 num. 2.

Institutionum Iuris Canonici
ecclesia, vocatis presentibusque ad id ecclesiæ Canonicis pu-
blice celebrentur. Si autem in alio diœcesis loco, presente cle-
ro loci dignior, quantum fieri poterit, ecclesia semper adae-
sur (a).

T I T. XXIX.

*De dignitatibus, & personatibus, & officiis cathedralium,
 & collegiarum.*

- 1 *Subministri episcoporum in ecclesiasticis officiis vel dignitatem vel personatum vel nudum officium in hierarchia habent.*
- 2 *Dignitas habet gradus prærogatiuam cum iurisdictione vel administratione, personatus honorem gradus, officium vero ministrandi onus absque honore gradus.*
- 3 *Quum iurdictio nunc episcoporum, præsulumque tota fere sit, ventosam & inanem dignitatem dicuntur archidiaconi, archipresbyteri, decani, ceterique habere.*
- 4 *Maiores in quavis cathedrali dignitas post episcopalem reservata Sedi apostolicæ perpetuo est.*
- 5 *Simul & principalis etiam unica dignitas collegiarum.*
- 6 *Si maior in cathedrali vel principalis in collegiata dignitas patronatui obnoxia sit: a reservatione pontificia eximitur, atque ad ordinariam episcopi institutionem redit.*
- 7 *Principalis in collegio dignitas adnexam habens curam animarum sine concursu olim, nunc prævio concursu a Papa confertur.*
- 8 *Qualitas collegiæ insignis ex fundatione, vel privilegio vel coniecturis ostenditur.*
- 9 *Pontificiis collegiarum erectionibus regium placitum nunc denegatur.*
- 10 *Novas in ecclesia dignitates episcopi erigere non valent.*
- 11 *Ecclesiæ rurales quum receptis cum numeratæ nullam habent dignitatem.*
- 12 *Rurales archipresbyteri, decani, primicerii, cantores non*
ba

(a) Trid. in cap. ordinationes 8 sess. 23 de reform.

habere beneficium.. ecclesiasticum dicuntur, si absque bullis episcopalibus creantur: secus dicendum, si bullis ordinariorum instituuntur.

- 13 Archidiaconi olim tanquam nati, perpetuque episcoporum vicarii episcopalia inuadere iura non dubitabant.
- 14 Eorum audaciam, nimiamque auctoritatem fregit & coercuit synodus Tridentina.
- 15 Honorifica nunc iura vim habentes in choro & comisiis capitularibus non alia in ceteris rebus potestate videntur, nisi quantam eis episcopi ad libitum mandauerint, vel statuta, & consuetudines locorum.
- 16 Diaconatus ordo & laurea etiam doctoris in archidiaconis requiritur, quoribus vel curam animarum vel iurisdictionem ipsi habeant.
- 17 Archipresbyter ordine maior, dignitate minor archidiacono episcopales vices in sacerdotalibus muniis gerit.
- 18 Primicerius pariter plerumque minorem, alicubi maiorem vel primam obinet dignitatem, vel officium cantoris & magistri scholæ.
- 19 Scholarum in ecclesiis varia officia vel personatus vel dignitates nonnisi idoneis viris conferri oportet.
- 20 Translati ad seminaria scholis vim canonici theologi officium in ecclesiis mansit, prævio concursu conferendum cum onere statas lectiones in ecclesia peragendi.
- 21 Canonici penitentiarii officium & præbenda nunc insuper per concursum confertur, vices episcopales in Sacramento Penitentiae gerentis.
- 22 Officia sacristæ & custodis plerumque famularia alicubi adnexam habent dignitatem thesaurarii vel cimeliarchæ.
- 23 In ceteris Canoniorum & hebdomadarios officii & personatibus statuta, moresque locorum seruandi sunt.
- 24 Archiacoluthi officium quoque viguit olim, quod videtur post comitia Tridentina ubilibet desuisse.

Hierarchiam habens ecclesia, velut castrorum aciem ordinatam, munia clericalis militiæ ita parti consuevit, ut nedum Papæ, patriarchis, metropolitibus, episcopis, locorumque ordinariis perinde cuncti pareant ecclesiastici, uti commilitones Imperatori, legatis, prætoribus, præfectis, tribunisque; sed etiam (tanquam centuriones, signiferi, decurionesque in singulis legionibus) archidiaconi, archipresbyteri, decani, primicerii, præcentores, aliæ id genus personæ in vnoquoque clero præcellant cæteris. Hos diuus Thomas (a) inquit habere aliquas sub episcopo subministrationes, quemadmodum sub Rege magistratus, per simplicem commissionem sine solemnitate consecrationis, per quam & regia & episcopalis cura accipitur. Vtrum dignitate, an personatu, officioque isti potiantur? quæstio est iisdem ipsis vocabulis recentiorum. Quoad enim perseverauit communis Canonorum vita, plerumque officia seu mera quidem erant ministeria, ad libitum episcoporum conferri & adimi consueta [b]. Postea sensim facta sic sunt fere perpetua & irrevocabilia, ut quilibet clericorum secularium ecclesiasticum beneficium & officium semel obtentum tuto ad vitam retineat suam; quod ipse quidem valeat spontanee dimittere, inuitus nequaquam, nisi ob legitimam causam in iure expressam, quæ ritibus fori solemnioribus probanda est (c). Cumque beneficium in iure percipiendi redditus ecclesiasticos consistens nexu item inseparabili adhæreat officio seu muneri perpetuo vel ministrandi vel seruendi: factum est, ut in nouæ disciplinæ canonibus (d) *ministeria*, *beneficia*, *præbendæ*, *officia* significatione promiscua appellarentur; & interpretes *ministeria* esse putarent *officia*, siue *dignitates*. A Lucio III (e) siquidem dicti sunt *decani*,

ar.

(a) S. Thom. 2. 2. par. 5 qu. 184 art. 1 ad 2.

(b) Van Espen par. 1 tit. 11, & par. 2 tit. 18 cap. 2 num. 2, & 3.

(c) Videtis quæ dixi in tract. de Beneficiis cap. 23 n. 1, & 2, 3, & seq.

(d) Conc. Lateranense sub Alexandro III in cap. nulla 2 de concess. præbendæ, ubi cautum, ut infra sex menses ea conferantur, alias a Capitulo ad episcopum, ab hoc ad metropolitanum deuoluatur collatio.

(e) In cap. ad aures 8 de rescriptis.

archidiaconi, præcentores, aliique nomen *dignitatis* suæ suppressisse, tanquam si non haberent aliquem *personatum*, eandem utrisque vocibus notionem appingens. Tum Innocentius III (a) primiceriatum ecclesiæ Tullenfis modo *personatum*, nunc *dignitatem*, deinde *officium* appellat. At idemmet Innocentius alibi (b) *personatum* a *dignitate* manifesto distinguit, quemadmodum & Bonifacius VIII (c). Tum Clementi V (d) ab officiis differre *beneficia* visa sunt.

II. Ex his prouum est intelligere discrimen singularum vocum, delibatum iam superius (e), ubi ex strictim adhibeantur. Enimuero in recentiori disciplina *personatus* quid minus *dignitate*, quid maius *officio* sonat, inter duo medius: quum veræ dignitati nedum gradus præeminentia, sed iurisdic-tio etiam & auctoritas (f) vna cum administratione adne-statur. *Personatus* vel honorifico tantum loco aliis antecel-lat; vel administrandi munus sine iurisdictione habeat (g). *Officium* non aliud; nisi onus ministrandi sine præcedendi honore (h). Quoties enim ministerio addatur præcedendi honor vel iurisdic-tio: *officium* tunc attollitur ad gradum vel *personatus*, vel *dignitatis*, quod ideo in utroque inest,

Sss 2

&c

(a) In cap. cum accessissent 8 de constitutionibus.

(b) In cap. de multa 28 de præbendis.

(c) In cap. statutum 11 de rescriptis in 6. ●

(d) In Clement. 1 de decimis, ubi sancitum ut religiosi decimas frau-dantes tandiu maneant ab officii administrationibus & beneficiis suspensi, donec desisterint aut satisfecerint.

(e) Tit. 11 de iure personarum.

(f) Definitor sane dignitas ab auctore lib. 2 ad Florentium num. 39, quod sit alicuius honesta, & cultu & honore & verecundia digna auctoritas.

(g) Rursus a dignitate, quæ perpetua est, distinguitur *personatus* tem-porarius & extingibilis in provincia Catalonia olim consuetus, quem submotis fraudibus, abulibusque synodi Tarraconenses vti licitum comprobarunt, ex Nazære conf. 18 de iurep. Fundari quippe fuerat inibi cum assensu episcopi diocesani eo pacto, ut vsque ad tertiam ex gr. vicem possessori liceret suc-cessorem nominare, deinde *personatus* omnino extingueretur, cuiusque redditus, & bona omnia in aliquod pium opus impenderentur.

(h) Quale est ex. gr. illud sacristæ, cap. vn. de officio sacristæ; alte-ram custodis, cap. 1, & 2 de officio custodis.

& ab utroque non aliter, quam genus a speciebus differt suis (a).

III. Quoniam vero episcopis, prælatisque inferioribus locorum ordinariis iurisdictionem fere indulgent mores hodierni, præterea inferiorum nemini, quamvis prima, loca in choro cathedralium & collegiarum una cum honorifico dignitatis nomine largiantur archidiaconis, archipresbyteris, decanis, ceteris id genus personis: *ventosas, inanesque* idcirco horum omnium *dignitates* appellant Doctores (b). Iique propterea commonent, quod ad gradus præminentias, iura & nomina, observandam, retinendamque in singulis ecclesiis esse consuetudinem (c).

IV. *Maiorem* in quavis cathedrali *dignitatem* post pontificalem seu episcopalem spectare in primis operæ præmium est. Ea porro quovis modo ac mense vacaverit, reservata iugiter est collationi Sedis apostolicæ nedum iure communi (d), sed etiam per Regulam IV Cancellariæ, quæ continuam, perpetuamque fert reservationem, non personæ mutabili adhaerentem, sed rei ipsi, nimirum dignitati perenni adnexam, ideoque Pontificis reservant obitu non expiraturam (e): adimittique ordinariis locorum etiam S. R. E. Cardinalibus, & Legatis (f) conferendi potestatem. In Italia primam eiusmodi

(a) DD. ad rubricas de officio archidiaconi, de officio archipresbyteri, de officio primicerii. (b) Fagnanos in cap. ad hac de præbendis n. 22.

(c) Cap. cum olim 6 de consuetud. Pinfonius de beneficiis cap. 4 §. 20 n. 7.

(d) In cap. deliberatione 4, & fin. de off. legati in 6.

(e) Ex traditis in meo tractatu de beneficiis cap. 5 de reservationibus, & affectionibus. Rationem huiusce reservationis scrutatus cum Lotterio, & Corrado Rigantius in Reg. IV Cancell. §. 1 num. 6, & 7, putat non aliam fuisse, nisi quod iurisdictionem dignitati maiori adnexam non episcopo, sed Capitulo adentam, cum de regalibus ea sit, supremus Pontifex tantum possit alius mandare. Id si verum esset, cunctæ omnino dignitates, non maior sola esse deberet Pontifici maximo reservata. Vel a contrario nulla potientes iurisdictione dignitates maiores, quales pleræque nunc sunt, nulli essent reservationi obnoxie. Mihi videtur communem hæc cum aliis reservationibus pontificis causam habuisse.

(f) Cit. cap. deliberatione 4 de off. legat. in 6.

di dignitatem plerunque obtinent *archidiaconi* (a), in Hispania & Lusitania *decani*, in Germania *prepositi* (b). Vt autem huic reservationi fiat locus, necesse non est iurisdictionem dignitati inesse, sed sufficit præminetia [c] in Capitulo canonicorum, etiamsi alias illud præter unam [d] non habeat dignitates. Si dignitas post pontificalem in cathedrali maior sit accessorie unita Capitulo, reservationem Regulæ IV tunc locum habere in secunda dignitate Rota definiuit [e].

V. Idem dicendum de *principali* vel *unica dignitate* collegiatarum insignium, cui frequentior titulus est *abbatis*, *archipresbyteri*, *prepositi*, *prioris* [f], eodem modo reservata per Regulam IV Cancellariæ, quoties ea decem florenorum auri valorem, qui in cathedralium prima dignitate non attenditur, exceßerit [g]. Etiamsi unica fortasse dignitas ea sit in cathedrali vel collegiata ecclesiâ: dummodo inibi consistant alia beneficia ad episcopi collationem vel institutionem pertinentia: aliter tanquam *dignitas monocularis* nil esset reservationi Regulæ IV obnoxia [h]. Archipresbyteri autem rura-

(a) Gl. in cap. 4 de offic. legati in 6 vers. electionis. In cathedrali Neapolitana olim *primicerius*, & *cimiliareba* de maiori dignitate contenderant; Rota coram Bichio dec. 312, & par. 10 rec. dec. 99. Sed dignitas ecclesiæ Neapolitanæ est nullam habere dignitatem, nec primam, nec secundam quum ex antiquis, tum recentibus Rotæ decisionibus apud Rigant. loc. cit. n. 30. In Spoletina cathedrali ecclesiâ *prior* prima, *archidiaconus* secunda dignitas est. In Sabinensi quoque maior est ea *archipresbyteri*, quam *archidiaconi*.

(b) Rigant. loc. cit. num. 20 ad 23. (c) Idem ibidem num. 12.

(d) Leuren. in for. benefic. to. 2 qu. 546 num. 2, & 3, Mandos. ad Reg. IV Cancell. qu. 5.

(e) Apud Rigant. to. 1 in Reg. IV Cancell. §. 1 num. 43, & 44.

(f) Card. de Luca disc. 30 de Canonicis num. 9, Rigant. in dict. Reg. IV §. 2 num. 3. Hoc in regno in regia ecclesiâ S. M. de Catholica græcitus in ciuitate Rhegii prima dignitas *protopapa*, secunda vero *diileus* appellatur.

(g) Ex traditis in tract. de beneficiis cap. 5 num. 41, & Rigant. to. 1 in Reg. IV §. 2.

(h) Ex traditis a Rigantio to. 1 in Reg. IV Cancell. §. 1 num. 42, Cuiusmodi esse ostendi abbatis dignitatem in collegiata ecclesiâ S. Bartholomæi

rurales nullam dicuntur dignitatem habere : nisi ea in ecclesia rurali collegium insigne sit rite erectum [a].

VI. Vbi tamen vel maior vel principalis dignitas erit de iure patronatus, reservatio Regulæ IV, non secus quam aliarum, evanescit ; ne iura patronorum præsertim præsentandi coram loci ordinario in singulis vacationibus, inuiolabilia infringantur [b]. Patronis enim fauent potius hac in re, quam aduersantur canones [c]. Neque sat probabilis videtur eorum opinio, qui affectam reservatione pontificia malunt secundam dignitatem, quotiescunque ius patronatus, quominus primam afficiat, obstiterit [d]. Si enim Cancellariæ Regu-

læ

mæi Padulensium in diocesi Beneventana scribens pro D. Francisco de Vio a Canonici illius ecclesiæ electo post obitum D. Philippi Coseiz episcopi Targentis, petente ordinariam institutionem ab archiepiscopo Beneventano contra archipresbyterum, qui eam per subreptionem ab apostolica Sede impetraverat velut reservatam : Quum enim abbas Padulensis tanquam inferior prelatus cum iurisdictione in causis civilibus & missis ius habeat ex capitularibus statutis conferendi exigua illius terre beneficia, et collegii præbendas ciuibz Padulensibus ordine et famulatu ecclesiæ antiquioribus : non aliud inibi superest beneficium, quod conferat diocesanus Beneventi archiepiscopus, nisi abbatia principalis dignitas collegii. De huius abbatis iurisdictione videlicet dicta lib. 3 tit. 13 num. 23, & in tract. de Beneficiis cap. 5 num. 41 pag. 121 in notis lit. c. 2 edit. (a) Ex Rigantio *ibid.* num. 15.

(b) Bonif. VIII in cap. deliberatione 4 de officio leg. in 6, Piton. digest. 25 num. 6.

(c) Quibus id non arridet ; si potissimum ut patronos a iure præsentandi ad primarias collegiatarum, et cathedralium dignitates deturbent, obicere non aliud solent, nisi cap. nobis fuit 25 de iurepatr. sed irritum conato. Nam eo in textu Pontifex agnoscit, idemque probat in patrono ecclesiæ *conventionalis* (quo vocabulo quamlibet collegiatam secularium quoque clericorum significari vulgo putant) facultatem eligendi *plebanum*, alii legunt *prelatum*, quæ legitimo sit iure quæsitæ : tamen si patroni assensus post electionem honestior, quam ante illam sibi videtur. A recto igitur declinat longius, qui incapasem prorsus iure præsentandi ad primam collegiatæ ecclesiæ dignitatem patronum pronunciant, eumque in ecclesiæ patronatu obnoxia, ea si erigatur in collegiatam, præsentationem principalis dignitatis amittere, Barbosa, alique apud Rignan. in *saped. Reg. IV Crm.* §. 2 n. 30. eo vel maxime quod Bonifacius VIII in cap. 4 de off. legati in 6, inter cetera inhibuit, nequis apostolicæ Sedis Legatus obstaret, quominus ad dignitates cathedralium maiores si, ad quos pertineret, eligendi aut postulandi iure uterentur.

(d) Rota dec. 99 num. 24 par. 10 rec. Barbosa alleg. 57 num. 201, ceteri apud Rignan. *ibid.* §. 1 num. 46.

læ iure communi transeuntes strictam maxime postulant, & amplam minime ferunt interpretationem, quatenus in casibus omissis & ambiguis ad ius commune fiat regressus: consequens est ut a maiori vel principali dignitate nequeat reservatio patronatu repulsa ad secundam transire; sed potius evanescat, ne libera ordinariis locorum collatio secundæ dignitatis, quam ii communi canonum iure habent, auferatur.

VII. Animarum cura si fuerit principali collegiatæ dignitati adnexa & accessorie vnita, eam Romana Sedes apostolica confert sine concursu: qui in aliis cum animarum cura dignitatibus & beneficiis & ecclesiis parochialibus ut dignioribus conferantur, omnino præmittitur, quotiescunque in quolibet mensium siue reservatorum, siue ordinariorum vacauerint [a]. Locum sibi vindicat reservatio Regulæ IV, inquam cum Rigantio [b], etiamsi dignitas principalis in collegiata adnexam habeat curam animarum, quæ in eadem ecclesia quidem compatibilis est cum dignitate vel canonicatu [c]. Nec necesse est in eius provisione apostolica concursus præcedere a concilio Tridentinò imperatum in conferendis ecclesiis parochialibus, animarumque curis [d]. Consuevisse nihilominus Datarios monet idem Rigantius sub Alexandro VIII, Innoc. XII, & Clem. XI concursus requirere, ut certior de scientia & meritis concurrentium fiat Pontifex: idque firmatum etiam iussu Clementis XII. Tandem Benedictus XIV perpetuo constituit, ut quoties contigerit *ecclesias parochiales,*
di-

(a) Rota cor. Molines *dec. 294 num. 9 §. ceterum*. Nam decretum Tridentinum in *cap. expedit 18 sess. 24 de ref.* de conferendis prævio concursu ecclesiis parochialibus & animarum curis, non habere locum, quando contingit aliquam dignitatem vacare, cui parochialis est accessorie vnita, declarat S. Congregatio apud Gallemart. in *declarat. eiusdem cap. 18 num. 1, & 14, Van Espen par. 2 iur. eccles. tit. 22 cap. 2 num. 9, Corrad. in prax. benefic. lib. 3 cap. 3 num. 5.*

(b) Rigant *loc. cit. §. 2 num. 23, & seq.*

(c) Ex traditis a Lotterio, Pitonio, Gonzalez, & Rota apud Rigant. *ibidem.*

(d) Ut observat Barbosa in *Trid. cap. 18 sess. 24 de ref. num. 17, Gonzalez ad Reg. VIII gl. 6 num. 162, Piton. discept. 116 num. 43.*

*dignitates, canonicatus, aliaque beneficia curam animarum adne-
cant habentia esse ab apostolica Sede conferenda vel ratione
mensium, vel alio quouis capite referuata: concursus ab epi-
scopo sine ulla discrimine indicatur, nulla ad hunc actum petita
venia vel licentia Romanæ Sedis. Absolutoque concursu, ubi
agatur de beneficiis eiusmodi curatis, quæ ratione mensium
solum referuata sint: episcopus inter approbatos eligit ma-
gis idoneum & Dataria significet sine actorum transmissione.
Si ea vero alio quouis capite, quam mensium apostolicorum re-
feruata Sedi apostolicæ sint: veteri non immutato more ab-
stineat episcopus a ferendo dignioris iudicio, & acta concur-
sus: vltro Dataria exhibeat (a).*

VIII. Huiusmodi referuatio & prærogatiua locum non ra-
ro dat controuersia, vtrum ecclesia reuera sit collegiata, an
mera parochialis cum simplici beneficiariorum & capellano-
rum cœtu? Eaque in facto consistens definienda est ex ad-
iunctis rerum quæ circumstant; puta primum ex primæua
fundatione, deinde ex priuilegio subsequuto, tum ex conie-
cturis collegii insignis qualitatem ostendentibus, præsertim ex
pontificiis collationibus primæ dignitatis, ex fama & deno-
minationibus dignitatum & canonicorum, statutisque colle-
gialibus (b).

IX. Rursus quæri solet, Romanus ne Pontifex tantum,
an episcopi etiam ius habeant erigendi collegiatas? Si enim
antiqui mores spectentur, episcopi proculdubio consueuerunt
parochiales in collegiatas erigere iure communi (c) & ordina-
rio

(a) Bened. XIV in *const. cum illud* 68 §. 19, & 20 to. I. Bullarii sui:

(b) Rigant. *ibidem* num. 36, & *segg.*

(c) *Ex cap. quoniam 9 de vita & honest. clericor.* Hac sane decretali
quom Gregorius VIII generatim statuerit, vt facultatibus ecclesiarum in-
spectis episcopi certum valeant imponere numerum clericorum, & statuere vt
bona eorum veniant in communione, & in una domo vescantur, atque sub uno
tecto dormiant & quiescant: nemo, cui sana mens erit, non intelligit colle-
gia Canonicorum secularium ecclesiastica Pontificem episcopis erigenda de-
mandasse, ii vt intra claustra canonicam seu communem vitam agerent,
Gon-

rio: tamen anno abhinc 1623, ex quo sacra Congregatio Concilii censuit erectiones collegiatarum ad summum Pontificem pertinere (a), eas facere sine auctoritate pontificia destituerunt episcopi; quamvis ea de re constitutio, qua iuri communi derogaretur, nulla hucusque lata sit. Memoria nostra permultæ quidem huius regni ecclesiæ aut parochiales, aut receptitiæ sunt auctoritate Romanorum Pontificum erectæ in collegiatas insignes cum certo dignitatum & canonicorum numero, insignibus rocheti, & caputii, aliisque ornamentis decoratorum. Sed paucis abhinc annis Regalis Camera S. Claræ pontificias beneficiorum reservationes ægerimo ferens animo regium placitum non amplius indulget novis collegiatarum erectionibus.

X. Quod omnes ecclesiarum cuiuslibet ordinis dignitates instituat Romana ecclesia, rescripsit Nicolaus II (b). Hinc episcopo non licere novam, quæ prius non extitisset, in cathedrali ecclesia dignitatem erigere (c), sed antiquam solummodo, quæ suppressa fuisset, redintegrare cum consensu Capituli; non semel S. Congregatio Concilii definiuit (d).

Tom. I.

Tit

Id.

Gonzalez in notis ad hoc *cap. 9. ver. clericorum*. Permulti opinantur hæc episcopos potestates destitutos iure communi ex paullo ante citato *cap. nobis 25 de iurepatr.* Sed hocce tantum abesse a iō, ut patefacto episcoporum iuri repugnaret, ut maxime etiam velificaretur: quippe quod de ecclesiis cum assensu tantum diocesani constructis loquitur quum simplicibus, tam collegialibus, deque patronorum iure in utrisque vi constructionis eiusmodi quæsito; nullumque omnino verbum habet de Romanæ Sedis auctoritate.

(a) Pitonius *discept. 116. num. 30 tom. 4.* & Rigant. *ibid. num. 95.*

(b) Nic. II *ep. ad Mediolanenses in can. dist. 22.* ibique gl. interpretatur Papæ soli ius esse novæ faciendi dignitates, præterea nemini.

(c) *Cap. cum olim 6 de consuetudine*, ubi Londonensis episcopus traditur petitam obtinuisse ab Innoc. III facultatem statuendi in ecclesia sua dignitatem præbentis.

(d) Fagnan. in *cap. dilecto n. 7 de præben.* Bened. XIV. *de synod. dioces. lib. 7 cap. 65 num. vlt.* Tuta ideo non est opinio Io. Azorii *par. 2 instit. moral. lib. 5 cap. 29 qu. 25.* scribentis, quod æque legatus, ac episcopus possit quidem archidiaconatum, vel archipresbyteratum erigere, ubi desideretur; sed non dignitatem ita novam, ut novum nomen, officium & potestatem habeat: quam hoc solus sit Papæ.

Idipsum in causa fuisse puto, ut novi mores ad Sedem apostolicam deferant. erectiones collegialium ecclesiarum insignium: propterea quod in istis etiam novas erigere dignitates instar cathedralium non posse visi sunt episcopi.

XI. Hinc etiam est, cur dignitates nullæ sint in tot ecclesiis oppidorum huius regni parochialibus & matricibus, nullum ab apostolica Sede insigne canonicorum collegium adeptis: tamen in eorundem choro diuina concelebrant turmae presbyterorum de una eademque fructuum & distributionum massa participantium, ab dioecesanis institutæ vel probatæ. Istorum numerus ubi certus erit, eas tunc *numeratas* ecclesias; & ubi incertus, variusque, *receptitias* nuncupant rectius, quam capitulares aut collegiatas: profecto vocabulis abutuntur maxime, qui hosce turmalium presbyterorum cœtus nedom collegia, sed & capitula inscribunt & denominant.

XII. Qui ad certa in hisce ecclesiis munia ex. gr. archipresbyteri, decani, primicerii, cantoris obeunt, ceterisque præcellunt, eos dignitate carere iam constat ex hæcenus dictis. Sed dubitatur adhuc *personatum* ne, aut *beneficium* ipsi ecclesiasticum obtineant obnoxium reservationi mensium apostolicorum, aliisque Cancellariæ Regulis, an merum *officium* a quibuslibet Curie Romanæ ordinationibus exemptum? Quætionem facile dirimit, qui duplex *officii* genus inspicit. Alterum enim, si ex lege foundationis & statutorum, vel immemorabilis consuetudinis, quæ foundationi æquipollet, personis confertur ecclesiasticis siue in perpetuum siue mobiliter siue bullis episcopalibus, seu sine titulo collationis vel institutionis; non aliter quam profana laicis officia demandantur; nullum tunc *beneficii* naturam redolet. Secus est in altero genere, quod veros *beneficii* characteres habet impressos quum erectionis, tum collationis episcopalis, in titulum perpetuum (a); ubi scilicet episcopus

(a) Van Espen. tom. 1. iuris eccl'es. tit. 37. cap. 1. num. 19, & seqq. Nicolai ad Concordata Germania tit. 1. dub. 3 §. 2; Rigant. to. 2 in Reg. IX. Canc. par. 1 §. 2 num. 409 ad 414.

in fundationis limine, vel in ordinandis ecclesiæ statutis illud tale officium assensu probauerit suo, eique præbenda, certaue fructuum portione assignata vel confirmata, pronunciauerit idipsum erigere in titulum perpetuum, ea conditione ut nonnisi per canonicam ipsius diocesis vel summi Pontificis collationem aut institutionem perinde detur, ac dari solent beneficia ecclesiastica & personatus item ecclesiastici (a). Erectionis primariæ atque statutorum monumenta si deficient: coniecturis, inter quas præpoller diuturna obseruantia & immemorabilis consuetudo, opus est qualitatem officii ambiguum perscrutari.

Generatim his præcognitis, singulorum sunt munia nunc expendenda.

XIII. *Archidiaconi* primariæ dignitatis, quæ iamdudum reipsa fuit amplissima, vix umbra superest. Is enim oblationum, reddituum, totiusque pecuniæ ecclesiasticæ olim collector præbendas, partesque cuique suas distribuebat canonicis, clericis, & pauperibus, ecclesiarumque fabricæ; quos nosset ad ordines & beneficia idoneos, episcopo præsentabat; causasque fori episcopalis fere omnes audiebat, definiebatque (b) tanquam *narus* episcopi *vicarius* (c), cuius & *ala* & *oculus* dicebatur (d). Et quamuis initio omnia ferme ista gererent archidiaconi ex mandato, arbitrioque episcoporum:

Tit. 2

tamen

(a) Videbis *tratt. de benefic. cap. 3 de fundatione & erectione*.

(b) In *can. 1. dist. 25*, tum in *can. 1. in plebibus 20. dist. 63* B. Ildoræ Hispanensis fuisse describit archidiaconi prærogativas ævo suo, nempe seculo VI vigentes. Et quæ per plurima, quæ subscuta sunt, secula non modo perierant, verum excreuisse etiam patet ex Decretalium *tit. de officio archidiaconi*.

(c) Ex libro Romani Ordinis textus in *cap. 1. de off. arch.* tradit archidiaconum esse vicarium episcopi in omnibus. Hæc tamen verba quomodo non inueniantur in veteri *ordine Romano*, neque in libro *de diuinis officiis*, si credimus Emm. Gonzalez in *idem cap. 1.* minime probant archidiaconos vettustioribus ecclesiasticæ disciplinæ seculis vicarii officium sibi adnexum habuisse: quod procul dubio habebant recentiori ævo Innocentii III. Hic enim rescriptit in *cap. ad hæc 7 de off. arch.*, quod maior post episcopum, et ipse episcopi vicarius reperiretur archidiaconus.

(d) *Can. diaconi, & seqq. dist. 93*, Trid. in *cap. cum dignitates 12 sess. 14 de ref.*

tamen vices episcopales sensim sibi arrogare inuitis etiam episcopis non dubitarunt, suamque ipsorum esse non delegatam, sed ordinariam eatenus iurisdictionem iure communi largitam, ut in primo gradu archidiaconi, in secundo episcopi, in tertio metropolitani (a) ius dicerent. Quin etiam iura attrectarunt episcopalia, pnta synodaticum, procuraciones, aliaque id genus emolumenta (b).

XIV. Tanta, quæ non ferenda quidem erat, audacia non potuit non efficere, quin ab episcopis frangeretur, viresque omnes amitteret aduentitias. Enimvero Tridentina synodus (c) constituit, ut aboletis quibuslibet privilegiis & consuetudinibus non archidiaconi, aliue inferiores prælati causas matrimoniorum, & quod magis est criminum quorumlibet; sed episcopi solum cognoscerent, etiamsi de iure cognoscendi eas præscripto lis esset inter eosdem contestata. Vtque illi visitare ecclesias si ante consueuissent, deinceps nonnisi de consensu episcopi per semetipsos tantum id eis liceret cum onere exhiben-

(a) Ea sententia eoque valuit seculo XIII, ut Innocentius IV in *cap. Romana 3 de appell. in 6* rescriptit ab archidiaconis, aliisque prælati inferioribus ad episcopos, non metropolitaniam Cariam Remensem fore appellandum, sciens ex suis actis in Lugdunensi generali concilio tribunal archidiaconorum illius provincie ex vetusta consuetudine non vicarium esse, nec vnum idemque cum foro episcopali: nisi aliud (inquit) Remensi ecclesie de consuetudine competat in hac parte. His verbis Pontifex iure consultissimus abrogare noluit specialem, quam ipse nouerat, consuetudinem, quæ ad archiepiscopum Remensem referebat appellationes a quodam archidiacono, de quo loquitur Alexander III in *cap. referente 7 de præben.* quemadmodum & ad Senonensem ab officiale archidiaconi Parisiensis, de quo Honorius III in *cap. significantibus 3 de noui operis nunciis*. Fallus propterea est Cujacius, dum Innocentio IV imperitiz notam eudaacter nimis ac temere impingit, contendens episcopum cum archidiacono eandem personam, Curiamque sustinere; ideoque ab archidiacono semper ad metropolitanum appellari debere, quam absurda sit ab vno ad eundem ipsum appellatio.

(b) Petr. Blefens. *ep. 151*, et Innocentius III *lib. 2 ep. 37* scribit: *Archidiaconibus tertiam partem de circatis, & synodis*. Idem Innoc. in *cap. auditis 15 de præscrip. Conc. Later. in cap. cum Apostolus 6, & cap. procuraciones 23 de censibus*.

(c) Trid. in *cap. cause omnes 20 sess. 24 de reform.* Eademque synodus in *cap. quam turpe 14 sess. 15 de res. speciatim inhiuit archidiaconis in clericos ob impudicitiam animaduertere.*

hibendi episcopo acta integra, rationemque peractæ visitationis infra mentem reddendi (a).

XV. Nunc omne archidiaconi munus eo redactum, vt episcopo generales ordinationes celebranti adfuit, promouendos euocaturus, monet Benedictus XIV (b). Idemque putat (c) eum, quoties tunc palam responderit episcopo interroganti dignos esse ordinandos, non peccare, etiamsi id ipse ignoret: secus, vbi contra conscientiam idipsum affirmarit (d). Ius porro ei non amplius est, nisi speciatim mandauerit episcopus, eos examinandi, qui ad Ordines, vel ad curam animarum contendunt (e). Vbi tamen loci consuetudine vel statuto is primam obtinet dignitatem vel præfecturam in choro, præcedit etiamnum vicario Capituli in sacris functionibus & thurificatione, ad capitularia comitia Canonicos conuocat, signum inchoandi officium & discedendi a choro indicit, quemadmodum & absente episcopo horas, viasque publicarum supplicationum; tabularii, depositorumque clauēs, libros conclusionum, & sigillum Capituli custodit (f). Viaticum ægrotanti episcopo defert (g). Cum itaque nati episcoporum vicarii esse iandudum destiterint archidiaconi: tanta hodie singulis eorum erit auctoritas, quantum ipsis indulserit vel episcopi mandatum, vel statutum ecclesiæ, vel consuetudo longissima (h).

XVI. Diaconatus Ordine iniatiatos esse oportet archidiaconos (i), iique ex sanctione Tridentina (l) sint in omnibus eccle-

(a) In cap. patriarcha 3 sess. 24 de ref.

(b) In ep. ad Card. Quirinum episc. Brixienf. §. huius, seu in const. ex quo dilectus 25 to. 2 Bullarii sui.

(c) Lib. 5 de synod. diocesana cap. 3 n. 4.

(d) Greg. III. in cap. vn. de scrutinio in Ordine faciendo.

(e) Trid. in cap. expedit 13 sess. 24 de ref.

(f) P. Gaudentius to. 1 dubitat. 13 cap. 5 sess. 3 n. 36.

(g) Ex ceremoniali episc. lib. 1 cap. 38.

(h) Cap. dudum de elect. cap. 4, & 5 de offic. archid. Trid. cit. sess. 24 cap. 3.

(i) Ex conc. Vrbani Papæ in cau. nullus 1 dist. 60.

(l) Trid. in cap. cum dignitates 12 sess. 24 de ref.

ecclesiis, vbi fieri poterit, *magistri* in Theologia, seu *doctores*, aut *Licentiat* in iure Canonico. Consuevit in apostolicis litteris moderno stylo adponi clausula, vt *infra annum lauream doctorem suscipere* sub poena destitutionis ipso iure incurrenda is teneatur, qui primam obtineat Dignitatem in cathedralibus. At ea clausula nullius est momenti, quoties nec animarum curam adnexam habeat, nec iurisdictionem actu exercent, ex iteratis S. Congr. C. decretis (a). Cumque D. Fortunatus de Vicariis cathedralis ecclesiæ Salernitanæ archidiaconus D. Hieronymi coadiutor cum futura successione creatus litteris apostolicis eandem clausulam continentibus petiisset declarari, quod eam ipse implere non deberet cura animarum & iurisdictione experts: S. Congregatio die 19 Iunii 1751, *attenta attestazione archiepiscopi Salernitani, & inhærendo declarationibus alias hac de re editis & signanter* in Polignanensi 19 Decembris 1602, in Lauellensi 12 Ianuarii 1697, & Laquedonensi 12 Martii 1746, *cessuit oratorem non teneri ad susceptionem laureæ doctoralis* (b).

XVII. Archipresbyterum archidiacono subesse, eique perinde atque episcopo obedire quum sacri canones decreuerint (c): consequens est vt secundam fere dignitatem in cathedralibus obtineat archipresbyter vrbæbanus (d). More enim antiquissimo primus locus præstantiori datus est dignitati, in ceteris antiquiores tempore promotionis recentioribus antecedunt.

Eius

(a) Apud Monacell. in *supplem. ad tom. 1.*

(b) Cuiusmodi rescriptum egomet vidi ad eundem archidiaconum Salernitanum ab A. Cardinale Gentile Prefecto, & Io. A. Furiotto Secretario S. Congr. datum.

(c) S. Ildorus in *can. perleclis* 1 dist. 25, & syn. Tolet. in *cap. 1 de offic. archipresbyteri*. Is quoque *propositus*, & *decanus* consuevit olim appellari, & nunc alicubi solet ex *can. nullus* 1 dist. 60, & *cap. adhuc* 7 de *offic. archid.* Idemque *protopapa* in ecclesiis Græcorum dicitur, præsertim in basilica S. M. de Catholica vrbis Rhægii, quemadmodum & in Constantinopolitana.

(d) In nonnullis ecclesiis consuetudo quum aliter loca dignitatum distribuat: mirum non est, si primus in Aversana ecclesia locus decano, seu archipresbytero, secundus canoni, tertius archidiacono sit attributus.

Eius officium, si canones spectentur, est vices episcopi agere in iis, quæ ad Missæ sacrificium, Eucharistiæ dispensationem, Pœnitentiæ, & Baptismi Sacramenta pertinent; solemnioresque functiones obire, Missam canere, fontem benedicere. infirmos præsertim prælatos oleo perungere (a), benedictiones presbyterales in ecclesia dare (b). Nunc temporis statuta cuiusque ecclesiæ specialia & consuetudines, quæ communem vincunt legem, hisce in rebus prævalent. Ad archipresbyteri gradum promoueri neminem posse nisi presbyterum (c), vel in ea saltem ætate constitutum, vt infra annum queat sacerdotio initiari (d), plane constat. Et quoniam huic dignitati cura solet esse animarum adnexa: oportet vt non modo ipse vigesimum quintum ætatis annum saltem attigerit, sed in clericali etiam ordine versatus doctrina ad id muneris exequendum necessaria, morumque integritate simul commendetur (e).

XVIII. Vt *primicerius* non secus atque archipresbyter sub archidiacono sit, textus Decretalium habet (f). Sed in Capitulo Neapolitano omnes omnino antecedit *primicerius* (g) reapse (primus canonicorum). Suum quisque morem, qui alibi alius est, teneat. Ad *primicerii* officium iure pertinet, vti B. Ilidorus Hispalensis docet (h), disciplina & cura clericorum minoribus ordinibus initiatorum, quidque quis eorum legere & psallere in choro, aut luminaria deferre debeat, desi-

(a) Cap. 1, 2, & 3 de offic. archipresb. & cit. can. perlectis dist. 25.

(b) Cap. officium 3 eod. tit. vbi Emm. Gonzalez. Episcopalis benedictio ad populum ab ecclesia dimittendum vetustissima quum sit, can. missæ de consecr. dist. 4, solus proinde archipresbyter episcopo absente eam ritu solenni poterat impertiri, vt probe tradit cl. me. Benedictus XIV consil. exemplis 48 tom. 2 Bullarii sui. (c) Can. 1, & seq. dist. 60.

(d) Trid. sess. 24 cap. 12 de reform.

(e) Alex. III in conc. Later. cap. cum in cunctis 7 de elect.

(f) Cap. vn. de offic. primic.

(g) Apud Latinos *primicerius* idem sonat, ac primus in quouis ordine, seu cœtu, vel matricula, cereisque tabulis. Eoque sensu prolat dist. 7 lib. 12 Codicis de *primicerio*, & *secundicerio notariorum*.

(h) Can. perlectis 1 dist. 25.

designare, matriculamque disponere, modum psallendi, persoluendique diuina præscribere pro solennitate temporum, dies ieiuniorum ab episcopo indictos parochis per ostiarios denuntiare. Ex libro autem Romani Ordinis Gregorius IX (a) tradit specialem *primicerii* curam esse, ut prælit in docendo diaconie vel reliquis gradibus ecclesiasticis; aut a quo ipse iusserit, instruantur. Id in causa fuit, ut idem ipse & *cantor*, & *magister scholæ* (b) vocitaretur ex onere docendi potius, quam honore præsidendi: tamen alicubi *cantor* alios est a *primicerio*.

XIX. *Scholas* profecto in primitiua ecclesia fuisse ab episcopis institutas, ut nedum clerici liberalibus disciplinis, sacrisque litteris, & theologia potissimum erudirentur, sed mysteria etiam & res fidei addicerent catechumeni, exploratum sane est (c). Eas iniuria temporum collapsas instaurare

(a) *Cap. vn. de officio primicerii.*

(b) *Cap. cum olim 7 de consuet.* Innocentius III *lib. de myster. evang. leg. cap. 6*, scribit *primicerium*, seu scholæ magistrum vices Eman tenere, qui fuit primus inter cantores a Dauide institutos coram Arca foederis, i *Paralip. cap. 6*.

(c) S. Hieronymus *lib. de illustrib. scriptor.* duplicem eiusmodi scholam commemorat, & præcipue *Antiochenam*, in qua floruit Lucianus presbyter, & *Alexandrinam*, in qua Clemens, Origenes, alique Patres eximii. Socrates *lib. 3 cap. 1* scribit Iulianum apostatam in basilica, ubi scholæ grammaticæ, & rethoricæ patebant, fuisse institutum. Sexta Synodus oecumenica, seu Constantinopolitana III *can. 5* decreuit, ut presbyteri per villas & vicos scholas gratis haberent, et nihil præterquam spontaneas charitatis studio oblationes acciperent. Et præcedenti *can. 4*, scholas in ecclesiis Sanctorum, et coenobiis institutas commemorat. Hinc synodus Agathensis an. 506 non modo presbyteris, sed *scholaribus* etiam demandauit, ut pensum seruitutis suæ, horas scilicet canonicas diuini officii publice absoluerent, *cap. 1 de celebr. missar.* Ad Occidentem quod attinet, Carolus M. iussit in singulis monasteriis et episcopis scholās haberi, in quibus et ingenuorum, et seruorum filii grammaticam, musicam et arithmeticam docerentur, Andegisus *lib. 1*, Lupus *ep. ad Eginardum*, Binus in *not. ad Conc. Cabilonen. II* sub Leone III. Eo enim tempore longæua studiū desolatione litteræ quum defecissent, eas addiscendi cupidus magister non erat. Quare synodus Cabilonensis II *an. 813 can. 3* censuit, ut episcopi, sicut Carolus Imperator iam iusserat, scholas instruerent quum ad liberales disciplinas, tum sacras Scripturas docendum. Tum Nannetensis synodus anno 890 decreuit, ut quisque parochorum haberet clericum

rare in cathedralibus ecclesiis faterentur Alexander III, & Innocentius III (a) hoc pacto, vt magistro clericos & scholares gratis docturo beneficium aliquod congruum conferretur, vel vnus præbendæ fructus ab episcopo vel capitulo assignarentur. Abusus deinde irrepsit, vt magistri vel beneficium vel præbendam perpetuo titulo adepti onus docendi vel negligerent, vel in substitutos transferrent: vnde orti *subcantores* videntur ex consuetis *cantoribus*, scholæque magistri substitutionibus. Et sensim ita in mera *beneficia* cum prærogatiua *dignitatis*, vel *personatus* quum euasissent *officia scholarum*; ea inde non periti, sed rudes plerunque & ignaui obtinere consueuerunt. Horum ambitionem improbam cohibitori Patres Tridentini sanxerunt meritissime, vt *officia*, vel *dignitates* illæ, quæ *scholasteriæ* dicuntur, nonnisi doctores, vel *magistris*, aut *licentiatis in sacra pagina*, aut iure canonico, & aliis personis idoneis, & qui per seipsos id munus explere possint, conferantur; & aliter facta prouiso nulla sit & inuvalida, non obstantibus quibuscunque priuilegiis & consuetudinibus etiam immemorabilibus (b).

XX. Ad seminario nouo iure translatis scholis (c), magistrorumque muneribus, vix superfuit in cathedralibus ecclesiis *canonici theologi* officium, honore personatus ac dignitatis omnino expers (d). In metropolitano theologo vnus præ-

Tom. I.

V u u

bendæ

ricum, qui scholas tenere posset, cap. vt quisque 3 de vit. & honest. cleric. quod perperam in VI collectione inscriptum concilio Maticensi, monet Emm. Gonzalez *ibidem*. In tota vero Italia consuetudinem scholarum ecclesiasticarum viguisse attestantur Patres Galli in synodo Vasensi II can. 1 apud Gonzalez *loc cit*. Hinc repetenda origo seminariorum, quorum institutio, et regimen sunt a Tridentina synodo præscripta sess. 25 de reform. cap. 18, et Bened. XIII in bulla *credita nobis* edita an. 1725. 7 idus Maii.

(a) In Conc. Lateran. in cap. 1, & 4 de magistris.

(b) Trid. in cap. cum adolescentium ætas 18 sess. 23 de ref.

(c) Videsis tract. de Beneficiis cap. 4 num. 12, vbi de vnione beneficiorum ac taxa super ecclesiasticis redditibus fauore seminarii.

(d) Theologum non inter dignitates, sed inter canonicos seruatō collationis, possessionisque antiquioris ordine sedere, decreuit S. Congreg. Conc. in Murana 12 Aprilis 1699: is nisi alicubi dignitatem ex fundatione vel statuto habuerit, Vanspen. par. 1 tit. 12 cap. 3.

bendæ fructus sine ullo canonicatus titulo, quoad ipse in docendo perseveraret, assignandos cum decreuisset concilium Lateranense sub Innocentio III (a): Tridentinum maluit nedum in metropolitanis, sed cathedralibus etiam & collegiatis canonico theologo præbendam primo vacaturam (ubi nulla ei esset iam constituta, vel alicuius beneficii simplicis fructus, vel contributionem beneficiariorum diocesis de Capituli consilio) perpetuo deputari & conferri, per seipsum omnino sacra Biblia exposituro; nulliusque momenti fore collationem, quam ad id non idoneus obtinuerit (b). Quod vero ea nonnisi prævio concursu & examine competitorum provideantur, primum pro cathedralibus Hispaniarum cautum est constitutionibus Xysti IV, Leonis X, & Gregorii XV (c); deinde pro omnibus generaliter motu proprio imperatum a Benedicto XIII (d). Cui placuit inter cetera præscribere methodum concursus super textu sacro, & tertiam præbendæ partem in quotidianas distributiones conuertere hoc pacto, ut eas in singulis omisarum lectionum punctis vel sacristia lucretur, vel accipiat substitutus aut regularis aut secularis per episcopum deputandus, qui contumacioris vires canonici theologi suppleat. Lectionum non alibi, quam in ecclesia ipsa cathedrali peragendarum tempus, diesque nisi definiuerit loci statutum vel consuetudo, episcopus indicit pro audientium commoditate bis aut semel saltem in hebdomada, exceptis feriarum intervallis a die festo S. Thomæ Apostoli usque ad epiphaniam, a septuagesima ad primam quadragesimæ dominicam, ab ea palmarum ad paschatis octauam, atque a festo S. Io: Baptistæ ad 5 Nouembris (e). Idemque ut compellat ad audiendum theologi lectiones, sermonesque vniuersos sacris ordinibus initiatos, præsertim confessa-

(a) *Cap. quia nonnullis 4 de magistris.* (b) *Trid. sess. 5 de ref. cap. 1.*

(c) *Apud Gregor. per. 5 cap. 1 num. 169, et Barbof. alleg. 109.*

(d) *Const. pastoralis edita 4 Cal. Iunii 1723, in appendice Synodi Romanæ.*

(e) *S. Congress. Conc. in Anagnina 16 Decembris 1643, et Alisiliensi 27 Ian. 1646.*

sessarios & canonicos, decreuit in Romana synodo Benedictus XIII (a).

XXI. Suppar est canonici pœnitentiaris officium, quod nonnisi præuio concursu prouidendum esse, alias irrita collatio haberetur, sanxit idem Pontifex (b). In omnibus quidem cathedralibus pœnitentiarium cum vniõne præbendæ proxime vacaturæ fore ab episcopo instituendum, qui magister sit, vel doctor, aut licentiatu in theologia, vel iure canonico, & annorum quadraginta, seu alias qui aprior pro loci qualitate reperiatur, qui dum confessiones in ecclesia audiet, interim præsens in choro censeatur, decretum est a Patribus Tridentinis (c). Ex hisce verbis, aliisque ante laudati decreti probe arguunt doctores theologo primam, & pœnitentiaro secundam adiudicari ab episcopo debere præbendas, quæ in mensibus Ordinariorum quouis modo, præterquam ex resignatione, vacauerint: secus in mensibus apostolicis vacaturas & quomodo libet Romanæ Sedi affectas; has enim ex ipsius synodi silentio exceptas intelligimus. Ipsa huius officii ratio postulat, ut aduentus & quadragesimæ diebus, festisque sollemnioribus frequentiores ad Pœnitentiæ tribunal confluentes homines potissimum audire in sacra exedra pœnitentiaris adigatur, cui perinde atque aliis canonicis indulgetur duos, tresne menses quotannis abesse (d). Nam vices episcopi gerit ipse in excipiendis pœnitentium totius diocesis confessionibus, publicaue publice peccantibus pœnitentia iniungenda (e): tamen eos absolueri nequit a casibus episcopo reseruat, eoque minus ab atrocibus criminibus, censuris & irregularitatibus Sedi apostolicæ reseruat, quæ ubi erunt occultæ, episcopus facultatem

Vuu 2

tatem

(a) Conc. Rom. Bened. XIII tit. 15 cap. 9. Hinc exoleuit eorum sententia, qui ad id non cogendos, sed hortandos duntaxat ecclesiasticos aut curam animarum non habentes, aut non confessarios censebant.

(b) In antedicta const. pastoralis.

(c) Trid. in cap. Apostolus 8 sess. 24 de reform.

(d) Crispin. de visit. pastor. par. 2 §. 24 num. 1.

(e) Trid. cit. cap. 8 sess. 24 de reform.

tatem absoluedi habet a Tridentino (a), nisi id ei speciatim episcopus mandauerit, iuxta tutiorem Nauarræ sententiam (b). Eum vero, non secus quam delegatum ad vniuersitatem causarum, subdelegandi iure potiri, aliis doctorem negantibus, alii affirmant probabiliter. Ceterum non præcellere in Capitulo, sed locum inter canonicos, quemadmodum de theologo iam dictum est, habere pronunciauit S. Congregatio Concilii (c): in nonnullis tamen ecclesiis inter dignitates cooptatum scribit Van-Espenius (d).

XXII. Reliquum est vt cetera percurramus officia. Textus Decretalium distinctas habet rubricas de officio *sacristæ*, & de officio *custodis*. *Sacrista* idem ac *thesaurarius* esse; *custos* autem quasi minister *sacristæ* videntur glossæ ibidem ex eo etiam fortasse, quod Innocentius III (e) *sacristam* dignitatis honore decorauerat, cuius hodie munus meri famulatus potius ignobise, quam honorificum existimatur. Qui sacra vasa, resque pretiosas ecclesiæ custodit, a Græcis *cimiliarcha* dicitur, eique ab Iustiniano tributis idem *viru reuerendissimi* titulus (f), quo tunc appellabantur episcopi (g). Exinde licet insignem huius officii dignitatem in orientali- bus ecclesiis conicere, quæ in occidentalibus in *thesaurarii* persona non ita splendet, si duæ excipiantur metropoles Italix, scilicet Mediolanensis & Neapolitana. In vtraque porro est *cimiliarcha*; qui Neapoli nedum vnus ex primario Canonico- rum præbendariorum ordine, sed præfectus etiam est col-
legio

(a) Eadem sess. 24. cap. licet 6, ibi: per seipsos, aut vicarium ad id specialiter deputandum . . . idem & in hæresis crimine eis tantum, non eorum vicariis sit permissum.

(b) Quam probauit S. Congreg. Concilii in Cauensi 24 Maii 1642.

(c) In Senensi Pœnitentiariæ 16 Aprilis 1691.

(d) Van-Espen par. 1 tit. 12 cap. 3.

(e) Innoc. III lib. 1 registr. ep. 176. Idem in cap. ex tenore 11 de foro com- pet. quum Turonensis archiep. simul et thesaurario, alias cellerario Turon. causam viduæ delegasset: videtur eum in classe dignitatum ecclesiæ illius habuisse.

(f) L. fin. C. de bonis auct. iudic. possiden.

(g) L. parabolanus 18 C. de episc. & cleric. l. non redditentes C. de sa- eros. eccles.

legio hebdomadariorum, baculum cum argenteo manubrio in processionibus gestans in signum iurisdictionis & præeminentiæ, eum prærogatiua duplicis suffragii in eorum comitiis.

XXIII. Siqua sunt alia alicubi officia, personatus, dignitatesque: legitimis locorum statutis, moribusque potissimum res definiantur. In ecclesia Puteolana duo sunt subcantores stallum habentes in choro post omnes canonicos. Atque in cathedrali Neapolitana vnus ex hebdomodariis magister scholæ nudum cantoris officium gerit.

XXIV. *Archiacoluthi* nomen in ecclesia Capuana perdurare tradit Michaël monachus in *sanctuario Capuano*. Et Benno Cardinalis meminit archiacoluthi ecclesiæ Romanæ. Cum in ecclesiis cathedralibus olim quatuor essent canonicorum ordines, presbyterorum scilicet, diaconorum, subdiaconorum & acoluthorum: quilibet suis suberant capitibus, presbyteri *archipresbyteris*, diaconi *archidiaconis*, subdiaconi *archisubdiaconis*, acoluthi denique *archiacoluthis*. At istos cum acoluthis nulum neque in choro, neque in capitulo ordinem facere præsertim post legem Tridentinam, omnesque ad libitum solo vt aiunt nutu episcoporum posse amoueri, recte obseruat Carolus du Fresne (a). In ecclesia etiam Puteolana olim archiacoluthos fuisse noui, iandudum suppressos.

T I T. XXX.

De parochis & oppidanis archipresbyteris.

- 1 *Vicanos, oppidanosque archipresbyteros & parochos ab auo Apostolorum habuit ecclesia.*
- 2 *Curam animarum habentes presbyteros alii ex diuina & apostolica institutione ortos putant, alii negant: at eos vtrique subdunt episcopis.*
- 3 *Iique primum presbyteri, non parochi, persona, plebani, de-*

(a) Car. du Fresne in glossario script. mediæ & infimæ latinit. verbo *archiacolytus*.

- decani, archipresbyteri dicti sunt.
- 4 Archipresbyteri singularum plebium videntur in locum cho-
repscoporum suffecti.
 - 5 Parochus quisque in sua ecclesia & plebe ordinarius est mi-
nister sacramentorum, curaque animarum.
 - 6 Exuberante alicuius ecclesie populo vel coadiutores parochi
addit episcopus, vel novam erigit parochiam filialem.
 - 7 Qui coadiutoribus, novisque parochis congruam portionem ex
reditibus matricis ecclesie, vel beneficiorum unione adsi-
gnet: populum ad eam contribuendam hoc in regno non nisi
regia potestas cogit.
 - 8 Beneficia etiam reservata & affecta possunt episcopi cum
consensu capituli parochiis egenis, vel alteram alteri paro-
chie unire: ac monasteriis, abbatibus, capitulis, collegiis,
eorumque prebendis non item, nec libera beneficia paro-
chiis de iurepatronatus.
 - 9 Animarum cura mobiliter olim, perpetuis nunc parochis
confertur.
 - 10 Hi sacrificia offerre pro populo debent festis saltem diebus:
 - 11 Simul evangelium predicare, fideique rudimenta docere.
 - 12 Et Sacramenta iure ordinario ministrare.
 - 13 Multa inde sunt ecclesiis parochialibus & parochis reservata
quum onerosa iura in sacramentalibus & functionibus;
tum utilia solum emolumenta & obventiones.
 - 14 Ex communibus olim prouentibus ecclesiasticis portionem cu-
rati presbyteri ab oeconomicis vel archidiaconis arbitrio epi-
scopi designatam accipiebant.
 - 15 Iique presbyteri ex clero urbano vel patrio plerumque de-
ligebantur.
 - 16 Dissoluta in cloris communione fructuum ecclesiasticorum in-
ualuis mos conferendi singularim parochiale officium simul
& beneficium ad vitam irrevocabile.
 - 17 Nec non instituendi perpetuos parochos a patronis nominatos
in ecclesiis de iurepatronatus.

- 18 Perpetuasque pariter vicariis congrua portione fruturas, ubi collegiis vel monasteriis adnexa cura animarum sit.
- 19 Vicariorum congrua nec maior ducatis centum, nec minor quinquaginta sit, æconomorum autem arbitraria.
- 20 Dignioribus presbyteris nonnisi prævio concursu deligendas est animarum curas adipisci, iique posthaberi ius habent reclamandi ab irrationabili iudicio episcopi & examinatorum.
- 21 Patronis tantum laicis indulgetur idoneos presbyteros posthabitis dignioribus sine concursu præsentare, ecclesiasticis vero dignioribus ex approbatis in concursu eligere.
- 22 Vicarii etiam curati quum mobiles tum perpetui examen episcopale subire coguntur.

IN Euangelii primordiis fuisse, qui Apostolos, proximisque illorum successores, in pastoralis animarum cura, siue episcopali charactere coadiuarent, Apostolorum acta, epistolæque satis innuunt. Nec res aliter esse potuit, quum similes procul dubio essent soli episcopi pascendis quotidie tot Domini gregibus, sustinendoque tantarum gentium regimini, quæ suum Christo nomen tum dabant nedum per vrbes amplissimas, sed per diffusa quoque oppida, vicos & agros maiori, quam excogitari potest, frequentia. Necessitatis itaque ratio postulauit, vt episcopis iuxta vrbanas & matrices ecclesias plerunque residentibus, minores etiam plebes singulæ vnum saltem *curionem* (a) apud se presbyterum haberent sacra ministrantem in cuiusque loci ecclesia: quum vnîuersos totius diocesis homines capere non posset, vna cathedralis vel amplissima.

II. Curiones hosce presbyteros successisse statui septuaginta discipulorum Christi; eosque ab ipso proinde Christo Domino & Apostolis institutione diuina promanasse tenent venerabili.

(a) Qui sacra publica pro curiis suis curarent, *curiones* triginta a Romulo institutos tradunt Dion. Halicarn. lib. 11 cap. 61, Vatro lib. 4 lingua, Feitus lib. 3 var. Curia, A. Gellius lib. 4 noct. Attic. cap. 7, qui alias insuper curias pro rebus profanis ad populum spectantibus simul conlitisse comment.

rabiles Gersonius (a), & Beda (b). Id alii vero propterea negant, quod non liqueat discipulos fuisse sacerdotio initiatos; aut a Christo spiritalis curæ potestatem solis Apostolis traditam accepisse: sed missos tantummodo in omnem locum, quo venturus Dominus fuisset, iam præsentem aduentum eius annuntiuros. Ita sentientes tamen non abnuunt discipulos ab Apostolis mandata habuisse curam episcopali ordini subiectam, ab eoque profluentem. Nam *licet presbyteri fecerint; tamen eorum ministerii à summo est sacerdote, inquam cum diuo Ambrosio (c).*

III. Quibus Apostoli, episcopique prioris æui mandare consueverunt Baptismi, Pœnitentiæ, Eucharistiæ, & Confirmationis aliquando, verbique diuini ministerium, eos non alio nisi *presbyteri* nomine appellatos sacræ litteræ (d), & vetustiora monumenta patefaciunt (e). Deinde *parochi* vocabulum, cuius duplex notio est, iisdem adhæsit quum exinde, quod *sacra præbeant (f)*, tum quod *incolatum habeant* in certo loco

(a) Gerson. *de statib. ecclæs. consid. 1. Status*, ait, *curatorum succedit statui 70 discipulorum Christi; ac proinde status curatorum est de institutione Christi, & Apostolorum a principio foundationis ecclæs, quæ institutio per declarationes summorum Pontificum, & synodorum magis ac magis innouit. Eandem sententiam tenentur concordii animo theologi Parisienses.*

(b) Beda in *Luca cap. 20.* (c) S. Ambros. *lib. 3 de Sacram. cap. 1.*

(d) Ad Timotheum Ephesinum episcopum scribens Paulus Apostolus, *Presbyterum ne obiurges*, ait, *sed hortare velut patrem*, ep. 1 ad Timotheum, cap. 5 vers. 1. Hisce verbis S. Epiphanius *heresi 75 Aëriana n. 5*, ostendit maiorem tunc etiam episcopi, quam presbyteri fuisse potestatem. Videtis dicta superius tit. 18 num. 2.

(e) Synodus Eliberitana an. 305 *can. 77 Siquis diaconus regens plebem sine episcopo, vel presbytero aliquos baptizauerit, episcopus eos per benedictionem perficere debet.* Laodicens paulo post iussit presbyteros nihil agere sine mente episcopi debere.

(f) *Parochos* Respublica Romanorum habuit, qui ære publico necessaria ad victum magistratibus per municipia iter facientibus præbebant, de quibus cecinit Horatius *lib. 1 serm. sat. 3 . . . Parochi qui debent ligna, salemq.* Idemque *lib. 2 sat. 8*, ad eisdem alludens, translata ad conuiuatore Nasti-dienum significatione, ait *Vertere pallor*

Tum *parochi faciem nil sic metuentis ut acres Potiores.* M. Tollins in *Verrem act. 2 lib. 1*, commemorat publicum Philodami manus recipiendi hospites, & præ-

loco firmum. Deducitur enim vel a græco verbo *παρεῖν*, quod latine idem sonat ac *præbeo*, vel a *παροικῖον*, idest *incolarum habeo* (a). Aliis quoque nominibus dicti sunt *persona* ob prærogatiuam personatus (b), *plebani* (c), *decani*, & *archipresbyteri* parochiarum (d).

IV. Plures Romæ titulos, idest ecclesias in subterraneis, abditisque locis xuo martyrum erectas, vt in illis baptizatus multitudini catechumenorum, sepultura martyribus, fidelibus synaxis, & communio precum commodior esset, inter ceteros tradit auctor *libri pontificalis* sub nomine Damasi in *uita Marcelli*. Hinc inibi, alibique prima vrbicarum parochiarum origo. Oppidanarum institutio cœua & compertior est. Vtrisque progressus temporum magis magisque propagauit per regiones quum orientales, tum occidentales (e) iure primum

Tom. I.

XXX

non

& præcipue Prætores, Consulesque. Tum ad Atticum *ep. 2 lib. 13* scribit, quod Seltius *parochus* publicus Ariarathem Ariobarzani filium ab ipso Cicerone, vt apud se diceretur, inuitatum præoccupasset. Eos Charisius *læus xenoparochos* appellat in *l. 18 §. 10 D. de mun. & bonor.*

(a) Quod est in *psalm. 119 vers. 5* dictum a LXX Interpretibus *parochia* in vulgata editione latina legitur *incolatus*. Eaque ratione dicti sunt *cardinales presbyteri*, quod fixi velut cardines permanerent in regimine coræ parochialis.

(b) Alex. III in *cap. ad hac 3 de offic. vic. cap. conquerente 4 de filiis presbyterorum*, & *cap. ad audientiam 3 de eccles. adific.* Clem. III in *cap. ex parte de rescriptis*, Honor. III in *cap. dilectus 5 vt lise pendente*, & Bonif. VIII in *cap. super 106 de prebendis*, & *dignis*, in 6.

(c) *Cap. cum olim 18 de prescriptis.*

(d) *Cap. in capite quadragesima 64 dist. 50, can. si in plebibus 20 dist. 63, cap. vt singula 4 de offic. archiep. & cap. cum inter 13 de sent. & re iudic.*

(e) Si genuina esset *epistola* 2 Dionysii Papæ ad Seuerum episcopum data anno 270, exploratum sane haberemus fixam seculo III parochorum institutionem in vicinis ecclesiis iure scripto: ejus enim fragmentum a Gratiano exscriptum in *can. ecclesias 1 C. XIII qu. 1* hæc habet: *ecclesias singulas singulis presbyteris dedimus; parochias, & cimiteria diuisimus*. Itaque spreta hujus canonis auctoritate, ex moribus primis rectius deducitur huius rei antiquitas. Nam *can. 14* vulgo Apostolorum quum incertus auctor vetustissimus tradat veritum, nequis presbyter, diaconus, clericusue relicta *parochia* sua aliam præter sui episcopi voluntatem transmigraret; palam ostendit adfixos,

car-

non scripto. Quod seculo IV prima omnium synodus Sardicenis censuisset in vico aut modica ciuitate vnum sufficere presbyterum, superius iam dictum est (a). Tum Chalcedonenſis (b) sequenti seculo rurales & vicanas cuiusque prouinciae parochias episcopis eisdem, qui eas sibi subiectas haberent, adiudicauit. Placuit deinde Ioanni IX Papæ in synodo Rauennate (c) *ut singulae plebes archipresbyterum habeant propter assiduam erga populum Dei curam, qui non solum imperitii vulgi sollicitudinem gerat, verum etiam presbyterorum, qui per minores titulos habitant, vitam iugi circumspectione custodiat, & qua unusquisque industria diuinum opus emerseat, episcopo suo renunciet. Nec contendat episcopus non egeret plebem archipresbytero, quasi ipse eam gubernare valeat: quia etsi valde idoneus sit, decet tamen, ut sua onera partiaur: & sicut ipse matrici ecclesiae praest, ita archipresbyteri praesint plebibus, ut in nullo titubet ecclesiastica sollicitudo. Cuncta tamen referant ad episcopum, nec aliquid contra eius decretum ordinare praesumant.* Isto Italiae decreto synodico suffecti videntur archipresbyteri oppidani in locum chorepiscoporum, quos abolendos episcopi lategerunt ab octauo ad vndecimum vsque seculum (d).

V. Constituta vetustis & moribus & canonibus (e) diu-
sio

cardinatosque parochiis presbyteros tribus etiam primoribus seculis. S. Epiphanius. *her.* 99 cap. 1. Quotquot Alexandrina, ait, catholica communionis sunt ecclesia uni archiepiscopo subiecta, suis cuique praepositis est presbyter, qui ecclesiastica munera eis administret. Et *heres.* 76 num. 11 quendam Tryphonem Diofcoride Mesopotamiae pago presbyterum memorat. Theodorus seculo quinto episcopus Cyri, octoginta parochias sibi subiectas scribit, *epist.* 113. S. Athan. *apolog.* 2 tracti singulos fuisse presbyteros in decem ecclesiis ruralibus Marcotide Alexandriae proxima institutos ab episcopo Alexandrino. De oppidanis in occidentem parochiis antiquioris aevi nonnihil cautum in synodo Eliberitana an. 305 apud Hispanos *can.* 77, & Valensi I *sec.* V in Gallia *can.* 2.

(a) *Tit.* 18 de *episcop.* num. 7. (b) *Syn. Chalceda can.* 17.

(c) Habita an. 904, cui adfuit synodo Lambertus Imperator, ut scribit Baron. *tom.* 1 ad an. 904, ab eaque desumptus textus in *cap. ut singula* 4, & *ult. de offic. archipresb.*

(d) De chorepiscopis nonnulla iam dicta in superiori *tit.* 24 num. 23.

(e) Quos recensui supra *tit.* 18 num. 6.

sio parochiarum ita parochos ad residendum in sua singulos ecclesia obstrinxit, vt nec suam ipsis plebem derelinquere, alienasque oues pascere liceret, nec vicissim parochianis ab suo ad alienum declinare pastorem. Cuique enim populo nonnisi in parochia sua missam dominicis, festisque diebus audire licebat secundum veterem disciplinam (a), Sacramenta suscipere, & verbum Dei audire. Corruptis deinde moribus quum promiscua irrepserit administratio Sacramentorum in parochiis sine aliquo personarum, finiumque discrimine: decernendum pro tutiori animarum salute putarunt Patres Tridentini (b), vt illis in vrbibus, locisque, vbi talis esset abusus, episcopi populos in parochias omnino distinctas, finibusque circumscriptas distribuerent, quatenus suum quisque parochum agnosceret ab eo solo Sacramenta licite suscepturus.

VI. Sicubi eatenus creuerit multitudo populi, vt non vnus ei sufficiat parochus: alios ad sacra obeunda munia necessarios addet episcopus coadiutores (c). Vel si æquo latiores parochiæ fines, aut salebrosa itinera, aut interfluentes aquæ præsertim hibernæ magno sæpe sint impedimento, quominus incolæ omnes vndique ad parochialem conueniant ecclesiam: nouas etiam tunc parochias eriget in locis commodioribus (d), citatis tamen, auditisque interesse habentibus, præsertim parochis matricis, quamuis inuito (e), ea lege vt velut filia antiquiorem ecclesiam perinde ac matrem honoraturæ nonnulla ei signa cultus & subiectionis, quæ in more sunt, referant quotannis, in ipso erectionis limine præscribenda: puta vt earumdem parochi ad solemnem fontis baptismalis benedictionem in ecclesia matrice adsint, ab eaque lustrali aquam & sacra olea accipiant, inibique maiores

XXX 2

anni

(a) Cap. in dominicis 2 de parochiis, ibique Gonzalez.

(b) Trid. cap. 4, & 13 sess. 24 de reform.

(c) Trid. in cap. episcopi 4 sess. 21 de reform.

(d) Alex. III in cap. ad audiendam de eccl'es. adific. Trid. loc. cit.

(e) Fagnan. in cit. cap. ad audiendam de eccl'es. adific. num. 29.

anni festiuitates concelebrent (a), vel annum censum ei rependant (b). Deficientibus eiusmodi causis, animum non adiciat episcopus ad nouas erectiones antiquæ parochiæ iura & statum deminuturas; alias non effugiet suspensionem quæstus & ambitionis notam: quum suas ipse potius utilitates, copiamque subditorum captare, quam Dei cultum, animarumque salutem quærere tunc videatur (c).

VII. In iis quidem necessitatis casibus Tridentina synodus (d) decreuit, vt episcopi auctoritate etiam delegata Sedis apostolicæ tam adiunctis parochorum coadiutoribus aut collegis, quam recentium parochiarum rectoribus vel congruam ex fructibus matricis ecclesiæ (si beneficiorum vnione id fieri nequeat) portionem adiudicent, vel populum compellant ad necessaria iis alimenta suppeditanda. Hoc tamen posterius remedium in regno non patiuntur regii magistratus, rati laicos non ecclesiastica, sed regia solum Potestate cogere cognita debere, vt iis, qui altari seruiunt, curamque spiritalem exercent, decimas, aliaue subsidia vitæ contendant (e). Idemque seruandum esse tenent, vbi oporteat ad aptiora loca ecclesias transferri, vel ruinosas refici (f) ære publico.

VIII. Itaque paupertati parochiarum, & deficienti curatorum congruæ sustentationi consulturus episcopus quum ordinaria (g), tum delegata Sedis apostolicæ auctoritate (h) vniet

(a) Gaudent. de visitat. cap. 5 dub. 23 sess. 6 n. 108 tom. 1. Fagnan. loc. cit. n. 8.

(b) Gl. in cit. cap. ad audientiam vet. honor, arg. cap. omnis anima de censibus, cap. 2 de capellis monachor.

(c) Zosimus Papa in can. si officia 2 dist. 59.

(d) Cit. sess. 21 de reform. cap. 4 & 7, & sess. 24 cap. 13.

(e) Videlicet prenotata superius tit. 6 de Conciliis pag. 69 lit. a. S. Congregatio Conc. pro augendis redditibus pauperum parochiæ supra mille animas habentis, interrogata possit ne populus, aliis deficientibus subsidiis, ad id compelli? respondit dandas litteras esse ad Archiep. Teatinum, vt cum Vniuersitate loci rem ageret, Fagnan. in cap. 3 de cler. agros. num. 13.

(f) Trid. in cap. cum illud 7 sess. 21, & cap. locorum 8 sess. 7 de ref.

(g) Cœlestin. III in cap. sicut vnire 8 de excessib. prelator.

(h) Trid. in cap. vt etiam 5 sess. 21, & cap. quoniam 13 sess. 24 de reform.

vniet in perpetuum eis ecclesiastica beneficia vnus eiusdemque loci siue diocesis (a), summo etiam Pontifici quomodolibet referuata & affecta, sine vilo possessorum detrimento, qui donec ea post decretam vnionem suo ipsorum obitu vel cessione; aliave legitima causa vacauerint, integris fruentur fructibus. Eorum ideo consensus ea in re non requiritur (b), sed Capituli cathedralis vtique ex communi Decretalium iure (c), quam *iuncta formam iuris* vnionem eiusmodi faciendam iusserit Tridentina synodus (d). Quæ duas itidem, pluresue simul parochias finitimas vnendi facultatem tribuit ob probatam ecclesiæ necessitatem, vtilitatemque; puta vbi singulæ alendo parochio non sufficiant, populuse in alterutra defectionem, desolationemque bello, terræue motu tulerit. At veruit (e) ne parochiales ecclesiæ vnirentur monasteriis, abbatibus, dignitatibus, præbendis ecclesiæ cathedralis vel collegiatæ, hospitalibus, militibusque: nec liberæ collationis beneficia ecclesiis vel parochialibus de iure patronatus (f), cum in vnâ eandemque naturam euadant.

IX. Ab episcoporum nutu omnia pendebant olim parochialia munera (g). Stata deinde facta sensim sunt & necessaria & communia, ipsoque iure cuiusque parochi officio ita adnexa, vt quam semel adeptus est facultatem ea peragendi, qui curam animarum rite susceperit, eam illi nequeat omnino episcopus limitare nec suspendere nec adimere, nisi ex

(a) Trid. in cap. & quia 9 sess. 14 de reform.

(b) Clementi. 2 de reb. eccl'es. non alienand.

(c) Innoc. III in cap. sua nuper 8 de his qua fiunt a prel. sine cons. capit.

(d) In eis. cap. vt etiam 5 sess. 21 de reform.

(e) Trid. in cap. quoniam 13 sess. 24 de reform.

(f) Idem in cap. sicuti 9 sess. 24 de reform.

(g) S. Ignatius martyr. cap. 8 ep. ad Smyrnazos scribens, sine episcopo nemo quidquam [ait] faciat eorum, qua ad ecclesiam pertinent. Non enim licet sine episcopo baptizare, neque agapen celebrare. Consonat Tertullianus de Baptismo cap. 17. Atque inter canones vulgo Apostolorum primitiue disciplinæ formam exprimentes, ita cautum est can. 38. Presbyteri & diaconi absque voluntate episcopi nihil peragunto: ipsius enim fidei populus Domini commissus est.

ex legitima causa in exteriori foro rite probanda (a).

X. Trium eorum sunt maxime præcipua a Patribus Tridentinis (b) enumerata, nimirum *sacrificii oblatio*, *predicatio* una cum catechismo, *administratioque Sacramentorum*. Ad *oblationem sacrificii* quod attinet, sat erit diebus omnibus festis de præcepto, iis etiam quibus indultum nuper est servilibus vacare operibus post Missam, parochus quilibet, etiam mobilis curatus ecclesiæ collegiatæ siue secularium siue regularium, debet omnino Missam pro populo applicare suo (c), adeo ut prohibeatur ullum pro ea stipendium sibi vindicare, quod pro specialis fructus sacrificii applicatione probe accipiunt celebrantes; sibi que tribuat inopi serviens parochiæ: quum onus istud subire cogatur, non secus quam vir matrimonii onera fert omnia, quamvis uxorem duxerit pauperrimam.

XI. *Predicationis officio* debet sermonem de rebus divinis ad populum habere cunctis dominicis saltem diebus; Quadragesimæ vero & Adventus tempore tæter ad minimum in vnaquaque hebdomada, prætereaque pueros festis omnibus diebus rudimenta fidei docere (d). Et quamvis mos inoleverit,

(a) Trid. in cap. quia 6 sess. 21 de reform. can. ecclesiar. C. XIII qui Gaudent. cap. 3 dub. 3 sess. 6 num. 39. Videlicet tract. de beneficiis cap. 23, & pl. num. 31 ad 34.

(b) Trid. in cap. cum præcepto 1 sess. 23 de ref.

(c) Ex nouissima const. die 29 Aug. 1744, Benedicti Pp. XIV, cum semper 103 to. 1 Bullarii sui. Eaque sublata est discrimin. quod inter pinguem & tenuem congruam facere consueverat S. Congregatio Concilii, ut ad quotidianam Missæ parochialis applicationem in primo casu parochos obstringeret, secus in altero. Præterea mandatum episcopo dioecesano, ut pauperibus parochis indulgeat elemosynas a pio benefactore oblatas pro applicandis sibi festiuis Missis, eo tamen pacto, ut aliis intra hebdomadam diebus tot alias pro populo applicet; & festiuarum non nisi in ecclesia parochiali celebrentur. Hæc Benedicti XIV constitutio hoc in regno fuit regio placito promulgata, & Regis Caroli scripto ad Curiam Capellani Maioris dato die 3 Octobris 1745.

(d) Trid. in cap. 4 sess. 24 de reform. Quinto abhinc seculo placuit synodo Vasensi I in Gallia can. 2, ut non solum in ciuitatibus, sed etiam in omnibus parochiis verbum faciendi daret presbyteris potestatem. Exinde agulas regiones eadem est sanctitas propagata. Moxus parochorum ut doctrinam Christianam populos doceant, præsertim pueros & rudiores, utque inferiores pasto-

uerit, vt episcopi ad parochiales ecclesias concionatores quotannis mittant vices parochorum in Quadragesima suppleturos: si quando quis parochorum velit suum per se munus eo tempore obire quotidie, subsidia extranei prædicatoris missio cessabit (a). Hoc refertur munus prænunciandi quum festos dies, indulgentiasque, tum vigilias per hebdomadam incidentes (b), cetera, quæ emerferint, præcepta ecclesiæ, ea vt plebis ignorantia ne violentur.

XII. *Sacramentorum administratio* post episcopos adeo propria parochorum est, vt non modo sanxerit concilium Lateranense (c) omnem vtriusque sexus fidelem ei tanquam proprio sacerdoti peccata sua semel ad minus quotannis confiteri debere, ab eoque Poenitentiam & Eucharistiam in Paschate accipere; sed Tridentinum insuper monuerit ab eo solo Sacramenta generatim (exceptis Confirmatione, & Ordine) licite suscipi (d). Nihilo tamen minus quum priuilegia regularium, & frequentes episcoporum concessionem quamplurimos extra ordinem ministros Sacramentorum inuenerint: ab iis etiam, quoties concessionum fines non excedunt, probe suscipiuntur.

XIII. Ab hoc speciatim munere *iura* profluunt, quæ solis attributa sunt parochialibus ecclesiis, videlicet habendi *fontem baptismalem*, quæ idcirco *matrices* appellantur, quia filios quotidie spirituales aqua & Spiritu Sancto regenerant;

ser-
res in ea re studeant episcopi dirigere, eosque simul coadiuuare ledimagistri, patresfamilias, pizæ faminz, laicique probi ac sodalitates vtriusque sexus, presbyteri etiam rurales non corati; methodum quoque tradendi rudimenta fidei, vsumque libelli Cardinalis Bellarmini, luculenter exponit, iubetque Benedictus XIV in *const. est minime* 42, 10. 1 Boillæ, regio placito die 5 Aprilis 1743 munita & publicata.

(a) De qua superius dictum sit. 18 de episcopis num. 12, ibique in notis lit. b.

(b) Trid. post sess. 25 de reform. in cap. de defectu ciborum, ieiuniis & diebus festis.

(c) Innoc. III in cap. omnis vtriusque sexus de peniten., & remiss.

(d) Trid. in cap. quoniam 23 sess. 24 de reform.

seruandi sacra item olea catechumenorum, infirmorumque; publica communionis annuæ testimonia edendi; libros baptizatorum, coniugum (a), mortuorumque retinendi, & futura publicandi matrimonia, & ordinandorum nomina. Adhæc accedunt *functiones*, ut aiunt, *parochiales*, puta sponſos cœlibes in Miſſa benedicere, & puerperas primo templum ingreſſuras, fontem quoque baptiſmalem, candelas in feſto Purificationis B. M. V., cineres, palmas, domoſque ſabbato ſancto; proceſſiones cum ſtola ducere non modo ſtatis diebus, ſed aduentitias etiam publicarum ſupplicationum, & funebres; cadaueribus fidelium, ante quam efferantur, benedictionem impertiri (b). Iſtis oneroſis quidem muneribus, iuribus, functionibus reſpondent viciffim *ſtolæ* vtilia iura ſeu emolumenta ex conſuetis oblationibus modo voluntariis, modo neceſſariis obuenientia parochæ intuitu laboris perſonalis; canoniceſque portionibus quartæ funerariæ, primitiarum, decimarumque, & congrua parochiali, quæ ubi annuos ducatos centum non exceſſerit, nullis penſionibus, aut reſeruationibus fructuum grauari poteſt (c). De omnibus dicendum ſuſius in ſequenti libro. Hoc vnum hic generatim prænotare ſufficiat, iura quælibet parochorum hodie non communi, certoque iure, ſed particularibus locorum inſtitutis & moribus, ſynodorum etiam & viſitationum episcopaliū decretis eſſe plerumque definienda.

XIV. Quoaduſque perſtitit communis clericorum vita canonica, quicquid ex oblationibus, primitiis, decimis, ſtatiffue redditibus olim ſingulis obueniebat eccleſiis, in commune cathedralis eccleſiæ ærarium importabatur: ex eoque quantam iuſſiſſet epiſcopus, portionem ab œconomo vel archidiacono accipiebatur vel diurnam vel menſtruam vel annuam ſinguli præbyterorum ad parochias etiam quum vrbanas

(a) Trid. cap. 1, & 2 ſeſſ. 24 de reform. matr.

(b) Barbosa de offic. & poteſt. parochi par. 1 cap. 12.

(c) Trid. in cis. cap. quoniam 13 ſeſſ. 24 de reform.

banas tum rurales ablegati (a). Illos quidem presbyteros, quia maxime laborant verbo & doctrina, duplici honore, idest portione alimentorum dignos renuntiavit Apostolus ad Timotheum scribens (b).

XV. Ea reddituum communio in causa fuisse videtur; ut quisque ferme episcopus ex ipso matricis primariæ clero ad vrbicas & suburbanas parochias delegaret presbyteros, clericosque alternis vicibus, amoueretque inde suum ad libitum (c); in oppidanis vero ecclesiis municipes earundem firmitus institueret (d). Hinc repetenda prima est origo pa-

Tom. I.

Y y

ro-

(a) In can. 4 vulgo Apostolorum ita cautum. *Omnium primitiæ episcopo & presbyteris domum mittantur, non super altare: manifestum est autem quod episcopus & presbyteri inter diaconos & reliquos clericos eas diuidunt.* Rursus can. 37. *Omnium rerum ecclesiasticarum curam episcopus gerito, & eas dispensato quasi inspectante Deo.* Et can. 40, ut episcopus res ecclesiæ in potestate habeat. & pecunia illius arbitratu dispensetur. Synodus Gangrensis in Ponto an. 324 can. 7 ideo sanxit. *Siquis vult fructus ecclesiæ oblatos accipere vel dare extra ecclesiam præter episcopi sententiam, vel eius, cui cura eorum tradita est, anathema sit.* Ecumenicæ synodo Chalcedonenſi anno 451 placuit can. 26, ut omnes ecclesiæ episcopales reconomum haberent res ecclesiæ cum arbitrio episcopi curatorum, veluti testem episcopalis earum dispensationis, can. quia in quibusdam 4 dist. 89: de cuius officio loquitur l. 14 C. de sacros. eccl. Theodorus Lector lib. 1, Marcianum ecclesiæ Constantinopolitane primom reconomum a Gennadio designatum anno 460, ut cuique ecclesiæ oblata distribueret eiusdem clericis, tradit Sozomenus lib. 6 cap. 31 in fin. Est autem, ait, eius loci (puta Rinocuræ in Ægypto) clericis communis domus & mensa: reliqua denique omnia communia. Videtis quæ dixi in tract. de Benef. eccl. cap. 1 de orig. Benef. sciurus quomodo & quando desinere reddituum communio.

(b) Ep. 1 ad Timoth. cap. 5, & lib. 2 const. vulgo Apostolorum cap. 18.

(c) Id in more positum in Romana ecclesia seculo quinto, indicat Innocentius I ep. ad Decentium cap. 5, scribens sese die dominico confueuisse ad presbyteros ecclesiarum intra ciuitatem fermentam ab ipso consecutum peraculuthos mittere, ut semetipsos, propter plebem sibi concessam absentes, non iudicaret a communione episcopi sui separatos. Idem in ecclesia Constantinopolitana viguisse patet ex Iustiniani Nou. 3 cap. 1. Alexandrix tamen quod singulis ecclesiis suis cuique perpositus esset presbyter, testatur Epiphanius hæres. 6 cap. 1.

(d) Ex paulo ante dictis num. 4, ibique in notis lit. a. Vt vicani presbyteri non possint in Dominico vrbis offerre præſente episcopo, vel vrbis presbyteris, decreuit synodus Neocæsariensis in Ponto an. 314, can. 13. Vnde appareret non confueuisse ad oppidorum plebes mitti presbyteros vrbanos & mobiles.

rochialis curæ capitulis & monasteriis cathedralium adnexæ, processu temporum ad collegia & coetus ecclesiasticos oppidorum maxime propagata.

XVI. Distracta ecclesiasticorum fructuum communione in quatuor partes primum, deinde in precarias (a) prædiorum concessiones modo reuocabiles, modo perpetuas arbitrio episcoporum; ad extremum in perpetua beneficia cum irrevocabili iure, quod lex generalis firmavit, ea tuto ad vitam possidendi: suos sibi vnaquæque ecclesia redditus fundorum, oblationesque retinuit, quibus singuli ei inservientes solum fruerentur presbyteri, clericique eo pacto, ut tertiam sibi metipsis vindicarent, alteram ecclesiæ, aliam pauperibus portionem distribuerent; episcopo non aliud nisi duos solidos ob honorem cathedræ suæ pro iure cathedralitico quotannis perfoluerent (b). Sic parochiale officium singulis eodem perpetuo iure conferri cæptum vna cum adnexo beneficio.

XVII. Oppidorum inopia quum sæpe par non esset alendis parochis, construendisque suis ecclesiis, ut ad utramque rem ditiores viri & magnates allicerentur, consueverunt sensim episcopi fundatoribus ecclesiarum, eorumque heredibus inter alia patronatus iura indulgere facultatem offerendi seu præsentandi presbyteros, clericosque in eisdem instituendos, quæ vim obtinuit magnam sexto abhinc seculo (c). At nonnullos tunc etiam prava cupiditas eatenus traxit, ut suis in possessionibus ecclesias ædificare satagerent eo solum animo, ut religiosas populi oblationes ex æquo diuiderent cum sacris earum-

(a) De quibus plures canones habet Gratianus in *can. precaria* 44, & *can. sæpe fit* 72 C. XII qu. 2, & textus decretalium in *cap. 1*, & *segg. de precariis*; & nonnulla dixi in *tract. de beneficiis cap. 9 de beneficiariis num. 5*, & *segg.* Inde primam beneficiorum speciem deducit Spondanus in *epitome ad annum* 306 num. 6.

(b) Ex Conc. Bracaren. II an. 571 in *can. placuit* i. C. X qu. 3, Emeritenſi an. 666, Toletan. Cabilonen. ceteris eadem C. & qu. relatis.

(c) Ex canonibus, legibusque, quas recensui in *tract. de surpatronatus cap. 1 num. 17*, & *segg.*

rundem ministris (a); manulque irreligiosas ad alia sacerdotum iura extendentes non dubitarent presbyteros de ecclesiis eiicere, aliosque adsumere ad libitum sine iudicio episcopi (b). Submotis deinde, expiatisque sacrilegis patronorum usurpationibus, restituta in integrum sunt iura episcoporum nedum in liberis ecclesiis & beneficiorum collationibus, sed institutionibus etiam obnoxiiis patronatui quum laicali, tum ecclesiastico.

XVIII. Patronatum ecclesiasticum collegiis, monasteriis, Capitulisque plus peperit adnexa cura paullo ante inuestigata, quam voluntas fundatorum. Quo tamen in loco esset parochialis cura non vni personæ, sed toti collegio Canonico-rum aut regularium, vel clero oppidano commissa: ibi necesse fuit, vt vniuersis curam *habitu* obtinentibus singuli *actu* eam exercerent alternis, vti mos fuit olim. Postea recentior beneficiorum perpetuitas Innocentium III (c) adduxit ad hanc edendam in concilio Lateranensi constitutionem, vt quælibet parochialis maiori ecclesiæ adnexa idoneum & *perpetuum* habeat *vicarium* canonicè institutum, congruam ex ipsius ecclesiæ prouentibus portionem accepturum. Patri-bus autem Tridentinis (d) placuit, vt Ordinarii locorum vbi curata beneficia cathedralibus, aliisue ecclesiis aut monasteriis

Yyy 2

vnita

(a) In eos ita sanxit conc. Bracarense II *can. 6. Siquis basilicam non pro deuotione fidei, sed pro questu cupiditatis aedificat, vt quicquid ibi de oblatione populi colligitur, medium cum clericis diuidat. . . nullus episcoporum tam abominabili voto consentiat.*

(b) Quod execrati maxime sunt Patres in synodo Toletana IV an. 633 in *can. nouerint X qu. 1*, & Arclatenſi II an. 313, Leo IV post annum 847 in *ep. ad episcopos Britanniae in can. regenda 4 eadem C. & qu.*, Nicolaus II in Romana synodo an. 1059 *can. 3*, Gregorius VII in Romana an. 1074 *can. 1*, Vrbanus II in Melphitana an. 1090 *can. 8*, Calistus II in Lateranensi I an. 1123 *can. 4 & 7*, ceteri.

(c) Innoc. III in *cap. extirpande 30 de preben. & dignit.*

(d) Trid. in *cap. beneficia 7 sess. 7 de reform.* Hoc vtique decretum fat innit Regulares exercendæ curæ addictos adhuc pro ea subiici diocesano episcopo, eique rationem reddituros: id quod diu ante Vrbanus II an. 1088 iam cauerat in *can. sane quid monachorum 6 C. 16 qu. 2*, sed apertius Trid. in *cap. in monasteriis 11 sess. 25 de regular.*

vnita inuenerint, sollicitè provideant, ut per idoneos vicarios etiam perpetuos, nisi aliter expedire videbitur, animarum cura exerceatur, quibus tertiam fructuum partem, aut maiorem, vel minorem suo assignent arbitrio.

XIX. Ne tamen plus æquo ea in re excurrat arbitrium: S. Pius V (a) iussit congruam perpetuis eidem vicariis fore nec ultra centum, nec infra quinquaginta scutos assignandam. Qui tamen ad curam animarum exercendam, quoad parochus infirmitate, imperitia, morum culpa, absentia, decessu, aliaue quauis causa defecerit, adsumuntur vicarii non perpetui (b); eis episcopus quantitatem portionis arbitrabitur nedum pro indigentia & meritis personarum, sed pro modo etiam reddituum (c).

XX. Curam animarum adepturos oportet non modo 25 ætatis annum saltem attigisse, verum etiam esse virtute, moribus, doctrina præstantiores. Enim vero, quamuis beneficiorum sine cura collationes, quæ personis utcumque dignis, posthabitis plerunque dignioribus, sunt, firmas habeant humana iura: lex Tridentina (d) multis corroborata constitutionibus Sedis apostolicæ nullatenus patitur quoslibet alios, nisi digniores ad parochiales curas promoueri præuio concursu, sollempnique omnium competitorum examine coram tribus saltem examinadoribus ut aiunt synodalibus, & diocesano episcopo, vel eius vicario generali peragendo, Formam concursus ab ipsa Tridentina synodo præscriptam, ut eius usum facerent expeditiorem, declarare & ampliare cen-

(a) S. Pius V in bulla ad exequendum 47 to. 2 Bull. Cherubini.

(b) Luc. III in cap. de rectoribus 3 de cler. agrot. vel debilit. Trident. in cap. quia illiterati 6 sess. 21, & cap. 1 §. eadem omnino sess. 23 de reform.

(c) Fagnan. in cit. cap. 3 de cleric. agrot. num. 11. Qui monet sequi num. 25 titulum, possessionemque legitimam parochiæ fructuum non coadiutoribus eiusmodi seu vicariis, sed coadiutis ipsis fuisse non semel adjudicatam a Rota dec. 410 num. 5 par. 4 rer. & alibi.

(d) Trid. in cap. expedit 18 sess. 24 de reform. Fulsus ea de re dixi in tract. de beneficiis cap. 10.

cenfuerunt fa. me. Pius V (a), Clemens XI (b), & Benedictus XIV (c), vi folummodo deuoluendi, non fufpendendi iudicium appellationi conceffa. Itaque ab irrationabili epifcopi & examinatum iudicio ad metropolitanum aut Sedem apoftolicam reclamantes non impediunt, quominus ei, quem epifcopus in concurfu præferendum iudicauerit, detur poffeffio parochiæ: aliudque ii fere non confequuntur appellationis beneficio, nifi vt fibi maculam repullæ ac reprobationis detergant, oftendantque fuam nouo experimento virtutem (d).

XXI. Hac lege foluuntur ecclefiæ iurifpatronatus laicorum duotaxat. Ad eas porro quem intra quatuor menses a die vacationis præfentauerint patroni fuum ad libitum, epifcopus cum examinatum in fynodo defignatis fi publico examine fine concurfu inuenerit idoneum, omnino inftituet. At patroni ecclefiastici vix inter adprobatos ab eifdem examinatum concurrentes, epifcopali edicto ad examen conuocatos, poffunt ac debent digniorem eligere, eumque inftituendum epifcopo præfentare (e). Epifcopus autem, id quod fcripfit ad archiepifcopum Florentinum Benedictus XIV [f], iudicium patroni ecclefiastici in delectu & præfentatione dignioris, quoties de iniuria nemo competitorum conqueritur (g), nequit plane non exequi: fed aliquo ipforum reclamante vtique facultatem habet inquirendi, rectum ne, an iniurium illud fuerit (b). Et quoties electum a patrono epifcopus tunc inftituere non abnuat, appellationi exinde locus erit in deuoluendo tantum iudicio: fecus vbi epifcopus a patronis diffentiens non digniorem effe iudicauerit

ab

(a) S. Pius V in bolla in conferendis 33 edita 15 Cal. April. 1567.

(b) Per litteras S. Congr. Conc. datas die 10 Jan. 1721.

(c) Bened. XIV in conft. cum illud 68 to. 1 Bullarii fui.

(d) Bened. XIV in conft. reddita nobis 4 to. 2 Bullar. Maffoebr in prax. habendi concurf. requif. 5 dub. 4.

(e) Triid. in cit. cap. expedit.

(f) Bened. XIV in cit. decretali reddita nobis 4 to. 2 Bullarii.

(g) Eo cafu locum habet, quod monet Fagnanus in ms. commentario fuper cap. 18 feff. 24 de refor. laudatus in antedicta decretali.

(h) Hoc ipfum ante placuit fa. ruc. Pio V in cit. conft. in conferendis.

ab eis electum: huius enim appellatio in suspenso relinquet omnia usque ad extremam causæ diffinitionem.

XXII. Vicarios curatos quum mobiles tum perpetuos sine concursu quidem adsumi, sed non sine permisso & examine episcopi, sat innuit synodus Tridentina (a), quum sanxit, ne ad parochias regularibus monasteriis adnexas *aliqui etiam ad nutum amovibiles deputentur, nisi de episcopi dioecesani consensu, ac prævio examine per eum, aut eius vicarium faciendo*. Idipsum firmavit Benedictus XIV (b). Quosvis profecto adiutores quisque sibi parochus cum episcopi approbatione deligit (c) sine vlla spe successionis.

T I T. XXXI.

De presbyteris, diaconis, ceteris inferiorum ordinum clericis.

- 1 *Vetus sacerdotium solis de sanguine Aaron & Levi descendentibus lege divina mandatum Christus Dominus ad sacros tantum ministros apostolica manuum impositione iniunctos transulit.*
- 2 *Vniuersos Christi fideles etiam laicos fungi sacerdotio blasphemauit Lutherus.*
- 3 *Hierarchiam vero ex episcopis, presbyteris & ministris rite ordinatis in ecclesia consistere a laicis seiunctam docet fides catholica.*
- 4 *Sacra parochorum munia omnes olim presbyteri obibant vi potestatis, quæ sacerdotio singulis traditur.*
- 5 *Nouo nunc iure multiplicatis plus æquo presbyteris vix licet sacrificia missarum celebrare, nisi cum officio parochiali vel mandato episcopi habeant facultatem exercendi alia suscepti ordinis ministeria.*

6 *Ad*

(a) Trid. in cap. in monasteriis 11 sess. 25 de regular. Card. de Luca de benefic. in summa num. 328.

(b) Bened. XIV in const. quamuis 1 to. 2 Bullarii sui, data die 24 Febr. 1746 pro episcoporum iurisdictione in parochiis regularium apud Indos.

(c) Trid. in cap. 1 sess. 23 de reform. & cap. 11 sess. 25 de regular.

- 6 *Ad presbyteratum requiruntur etas 25 annorum, morum probitas & scientia.*
- 7 *Diaconi stricta notione dicuntur ministri sacerdotum & episcoporum.*
- 8 *Eos Apostoli ordinarunt ad ministerium, non ad sacerdotium,*
- 9 *Multa gerunt in solemnibus sacrificiis & sacramentis & divinis officiis, & plura possunt episcopo mandante agere.*
- 10 *Ætas 23 annorum in diaconis, 22 in subdiaconis ordinandis nunc requiritur.*
- 11 *Diaconatus ordo coniunctos implicite habuit olim hypodiaconos & minores etiam subministros.*
- 12 *Multos & varios levitarum gradus antiqua etiam lex divina instituit, subiectos sacerdotio Aaronico.*
- 13 *Subdiaconos, acoluthos, exorcistas, lectores prisca etiam ecclesia ab initio explicitos habuit.*
- 14 *Plura latini, quam græci subdiaconi ministrant.*
- 15 *Hypodiaconatum græci inter minores ordines a calibatus lege immunes accensent, latini inter sacros legitimo coniugio expertes.*
- 16 *Sacris ecclesiæ ministris lex humana uxores interdixit.*
- 17 *Patres Nicæni ab ea ferenda lege Paphnutio suadente abstinuerunt.*
- 18 *Ecclesiasticum cælibatus priscis moribus potius arbitrarium S. Leo M. imperavit generatim subdiaconis, in episcopis firmavit speciatim Iustinianus.*
- 19 *Græcis diaconis & presbyteris Quinisexta synodus uxores ante diaconatum ductas indulsit, episcopis vetuit.*
- 20 *In utriusque Sicilia prouincias inuictam Græcorum disciplinam reformatunt Pelagius II, S. Gregorius M. & Urbanus II.*
- 21 *Ordinatos in sacris clericos lex, professos regulares votum obstringit ad cælibatum.*
- 22 *Iique recitationem diuini officii quotidianam omittentes peccant*

cant graviter, suosque non faciunt beneficiorum fructus pro rata.

- 23 *Singulis clericis gradatim, per saltum nemini licet ad sacerdotium ascendere.*
- 24 *Per tonsuram ritu antiquissimo clerici aditum habent ad ordines ecclesiasticos.*
- 25 *Coronari dicebantur ex corona olim consili & varia, nunc casili, quæ per gradus ordinum ampliatur.*
- 26 *Tonsura sine fraude fori initientur uncti chrismate, tum fidei doctrina & litteris imbuti.*
- 27 *Titulo ecclesiæ olim omnes, clerici plerique nunc patrimonii titulo ad ordines promouentur.*
- 28 *Reformatio Tridentina necessarios & utiles tantum ecclesiæ ministros ordinari ad titulum sufficientis beneficii vel pensionis aut congrui patrimonii permisit.*
- 29 *Ex beneficii fructibus diæcesanam sacri patrimonii taxam æquaturis an sint stipendia Missarum detrahenda, episcopus arbitrabitur.*
- 30 *Ex lege Concordatorum patrimonium nec minus ducatis 24, nec maius 40, vel beneficium aut pensionem, quod, quæque patrimonii medietatem æquet, debent Tonsura initiandi habere.*
- 31 *Nec non triennium in Seminario degere, vel triennem ecclesiæ famulatum cum veste clericali gerere, nisi arctati ad beneficium sui patronatus quum actiui tum passivi fuerint.*
- 32 *Impuberes Tonsura nonnisi prævia Pontificis & Regis dispensatione initiantur, exceptis septennibus arctatis ad beneficia iurispatronatus ante concilium Tridentinum fundata.*
- 33 *Laiici etiam iura nunc sua experiuntur cum clericis competitoribus beneficiorum iurispatronatus.*

Quam Ebraeorum sacerdotes, leuitæque solo ex sanguine Aaron & Levi in vnam tribum eo selecti a D. O. M. sint

sint, ipsum ut cruentis sacrificiis, hostiisque pacificis propitiarent, quas nefas esset profano populo vnquam attrahere (a): nemo, cui mens sit sana, dubitauerit sacerdotium vetus non ad omnes promiscue Christianos, sed ad solos noui Testamenti presbyteros translatum a Christo Domino fuisse (b), tradita his vnica potestate quum consecrandi & offerendi corpus & sanguinem eius in cruento sacrificio, tum remittendi, retinendique peccata. Aeternus enim sacerdos ipse simul ac in nocte coenae nouum instituit sacrificium, solis Apostolis, quibusque ii sua manuum impositione gratiam diuinæ ordinationis daturi essent, dixit: *Hoc facite in meam commemorationem* (c). Tum post resurrectionem iisdem, non aliis ait: *Accipite Spiritum Sanctum, quorum remisistis peccata, remittuntur eis, & quorum retinueritis, retenta sunt* (d). Et alii quidem plures facti sunt sacerdotes (perpetua scilicet successione collati ordinis), idcirco quod morte prohiberentur permanere: Christus autem eo quod maneat in aeternum, sempernum habet sacerdotium, tradit Apostolus (e).

II. Delirauit insanus quidem Lutherus nullum esse in ecclesia Christi sacerdotium externum, quo sacri solum fungantur quotidie ministri: sed inuisibile tantum & spiritale vniuersis Christicolis communiter collatum beneficio fidei. Suumque deliramentum ex eo probati contendit, quod diuus Petrus omnes electos ad fidem aduenas allocutus (f), & ipsi tanquam viui lapides, ait, *superedificamini in sacerdotium sanctum, offerentes spirituales hostias, acceptabiles Deo per Iesum Christum . . . Vos autem genus electum, regate sacerdotium*.

Tom. I.

Z z z

tium,

(a) Enim vero eum Oras ingressus templum Domini adolere tentasset incensam super altare thymiatis, spreto sacerdotibus ad huiusmodi ministerium consecratis, eum lepra in fronte statim Dominus percussit, 2 Paralip. cap. 26 vers. 16, & seqq. (b) Ex ep. ad Ebraeos cap. 7 per tot. (c) Matth. cap. 26 v. 25, Marci cap. 14 v. 21, Lucæ cap. 22 v. 17, Pauli 1 ad Corinth. cap. 11 v. 24, & 25.

(d) Ioannis cap. 20 vers. 22, & 23, Marc. cap. 16 vers. 18. (e) Ep. ad Ebraeos cap. 7 vers. 23 & 24. (f) Ep. 1 Petri cap. 2, vers. 5, & seqq.

tium, *gens sancta, populus acquisitionis, ut virtutes annuncietis eius, qui vos vocauit de tenebris in admirabile lumen suum.* Idipsum iisdem fere verbis expressit diuus Ioannes (a).

III. Numquid vero ista Principis Apostolorum verba demonstrant non traditam Apostolis, & sacerdotibus a Christo Domino specialem potestatem consecrandi corpus & sanguinem ipsius, & peccata soluendi? Minime gentium: sed vix innuunt Christi fideles solo Baptismo initiatos habere facultatem offerendi hostias tantummodo spirituales per Iesum Christum, puta preces, virtutum actus, & bona quouis opera, Deum merito fidei sacramentalis propitiantia: vel etiam, ut mea fert sententia, offerendi *spiritu* & animo concordie eandem Christi hostiam purissimam, quam sacerdotes *re* sacrificant, Deoque viuenti quotidie immolant *pro suis primum, deinde pro populi delictis* (b). Hoc tamen baptizatis omnibus *commune sacerdotium* (voce scilicet impropria & translata per similitudinem ita dictum) nil prorsus efficit, quominus in ecclesia alterum sit *sacerdotium speciale*, idque *verum ac proprium*, sacris duntaxat, selectisque personis rite concreditum apostolica & episcopali manuum impositione sine villo sanguinis, nationisue discrimine, quod pro veteri extincto creatum reapse a Christo fuisse Apostolus Ebræos informauit luculentissime. Cæcus itaque cæcorum dux Lutherus duplicem, diuersamque vocabuli significationem, ut incautos seduceret, turpiter miscuit. *Sed insania est*, inquam cum diuo Chrysostomo (c), *despicere sacerdotium, sine quo neque salutis, neque promissorum bonorum*

(a) Apocalypsis cap. 5. vers. 10, & cap. 20. vers. 7, ibi: *Sed erunt sacerdotes Dei & Christi, & regnabunt cum eo mille annis.* Hæc verba exponens S. Augustinus lib. 20. de Ciuit. Dei cap. 10: *non unusque (ait) de solis episcopis & presbyteris dictum est, qui propterea iam vocantur in ecclesia sacerdotes: sed sicut omnes Christianos dicimus propter mysticum Christum, sic omnes sacerdotes quoniam membra sunt vniuersi Sacerdotis, de quibus Apostolus Petrus, plebs, inquit, sancta, regale sacerdotium.*

(b) Ad Ebræos cap. 7. vers. 27.

(c) S. Io. Chrysost. lib. 3. de sacerdotio.

rum compotes fieri possumus. Nam si non potest quis in regnum calorum ingredi, nisi per aquam & Spiritum regeneratus fuerit; & qui non manducat carnem Domini, & sanguinem eius non bibis, eterna vita priuatur; omnia autem hæc haud aliter quam per sacrosanctas illas manus perficiuntur, manus inquam sacerdotum: qui fiet ut citra illarum opem aut gehenne ignem cuitare quis possit, aut reposita in cælo corona præmia assequi? Catholicam hanc doctrinam ecclesiæ propugnans Tridentina synodus contra nefarios protestantium impetūs execrata est eos, qui ecclesiasticam hierarchiam episcopis, presbyteris, & ministris constantem, diuinæ ordinatione fundatissimam miscere non verentur, dum somniant omnes Christianos promiscue noui Testamenti sacerdotes esse, aut omnes pari inter se potestate spiritali præditos: vel negant esse in nouo Testamento sacerdotium visibile & externum (a).

IV. Sacerdotem oportet offerre, benedicere, præfesse, prædicare & baptizare, ut quemque in actu ordinationis admonet episcopus. Cuncta enim hæc munia actu obibant primitiui ecclesiæ presbyteri, adeo ut eorum nemo ad sacerdotii gradum sine cura animarum, tituloque ecclesiæ, in qua eam actu exerceret, promoueretur. Chrysostomus (b) ideo monuit colendos maxime presbyteros esse, quod ii animarum periculum, curamque sustinerent, quam detrectare nefas ipsis erat. Et Augustinus (c) reprehendit illos, qui nollent eiusmodi officium lubire, desidiosam prætendentes excusationem nolle se rationem reddere de peccatis alienis. Synodus hinc Antiochena (d) presbyteros generatim appellauit collegas &

Zzz 2

com-

(a) Trid. sess. 24 de Sacram. Ordinis cap. 1, & 4, can. 1, & 6.

(b) S. Io. Chrysost. in euang. Ioan. hom. 85.

(c) S. August. de fid. & operib. cap. 17. Idemque ad Valerium episcopum scribens ep. 22 conqueritur sibi vim factam, ut secundus locus gubernaculorum sacerdotio traderetur sibi ipsi eo quidem tempore, quo nihil esse, ait, difficilius, laboriosius, periculosius episcopi, aut presbyteri, aut diaconi officio.

(d) Contra Paulum Samosatenum coacta an. 341, ex Euseb. lib. 7. hist. cap. 24, & ep. synodica ad Dionysium Papam, & ceteros episcopos.

comministros episcoporum; & Chrylostomus (a) *compastores*. E contrario Cyprianus (b) eos presbyteros redarguit, qui nec euangelii, nec loci sui memores, neque sibi præpositum episcopum cogitantes, quod nunquam omnino sub antecessoribus factum erat, cum consumelia & consensu præpositi totum sibi vindicarent. Nec mirum, quia prioribus seculis ad sacerdotii, sacrique ministerii gradus singulos non extollebantur, nisi qui statim vel curam animarum susciperent, vel ecclesiæ, cuius quisque titulo ordinabatur, actu famularentur.

V. Sequiora deinde tempora otiosos & presbyteros & diaconos, clericosque sensim inducere. Zosimus ad solium pontificium elatus anno 417 palam redarguit æui sui episcopos, qui præter necessitatem ecclesiarum presbyteros multiplicarent olitentandi studio immoderatam subditorum pompam (c). Idem nihilominus plus crevit abusus exinde, quod plurimis Ordines sine canonico præbendarum, ecclesiarumque titulo conferre cœpissent: id quod inani serme exitu vetuit œcumenica synodus Chalcedonensis (d) anno 451, Iustinianus (e) anno 535, & Alexander III in concilio Lateranensi (f). Enim verò tolerandos eiusmodi vagos, nullique titulo adfixos presbyteros & clericos duplex nouæ disciplinæ ratio suavit. Primum, ne fidelibus innumeris quotidie Missarum copia deficeret; deinde ut quo plurium esset vita clericalis diu explorata, eo feliciorem haberet euentum delectus digniorum ad vacaturas parochias, præbendas & dignitates. Hinc patet causæ, cur presbyteri simplices quam sibi sacerdotali charactere collatam habent potestatem baptizandi, prædicandi, benedicendi, remittendique peccata pœnitentium, nequeant actu

(a) Chrylost. de divers. ver. Testam. locis serm. de pseudoprophetis.

(b) S. Cyprian. ep. 10.

(c) Zosimus ep. 1 ad Ilichium Salonitanum episc. in can. si officia 2 dist. 39.

(d) Can. neminem 1 dist. 70, & cap. non liceat 2 de præbendis, ex corpore canonum Dionysii Exigui cap. 184, qui floruit ævo Iustiniani.

(e) Nou. 3 de numero clericor. Constantinopol. vrbis, sen const. 5 in No-
uellis per Iulianum translatis.

(f) Cap. episcopus 4 de præbendis.

actu exercere, nisi aliquem curæ animarum titulum obtinuerint, vel speciale mandatum proprii episcopi (a), aut parochi: iisque suo vix iure licet sacrificia Missarum peragere. Ut nullus autem peregrinus sine commendatitiis sui ordinarii litteris ab ullo episcopo ad diuina celebranda & sacramenta administranda admittatur, synodus Tridentina decreuit (b).

VI. Presbyteros ante 30 ætatis annum ordinari vetabant canones antiqui (c). Seculo VIII. Zacharias indulsisse primus inuenitur, ut exigente necessitate ad sacerdotium sufficerent 25 anni (d). Nec singulos hac ætate fore promouendos, sed dignos duntaxat, quorum probata vita senectus sit, decreuit Tridentina synodus (e). Πρεσβύτερος enim, idest senior porius dignitatis, quam ætatis vox est in ecclesia (f). Ique insuper ad presbyteratus ordinem sunt ex Tridentina lege assumendi, qui non modo in diaconatus ordine ad minus annum integrum, nisi ob ecclesiæ utilitatem & necessitatem aliud episcopo videretur, ministrauerint; sed etiam ad populum docendum ea, quæ scire omnibus necessarium est ad salutem, ac administranda sacramenta diligenti examine præcedente idonei comprobentur: atque ita pietate ac castis moribus conspicui, ut præclarum bonorum operum exemplum & vitæ monita ab eis possint expectari (g).

VII. Diaconos (idest ministros) in tertio, presbyteros in secundo sacerdotio constitutos scribit Optatus Mileuitanus (h), am-

(a) Ex vetustissimo primitiue ecclesiæ more, quem superius detexi sit. 40 de parochis num. 8. Trid. in cap. quamuis 15 sess. 23 de ref. aperte definiuit neminem presbyterorum etiam regularem posse confessiones secularium etiam sacerdotum audire, nisi aut parochiale beneficium, aut ab episcopo approbationem obtineat.

(b) Trid. in cap. cum nullus 16 sess. 23 de reform.

(c) Apud Gratianum can. 1, & seqq. dist. 78: quos sequi non dignatus est Iustinianus Nou. 123 cap. 13.

(d) Can. si triginta 3, & ult. eadem dist. 78.

(e) Cap. nullus in posterum 12 sess. 23 de reform.

(f) S. Isidor. in can. cleuos 1 dist. 22.

(g) Trid. in cap. qui pie 14 sess. 23 de ref.

(h) Opt. Mileuitan. lib. 1 aduersus Parmenianum de schism. Donatist.

ampliori usus notione vocum. Tunc enim nomina, vti Chrysostomus monet (a), *ad huc erant communia, atque ipse etiam episcopus vocabatur diaconus*. De semetipso, aliisque Apostolis loquens Apostolus (b): *sic nos, ait, existimet homo, ut ministros Christi. Exhibeamus nosmetipsos sicut Dei ministros*. Ad Timotheum episcopum allocutus (c), inquit: *ministerium tuum imple*. Quoniam vero postulavit novi sacerdotii dignitas amplissima, ut essent qui perinde, ac lenitæ Ebræorum, seruirent presbyteris & episcopis in altaris ministerio (d): ratio discriminis addixit eis uti proprium diaconi vocabulum.

VIII. *Post ascensionem Domini in celos Apostoli sibi constituerunt diaconos episcopatus sui & ecclesie ministros*, ut S. Cyprianus tradit (e); non modo in ecclesia Ierolimytana, in quo septem diaconos Spiritu S. plenos elegerunt, communibus etiam mensis ministraturos, ut sic sedarent murmur Græcorum aduersus Ebræos, ægreferentium viduas suas a quotidiano ministerio segregatas (f): verum in aliis etiam per orbem ecclesiis. Quandoquidem Apostolus ad Philippen-tes suam inscribit epistolam *omnibus sanctis, qui sunt Philippis, cum episcopis & diaconibus*. Idemque Timotheum commonuit (g) *diaconos (non secus quam episcopos) esse debere pudicos, non bilingues, non multo vino dedisos, non turpe lucrum sectantes, habentes mysterium fidei in conscientia pura, probandos primum, ut ministrent nullum crimen habentes, vnius uxoris viros, qui filiis suis bene præsent, & suis domibus*. Eosque S. Ignatius martyr non ciborum & potuum, sed ecclesiæ Dei & mysteriorum Iesu Christi ministros nuncupat

(a) S. Io. Chrysost. hom. 1 in Philipp. cap. 1.

(b) Ep. 1 ad Corinth. cap. 4 vers. 1, & 2 ad Corinth. cap. 6 vers. 4, atque ad Ephesios cap. 3 vers. 7. (c) Ep. 2 ad Timoth. cap. 4 vers. 5.

(d) Trident. in cap. cum autem 2 sess. 23 de Sac. Ordin. S. Ildorus lib. 2 cap. 8 de diuin. offic. discrete affirmat sacerdotem sine diacono nomen habere, non officium.

(e) S. Cyprian. ep. 65, alias 3.

(f) Act. cap. 6 vers. 1, & seqq. (g) Ep. 1 ad Timoth. cap. 3 vers. 8.

pat (a): Itaque diaconi, ut Nicæni Patres iubent (b), intra suas mensuras permaneant, scientes quod sunt quidem episcopi ministri, presbyteris vero minores. Nam ipsi non ad sacerdotium, sed ad ministerium consecrantur (c).

IX. Munera eorum summam enumerat B. Isidorus (d). Ad diaconum, ait, pertinet assistere sacerdotibus & ministrare in omnibus, quæ aguntur in Sacramentis Christi; in Baptismo scilicet, in Chrismate, & patena & calice: oblationes quoque inferre, & disponere in altare; componere etiam mensam Domini, atque vestire, crucem ferre, & prædicare evangelium, ad ipsum quoque pertinet officium precum, & recitatio nominum; ipse pramonet aures haberi ad Deum; ipse hortatur clare; ipse donat pacem & ipse annuntiat. Ad solemniore liturgiæ ritus antiquissimos referri mos debet iandio exoletus inferendi in altare oblationes fidelium (e), & offerentium nomina palam recitandi (f) ex sacris dyptichis (g), puta tabellis simul & episcoporum, personarumque illustrium tam viventium in signum communionis, quam in pace defunctorum. Quemadmodum & energumenos, poenitentes, catechumenos ad concionem episcopi, communesque preces ipsi sacri ecclesiæ præcones diaconi olim aduocare, sile-

(a) S. Ignat. ep. ad Trallianos num. 2, & 3, ad Magnesios num. 6, ad Polycarp. num. 6 Erravit certe quidem Trullana synodus erratica can. 16, dum ab apostolica traditione secedens putavit Apostolos esse locutos non de viris, qui ministrant mysteriis, sed de ministerio, quod in usum mensarum adhibebatur.

(b) Synod. Nicæna I can. 18.

(c) Syn. Carthagin. IV can. 4, & can. diaconus 11 dist. 23.

(d) Can. perlektis 1. §. ad diaconum dist. 25.

(e) De quibus loquuntur can. 3, 4, & 5 vulgo Apostolorum.

(f) S. Cyprianus ep. 9, alias 16, eos redarguit, qui ad mensam eucharisticam lapsos nondum acta poenitentia & exomologesi admitterent, eorumque nomina offerrent. B. Hieronymus comm. in Ezechielem cap. 18, itidem conqueritur, quod publice diaconi in ecclesia recitent offerentium nomina, sibi fratribus & furtis, aliisque sceleribus conficiorum. Innoc. I in can. de nominibus ult. de consecr. dist. 1.

(g) Quinta Synodo in can. sane 6 C. 24 qu. 2, & Cabilonensi II in can. visum 72 de consecr. dist. 1, consuetudo probatur commendandi in missarum sollempnibus defunctos nedum recitatis, sed tacitis etiam nominibus eorum.

lentium indicere, infideles exinde eliminandos proclamare, fideles duntaxat ad sacrificium & synaxin ceteris exclusis admittere, & re confecta dimittere consueverunt (a). Præterea iussi eucharisticum Panem a sacerdotibus confectum, & sæpius Calicem Domini fidelibus distribuebant (b), præterquam presbyteris (c). Sacra proinde vasa diaconis solis tangere licebat, præterea nemini subministrorum (d). *Baptizandi* quoque facultatem æque diaconis ac presbyteris alicubi dabant, ubi vellent, episcopi (e): quemadmodum & *prædicandi* (f), exemplo SS. Philippi & Stephani, quos euangelizasse tradunt Acta Apostolorum (g); poenitentes virgente mor-

(a) Liqueant hæc omnia ex lib. 8. *const. apostol. cap. 5, & 6*, Chrysostomo *hom. 18 ad Hebr. 9, & hom. 2 in ep. 1 ad Corinth.*

(b) S. Iustin. *apolog. 2. pag. 97*, S. Cyprian. *serm. de lapsis*, & S. Ambrosius lib. 1 *de offic. cap. 41*, qui diuo Laurentio diacono S. Xyti Papam dominici sanguinis *consecrationem* commisisse scribit; puta non sacerdotalem vitæque potestatem conuertendi vini in sanguinem, sed sacrum in consummationem Sacramenti distribuendoque sub utraque specie ministerium, ut ea, quæ subsequuntur continuo ipsius Ambrosii verba, explicasse videntur: *cui consummandorum consortium Sacramentorum &c.* eaque item alia, quæ præcedunt: *nunquam sacrificium sine ministro offerre consueveras*. Nam suis ipse manibus Xystus Domini corpus distribuere, sanguinem vero a semetipso confectum per diaconi manus dispensare fœuit. Quare Baronius ad an. 261. num. 7. non *consecrationem*, sed *dispensationem* in eo Ambrosii loco monet esse legendum. Cuiusmodi emendationem sequi præstat, non ut scribentis, sed legentium error vitetur. Vel Ambrosio fortasse visus est diaconus sanguinem, ideo consecrare, quod ante Sacramenti consecrationem sacerdos una & diaconus calicem vino plenum uterque sustinentes, ut nunc etiam fit in sollempni Missa, offerrent dicentes: *Offerimus tibi Domine calicem salutaris: hostiam vero solus sacerdos offert aicens: Suscipe S. Pater . . . hanc immaculatam hostiam, quam ego indignus famulus tuus offero tibi Deo meo vivo & vero*. Propterea Cardinalis Bona *rer. liturg. lib. 1 cap. 25 num. 4*, scèctatis fidem antiquorum codicum ms. aliorumque vulgatorum legit *consecrationem*, & ait: *huic lectioni nullatenus formidanda aut corrigenda, sed omnino restituenda sunt verba*.

(c) Id enim vetuit Nicæna synodus I can. 18.

(d) Synod. Laodicæna can. 21, & Agathensis. can. 66; in can. 26, & 30 *dist. 23*.

(e) Tertull. *de Baptismo cap. 17*, S. Hieron. *cap. 4 dial. contra Lucifer*, Syn. Eliberitana can. 77; S. Cyrill. *cateches. 17 num. 18*. Quicquid aliter scripserit S. Epiphanius *hæres. 79 num. 4*, & auctor *const. apost. lib. 8 cap. 38*.

(f) Synod. Vascens. III can. 2, & Vigiliis *ep. ad Rustic. & Sebast.*

(g) Act. Apost. *cap. 6*.

mortis periculo, si presbyter abesset, per exomologesin cum ecclesia reconciliandi (a): clericos inferiores & diaconissas excommunicandi (b), eosque in officio delinquentes corripiendi (c). Eleemosynas, obventionesque ecclesiasticas itidem curabant, ut iussu episcopali pauperibus & captiuis fidelibus dispensarent (d). Nunc episcopo & presbyteris diuina ritu solemniori facientibus & ministrantibus ad ministerium: cetera vero eis munia diaconatus non licet sine speciali mandato episcopi exercere.

X. Nonnisi annos 25 nati olim inter diaconos cooptabantur (e). Sed Patribus Tridentinis placuit, ut ipsi non minores sint annis 23, hypodiaconi vero annis 22 (f) puta incæptis.

XI. An alios præter diaconatum ordines Apostoli speciatim statuerint, quum sacræ prorsus sileant Scripturæ: omnia fere ministeria ecclesiæ etiam inferiora diaconos generali vocabulo ita dictos obisse, quoadusque hypodiaconi, acoluthi (g), exorcistæ (h), lectores, ostiarii propriis distincti sunt nominibus & gradibus, traditum accepimus a diuo Dionysio Areopagita. Hinc S. Ignatius (i) sine diaconis ecclesiam non

Tom. I.

Aaaa

VO-

(a) Qua de re in seq. lib. 2 tit. 8 de sac. Penit. num. 41.

(b) Const. vulgo apost. lib. 8 cap. 28.

(c) Chrysostom. in Act. Apost. hom. 24, & lib. 2 const. ap. cap. 57.

(d) Cyprian ep. 49 ad Cornel., Dionys. apud Euseb. lib. 7. cap. 11, & Const. apost. lib. 2 cap. 31.

(e) Syn. Agath. can. 16, Carthagin. III can. 4, Trullana can. 14, Toletana IV can. 20 apud Gratianum in can. 5, & 7 dist. 77, Zacharias in can. ult. dist. 78. Iustinian. Nou. 123 cap. 13, Clem. generalem de stat. & qual. ult. dist. 78.

(f) Trid. in cap. nullus 12 sess. 23 de ref.

(g) Ἀκόλυτοι, idest junior affectu, pedissequus, famulus, comes ministrans: non ut vulgus putat, cæroferarius.

(h) Ἐξορισται, idest adiurator, metu religionis percellens seu terrefaciens. S. Cyprianus ep. 76, alias 69; hodie etiam geritur, ait, ut per exorcistas voce humana & potestate diuina flagelletur & uratur & torqueatur diabolus. Irænzus lib. 2 cap. 57, in illius nomine, qui vere illius discipuli ab ipso accipientes gratiam . . . alii demones excludunt firmissime. Contestantur idipsum S. Iustinus apol. 1 pag. 45, Origenes contra Celsum lib. 7, Tertullianus de spectaculo cap. 26, ceteri.

(i) S. Dionys. de eccl. hierarch. cap. 3 tradit: Diaconorum alii sicut

ad

vocari, nullamque tunc esse scribit (a). Ministerium porro diaconi, ut genus in se continens omnes implicite species inferiorum Ordinum, eos explicite propagavit pro necessaria diuini cultus dignitate, simul ac adoleuit ecclesia (b). Itaque ab ipso ecclesiæ initio, inquam cum Patribus Tridentinis (c), sequentium Ordinum nomina, atque vniuscuiusque eorum propria ministeria, subdiaconi scilicet, acoluthi, exorcistæ, lectoris, ostiarii in usu fuisse cognoscuntur, quamuis non pari gradu; nam subdiaconatus ad maiores Ordines a Patribus, & sanctis conciliis refertur, in quibus & de aliis inferioribus frequentissime legimus.

XII. Multiplices sacri ministerii gradus diuina lex antiqua præsignauit, dum distribuit diuersa officia tribus familiis Gerson, Caath, & Merari filiorum Leui. Dominus enim iussit (d), ut filii Aaron soli Arcam testamenti & vasa sanctuarii contrectarent, quæ filii Leui non tangerent vnquam, ne morerentur: sed inuoluta solummodo ea portarent progeniti familiæ Caath, obtemperantes Eleazaro filio Aaron, ut ab eo singuli sua scirent onera; Gersoniæ sub Ithamar sacerdote cortinas tabernaculi, textum foederis, tentorium, omnia ad altare pertinentia, funiculos, & vasa ministerii; Merariæ tandem sub eiusdem sacerdotis potestate deferrent tabulas tabernaculi, vestes, columnas, bases cum paxillis & funibus suis. Ex iisdem Leui filiis alii cantores in domo Domini, alii custodes vestibulorum & ostiarii erant, aliis cre-

ditæ ad portas elausas, alii aliud proprii ordinis operantur; alii autem sacerdotibus proponunt super altare sacrum panem, & benedictionis calicem. Consonant const. apost. lib. 8 cap. 11, Euseb. de marty. Palestin. cap. 2.

(a) S. Ignat. ep. ad Trallian. num. 3.

(b) S. Thomas in suppl. par. 3 qu. 17. art. 2, in primitiua ecclesia (inquit) propter paucitatem ministrorum omnia inferiora ministeria diaconibus committebantur. Nihilominus erant omnes prædictæ potestates, sed implicite in vno diaconi potestate. Sed postea ampliatus est cultus diuinus, & ecclesia, quod implicite habebat in vno Ordine, explicite tradidit in diuersis.

(c) Trid. in cap. cum autem 2 sess. 23 de Sac. Ord. (d) Numer. cap. 4.

(e) Numer. cap. 1 vers. 5 & cap. 3 vers. 11, & 39.

dita ministerii vasa vel utensilia sanctuarii vel panes propositionis. His addebantur *Nathinai* (a) leuitarum subministri; & singuli stabant iuxta ordinem suum in ministerio (b). Quid ita? inquam. Quid solos Leui filios cuius ministerio tabernaculi Deus ipse mancipauit, externos procul habuit omnino? Vt clericos nimirum solos, in æterni sacerdotis hæreditatem sine sanguinis respectu ab episcopis rite vocandos, sacerdotio & sacrificiis noui Testamenti famulaturus esse præmoneret. Quorsum tot illorum antiquos gradus, ordinisque distinxit, nisi vt hos nouos delinearet? Si typus vtrorumque diuinus, si veterum ordinum diuina certe institutio, si nouos omnes in se implicitos habet diaconorum Ordo plane apostolicus: consequens est, vt a suis ecclesia primordiis nedum maiores, sed minores quoque clericorum Ordines habuerit, reipsa iam tunc distinctos, deinde magis ex intervallo nominibus, ritibusque propriis explicitos (c). Cur non vni etiam, sed pluribus discipulorum, Petro speciatim, & Ioanni demandauit Christus Dominus, vt mensam in cœnacula pararent (d)? Quia eos oportuit quidem, antequam sacerdotii acciperent potestatem, sacrum obire ministerium in cœna sacratissima; ipsique Domino famulari nouum sacrificium celebranti. Quemadmodum & eosdem omnes ministerio eijciendi dæmones exorcismis pridem sanctos iam esse constat (e).

XIII. Disputant nihilominus in scholis ex noui Testamenti Scripturarum silentio, Apostoli ne distinxerint inferiores

Aaaa 2

res

(a) I. Paralip. cap. 6. vers. 31, 32, & 48, cap. 9 vers. 19, 28, 29, & 32.

(b) I. Eldræ cap. 7 vers. 7, & cap. 8 vers. 17, 20, ibi: Dederat David & principes ad ministeria Leuitarum Nathineos ducentos viginti. Qui lauabant hostias; ligna cœla, & aquam deferabant ad sacrificia; vt faceret gl. in ean. eleros dist. 21 ver. Nathinai. Eosque subdiaconis æquiparat S. Isidorus in cit. ean. eleros.

(c) Vim Sacramenti Ordinis in sacerdotio, & ministerio edisseram in seq. libro 2 tit. 10.

(d) Matt. cap. 26 vers. 19, Marci cap. 14 vers. 13, & seqq. Lucæ 22 vers. 8.

(e) Matth. cap. 17 vers. 15, & seq. Lucæ cap. 3 vers. 39.

res diaconatu Ordines, an posteriori ævo ecclesia? Amalarius diaconus Metensis (a) seculo IX, scribit eos Ordines tantum, sine quibus non potest incruentum sacrificium rite celebrari, scilicet sine sacerdote & diacono, ab Apostolo Paulo denominatos; tum *crescente ecclesia* adiectos inferiores. Magistro Sententiarum (b) inde seculo XII visa est solos diaconos primitiva ecclesia habuisse: *subdiaconos vero, & acoluthos procedente tempore ecclesia sibi constituisse*. Sed an ultra ævum Apostolorum processerit tempus ecclesiasticæ institutionis, neuter eorum dixisse videtur. Cunctos tamen jamdictos Ordines inferiores ab Apostolis institutos tenent, nonnullis id negantibus, plerique Doctorum grauissimi (c) priscam traditionem secuti. Enim vero æque *hypodiaconos, acoluthos, exorcistas, lectores* recensent, atque *diaconos & presbyteros* SS. Cornelius, & Epiphanius (d), item auctor vel vetustissimus constitutum & canonum apostolorum (e), qui que delitescunt sub nomine S. Ignatii (f), aliorumque Patrum primitiuorum. Synodus hinc Tridentina *ab ipso ecclesiæ initio*, quod potius apostolico ævo, quam suppari vel proximo congruit, cuiusque Ordinum inferiorum nomina, propriaque ministeria in usu fuisse cognovit.

XIV *Hypodiaconi* munia in ecclesia latina sunt, sacra vasa,

(a) Amalarius (qui de *ecclæs. seu diuin. offic.* libros quatuor iussu Ludouici Pii edidit anno 827) lib. 2 cap. 6 hæc habet. *Notandum est eos Ordines, qui potissimum necessarii sunt in ecclesia, Apostolum Paulum denominasse, & eorum mores depinxisse, sine quibus non potest rite immolatio altaris celebrari, scilicet sine sacerdote & diacono. Ut sine retractione sacerdos vigilet circa hostias, necessarius est diaconus ad ministranda ea, quæ necessaria sunt sacerdoti: ceteri Ordines his adiecti sunt. Crescente ecclesia creuit officium ecclesiasticum, ut multitudini ecclesiæ subueniri posset, adiciuntur inferiores in adiutorio præpositorum.*

(b) Petr. Lombard. *sent. lib. 4 dist. 24.*

(c) Baron. *ad ann. 49 num. 78*, Bellarmin. *de clericis lib. 1 cap. 11*, Schellstrat. *in concil. Antioch. dissert. 4 cap. 17 art. 2*, ceteri.

(d) S. Corn. *ep. ad S. Fabian. apud Euseb. lib. 6 cap. 43*, & S. Epiphani. *exposit. fid. num. 21.*

(e) Const. apost. lib. 3 cap. 11 & lib. 8 cap. 26, item Apost. *can. 69.*

(f) S. Ignat. *ep. ad Antiochenos num. 12.*

vasa, calicem videlicet ac patenam, panis hostiam, vinum & aquam ad sollempne sacrificium præparare, paucasque aquæ guttas in calicem, simul ac diaconus vinum immiserit, adfundere; epistolam canere; diacono inseruire, eique euangelium canenti librum sustinere, tum calicem, patenamque eidem ipsi ad aram deferre; linteum corporale, & linteola calicis & purificationis abluere. Ritus vero Græcorum vix indulgent hypodiaconis sacra vasa parare in mensa propositionis, quum ea ipsi inde ad aram transferre prohibeantur. (a).

XV. Ex hoc inter alia vno discrimine pulchre arguitur *hypodiaconatus* a Græcis adhuc inter minores Ordines, a Latinis inter majores & sacros (b) accenseri. Alteram hac in re differentiam parit ecclesiasticus cœlibatus. Græcis porro hypodiaconis fas est vxorem legitimo coniugio ducere, eamque habentibus ad sacerdotium tendere. Latinis nefas (c): quum inferiores minorum Ordinum clerici etiam Latini ad secularia vota probe redeant (d).

XVI. Non diuina sed humana ecclesiæ lex antiquissima sacros altaris ministros ab vxoribus abdicauit. Monogamos quidem, quique filios haberent subditos, fidelesque, perinde ad episcopatum atque ad sacerdotium adsumi, apertis verbis scribit Apostolus (e). *Omnes Apostoli*, vti S. Ambrosius (f) affirmat, *excepto Ioanne & Paulo* (g) *vxores habuerunt*.

Ve-

(a) Ex *can. 21 synodi Laodicensis*, vbi cautum, quod non oporteat ministros locum habere in diaconis, & sacra vasa tangere.

(b) Innoc. III in *cap. a multis 9 de stat. & qualitat. Trid.* in *cap. eum autem 2 sess. 23 de Sac. Ord.*

(c) *Cit. cap. a multis*. Vide inferius dicenda num. 20.

(d) *Cap. 1, & seq. de clericis coniugatis*, & eodem tit. in 6. *Concordata Regni an. 1741 cap. 3 art. 2.*

(e) I. ad *Timoth. cap. 3*, ad *Titum cap. 1*. Consonat lex antiqua *Leuitici cap. 21 vers. 14.* (f) S. Ambrosius ad *Hilar. in 2 ad Corinth. cap. 11.*

(g) Clemens Alexandrinus *stromat. lib. 3* exinde coniecit vxorem diuo Paulo fuisse, quod ipse germanam comparem sit allocutus in *ep. ad Philippens. cap. 4 vers. 3*. Et I ad *Corinth. cap. 9 vers. 5*, quod potestatem haberet mulierem sororem circumducendi, sicut & ceteri Apostoli & fratres Domini & Cephas. Scilicet vt eam sine carnali prorsus coniugio sustentaret de mercede prædicationis, *can. omnino 11 dist. 31.*

Verum a B. Hieronymo (a) fuisse dicuntur *Apostoli vel virgines vel post Apostolorum continentes*. Apostolica vestigia ingressi primitivæ ecclesiæ episcopi plerique ad sacrum ministerium & sacerdotium nonnisi cœlibes vel viduos vel suis ab vxoribus continentes deligere consueverunt; quidam alicubi liberum coniugii usum in sacerdotio tolerare. Origenes (b) eos tantum, qui se perpetuæ deuouissent castitati; idoneos ad sacerdotium pronunciauit. S. Epiphanius (c) qui adhuc, ait, in matrimonio degit ac liberis dat operam, tamen si unus sit vxoris vir, nequaquam tamen ad diaconi, presbyteri, episcopi, aut hypodiaconi Ordinem admitti; sed cum duntaxat, qui ab unus vxoris consuetudine sese continuerit, aut ea sit orbatus: quod in illis locis precipue fit, ubi ecclesiastici canones accurate seruantur. Et sciens nonnullos aliquo in loco sacros tunc ministros procreandis liberis adhuc vacare, subdit non illud ex canonis auctoritate fieri; sed propter hominum ignauiam, qui certis temporibus negligenter agere, ac conuiuere solent ob nimiam populi multitudinem: quum scilicet, qui ad eas se functiones applicent, non facile reperiuntur. S. Hieronymus (d) episcopi, inquit, presbyteri, diaconi aut virgines eliguntur: aut vidui aut certe post sacerdotium in æternum pudici. Ex hisce indubiis testimoniis liquet a primis ecclesiæ seculis ad cœlibatum obstrictos æque presbyteros ac diaconos & hypodiaconos. Et quamuis ab auctoritate canonum vulgo *Apostolorum* (e) traditum accepimus, nec episcopo nec presbytero nec diacono licere

[a] Hieronym. ep. 50.

[b] Origen. in lib. Numer. hom. 23 Certum est, ait, quia impeditur sacrificium indefinens iis, qui coniugalibus necessitatibus seruiunt. Vnde videtur mihi, quod illius est solius offerre sacrificium indefinens, qui indefinens & perpetuus se deuouerit castitati.

[c] S. Epiph. her. 59 Cathartorum seu Nouatianorum. Idemque repetit in exposit. Fidei cathol. cap. 21. Consonat Eusebius Cæsareensis lib. 1 demonstr. euangel. cap. 9, & S. Gregorius Nyssenus de virginit. cap. vlt.

[d] Hieron. cit. ep. 50; tum lib. aduersus Vigilantium, & lib. 1 aduersus Iovinianum cap. 19, in can. si laicus 7 dist. 31. Idem sentiunt permulti Patrum apud Gratianum dist. 27, & 28 per tot.

[e] Can. 5, unde sumtus est can. si quis 14 dist. 28.

cere uxorem suam respectu religionis abicere; tum ab aliis scriptoribus aliquot episcopos & sacerdotes vna cum vxoribus, filisque suis martyrii coronam adeptos (a): tamen neutris eos in statu sacerdotii vel diaconatus iure coniugii vios probant, sed solum subiisse onus alieni vxores cum filiis ante sacram ordinationem progenitis (b), calque vt domi haberent quasi non habentes.

XVII. Prima synodus Nicæna quamvis torum coniugalem vniuersis vbique hypodiaconis, diaconis, presbyteris simul, ac episcopis prona fuisset generali sancti one prosos interdiceret: Paphnutio tamen inclyto Ægypti episcopo summo pere contradicente, satius duxit ab ea serena lege abstinere, sicuti tradunt Socrates, Sozomenus & Nicephorus (c). Quoniam vero id ii superaddunt, *uniuscuiusque voluntati* tunc dimissum: græca eorum fides hac in re merito suspecta videtur Bellarmino. Si enim Patres Nicæni sacris ministris generatim interdixerunt subintroducendam habere mulierem, præterquam matrem aut sororem aut amitam, nullo de vxoribus prolato verbo (d): potius omnem cum vxoribus familiaritatem, consuetudinemque tacite interdixisse, quam cuiusque eam arbitrio post sacram ordinationem reliquisse videntur.

XVIII. S. Leo M. seculo V iussit hypodiaconis, ceterisque superiorum Ordinum, vt qui vxores haberent, essent tanquam non habentes, quique non haberent, nequaquam ducere possent (e). Sequenti seculo VI, placuit Iustiniano Imp.

(a) S. Cyprianus *ep.* 35, alias 40 tradit, quod Numidicus presbyter martyrium sub Decio passus uxorem suam ea in persecutione concrematam pro fide lætos adspexerit. Alias quoque episcoporum, sacerdotumque coniuges cum filiis suis in persecutione Diocletiani sanguinem pro Christi fide profudisse, refert Eusebius *lib.* 8 *hister. cap.* 9. S. Epiphanius *hæres.* 45 *num.* 1, Marcionem hæreticum episcopi filium sententia patris sui episcopi sanctissimi ob incestum fuisse ab ecclesia deiectum enarrat.

(b) Quemadmodum & in circumducenda sorore Apostoli probe censuit Leo IX in *can. omnino 11 dist.* 31, de qua superius hoc eodem *num.* 16.

(c) Apud Gratianum in *can. Nicæna 12 dist.* 31.

(d) Syn. Nic. *can. interdixit 16 dist.* 32.

(e) S. Leo ad Anastasium in *can. omnium sacerdotum dist.* 32.

Imp. sacros firmare canones, dum sanxit, vt eligendus episcopus nec superflitem vxorem, nec filios haberet, aut viduus esset vnus & virginis (a). Quinifexta synodus anno 692 clericis ante subdiaconatum indultit vxorem accipere (b).

XIX. Eadem Quinifexta seu Trullana Græcorum synodus pontificiis Legatis absentibus, pro canone traditum ab ecclesia Romana, quod negare nequibat, sane affirmavit, vt diaconatum vel sacerdotium adepturi profiterentur fuisse vxoribus non amplius fore coniungendos: at legitima Græcorum coniugia post eosdem quoque Ordines non dissoluere, sed ratam, liberamque coniugii consuetudinem illis maluit retinere: præterquam episcopis, quorum vxores post consecrationem episcopalem superflites cogendas censuit vel monasterium ingredi, vel ad gradum transire diaconissarum (c). Isto primum scripto iure Græcis largitum omnibus, quod prisco more nonnullis speciatim indulgeri contra regulam consueuisse testatur S. Epiphanius (d). Verum communis & Græcis & Latinis episcopis lex coelibatus fuit æuo abhinc Iustiniano, qua solutis adhuc ex Trullano decreto Græcis presbyteris, diaconisque obstringuntur Latini.

XX. Græcorum imperium & Constantinopolis Patriarcharum vsurpatione (e) in plures vtriusque Siciliæ ecclesias græcam disciplinam interea inuexit. Eam isthinc depellere studuit Pelagius II, a quo Siculorum consuetudinem, vt subdiaconi suis licite miscerentur vxoribus, abrogatam tradit diuus Gregorius M. Petro subdiacono Siciliæ (f), & Leoni Catanenſi episcopo (g) rescribens: simul & iubens, vt subdiaconos

(a) Nou. 123 cap. 1, & Nou. 6 cap. 1. Eam Principis constitutionem collaudauit Pelagius Papa in *can. de Syracusana* 13 dist. 28.

(b) *Can. si quis eorum* 7 dist. 42; & cap. a multis 9 de *etat. & qual.*

(c) Trullan. Syn. Constantinop. an. 692 *can. 13, & 48*, cuius decretum Sextæ synodo minus probe inscribit Gratianus in *can. quoniam* 13 dist. 31.

(d) Ex antedictis num. 16.

(e) De qua superius tit. 14 num. 5.

(f) Pelag. II in *can. ante triennium* 1 dist. 31.

(g) *Can. multorum* 2 dist. 32. Idemque S. Gregorius maxime commen-

dauit

nos ab vxoribus ante Pelagianam decretalem acceptis non diuellerent episcopi: sed non alios ipsi deinceps ordinarent, nisi qui se caste victuros palam sponderent. Neglectas processu temporum in nonnullis hujus præsertim regni ecclesiis constitutiones Pelagii, diuique Gregorii Vrbani II in synodo Melphienſi anno 1090 innouare satagit, cauens vt nemo ad sacrum ordinem permittatur accedere, nisi aut virgo probata castitatis aut coelebs qui vsque ad subdiaconatum vnicam & virginem vxorem habuerit: sanxitque subdiaconos vxoribus vtentes officio & beneficio fore suspensos, eorum conjuges seruituti Principum mancipandas, & episcopos in id consentientes interdictione officii coërcendos [a].

XXI. Si quis autem dixeris clericos in sacris ordinibus constitutos, vel regulares castitatem solemniter professos posse matrimonium contrahere, contractumque validum esse, non obstante lege ecclesiastica, vel voto, anathema sit ex canone Tridentino (b). Alterna hæc verba innuunt sacris initiatis legem solum ecclesiasticam, professos regulares voto ad coelibatum teneri: illi enim id palam vouere non adiguntur.

XXII. Pensum diuini officii quotidianum qui non peragit ex subdiaconis, diaconis & presbyteris, graue peccatum omissionis admittit. Prætereaque si beneficiarius erit, suos non facit fructus pro rata temporis, eosque pauperibus dare omnino debet, vel fabricæ ecclesiæ ex duabus pontificiis sanctionibus. Statuimus, in Lateranensi concilio ait Leo X, vt quilibet habens beneficium cum cura vel sine cura, si post sex men-

Tom.I.

Bbbb

ses

dauit presbyterum, qui suam ex tempore accepti ordinis presbyteram, puta vxorem, vt sororem diligens quasi hostem cauit, cum eaque omnino penitus familiaritatem abscedit, can. presbyter 18 ead. dist. 32.

(a) Can. eos qui 10, & can. nemo 12 dist. 32, & cap. a multis 9 de erat. & quilibet.

(b) Trid. in em. 9 sess. 24 de reform. matr. In ecclesiasticam coelibatus legem post Tridentinæ comitia summis at irritis conatibus insurrexerunt Germaniæ Principes, in his Imperator, & Dux Bauariæ, postulantes a summo Pontifice pro laicis communionem sub vtraque specie, & pro ecclesiasticis vxores, Przł. Tuanus lib. 36 hist.

ses ab obseuto beneficio, diuinum officium non dixerit, legitimo impedimento cessante, beneficiorum suorum fructus suos non faciat pro rata omitta recitationis officii, & temporis; sed eos tanquam iniuste perceptos in fabricam huiusmodi beneficiorum vel pauperum eleemosynas erogare teneatur. Si vero ultra dictum tempus in simili negligentia contumaciter permanseris, legitima monitione precedente, beneficio ipso priuetur: cum propter officium detur beneficium. Intelligatur autem officium omittere, quoad hoc ut beneficio priuari possit, qui per quindecim dies illud bis saltem non dixerit; Deo tamen ultra premissa de dicta omissione reddidurus rationem. Quæ poena in habentibus plura beneficia reiterabilis toties fit, quoties contra facere conuincantur [a]. Tum S. Pius V eiusmodi sanctionem declarans constituit, ut qui horas omnes canonicas uno vel pluribus diebus intermiserint, omnes beneficii seu beneficiorum suorum fructus, qui illi vel illis diebus responderent, si quotidie diuiderentur; qui vero matutinum tantum, dimidiam; qui ceteras omnes horas, aliam dimidiam; qui barum singulas, sextam partem fructuum eiusdem diei amittat: tametsi aliquis choro addictus non recitans omnibus horis canonicis cum aliis præsens adsit, fructusque & distributiones forte aliter assignatas sola præsentia iuxta statuta, consuetudinem, fundationem, vel alias sibi lucrifecisse prætendat etiam præter fructuum & distributionum amissionem. Item ille, qui primis sex mensibus officium non dixerit, nisi legitimum impedimentum ipsum excusauerit; graue peccatum intelligat admisisse; declarantes præstimoniam, præstimoniales portiones, & qualiacunque alia beneficia, etiam nullum omnino seruitium habentia obtinentes, cum prædictis pariter conuenire. At quicumque pensionem, fructus, aut alias res ecclesiasticas ut clericus percipit, cum modo prædicto ad dicendum officium paruum B. Mariæ Virginis determinatus obligatum, & pensionum, fructuum, rerumque ipsarum omissioni obnoxium [b].

XXIII.

(a) Leo X in const. *superna* 7 §. 38 no. 1 Bull.

(b) S. Pius V in const. ex proximo 35 tom. 2 Bull.

XXIII. Nonnisi per singulos gradus ad sacerdotium pervenitur (a). Fit clericus, ait B. Hieronymus (b), & per solitos gradus presbyter ordinatur: nimirum ut diutius quisque probetur in ministeriis inferioribus per longa temporum interstitia (c). Vetant porro canones neophytum vel laicum, quique singulorum munia ordinum non exercuerit, ad sacerdotii vel episcopatus culmen ascendere repentina per saltum ordinatione (d): tamen ante synodum Sardicensem neque omnes nec semper minores sacris præmittantur ordinibus (e). Patresque Tridentini cunctas ordinum functiones a diaconatu ad ostiariatum, ab Apostolorum xuo in ecclesia receptas, pluribusque in locis aliquandiu intermissas in usum iuxta sacros canones revocandas censuerunt, in cathedralibus potissimum & collegiatis ecclesiis (f).

XXIV. Ecclesiasticos ordines per Tonsuram clericalem ingredi, veluti per ianuam, oportet. Qui suum prisco tempore nomen clericali militæ daret, eum & circumtonsionis infra capillis, & rasis simul in vertice initiatum continuo mancipabat episcopus alicuius ordinis ministerio rite collato. Mox seiuncta ab ardinibus Tonsura est, ut ne pueri potissimum in scholis ecclesiasticis ad religionis officia informandi prorsus profani viderentur. Morem radendi quoque verticis in mo-

Bbbb . 2 . dum

(a) Secundum canones apud Gratianum *dist.* 77.

(b) Hieron. *ep.* ad Heliodorum de morte Nepotiani.

(c) Zosimus Papa *in can. in singulis* 2, & Syricius *in can. quicumque* 3 *dist.* 77, plures annos interstitiorum præfixerunt.

(d) Synod. Sardicens. *in can. Osus* 10 *dist.* 61, Syricius *in can. monachos* XVI *qu.* 1, *cap.* 1, & *segg.* de clerico per saltum promoti.

(e) S. Ambrosius *lib.* 1 *offic.* *cap.* 44, movet non cuncta Ordinum officia singulis clericorum, sed singula seiunctim pro cuiusque ingenio & facultate ab episcopo distribui debere; ita inquit: *Alius distinguende lectioni aprior, alius psalmo gratior, alius exorcizandis, qui malo laborant spiritu, sollicitior, alius sacrario opportunior habetur. Hec omnia spectet sacerdos, & quid cuique congruat, id officii deputet. Quo etenim unumquemque suum ducit ingenium, aut quod officium decet, id maiore implet gratia.*

(f) Trid. *in cap. ut sanctorum* 17 *sess.* 23 *de reform.*

dum coronæ non Anicetus (a) Papa & martyr secundi seculi, sed pacata iam ecclesia introduxit. Diuus Hieronymus (b) suo id ævo vixisse tradit, scribens. *In Deo regnum habent, & hoc designat corona in capite. Hanc (signum passionis Dominicæ) coronam habent ab institutione Romanæ ecclesiæ in signum regni, quod in Christo expectatur.* Ratio vero capitis est temporalium omnium depositio. Ut sacrum Romanæ ecclesiæ ritum, eumque antiquissimum clericalis tonsuræ carperet sagacissimus antiquitatum investigator Binghamus (c) Anglico fermento corruptus, contra exploratam hac in re ipsius Hieronymi testimonium calumniose negat ævo Hieronymi usitatam fuisse rasuram verticis circinatam. At falsus quidem is est, vel fallere studet rerum inscius altero, quod promit, Hieronymi testimonio, exponentis illud Ezechielis (d): *Sacerdotes & Levitæ Domini caput suum non radent, neque comam nutriant, sed tondentes attondebunt capita sua. Hoc perspicue demonstratur, ait maximus doctor (e), nec rasis capitibus, sicut sacerdotes, cultoresque Isis atque Serapidis nos esse debere, nec rursus comam demittere, quod proprie luxuriosum est, barbarorumque, & militantium; sed ut bonus habitus sacerdotum facie demonstraretur, nec caluitium novacula esse faciendum, nec ita ad pressum tondendum caput, ut rasorum similes esse videamur, sed in tantum capillos demittendos, ut operata sit cutis. Nudari totum crinibus vel abrais vel resectis caput sacerdotum, aut nimia coma ornari, palam hic dissuasum a Hieronymo esse, qui rasilem coronam in summa capitis parte alibi commendauerat; vident omnes vel myopes, quod non insepexit vir oculatissimus. Eandem in to-*

10

(a) Aniceti epistola ad episcopos Galliæ, qua Gratianus in *can. prohibete 21 dist. 22* rasi verticis coronam ab eo iussu probare putavit, apocrypha quidem est. Furor persecutionum tunc latere potius sacerdotes in communi habitu, quam sese exteriori signo predere cœgit.

(b) Hieron. *ep. ad Leuitam in can. duo sunt 7 C. 12 qu. 1.*

(c) Bingham. *to. 2 antig. eccles. lib. 6 cap. 4 §. 16.*

(d) Ezechiel. *cap. 44 vers. 20.* (e) Hieronym. *lib. 13 in Ezechiel. cap. 44.*

to capite abrasionem, ad cutemque detonsionem, quæ Scythica seu Thracica tonsura dicebatur (a), utique deformem, non alteram partis decoram, exprobauit Donatistis Optatus Mileuitanus (b), qui ea sacerdotes pœnitentiæ publicæ obnoxios instar laicorum dedecorauerant.

XXV. Petrus Blesensis (c) caput diui Petri detonsum ludibrii causa in modum coronæ perhibet, quæ postmodum adeo versa in honorem est, ut coronatorum titulo clericos olim cohonestarent (d) leges Principum. Forma coronæ locis, temporibusque variata. Sidonius Apollinaris seculo V tradit clericos Gallicanos coma breui, barbaque prolixa vsos, æque ac monachos & pœnites (e). Synodus Bracarenfis Martini in Gallecia anno 572 decreuit clericos attonso capite parentibus auribus ministraturos (f). Concilio Toletano IV anno 636; cui præfuit S. Isidorus, placuit ut omnes clerici sicut leuissæ & sacerdotes, detonso superius capite toto, inferius solum circuli coronam relinquerent, reprobo more Galliciæ provincie, in qua Lectores prolixis ut laici comis in solo capitis apice modicum circulum tondebant, in Hispaniis tunc solis ab hæreticis usurpatum, utque omnibus vna esset Tonsura secundum totius Hispaniæ consuetudinem (g). Synodi Bituricensis & Lemouicina Tonsuræ ecclesiasticæ coronam in apice, & barbam rasam attribuunt (h). Clericis generatim indixit coronam & tonsuram congruentem Innocentius I.

(a) Apud Athenzum lib. 4. de qua Sophocles in Oenomao.

(b) Optat. lib. 2 contra Parmen. Docete, inquit, ubi vobis mandatum est radere capita sacerdotum, cum e contrario sint tot exempla proposita fieri non debere. . . qui parare debebas aures ad audiendum, parasti nouaculum ad delinquendum.

(c) P. Blesens. in lib. Iob. cap. 1.

(d) Gothofred. in l. 38 Cod. Th. de episcop. Cur coronatorum appellatione [ait] clerici designentur, prolixe dictum: nempe ob tunc temporis usum, coronam scilicet iam hoc tempore insignie clericorum, & unde clericalis reuerentia per Africam saltem, mox alibi nomen fuit.

(e) Sidon. lib. 4. epist. 34. [f] Can. non liceat 32 dist. 23.

(g) Syn. Tolet. IV. can. 41. Consonat S. Isidorus lib. 2 de diuin. offic. cap. 4.

(h) Florens ad lib. 3 Decretal. tit. 1 de vit. & honest. cleric. to. 1 pag. 309.

generali concilio Lateranensi (a). Quæ scilicet initio paruum minoris hostiæ circulum laicæ communionis non excedat in clericis, mox gradatim per singulos ordines sic amplianda, ut presbyteri parem hostiæ sacerdotali deferant, ex synodicalis decretis etiam Toletanis quum a Francisco Ioyosa, tum a Xysto IV latis (b).

XXVI. Quoniam cuncta clericorum privilegia, in his exemptionem a foro laico (c), prima Tonsura quisque adipiscitur: ad hanc illos solum admittendos iure merito decrevit Tridentina synodus (d), de quibus probabilis coniectura sit eos non secularis iudicii fugiendi fraude hoc vitæ genus elegerint, sed ut Deo fidelem cultum præstent: qui Sacramentum Confirmationis susceperint, fideique rudimenta, & legere ac scribere calleant.

XXVII. Neminem antiqui canones sinebant sine fixo ecclesiæ titulo ad quemvis ordinem adsumi, hoc videlicet pacto, ut cui quisquam ecclesiæ inseruiret, quam derelinquere iniussu episcopi nullatenus posset, ab ea acciperet alimentum, vel reddituum portionem seu præbendam (e). Seculo XII novus *parimonii* titulus primum emerfit ex canone concilii Lateranensis III sub Alexandro III (f), quo obstricti sunt episcopi diaconos & presbyteros sine certo ecclesiæ titulo ordinatos alere, nisi de suo vel paterno axe necessarium habere vitæ subsidium. Mox ita inualuit, ut ferme plures parimon-

(a) *Cap. clerici 15 de vit. & honest. clericor.*

(b) Emm. Gonzalez. in notis ad cit. cap. clerici ver. congruentem.

(c) De qua in seq. lib. 3.

(d) Trid. in cap. prima Tonsura 4 sess. 23 de resor.

(e) Syn. Niczn. in can. non oportet 19, & can. si quis vero 23 C. 7 qn. 1, Placentina sub Urbano II in can. neminem, & can. sanctorum dist. 70, &c. Ea lege vix exempti aliquot doctrina & sanctitate insignes, ex. gr. S. Paulinus Nolæ episcopus, qui ep. 6 ad Severum Sulpitium de semetipso loquens, ea conditione, inquit, in Baremonensi ecclesia consecrari adductus sum, ut ipsi ecclesie non alligarer, in sacerdotium tantum Domini, non etiam in locum ecclesie dedicatus. Et S. Augustinus ep. 355. Suo me clero, ait, vindicare voluit Ambrosius, ut etsi diuersis locis degam, ipsius presbyter censear.

(f) *Cap. episcopus 4 de præbendis.*

trimonii , quam ecclesiæ titulo ad Ordines promoucantur ;
corumque non pauci statum clericalem turpi egestate dedecorent.

XXVIII. Duplicem huius rei abutulum cohibitura synodus Tridentina decreuit necessarios tantum vel utiles cuiusque loci ecclesiæ famulantes fore ordinandos (a) : utque duntaxat qui beneficium ecclesiasticum , vel pensionem , vel patrimonium vitæ sustentandæ sufficiens reapse possideant , ad sacros deinde ordines promoucantur (b) . Beneficii , pensionis , patrimoniiue redditus debent taxam patrimonii synodis diocæsanis constitutam deductis oneribus æquare (c) . Quæ cum alibi maior , alibique minor sit pro variis locorum moribus : Innocentius XIII (d) declarauit eam , quæ in loco domicilii vigeat , esse adhibendam , quoties beneficium nullo residentię vinculo sit obnoxium ; secus illam eius loci , in quo situm est residentię beneficium .

XXIX. Onera missarum an ex redditibus beneficii , quod ordinum titulo subiicitur , sint detrahenda ; doctores adhuc disputant . Alii generatim negant esse ullatenus deducendas missarum elemosynas , quippe quas uti stipendium sustentationis ipsorum sacrificantium (e) inter fructus ecclesiasticos accensent . Placet aliis distinguere , quas per sese beneficiarii , quasque per alios debent missas celebrare , opinantibus in priori casu locum esse deductioni , secus in posteriori . Nam per seipsum celebraturus , dum ægrotat , aliove legitimo detinetur impedimento , per alium celebrare non obstrictus (f)

inte-

(a) Trid. in cap. cum nullus 16 sess. 23 de reform.

(b) Trid. in cap. cum non debeat 2 sess. 21 de reform.

(c) Innoc. XII in bulla speculatores .

(d) Inn. XII in const. apostolici ministerii , quam collaudat Benedictus XIV lib. 7 de synod. diocæs. cap. 72 num. 2.

(e) Ex traditis a S. Thoma 2. 2 qu. 100 art. 2 ad 1.

(f) Ut putat Leander to. 2 oper. moral. tract. 8 disp. 7 qu. 19. At longa ægrotudine infirmum post mensem , aliudve modicum tempus debere per alios Missam eum satisficere , qui per semetipsum esset celebraturus , rectius tenent Card. de Lugo de Sacr. Euchar. disp. 11 sect. 2 num. 48 , & 49 , Passerin. de statu homin. to. 2 qu. 587 art. 4 , S. Congr. Conc. in Romana 4 Iunii 1689 , & 2 Octobris 1721.

integros sibi redditus retinet : qui vero potest per alium sui oneribus beneficii satisfacere , cum debeat utique stipendia missarum aliis celebrantibus perfolgere , fame perire vel mendicare cogeretur , quotiens diuturno morbo , aliove malo implicitus , sacra non faceret . Perpenſis utriusque ſententiæ rationibus (a) S. Congregatio Concilii cenſuit id ordinariorum arbitrio remittendum , ipſi ut inſpectis perſonarum & locorum conditionibus quæſtionem vel ſingulis in caſibus vel generatim in ſynodo diœceſana definiant (b) .

XXX. Noſtro concordatorum iure nouiſſimo (c) taxa patrimonii clericalis nequit eſſe citra 24 ducatos Neapolitanos , nec ultra 40 . Eoque integros ex fructibus prædiorum , annuiſue redditibus habeat opus eſt , quo quiſque tempore conſura , ordinibusque minoribus initiatur (d) titulo patrimonii ob utilitatem eccleſiæ vel neceſſitatem iudicio episcopi æſtimandam . Initiandis autem titulo beneficii vel perpetuæ capellanix aut eccleſiaſticæ penſionis , ſat erit ex huiusmodi redditibus tot quotannis ducatos demtis oneribus habere , quot medietatem patrimonii diœceſani ſaltem æquauerint : alteramque medietatem ſupplere hypodiaconatus tempore .

XXXI. Conſtitutum præterea concordatis eſt primam conſuram non aliis conferendam eſſe , niſi qui poſt decimum ætatis annum vel in aliquo ſeminarium degerit , vel deferens veſtem clericalem alicui eccleſiæ iuſſu episcopi ſeruiuerit tres iugiter annos diebus feſtis ; vel in aliqua vniuerſitate ſcientiis addiſcendis incumbens inibi litteris episcopi ſui commendatus clericale ſeruitium obiuerit per triennium in eccleſia ab episcopo eius loci designata . Iſtaque lege vix excipiuntur

(a) Eas expoſuit diſſertatione elegantiffima , to. 2 theſaur. reſol. pag. 214 , dum Secretarium Congreg. Conc. ageret inſignis Proſper Lambertinus , deinceps dictus in pontificio ſolio Benedictus XIV .

(b) Idemmet Bened. XIV lib. 7 de ſyn. diœc. cap. 72 num. 6 , decretum iſtud S. Congr. promit , editum die 17 Iulii 1723 .

(c) Concord. an. 1741 cap. 4 art. 14 & ſeqq .

(d) Tridentina lex non inferioribus clericis , ſed hypodiaconis primæ ordiſuandis patrimonii neceſſitatem impoſuit , d. cap. 3 ſeſſ. 21 de reſ.

tur *arctari*; quorum duplex genus. In primo quidem sunt ius patronatus passiuum habentes ad aliquod beneficium ecclesiasticum; puta quos fundator aliquis ad beneficium vel capellaniam ecclesiasticam ut aiunt *collatiam* & *perpetuam* in ipso fundationis limine vocauit vel generatim sub collectiuo vocabulo familie, domus, descendentium, agnationis, cognationis; vel speciatim ipsas eorum personas. Alterum *arctatorum* genus complectitur, quos sine iure passiuo, vnâ eandemque familiam & progeniem cum patronis actiuis sortitos patroni intra legitima tempora nominauerint, ut censuit tribunal nostrum die 23 Augusti 1753. Æquitas porro non patitur, ut patroni cogantur extraneos clericos ad beneficia sui iuris patronatus intra quatuor menses omnino præsentare; suos autem filios vel consanguineos quauis ad clericatum idoneos negligere non alia de causa, nisi quod hi trinalem antea in famulatu ecclesiæ probationem non consecuerint, quæ fieri deinceps poterit. Quæ ante concordatum arctatio cuiuslibet personæ vel extrariz oriebatur ex actiua patronorum nominatione, itaque iam hinc exoleuit.

XXXII. Ante decimum quartum ætatis annum puta incæptum cuique vel clerico beneficium conferri quum vetet synodus Tridentina (a): impuberes arctati opus habent quum pontificia, tum regia ætatis dispensatione, ut valeant simul tonsuræ gradum & beneficium post publicationem concilii Tridentini fundatum adipisci. Hanc ætatem in beneficiis vetustioribus antea erectis non necessariam esse monet lex ipsa concordatorum (b). Ad ea proinde arctati septennies iuris patronatus gratia sine dispensatione promouentur (c).

XXXIII. Si plures de iure quæsito ad aliquod beneficium contenderint vel vocati simul a fundatore, vel diuisis patronorum vocibus præsentati: inter eos adhuc etiam laicos erit

Tom. I.

Cccc

ante

(a) Trid. in cap. nullus 6 sess. 23 de reform.

(b) Concord. cit. cap. 4 num. 5.

(c) Hac de re dixi plura in tract. de beneficiis cap. 9 num. 16, & seqq.

ante definienda, quam alteruter vel uterque tonsura clericali initiatur. Iura enim sua in foro ecclesiastico experiendi facultatem candidatis ad tonsuram laicis aduersus clericos etiam competitores, non secus quam clericis ipsis, indulgent concordata (a): contrario more abrogato, quo clerici solum ut praesentarentur ad beneficia, idonei & legitimi colligantes in iudicio institutionis reputabantur. Cetera ad formam, ritus, resque sacramentales singulorum ordinum spectantia videbis in sequenti lib. 2 tit. 10 de sacramento ordinis.

T I T. XXXII, ET VLT.

De Regularibus.

- 1 *Primam religiosam vitam formam a Rechabitis, Essenis & Therapeutis monachi acceperunt.*
- 2 *Fugienda persecutio plurimos Christi fideles duo martyrum in solitudinem & speluncas coniecit.*
- 3 *Pacata ecclesia statim solitagi societatem vitam in caenobiis coluere, in primis Ansoniani, sum Tabennenses, ceteri quum caenobita, sum anachoreta.*
- 4 *Si primam regulam viuendi secundum consilia euangelica suo ab abbate oretenus acceperunt, mon in scriptis a Pachomio Tabennenses, a S. Basilio Graci, a S. Augustino Afri, a S. Benedicto occidentales.*
- 5 *Episcopis diocesanis monasteria, monachos, abbatesque sub sociis quarta synodus oecumenica, eorumque regula episcopalem auctoritatem diu subinere.*
- 6 *Tres tantum regulas SS. Basilii, Augustini & Benedicti probauit concilium Lateranense II, quartam S. Francisci Innocentius III, ceteras ab apostolica Sede non probatas delens concilium Lugdunense.*
- 7 *Alium ab alio regularium ordinem distinguit & diuersas regula & mendicitas & votorum numerus.*

8 Ba-

(a) Concord. iam dicto cap. 4 num. 6.

- 8 Basilii regulam profitentur Basiliani, & Carmelita maiores, calceati, mitigati, discalceati, discalceataque.
- 9 Augustinianam Canonici regulares, Clerici regulares & Semaschi, & Barnabita, & minores.
- 10 Tum fratres eremita S. Augustini, & discalceati.
- 11 Dominicani. 12 Crucifera. 13 Iesuati.
- 14 Ioannita charitatis fratres.
- 15 Trinitarii, Redemptionis captiuorum.
- 16 Pluresque monialium ordines.
- 17 Benedictinam Casinenses cum ceteris monachis nigris, Camaldulenses, Vallisumbrosa, Cistercienses, Mansuervini, Guilclmisa, Celestini, Oliuetani, Bernardini, Bernardinæque, & Benedictina.
- 18 Franciscanam Fratres minores, Reformati, Capuccini, Clarissa, Urbanista & Capuccina.
- 19 Mistam ex SS. Augustini & Benedicti regulam tenens Carthusiani, ex SS. Basilii & Augustini pariter mistam Brigidani, Brigidanaque.
- 20 Nouam a multis Pontificibus & Tridentina synodo probatam regulam suscepit Societas Iesuitarum.
- 21 Mendicantium regulam seculò 13 primus omnium inuexit S. Franciscus Assisensis.
- 22 Errores & calumnias Willemi de S. Amore contra mendicantem regulam prostravit Alexander IV.
- 23 Ex regula mendicantes Franciscani tantum sunt, ceteri ex constitutionibus.
- 24 Reformatio Tridentina Capuccinos & Minores de Observantia tantum regulæ mendicantium obstrictos reliquit: ceteros ab ea solutos, & capaces hereditatum, prædiorumque in communi possidendorum declarauit.
- 25 Mendicantes vtriusque familia prædiorum, annuorumque reddituum omnino incapaces viâ pretium alicuius prædii specialiter legatum vel annuas præstationes in elemosinam a sponte dantibus accipere, non petere possunt.

- 26 Tria vota solemnitas castitatis, paupertatis, obedientiae regularem cuiusque probati ordinis statum faciunt immotum, solius apostolicae Sedis auctoritate mobilem.
- 27 Paupertatis votum non communitates, sed singulas regularium personas afficit, quarum bona & cura legitima monasterium cuiusque proprium succedendi capax adquirit ac retinet etiam post episcopatum vel transitum ad aliud.
- 28 Voto castitatis coniugium cuiuslibet post solemnem professionem fit irritum.
- 29 Prisci canones videntur ea in re dispensandi arbitrium episcopis reliquisse, quoad status regularium episcopalem per tulis potestatem.
- 30 Ratum quoque matrimonium solemniter alterutrius coniugis professione dirimitur.
- 31 Ut canonicis ecclesiae, praepositorumque praeceptis omnes homines iure divino, ita regularium superiorum iussis obedientiam ex voto debent professi.
- 32 Quicquid professi egerint in indicio externo sine consensu proprii superioris, irritum aestimatur.
- 33 Quartum propagandae fidei, specialisque Romano Pontifici obedientiae votum addunt Iesuitae.
- 34 Strictiorem paupertatem cum voto non mendicandi elemosinas, sed spontaneas tantum oblationes accipiendi profectur Teatini.
- 35 Hospitalitatem, curamque peregrinorum, vel infirmorum, vel captiuorum hospitalarii & elemosynarii multiplices.
- 36 Educationem, instructionemque orphanorum Somaschi, & Fratres vitae communis.
- 37 Ciborum duntaxat esurialium usum Fratres minimi, simul & solitariam vitam Carthusiani & Camaldulenses.
- 38 Sacram militiam equestres ordines in primis S. Georgii, & S. Sepulchri antiquiores omnium.
- 39 Tum S. Lazari & S. Mauricii equites, qui Sabaudiae Ducis tanquam ordinis magistro subsunt, hospitalia leprosum
hoc

- hoc in regno diu habuere, non depulsi ob exemptionum
controuersias.
- 40 SS. Cosma ac Damiani, tum S. Catharinae ordines in Palestina
& monte Sinai instituti sub disione Turcarum defecerunt.
- 41 Equites S. Io. Hierosolymitani ab urbe sancta in Cyprum,
Rhodum, Cretam, Puerbium, Melitam denique demigrarunt.
- 42 Templarios in terra etiam sancta institutos Clemens V sup-
pressit.
- 43 Theutonici S. Mariae Hierosolymitanae hospitalarii commen-
das pinguiſſimas in Germania habent.
- 44 Milites pacis & fidei in Vasconia.
- 45 Hispania equites Calatravae, S. Iacobi de Spasba, & Al-
cantarae, tum S. Dominici, & S. M. Rosarii, & Sani Sal-
uatoris Montisregalis.
- 46 Burgundia usque ad Ordinem velleis aurei.
- 47 Lusitania milites Christi.
- 48 In Italia olim fletere fratres gaudentes S. M. gloriosa, tum
equites SS. Petri & Pauli.
- 49 Hoc regnum Neapolis olim equites Luna, Nodi, Naui,
Ergata, Lerma, Armellini habuit.
- 50 Nunc solos, duci Ianuarii primarios equites.
- 51 Et Constantinianos habet.
- 52 Statum seculari & religioso mistum tenent equestres ordines.
- 53 Forma regiminis regularium omnium aristocratica in consilii
fratrum & comitiis generalibus nunc viget.
- 54 Electiones abbatum & praepositorum ab episcopis olim, com-
munibus nunc religiosorum fratrum suffragiis fiunt.
- 55 Abbatissae vota dam sacra virgines eligunt, episcopus per
se vel vicarium adest vota singularum exquirens.
- 56 Libertatem eligendi superiores in capitulis regularium secun-
dum statuta ipsorum placuit Benedicto XIV, & Carolo
Rege nostro integram seruare.
- 57 Professio regularis requiritur contra sui oneroso, alio quoque
obliganti.

- 58 *Ea nonnisi post expletum 16 aetatis annum emissa valet.*
- 59 *Vi aut metu emissa professio irrita est, ad eamque cogentes vel ab ea deterrentes excommunicationem incurrunt.*
- 60 *Nulliter professi possunt intra quinquennium insituere iudicium nullitatis coram Ordinario diocesano & superiore monasterii, postea aduersus lapsum quinquennii nonnisi ab apostolica Sede restituuntur in integrum ad reclamandum.*
- 61 *Benedictus XIV plura declarauit & constituit ad iudicia nullitatis professionum regularium rite euercenda.*
- 62 *Moniales fere nunquam reclamant in iudicio.*
- 63 *Novitii ad seculum redeunt ultro, professi nonnisi causa cognita a regulari statu vel discedunt voluntarii, vel eiciuntur iniusti. Apostata simul & eiecti quotannis ut redeant monendi sunt.*
- 64 *Ad strictiorem religionem transire professis licet, ad laxiorem secus sine pontificia dispensatione.*
- 65 *Monialibus extra clausuram promouere pedes nunquam licet, nisi necessitas urgeat extrema incendii, terrae motus, aliue id genus periculi.*
- 66 *Clausura custodes episcopi sunt in monasteriis etiam exemptis.*
- 67 *Extraordinaria indulta ingrediendi clausuram, ab eaque egrediendi Benedictus XIV reformauit: saluis hoc in regno iuribus fundatorum.*
- 68 *Episcopis & monasteria & monachos prisci canones subiecerunt.*
- 69 *Ex recentioribus constitutionibus monachi exemptionem ab episcopis ex immediata Sedis apostolica protectione habent, praeterquam in casibus exceptis.*
- 70 *Abbatessae regularium nonnulli iurisdictione quasi episcopales fruuntur.*
- 71 *Clericis secularibus de Oratorio, ceteris eiusdem generis nulla ab ordinariis locorum indulta exemptio est.*
- 72 *Libertas eligendi sepulturam efficit, ut regulares corpora defunctorum deferre, atque suis in ecclesiis humulare non prohibeantur.*

San:

SANCTIOR vitæ religiosæ forma in Hebræorum *Rechabitis*, *Essenis*, *Therapeutis* præluxit: ut fileam antiquiores solitarie vitæ imagines, quas ab Elia & Elifæo, filiisque prophetarum reperunt SS. Basilii, Chrysostomi & Eucherii (a). *Rechabitas*, qui ab ipso Domino per Ieremiam (b) collaudantur, pater eorum Ionadab, filius Rechab, iussit vinum non bibere, nec domum extruere: sed in tabernaculis habitare, simul & agris, vineis, satis omnino carere. *Esseni* morum austeritate, philosophiæ studio, virtutumque exercitatione commendatissimi procul ab urbibus domum communem in Palæstinæ vicis incolentes, albaque veste induti præfecto suo parebant; vno epulo & pane contenti, spreto superfluo, vacabant honestis laboribus, quorum lucris in vnum collatis alimenta sibi necessaria compararent; a nuptiis abstinentes aliorum natis a puero educandis, instruendisque ad religionem & philosophiam incumbabant; erantque cærimoniarum legis Mosaicæ obseruantissimi (c). *Therapeutas* præterea tradit Philo (d) potissimum in Ægypti, Græciæque regionibus,

(a) Lugdunensis archiepiscopus in lib. de laude eremi ad Hilarium.

(b) Ierem. cap. 35 per totum. Eos diuus Hieronymus ep. 13 ad Paulinum monachos appellat.

(c) His eos characteribus exornatos a Philone Iudæo, ut extolleret nationis suæ mores, monet B. Hieronymus, qui non alios nisi Ebræos Christi fidem amplexos, & præcepta Moysis adhuc custodientes, in ecclesiæ incunabulis reuera *Essenas* fuisse affirmat, siue *Iessæos*, ita dictos a nomine *Iesu*. Grotius cum *Hæsidæis* vetustioribus eos miscens, putat eo Ebraicæ linguæ vocabulo nuncupatos, quos Latini dicerent maxime *pias*, *deuotissimos*. Cum vero Iosephus lib. 2 de bello Iud. cap. 12, duabus Phariseorum, Sadduceorumque sectis tertiam Essenorum adiecit, in causâ fuisse videtur, ut S. Epiphanius hæc inter scismaticos Ebræorum accensuerit, perinde ac Samaritanos, quod & ii Pentætheon solum admitterent, & sacrificare in templo Ierosolymitano renouerent, rati sese cærimonis vti sanctioribus. Fleury lib. 1 hist. eccl. num. 4, Grotius insuper ep. 552 par. 1., scholas Pythagoræ cœtibz Essenorum comparat, id ex eo arguens, quod Porphyrius & Hermippus Pythagoræ sectatores tradunt Pythagoram in Iudæa fuisse, eorumque sententias, moreisque in pluribus secutum.

(d) Philo lib. 1 de vita contemplatiua hæc habet. Cum viris autem, quos dicimus, sunt & feminae, in quibus plures iam grandæ sunt virgines, in-
tigi-

bus, & alibi diffusi extitisse, qui contemptis voluptatibus, amicitiam, confortiis, rebusque omnibus relictis, in solitudine assiduam nauabant operam contemplationi, libris prophetarum perlegendis, psalmodiæ & orationibus in Samneio, quod singulis erat sacra & inaccessa domus; iique nonnisi post solis occasum pane vix nutriebantur sine ullo præterquam salis & hyssopi obsonio. Sunt, qui in unam eandemque classem cum Essenis Therapeutas collocant, quique hos ab illis & contrario segregant. Neque concors omnium sententia est, Ebraei ne solum, an primi fideles ævo Christi Domini, eiusque Apostolorum vel alterutrum vel utrumque vitæ genus delegerint. Id unum, quod proposui, indubium videtur & Essenos & Therapeutas in primordiis euangelii iam florentes specimen vitæ sanctioris ætatis (*) & monachis Christianis dedisse. Exploratum præterea est primos ecclesiæ Ierosolymitanæ fideles eam ab Apostolis vitæ institutionem habuisse, qua

disci-

segritatem casti corporis non necessitate aliqua sed deuotione seruantes . . . Primum omnium quod renunciant cunctis facultatibus suis, qui se ad huius philosophiæ studium dederint; & bonis suis quibus interest, eadem. Tum quod omnes etiam vitæ solitudines procul abiciant, extra urbes egressi in hortis vel exiguis quibusque cellis degunt. Cibus potumque nullas illorum capit ante solis occasum . . . Vinum nemo omnino ne gustatu quidem contingit, sed ne quamlibet carnem: tantum aqua est eis poculum, & panis cum sale vel hyssopo cibus . . . Est autem in singulis locis consecrata orationi domus, in qua sacerdotes honeste & castæ vitæ mysteria celebrant: nihil illuc prorsus quod ad cibum potumque pertinet inserentes vel ad reliqua humani corporis ministeria: sed legis tantum libros & volumina prophetarum. Hymnos quoque in Deum, ceteraque his similia . . . eos hymnos in metris & sonis honeste satis & suauiter compage modulantes. Euseb. Cæsarens. lib. 2. hist. cap. 17. Philo ludens, ait, abstinentium vitas eorum duntaxat, qui nunc in ecclesiis vel monasteriis degunt, describit ad liquidum primo omnium viros ipsos cultores, & faminas cum ipsis, cultrices appellari. Nam Therapeuta vox græca apud Latinos idem ac cultor vel inserviens aliorum salutis, & remedia infirmis subministrans: per translationem vero idem ac Dei cultor, & famulus salutis animarum prospiciens.

(a) Qui orationibus, ieiuniis, aliisque se virtutibus exercent, ætate discuntur: nam ætate græce exercitationem latine sonat. Origenes hom. 25. in Num. describens diuersos Christianorum status ecclæ sæculi III. medicatam, ex ascetis produisse monachos tradit.

disciplina regularis præcipue constat (a).

II. Paganorum Principum persecutionibus quidem per tria martyrum secula factum est, vt plurimi Christianorum fugam consilio euangelico, exemplisque SS. Cypriani, Athanasii, Paulini, aliorumque Patrum commendatam capientes in Thebaidem, aliasque orbis solitudines secederent, ibique latitantes vitam ducerent sanctissimam sine præposito & sociis pro suo quisque arbitrio. A Græcis isti appellantur *eremita* & *monachi*, idest solitarii (b). Μόνος enim *solum*, & ἄχος *mastrum*, tristemve significat. Eorum princeps fuisse fertur diuus Paulus Thebæus (c).

III. Deinde quum aliquot Cæsarum lenitate furor persecutionum quiesceret aliquandiu, tum pacem accepisset vniuersa ecclesia Constantini M. beneficio: satius monachi duxerunt & speluncis & solitudinibus sese ad cœnobiam in vnam societatem conferre, ibique sub communi tecto communem vitam colentes a conspectu populorum semotam, vni abbati velut omnium parenti obtemperare, vt vnum æternæ salutis negotium simul peragerent. Eosque sectati sunt permul- ti & virorum & mulierum, qui pristinum fidei feruorem ægreferentes in exundantibus Christianorum multitudinibus frige- scere in diem, non dubitabant, vt in cœnobiis Christum tutius sequerentur, suos & omnia derelinquere, sese abnegare &

Tom. I.

D d d d

cru-

(a) Id monet Cassianus seculi V scriptor collat. 18 cap. 5. Cœnobarum disciplina, ait, a tempore predicationis apostolica sumfit exordium. S. Io. Chrysostomus contra vituperatores vitæ monasticæ lib. 3, Apostoli, ait, huius philosophia documenta dederunt. S. Marcum euangelistam Alexandriæ monachos instituisse tenent alii cum S. Epiphano heres. 29, & Eusebio lib. 2 hist. cap. 15, & 16. Alii S. Io. Baptistam monachorum principem prædicant cum Chrysostomo hom. de S. Io. Bapt. & Hieronymo ep. 22 ad Eustochium.

(b) Hinc illud Hieronymi ad Paulinum. Si cupis esse, quod diceris, monachus, idest solus, quid facis in urbibus, quæ vique non sunt solum habitacula, sed multorum? can. si cupis 5 C. 16 qu. 1.

(c) S. Hieronymus ad Paulinum ep. 3 Hos enim habemus ait, propositi nostri principes Paulus, Amos, Iulianos, Hilariones, Macarios: & vt ad scripturarum auctoritatem redeam, nosser princeps Elias, nosser princeps Elisæus, nostri duces filii prophetarum, qui habitabant in agris & solitudinibus, & faciebant sibi tabernacula prope fluentia Iordanis.

crucem tollere. Iſtis cœnobitis adhæſit quidem, ſed minus propria nomenclatio *monachorum* & *monialium*, ipſorumque domus *monaſteria* inde nuncupata. Societatem huiuſcemodi monachorum primus omnium ineunte ſeculo IV inſtituit in Thebaide diuus Antonius abbas Ægyptius, qui obiit anno Æ.V. 356, vnde orti *Anſoniani*, quorum plura ſunt monaſteria in Ægypto, & Syria. S. Pachomius paullo poſt fundauit monaſterium Tabennenſe in inſula Nili, cuius aſſectæ ab Antonianis plerunque non diſtinguuntur. A B. Athanaſio Alexandrino, Antonii cœuo & ſocio, Romam e ſyluarum latebris inueſtos in cœnobia monachos fuiſſe anno circiter 340, tradit Hieronymus (a). Inde ad alia occidentis loca ab aliis ſanctiſſimis viris propagatos conſtantur Ambroſius & Auguſtinus (b). Mediolani priuſquam Romæ inſtitutum a S. Martino epiſcopo Turonenſi monaſterium anno circiter 356, quo S. Hilarius ab Arianis exul factus eſt, cum Seuero Sulpitio Lud. A. Muratorius adſtruit (c), additque teſtimonia SS. Ambroſii & Auguſtini (d). Priſca in regionibus noſtris, & pro-

(a) S. Hieron. ep. 28 ad Principium. Nulla eo tempore, ait, nobilium ſeminarium nouerat Romæ propoſitum monachorum. Hæc Marcella ab Alexandrinis prius ſacerdotibus, Papaque Athanaſio & poſtea Petro, qui perſecutionem Ariana hæreſeos declinantes Romam conſugerant, vitam B. Antonii adhuc tunc viuientis, monaſteriorumque in Thebaide Pachomii, & virginum ac viduarum didicit diſciplinam; nec erubuit profiteri, quod Chriſto placere cognouerat.

(b) S. Aug. lib. 8 conſeſſ. cap. 6, & lib. de morib. eccl. cap. 33, S. Ambr. ep. 82 lib. 2, tum S. Gregorius M. in dialogo. In Capraria inſula nihilominus opinione vetuſtiorum ſtetiſſe monachorum ſedem, innuit Oroſius lib. 7 cap. 36, et Rutilius Numantianus in itineralio lib. 1, dum cecinit.

Proceſſu Pelagi iam ſe Capraria tollit, Squallet lucifugis Inſula plena viris. Ipſi ſe monachos Græco cognomine dicunt, Quod ſoli nullo viuere teſte nolunt.

(c) Murator. diſſert. 65, ex Sulpitio in vita S. Martini cap. 4 hæc habet. Italiam repetens, quum intra Gallias quoque diſceſſu S. Hilarii, quem ad exilium hæreſicorum viſ coegerat, turbatam eccleſiam comperiſſet, Mediolani ſibi monaſterium ſtatuit.

(d) S. Ambr. ep. ad Vercellenſ. ait. Fuerunt nobiſcum ſed non fuerunt ex nobis . . . Sed heic poſiti ieiunabant, intra monaſterium continebantur. S. Aug. lib. de morib. eccl. cath. video ego diuerſorum, ait, ſanctorum Mediolani non paucorum hominum, quibus vnus præſbyter præerat vir optimus & do-

prouinciis Samnitum, Calabriae & Apuliz, alibique cœnobiaz & monasteria, eorumque subiectionem episcopis diœcesanis paulatim inde excussam, inferius exponam (a). Duplex hinc genus *monachorum* in veteri ecclesiæ disciplina, videlicet *cœnobarum*, quos & *synoditas* vocant (b) idest confociatos, & *anachoretarum*, quos latini *inclusos* & *reclusos* (c) nuncupant, solitariam omnino vitam colentes episcopi & abbatibus permisso in cella ab aliis semota, atque a monasterio accipientes alimenta.

IV. Primaria cœnobarum regula non alia, quam cuiusque abbatis vox & voluntas fuit, eo collineans mores omnium, vt consilia euangelica seruarentur adamussim. Nonnullis deinde SS. Patrum placuit monachos suos ad religionem litteris informare. Pachomius fertur primus omnium regulam (d) Tabennensibus scripto tradidisse, ceteras per orbem alii, quas collegit in *codice regularum* Lucas Holstenius. Præcipuos nihilominus regularum conditores in oriente S. Basilium M. (e), in Africa S. Augustinum (f), in occidente S. Benedictum fuisse consentiunt scriptores, quippe quas innumeræ vtriusque sexus religiosæ familiæ pro communi lege

Dddd 2

ser-

doctissimus. Romæ etiam plura cognoui. His autem verbis quæstio de antiquitate susceptæ vitæ monasticæ inter Romanos & Mediolanenses non satis eliquatur. Videlis dicta inferius *lib. 3 tit. 12 num. 3.*

(a) Hoc *sic. num. 5, 53, 67, & 68.*

(b) Arcadius & Honorius Imp. in *l. addictos 6 C. de episcop. audientia.*

(c) *Secessores* appellat Cassianus, de quibus Trullana synodus VI *can. 42, & Aurelianensis l. can. 22.*

(d) Plura eiusdem capita recenset Sozomenus *lib. 3 hist. eccles. cap. 14.*

(e) Qui duos *asceticorum* libros edidit circa medietatem sæculi IV.

(f) Ad vnus *Aspersiones*, seu virginum cœnobii, cui præfuit S. Augustini soror, regulam scripsisse S. Doctorem, putat cum Erasmo & aliis Daniel Papebrochius ad *vitam S. Alberti die 8 Aprilis*, eamque viris aptatam nonnisi sæculo IX fuisse a B. Benedicto Ananiensi abbate in *concordia regularum* contendit contra P. Sebastianum a S. Paulo Carmelitam aliter sentientem in *exhibitione errorum Papebrochii art. 13.* Christianus Lupus in *not. ad Tertull. lib. de præscripto* ita scribit. *Vsq. ad Augustini episcopatum Africana ecclesia & virorum & virginum cœnobiaz penitus ignorauit. Nam & ipse Augustinus, cum in Italia doceret Rhetoricam, ignorauit vocem monasterium.*

seruant. Id vero vnum præstitit præ ceteris S. Benedictus, quod monachis antiquam coercuit libertatem mutandæ regulæ, deque vna ad aliam transeundi. Is porro suis primum discipulis præcepit, ne susceptam semel regulam, a qua discedere nefas esset, derelinquerent; & ita primus solemnæ professionis formam instituit (a).

V. Ad extirpandos *Sarabaitas* (b), *furua tunica pullaros*, qui scilicet iugum regularis disciplinæ abiicientes Marte suo vivere sine abbate & sine claustro malebant, nec non *gyrouagos* & *circumcelliones* (c), cautum merito fuit generali synodo Chalcedonensi (d), vt monasteria & monachi omnes diœcesano episcopo subiicerentur, qui curam disciplinæ regularis haberet, & vagantes ad claustra vel inuitos reuocaret. Aliis præterea canonibus antiquis (e) constitutum, vt abbates a monachis electos episcopus institueret, indignos causa cognita remoueret, vtilitatibus monasteriorum consulere, causasque cognosceret. Canonica tot monimenta patefaciunt vim fuisse antiquis regulis monasticis tributam non priuato solum cuiusque abbatis arbitrio, quod putat Vanespennius (f): sed publica episcoporum auctoritate vel expressa vel tacita, a quibus olim regulas monachorum & probatas & emendatas fuisse rectius affirmat Fr. Florens (g).

VI. Quid ergo mirum, si gliscente in dies varietate regularum, præualuit inter vniuersas episcopalis auctoritas SS. Basilii & Augustini, posthabitis tot aliis & sanctitate & do-

(a) Id obseruat Io. Mabillonius *prefat. ad par. 1. sec. IV Benedictinorum*.

(b) Eos Aegyptiaco vocabulo ita dictos monet, simul & eorum instituta describit Cassianus *collat. 18 cap. 17*, & sæpe carpit B. Hieronymus.

(c) Quippe qui (vt scribit S. August. in *psalm. 132*) *circum cellas vagantur: solent enim ire hac atque illas nunquam habentes sedes sub habitibus monachorum hypocritæ*.

(d) *Can. qui vere 12, & can. quidam monachi 17 C. XVI. qu. 1.* Id ipsum firmavit Iustinianus *Nou. 133 cap. 4.*

(e) A Gratiano congestis *C. XVIII qu. 2.*

(f) Van-Espen *par. 1 tit. 14 cap. 1 num. 13.*

(g) Florens *par. 2 in tract. de statu monachorum ad qu. 2 C. 18.*

doctrina eximiis? Octauo seculo synodus VII (a) nonnisi secundum Basilii regulam monasteria dupla institui permisit. Tum Augustini regula in synodo Rhemenſi sub Eugenio II commendata anno 823. Cumque iandiu accessisset tertia S. Benedicti, confirmatione pontificia S. Gregorii M. suffulta: Innocentius II in concilio Lateranensi II anno 1129 (b) religiosa virginum cœnobîa, quæ neque *Benedicti* neque *Basilii* neque *Augustini* regulam haberent, abolenda decreuit. Quarta *mendicantium* a B. Francisco Assisiæ inuentam probauit Innocentius III anno 1215: Interea in immensum crescebat multitudo religionum adeo disformium habitu, moribus & regulis, ut alia aliam haud semel supplantaret, pelliculisque ouium lupi non raro, contesti pernicipem animabus inferrent. In his fuere *Vuldenſes* hæretici, alias dicti *pau-peres de Lugduno*, qui catholicam fidem multis sedantes erroribus iactabant seſe veros Christi discipulos & religiosos euangelicæ doctrinæ sectatores. His ut hæreticis a Lucio III damnatis (c), occasionem arripuit concilium Lateranense IV sub Innocentio III constituendi (d), nequis nouam inueniret religionem, religiosamue domum fundaret, eam nisi vni ex approbatis regulis subiiceret. Tum Gregorius X in concilio Lugdunensi (e) cunctas religiones mendicantium post concilium Lateranense adinuentas, nullaque Sedis apostolicæ confirmatione probatas, deleuit: saluis quatuor ordinibus *predicatorum*, *minorum conuentualium*, *eremitarum S. Augustini*, & *carmelitarum*; rite iam institutis, ante canonem Lateranenſem. Postremis hisce canonibus reſeruata Sedi apostolicæ est approbatio ordinum regularium.

VII. Ut clarius mox innotescat vigens regularium omnium vtriusque sexus disciplina, operæ pretium est in plura eos

- (a) Syn. VII in can. *diffinimus* 21 C. 18 qu. 1.
- (b) Innoc. II in can. *perniciosum* 25 eadem C. & qu.
- (c) Lucius III in cap. *ad abolendam* 9 de hæreticis.
- (d) Innoc. III in conc. Lat. IV cap. *ne nimis* 9 de religioſ. domibus.
- (e) Greg. X in cap. *religionum* un. eodem tit. in 6.

eos genera partiri. Prima partitio eruitur ex quatuor præcipuis regulis SS. *Basilii*, *Augustini*, *Benedicti*, & *Francisci*, aliisque recentioribus. Secunda ex duplici *non mendicantium*, & *mendicantium* instituto. Tertia ex solemnium votorum diverso numero & genere.

VIII. S. *Basilii* regulam profitentur in primis *Basiliani* S. Saluatoris monachi ritu Græco adhuc videntes in hoc etiam regno & Sicilia, a Græcis orientalibus huc propagati seculo XI. Iique in Germania, alibique ritum latinum amplexi sunt. Gregorius XIII cunctos ordinis S. *Basilii* monachos in unam congregationem sub unius abbatis regimine redegit, officia triennialia fore statuit, & capitulum generale quolibet triennio cogendum pro moribus reformandis & regulari observantia, privilegia Casinensium eis indulgit, ab ordinariis locorum & commendatariis abbatibus regulam ipsorum non professis exemit, & mensam conventualem in monasteriis commendatis ab abbatis commendarii mensa separatam fore iussit (a). Eorumque statuta a protectore revisa confirmavit Clemens VIII (b). Idemque reformatis *Basilianis* tria communia vota æque profitentibus duo addidit præcepta speciatim servanda, orationem & manuum laborem (c). II. *Carmelita* in monte Carmelo intra Ptolemaidis & Galilee fines, in quo spectatur Eliæ prophetæ spelunca, a Bertoldo Calabro primum in societatem collecti ex Eliæ revelatione anno 1156, tum a B. Alberro Hierosolymitano patriarcha initio subsequenteris seculi regulam ex S. *Basilii*, aliorumque institutis concinnatam acceperunt, quam iis comprobavit Honorius III anno 1226 (d). Eorum alii dicuntur *Fratres Carmelitz maiores* siue *calceati*, alii *mirigati* ob regulæ

[a] Greg. XII in *const. benedictus* 58, edita an. 1579, to. 2 Bullarii. Idque firmavit Clemens VIII in *const. altissimi* 103, tum Paulus V in *const. iniuncti* 17 to. 3. Bullarii.

(b) Clemens VIII in *const. que ad restituenda* 14 to. 3 Bull.

(c) Idem *const.* 1, & *cis. const.* 107.

(d) Honorius III *const. ut vivendi* 3, to. 1 Boll.

gulae mitigationem ab Innocentio IV (a) & Eugenio IV (b) & Xysto IV (c) ipsis indulgiam, alii demum *disfcalceari* nedum viri ex constitutionibus Gregorii XIII, aliorumque Pontificum, sed *disfcalceatae* etiam virgines Carmelitanae ex reformatione S. Theresiae anno 1562 (d).

IX. S. Augustini regula vtuntur primum Canonici regulares, quos ab institutis Apostolorum declinatos ad officium reduxit sanctus episcopus, pluriesque relapsos vsque ad seculum X, reformatum vsque adeo nonnulli abbatum religiosissimi, vt eorum ordo seculis X, & XI maxime floruerit in multis nedum monasteriis, sed cathedralibus etiam ecclesiis (e), praesertim congregationes Lateranensis (f), Lucensis, Mortari-

(a) Innoc. IV *const. quae honorem* 6 to. 1 Bull.

(b) Eugen. IV *const. Romani* 3 eod. to. 1.

(c) Xyst. IV *const. dum attenta* 11 eod. to. 1.

(d) Hanc confirmavit Gregorius XV *const. omnipotens* 20 to. 3 Bull.

(e) Cum vero temporum iniuria sensim Regularibus Canonicis destituerentur cathedralium monasteria, ratio postulauit, vt ad seculares Canonicos & clericos transferrentur. Hos enim eam ob rem in eis ordinari & institui rescriptit Innocentius III in *cap. inter quatuor* 5 de *religios. domib.*

(f) Paschalis II in *const. quanto Lateranensis ecclesia* 2, an. 1106, to. 1. Bull. Canonicis regularibus basilicae Saluatoris & S. Ioannis Baptista, ac S. Io. Euangelistae, quae *Constantiniana* dicebatur, ordinis S. Augustini totam parochiam Lateranensis ecclesiae in perpetuum concessit. Anastasius IV *const. potestatem* 1, anno 1154 eod. to. 1, eorum ordinem & privilegia & possessiones confirmauit, & nonnulla ad ipsorum claustralem disciplinam statuit. Benedictus XII anno 1339 in *const. ad decorem* 6 eod. to. 1, hanc ipsam religionem in primitiua ecclesia sacris institutionibus stabilitam reformare satagit, peculiareque ei constitutiones dedit & explicuit. Clemens III in *cap. super quodam* 4 de *statu monachor.* de rebus canonicorum regularium resignandis in articulo mortis cavit. Innocentius III canonicum regularem parochiali ecclesiae etiam seculari posse praefici rescriptit in *cap. quod Dei* 3 eod. tit. Martinus V in *const. sollicitudinis* 7 to. 1 Bull. canonicos regulares in vnam congregationem redegit, constitutiones innotauit, privilegia explicuit. Eugenius IV basilicam Lateranensem hisdem Canonicis regularibus restituit, & congregationis Lateranensis nomen indidit. Nicolaus V idipsum confirmauit. Dein ipsos quum a basilica Lateranensis regimine eiecissent nonnulli ciues Romani: Calixtus III iussit, vt ab ea curanda & gubernanda regulares desisterent, in eaque influerentur canonici seculares. Tum a Paulo II in eam restituti regulares, eo defuncto amoti denuo fuere auctoritate Xysti IV. Nam Xystus IV in *const.*
dum

rienſis, S. Sepulcri, & S. Spiritus in Italia, S. Reſi, S. Viſtoris, & Præmonſtratenſis in Gallia, cetera eiusdem Ordinis Capita. II. His adduntur *clerici regulares*, puta *Somaſcoborum* congregatio anno 1531 ab Hieronymo Æmiliano Veneto ſenatore fundata inter Mediolanum & Bergomum, quam probavit S. Pius V, ſub regula S. Auguſtini pro erudiendis orphanis, & cura ſeminariorum gerenda anno 1568 (a). Altera S. Pauli decollati, ſeu *Barnabitarum* in baſilica S. Barnabæ iuxta Mediolanum erecta anno 1533 auctoritate Clementis VII (b). Alia *clericorum minorum* a Xyſto V probata anno 1588, quam fundavit Iohannes Auguſtinus Adomus

dum ad uniuerſos 10 eod. to. 1, expoſitas Canoniorum regularium vieſſitudines memorans iis titulum congregationis Lateranenſis & privilegia omnia ſeruauit. Sed nouum in vrbe templum S. Mariæ de Pace eis conſtruxit, in quod Lateranenſes canonici regulares tandem abierunt relictâ ſecularibus baſilica S. Saluatoris & S. Io.

(a) Paulus III ſocietatem eccleſiaſticorum & ſecularium inſeruientem hoſpitali pauperum orphanorum & mulierum conuertitur S. M. Magdalenz, quod in ſuburbio S. Leonardi Bergomenſ. & Mediolanenſ. inſtituerat Hieronymus Mianus Venetus, aliſque alibi pariter fundatis, probauerat anno 1540, conſt. ex iniuncto 21 to. 1 Bull. Ea inde tranſiit in congregationem *clericorum regularium de Somaſcha* quod ad erudiendos orphanos auctoritate S. Pii V, conſt. iniunctum 78 to. 2 Bull. cui nonnulla privilegia largiti ſunt Gregorius XIII, tum Xyſtus V in conſt. æquum 4, & Clemens VIII conſt. decet 22: & ſpecialim privilegia Mendicantium Paulus V conſt. 37. Idemque ipſis vnioit clericos doctrinz Chriſtianæ, conſt. 96 to. 3 Bullarii. Oratoria priuata in collegiis Vrbanus VIII conſt. 181 to. 5 Bull. Libertatem conſtituendi cuius præſbytero ab ordinariis licorum probato, & ſepeliendi cadavera alumnorum ſine Patochi interuentu Alexander VII in conſt. 64, & conſt. 175 to. 5 Bull. Idemque eos in tres provincias diuiſit conſt. 119.

(b) Clemens VII Bartholomæo Ferrario, & Antonio Mariæ Zachariæ præſbyteris Mediolan. & Cremonenſ. tribuſque ſociis indulſit facultatem emittendi tria regularia vota in manibus Archiepiſcopi Mediolanenſis, & congregationem rehgioſam intra eandem dioc. eſſim inſtituendi, futuris vero aſſeculis ſuis proſtendi in Præpoſiti ſui manibus, vt liquet ex conſt. vota 37, ad. 1433, to. 1 Bull. Paulus III eandem Congregationem firmavit conſt. dudum 5. Iulius III conſeruatores ei dedit conſt. ad hoc 10. Gregorius XIII tranſiit ad alios ordines vetuit clericis iſtis regularibus, eorumque Congregationem S. Pauli decollati primas appellauit conſt. in ſpectula 48. Idemque ad profeſſiones publicas accedere inuitos noluit. Hoc etiam placuit Xyſto V in conſt. rationi 5, qui formam recipiendi nouitios eis imperauit conſt. exigit 77.

mos (a). Congregationem clericorum doctrinae Christianae cum arbitrio emittendi votum spontaneum, elapso tyrocinii anno, in ea perpetuo manendi Gregorius XV probavit anno 1621 (b). Scholas pias ad pauperes erudiendos & gratis instituentes in urbe Paulus V erexit anno 1614, congregationi clericorum pauperum Matri Dei demandatas, quibus post biennium probationis indulgit tria vota simplicia paupertatis, castitatis & obedientiae eo pacto emittere, ut sola Romani Pontificis dispensatione dissolui ea possint [c]. Tum Gregorius XV eos vota solemniter profiteri ut ceteros probatarum religionum alumnos maluit [d], & privilegiis mendicantium frui [e], eorumque constitutiones probavit (f). Clericorum regularium infirmis ministrantium congregationem probavit Xystus V (g) anno 1586, regulam firmavit cum privilegiorum largitione Gregorius XV anno 1591 (h), eamque reformavit Clemens VIII (i).

X. Eandem regulam specialius nomine ac re profitentur fratres eremita S. Augustini, ante concilium Lateranense IV iam vigentes, quos nonnullis ab Innocentio III privilegiis auctos in vnam ex pluribus congregationibus societatem vni superiori generali obtemperantem redegit Alexander IV anno 1256. Nam ægre Pontifex ferens eremitarum titulos vestesque magis, quam ipsorum professionem religiosam dispares, congregationesque diuersas S. Guilielmi, S. Augustini, Fratris Ioannis Doni de Fabalis, & de Britinis insi-

Tom. I.

E e e e

mul

(a) Xystus V in const. sacra 81 to. 2 Bull. Tribus votis regularium communibus addit quartum de non petendis praelatoris extra religionem, a Clemente VIII probatum const. quacunque 115. Gregorius XIV in const. Romanus 2 eis indulgit privilegia Theatinorum a Clemente VIII deinde firmata.

(b) Greg. XV in const. ex incumbenti 12 to. 3 Bull.

(c) Paulus V in const. inter pastoralis 81, & const. ad ea 101 to. 3. Bull.

(d) Greg. XV in const. in supremo 14 an. 1621, to. 3.

(e) Idem in seq. const. ad vberes, anno 1622.

(f) Idem in const. sacri apostolatus 17, anno 1611.

(g) Xystus V in const. ex omnibus 25 to. 2.

(h) Greg. XV in const. illius 17 to. 2.

(i) Clemens VIII in const. superna 78 to. 3.

mul vniuit, vniue generali totius ordinis Priori omnes sub-
 iiciens ad vniiformem habitum & cucullas nigri coloris ge-
 rendum obstrinxit, atque a baculis, ferulisque deportandis
 exemit (a). Congregationem Siciliæ postmodum cum ordi-
 ne toto vniuit Paulus V (b). Bonifacius VIII anno 1295 vetuit
 aliis mendicantibus noua monasteria, ecclesias, oratoria ædi-
 ficare prope ecclesias & conuentus fratrum eremitarum S. Au-
 gustini intra spatium annorum 140 (c) præterquam in ere-
 mis absque licentia Sedis apostolicæ (d). Aliorum ordinum
 gratias & priuilegia mendicantium eis largitus est Iulius II
 anno 1508 (e). Sacrarum pontificii administrationem perpe-
 tuo concessit Alexander VI (f). Facultatem alienandi bona
 ordinis Gregorius XIII (g). Ambitum vetere Clemens VIII
 (h) & Paulus V (i). Formam eligendi magistros theolo-
 giæ in Italia eisdem præscripsit Gregorius XIII (l). Eodem
 ex ordine prodiuit congregatio *Augustinianorum discalceatorum*
 anno 1585 in Hispania.

XL. *Prædicatorum* ordinem insignem S. Dominicus
 Hispanus (m) canonicus regularis ecclesiæ Oxomensis, secu-
 lo XIII ineunte instituit, eumque confirmauit primum In-
 nocentius III in concilio Lateranensi IV anno 1215, se-
 cundum B. Augustini regulam: quum præcipua ordinis Præ-
 monstratensis Canonorum regularium statuta fundator ipse
 ore

(a) Alexand. IV in *const. licet ecclesia* 6 to. 1 Bullar. Lanfranco to-
 tius ordinis eremitarum S. Augustini primo generali, & vniuersis fratribus
 eiusdem data 4 Maii 1256. (b) Paulus V in *const. exponi* 99 to. 3 Bull.

(c) Bonif. VIII in *const. ad consequendam* 2 to. 1 Bull.

(d) Idem in *cap. 1 de excess. prælator. in 6.* Aliam in eiusmodi licen-
 tiis concedendis formam recentiorum usu vigentem super minorum conuentuum
 & monasteriorum ædificatione statuit Clemens VIII in *const. quoniam* 99 to. 3.
 Bull.

(e) Iulius II in *const. etsi ad benemerendum* 18 to. 1 Bull.

(f) Alex. VI in *const. ad sacram* 5 eodem to. 1.

(g) Greg. XIII in *const. dum ad vberes* 5 to. 2 Bull.

(h) Clem. VIII in *const. quoniam* 114 to. 3 Bull.

(i) Paul. V in *const. admonemur* 30 to. 1.

(l) Greg. XIII. in *const. dominicum* 83 to. 2.

(m) Gregorius IX eum in Sanctorum catalogo adscripsit. in *const. fons*
 8 to. 1 Bull.

ore & exemplo tradiderit, comitiis deinde generalibus declarata & aucta (a).

XII. *Cruciferos* Innocentius IV Augustinianæ item regulæ subiecit (b).

XIII. *Iesuaros* B. Hieronymi a Ioanne Columbino Senensi ortos Urbanus V anno 1367 (c).

XIV. *Ioannitas Fratres Charitatis* S. Io. de Deo Lusitani S. Pius V anno 1572 (d). *Trinitarios* redemptionis capitiuorum auctore S. Io. de Matha Gallo Innocentius III anno 1209 (e).

XV. Mox ordinem S. M. de Mercede redemptionis quoque

Eeee 2 ca-

(a) Honorius III in *const. religiosam* 2 to. 1 Bull. eundem ordinem confirmavit, & sub apostolicæ Sedis protectione suscepit. Vere mendicantem declarauit S. Pius V *const. Romanus* 44, eumque omnibus Mendicantium ordinibus præcedere, in *const. diuina* 71 to. 2 Bull. Clemens IV multa ei priuilegia indulsit in *const. providentia* 11, & *const. ordinis* 10. 1, tum Bonifacius VIII *const. ad augmentum* 4, Gregorius XI *const. virtute* 7, & Xystus V *const. regimini* 7, & *const. sacri* 19 to. 1, nec non S. Pius V *const. dum ad uberes* 11 to. 2. Clemens VIII habitum ei peculiarem præfinit in *const. ex iniuncto* 104, ambitumque prohibuit *const. religiosos* 7 to. 1. Fratres & Sorores tertii ordinis eidem addidit Innocentius VII *const. Sedis* 1 eod. to. 1.

(b) Ab Alexandro III probaram Cruciferorum regulam iuxta disciplinam B. Cleti, ab Innocentio VIII officia eis ad triennium reducta, a Clemente VII formam eligendi officiales indictam, a Paulo III plura pro eodem ordine conferuando imperata tradit S. Pius V in *const. nihil* 59 to. 2 Bull. qua abusus reformauit circa proprietatem, administrationem & munus officialium.

(c) Eos Martinus V probauit *const. pia* 11, & Alexander VI *const. ad sacram* 9 to. 1. Clemens VII ipsis priuilegia eremitarum S. Augustini indulsit, ipsorum regulam profitentibus, *const. sacra* 36 to. 1. Mox priuilegia mendicantium S. Pius V *const. Romanus* 50 to. 2. Promotionem ad sacros ordines Paulus V *const. religiosos* 16 to. 3. Facultatem audiendi confessiones in parochialibus ecclesiis suæ congregationis præuia Ordinariorum approbatione Gregorius XV *const. ex iniuncto* 35 to. 3. Habitum & caputium reformauit Urbanus VII *const. onerosa* 33 to. 4 Bull.

(d) S. Pius V in *const. licet* 143 to. 2 Bull. Pro Italis Ioannitis nonnulla speciationem statuit Clemens VIII *const. Romani* 44 to. 3 ex iis promoti ad sacros ordines facti sunt inhabiles ad religionis monera & dignitates a Paulo V *const. inter alias* 55 to. 3. Eorumque Sacerdotes disponere non posse in usus proprios de missarum elemosynis edixit Urbanus VIII *const. circumspecta* 84 to. 4.

(e) Innoc. III in *const. operante* 1 to. 1 Bull. Gregorius XV Trinitariis priuilegia omnia & indulta confirmavit *const. iniuncti* 22 to. 3 Bull.

capitulum a S. Petro Nolasco fundatum Greg. IX anno 1235 (a).

XVI. Sacrae item virgines *Augustiniana*, *S. Carbarina Senensis*, *Penitentes S. M. Magdalena*, *S. Ursula*, *Visitationis B. Mariae*, & si quae sunt aliae, ut regulam S. Augustini profiteantur, placuit Sedi apostolicæ.

XVII. Sub S. Benedicti Regula militans in primis *monachi nigri*, inter quos præcellit ordo *Casiniensis* a diuo ipso Benedicto Nursino institutus in monte Casino, unde nomen accepit anno circiter 520, confirmatus a diuo Gregorio M. in Romana synodo anno 595, dein reformatus a Lud. Balbo Abbate S. Iustinæ ciuitatis Patauiz anno 1410. Ab eo multiplices promanarunt religiosæ familiæ, nimirum ordo *Camaldulensis* anno 997 a B. Romualdo Rauennate editus anno 1060, ab Alexandro II probatus anno 1073 (b). Tum *Vallifumbrosæ* anno 1060 (c). Et *Cisterciensis* a quodam Stephano vel Roberto Abbate anno 1098 institutus, in quo vnus omnium maxime floruit anno circiter 1120 diuus Bernardus Clarauallensis (d). Congregatio *Montisuirginis* a diuo Guiljelmo ere-

mita

(a) Greg. IX *const. deuotionis* 9 to. 1. Eos ad ordines mendicantium transire vetuit Calistus III *const. super gregem* 3 to. 1. Nec vicissim ad ipsos licet Fratribus minoribus S. Francisci de Obs. transire ex Clementis VIII *const. nuper* 46 to. 3. Clemens VIII *const. infirma* 4 to. 3 Bull. eis indoluit facultatem faciendi generalem benedictionem & absolutionem in diebus S. Catarinæ, Cinerum, & Cænz Domini.

(b) Alex. II *const. nulli fidelium* 1 to. 1 Bullarii M.

(c) Urban. II *const. cum vniuersis ead. to.* 1 Bull. hanc congregationem probauit, & immediata sub protectione Sedis apostolicæ suscepit, a S. lo. Gualberto institutam. Vni eam abbati subiecit Innoc. VIII in *const. alio* 2. Tum priuilegia confirmantur Iulius II in *const. militantis* 13, & S. Pius V *const. ut si mendicantium* 41.

(d) Paschalis II in *const. desiderium* 1, anno 1100 data ad Albericum abbatem Cistercii in Cabilonensi parochia seu diocesi nouam Cisterciensem congregationem, abbatiam, & cenobii monachos sub apostolicæ Sedis protectione suscepit, salua Cabilonensis ecclesiæ canonica reuerentia. Eugenius III in *const. sacrosancta* 2 to. 1 Bull. anno 1152 constitutiones ord. Cisterc. quos charitatem charitatis appellant, confirmauit. Mox Clemens IV *const. partus* 3, Benedictus XII *const. fulgens* 3, Greg. IX *const. quia* 7, Innoc. IV *const. deuotioni* 4, Eugenius IV *const. ad vniuersalis* 14, & regularem 16 Innoc. VIII *const. ad Romani* 4 cap. 5, & *const. si cunctis*, Xylus V *const. Pontifex* 34.

mita Vercellensi erecta anno 1124 (a). Et Guilielmarum in Tuscia ortorum ab alio Guilielmo, postremo Aquitaniae Duce ac Pistorum Comite anno 1152. Ordo *Cælestinorum* a B. Petro de Morrhone, qui ad solium pontificum elatus Cælestini V nomen assumpsit anno 1194 (b). Congregatio *Montis Olivæ* in Aretina diocesi a Bernardo Ptolomæo anno 1319 (c). Alia Sylvestrinorum (d). His adduntur sacre virgines *Benedictina*, & *S. Bernardi*.

XVIII. Regulam *S. Francisci* tenent *Fratres minores seu conventuales* a fundatore ipso præscriptam anno 1208, & ab Innocentio III probatam anno 1216 (e). Tum *Fratres minores*

re-

(a) Eam probavit Cælestinus III anno 1147 *const. religiosam* 3 to. 1. Pull. Exemptiones & privilegia plurima ei indulerunt Urbanus IV *const. ecclesia* 6 to. 1, & Xylus V *const. dudum* 85 to. 2. De oblatorum tyrocinio annali, & Abbatum privilegiis & iure suffragiorum, & Doctoratus insignis plura statuit Paulus V *const. postulas* 89 to. 3. Mitram, baculum, pontificalia cetera indulsit Abbatibus Montis Virginis Urbanus IV *const. ecclesia* 6 to. 1.

(b) Cælestini privilegia Casinensium communicavit Urbanus VIII *const. sacrosancti* 26, & constitutiones emendatas probavit altera *const. sacrosanctum* 56 to. 4 Bull.

(c) Hanc probavit Ioannes XXII *const. cum a nobis* 15 to. 1 Bull. A decimis, aliisque oneribus exempti Pius II *const. licet* 9. A processionibus Iulius II *const. etsi ad universas* 12. Privilegia Casinensium indulsit Pius II *ibidem*. Ab Ordinariis exempti Iulius II *const.* 13. Visitatoribus alienare bona in eundem Congr. utilitatem indulsit Leo X *const. ex debito* 18. Abbatibus facultatem absolvendi monachos ab irregularitatibus, exceptis casibus quatuor, Pius IV indulsit in *const. votis vestris* 7 to. 2 Bull. Baldacchino & pontificalibus utendi formam & ritum statuit Urbanus VII *const. exponi* 97 to. 4.

(d) Hanc congregationem in eremo S. Benedicti de monte Fano a Sylvestro Guzzolino Abbate Auximano fundatam probavit Innocentius IV *const. religiosam* 5 to. 1 Bull. Privilegiis mendicantium frui, aliisque gratis statuit Paulus III *const. exposcit* 38 to. 1, & Paulus V *const. sanctorum* 106 to. 3.

(e) Honorius III in *const. soles* 5 to. 1 Bull. inseruit regulam Fratrum Minorum, & testamentum B. Francisci, & utrumque probavit. Innocentius IV in *const. cum tanquam* 7 eod. to. 1 Bull. decrevit, ut Ecclesie Fratrum minorum omnes, ubi Conventus existunt, *Conventuales* vocentur. Martinus V an. 1430 eandem declaravit regulam ad totius Ordinis Conventualium reformationem, in *const. cum generale capitulum* 13, & *const. pervigilis* 16 to. 1 Bull. Tum Pius IV in *const. Sedis apostolica* 103 to. 2. Multa eis privilegia & exemptiones indulsit Clemens IV *const. virtute* 4, & Xylus IV *const. regimini* 6 to. 1 Bull. Hanc Xylus IV constitutionem amplissimam more

ma-

reformati seu *strictioris observantiae* seu *recollecti*; quorum congregationem Clemens VII approbavit anno 1232 (a). *Capucini* a Fr. Matthæo de Bassio ex Umbria oriundo ord. Min. Obferu. instituti, & a Clemente VII confirmati anno 1538 (b). Sacrae item virgines *S. Clarae* ab ipso B. Francisco institutæ. *Urbanistæ* eiusdem ordinis, quæ ab Urbano Papa IV regulam Franciscana mitiorem acceperunt, & *Capucinæ*.

XIX. Mistas ex iisdem antiquis regulas nonnullæ religiones, aliæ nouas adhibent. *Carthusiani* in eremo *Carthusiæ* diocesis Gratianopolitanæ anno 1086 a B. Brunone Colonienfium eorum parente regulam ex SS. Augustini & Benedicti institutis decerptam feruant, quam probauit primum anno 1090 Urbanus II (c) tum Alexander III eam priuilegiis auxit (d), & Honorius III (e), Gregorius IX (f), Urbanus V (g), Bonifacius IX (h), Martinus V (i). Priuilegia Mendicantium communicauit Gregorius XV (l). Vni eam Abbati, scilicet Priori Maioris Domus Carthusiæ & generali Priorum Capitulo subiecerunt in perpetuum Innocentius VIII (m), & Iulius

magnum vulgo appellant. Eam moderatus est Leo X in *const. dum intra* 22, & Pius IV in *const. in principis* 94. At alias eidem Ordini gratias largitus est S. Pius V in *const. dum ad uberes* 11.

(a) Reformationem eorum semel, iterumque statuit, edixitque S. Pius V in *const. ad extirpandos* 61, & *const. illa* 66 to. 2 Bull. Reformatos istos *Minores de obseruantia* cum Capuccinis Tridentina Synodus excepit nominatim ab indulto possidendi immobilia in *cap. concedit* 4 sess. 25 *de regularib.*

(b) Clem. VII in *const. religionis rebus* 21 to. 1 Bull. *Minores Conuentualium eremitas*, seu de vita eremitica, quos *Capuccinos* dicimus, in peculiarem Congregationem redegit, iisque habitum cum caputio quadrato & barbâ deferre, indulsit speciatim, simul & priuilegia Camaldulensium. Cum vero ipsi Fratres *minores* sint, Vicarium sibi generalem eligunt, qui a Magistro Generali Ord. Min. Conuent. confirmatur, ex Pauli III *const. exponi* 11 to. 1 Bull.

(c) Urban. II in *const. cum vniuersis* 1 to. 2 Bull.

(d) Alex. III in *const. cum vos* 7.

(e) Honor. III in *const. cum dilecti* 3.

(f) Greg. IX in *const. quoties* 3. (g) Urbanus V in *const. sincera* 2.

(h) Bonif. IX in *const. sacrosancta* 3. (i) Martin. V in *const. fons* 4.

(l) Greg. XV in *const. ad uberes* 42 to. 4.

(m) Innoc. VIII in *const. alto* 2 to. 1.

Julius II (a). *Brigidanis* sub titulo S. Saluatoris & viris & foeminis S. Brigida circa annum 1363 in Suecia regulam, quæ consonat cum Basiliana & Augustiniana, tradidit, confirmatam ab Urbano V anno 1370.

XX. Nouam regulam *euangelicis consiliis & canonicis Patrum sanctionibus conformem* in paucos articulos distinctam S. Ignatius de Loyola cum nouem sociis lectionissimis conscripsit pro clericis regularibus Societatis Iesu, videlicet de voto castitatis, de præpositi munere & auctoritate, de obedientia erga Romanum Pontificem, de missionibus non procurandis nec vitandis, de paupertatis voto priuatim & communiter exceptis collegiis, de officio diuino priuatim recitando, de diurna probatione tyronum. Eam Paulus III probauit anno 1540 (b), indulgens iisdem sociis facultatem condendi particulares constitutiones, non obstantibus concilii generalis & Gregorii X, aliisque apostolicis constitutionibus. Mox Julius III anno 1550 (c). Tridentina synodus anno 1563 sub Pio IV de reformatione regularium plura constituens, *per hac tamen*, ait, *non intendit aliquid innouare aut prohibere, quin religio clericorum Societatis Iesu iuxta primum eorum institutum a S. Sede apostolica approbatum Domino & eius ecclesiæ inservire possint* (d). S. Pius V eam inter ordines mendicantium esse, ipsorumque privilegiis frui declarauit anno 1571 (e). Gregorius XIII anno 1584 constitutiones eiusdem Societatis de nouitiis biennio probandis, iisque ad tria vota publica sed simplicia dein admittendis, de coadiutoribus & scholaribus cooprandis, de quatuor vota solemniter professuris & hereditatum

(a) Iul. II in *const. dum ad fructus* 17 eod. to. 1. Ordinem Carthusianum ex eo maxime collaudat Bened. XIV, quod plures sanctos nedum patefecit, sed & ipse fecit: in his B. Nicolaum Albergatum Card. Episcopum Bononiens. ord. Carthus. quem vulgo appellarunt *Cardinalem Pacis*, Bened. XIV in *const. quoniam* 108 §. 12 de cultu B. Nicol. Albergati to. 1 Bull. sui.

(b) Paul. III in *const. regimini* 25 to. 1 Bullarii.

(c) Iul. III in *const. exposcit* 9 eodem to. 1 Bull.

(d) Trid. in *cap. nulla* quoque 16 sess. 25 de regular. & monial.

(e) S. Pius V in *const. dum indefessa* 131 to. 2 Bull.

tatum incapacibus, de apostatis sine licentia discedentibus, de communi vita post novitium, de paupertate seruanda quamuis dominium bonorum non professi retineant, de frutione priuilegiiorum æqua inter omnes post biennium probationis confirmauit, multis circa ea dubiis explicitis & amotis (a). Cumque multa contra eiusmodi institutum obiecta essent libellis ad Xystum V delatis, rebus maturo Cardinalium consilio discussis, Gregorius XIV & regulam & constitutiones & priuilegia Societatis confirmauit anno 1591 (b). Tum alias eidem gratias alii Pontifices indulserunt.

XXI. Altera inter regulares differentia segregat a mendicantibus non mendicantes. Prisca monachorum institutio vniuersos adegit victum sibi quærere labore manuum suarum, ne orium in cœnobiis vitia gigneret, nec desidiosos alendi onus ferret respublica, iandudum officio prædicationis, ministerioque Sacramentorum expertes. Verum Constantini M. lex (c) nedum cunctis ecclesiis, sed etiam collegiis monachorum largita cum esset capacitatem adipiscendi hæreditates, legata, fideicommissa: latifundiis, opimoque censu religiosas domus eatenus ditauit liberalitas piorum disponentium, vt cura quærendi victum labore manuali cunctis ferme regulis sensim adempta, assiduam eorum operam verterit ad litterarum studia, prædicationem, ceteras animarum vtilitates multimodas. Ineunte seculo XIII beatos pauperes spiritu æmulatus diuus Franciscus Assisiensis, extremamque mendi-

(a) Greg. XIII in *const. ascendente Domino* 89 to. 2.

(b) Greg. XIV in *const. ecclesie catholice* 10 eod. to. 2.

(c) L. 1 C. de *saecr. eccles.* Cumque Valentinianus II in l. 27 C. Th. de *episc. & clericis* fraudulentas circumcellionum cupiditates cohibendi studio sanxisset, ne viduæ vel diaconissæ quidquam religionis introitu testarentur: S. Hieronymus ep. 2 ad Nepotianum: *pudet dicere, scripsit, sacerdotes idolorum, mimi & antige & scorta hæreditates capiunt; solis clericis ac monachis hæc lege prohibetur, & prohibetur non a persecutoribus, sed a Principibus Christianis . . . nec de lege conqueror, sed doleo, cur meruerimus hanc legem.* Dein Valentinianus ipse Tatiano præfecto rescribens eam prorsus deletam voluit, vt patet ex l. 28 C. Th. eod. tit.

dicatam professus, regulam recentiorum Fratribus suis indicat, ut ii bonis omnibus, redditibusque in communi etiam detriti vitam eleemosynis tantum sustentarent. Eandem regulam Franciscanorum mendicantium mox amplexi sunt *Dominicani*, *Augustiniani*, & *Carmelitæ*. Deinde alii, nimirum *Servi B. Mariæ*, *Minimi B. Francisci de Paula*, *Iesuitæ*, & *Hieronymistæ*.

XXII. Quo tempore duos primo dictos mendicantium ordines iam clarificabant sanctitate, doctrinaque insignes diui Thomas de Aquino & Bonaventura, ambo vniuersitatis Parisiensis magistri, contra insurrexit primus omnium Willelmus de S. Amore theologus Parisiensis (a), qui inter alios errores asserere non dubitauit improbam prorsus & euangelicæ perfectioni aduersantem esse in regularibus mendicantem; quos veluti pseudo prophetas & nuntios antichristi diffamabat, quod Christus loculos habuisset; iisque corpore validis alimenta necessaria nonnisi labore, vel communibus, firmisque monasterii prouentibus accipienda, nefas esse ostiatim mendicare. Eum Alexander IV damnauit quum proscriptione libelli *de periculis nouissimorum temporum* (b), tum promulgatione (c) probatæ ab ecclesia sententiæ, quod status mendicitatis propter Christum sit salutis & perfectionis; quodque religiosi pauperes, qui omnia propter Christum reliquerunt, mendicando possint quærere victum suum sine labore manuum, etiam si validi corpore sint, maxime qui student verbo Dei, legendo, disputando & prædicando: adiecitque plures vtriusque ordinis alumnos gratia miraculorum a Deo auctos & catalogo Sanctorum rite adscriptos obtrestantem seditiosumque scriptorem aperti mendacii redarguere.

Tom.I.

Ffff

XXIII.

(a) Willelmus de S. Amore in concione *de publicano & phariseo*, in libro *de periculis nouissimorum temporum*, & in questione *de valido mendicante*.

(b) Alex. IV 3 nonas Octobris 1256 in *const. Romanus 7* no. 1 Bull.

(c) Anagninæ die 23 Octobris 1256, de qua N. Alexander in *sec. 13 hist. eccles. cap. 3 art. 7*. Idipsum Nicolaus III conducit in *cap. exiti qui seminat 3* de verb. signif. in 6 §. porro, & segg.

XXIII. Mendicantium duplex olim genus: alterum *ex regula*, alterum *ex constitutionibus*. Qui B. Francisci Assisensis regulam profitentur, prohibentem nequid prædiorum, censusue in communi, neuo quidquam omnino proprium haberent: ii *ex regula* quidem mendicantes sunt. Ceteri vero *ex constitutionibus*. Nam S. Dominicus ordinem suum probantibus Innocentio III, & Honorio III (a) regulæ S. Augustini primum subiecit, communes possessiones indulgenti; mox anno 1220 in primis comitiis generalibus Bononiæ affectas suos possessionibus omnino abdicatos maluit. Reliquos mendicantium profecto non regula, quam vouent S. Augustini, sed constitutiones manifestius ad paupertatem communem obstrinxere usque ad Tridentini concilii promulgationem.

XXIV. Deinde comperto quotidianas elemosynas tot tantisque religiosorum copiis non sufficere: alimentaria necessitas postulauit ut synodus Tridentina tandem cunctis regularium ordinibus utriusque sexus etiam mendicantium bona immobilia, censusque in communi possidere tandem sineret; præterquam Fratribus Capuccinis, & minoribus de Observantia in prisco mendicitatis statu relictis (b): simul cæutum, ut personarum numerus cuiusque monasterii facultates non exsuperet. Eo ex tempore Minorum conuentualium religiosæ domus Franciscana inopia solutæ, non secus quam ceteræ omnes aliorum ordinum nedum fundos obtinent in limine foundationis: sed hereditates etiam & fideicommissa ex cuiusque professi personis, qui antè vota solemnina successiones sanguineis non renunciauerit, iure capiunt quum testamentis tum ab intestato delatas. Eaque bona soli monasteriorum & conuentuum officiales, nutu superiorum eligendi, amouendique administrant: quum nemini regularium sine officio quoduis prædium liceat sibi ad vsumfructum vel commendam auen-

(a) Hon. III in *const. religiosam vitam*, 11 Cal. Ian. 1216, religiosorum Ordinem, simul possessiones, decimas & parochiales ecclesias Dominicanis confirmauit.

(b) Trid. in *cap. concedit* 3 sess. 25 de regular.

nuentibus quoque superioribus habere (a). Verum ordinarii locorum, Regularisque nunc veri mendicantes nequeunt Fratribus conuentualibus S. Francisci prohibere, quin elemosynas quærant in locis, vbi suos hi conuentus habent (b).

XXV. At Mendicantes nullius omnino rei immobilis quouis titulo capaces etiam in communi vix poterunt per idoneum deputatum seu procuratorem in vsus ipsorum necessarios conuertere pretium alicujus prædii, quod iis sit nonnisi sub hac sola conditione vtiliter legatum (c). S. Congregatio cismontanæ familiæ Fratrum minorum de obseruantia negotiis præposita, secundum S. Bonauenturæ sententiam censuit die 4 Iunii 1628, licere iisdem Fratribus annua legata cum onere missarum, officiorumque, siue gratis relicta sibi recipere tuta conscientia, quatenus hæres voluntate libera maluerit ea dare in elemosynam, iisque missarum, officiorumque celebrationem committere. Cum vero tribunal Fabricæ S. Petri contenderet ad eam eiusmodi legata spectare vti caduca ob Fratrum eorundem incapacitatem: eadem S. Congregatio Urbano VIII probante simul & iubente decreuit die 14 Februarii 1663, proprietatem, sortemque talium legatorum supremo tantum Papæ arbitrio esse in alios vsus pios applicandam, irritamque fore quamlibet de ea transactionem, reductionem, extinctionemque a ministris etiam Fabricæ & quibuslibet aliis absque speciali Sedis apostolicæ auctoritate gestam. Postquam dies solutionis cesserit, lapso inde biennio tribunal Fabricæ posse a morosis vel inuitis debitoribus annuos legatorum fructus duntaxat exigere, sine vlllo fortis detrimento, donec & nisi aliter de hac, iisque Pontifex disposuerit. Fratribus autem minoribus interea nefas esse ab inuitis debitoribus aut sortem aut fructus annuos postulare in iudicio, vel extra iudicium petere ab inuitis debitoribus: sed ipsis tan-

Ffff 2

tum

(a) Trid. in cap. nemini 2 eadem sess. 15 de regul.

(b) Urban. VIII in const. cum sicut 279 §. 2 10. 5 Bull.

(c) Nicol. III in cap. exiis 3 de verb. sign. in 6 §. ad hæc.

tum licere annuas fructuum præstationes in elemosynam a sponte dantibus accipere. Quemadmodum nec apochas nisi de quantitativis reapse acceptis conscribere, diemque inibi ipsum, quo solutio spontanea facta sit, obsignare sine fraude ac simulatione; nec villo vnquam pacto pontificias de iisdem fructibus aut sorte dispositiones impedire, sub poena excommunicationis ipso facto incurrenda (a).

XXVI.

(a) Verba decreti S. Congregationis ita se habent. 1. *Quod huiusmodi legata per debitores vel heredes non extinguantur vel reducantur per compositionem cum Ministris Fabricæ faciendam vel alio quovis modo, sed illorum capitale siue fors principalis vel proprietatis absque aliqua diminutione conservetur semper & perpetuo ad effectum, ut in usus Romano Pontifici pro tempore existenti bene visos possint applicari: ita tamen ut quandiu applicationem specialem auctoritate apostolica fieri non contigerit, heredes vel debitores possint libere si velint dictis Fratribus dare dicta annua legata per eosdem Fratres recipienda in elemosynam, non autem per eos exigenda. Et quod quavis extinctio, reductio seu diminutio capitalis seu proprietatis aliter absque speciali Romani Pontificis permissione facta, eo ipso nulla sit, nec debitoribus aut aliis quibuscunque suffragetur.* 2. *Quodque commissarii, alique ministri ven. Fabricæ super huiusmodi capitale seu proprietate supradicta se de cætero non intromittant, nec dictos heredes. seu debitores aliquo modo molestant, nisi ad effectum reinvestiendi in casu reinvestimenti, seu providendi, ut conservetur ut supra, aut alias in executionem applicationis auctoritate apostolica facta vel facienda.* 3. *Quod nolentibus dictis heredibus vel debitoribus dare supradictis Fratribus dictas elemosynas seu annuas præstationes siue legata ut supra solvere, vel illas seu illa non solvuntibus: tunc & eo casu lapsis duobus annis a die obitus testatorum, si fuerit maturatum legatum, vel a die maturata illius solutionis eadem Fabrica & illius commissarii & ministri totam, quod solutum non fuerit pro præterito, pro rata tamen, in qua fuerit ut supra elapsum biennium vel ultra, possint & valeant annuas præstationes huiusmodi exigere, exigique facere ad sui beneficium iuxta suas facultates & privilegia: salvo semper capitali seu proprietate ut supra ad effectum.* 4. *Quod heredes vel debitores (dummodo de eis per Romanum Pontificem pro tempore existentem aliter non fuerit dispositum, nec prædicta legata in alios usus eius auctoritate applicata fuerint vel applicari contigerit) possint, si velint, etiam quandocunque futuris temporibus & sic deinceps in perpetuum dare dictis Fratribus dicta annua legata in elemosynam ut supra, nec Fabrica eosdem heredes vel debitores molestare possit & valeat toties, quoties casus contigerit, nisi pro præterito, & tunc in illis terminis tantum, post quorum maturatum fuerit elapsum biennium vel ultra ut supra; salva semper erectione beneficiorum & applicatione legatorum seu quorumcunque bonorum & reddituum ac inrum eisdem beneficiis seu aliis usibus piis auctoritate apostolica facta vel in posterum quandocunque & quemodocunque faciende, & executione*

liti-

XXVI. Tertium, quod propositi, discrimen oritur ex votis, iisque sollempnibus (a). Tria præcipua pauperiatis, castitatis, & obedientiæ vota cunctis regularibus adeo sunt communia, ut sine illis nequeat status regularis consistere (b).

Quia literarum apostolicarum desuper expeditarum seu expediendarum; itaut præfata ad illas nequaquam se extendunt, sed illæ semper firma & illas remaneant, ac suos penitus & integros effectus sortiri debeant, itaque neque Fabrica, neque heredes vel debitores præfati villo modo illis impedire, retractare vel conuertere valeant, & suis semper Sedis apostolicæ auctoritate, ac facultatibus competentibus S. Congregationi reæ Fabricæ. § Prohibuit tamen eadem S. Congregatio Fratribus supradictis sub pena excommunicationis ipso facto incurrendæ, ne audeant seu præsumant, nec quilibet eorum audeat seu præsumat per se nec per alios syndicos, ministros seu procuratores tam seculares, quam regulares dictas annuas præstationes seu legata nec indicialiter tam coram quocunque Iudice ecclesiastico quam seculari ordinario vel delegato nec alias, nisi iuxta formam dicti decreti Congregationis Fratrum Minorum de Obedientia S. Francisci Cismon. tanæ Familæ a Sanctissimo Domino Urbano VIII deputatæ, ab hereditibus seu quibuscumque aliis eorum debitoribus petere, minusque diiis hereditibus seu debitoribus facere aliquas receptas pro dictis annuis præstationibus, nisi pro rata & pecuniæ seu elemosynis supradictis cum effectu ac vere & realiter eisdem Fratribus data vel soluta, seu datis vel solutis, nec sub alia data, nisi sub ea, qua vere fuerit istem Fratribus aut aliis pro eis facta realis satisfactio; & insuper, ne prouisos apostolicos pro tempore de beneficiis, quibus legata supradicta fuerint applicata, vel eorum procuratores & ministros super exactione dictorum legatorum directe vel indirecte impedire vel molestare quouis qualis colore vel prætextu audeant, vel præsumant. Huius decreti exemplum authenticum ex registro S. Congr. R. Fabricæ S. Petri de vrbe sol. 118 desumptum est, regiumque Recipiuntur super eo expeditum in Regali Camera S. Claræ die 5 Martii 1704.

(a) *Votum* dicimus cum diuo Thoma deliberatam promissionem Deo factam de meliori bono, ad quod homines iura diuina & naturalia non obstringunt. Cum votum voueris Deo, non tardabis redire; & si mortuus fueris, reputabitur tibi in peccatum, ait Dominus Deuteronomii cap. 23 vers. 21: nisi irritetur per dispensationem vel status mutationem vel conditionem non implentem vel dissensum eius, cui alterius votum damna inferret. Diuino iure par omnibus votis obligatio. Ius humanum vota sollempnia distinguit a simplicibus, ut monuit Burdensen episcopus Bonifacius VIII in cap. vn. de voto in 6, simul dicens sollempne votum contrahi aut susceptione sacri ordinis, aut professione regulari non modo expressa, verum etiam tacita: quod nonnisi apostolica dispensatione dissolui possit. At simplicia vota episcopi etiam quum permutando tum dispensando relaxant, exceptis quinque præcipuis summo Pontifici reuerentis, videlicet perpetuis castitatis, religionem adprobantem ingrediendi, & peregrinandi ad terram sanctam, vel ad Apostolorum limina, aut ad S. Iacobum Compostellanum, Extraneus. 2 de panit. & remiss.

(b) Cap. cum ad monasterium 6 de stat. monach. Trid. cap. 1 sess. 23 de regularib.

Quia abdicatio proprietatis, sicut & custodia castitatis, adeo est annexa regulæ monasticæ, ut contra eam nec summus Pontifex possit licentiam indulgere, inquit Innocentius III (a): scilicet ut solutus votis statum adhuc regularem retineat professus religiosus. At utrumque nexum & professionis & votorum sollempnium simul dissolvere proculdubio valet suprema Pontificis maximi auctoritas: propterea quod votorum sollempnitatem statuit sola ecclesiæ constitutio humana (b). Hinc canonica episcopi electio monachum a iugo regulæ eximit (c): quum nemo valeat episcopatus munia obire, & sui simul ordinis regulam tenere (d). Nonnullique Principum feruntur non sine scriptorum dissensione, ex apostolicæ Sedis indulto fecisse transitum e regulari statu ad coniugalem. Ramirus II Alphonso IV Aragonii regis frater e monasterio Tomerienti ordinis Benedictinorum adprobante Innocentio IIeductus, ut solum Aragoniæ ascenderet, filiam ex accepta coniuge progeniuit (e). Casimiro Cluniacensi monacho Poloni ab Sede apostolica dispensationem a regulari professione, facultatemque ducendæ vxoris, antequam ad regium solum efferrent, impetrarunt (f). Constantiam Rogerii Siciliæ regis natam emisit primum in cœnobio Panormitano S. Mariæ votis, exinde

(a) Ad Abbatem & Conuentum Sublacensem in *cit. cap. cum ad monasterium*. S. Pius V in *const. lubricum* 76. to. 2 Bullarii itidem cautum voluit, ut statum religiosum amplectentes debeant in solemnī professione tria vota substantialemittere, & perpetuum Altissimo famulatum ferre sub vna ex probatis Regulis, quam semel elegerint.

(b) Vti rescriptit ad Bituricensē episcopum Bonifacius VIII in *cap. vn. de voto* in 6, gl. in *cap. ad monasterium* 6 de *stat. monachor.*

(c) *Can. statutum* 1 C. 8. qu. 1.

(d) Inquit diuus Gregorius M. in *can. nemo potest* 2 C. XVI qu. 1. Quia etiam si episcopi regulares ad claustra redeant suo dimisso episcopatu, officia & dignitates claustrales obtinere adhuc prohibetur ex Pauli IV *const. in sacra* 21 to. 1 Bullarii.

(e) Scribunt Hieronymus Zurita, Odericus Vitalis, Guillelmus Neubrigensis, & Robertus de Monte, a quibus dissentit N. Alexander in *hist. sec. XII cap. XI art. 4.*

(f) Ex Martino Cromero *lib. 4 de reb. Polonar.* refert Altaferria de *iurisdic. ecclæs. lib. 10 cap. 15.*

inde illis a Cœlestino III absolutam nupisse Henrico V Imperatori sunt, qui ex lapideis monumentis affirmant (a). Alexandri III dispensatione fertur etiam Nicolaus Iustinianus a claustro monachorum ad secularia vota rediisse, vt nobilem inter Venetos stirpem, quæ parum absuit quin defecisset, propagaret; qui sex maribus, tribusque scemellis progenitis ad monasterium remigravit, concordie vxoris animo, quæ virum æmulata vitæ reliquum in regulari statu peregit sanctissime. Equitibus religiosorum ordinum Alcantaræ & Calatrauz, simul Commendatariis Christi in regno Lusitaniz indultum a Sede apostolica, vt vxores ducerent, castitatem simplicem, sed non conjugalem vouentes, testantur Molina & Rodericus (b).

XXVII. *Paupertatis* votum non communitates, domosque religiosas, si duæ iam distæ Mendicantium familiæ superstitibus excipiantur: sed singulas regularium personas adeo abdicat rerum omnium proprietate ac dominio, vt quicquid post professionem lucratur monachus, monialisue aut labore aut legitima successione (c) aut legato, aliaue qualibet causa; id non sibi sed monasterio suo perinde acquirat, ac seruus domino (e); nullusque suum quidquam habeat, sed omnia cunctis vnus eiusdem monasterii sint communia (d). Quin immo ne abbatis quidem concessione potest quilibet proprietatem sibi habere (f), nec etiam bona stabilia, nisi officialis erit monasterii sui, administrare (g). Vsum tantummodo eorum, quæ sunt vitæ ac studiis cuiusque necessaria, & suppellectilem statui paupertatis conuenientem, superioris per-

(a) Iis tamen Cardinalis Baronius fidem prorsus denegat ex silentio historiarum illius æui.

(b) Roderic. to. 1. *quest. regular. qu. 25. art. 3.*

(c) L. Deo nobis 38 §. 1. C. de episc. & cler. Nov. 123, *can. si qua mulier* 9, & *can. non liceat* 10 C. 19 *qu. 3.*

(d) Innoc. III in *cit. cap. cum ad monasterium* 6 de *stat. monach.*

(e) Vti mos fuit primitiue multitudinis credentium in ecclesia Ierosolymitana, traditus in Apostolorum Actis *cap. 2, & 4.*

(f) *Cit. cap. cum ad monasterium.* (g) Ex ante dictis num. 15.

permisso habent singuli, ea statim ac superior iusserit, relictori (a). Siquid vero sibi proprium aliquis inuito vel infcio superiore detineat: fracti voti reus vtriusque suffragii iure ad biennium privabitur, vel depositionem ab officio, aut eiectionem de monasterio, aliasque poenas regula sancitas pro modo prauaricationis feret; moriensque nisi res omnes numerato dimiserit, sepellitur extra cœmeterium (b). Nihil itaque suum habentes regularium personarum quum dare aliis nihil valeant: improba & inanis erit quævis ipsorum dispositio tam inter viuos, quam causa mortis (c), nisi communi collegialium consensu & accedente Sedis apostolicæ auctoritate fiat ob euentem monasterii necessitatem, vel utilitatem (d). Ad episcopatum promoti cuncta ante consecrationem quomodolibet quæsitæ, delatæque ad monasterium, quærenda dehinc pertinent ad ecclesiam (e). Res quidem remigrantis ad secularem vitam illi, a quo recesserit, monasterio adiudicat Iustinianus (f): nisi irrita ob vim, aliamue causam fuerit professio (g). De vno ad aliud monasterium quoque sponte sua transiens non defert secum, quæ ad primum antea detulerit: in transitu coacto & necessario vix vsusfructus posteriori monasterio ad vitam ipsius transeuntis conceditur (h). Quod vero ad iura sanguinis naturalia, quæ nequit humana status religiosi lex dirimere, in his est iuspatronatus gentilitium & familiare a personis ad monasterium non transfiliens (i): ea monachi annuente solum superiore probe exercent.

XXVIII.

- (a) Trid. in cap. nemini 2 sess. 25 de regular.
 (b) Cap. super 4 de statu monach. & Trid. in dicto cap. 2 sess. 25 de regul.
 (c) Can. quia 7 C. XIX qu. 3. Auth. inuressi C. de episc. & cler.
 (d) Extrauag. ambitioze de reb. eccl. alien. Clement. 1 cod. tit. & cap. un. §. confirmatos de religiof. domib. in 6.
 (e) Can. statutum 1 C. XVIII qu. 1. Fagnan. in cap. quæ in ecclesiis num. 80 de consl. (f) Cit. l. Deo nobis §. 2 C. de epif. & cler.
 (g) Cap. cum simus 14 de regularibus.
 (h) Roderic. quæst. Regular. to. 2 qu. 79.
 (i) Ex iis, quæ disserui in tract. de inrepatronatus cap. II n. 23.

XXVIII. Voto castitatis tanta vis est, ut ipso iure dirimat matrimonium, quod professus vel professa post illud iniuerit. Si priscos ecclesiæ mores inquiramus, patebit non interruptum fuisse Patribus studium tuendi sacram huiusce voti fidem inuiolabilem. Apostolico, totoque martyrum ævo ecclesiasticas & virgines & viduas extitisse, quæ castitatem profitebantur, dum ecclesiæ ministerio manciparentur, regularibus earum claustris nondum extructis, exploratata res est (a). Timotheum monuit Apostolus (b) ne viduas adolecentiores ministerio ecclesiæ dedicaret: cum enim (ait) luxuriantes fuerint in Christo, nubere volunt, habentes damnationem, quia primam fidem irritam fecerunt . . . iam enim quadam conuersæ sunt retro satanam. Quæ itaque semel Deo se deuouisset, mox eam fracta fide ad seculares nuptias demigratam proculdubio damnauit Apostolus (c). S. Cyprianus sacram virginem, quæ infida Christo fuerit, uti adulteram censuris poenitque grauioribus corripiendam censuit (d). Sacrilegas eiusmodi nuptias in viris pariter castitatem professus execrati semper sunt canones (e). Qui dixerint castitatem solemniter professos posse matrimonium contrahere, contractumque validum esse, eos anathemate contundit synodus Tridentina (f).

XXIX. Illicita solum, non irrita fuisse olim coniugia monachorum & monialium contendit cum suo protestantium agmine Binghamus (g) quum ex vetusto poenæ irritantis silen-

Tom. I.

Gggg

tio,

(a) Eas Christi sponsas appellat S. Cyprianus ep. 4, alias 62 ad Pomponium, can. nec aliqua 4, & seg. C. XXVII qu. I. Sozomenus lib. 8 hist. cap. 23, virgines ecclesiasticas, Socrates lib. 1 cap. 17 virgines in matricula ecclesiarum descriptas. (b) I ad Timoth. cap. 5 vers. 12, & 15.

(c) Eamque damnationem anathemate innouarunt Patres Carthaginenses in can. sicut bonum I C. 27 qu. 1, & S. Hieronymus in can. si nupseris 3 dist. 27. (d) S. Cyprian. in cit. can. 4, & 5 eadem C. & qu.

(e) Synodi Ancyranæ, Eliberitanæ, Carthagin. Aurelian. Toletan. ceteræ apud Gratianum eadem C. XXVII qu. 1 per totam. S. Augustinus, nubendi licentia (inquit) quibusdam tribuitur: illis videlicet, qui virginalem vel vidualem castimoniam nequaquam professi sunt; quibusdam autem non tribuitur, illis videlicet, qui virgines vel continentas esse decreuerunt.

(f) Trid. can. 9 de Sacram. matr. sess. 24.

(g) Bingham. tom. 3 lib. 7 cap. 4 §. 2, & segg.

tio, tum ex eo, quod synodus Chalcedonenſis, tametiſi non licere virgini Deo ſacræ, monachoue nuptias contrahere, indiſta excommunicatione ſanxit: tamen epiſcopo loci aucto-ritatem conceſſerit largiendi *conſentibus miſericordiam, humaniſareſque* (a). At quoniam nuptias illas ipſamet œcumeni-ſica ſynodus (b) perpetua ſeparatione, pœnitentiaque acerbio-ſſime ita diſſoluendas iuſſit, vt *nunquam amplius coniugali vincu-ſlo religari poſſent*: palam eſt (pace tanti viri) eas generali ecclēſiæ lege quinto ſaltem abhinc ſeculo fuiſſe inuálidas. Id vnum verofiſimilius crediderim in priſco more poſitum, an-ſtequam diſciplina regularium robur, protectionemque ab a-ſpoſtolica Sede acciperet, nonnullos epiſcoporum vſos aliquan-ſdo fuiſſe poteſtate ſoluendi vota religioſa, tunc epiſcopali ſo-ſlum auctoritate ac nexu colligata. Ique ſequebantur ſen-ſtentiam diui Auguſtini (c) coniugia vouentium caſtitatem minime diſſoluentis: contradicente in primis B. Hieronymo (d), qui apoſtolica damnatione vituperabat nubentes poſt votum virgines, tanquam adulteras & inceſtas. Niſi diſſen-ſtientes Patres in concordiam cum Gratiano (e) redigere ve-ſlimus, diſtinguendo votum profeſſione religionis vel ſacra ordinatione emiſſum a voto ſimplici, vt locus in hoc ſen-ſtentię Auguſtini, in illo autem detur Hieronymi.

XXX. Ratum quoque matrimonium, ante quam conſum-ſmetur, ſubſequens profeſſio religioſa diſſoluit inuito etiam coniuge, cui licebit ad ſecundas nuptias tranſire (f). Poſt conſummationem mutuo vterque conſenſu ad religionem mi-ſgrare poſſunt; vnus vel altera non item, ſi coniux ſuſpe-ſctæ continentię in ſeculo remanſerit: tunc enim de mona-ſſte-

(a) Chalcedonenſis *can.* 16, in *can. virginem* 12 C. 27 qu. 1.

(b) *Can. hi ego* 13 eadem C. & qu.

(c) *Can. quidam* 2 diſt. 27, & *can. nuptiarum* 41 C. 27 qu. 1.

(d) Hieron. in *can. ſi nupſerit* 5, & *can. virgines* 9 & vlt. diſt. 27.

(e) Gratianus poſt *can. 8 eiusdem diſt. 27.*

(f) Alex. III ad Salernit. archiep. in *cap. verum* 2 de *conuerſ. coniu-ſgator.*

sterio reuocabitur ad societatem coniugalem (a).

XXXI. Obedientiam non modo baptizati omnes communibus ecclesiae praeceptis, verum etiam subditi praelato quique suo debent iure diuino. *Obedite praepositis vestris & subiicite eis*; ipsi enim peruigilant quasi rationem pro animabus vestris reddituri, inquit Apostolus (b). Hanc vero spondentes speciatim singuli regularium obstringuntur voto facere cuncta superiorum iussa tam externos mores, quam interiorum animae directionem spectantia: quotiescunque iuri diuino, legibus, aut regulae statutis ea non aduersantur. Beguandos & Beguinas in Alemania delirantes eos, qui sunt in gradu perfectionis & spiritu libertatis, non esse humanae subiectos obedientiae, nec ad aliqua ecclesiae praecepta obligari; detortis in falsum illis Apostoli verbis, (c) *ubi spiritus Domini, ibi libertas*; profligauit in concilio Viennensi Clemens V (d). Apostolus porro de libertate a iugo legis Mosaeicae, peccatorumque seruitute loquutus inibi est, sicut & alibi (e). *Nunc autem soluti sumus a lege mortis, in qua detinebamur, ita ut seruiamus in nouitate spiritus, & non in uetustate litterae.* Pariter sa. mc. Innocentius XI. execratus est non absimile Michaelis Molinosi deliramentum (f) sic conceptum stultissime. *Praepositis obediendum est in exteriori; & latitudo uos obediendae religiosorum tantummodo ad exterius pertingit: in interiori uero res aliter se habet, quo solus Deus & director intrant.*

XXXII. Cum itaque religiosum obedientiae votum profitentes renuncient voluntati suae & voluntariam subeant seruitutem religionis, ut libertate spiritus aeternae saluti solummodo vacent: nec uelle nec nolle in humanis actibus fori exterioris habere dicuntur, & nihil probe aut valide, nisi

Gggg 2 ex

(a) Cap. 1, 3, & 4 eodem tit.

(b) Ep. ad Ephesos cap. 13 vers. 17. (c) Ep. 2 ad Corinth. cap. 3.

(d) Clementin. ad nostrum 3 de haereticis.

(e) Ep. ad Romanos cap. 7 vers. 5, & 6.

(f) Inter propositiones ab Innoc. XI damnatas num. 65.

ex placito, nutuque superiorum agunt in iudicio; quia mundo mortui putantur instar teruorum.

XXXIII. Tribus hucusque expositis votis communibus *Iesuitarum* Societas addit quartum propagandæ fidei apud infideles, animarumque salutis procurandæ; eamque ob rem ii speciale Romano Pontifici obedientiam spondent migrandi ad Indos, aliasque regiones vel remotissimas etiam Turcarum vel hæreticorum & quarumvis gentium, statim ac iusserit Pontifex aut Præpositus generalis (a). Aliud præterea votum habet de non acceptandis extra religionem dignitatibus, nisi præuia Romani tantum Pontificis dispensatione (b).

XXXIV. Clerici regulares *Teatini* ab episcopo Teatino Io. Petro Caraffa, qui solum pontificium adeptus Pauli IV nomen sumsit, & a S. Caietano Tienzo instituti anno 1524, strictiorem paupertatem vouent, quatenus nec possessionum fructibus, nec mendicando eleemolynas, sed spontaneis tantum oblationibus vitam alere suam; diuinæque providentiæ confidentes solum Deum & iustitiam eius quærere debeant.

XXXV. Hospitalitatis cura, ferendique opem peregrinis, infirmis,

(a) Eiusmodi institutum S. Ignatii probauit Paulus III const. *regimini*, 5 cal. Octobris 1540, Julius III const. *exposcit* 11 cal. Augusti 1550, Synodus Trid. in cap. nulla 16 sess. 25 de regularibus, Gregorius XIII const. *ascendente Domino* 8 cal. Iunii 1584, Gregorius XIV const. *ecclesia catholica*, 4 cal. Iunii 1591, & Paulus V const. 84. Innocentius X in const. *prospero, felicitique statui*, 1 Ian. 1646 statuit Congregationem generalem in Societate Iesu singulis nouenniis celebrari omnino debere cum nonis assistentibus: cetera officia triennium non excessura, & neminem dimisso officio ad aliud posse nisi post annum cum dimidio assumi. Alexander VII instante congregatione generali an. 1661 litteras Innocentii X quoad triennalem officiorum durationem, cessationemque ab officiis exacto triennio abrogauit, const. *debitum pastoralis officii*, 1 Ian. 1663. Iteratas dein postulationes Societatis pro abroganda necessitate conuocandi nouennalem Congregationem generalem, nouosque in ea assistentes deputandi Benedictus XIV in auro examine expendens, & incommoda frequentium eiusmodi congregationum, antedictas Innocentii X litteras quod etiam ad nouennales congregationes reuocauit, easque ad normam statutorum S. Fundatoris reduxit, celebrandas cum nouis semper assistentibus, const. *deuotam* 24, data 17 Decembris 1746, to. 2 Bullarii sui. Videbis dicta paullo superius num. 13.

(b) Urban. VIII in const. *vota* 173 to. 5 Bullarii Cherub.

infirmis, pauperibus, captiuis secernit *Hospitalarios* & *Eleemosynarios* diuerforum ordinum. In his primo fuere monachi & moniales Hospitalis S. Io. Hierosolymitani Eleemosynarii iuxta sepulcrum Christi Domini, Abbati S. Mariæ de Latina obediens, qui infirmos, egenosque peregrinantium ad loca sancta fouebant: mox adicitis militibus ad ea contra Saracenos tuenda equestrem ipsimet ordinem condidere. *Trinitarii* deinde pro redimendis a potestate paganorum captiuis tertiam partem rerum vndecunque sibi obuientium erogandi onus susceperunt. Mox *Congregatio S. M. de Mercede* ad idem redemptionis officium superaddita alumnos suos paganis obsoles offert pro liberandis captiuis in fide periclitantibus. Eleemosynariæ, hospitalesque domus *S. Antonii* Vienneſis in ordinem monasticum redactæ ab Honorio III anno 1215 ægros igne potissimum sacro tactos suscipiunt curandos. Fratres *Charitatis S. Io. de Deo* peculiari voto infirmos iuuant, eorumque corpora reficiunt (a). *Clericique regulares ministrantes infirmis* (b) in extremo præsertim agone moribundis animos erigunt contra nequissimum humani generis hollem.

XXXVI. *Clericos regulares* S. Maioli de Papia siue *Somaschos* educationi orphanorum, iisque ad pietatem, simul & litteras, artesque mechanicas informandis mancipatos voluit fundator annuentibus Paulo III, & IV (c). *Fratres*, siue *clerici viæ communis* a Gerardo magno Canonico Ultraieſtino & Aquilgranensi primum collecti, probante Gregorio XI anno 1376, percelebres olim in Belgio, & Germania scholas habuere, postea Iesuitis commendatas in catholicorum regionibus.

XXXVII.

(a) Supra laudati num. 8.

(b) A. B. Camillo de Lellis instituti, adprobante Xysto V die 18 Martii 1585, Gregorio XIV die 21 Sept. 1591, & Clemente VIII cal. Ian. 1600.

(c) Paul. III in *const. ex intincto* 21 to. 1 Bull. Pius V eos Regulæ Augustinianæ subiecit *const. iniunctum* 78. Mox multa ipsis privilegia indoluerunt Greg. XIII *const.* 4, Xystus V *const. æquum* 10. 2, & Clemens VIII *const. decet* 22 to. 3. Bull. Cher.

XXXVII. *Minimis fratribus* S. Franciscus de Paula cibos esuriales perpetuo indixit, præterquam grauiter ægrotantibus. Eamque austeritatem *Cartusiani* etiam, & *Camaldulenses* tenent, superaddito solitariæ vitæ instituto in semoris cellis ducendæ.

XXXVIII. *Equestres* præterea ordines permulti quum *militares*, tum *hospitalarii*, vt vel religionis causam vel regionum catholicarum fines contra barbarorum incurSIONES armis tuerentur vel hospitalitatem sacra potissimum loca visitantibus, infirmisque exhiberent: a Christianis Principibus summorum Pontificum consensione fundati sunt. *S. Georgii* equites imperiales Romæ primum a Constantino magno feruntur instituti anno 312 post debellatum cum Massentio tyranno: id quod negant recentiores. Ab eoque item Hierosolymis creatus ordo equitum *S. Sepulchri* ad illius custodiam anno 326, quem alii Carolo M., aliique Godefrido Bullionio, aut Balduino I fratri eius tribuunt. De Constantinianis eiusmodi ordinis equitibus aliquot hoc in regno creatis nuperrime dicam inferius.

XXXIX. *S. Lazari* Hierosolymitani equites hospitalarii primum curandis infirmis, præsertim leprosis solummodo adiecti, in oriente diui Basilii regulam profitentes, sedem seculo IV in Pelopponeso adepti sunt, mox ad occidentis loca propagati. Ob ereptam barbaris Ptolemaidem anno 1104 Balduino Rege Constantinop. primariam inibi fixere domum totius Ordinis caput, iam tunc equestri dignitate aduæcti. Eos in Italia vel suppressos ab Innocentio III, vel aggregatos Melitenensibus cum redintegrasset Leo X ineunte seculo XVI, & S. Pius V Hierosolymitano S. Io. Ordini aquasset omnino (a), & paullo post in Sabaudia Gregorius XIII adnexuit equitibus *S. Mauricii* a Duce Emmanuele Filiberto ortum ducentibus: iam inde Sabaudia Dux Magistri Ordinis SS. Mauricii & Lazari personam induit. Hoc in regno Neapolitano vt religiosi *S. Lazari* fratribus liceret leprosos a sanis te-

gre-

(a) S. Pius V *const.* 43 §. 12, in Bullario M. to. 4.

gregare, eosque vel inuitos in hospitalibus suis clausos alere, rescriptit Rex Robertus die 29 Aprilis 1311. Tum Comes S. Seuerinæ D. Andriæ Caraffa Prorex die 18 Decembris 1525 mandauit regni officialibus, vt ius redderet Vicario Alphonso Azziz eiusdem Ordinis Magistri, postulanti bona, hæreditatesque leproforum ad eam religionem ex priuilegijs Sedis apostolicæ pertinentia. Dein Dux Alcalensium Prorex quum retulisset Philippo II litteras S. Pii V nonnulla eisdem equitibus contra iurisdictionem regiam largiri, in diemque immodicos extra regulam creati equites S. Lazari, qui sibi exemptionem a foro laico etiam coniugati arrogabant: Rex die 12 Iulii 1568 rescriptit eos non admitte-dos amplius fore, deletisque cunctis antea gestis insignia, vestemque Ordinis cuique interdixit (*). Itaque abhinc omnino eliminati.

XL. In regionibus quoque Palestinæ seculo XI equestri Ordo SS. *Cosmæ & Damiani* plura extruxit infirmorum hospitalia, aliusque itidem militaris S. *Catarinæ* in monte Sinai protegendis peregrinis sepulcrum Domini visitantibus deuouit scilicet. Vterque versa ibi Christiani regni fortuna defecit.

XLI. *Melirensium equitum* Ordo S. Io. Baptistæ adhuc florantissimus ortum Hierosolymis habuit faustiore. Ecclesiam & monasterium S. Mariæ de Latina Ord. S. Benedicti, simul & hospitale ad peregrinos, infirmosque fouendos, & Capellam S. Io. Baptistæ quum ea in vrbe fundassent Neapolitani potissimum mercatores anno 1048; restituto post Christianæ reipublicæ regno Hierosolymitano ab legionibus Cruciatæ anno 1099; earum Dux Godefridus Bullionius, ceteri illius successoris piam liberalitatem æmulati hospitale S. Ioannis plurimis bonis, censuque ditarunt opifissimo, cuius regimen Fratres hospitalarii S. Ioannis consentientibus S. Mariæ de Latina monachis suscepere, specialem Sedis apostolicæ protectione.

(*) Hæc liquet ex monumentis Archiu. regii apud Bart. Chioccarelli. to. 10 lit. 3.

tionem adepti a Paschale II anno 1113, tum regulam a Calisto II probatam anno 1120, quæ eos tripartita est in equites fidem simul & peregrinos armis propugnatos, in fratres capellanos ad sacra faciendâ, & fratres seruientes. Anastasius IV anno 1154 hospitale ac religionem S. Ioannis Hierosolymitani sub immediata protectione Sedis apostolicæ suscepit, priuilegium exemptionis indulsit, electionemque Præpositi seu Magistri concessit fratribus eiusdem professis (a). Ioannes XXII anno 1318 eidem religioni militum S. Ioannis Hierosolymitani tunc habenti annalia beneficiorum vacantium accrescere fructus non residuum statuit (b). Pius IV anno 1560 priuilegia plurima, immunitates, exemptiones, iurisdictionem, ecclesias, & loca innumera a Xysto IV, Bonifacio VIII, Clemente V, Martino V, Pio II, Innocentio VIII, Alexandro VI, Leone X largita confirmauit, ampliavitque (c). Tum S. Pius V (d) eos ab Ordinariis locorum exemit citra curam animarum, sacramentorumque administrationem (e). Non nulla circa professionem & habitum declarauit, statuitque Gregorius XIII anno 1550 (f), nec non circa iurisdictionem Ordinariorum in corrigendis prauis moribus familiarium, ministrorumque (g), & præceptorias vacaturas per promotionem ad episcopatum (h). Xystus V cunctos beneficia, pensionesque militaris Ordinis S. Io. Hier. obtinentes etiam S. Romanæ Ecclesiæ Cardinales ad soluenda communis ærarii iura obstrictos voluit (i). Gregorius XIV exemptionem a soluendis decimis, aliisque oneribus confirmauit, ampliavitque M. Magistro & Conuentui facultatem de beneficiis disponendi: salua Or-

(a) Anast. IV in *const. christianæ* 2 to. 1 Bullar.

(b) Io. XXII in *const. exhibitæ* 5 to. 1 Bull.

(c) Pius IV in *const. circumscripta* 9, & *const. Romani* 29 to. 2 Bullar.

(d) S. Pius V *const. etsi cuncta* 77.

(e) Idem *const. exposuit* 136 to. 2 Bullar.

(f) Gregor. XIII *const. quo magis* 60 to. 2 Bull.

(g) Idem in *const. circumscripta* 67.

(h) Idem in *const. controuersia* 82, to. 2 Bull.

(i) Xystus V *const. æquum* 43 eodem to. 2.

Ordinariis locorum iurisdictione quoad personas curam animarum exercentes (a). Clemens VIII in crimine assassinii, antequam iudex laicus sententiam ferret, vel poenis afficeret sanxit declarationem eiusmodi criminis pertinere quoad militem S. Io. Hieros. ad Superiores ordinis (b). Urbanus VIII privilegia eis omnia confirmavit (c). Regressis ad loca sancta barbaris ipsi Cyprum demigrarunt, inde Rhodum incoluere annos tredecim supra ducentos, vnde Rhodii equites olim dicti, Cretam postea, hinc Viterbium, denique in Meditensem Insulam translati eis traditam a Carolo V Imperatore anno 1530. In octo linguas seu nationes distribuuntur, vnam Italiae; duas Hispaniarum, scilicet Castellae, & Aragoniae; tres Gallicanas, nimirum Prouinciae, Aluerniae, & Galliae; aliam Germaniae, postremamque Angliae: quarum singulae plures prioratus, baliatus, commendaeque habent.

XLII. Templarios Terra sancta item protulit seculo XII, ita dictos a templo Domini iuxta palatium Balduini II Hierosolymorum Regis erecto, qui Patriarchae Hierosolymitano anno 1118 polliciti viarum, peregrinorumque tutelam a praedonibus, regulam noui Ordinis militaris habuere a synodo Trecenti anno 1128 (d), crucemque ab Eugenio III rubram candidae vesti adfutam (e). Sensim dein eos aggeratis diuitiis nimium abusus, simul & in flagitiosa facinora collapsos quum extirpasset in concilio Viennensi Clemens V vrgente Philippo Pulcro Galliarum Rege: eorum domos re-

Tom. I.

Hhhh

ligio-

(a) Greg. XIV *const. quanta* 5. (b) Clem. VIII *const. aqua* 37.

(c) Urban. VIII *const. vniuersalis* 16 to. 4 Bull. Cher.

(d) Ei synodo praesedit Mattheus Cardinalis episcopus Albanensis Honorii II a latere Legatus, adfuitque S. Bernardus.

(e) Magistro & Fratribus militiae Templi in Italia constitutis, vt Praeceptores Domorum eius sua in iudicio iura experiri ne prohiberentur, Innocentius III rescripsit in *cap. cum deputati* 16 de iudiciis. De iisdem Templariis sermo est in *cap. ad sedem* 15 de restit. spoliat. *cap. patentibus* 10, & *cap. petitis* 20 de privilegiis. Honorius III Templariorum Ordinem in Liouonia propagatum memorat in *cap. ult. de purgat. vulgari*, quos ab Hierosolymitanis diuersos putat Cironius in *cap. 1 eod. tit. in quinta Decretalium compil.* ex eo quod inibi post Viennense Concilium perdurauerint ad haeresim vsque Lutheranam.

ligiosas, commendas & bona partim equites Rhodii seu Melitenfes obtinuerunt, partim Theutonici, alibique partim alii mox recensendi.

XLIII. *Theutonicorum Ordinis S. Mariæ*, declinante seculo XII, auctores fuere aliquot Germanorum nobiles, qui Hierosolymitanum B. Mariæ sacrum Xenodochium construxerunt emisso voto hospitandi nationis suæ pauperes, peregrinos & ægros, Cœlestino III adprobante, qui cuncta eis privilegia Templariorum & equitum S. Ioannis largitus est. Redux e Palestina Fridericus II nonnullis Theutonicorum eum comitatus Prussiam eo pacto, ut illinc ipsi extruderent idolatriam, concessit; ad eos ceteris e Syria profugis dein illuc commigratis. Mox a Borrussis res ipsorum sæpe turbatæ sic cecidere, ut dimissa Casimiro Poloniæ Regi *Prussia Regia* idcirco dicta, illius regionis reliquum sibi retinuerint. Demum plerisque ad Lutheri sectam execrabilem descitis pauci catholicam fidem seruantes in Alemaniam remearunt, domorum Ordinis sui commendarumque inibi ditissimarum potituri, in eorumque sodalitatem nonnisi magnorum Germaniæ Principum iuniores nati cooptantur.

XLIV. Gallia militum *Pacis & Fidei* Ordinem in Vasconia contra turbidos bonorum ecclesiæ, laicorumque direptores Auxitanus Archiep. Amaneus I, adsentientibus Honorio III, & Gregorio IX fundauit (a).

XLV. Maurorum incursionibus Hispania tres præcipuos equitum Ordines *Calatrauæ* (b), *S. Iacobi de Spas*
sha

(a) De quo Cironius in V *compil. Decretal.* ad cap. 1 de *treuga & pace*.

(b) Sangius III Castellæ Rex urbem *Calatrauæ*, finium Hispaniæ propugnaculum, sibi a Templariis iam enervatis, desidiis etque restitutam, concedidit B. Raymundo abbati *Fiterii*, celeberrimo in regno Nauarræ monasterii Cisterciensium, & Fr. Didaco Vela'squo bellica virtute clarissimo, primis religiosæ *Calatrauensis* militiæ institutoribus, ab Alexandro III confirmatæ, Bolland. ad diem 1 Febr. de B. Raymundo *Fiterii* abbate, P. Labbe in *originibus ordin. equestr.* Robertus Miraus, ceteri.

ba (a), & Alcantara (b) obiecit seculo XII. Supremumque omnium magisterium sibi, suisque successoribus vindicauit Ferdinandus V, cognomento Catholicus anno 1495. Hadrianus VI administrationem trium eiusmodi militiarum S. Iacobi de Spatha, de Calatraua & de Alcantara in regnis Hispaniarum Ord. S. Aug. & Cisterciensis Regiæ Coronæ concessit cum omnibus iuribus, quæ magni ipsarum Magistri consueuerunt habere (c). Calatrauensibus Ordo Montefia (d), qui dudum in regno Valentia floruit, mox adnexus. In Albigenes, qui Tolosam in primis lethifera lue inuaserant, sacram S. Dominici militiam cruce signatam indixit Innocentius III anno 1210, cui ducem dedit Simonem Monfortii Comitem (e): eique vires adiunxit suas S. Ludouicus Gallia Rex cohortante Gregorio IX (f). Aliamque S. Maria Rosarii simul equestrem adiecit Fridericus archiepiscopus Tolertanus anno 1235. In Aragonia extinctis Templariis equites SS. Saluatoris Montisfregalis sunt continuo suffecti eodem synodi Vienne

H h h h 2

nenfis

(a) Alexander III anno 1175 militem Ordinem S. Iacobi de Spatha probauit *const. Benedictus* 5 to. 1 Bullar. Ad magistrum & Fratres militie S. Iacobi de Spatha (qui scilicet tuerentur armis Compostellanam S. Iacobi peregrinationem) Innocentius III rescripsit in *cap. vestra* 7 de *cohabit. cleric. & mulier.* ibique Gonzalez. Sunt, qui antiquiorem putant institutionem equitum S. Iacobi, eam tribuentes Ramiro Castellæ Regi an. 846. Huius militie fratribus facultatem testandi ac disponendi indulsit Clemens VII *const. ex apostolica* 31 to. 1 Bull. Cherub.

(b) Hos S. Iuliani de Pereira primo nuncupatos voluit Gomesius Fernandez, a Ferdin. II Aragonio protectos, probatosque ab Alex. III an. 1177, quoadusque vrbis Alcantara potiti sunt beneficio equitum Calatranæ. Iisdem de Alcantara militibus & ecclesiis Leo X omnia indulta, priuilegia, indulgentias ordinis Cisterciensis largitus est, in *const. in apostolica* 44, to. 1 Bullarii.

(c) Hadrian. VI in *const. dum intra* 1, data 4 Maii 1526 to. 1 Bullarii.

(d) A Ioanne XXII, postulante Aragonio Rege, fundatos anno 1317, sub titulo S. Maria & S. Georgii, qui primarium in Montefia vrbe Aragonensi domicilium habuit, vti tradit Mariana lib. 15 cap. 16. Alium id genus Ordinem S. Georgii, qui iamdudum desinit, Rüdolphus Aufpurgensis Imp. I Austriacus instituit anno 1280, ad fines Alemaniz, Vngariæque propugnandos, vel Fridericus IV Imp. vt ferunt alii, exeunte seculo XV.

(e) De ea N. Alexander in *hist. sev. XIII cap. 3* §. 4.

(f) Raynald. in *annalib. ecclesiast. ad an. 1228.*

nensis anno 1311, quibus postmodum defectis bona ad Aragonios Reges cuncta obuenerunt. Ad interitum alii quoque Hispani properarunt Ordines equitum *Columbæ* a Ioanne I Castellæ Rege, & *Draconis euerſi* contra hæreses ab Alphonso V Aragonio instituti anno 1420.

XLVI. *Aurei velleris* ordinem amplissimum die 10 Ianuarii 1429 fundauit Burgundiæ Dux Philippus, cognomento *Bonus*, instituitque ad fidei christianæ tuitionem celebrem societatem eiusmodi nobilium militum sub titulo *velletis aurei* pro triginta fratribus militibus, & vno capite seu Primato, qui pro tempore Dux Burgundiæ, & heres suus legitimus, ac in ordine trigessimus primus foret; cum vno Cancellario, Thesaurario, Secretario, ac Heraldico; eamque diuersis honoribus, privilegiis exemptionibus & libertatibus decorauit; & ad incitandum animum illius fratrum militum ad virtutem, probitatem, fortitudinem, moresque componendos, & vitia detestanda, nonnulla laudabilia statuta & ordinationes, inter cetera, quod numerus fratrum dicti Ordinis numerum maiorem quam triginta non excederet; & nihil quod ad forum, vel iudicium ecclesiasticum spectet continentia, quæ singuli Confratres in eorum assumptione sub fide & verbo nobilis viri obseruare promitterent, fecit & edidit; illaque apostolica auctoritate confirmari procurauit. Tum postulante Carolo V Hispaniarum & vtriusque Siciliæ Rege, Burgundiæ Duce, & Archiduce Austriæ Leo X auctoritate apostolica societatem eiusmodi equestrem, eiusque statuta confirmauit, & numerum triginta ad *quinquaginta* fratres ipsius Ordinis præter illius Primatem extendi posse decreuit. Simul indulſit *Primate*, *Cancellario*, *Thesaurario*, *Secretario*, & *Heraldo* eiusdem Ordinis præsentibus, & futuris, eorumque coniugibus, & vtriusque sexus liberis, ut *Cancellarius* ipsius Ordinis pro tempore existens ad sacerdotium rite promotus, seu presbyter idoneus per ipsum ad hoc deputandus ipsos & eorum singulos ab omnibus & sin-

& singulis excommunicationis, suspensionis, & interdicti, aliisque ecclesiasticis sententiis, censuris & pœnis a iur vel ab homine latis & promulgatis, ac votorum quorumcunque, & mandatorum ecclesiæ transgressionibus, manuum violentarum in quasvis personas, non tamen pontificali, aut superiori dignitate fulgentes iniectionibus, ieiuniorum & pœnitentiarum eis iniunctarum in toto vel in parte omissionibus, & peritiorum, & homicidii voluntarii, mentalis, seu casualis, non tamen presbytericidii seu clericidii, necnon adulterii, incestus, sacrilegii, & fornicationis reatibus, & omnibus & singulis aliis eorum peccatis, criminibus, excessibus & delictis, quantumcunque gravibus & enormibus, & dictæ Sedi qualitercunque reservatis, exceptis contentis in Bulla in die cænæ Domini legi consueta; de quibus ore confessi & corde contriti fuerint; de reservatis videlicet semel in anno, & in mortis articulo; de aliis vero eidem Sedi non reservatis casibus, quoties opus fuerit, absolvere; ac eis & eorum cuilibet pro commissis debitam absolutionem impendere, & pœnitentiam salutarem iniungere, necnon vota quæcunque per eos pro tempore emissa (ultramarinæ visitationis liminum Beatorum Apostolorum, ac S. Iacobi in Compostella, necnon castitatis, & religionis votis exceptis) in alia pietatis opera commutare, ac iuramenta quæcunque, ex quorum relaxatione alteri præiudicium non generetur, relaxare; necnon semel quolibet anno, & in mortis articulo, etsi mors non subsequatur, plenariam omnium peccatorum suorum remissionem & absolutionem, ita ut huiusmodi plenaria remissio in ipso mortis articulo eis suffragetur, dicta auctoritate apostolica impendere possit, quodque liceat eis & eorum singulis habere altare portatile cum debitis reverentia & honore, super quo in locis ad hoc congruentibus & honestis, & etiam ecclesiastico interdicto ordinaria vel apostolica auctoritate suppositis, dummodo causam non dederint eiusmodi interdicto, nec eis specialiter interdictum sit, ac fecerint quantum in eis fuerit, ut in his, propter quæ interdictum ipsum dicta auctoritate apostolica pro-

tem.

tempore appositum fuerit, paritio fiat, & ea executioni debitæ demandentur, ac per eos non steterit quominus pareatur; & etiam antequam illucescat dies, circa tamen diurnam lucem, ac etiam circa vel post meridiem, per proprium, vel alium sacerdotem idoneum in sua, & cuiuslibet, & ipsorum familiarium domesticorum, parentum, consanguineorum pro tempore existentium præsentia missas; & alia diuina officia celebrari facere, & tempore interdicti huiusmodi in ecclesiis ianuis clausis diuinis Officiis interesse, & illa (vt præmittitur) celebrari facere; nec non si eos tempore interdicti huiusmodi decedere contingat, eorum corpora ecclesiastica sepulturæ (sine tamen funerals pompa) tradi; ipsisque Eucharistiam, & alia ecclesiastica sacramenta a quocunque presbytero idoneo, ubicunque voluerint, saluis iuribus parochialium ecclesiarum, & in die Paschæ recipere, ac sacerdotibus eligendis huiusmodi, vt Missas & alia diuina Officia (vt præmittitur) celebrare libere & licite possint; quodque vnâ vel duas ecclesias, seu vnum vel duo altaria vnus vel diuersarum ecclesiarum in partibus, ubi singulos eorum residere contigerit, per eos & eorum quemlibet eligendas seu eligenda, Quadragesimali & aliis diebus stationum ecclesiarum vrbis & extra muros, eas visitando, omnes & singulas indulgentias, & peccatorum remissiones tam plenarias consequantur, quam consequerentur, si eisdem diebus omnes & singulas stationum huiusmodi, ac septem principales, necnon S. Mariæ de Populo, & Sancti Gregorii intra; ac capellæ Scalæ Cæli extra muros huiusmodi Vrbis ecclesias personaliter visitarent. Necnon tam quadragesimalibus butyro, caseo, & lacte, quam aliis anni temporibus & diebus prohibitis eisdem butyro, caseo, ovis, lacte, & aliis lacticiis; ac tempore necessitatis de vtriusque medici consilio carnibus absque conscientia scrupulo viri & velsi libere & licite valeant, apostolica auctoritate prædicta, de speciali gratia indultit. Ac singulorum prædictorum vxoribus, & filiabus, vt cum aliquibus aliis honestis mulieribus monasteria Monialium S. Clare, & aliorum Ordinum quorum-

Liber I. Tit. XXXII, & ult. De regularibus. 617
tuncunque, & etiam inclusarum ter, aut quater in anno, de
licentia tamen earum, quæ dictis Monasteriis præfuerint, in-
grediendi, & cum eisdem Monialibus refectionem suscipiendi
(dummodo ibi non pernoctent) auctoritate apostolica licentiam
& facultatem concessit (a).

XLVII. Sacros milites Christi adhuc habet Lusitania, a
 Dionysio I Lusitano Rege in Castromarino Algarbiorum primo
 locatos, translatosque inde Tomarium, crucem rubram albis
 interfectionibus intextam ferentes (b), quibus bona Templariorum
 eius regionis addixit Ioannes XXII anno 1319, Regemque
 Lusitanum Iulius III dedit supremum perpetuo Magistrum
 anno 1550.

XLVII. Non vnus pariter in Italia stetit Ordo militaris
 in hostes Romanæ ecclesiæ, fideique propugnaturus, quoad eorum
 vires deprimerentur. *Fratres gaudentes S. Mariæ gloriosæ,*
 qui pacem tuerentur aduersus Ghibellinorum, Guelforumque
 turbas, a Bartholomæo Ord. Præd. Vicentino episcopo delecti
 anno 1233, ab Urbano IV ad regulam Augustinianam redacti
 anno 1261 (c). Equites SS. Petri & Pauli Leo X
 primum anno 1520, tum Paulus III anno 1540 conscripsere
 in hæreses tunc temporis maxime grassantes. Ceteri, quos
 longum esset singulatim cunctos memorare (d).

XLIX. Vt innumeros tot regnorum Ordines eximios
 præteream abs re nostra quidem alienos: haud iniucundum
 erit cursim percurrere Neapolitanos insigniores. In primis
 equites *Luna* Carolus I Andegauensis delegit anno 1268,
 instauratos post ab Ioanne Andegauensi Renati filio anno 1448.
 II, Ordinem *Nodi* a Ludouico Rege, Ioannæ I secundo viro,
 ornatum laqueo aureo & argenteo vel pectus (e), vel
 bra-

(a) Leo X in *const. præclaræ*, quam dedit Romæ 6 idus Decembris 1516.

(b) Mariana lib. 15. cap. 16.

(c) Videlicet Girardacum in *hist. Bononiensi*.

(d) De iis est consulendus Petrus Eliæ in *hist. Ord. monast. religios. & militar. & Congr. secular. virinſq. sexus*.

(e) Constantius lib. 6 *hist. Neap.*

brachium circumdante (a). III, Alium *Nauis* S. Nicolao archiepiscopo Mirensi sacrum condidit Carolus III Dyrrachienfis anno 1381. Quartum *Ergatæ* Ladislaus, & Margarita parens eius anno 1388. Quintum *Leanae*. Sextum *Arrellini* Ferdinandus I Aragonensis anno 1483.

L. Nouissimum *diui Ianuarii* huius vrbis, regnique patroni eximium Ordinem LX equitum, egregio *Velleris auei* similem, instituit anno 1741 Rex Carolus D.N. semetipsum, suosque successores Caput eorum & Primatem faciens, ad religionis catholicæ tutelam & propagationem, Christianæque pietatis augmentum: multis ab apostolica Sede gratiis auctum, scilicet eligendi sibi Confessarium ab Ordinariis adprobatum, ab eoque absolutionem a casibus Sedi apostolicæ reseruatis semel in vita & in mortis articulo, atque a non reseruatis qualibet vice obtinendi; nec non commutationem votorum simplicium, exceptis quinque superius enumeratis (b); & plenariam tum in mortis articulo indulgentiam, tum cunctis per annum diebus S. Ianuarii festis, etiam infra Octauas, audiendi Missam in priuato Oratorio quisque suo, vna etiam ante auroram vel post meridiem hora, dum aliqua vrgeat necessitas; lucrandi quoque indulgentias visitantibus stationes Basilicarum Romæ largitas, quotiescunque vnâ, pluresue ecclesias, Capellasue vbicunque positas ii visitauerint; & comedendi nedum oua & lacticia, sed carnes etiam adhibito vtriusque medici consilio cunctis Quadragesimæ diebus, præterquam die cinerum, hebdomada maiore, vigiliis Natiuitatis Domini, Pentecostes, SS. Petri & Pauli, & Assumptionis B. M. V. & quatuor temporibus. Hæc liquent ex apostolicis literis in formâ breuis a Benedicto XIV datis die 30 Iunii 1741, ad quas regium accessit placitum.

LI, *Constantiniani* etiam Ordinis equites aliquot creauit idem Rex noster Carolus, tanquam Dux Parmensium. Tametsi

(a) Engenius in *Neap. sac. de Ord. Nodi*.

(b) *Hoc tit. num. 46 pag. 615.*

metui non liquere satis ordinem istum a Constantino M. institutum paulo superius praeponui: tamen in aula Imperatorum Orientis effuluisse imperantibus praesertim Palaeologis tradit historia. Tum eversa inibi Christiani nominis fortuna, Iohannes Andreas Angelus Flavius Comnenus ex Palaeologis ortus, Macedoniae Princeps nuncupatus, & Magnus Magister Militiae aureatae Constantinianae sub titulo S. Georgii & regula S. Basilii M. solus familiae suae Angelae Flaviae Comnenae superstes sine spe liberorum, cupiens dari successorem sibi praevalidum, Franciscum Parmesium Ducem, eiusque successore natis, nepotibus, descendantibus, aliisque ipsius Francisci, familiae Farnesiae successoribus Parmae & Placentiae Ducibus pro tempore existentibus, officium seu munus praedictum Magni Magistri seu perpetui administratoris aureatae militiae Constantinianae, reservato Sedis Apostolicae beneplacito, resignavit. Cuiusmodi resignationem Innocentius XII confirmavit pontificiis litteris in forma Brevis die 24 Octobris 1699. Exinde Parmesium Dux Franciscus summum se ipsius ordinis Magistrum & Primatem gerens, nonnullas fundavit commendas equitibus distribuendas. Cumque Dux idem sacro bello in Turcas contulisset duo millia equitum anno 1716: factum inde est, ut eo flagitante Papa Clemens XI qui Cardinalis Protector ipsius Militiae Sacrae fuerat, iterum probaverit auctoritate apostolica an. 1718 equestrem huiusmodi Ordinem Constantinianum sub tit. S. Georgii martyris confirmari eidem Duci Parmesium, eiusque successoribus in perpetuum dignitatem Primatis, supremique Magistri cum arbitrio deligendi equites Confratres. Simul indulgit perpetuam ei, eiusque successoribus iamdictis facultatem erigendi & instituendi novas etiam commendas, Cappellas & ecclesias, easque eidem Militiae perpetuo incorporandi, nec non reservandi fundatoribus ac dotatoribus commendarum inspatronatus, & instituendi auctoritate apostolica personas idoneas ab his praesentandas: exemptionemque ab Ordinariis loco-

rum. Præterea erexit Parmensem Ecclesiam B. Mariæ della Steccata in ecclesiam & Sedem Conuentualem eiusmodi sacre equestris Religionis Constantinianæ, aliaque plura concessit, quæ sacras Magni Magistri vestes & insignia, & ritus celebrandi diuina attinent (a). Tum Pontifex idem die 15 Iunii 1720 plenariam perpetuo indulgentiam concessit omnibus vtriusque sexus fidelibus visitantibus eam conuentualem Ecclesiam Parmensem B. M. della Steccata in festis diebus Conceptionis & Annunciationis B. M. V. & SS. Georgii & Basilii (b). Farnesianis iuribus ad Regem nostrum Carolum materno sanguine delatis Rex idem Constantiniani Ordinis Magnus Magister plures Equites in eundem Ordinem cooptauit. Nec non perpetuam commendam annuorum ducatorum trecentum a Tullio Canale ciue Cauense fundatam tibi, suisque descendentibus masculis lineæ tantum virilis erexit anno 1762: eo pacto vt iis deficientibus ad Ordinem Constantinianum deuoluatur, in eaque ipsum equitem dotantem primo instituit (c).

LII. Huiusmodi equestres Ordines & religioso & seculari statu *mixtos* dixerim, discreturus eosdem ab Ordinibus Equitum sincere profanis, licet sacra cærimoniarum specie, decorisque insigniis & privilegiis ab apostolica quoque Sede concessis vtentium. Hos quippe nullis regularibus votis, nec sacre militiæ obstrictos instituendi mos Regibus ideo fuit, vt vel discrimen haberent stirpes procerum nobiliores, vel virtuti stimulus, premiumque honoris accederet.

LIII. Status religiosi leges inspiciendæ supersunt. Forma re-

(a) Hæc omnia liquet ex Clementis XI *const. militantis*, data 6 Cal. Iulii 1718, quam exscriptam habet Io. Christ. Lunig *to. 4 Codicis diplomatici Italiae sæcl. 4 num. 9 pag. 1439*, & ex *to. 7 historię delle guerre di Europa*, quam conscripsit Comes & Marchio Franciscus Maria Ottieri a typis Romæ editam anno 1756.

(b) Ex aliis Clementis XI litteris datis die 15 Iunii 1730, apud Lunig *ibidem num. 10 pag. 1446*.

(c) Id liquet ex Regis rescripto die 18 Octobris 1762 dato ad Comes Maratianum & Tarasconem.

regiminis initio monarchica summum abbatibus arbitrium tribuens (a) paulatim in aristocraticam deflexit, maxime firmatam ab Innocentio III in concilio Lateranensi IV (b): dum constituit ut comitia regularium generalia singulis trienniis haberentur, obseruantiam regularem instauratura & moderatura collatis abbatum, priorum, aliorumque vocalium consiliis & suffragiis. Tamen si vero quisque professus debet obedientiam singulis ordine præpositis suis exhibere: tamen isti communes monasteriorum res agere, eoque minus distrahere sine fratrum consensu nequeunt (c).

LIV. Abbates, aliaque monasteriorum officia obeuntes eligebant olim episcopi (d), quoadusque diuus Gregorius M. & Pelagius iusserunt non alios fore abbates præficiendos, nisi quos concors fratrum societas delegerit (e), expertis arbitrio eos canonice semel electos amouendi (f). Priores etiam canonica capituli electione institutos destitui sine causa interdixit Alexander III in concilio Lateranensi (g). Secus est in aliis ministeriis, quippe quæ nutu superiorum uti conferuntur, ita reuocantur: eaque idcirco *obediencias* appellant. Modum celebrandi electiones in capitulis regularium præscribere primum synodus IV Lateranensis (h), & Tridentina (i) mox peculiare cuiusque ordinis pontificiæ constitutiones, quibus fundatorum regulæ probatæ, reformatæque sunt.

LV. Hac etiam synodo cautum, ut episcopus, aliusue superior præsit electionibus abbatissarum; secreta singularum monialium suffragia audiens vel accipiens ante fenestellam

... Iiii 2

... clau-

(a) Vti superius dictum hoc tit. n. 4.

(b) Innoc. III in cap. in singulis 7 de statu monachorum.

(c) S. Greg. M. in can. quæsti nobis 41 C. XVII qu. 4, Alex. III in cap. continebatur 2 de his sunt a praelatis sine consensu capituli. Conc. Later. sub Alex. III in cap. 1 de his qua sunt a maiori parte Capituli.

(d) Toletana Synodus IV. in can. 1, & Aurelian. in can. monasterium 17 C. 18 qu. 2.

(e) Can. 2, 3, & 4 eadem C. & qu.

(f) Pelagius in can. 9 eadem C. & qu.

(g) Cap. monachi 2 de stat. monacho.

(h) Cap. in singulis 7 eod. tit.

(i) Trid. in electione 6 sess. 25 de regularibus.

clausuræ cancellis munitam: utque non minores annis 40, quæ a professione octo annos probe vixerit; iisque deficientibus tricenariæ saltem spectatis per quinquennium moribus religiosis deligantur (a).

LVI. In regularia superiorum munia, dignitatesque non paucis extra ordinem per Curiam Romanæ rescripta irrepen-
tibus, qui nimirum votis Fratrum in electionibus canonicis diffident: intercessit Rex Carolus D. N. ad postulata Fratrum Minimorum, mandavitque cl. me. Troiano Cardinali Aquavivæ suo apud Sedem apostolicam legato die 26 Septembris 1741, ut summo Pontifici panderet suum Regis studium pro libertate regularium capitulorum tuenda in electionibus. Pontifex autem optimus animum suum ea in re esse Regi concordem, & illuc pronum, ut integra semper sit regularium Ordinibus libertas eligendi superiores, & cuiusque statuta serventur adamussim, respondit. Hæc habet epistola pontificia a Secretis Status ad eundem Cardinalem Aquavivam data die 7 Octobris 1741, cuius exemplum est regio rescripto ad Curiam Capellani Maioris transmissum die 28 eiusdem mensis (b). Sunt ita perturbati hoc in regno cuniculi ambientium regularia, contra regulam officia.

LVII. Professio religiosa quum habeat vim contractus
vltro

(a) Idem in sequenti cap. abbatissa 7.

(b) Verba epistolæ sunt. Dalla lettera del Signor Duca di Salas de' 26 Settembre scritta a V. Em. d'ordine del Re delle due Sicilie, e ch'ella si è compiaciuta di comunicare al Signor Cardinale Segretario di Stato, ha questi preso moio di riferire a nostro Signore i regali sentimenti degni della giustizia e pietà della M. S. la quale tanto s'interessa, perchè i religiosi Minimi, ed altri Ordini regolari de' suoi domini si lascino in piena libertà di eleggere ne' loro rispettivi capitoli i propri superiori, e procedere alle provviste dalle cariche senza restrizioni, in virtù di Brevi Apostolici: e S. Beatitudine, la quale ha goduto di simil rappresentanza, si è con tutta benignità spiegata d'essere egualmente propinsa a secondare nelle future occasioni quelle savie massime della M. S. le quali concordano appunto coi sensi dell'animo apostolico della Santità sua inclinata sempre al mantenimento della libertà delle sudette elezioni, e della osservanza delle costituzioni di ciascuna Religione. Si partecipa dunque all'E. V. in tal guisa la sovrana mente Pontificia, perchè possa servirle di norma in dar risposta alla detta lettera che si rimanda &c.

vitro citroque obligantis: nonnisi mutuo singulorum profitentium & religionis consensu perficitur. Hunc vero consensum dare vel ad monasterii seu conuentus capitulum, vel ad solum pertinet abbatem, seu superiorem conuentus (a).

LVIII. Vicissim fieri monachos nedum professione propria, sed paterna quoque deuotione canones iubebant antiqui (b): adeout impuberes a parentibus monasterio traditi prohiberentur ad seculum regredi (c), eosque insciis, inuitis parentibus ingressos isti ad se auocandi potestatem haberent (d). Disciplina recentior minores, nisi post pubertatem sponte sua ipsi paternam firmassent oblationem, noluit nexu religionis obstrictos (e). Maioremque annis 18 ætatem præxit profitentibus regulam duriores (f). Demum Tridentina synodo constitutum, vt in quauis religione qua virorum, qua virginum nonnisi post decimum sextum ætatis annum expletum, decursumque simul probationis annum professio fiat, alias habeatur irrita (g). Hocce decretum abrogauit decretales Innocentii III (h), & Bonifacii VIII (i) non irritantes vota professorum. Solemnia vel intra curriculum tyrocinii emissa, vel neglecta claustrali probatione: quemadmodum nec tacitam professionem ex spontaneis professorum gestis officiis, eorumque habitus gestatione præsumtam (l).

LIX. Inuitos profitentes ad statum religiosum retinendum lex non cogit (m): sed professionem vi, metuue graui, qui vel constantem virum perterreat, admissam dissoluit. Quique virum vel mulierem ad statum religiosum adegerrint,

- (a) Cap. ult. de regularib. in 6. (b) Apud Gratianum *Causa XX qu. 1.*
 (c) Can. 3, & seqq. eodem C. & qu. (d) Can. 1, & seqq. C. XX qu. 2.
 (e) Alex. III in cap. ad nostrum 8, & cap. significatam 11 de regular.
 Alex. IV in cap. i eod. tit. in 6. (f) Cap. quia 6 de regularibus.
 (g) Trid. in cap. in quacunque 15 sess. 25 de regular.
 (h) Cap. ad apostolicam 16, & cap. sicut nobis 17 de regular.
 (i) Cap. constitutionem 3 eod. tit. in 6.
 (l) Honor. III in cap. ex parte tua 22, & cap. vidua 4 de regular. cit. cap. constitutionem 3, & cap. vn. de statu regular. in 6.
 (m) Can. 1, & seqq. C. XX qu. 3.

rint, vel contra diuertant ab eo, in excommunicationem ipso facto incidunt (a).

LX. Per vim ac metum, vel ante legitimam ætatem, aliamue ob causam (b) lege aut statuto probatam irrita vota professis non licet proprio Marte in seculum abscedere: sed ipsimet debent intra quinquennium a die professionis iudicium nullitatis coram diocesano episcopo, lociue ordinario, simul & superiore monasterii, in quo sint professi, rite instruere (c): expensas interea litis, alimentaue a monasterio suo accepturi, non secusquam a parentibus filii, & a dominis serui de statu colligantes iure accipiant. Postea non audiuntur, nisi ab apostolica Sede restitutionem in integrum obtinuerint aduersus lapsum quinquennii, quæ solet recognita indulgeri. Scilicet reclamantis preces ad S. Congregationem Concilii Papa remittit, hæc ad diocesenum episcopum litteris mandantibus, vt is cum regulari superiore monasterii iudicialis probationes expositæ nullitatis rite accipiat, easdem cum relatione ac voto suo ad eam inde transmissurus. Et vbi res ita postulauerit, secundum S. Congregationis sententiam apostolicæ litteræ in forma Brevis expediuntur, in integrum restituentes oratorem, vt sua valeat iura experiri apud eosdem loci ordinarium, superioremque regularem, non obstante quinquennali silentio. Sed obstat haud semel reclamantibus ratihabitio professionis quum expressa, tum tacita (d). Qui religiosam abiecerit vestem arbitratu suo, nedum non auditur, sed eam resumere atque ad monasterium redire cogitur vt fugitiuus vel apostata (d).

LXI. Benedictus XIV saluberrimam edidit constitutionem de ordine seruando in causis super nullitate professionis

re-

(a) Trid. in cap. anathemati 18 sess. 25 de regular.

(b) Pota ob furorem, mentemque non sanam, ex cap. sunt 25 de regular, aut eam corporis infirmitatem, morumque noxam, quæ iuxta regulam inhabiles, ineptosque reddit ad statum religiosum.

(c) Trid. in cap. quicumque 19 eadem sess. (b) Cap. 1 de regularibus in 6.

(d) Cit. cap. vn. de stat. reg. in 6.

regularis. In primis enim decreta vniformia S. Congregationis Concilii probans declarauit causas eiusmodi tam a regulari professio, quam a religione ob aliquod impedimentum dirimens a proficiente non reuelatum, deductas in iudicium intra quinquennium cognoscendas esse ab Ordinario loci vna cum Superiore regulari. Quinquennium vero computandum semper a die professionis, etiamsi metus ultra quinquennium perseuerauerit, impediens professio liberam interea facultatem reclamandi. Quod coeptum semel iudicium, serioque intentatum a reclamante intra quinquennium, deinde desertum diu possint iidem ambo iudices post quinquennium cognoscere ac definire. Quod superior cum loci Ordinario coniudex censeatur non generalis ordinis moderator, nec provinciae rector, sed abbas vel guardianus vel prior vel quouis nomine praepositus seu rector illius coenobii, in quo reclamans professionem emisit, quique regimen ipsius coenobii exerceat, dum causa nullitatis professionis in iudicium deferretur. Monialium vero intra quinquennium reclamantium causas, ubi monasterium Ordinario loci subiectum immediate sit, quum nullus adsit superior regularis, Ordinarium solum audire ac iudicare. Si autem regularium regimini subsit monasterium: tunc vna cum Ordinario regularem superiorem ipsius monasterii, non confessarium regularem partes coniudicis adsumere. Quod superior regularis nequeat sese ab officio coniudicis abdicare, solique Ordinario loci illud dimittere: sed possit pro se alium subrogare vel *regularem*, vel *ecclesiasticum secularem* iuris canonici peritum, qui vna cum Ordinario iudicis partes exerceat. Dissidentibus inter sese iudicibus ipsis causam tunc deuolutam censi ad Sedem apostolicam (a).

LXII. Moniales praesertim in Italia contra professionem suam aut raro aut nunquam reclamare consueuerunt. Muliebri porro libertati satis consuluit Tridentina synodus cauens, vt singularum Deo dicandarum voluntas, conditionesque

(a) Benedic. XIV in *const. so datam 27. 10. 1 Bull.*

necessariæ, antequam ad profitendum accedant, ab episcopis explorentur diligentissime (a). At perinde fœminis atque viris professis ius reclamandi contra suam nulliter initam professionem a synodo Tridentina datum, aperte docet Benedictus XIV. Quia licet in littera Tridentini decreti (ait) *virorum regularium duntaxat mentio fiat*, nihilominus etiam fœminæ religionem professæ comprehenduntur: quum ex regulis iuris masculinum genus etiam fœmininum includat, ubi una eademque causa pro fœminis æque ac pro masculis militat (b).

LXIII. Ceterum sicuti cunctis novitiis fas est, quandoque libuerit, ad seculum dimissa veste religiosa remeare (c): ita femel professus nefas, quippe qui perpetuo manere in vocatione sua eatenus obstringuntur, ut aufugientes, aut secularem adpetentes vitam pœnas apostatarum peracerbas fubeant (d). Quin prohibentur omnino regulares a conventibus suis prætextu etiam adeundi superiores, nisi ab his vocati aut missi, discedere (e). Superioribus vicissim non licet nisi processu rite instructo secundum canones & constitutiones quemlibet regularem professum eiicere (f). Verum apostatas, fugitivos, eiectos quoque quotannis ut redeant, monendos iussit Gregorius IX (g).

LXIV. Vix transitum ad strictiorem religionem, petita quamvis non obrenta superiorum licentia, indulgent canones (h): secus ad laxiorem (i), nisi ex speciali apostolicæ Sedis dispensatione (l). Si vero quis vouisset simpliciter strictio-

(a) Trid. cit. cap. quicumque 19.

(b) Bened. XIV in cit. const. si datam 47 to. 2 Bull.

(c) Trid. in cap. libertatis 17 eadem sess.

(d) Cap. consulti 20 de regular. Trid. in cap. nulla quoque 16 loc. cit.

(e) Cap. 1, & seqq. de apostatis. Trid. in cap. quicumque 19.

(f) Punientos, non eiiciendos fore delinquentes Regulares sanxit Trid. in cap. 14 sess. 25 de regul. ibique Gallenart. Bened. XIV in const. si datam 47 to 2 Bull.

(g) Trid. ibidem in cap. prohibet 4.

(h) Cap. de religiosi 24, & ult. de regularibus.

(i) Cap. sane 10 eod. tit.

(l) Cap. licet quibusdam 18 eod. tit. & Trid. in cap. quicumque 19 sess. 2.

Altorem: valida eius, sed illicita erit sequens professio in la-
xiori (a).

LXV. Moniales perpetuæ clausuræ voto iam detentæ,
nunquam sine sacrilegii crimine pedes extra monasterii claustrum
promouent quauis causa ad tempus vel breuissimum. Vix in
extrema necessitate terræmotus, incendii, lepræ, epidemiæ, aliæue
id genus periculi communis poterit loci episcopus eas alio, quæ par-
est tutela, transferre (b). Septa earum ingredi, licet nemini
cuiusvis generis, gradus, sexus, ætatis sub anathematis pœ-
na latæ sententiæ, nisi cui ob necessitatem permiserit scripta
licentia episcopus vel superior, puta medico, pomarii cul-
tori, cæmentariis, ægotantium confessariis, ceteris (c). Ac-
cessum quoque ad eas interdixit Bonifacius VIII (d), nem-
pe colloctionem; præterquam præferentibus manifestam,
probamque causam, simul & episcopi permiffum.

LXVI. Clausuræ inuiolabilis custodiam in monasteriis
etiam exemptis cum demandasset Tridentina synodus (e) epi-
scopis auctoritate Sedis apostolicæ delegata: horum idcirco
edictis, synodorumque decretis parere coguntur exemptæ quo-
que sanctimoniales: At quæ ab regularibus, capitulorumque
generalium deputatis reguntur, regularibus ipsis earum & cura
& custodia relicta est (f). Quomodo autem regularis supe-
rior cum sociis istæc monasteria visitare debeat: Alexander
VII constituit (g). Gregorius XV exempta etiam monasteria
monialium in iis, quæ animarum curam; sacram entorum
administrationem; confessarios, & prædicatores verbi Dei e-
piscopis locorum tanquam Sedis apostolicæ delegatis subiecit (h).

Tom. I.

K k k k

LXVII.

(a) Quam Romano solum Pontifici reseruauit Benedictus XIII in *const.*
licet sacra; idibus Febr. 1726.

(b) S. Pius V in *const.* circa *pastoralis* 8, & *const.* *decori* 10. 2 Bull.

(c) Cap. *vn. de statu regul.* in 6, Trid. in *cap. Bonifacii* 5 ead. *sess.* 25.

(d) Trid. *ibidem*. (e) Trid. in *cit. cap. Bonifacii*.

(f) Idem in *cap. monasteria* 9 ead. *sess.* 15 *de regul.* Vide *Greg. XV*
const. 18 to. 3 Bull. 9. 2 & 6.

(g) Alex. VII in *const. felici* 156 tom. 5. Bull. & *Greg. XIII* in *const.*
ubi gratis 23 to. 2 Bull. (h) *Greg. XV* in *const. inscriptibilis* 18 to. 3 Bull.

LXVII. Benedictus XIV functiones ecclesiasticas pro clausura monialium sanctius custodienda confirmavit, & extraordinarias facultates circa ingressum & egressum ex ea reuocavit, salva Ordinarium auctoritate (a). Idemque statuit pro clausura virorum regularium: salvis tamen privilegiis, quæ Sedes apostolica rite concefferit fundatoribus siue insignibus benefactoribus, eorumque consanguineis (b).

LXVIII. Cuncta olim monasteria, omnesque monachos, & sacras virgines, non secus quam clericos iurisdictioni episcoporum paruisse iam liquet (c). Cunctosque interea monachos ab ordinibus ecclesiasticis, & ministerio Sacramentorum ac prædicationis plerunque semotos; perinde ac laicos esse (d), paucis exceptis ad clericatum arbitrio episcoporum assumtis (e). Nonnullis deinde regularibus ecclesias & sacerdotalia munia paulatim conferre satius duxerunt episcopi (f), tum episcopalia quandoque iura cathedralitici & synodatici & visitationis & decimas etiam remittere: harum rerum immunitatem eousque adolescere passi, ut eam ubi vellet conuellere, amplius nequissent, iure præscriptionis defensam initio (g), mox tutatam apostolica diui Gregorii M. (b), & suc-

(h) Bened. XIV in *const. salutare* 40, to. 1 Bullarii.

(b) Idem in *const. regularis disciplina* 39, eod. to. 1 Bullar. Ambas eiusmodi constitutiones quum promulgari hoc in regno rescripisset primum Rex Carolus cum clausula *quoad ecclesiasticas personas tantum*: altero deinde rescripto die 18 Iulii 1743 ad Regalem Cameram S. Claræ, & Curiam Castellani maioris dato permissa earundem publicatio est hac lege, *que con las mismas bulas non se entienda inferido perjuicio alguno a la vanan y derecho de las fundatrices de los monasterios de uno y otro sexo en el caso, que estas se hallen en posesion de entrar en los enunciados monasterios de su fundacion*.

(a) Ex supradictis, hoc tit. num. 5, & infra dicendis lib. 3 num. 11, & seg.

(b) *Can. 1, & segq. C. XVI qu. 1.*
(c) Si populus vel episcopus se in clericum elegerit: age ea, qua clerici sunt, scripsit S. Hieronymus ad Rusticum monachum in *can. sic vive* 26 eadem C. & qu.

(d) *Can. 1, & segq. XVI qu. 3, & 7.*

(e) Quod diuus Gregorius primum monachos exemerit ab episcoporum potestate quod ad electiones abbatum, solutionesque cathedralitici & decimarum, putat Thomasin. to. 1 de vet. & nov. ecl. discipl. lib. 3 cap. 30, & seg.

& succedentium Romanorum Pontificum auctoritate.

LXIX. Posthac iugum iurisdictionis, correctionisque episcopalis paulatim excusserunt monachi, immediatam Sedi apostolicæ subiectionem adepti, & personalem ab episcopo exemptionem, seu si dicere mauis *emancipationem*, quam alii cum diuo Bernardo (a) oderant, probabant alii cum Petro Cluniacensi (b). Multum dique in conciliis Lateranensi III, Viennensi, Constantiensi & Tridentino ea de re conquestis episcopis iurisdictionem suam exemptionibus & perturbari & destrui, exemptionisque occasione laxioris vitæ præberi: præualuit sententia moribus probatissima, ut cunctos regularium ordines, personasque summus Pontifex immediate sibi subiectos retinens ordinariam in eos iurisdictionem Superioribus regularibus dimitteret, delegatam Sedis apostolicæ Conseruatoribus (c), aliisue Iudicibus mandaret ad libitum suum. Nonnullæ vix excipiuntur causæ, in quibus vel relicta vel mandata episcopis est iurdictio in Regulares a Patribus Tridentinis, vel Pontificiis constitutionibus, alibi opportunius edificanda (d). Propterea non valent nunc Episcopi Regularibus vetare prædicationem in propriis suorum Ordinum ecclesiis: tametsi licentiam prædicandi teneantur ii petere (e).

LXX. Hinc abbatibus Ordinum regularium, qui iurisdictionem quasi episcopalem in monasteriis, personisque sibi subiectis obtinent, Benedictus XIV facultatem perinde ac episcopis esse probauit. impertiendi pontificiam benedictionem su-

Kkkk 2

per

(a) S. Bernardus ep. 42. *Abbatēs, inquit, spoliāt ecclesiās, et emancipentur; redimunt se, ne obediāt.*

(b) Petrus Cluniacensis in apologia, hunc unum solum & maximum, respondit, nos habere episcopum gloriamur, huic soli specialiter obediunt, ab hoc solo, si causa quod ab sit, exigeret, interdici, suspendi atque excommunicari possumus. Et Gotfridus Vindocinensis lib. 2 ep. 27. *Acaphali, ait, non sumus, quia Christum Salvatorem caput habemus, & post ipsum Romanum Pontificem.*

(c) De iis loquitur textus in cap. 1. & ult. de offic. deleg. in 6, & Trid. sess. 14 de reform. cap. 5, & nonnulla dixi tit. 35.

(d) Lib. 3 harum Insl. tit. 12 num. 40, & seqq.

(e) Ex Clem. X const. superna 7 §. 3 to. 3 Bull.

per populum statis diebus a Sede apostolica indultis (a).
 LXXI. Clerici seculares de Oratorio, alique id genus quamvis in congregationem & collegium redacti nullam habent ab Ordinariis locorum exemptionem. S. Philippi Nerii Florentini tanquam Præpositi, & presbyterorum clericorum ipsius instituta sectantium precibus indulgens Gregorius XIII anno 1475 *Congregationem presbyterorum, clericorumque secularium de Oratorio sine alicuius præiudicio* erexit & instituit, in parochiali ecclesia S. M. Vallicellæ regionis pontis seu parionis de vrbe, quam eidem Congregationi concessit cum omnibus bonis, redditibus & iuribus, vt curam animarum ei imminentem presbyteri ipsi ab apostolica Sede, eiusue Vicario generale approbandi exercerent, eique inferuient: & statuta sibi condendi facultatem indulsit (b). Mox Paulus V anno 1612 eiusdem Congregationis instituta probauit (c). In his cautum speciatiim, vt siquæ aliorum locorum collegia & congregationes eadem instituta seruare voluerint & obtinuerint, non sint Romane Congregationi adnexa, eorumque clerici non sint e Congregatione Oratorii Romani, vt vnaquæque domus aut familia eandem formam sectata separatim se ab aliis regnat & moderetur. Vota regularium solemnia non profitentes vt arbitrium habent redeundi ad suas domos seculares, & ita iudicio duarum ex tribus partium expelluntur. Neapolitana Congregatio eiusmodi Presbyterorum secularium instituta istæc S. Philippi Nerii dudum amplexa tenet adhuc.

LXXII. Libertas cuique legibus nostris data eligendi sepulturam in causa quidem est, vt Regulares corpora defunctorum saluo parochiali iure deferre, suisque in ecclesiis tumu-

(a) Bened. XIV in *const. exemplis prædecessorum nostrorum* 48, die 19 Martii 1748, to. 2 Bullarii, cuius publicationem Rex Carolus permisit regio rescripto ad Regalem Cameram S. Clare, & Curiam Cap. Mai. date die 19 Aprilis 1748.

(b) Greg. XIII in *const. copiosus* 101 to. 2 Bolla Cherub.

(c) Paul. V in *const. Christianifidelium* 92 to. 3 Bull.

Liber I. Tit. XXXII, & ult. De regularibus. 631
mulare non prohibeantur. Urbanus VIII speciatim statuit
non posse Regularibus vetari, quominus cadauera fidelium
associent (a). Et Clemens X probavit S. Congr. Episc. &
Regul. decreta, quod sacras functiones & officia funebria
super corporibus defunctorum, qui sunt in ecclesiis Regularium
tumulandi, ipsi tantum Regulares obirent, nec parochis
cadauera sociantibus licere ecclesias Regularium ingredi,
sed ea debere ad ianuam earundem ecclesiarum dimittere (b).

Explicit Liber I.

Cuius recusio auctore ipso curante absoluta est mense Augusto 1766.

(a) Urban. VIII in *const. nuper* 188 §. 2 to. 5 Bull.

(b) Clem. X in *const. nuper* 55 §. 2, & 3, & *const. alias* 58 §. 2 to. 5 Bull. Cherub.

Dilecto Filio Carolo Gagliardo Neapolim.

B*enedictus PP. XIV. Dilecte Fili, salutem & Apostolicam benedictionem.* Riceviamo il primo tomo delle sue Istituzioni del Jus Canonico, che ha dedicate a Noi, del che distintamente la ringraziamo: ed ella può restar sicura, che lo leggeremo a tempo e luogo, essendo la materia di nostro genio, e del nostro mestiere. Circa poi l'entrar nel fondo delle dispute fra il Sacerdozio e l'Imperio, e se ella si sia contenuta colla dovuta moderazione, diremo che lo crediamo attesa la di lei probità: ma che infino ad ora nulla di sicuro possiam dire, non avendo letto, che la dedicatoria indirizzata a Noi, piena di lodi da Noi non meritate, e l'idea dell'opera, ch'è espressa nelle prime pagine. Desideriamo occasioni da poter fare apparire ad ognuno la nostra riconoscenza per la bontà usata verso di Noi: terminando intanto coll'Apostolica benedizione. *Datum Romæ apud S. Mariam Majorem die 27 Decembris 1757. Pontificatus nostri anno XVIII.*

Dilecto Filio Carolo Gagliardo Neapolim.

C*LEMENS XIII. PP. Dilecte Fili, salutem & Apostolicam benedictionem.* Con molto piacere abbiamo accolto il quinto volume della sua opera accompagnato d'una lettera piena d'ossequiosi sentimenti per la S.Sede, e per la Nostra Persona. Vogliamo credere, che il pregio di quella sarà accresciuto non meno per questo proseguimento, che per le abbondanti aggiunte fatte nella presente seconda edizione, mentre Noi fra la molteplicità delle Nostre occupazioni non possiamo che bramare di aver qualche riposo per gustare il frutto delle sue fatiche, e rilevarne maggiormente il di lei valore nell'ecclesiastiche scienze. Intanto eccitandola a continuare d'impiegare i suoi talenti con propria lode, ed altrui vantaggio, l'asscuriamo sempre più del Nostro gradimento, e del desiderio, che

che abbiamo di confermarglielo nell'incontri, che s' offerisse-
ro. In ripruova de' quali Nostri sentimenti, e della speciale
Paterna affezione, con cui vien ella da Noi riguardata, le
concediamo l'Appostolica benedizione. *Datum Roma apud S. Ma-
riam Majorem XIV. Kal. Aug. MDCCLXV. Pontificatus Nostri
anno octavo.*

*Lettera di Mons. Boschi Arcivescovo di Asene,
già ora Cardinale.*

DAL Signor Avvocato Pugliesi di Rivera nello stesso
tempo, ch'egli si è portato ad umiliare a Nostro Si-
gnore le Istituzioni Canoniche, ultimamente stampate da
V. S. Illustriss., è stata per di lei parte a me regalata una
copia delle medesime in quattro volumi, coll'accompagna-
mento della di Lei lettera in data de' 22 Dicembre prossi-
mo passato, con cui rende più obbligante il dono, quanto
più gentili sono, e per me onorevoli l'espressioni, delle qua-
li si è compiaciuta fornirla. Del gradimento di Sua Santità
non occorre che io entri a parlare, quando V. S. Illustriss.
ne avrà in dirittura il Pontificio riscontro. Onde mi restringo
a renderlo io, come debbo, i miei particolari ringraziamenti;
assicurandola d'aver sommamente gradita un'Opera, che per
la chiarezza del metodo, per la cultura dello stile, e per l'ab-
bondanza delle cognizioni più adattate a' nostri tempi e co-
stumi non può non essere ricercatissima; ed a me servirà cer-
tamente per richiamare alla memoria, ed estender di molto
la notizia di quelle cose, che da qualche tempo s'erano la-
sciate a dietro, per dar luogo alle altre più confacenti alla
presente situazione. E qui offerendo a VS. Illustriss. col-
la maggior candidezza d'animo la riverente servitù mia, pie-
no di stima pel suo merito, divotamente mi rassegnò. Ro-
ma 22 del 1765.

Di VS. Illustriss.

Divotiss. ed Obblig. Servit.
G.C. Arcivescovo d'Asene.

Di-

Dilecto Filio Carolo Gagliardo Neapolim .

CLEMENS XIII. PP. *Dilecte Fili, salutem & Apostolicam Benedictionem.* Con ispecial gradimento abbiamo ricevuti i quattro to mi delle sue Istituzioni Canoniche, le quali a Noi ha dedicate con anche accompagnarle colla sua lettera a parte, ripiena di espressioni d'ossequio e d'attaccamento per la S. Sede, e per la Nostra Persona. Ancorchè per la brevità del tempo e per le gravi nostre occupazioni non abbiain potuto leggere la sua Opera: ad ogni modo la di lei probità unita alla saviezza dell'intendimento suo ci somministrano un abbondante argomento dell' integrità e rettitudine delle sue dottrine, e ci persuadono che i sentimenti del libro interamente corrisponderanno, e saranno uniformi alle dichiarazioni dell' animo suo, con cui ha voluto prevenirci. Sul fondamento d'una tale fiducia possiamo seco lei rallegrarci dell'onore, e del credito, che giustamente verrà a conseguire colle sue dotte fattiche, e nel tempo istesso la confortiamo a render sempre maggiormente chiaro il suo nome con altre opere dirette all' istruzione altrui ne' buoni e profittevoli studj. In fine ringraziandola di cuore per la bella offerta fattaci, l'assicuriamo di un particolar desiderio di palesarle all' occasione la parzialità, con cui la riguardiamo; in riprova della quale intanto con paterno animo le diamo l' Apostolica Benedizione. *Datum Romae apud S. Mariam Majorem XI. Kal. Febr. MDCCCLXV. Pontificatus nostri anno septimo.*

71

11

36

11A1
1530154

166.
15
20.



